

四庫未收書輯刊編纂委員會編

四庫未收書輯刊


北京出版社

陸輯·貳拾陸册

四庫未收書輯刊

四庫未收書輯刊編纂委員會編

北京出版社



陸輯 · 貳拾陸册目錄

心月軒稿十七卷 [明] 鄧士亮撰

一

賜誠堂文集十六卷附錄一卷 [明] 管紹寧撰

一四七

莊管集一卷七幅菴集一卷唾心集一卷步天集一卷英雄失路集一卷拔

劍集一卷筌篋集一卷藏樓集一卷鴛鴦迴紋詩一卷 [明] 傅汝舟撰 二五七

金忠節公文集八卷 [明] 金鉉撰 四二一

蘿石山房文鈔四卷首一卷 [明] 左懋第撰 五三一

左忠貞公剩藁四卷 [明] 左懋第撰 六四一

居易堂詩集一卷 [明] 林塗撰 七二一

〔明〕鄧士亮撰

心月軒稿十七卷

明末刻本

心月軒稿序

始吾家阿咸以樓船將軍駐
粵海曾共寅侯獲夷銳每言
輦上君子多矣卽無如寅侯
膽智具足且其詩文字字皆
丹不止珠璣百貫也今年過
邗逢逢款乃交臂而去之不
意寅侯未能忘我且言我與
公安竟陵不同衣鉢而各自
飽暖予何敢當寅侯知已也
寅侯函其心月軒稿示教予
燒二尺燭燕笋引觥一目一

心月軒自叙序一

口覺兩腋風謾謾如從松下

來輒謂詩文一竅決非今生
撮辦有心及之而舌不能及
有舌及之而手不能及有手
及之而學問考訂不能及大
約底滯蹇昧之人研此道淺
而朗圓英爽之輩入此道深
寅侯落筆墨盡皆香廬山三
疊峰鐵萬仞五泄龍居雪銀
雄走吾快讀一過生平樂處
哀梨火棗無有此脆也寅侯
關於邗浦而予亦適復關於

心月軒自叙序二

燕陰鑱硯代端土灰作墨日
言阿堵時握筭豆覺措大睂
宇漸變白衣兒賈而來心月
一照盎然掬水冷沁一時乃
知令尹喜自是真人不在老
子下也

心月軒自叙

序三

山陰友弟王思任題



心月軒稿卷一

賦

騎驢賦

木鴈賦

藏釵賦

心月軒

卷一

乙

等川鄧子亮侯著

賦

騎驢賦

予以病簡出友人何季緯貽書云昔賢騎驢
遍適郊市兩家必相笑矣不知予近已置驢
跨彩鞍而行時也因賦焉

若夫周行載驅驟輪接軌良駿之名君子是比
彩勒騰繡金鞭耀紫電飛血汗霞翩駉駉人稱
王孫乘名千里朝馳丹丘夕宿錦水洵龍媒之
俊骨詎疲駘之足擬矧蹇驢兮何當一視然而
銜玉衡者取其適汝金樞者不以形爾其聰敏
著聞寬詳有度峻耳竒姿輕蹄善步候至聳發
氣揚靡懼腹果自奮寧計旦暮而又去地甚遠
銜筆無驚徐之非緩疾之非競策之易騁控之
易停以予弱質躄便身寧于烏采珊瑚而飾轡

錯珠銀以繡鞍越銅鑄鏤吳絲織繁枯其匪罽

搗黍為馨烟林馴接野日盤桓春草秋風到虛

為樂日與子瑜尋山問壑亦如大阮携觴即酌

僕夫勿顧我自欣躍幅巾短衫不計款整未聞

送謁希踪滅影雪中得句霸橋風景斟酌上國

莫逢京尹若其形神爽颯仰則笑天子荆學之

作聳宛然旅次喜聞差慰仲宣美哉衛子驢說

高賢共憐我亦其倚塵俗愁侵謁客不紹爾為

心月軒

卷一

子

通名拳眼不愕恚主情親華從丹靛知非素心

木馬賦

予在峽州齋中有木馬一隻士夫家婚禮必

須此馬為具榼酒雲履以請厚者佐以他物

喜而有賦

雲汀沙浦百禽羽聚惟陽鳥兮靜一貞處婚禮

重之以列費宮良材雕鷓宛宵形踪姿澤妍美

致度雍容般駕遜巧宋楮讓工管纓之家華胄

之子銀河期會桃夭燕喜盡旗飛丹繡乘翮綺
必茲禽之前隊斯增輝於黨里于焉治芳醴陳
錦鳥佐以筐篚爛焉賁奕詣并軒而藉寵慶為
儀之瑞翮盛之以珠盤文之以彩綴旭日既旦
佳耦絲牽族匪一姓擁路爭先湏序次而相及
或改吉以鳴軒圭竇蓬室毋敢望焉夫連理春
風瑞屏光憑孔雀前姻月譜紅綃艷拂鳶皇乃
斯物之匠鏤亦取象於蘭房雖如歛翼而有待
復似昂首而呈祥而又况行陣不競避繳稱智
處則候時出則為贊感來賓於秋仲亦題塔於
春季宜斯文之共珍詎以鳴躍見貴典禮既竣
仍還於犢空齋作伴琴牀詩軸矯又不群寧瀾
塵俗某睹物欣情逍遙泮水口饗玉液之醞足
躡飛雲之履破岑寂而瞻貧懷明德於無已擬
歲終為卜日其薦爾以苜苜

藏劍賦

有客為長身魁岸雙皆炬照軒鼻戟髯詣子揖
曰開子有良劍請觀之予出以示客睽視欣賞
為具千金價以售予謝之因賦以紀夫五山定
質二氣凝精天風鼓橐火正司衡神光陸離上
燭紫旻靈搜兔胆彩煥龜鱗洵良器之非偶識
重物之為珍是以金爐飛焰良工代有英雄三
尺決陣摧朽風雨嚴霜匣中自吼晝躍詭魂夜
泣鬼母若乃恩賜殿廷佩解舟師掘石函而應
象帶櫛具以增輝崆峒壯志伊吾鳴威服之得
吉君子是宜即茲劍之異常久殺章於瑤犢購
者願以千金發星鋌而燁郁男兒肝腸向人則
瀝豈其秘惜不以借客馬燧効款於光顏李愬
傾悅於元翼况以某之投烟每感時而憤激世
罕其人未可輕委咸陽俠氣五陵豪士交游已
遍滿眼誰是何如貞固自韞其美于是珠韞韞
艷金飾鞞容局之堅珉虎豹為封繡蝕不侵掩

映輕虹雲深秋水霧隱芙蓉有時啟拭其赤如
 火臨風起舞從旁神墮張即許窺筆妙似麼撫
 鐔大叫龍泉知我噫嘻方今海內多妖狐神物
 不現天模糊可能干霄淨虜塞梭貌愁折風雷
 呼壯心肯放劍芝枯

心月軒
 卷二
 五

心月軒稿卷二

詩

讀何隨卿采真集

項生白以雁字詩見投

項生白約游大崖山洞和答

過賢女沉江處同淨允侄賦

客寓喜峻生侄鄉捷二首

新春題友人書舍
 壽鄉老

題王開座樵園四首

題林任先父母甘霖卷

秋雨
 寶劍

飲侄衍叔郊館四首
 喜雨

宿野祠
 鶴唳二首

燈市
 友人席間賦

懷賀對揚太史
 懷潘太一述評

題王鏡水先生從祀鄉賢卷二首

游鳳皇寺感賦

北歸渡江投寓馬僧房

客中贈吉陽揮使兄 感懷

集張元晉宅賦燈前菊影四首

夜泊

同何季緯張元晉諸友集馬中貴花園

戊申除夕

短鬢

娶內

憶西湖

心月軒

卷二

二

閩游二首

濠上

經友人墓

讀周濂溪先生志書

五日同張元晉徐震卿致宇兄飲開座樵園

漫興

壽汪雪艇父母題瑤池瑞賦卷六首

為友人悼姬

友人携妓事甚奇戲贈二首

閩思

華清宮

汴樓贈妓

戲贈歌者將誕

訪道者

答祝義所

蕩子洗軍行

妾薄命

子夜歌四首

贈陳杏齋四首

杏齋鄉飲

送別僧

大水歌和謝叔蒙先生韻

題徐僧卷

代寄二首

心月軒

卷二

三

野望

予往過繇湖甚易丙午冬上計偕周茂先謝敬

之熊志望過馬脩苦極矣憶往慨嘆遂賦一

章

偶閱侄輩文寄示峻生

花月歌

聞侄茂叔鄉捷志喜

贈吳定庵上人

戲示道者

溪流

夜坐偶成

乙丑除夕

贈四垣侄

贈李向明

游王開座覓了園二首

予自粵還里上計都門今又自家往粵淨九徑

屢以詩投問賦答四章

予九上公車壯念沉鬱茲復以代 覲及量轉

之役匆又往返不勝苦辛感賦

客行遇早

見祈雨戲題

葉侗素孝蕙北上道中不遇

心月軒

卷二

四

自粵之京謁黃梁祠

寄懷周海日郡守

聞崇邑多虎

游仙曲二首

九日掃先大夫墓

贈僧

舟中乏糧乞米于張我知值我知外出其居宅

浸湖水中感賦

紅梅

七夕祠

題甲辰副榜卷尾

游友人郊園賦得開字

題魏肖生少司農青山閣

山中

題謝松屏先生 天恩存問卷

贈僧

代浣沙娘答謝康樂 都門候補一首

補錦衣廳

送王開座南游二首 輓周海日

魏肖生惠畫毒扇 詠錢

悼友人 游友人園

心月軒

卷二

五

贈人 京師祈雨

臨池 得李少白書

客夜逢友人 贈袁軫卿

雪中舞鶴

王天虞摠戎惠銃鳴錄 美人

醉月 哭順侯弟十首

懷熊維遠山人 贈徐明卿

錦衣李方山司理署中祠宮之樹側產有金芝

數莖共賦 又四絕

題陳旭菴寅丈雙壽卷

春初麗味一寅丈招集半山園

笑詩二首和啟白侄 四咲詩

得伯魁侄孫鄉捷報 讀劉大者詩

邗閔答汪峻民山人 七夕

讀龔安治近詩

淮揚大水四首

心月軒

卷二

六

心月軒稿卷二

華川鄧士亮寅侯著

讀何隨卿來真集

少年工作賦披賞即開顏蓬島吟中出倭踪卷

內攀道情純玉笈風韻落雲閑果否玄真子應

逢一咲還

項生白以馬字詩見投

相看世味輕雙眼到君明疎懶駭人格崎嶇韻

心月軒

卷二

七

士情篇中驚羽噉字裏覺秋清近社如菟塚逢

人莫問盟

項生白約游大崖山洞和答

悠然依勝地作賦似相矜與窈窕藏帙雲空豈

貯僧嘯應分籟響坐喜到雲岑亦有看山屐塵

心愧未登

過賢女沉江處同淨允侄賦

片石有餘芬微苔蝕繡紋未遑徵野史聊以看

碑文灘咽蘋花淚波寒曉黛雲鬢眉空漢子令
節幾曾聞

客寓喜俊生任鄉捷

涼葉蕉衫舊從今卸却時螢囊攻夜卷硯鐵破
秋池織錦曾傳夢簪花待賦詩歡情渾不耐呼
酒醉瓊卮有士人夢至一處見織錦者問之皆科名也

二

城頭紫氣分曙色春秋雲靈耀生花管光流辟

心月軒

卷二

二

靈芸宮蟾銀幄曉桂粟綺蓮熏散借仙樓鶴家
山早寄聞

新春題友人書舍

爆響消三日風光受一惟筆鋒初出凍書卷又
披曦物候催英俊生涯長歲時請看九萬翼冲
舉到天池

壽鄉老

只緣稱壽酒便得看秋山流水喧閑路疎雲冷

瘦顏近哇多竹樹此地亦人間醉裏何營念沉
沉自閉閑

題王開座樵園四首

誰解樵中趣樵園君自題斐桐俯郭北萬竹映
簷西壁上烟蘿挂巖間霧鳥栖深林應一咲柯
柄與人齊

二

世事今堪怪樵翁也賦詩水滂香泛又花塢影

心月軒

卷二

三

離又宛轉虹橋出參差雉堞危憑欄多眺望不
是賣薪兒

三

元祐何人筆遺鶴古樹前閑依醉石飲倦枕白
雲眠愛容山雞舞澄流晚翠妍近城難構此君
費幾多錢園有白雲臺研石字

四

好景還應盡風光任意收清冷嶺上月滴瀝兩

餘秋俗子糊猴弄先此見有鬼物高人水石番避塵真
欲懶世網謾相求

題林任先父母耳霖卷

歲事呼天日驕陽涕欲垂神鳥風不驗爛石兩
相欺焰酷山疑灸烟深樹似吹蓮枯堯率界金
樂鬱林池魃鬼真乖角龍神太訖衰未曾逢燕
舞那得覓鳩隨氣裂水紋箴威侵玉綴惟愁來
鷗失渚望斷鷺尋陂淚涸鮫人眼機殘織女絲

心月軒

卷二

四

枉勞巫峽夢虛請鶴鳴詩萬井俱哀訴三農盡
慘悲賢侯臨漢水善政洽群黎道骨天私與佛
心衆共知虔忱問畢宿發願禮朝曦太乙親勤
禱東皇屢設祠蕊燦紛彩炬清灌薦瓊危標窟
尋深浦排閭踐險峽直須傾壁帛寧復斬牲犧
更有瑤章艷如同寶色披西洋踞捧積南岳寫
傳碑怪物憑空闕疾風撼面吹靈華怒閃照霹
靂吼張髭瀑勢驚摧戶潮聲恍落籬紫鷺蹇渤

浪瑤島散雲脂泮溜天門坼翻波地軸危情應
環艾苦運際作霖奇米價市爭賤林田晚定宜
藻林花繞萼艷圃翠懸枝梁茨欣吟賦倉箱喜
動眉詞人潤翰墨游客醉醕醕似沃仙源滴還
分象椀飴湘流千里月秋舞看童兒

秋雨

鴉響驚宵燭鳩號晧曉眠白波雲際雨黃葉霧
中天寒意濃欺坐秋聲亂入蓮蕉衫難著體瘦
骨欲加綿

心月軒

卷十

五

寶劍

峰煙今多警思君忽地逢月明頻泣鬼沙凍未
迷龍俠氣誰為客教場解贈儂將軍愛金印只
此立邊庸

飲侄衍叔郊館四首

窺景未雲徑尋幽到藕塘閑又禽語細說又水
聲涼著袂花生潤侵脾竹送香自然催雅興一

笑是詩場

二

就非吟酒客到此定啣杯兩樹劉安桂雙杖度
嶺霽月香清夜冷春色美人來放達今吾老應
憐小阮才

三

累石初成築茅亭已決辰撥晴鶯奮攫窺席驚
群燭燃火枯鬚竹吹羹活水鱗未湏煩勸侑雅

心月軒

卷二

六

意自清真

四

輕舟元許覓一水任從容側岸殘花映斜汀亂
葦絳清觴還度曲片月已留松不盡山重意頻
來可更從

喜雨

夏日如金雨殘宵勢似傾輕寒未燭下起舞到
天明震地潮疑落催簷瀑不驚相逢多慰勞歡

意動山城

宿野祠

人烟自一村溪流曲映門香火開殘廟雞芻薦
夜視蛙聲懸枕開雨色逗窓昏不醉難成寐淒
涼客思渾

鶴唳二首

高人愛鶴許隨行縹緲澄空玉韻鏗仙鳥能言
人不識客窓有雨聽還明為依秋色呼鼻冷却

心月軒

卷二

七

伴松濤送谷清曾把禽經細品閱九音無此洗
塵情

二

竹閑芝晚摠含情裊又堪憐瘦骨清逸韻不愁
烟嶺隔高吟任放雪衣輕幾撥空際雲俱響乍
落簷前意忽驚紀興會聞常曲在鯤絃鐵撥未
須鳴

燈市

帝第春陽日祥光帶九衢碧樓卷漢列丹拱映
 霞鋪 倦苑晴初煥 御池柳款款雲開彩鳳
 扇氣裊玉蟾爐曉仗欣傳勝從臣許 賜醕
 內錢頒少府官禁弛金吾填市花盈肆環車錦
 側奎家又懸重貝處又擁文瑜彛鼎分周漢琮
 璜雜夏虞精瑩射水碧潤躡選珊瑚梁代奇璽
 石隋侯燭室珠摩挲態炫妙隱眼目驚殊高閣
 珍筵麗佳人巧飾娛輕粧畫鈴匝艷織繡纒瑜
 心月軒 卷二 八
 冶曲低檀拍嬌歌篋象竿但將啟雪繁那復惜
 青蚨許史名矜里金張族擅都外家新拜 命
 戚卸舊分符宗牒瑶枝秀中璫綺佩紆明光貴
 執戟羽獵壯彘孤更有長衫俠還蕪古褶儒尖
 肩斜顛子大鼻銳頭奴怪服疑閩越方言半楚
 吳賈偕商共集僧亦道之徒俱逐芳辰開宵令
 樂意孤和風况韶蕩美景未模餉五木開場局
 六街爭踴踴衆中聞喝彩叢裏看樗蒲少女掣

竿索健兒把屬鏐打毬競隊偶走馬向城隅賭
 博堪消畫酣沈豈計壺為愁烏影滅特倩兔輪
 扶火樹遙飛閣星橋近接壚香堤塵撲面煙井
 霧連鞘鷺屢騰空出醜獅架陣趨登門或百寶
 挿席可千株萑蒿燃如燎葡萄爛不枯麟膏蒸
 麝腦駝髓侑屠蘇壁動裁雲剪屏張鏐烏圖士
 人祈太乙婆娑設仙姑翠袖舞鸚鵡朱唇唱鷓
 鴒几簾經夜煖絃管徹霄呼蓮漏應竟矣銀燈
 心月軒 卷二 九
 可耐乎浮生須快適覓醉莫躊躇
 友人席間賦
 美人香袖舞樓臺紅粉嬌看羅綺開樂府詞中
 稱女史敬姬場內見仙才幽情自譜牙婆曲劇
 興還彈小忽雷好贈江南新樣句夜深銀燭更
 須催
 懷賀對揚太史
 弱冠共文名相驚未相覩君褰夏門幟我打蒲

山鼓落魄予就選君來相顧語結束淺色衣風
神媿非伍恍惚接天人玉屑紛飛吐不須胡粉
抹魁岸朝霞拳問君來何事恁嘆意酸楚聞子
俯青黏我亦隨步武下雉潘郎來一咲執子手
兩公小草耶昂足子堪輔片時三文星清齋漱
藝圃潘郎擊南溟君更摩天舞兩稚矯又飛一
雌伏寒土枯管已無靈抱璞向誰剖中夜視明
河涕泗懷良友

心月軒

卷二

十一

懷潘太一廷評

清才原擬擅詞場十五城將彩壁償應試寬仁
自漢法為欣明允借仙郎馬侵馳道霜鐘動花
映鈎簾棘署香愧我分携仍落拓雄心空復問
魚腸

題王鏡水先生從祀鄉賢卷二首

邑小偏多論同聲共許賢芳規懸冕綬異典育
林泉俎豆依先哲笙鏞豈俗筵從今想道貌長

在聖人前

二

西蜀祠猶在精靈兩地忙文人堪列昂高士喜
登堂席共青箱遠名增別乘香先生官別駕粉榆未
寂寞彩筆開詩場

游鳳凰寺感賦

我來游山寺感慨真成異高山雲霧飛是昔讀
書地東察舊局促于今起新屋西察舊富饒于
今食無粟老僧一笑迎老僧還未老語吞尚精
神秘典差通曉沙彌五七人淒涼數漸少沿鉢
事遨遊飄泊多岩島一寺尚且然世事那能全
悟得玄虛理秋風問酒船

北歸渡江投寓馬僧房

指點家山烟樹疑未堪欲渡雨垂又鶯花無主
春光謝書劍違時客騎遲歸興寂寥塵世笑出
情恬淡老僧知去年寒火霜飈急是爾題詩送

心月軒

卷二

十一

我時

客中贈吉陽揮使兄

先人家學藏墳籍未有陰符弄寸戟吾兄偉貌
氣飛揚奮將青袍為碎擲千兩黃金飾馬鞍半
斛明珠控劍缺未領行陣塞下營且輸指畫元
戎笑嗟予失意長安歸渡江疾雨濕征衣僧房
借宿無半錢僕夫日午尚猶饑偶聞兄來武昌
城連雲盡舸耀江津予為三嘆長涕下文章空
心月軒 卷二 十三

感懷

爾誤虛名世間文難武不易我欲縛雞心猶喘
但看指顧立邊勛為君摩寫天山記
聲價文章定假真可堪燕薊往遊頻霜侵簷屨
空携賦雲冷裘衫未換貧倍客柳榆疑是鬼壯
懷憤悒尚稱人韶光去又誰能挽漸看愁鬢著
染新

集張元晉宅賦燈前菊影四首

共扶看花眼清秋夜一樽沉又井苔景淡又沅
波魂架葉流雲彩屏英落剪痕幽情忻對此歌
管莫聲喧

二

點綴鋪新樣更闌坐正親光分霧縠細熳帶墨
枝勻羽客餐雞給芸窓畫却真園亭多恠事料
以是花神

三

心月軒 卷二 十三
娟又儂宮色輕描淺林中詎云供隱逸恰爾墮
虛空秋水烟千縷東籬月一籠相看渾欲舞清
興付詩筒

四

只怕炬光微羊容朗更輝幻情遊鶴嶺幽夢到
陶扉映壁疑流蝶飄蓬欲染衣同人歡一醉何
必滿頭歸

夜泊

初夜波烟淨聞音雜異鄉景應看浩碧人自得
空涼魚網籠灘月鷗波隱石梁城頭鼓角近盜
掠未須防

同何季緯張元晉諸友集馬中貴花園

千樹裏又垂巾袖拂烟絲圍局分行巧亭窓列
構奇異石峰噴岫名花艷歲稔登堂坐未整主
人出新詩清心妙追琢聽然一解頤高懷憑脫
縱綺曲帶雲飛抖擻快鯨飲一石豈如泥只愁

酒家胡不典賜龍衣

戊申除夕

四壁何須問彩翎餘更獨對燭花青行藏作計
心難主兒女閱情淚未停窮鬼詭符驅不去詩
神栢酒祭應靈一年殘案無多事曉起焚香讀
道經

短鬢

短鬢已蕭疎雙眉幾度舒憶兒憐婦語

時有亡
兒之感

問字借鄰書歲月休殘社鶯花老一廬柳將入
事減高卧午窓虛

娶內

冠袍強飾豈稱歡垂老姻緣却自難八口有家
煩料理一身無子劇悲酸月明繡閣頻添綠春
滿瑤觴未覺寒椎布已欣偕素念幾時蘭桂倚
相看

憶西湖

汪伯玉屠長卿諸名士會大會西
湖

心月軒

卷上

十五

孤裝千里嘆囊空遙想雲山秋色籠疑到西冷
別有月憑誰靈隱共聞鐘棹穿蕙首平橋出歌
帶芙蓉入露濼名勝當年司馬會風流愧未許
相從

閑游二首

拘促何閑事行游且任情在城雲亦俗到野樹
偏清粟穗黃如裊萍心綠似迎更須為領畧沙
畔有謳聲

二

松古臨風嘯鷹群選石蹲輕烟花護又斜確水
細又憑却飛雲履何須整角巾一城看似飽能
見幾遊人

漆上

天不仰鼻息地不憑唾嚏此形了無得以我知

魚趣

經友人墓

心月軒

卷二

十六

墓樹何時種成園想十年碑餘看蕪跡兒解置
祠田白骨難存俠青山稍記賢其餘荒塚地壘

壘盡榛烟

讀周漁溪先生志書

伏羲不見又元公四十餘年一夢中正覺從未
領法匠遺書猶自啟顛蒙草環階畔蓮依水風
掃亭軒月在空會得門人吟弄趣祇從巖洞洩

玄工

先生
語元

五日同張元晉徐震鄉致字兄飲開座推

園

共泛蒲觴佐玉餐主人元自愛盤桓直將屈子
千秋恨消入樵園半日秋絕嶺臺荒雲未去平
沙石醉水猶漫人間浪詭都枯盡一咲張郎子

夏冠

元晉喜
別發刻

漫興

誰作輕衫伴春光駘蕩游和雲吹野笛桐月到

心月軒

卷二

十五

滄洲

壽汪雪姪父母題瑤池瑞賦卷六首

玉局仙郎第幾行平駘瑤駕下雲間履飛北闕

星辰近家住瑤宮海嶽長

二

掃漢蓬山紫氣遮盤虬遠樹控青霞拾未滿袖
金光草分到河陽縣裏花

三

彈琴碧瀉滿湘鳴曲裏調高春滿城半雜雲和
鳳起舞天風吹下董夔成

四

勾漏丹成紫玉妍招徠羽蓋簇香筵藥調白兔
銀臺曉脯擘朱麟寶饌鮮

五

宿光碧落斗傍高旌指杖桑膽氣豪岳麓雲開
靈壽杖芙蓉翠色染秋袍

心月軒

卷二

十八

六

天門燁郁彩雲翔仙吏行看入建章五嶽栢梁
還舊蹟好逢王母覓金箱

為友人悼姬

流螢蕭冷蝶孤飛殘涕不禁掩繡闌有恨私憐
粧鬢懶含情羞語抱衾稀香臺月隱愁被鏡翠
幙花沉罷鏤衣展轉思深秋雨夜佩環未信峽
雲歸

友人携妓事甚奇戲贈二首

羅幃寂又夜深寒一騎青娥出楚閩不斷香風
催玉鏡呼來明月照芳顏長堤柳拂籠烟粉近
浦花清映佩環從此歌樓休更問輕鞭裏又去
難攀

二

清肌綽約久知名妙態翩然紫玉輕題就詩篇
謝好又看來拍樣薛瓊又出園綠蝶傳花信香

心月軒

卷二

十九

使青鸞紀夜程何似年又勞悵望春風携手醉
瑤笙

閨思

銀箏夜月楊清薇玉漏初添花影微一曲涼州
春不度輕風寒透越羅衣

華清宮

天清雲樹彩鸞迴寶蓋珠簾碧殿開一曲張徽
明月夜蕭條滄兩峽中來

汴樓贈妓

含情送態艷秋波妙曲新聲子夜多樽酒整晉
休纏縵明朝風雨渡黃河

戲贈歌者將誕

宛轉歌喉白雪霏雲鈿翡翠艷香幃小蠻見說
腰肢細莫向樽前鬪舞衣

二

結束倚欄清晝長蛾眉慵掃鬢慵梳幽懷自飲

心月軒

卷二

二

風情減羞却花間窈窕娘

三

芳華弱質幾多圖猶憶秦樓夜月輝任是鞦韆
競冶態只今難作彩雲飛

四

花葉西園錦似鋪香塵欲步倩誰扶金蓮著地
垂又舞惱殺輕盈潘玉奴

訪道者

林深翠幾盤絕頂道心安雲護綃紋履風清笋
殼剝蕪疑樵草是仙混牧兒看一鉢茅庵火爐
紅定不寒

答祝義所

憐予踪跡苦別後不堪提焦悴未生子淒涼已
易妻貧從快括誤家向水雲栖何處五臺路蒼
蒼望正迷

蕩子從軍行

心月軒

卷二

三

蕩子邊沙去妾心憶芳年蕙質藕絲服婀娜彩
飾便十二金鳳凰一一結文幄誰為蕩子謀繁
駿章臺前繡鞍金匿匝寶勒玉連錢薦蘿欣子
附妾身許周旋並羨雙蓮秀交裹霞華鮮持裳
陳艷舞命爵發朱絃八角合歡帶盟誓永不捐
塞垣烽火急秋高殺氣纏蕩子志酬國應募走
幽燕寒影金微月黃塵鉄勒烟曉虹流舞劍夜
雪照垂弦屯雲烏陣合噴玉馬蹄穿輕刀逐冒

頰長纓繫左賢功名非不貴
賤妾亦堪憐嚴霜捲擊鎧
灑飭羅瑤砒盪冷金瑞獸
花寂翠雲鈿鴛綺裁難寄
託鄉信不傳起坐彈瑩篴
哀嘆淚油然

妾薄命

深閨貌十五春風拂銀銀
柔肌何纖約幽鶉麝蘭芳
姍又瓊枝秀澹又素裾長
金釵垂雀藻玉佩切蕩肪
續紛紛妙舞飄屬嚼清商
許身事君

心月軒

卷二

三

子修飾奉姑嫜八角流蘇
艷五色結新粧菱鏡菜
萸匣鴛衾蘇合香承歡
晉玉盼貽贈解金鑲同心
期比翼連理共相將君意
復何為不顧棄如糗念彼
東鄰婦態度何倔彊三鬻
曾不售難顏面骨昂蒙箕
宥其額舉趾更踉蹌相歡
及偕老盟誓永毋忘嗟哉
命不猶涕泗罷流黃

子夜歌四首

彩翠粒金珥明珠理象釵
香風襲帶袂郎應花

下未

二

西園憶長別金風淒蔓草
含情偷捲淚持飲歌懊惱

三

以儂茵坪香易歛紫羅囊
歡囊阿誰贈繡出兩鴛鴦

四

簷勤勸郎酒翠果出筠籠
藕絲香袂細堯花杖面紅

贈陳杏齋四首

蕭然不受塵俗味懶相親
落拓從人嘆生涯似我貧
烟綸江上穩藥草洞門春
世局年來異君看幾度新

二

未有軒車過柴門竟日扁
自名抱朴子還著衡

生經月送連雲白松籬帶竹青悠然瀟灑處城
市亦林壩

三

晏眠三丈日白髮任餘生懶問樵園計井從鷗
浪盟檢書分藥裹烹茗聽鑪鳴一局堪投老知
君百慮輕

四

多少愁心事逢君便解頰以生聊作偶何物好
相開秋雨稍畦熟山雲峽榻間優游隨送日共
我綠蘿灣

杏齋鄉飲

翩然堂序聽吻文雅行琴書擅品流七十令名
鄉開少羨君以舉當封侯

送別僧

欲問名山意愁君去路漫風清桃竹杖雲裏樺
皮剝翠鬱詩多料蘿深藥未殘不瀆石縫裏是

處即心安

大水歌和謝叔蒙先生韻

水性由来稱險絕擊之不傷截不滅如此山城
似甌居那堪迅雨無休歇震驚疾雷地軸翻響
急濇溜天門柝倏訝渺瀰遍山隅轉見激蕩侵
街宅豪家梁棟盤蛇蚓小戶竈釜喧蛙蠲蒿堂
莫酌鍊師盃何處蘆灰填巨澤縱有強弩不敢
射洶險恐奪錢王魄老稚束手斷炊烟牽衣長
泣饑餓迫取食曾聞三尺烏火急覓之未可得
歲事三農虛苦辛泥沙今已沒阡陌官租墮石
誰能辨歆訢帝關天遠隔

題徐僧卷

知醫

上方月滿照絕林一片清心禮藥王格得瘵瘵
西域草何瀆金匱覓奇方

代寄二首

繽紛雀藻艷瓊釵白苧如銀稱體裁寄到珠樓

春未晚金爐夜月倚寒灰

二

嬾又垂簾拂柳絲芳容婉婉憶香惟艷情多少
藤箋曲不及吳娘暮兩詞

野望

淡日沉雲墜疎筠護石梁花香聞雀語水落見
魚藏風艇磯頭捷烟犁柳外忙偶來幽意足予
欲製荷裳

心月軒

卷二

二五

予往過油湖甚易丙午冬上計偕周茂先
謝敬之熊志望過烏倫苦極矣憶往慨嘆

遂賦一章

一水本平流往濟僅如髮我今隆冬來衷情苦
震越長湖四望迷蒼茫霧環匝卷忽雪徘徊鉅
野盡填積因而起逆颺橫空響霹靂疾吹迴錯
迂樹石愁凌驟波流挾之怒洶勢恣揚激已倪
還渡昂湍聚如爭閱客舫驚簸蕩欲泊綠岸迷

械提視已喪况乃兼饑怒噴迅嚏不休交看淡

雨滴悲嗟恃長平翻再惧及溺昏黑喜乍平僕

夫愁腸剔長絳峭整懸風吼波仍敵舍舟欣維

纜深淖繫馬踣野色夜凄其微肌冷散錫曠邈

人烟斷歎呼雀寒擊鬼蜮負渚嗆排沙隱狼微

凍樹護村房客栖近曉覓主人貧乃甚索錢慣

呵叱歎沽無酒掌磊塊將烏滌昂藏氣尚雄何

能耳寂又顧視匣中劍空渡繞虹霓為歌行路

難餘衷懷不暢

心月軒

卷二

二七

偶閱侄輩文寄示峻生

憶昔出場時文章如娼女一日閱千人好醜無
定語飛燕與阿蠻纖肥任收取遠時今不遇流
落意為沮茲閱多士文我自淚傾兩身非售璞
人真質何能主近日聞阿咸宵膏燃及曙但恐
命似葉何用齒如鋸

花月歌

長安樂事趁春輝 帝宇樓臺朱砌圍 彩綴蓬
 萊艷錦色素練 鴉鵲動瑤輝 戲蝶香穿玉蕊嫩
 仙掌明添露華肥 不須金剪頰纖指 無假絳蠅
 照重扉 君王玉輦深宮裏 歌舞昭陽天似水
 名花粉面色同妍 初月蛾眉看並美 聞道 君
 王政事勞未將 韶景任逍遙 嗟花賦月天機暢
 喜色欣又動 滿朝五侯七貴 亦堪誇 芳筵時啟
 競紛奢 九成繡幄金平脫 沁水雕欄玉辟邪 雲
 心月軒 卷二 六
 搗蝦鬚度彩魄 粧嬌鵲翅燦 流霞盡倒明珠買
 歌笑肯與金谷閨 繁華細又春風入 戶吹幽情
 是處結歡私 幾人蟾蜍連曉夢 幾人芳藥贈新
 詩 對茲明媚真歡絕 誰憐征夫塞垣別 黃沙磧
 冷不見花陣月慘照 胡天雪惟有才人意 飛揚
 相逢勝景便相將 鄴下放歌花對酒 牛渚高談
 月滿航我今岑寂 不賞此月光 沉澹花枝委一
 樽 叫舞醉不休 莫令豪者笑予鄙

聞任茂叔鄉捷志喜
 生平攻苦意家世有遺編 一見高文決秋風火
 速傳歌深萍葉暖 宴渥幣紋鮮 素行從推美 徽
 聲動里壘
 贈吳定庵上人
 上人雅韻而清姿 上人踪跡何太奇 少年戲習
 孫吳陣 寶刀切甲如切泥 楛酋之變兵漫野 閭
 制召君來麾下 秋霜劍戟鐵兩襦 黃金兜鍪紫
 心月軒 卷二 二十九
 騶馬一呼壯氣決 浮雲破陣殺人血 盈把大功
 不成意慘然 烏江墮苑竟誰憐 忽爾波心現 樓
 閣瓊簷畫宇紛 相錯寶座蓮花湧 千層諸佛妙
 相統 金珞君因得渡 丐餘生口誦呵彌 幾千聲
 雄心折挫未少降 肯將發願禮空王 再戰敗北
 身幾陷澤中 又見白毫光 君乃薙髮出戰圍 鐵
 衣著盡著僧衣 長齋洞島縉貝乘 粧成繡佛畫
 珠璣 聞道名山漢陽好 特起緝殿逼雲島 芝椽

宛轉碧霄齊俯窺雪浪江流抱黃金布地僧良
苦昨日還吳越明朝遊荆楚去秋走燕汴今春
向齊魯或乞憇于長者達官亦感惠于市兒村
母或金錢快肩擔之雲烟亦米穀搖江津之航
櫓今持疏簿謁予文又躡千重蜀嶺雲高僧作
事奇如此誰識當年漢將軍

戲示道者

飛昇事有無况復枝廬宅却訝雲中仙還須地

心月軒

卷二

三十一

下麥

溪流

一杖晴烟晚環流擁玉圍輕潺梳石髮澹碧瀆

雲衣

夜坐偶成

冷笑殘更靜孤懷對酒清乾坤益益內難口更
誰爭

乙丑除夕

一宦炎荒外經看歲候頻值茲還梓里喜字拜
萱親過以今宵懺善從明日新惟餘思弟念此
際倍傷神

贈四垣侄

生事一經中居心盡洗蓬佳兒森玉質妙詣見
門風杯饌微能順禮詩對不空剗裳須早製打
貼作封翁

贈李向明

心月軒

卷二

三十一

問関行遠道一月喜相隨歌妙能飛雪棋甲不
損脾孔書今有誤蕭律更稱奇新為 龜勉平生
事莫須戀酒卮

游王開座禿了園二首

朱亭冉又香格韻不尋常徑洞俱禪意松筠作
醉鄉雲來樓擁翠花映水明粧款了何煩覓塵
心已覺忘

二

更無片隙地點綴費精神石隊參差古蘿軒屈
曲新池波蕩軟碧花艷荐文茵一別十年事相
看負芻巾

予自粵還里上計都門今又自家往粵淨

九徑屢以詩投問賦答四章

誰憐官况苦六載異鄉吟出嶺如遷谷投家似

返林心驚萱日暮淚落鴈秋沉時有七弟之感却勝未

歸日愁筒寄遠音

心月軒

卷二

三十三

二

顧我親朋集匆又喜色新分明嗟鬢髮強再嘆

精神乍語還疑夢今逢始信貧阿咸元不恨酬

咏自頻又

三

稍暇即為適風塵又劇紛去絲沾薊雪歸及染

春雲款話前程迫翻愁計日分此生聊自哂強

半少訢又

四

似若如歸意朝又是雨天市饒食易澁齒病杯
無緣香縷將辭節詩囊渡在船不須勞悵望予
意已林泉

予九上公車壯念沉鬱茲渡以代觀及

量轉之役匆又往還不勝苦辛感賦

自嘆文園瘦削人那堪重趼向風塵弱年九上

京華道孤劍床頭帶淚噴

心月軒

卷二

三十三

二

可憐勞擾聲名場夜雨寒霜只自傷擔簦無金

嗟陸賈連城有玉泣陵陽

三

旅店蕭又仍昔年柳陰夾道鎖雲烟還餘舊主

驚相識笑問行囊賦幾篇

四

世路焦辛苦若何鬢顛漸改自悲歌命如棄婦

羨恩少身似遊僧出戶多

客行遇早

風烟愁極目况值麥秋時
符呪家不鼓龍獅巷
巷旂雨系翻弄日沙氣盡
侵陂供億寧嫌儉前
村未曉炊

見祈雨戲題

日又符章上奏臺
荒原滿目仍悲哀
催符不似催科急
那得龍潭送雨來

心月軒

卷二

三十四

葉侗素孝廉北上道中不遇

堪憐別後意錦水馬音沉
上國文章淚遙天烟
樹心平沙延晚日高柳
散流禽客路相遠處
惓然獨撫膺

自粵之京謁黃梁祠

我今遠自曹溪來
刺名幻迹看如灰
此日馳走耶
耶道樸面沙塵掃
不開黃梁祠中紛
下拜歷盡艱
辛心自怪
匆又莫
咲世人迷我亦
夢中受

磨情夢中之夢與誰謀
片晌浮光去似郵為憶

公車驟背友幾人青髮尚蒙頭
自昔僊佛本同門
湛靈心法是丹源
悟得六虛無礙趣
超然解脫破愁痕
茫茫白日長不寢
任他昏魔予自醒
一肩行李桃虛空
六祖袈裟蘆生枕

寄周海日郡守

與君生同庚
兩又恒宿耀
文精與君居
同里芳鄰
盃酒仁風美
與君社同業
齊盟角沾矜
雙捷

心月軒

卷二

三十五

與君官同選
異猷簡擢俱
堪羨高調奕
又近未有
與我青松締
不朽那堪一
別廿年春雲
樹長安憶分
手君今專領
粵西城寨惟
曉日瘴烟清
我乃家園淹
岑寂勛名可
得逐車塵飛
來錦色溢毫
端忙盞香露
仔細看樽前
款語知何日
夜起相思燭
淚寒

聞崇邑多虎

猛虎山中白日頻
更聞出郭近
相親縣君束手

愁無計打鼓吹笙賽廟神

游僊曲二首

手炙玉鶯笙高竇雲上行白髮作青童願以伴

壺鐘

二

華陽一片席乞與誦經場曉晨清磬罷澆水灌

扶桑

九日掃先大夫墓

心月軒

卷二

三十一

寒松歲月徂秋意動平蕪幾對菊新艷又看草

欵枯雲章膺紫誥

時已思封

黃梳薦香醪不識重泉

下登高事有無

贈僧

生涯燒笋併燒芋心計鍊形兼鍊真七歲便持

菩薩戒半生解識淨名身欵叅了義根非慧直

揭宗門旨較親為愛雪峰詩韻好憑君聊以破

慳嗔

舟中乏糧乞米于張我知值我知外出其

居宅浸湖水中感賦

少年浪說學休糧八拜師前幾炷香絕粒臨風

懷子野開倉竟日憶周郎桑麻船底盡魚窟鷗

鷺墻頭半水鄉是處豪遊堪寄迹南山射獵更

誰強 張善去藝

紅梅

東皇特地與春溫赤玉國中紫石軒整又斜又

心月軒

卷二

三十七

枝歷亂香風輕剪絳羅痕

二

芳姿鈔冶染天工閑賞晴春烟幾籠不似冰肌

蕭冷意到來彩榭熟烘又

三

幾度佳人壓翠鈿相看疑摘葉宮僊終風任是

多搖曳醉裏香魂作咲妍

四

小籠鸚鵡報花催翠幄輕盈不到埃詩句乞兒
休浪賭毒花錦樣更難裁

五

看來花品亦朝端爛熳緋衣第一班若是花宮
開九錫寵封定合與紅顏

七夕詞

分後天曹苦未休仙官乘馬我牽牛河橋乍對
淚如雨一歲能逢幾度秋

心月軒

卷二

三十八

二

憶別去年路渺漫機中織就幾冰紈贈郎好製
衣衫看銀漢秋清深夜寒

題甲辰副榜卷尾

香衢簇隊開爭擁看花迴薄命終難偶誰憐點
額才

二

未見 君王面長門空悵目古來失意詩酸楚

不堪讀

遊友人郊園賦得開字

心情長待水雲開幸得遊衫稱斡裁載酒棋書
元是偶論交再我豈成灰山烟輕戴青螺髮霞
浪迴翻紫戟願却怪經秋亭樹煖柳圍應是十
年栽

二

相看如住七松隈青眼到門定自開家有篆書

心月軒

卷二

三十九

人不識壁懸雲畫烏頻來呼鐔蘭味全薰座執
手冰心盡洗埃未必浮名真勝此黃金已讓郭
生臺

三

一泓清池絕點埃焦壚恨不響如雷同誰韻致
堪評石憶爾羊神數夢毒孳榼乍逢烏抱甕推
軒恰見月登臺倦來款枕還催醉幾得浮生咲
口開

四

追隨正喜共雲堆
美景悠然踏翠開
池潒小魚文破碎
風搖亂竹影顛顛
鷺鷥飛處看如舞
芋栗拾來亦任煨
可是淹留竟夕好
睡魔為爾定滄灰

題魏肖生少司農青山閣

倚郭摩雲氣象寬
峰峦特地繪奇觀
來青堂內詩千卷
軟碧池邊竹萬竿
道廣漁樵堪接語
名

心月軒

卷二

四十一

高鷺鶴豈番歡
日南太守渾閑事
好獻名花此際看

山中

幽花淡泊香亂蝶
未成行峭壁受雲細
鳴谿帶竹涼
貧鄉能設饌
高壤盡分秧
笑坐悠然處
山翁話脚長

題謝松屏先生天恩存問卷

昌期啟大老瑞錄
挺名賢道術上皇史
年華

少室懷宏才仰壁
峙舊哲獨聲先
旗鼓昆陽陣風雷
羽佩為臺高標駿
電彩煥動魁躡粉
署青綾被花衢紫
玉鞭符分迎冕霞
政歷簇帷褰牙
轟雄開越旌輶遠
向燕度支堪國計
憲紀浚南平節鉞
烏臺凜風霜玉帳
宣材需鐘鼎重夢
繞石林便組綬市
塵脫蘄蘿曉霽寒
巖岫雲霜又翠鬱
谷谿又康樂看山
屐鳴夷帶月船清
都面結侶石室秘
貽編細畫銀鈎寫
玄文寶撰研同
心月軒 卷二 四十一

上林旨遠割大官
進激灑鷓椒瀉歲
崑梳玉延
薰之蘭桂茂况乃
簪纓綿翹首白雲
上天風和錦箋

贈僧

高僧有辯才俗慮盡
如灰一棒打將去
和盤托出來寒飄依
月靜短衲向秋裁
不掃關前徑流烟
護石苔

代浣沙娘答謝康樂

心月軒

卷二

四十三

儂自浣儂衣君自射
君鶴長空已離弦
箭茫茫

都門候補

予以宗府原官候補都門竟為大力者所得感嘆賦此

誰謁天門達 聖聰微官此日嗟
時窮鵲巢有恨難容訴
鷓序無階未肯通
桂玉艱因錢索儉
賓朋稀為酒樽空
寒爐自撥殘更盡
愁看簷花逐曉風

補錦衣經廳

塗抹塲中另挿科
緹騎為伍羽林多
變遷真受乾坤戲
顛倒難消日月磨
揚子已并執戟矣
伏生其若叅軍何
自知薄命難希達
感慨尊前一嘯歌

送王開座南游二首

石城花草帶江清
綺棟參差鳳闕明
我亦登臨能作賦
錦帆千里羨君行

心月軒

卷二

四十三

二

岐路殘陽倒玉旣
依又芳草悵離亭
清秋玄武湖中月
子夜吳歌未可聽

輓周海日

客鄉孤館倚寒烟
消息何來驚乍傳
共社共隣燕共榻
同遊同選更同年
身軀為羨杯餐健
事業還輸胆力先
漚影亦知人世幻
交情深處自潛然

魏肖生惠畫扇

扇頭書云寅侯居心無屋漏之愧居官有自性之清姑寫是鐵骨冰心以志愛云

飛來片月小亭前展翫文人手筆妍韻致輸他

香冷意墨花飄灑淡籠烟

二

直從清瘦著精神傲骨冰稜寫出真多少濃情
俱不似相看惟許素心人

詠錢

心月軒

卷二

四十四

貧兒無計只聲吞居積偏栖豪富門事變臨時
能續命精光露處可移魂真成排闥手堪執尚
覺呼兄名未尊為嘆仕林珍重意多情語喚是
黃昏

悼友人

幾人拍咲幾人悲世界應知有盡期千頃田園
金數斛可憐無路到冥司

游友人園

新搆玲瓏翠滿堦池魚璀璨鳥聲偕官囊不是

清如水好製香花金篆碑

贈人

短袷曼胡纓經過幾戰營草文先習檄買劍必
要盟軼里曾推烈咸陽舊識各垂揚日暮裏戲

馬射流鶯

京師祈雨

年來虐政未聊生天上雨師不敢行欣值 皇

心月軒

卷二

四十五

仁寬大日自應整轡下瑤京

臨池

洗刷端溪硯時拈草聖歌自羞垂老日未有山
陰鶯

得李少白書

尺書乍接咲眉開疑帶山川筆底來展羅光華
看五色夢魂飛向越王臺

二

望又錦城眼欲枯鴻音何自下平蕪蕭蕭雲樹
江流漸愧我天涯隻字無

三

紛又壺榼開江湄猶記東都餞飲時兵火離愁
說不盡數行裏曲淚如系

四

年少翩又彩筆工尚因偃蹇嗟時窮何無騷雅
空相憶知我登樓得句雄

心月軒

卷二

四六

客夜逢友人

鬢毛猶黑頰猶紅坐久殘燈寺已鐘多少于今
新局事匆又客舍話難窮

贈袁軫卿

帶得腰間魯孟勞翩又意度狎吾曹不脩格韻
居然勝一味蕭疎故自豪壯力可憐消案帙雄
心空爾托杯醪長安俠氣知交在垂老還能走
這遭

雪中舞鶴

生來羽族却稱仙欲闚瓊花態自便冷眼窺時
神已醉瑞翎展處興逾顛縞衣不怯冰威凜芝
圃還添粉色妍倚檻松風空有味高人對此倍
悠然

王天虞摠戎惠鶚鳴錄

邊峰未息羽音煩神物聞知震島屯爛額自矜
為上客書生微績有誰論

心月軒

卷二

四七

美人

倭墮輕盤髻雲衫舞袖便囊薰懷夢草髮耀辟
金鈿燕掠桂梁媚鶯啼春樹妍香風憐咲語自
唱鷓鴣天

醉月

月色如銀夜踈簾喚上鈎光瑩能沉客射遠更
明樓酒力因風長歌聲帶露道歡情無逾此一
片海天幽

哭順侯第十首

傷心一灑淚雁影惜離群
豪士乾坤妬墓門落葉紛

二

偉貌真驚衆珠光燭座妍
猗猗多似鬼翻得長年

三

點額長餘恨文章不盡才
裹書十萬卷逆涕到心月軒

卷二

四十八

泉臺

四

高懷荆玉朗雅行晚蘭芬
里閉空悲切夜臺叫不聞

五

酒態便又出踈簾夜月橋
千秋豪俠恨少讀衛生經

六

淡堪枯海水哭歆覆天闌
白髮營堂暮傷心灑樹魂

七

嫁婚何能畢蛩響訴霜闌
不斷寒烟望猶疑夜月歸

八

君肥予貌瘦神似鏡中看
愁絕秋風夜那堪姜被寒

心月軒

卷二

四十九

九

五旬猶未滿造物太堪嗔
夢裏詩情新空憐池草春

十

愛我情偏至友于世代稀
歸來始一哭血涕染花飛

懷熊維遠山人

與蕭漢鄧督學善遊吳明卿先生門下

有句便思君才名老更聞
晴川國士淚下雒鄆

人斤交自班荆合音從正始論只今園社冷悵
望陽春雲

贈徐明卿兼寄王思美

丈夫有爐冶手執千斤鑪何以機心人逢君便
鎔去好朋如美色心愛不容譽腸洋如可別數
斗勞君瀝所以王思美款法欣相遇王郎皎又
者而持論不恕除却我與君金蘭無著處足
而可為勉力共陶鑄

心月軒

卷二

五十一

錦衣李方山司理署中祠宮之樹側產有

金芝數莖共賦

數技姊又最稱稀詫愕相看宿露肥異質從來
生殿幄奇英誰擬到園扉香騰寶蓋分仙餌瑞
簇黃雲淨曉輝却羨平反仁意滿春風好為護
靈衣

又四絕

譜牒班行舊有名芳蘭雖美讓稱兄黃裳輕皺

波紋艷午日鈎薰燥暑清

二

天然秀色態便娟郊祀猶將樂府傳吏散訟亭
案牘簡祥風吹送畫欄前

三

相看珍賞俱欣又仙種分來自不群片又中央
飄瑞色雲芽輕剪散氤氳

四

此中神物定誰司瞥爾祠前見數枝犴狴無寬
明月夜香視惟有露華知

題陳旭菴寅丈雙壽卷

綽報東方歲曜懸葵光傳喜又新年山中種得
金明草羽騎招從島日鮮

二

東華寶籙注長年乍到金陵計日旋遠道不須
頰畫揖月明青鳥度江烟

心月軒

卷二

五十二

三

片又霞芝孽紫松石門親自掃雲封花香不斷
僊源路家近羅浮第幾峰

四

恩光此日下庭帷不負篝燈夜讀時仙掌露清
分玉液靈砂丹煖出瑤池

春初麗味一寅丈招集半山園王荆公宅

山色春將染毒花特底妍欣看苔潤落任放酒

心月軒

卷二

五十二

厄延官况魚羹飯民情水利錢俱荆公事俱深懷古

意吾歌卧雲烟

吟詩二首和故白侄

去年理髮又猶長今年理髮漸有霜却吟從翁
應更短好將剃之到僧房清晨理髮笑

二

乍從鏡裏整容光拍手驚看吟一場去又韶華
留不住秋原衰草幾成芳覽鏡照面吟

四吟詩

故白侄負才憤激以為世間情態可吟作笑
詩故醜之予謂吟歡情也及其詞以志快

莊耶蝶耶非莊非蝶神與氣渾道豈形隔我心

則說見莊生吟

二

士貧如洗逢諸公子出結華乘入羅珍篚我心

則喜見孟嘗四君笑

三

心月軒

卷二

五十三

竹林高曠爛醉如泥乾坤芥粒江海酒厄我心

則怡見嵇阮諸賢吟

四

三更入室頓悟真如森羅法象粉碎空虛我心

則舒見曹溪師吟

得伯魁侄孫鄉捷報

書生酬國忿矢念即焦眉所聽工歌日政當邊
警時露分香席醞花映彩驕羈 聖主需賢亟

南宮去莫遲

讀劉大者詩

大者文章輝然俊就思選乃得邑薄非其志矣讀其詩其令才人叫恨

高才今坎壈惠我開花詩錦幕微風態曉欄輕

旭時騷情狂太劇官况妙如斯何不賦搖落強

愉意更悲

邗關吞汪峻民山人

三旬無霽日夏氣亦蕭森閣影侵波動橋烟鎖

心月軒

卷二

李四

漲深商帆逗積雨客缺冷殘陰足稅今何術空

焦計國心

七夕

岸各瀰漫開石傾河工使者費焦營却愁天上

同斯景夜漢飛濤未敢行

讀龔安治近詩

安治時遊揚州

君詩奮滿積最後却疑神食蔗知逾美搗椒喜

更辛秋帆江左月烟樹廣陵塵何事嗟岑寂門

盈乞賦人

淮揚大水四首

乍溢黃河水淮流未肯降衝天驚換撤匝地看

汪洋何以聊生計自來無此殃可能射却否強

孝憶錢王

二

陵寢関心劇居人向水栖臣工俱慘悴河鬼太

踈蹊投壁情空切鑿山勢不低涼風吹灌莽一

心月軒

卷二

李五

望已凄又

三

舊是廣陵勝今憐此一方甯梁侵縣舍蛙鼓上

民床賑稍官移急巡提使者忙何能辦租石見

說亦心傷

四

関門近兩月稅務幾曾征開石全為閉舟帆未

敢行道茹寒暑色烟雨黯秋情束手空懸嘆自

愍佐國名

心月軒

卷二

五十六



自叙

予以僇質多病庚戌公車失意欲乞一
 種噫嘻飛黃而驟益乘蛾眉而嫁廝養
 寧禁淚落自惟子雲執戟之羞伏滄叅
 軍之恨固是才人本色王雱駸子耳尚
 負氣睥睨不能作小官而况予之壯念
 勃又肯向折脚鐺中作生活者哉偶賀
 心月軒自叙 卷三 一

對揚來顧予執手哽咽語懷淒楚亦復
 其意小草已潘太乙著潤袖鮮紫衣來
 擦掌大叫二君海內名人何為作此沒
 雕當事徐自持鬚晒曰予亦當昂足從
 事矣一時三文入俱領師席予得峽州
 峽秀才多於鯽魚文章藻苑旗鼓齊盟
 而予業嘔心剔髓於此道又輒攻詩意

興所會不禁枯吟嗣賀潘二公先後成
 南宮名予獨遭困蹟予非人哉夫士以
 制執雄耳安用詩齊門瑟響工不投時
 就令李供奉白舍人諸君子在今日必
 不能以騷雅之精研兼射帙括則予之
 不遇何怪焉雖然竒搜變鏤是吾心血
 也未忍燼咸陽始存之以資覆瓿

心月軒自叙

卷三

二

心月軒稿卷三

峽州草

秋日齋中十首

夜聽江上棹歌四首

雨後溪聲和劉元定民部韻

墨池

吳郡侯招飲

贈雷何思太史

懷九江司理周茂先

七夕

遊劉民部東山八首

壽左文郊先生八十

目次

卷三

一

王開座孝廉以詩見寄依韻賦答

同諸文學再飲東山 謝劉民部

贈童雙溪先生

宮詞

送慧因上人還山

寄僧

贈謝老

春初過趙子穀鳳條館題贈二首

題陳生松雲館懷子穀

贈李時雍司理恩封

送別王州佐

贈別程太初同寅之任夾江令

贈別庾同寅之任 題楊冲寰別業

偶成 得家書

郭文宇同寅招飲 題唐穉西楚風館

題僧影 畫菜二首

目錄

卷三

二

心月軒稿卷三

蕪川鄧士亮寅侯著

峽州草

秋日齋中十首



是處堪容預何為峽水邊古牆苔剝落舊舍影
顏顛霜葉時凄徑虫吟未穩眠微名成底事為
擬歎相捐

二

心月軒

卷三

乙

新構大如掌寒官竹石難耶修書室淨却少水
亭看地濕窓芸冷風嚴砌菊殘家園花信寂題
問隔秋翰

三

空庭坐不扁竟日少清澄塔雨銷盆藥廊陰帶
野藤閑情耳懶拙短髮任鬚髻歎喚眉山老鏡
池媿未能

學側墨池燕
老洗硯虛

四



支離咲以身可耐作官人才薄寧希達時屯也
怨貧雄心摧畧刻瘦骨冷風神籌想無多事還
予漉酒中

五

世路長疑左酸吟遠砌行樹聲終日捲江浪幾
時平大祭魚餘肉同官少宿醒家田三十畝料
可給炊秬

六

心月軒 卷三 二
間亦通幽客焦桐入坐清終愁咳偃蹇未肯說
平生藤架花將覓蔬園種不成何須詢大業吾
已謝虛名

七

呼兒聊酌酒深夜更難陳犬啖幽廊鬼風搖永
漏人竹聲喧夢碎燈暈照愁新多少關心事行
藏揔未真

八

一笑文星小諸生課未停瑤函清帳麗芸史映
燈青絃繞秋深誦颺寒閣上鈴自憐垂老日元
元尚譚經

九

官程何太急日又冒寒烟傲骨奔馳裏雄心磬
折前纒迎峽口使又送虎頭船虎頭幸是深秋
好涼風雪未顛

十

心月軒 卷三 三
為憶鄉園侶同遊興未銷曉花穿翠幄夜月之
銀潮塵陌青絲騎煙林紫玉蕭一從微宦縛生
事揔蕭條

夜聽江上棹歌四首

空齋半夜還催酒孤枕未眠且賦詩款乃聲餘
江上渡月明遙聽竹枝詞

二

歌聲恰送詞人邊我欲題詩送客船料爾詩情

應更好月光搖水水沉天

三

帶月吹風度曲橋出懷對以寂清冷當年季長
真多事那用笙歌沸畫屏

四

蕭蕭魚藻宮中曲移置江流雜鼓鞀半夜定應
天上落聽來却在郡城西

雨後溪聲和劉元定民部韻

心月軒

卷三

四

高天雲乍捲斷嶂兩終收東澗添新漲奔崖迸
疾流濤喧初霽日響激暮春秋怪却名山隱闕
遊杖底幽

墨池

蘇公遺蹟今亭舍為屠兒築處時吳郡侯欲新之命課士于此

將新亭樹墨池間宰滌屠兒且自閑日課諸生
無俗事使君共我說眉山

吳郡侯招飲

酒如泉湧饌如雲歌管紛又值廣文飽醉不知

銀燭換名香深夜散氤氳

贈雷何思太史

五十六韻

淑氣群峰積高文一水纏異人特領秀神物自
生妍堦雪滿千葉篝燈柳數編名山親放秘瑞
穴幾探玄腸浣西江夢銘通建武鐫大言驚拔
地峭勢倚橫天累牘風霜宇連箱月露篇星芒
繡口射雲脇錦心穿彩鳳霞標舉金鼇海浪蹇
自應成獨往誰復並登先東觀徵才集南宮列

心月軒

卷三

五

俊翮瓊雲標帝座壁月煥奎瀝虎署警經切

龍圖視草專銅函封內史寶勅捧中涓便

殿敷陳容承明著作偏班分五夜漏筆載上林

烟簡傲貂臣妬詼諧聖主憐宮坊頻賜問講

幄數霑違袍錫麒麟麗羨分駢鳳鮮金門人不

識碧樹隱常便柳暗侵旗轉花明帶月旋香風

清彩扇紫陌度輕鞭典劇情偏逸詩成句自傳

祥光駭的皜妙琢喜規圓不數開元際直凌正

始前李生輪敏捷杜老失鑽研 內侍傾羅綺
 歌伶被管絃雄心問海嶽赤手造坤乾問亦臨
 池水有時拂楮箋如貌怒抉石似驥渴奔泉古
 幅橫披錦湘裙亂掃顏但能購一字那復計千
 錢閱世才稱大合方器凌全範時依典則舉體
 絕尤愆得道崆峒上疑思垓北邊靈根歸嘿照
 妙烝守真詮不忝師臣望允符名世賢 帝心
 加寵眷群品屬陶甄經典八閭試又操六宇權

心月軒 卷三 六

藻林花並放艷圃翠全宣擊穴臨珠浦披沙踐
 玉田鳳池推羽鑑管庫識澄淵異貢環車續奇
 珍載路延排霄萃鶴鷺選駿得驕健結網寧疎
 漏拔茅罔棄捐人欣陟禹禹意暫涉山川橘柚
 秋城豎芙蓉烟水船桂棹朝霧引芝棹落霞亭
 位本龍門峻名九月且平時才望剪拂庶類仰
 蹄跡待酌衢樽廣忘疲寶鏡懸吹嗟多遠道顧
 盼及寒羶細語杯前洽濃情格外綿豈能酬鼓

鑄終自媿迤邐遭桐爨杖焦尾樗殘列棟椽微軀
 欣有托大力附雲造

懷九江司理周茂先

綠樹歲蕤黃鳥鳴軒車晴日記君行上霄碣石
 孤雲迥盆浦舟檣片浪輕坡按芸香清法署蹇
 惟春氣煖江城新詩歌贈廬山勝瀑布銀河寫
 未成

七夕

心月軒 卷三 七

七夕宜州景不常家家茅燭照街房呼樽莫放
 銜齋冷天上人間熱鬧場

遊劉民部東山八首

秋日東山地招攀嶂遠開天流霽色淨湖擁練
 光來雲翠岳蘿壁松陰透澗隈賞心鮑作賦勝
 景自相催

二

雲護螭頭石司空片碣新瑤宮儼肅穆盡閣起

嶙峋家世徵喬木衣剝接鳳麟累鐫盈玉額珍
重出楓宸

三

悠然一曠望秋色滿平阡山碧先生戶溪清響
切蓮鴉號晴日雨花綴石欄煙恨不新松長繁
陰舞鶴便

四

點綴生成畫出奇不費尋環墻高疊石側圍乍
心月軒 卷三 八

張林霞映槿籬薄雲沉竹樹深南湖杜老句好

向以中吟山側南湖杜老
題詩處

五

一派清如許沙池帶碧痕魚也勾鷺合席暖任
風掀險韻催詩苦焦罏沸水喧青衣解樂府歌
拍捻新翻

六

幾迴頻到以著眼盡瓊琚華髮驚奇字金函滿

賜書文靈汲冢就賦古栢梁餘怪爾高樓夜星
芒煥壁墟

七

不須遲夜色白日也清澄舊囊秦鳥篆遺幅漢
雲繪異鳥籠千箇出花列幾層摠來俱不俗只
少置高僧

八

新泉行自汲落照逗平苔夜宿君能許餘酣我
心月軒 卷三 九

欲顏坡籠暝樹月露洗碧山埃好景還堪賦鐘

聲隔寺催

壽左文郊先生八十先生嗜仙

幾尋靈藥到僊源黍米丹成蛇火溫白髮不知
霜雪冷銀燈深夜課兒孫

二

愁子華髮苦多病八十看君似少年架上玄言
經數卷繩頭嬾寫燦螺烟

王開座孝廬以詩見寄依韻賦答

逐水看山曠蕩遊
爐香拍板載輕舟
荻花帶霧清烟渚
鴈影涵雲落酒甌
倚聽棹歌魚藻麗
別通徑曲武陵幽
當筵幾憶同心在
蕭瑟荆門古

峽州

又

逍遙勝地幾閑遊
松遶雲屏柳映舟
急管吹風喧畫席
層波帶雨浣腥甌
沙痕半踏鳧鷖淨
棹

心月軒

卷三

十

底平穿菡萏出
夜燭歌嬌紅粉艷
新詞時按小

伊州

又

竹塢風聲破浪遊
如蘭結伴有同舟
波深蓼穗殘秋
晚岸灑蘆花滿雪
甌高會漫誇牛渚
勝澄流直並鑑湖
幽亭園種樹能多
少茂植因君憶

柳州

又

鷓鴣屬玉好同遊
槐岸沙虛穩釣舟
但使帆檣浮似葉
何妨澗澤小如甌
風生樹影秋波捲
月照龍魂夜笛幽
設笑無端身作吏
也曾一榻共

南州

同諾文學再飲東山

烟滴疎林冷同心
興未疲亭醪香泛
泛盆葉影離離
松鶴原微臺雲嵐
再譜詩風標敲竹
響恰喜傍清羸

心月軒

卷三

十一

二

俱是曾遊侶更闌
醉不妨爐烟清煖
客燭剪急催觴射
覆當場謔呼盧取
次忙儒官迂腐性
發興也踈狂

謝劉民部

秋日無端惠酒錢
思君對酒却思眠
寒煙茗椀松筠靜
愛我登樓賦幾篇

二

絕經握手便相親
晚路交遊意獨真
時與東山增景致
晴軒雙鶴兩詞人

又

一官蕭條峽水傍
把酒問詩得劉郎
劉郎才藻寧多見
海底青旻月一片
五緯二酉揔無遺
嶮嶮嶮汲冢都搜徧
瀋墨教斗紙千張
滿堂觀者都稱羨
風迅雨疾那足論
龍拏虎攫太奇變
十年予已識君名
意氣何敢驟相傾
逢君一見便握手
人間大業期不朽
傾蓋定交世所難
千古秦陰及杵臼
予胸荒蕪本無奇
君召東山幾論詩
東山樓閣雲霄出
疊嶂群峰擁翠岑
珊瑚鈎映晚霞流
翡翠幙褰朝霧入
微風沼伴綠篠翻
細雨花前紫苔濕
自集名部譜新聲
深夜肯放朱絃澀
一自我来君更喜
倒屣慙動未足擬
每將肝膽向予陳
即今意氣久拜真
嗟予生平苦切礪
自矜光彩艷文縷
世兒戲我廣文官
我心鄙

心月軒

卷三

十三

獸如猿獼偃蹇傳
經得夷陵壞舍
萸草綠階際
首翁薦盤飯不敷
長嘆英雄為短氣
多君高義薄秋雲
惠我青蚨酒盈樽
醉後常擲金
巨羅我為君舞君為我歌
吁嗟蓬萊之水清淺
吳丈夫膠漆寧捐棄
我本世間有心人
那知末路更逢君
如以交情差不惡
君好松前問雙鶴

贈童雙溪先生

憲節驚從峽水聞
環車千騎擁如雲
當年雨露春膏滿
爭指遺麻舊使君

心月軒

卷三

十三

二

白雲幾載斷高空
霜月含悽憶未窮
兩事君親閑不得
揔來忠孝屬明公

宮詞

銀臺畫燭倚殘烟
長信宮中夜似年
賜得偃波千葉紙
無人為寫曉寒篇

送慧因上人還山

人天原不繫永日賦歸與短衲山雲外寒瓢夜
月初沃洲堪避世陽羨幾傳書揮手能忘別津
梁涕淚餘

寄僧

竹霧松烟樹樹齊磨嵐峭壁憶新題閑來最愛
山僧靜報却君親共汝栖

贈謝老

清時寵錫重別裳白髮耆願拜典章給自儀曹

心月軒

卷三

十四

多氣色携來太史有輝光懸崖樹老松苔細古
洞雲深石乳香課子栽花無俗事綺筵歌拍樂

清商

春初過趙子穀鳳條館題贈二首

新醪甕滿正堪携晴日輕烟竹樹齊也道一年
生意好清齋花鳥任拈題

二

竹紙雲藍堆滿牀問君一日幾千張若非親掃

臨池筆不信人間活子昂

子穀善書

題陳生松雲館懷子穀

片鱗松老長疑雨盡蓋雲輕渾是味怪得子昂
終日住青山何事不淹留

贈李時雍司理恩封

要作人間忠孝人明時奏績動 楓宸風清楚

水傳金虎日麗萊山照彩麟瑞宿遙天開歲曜

祥烟紫極下花綸恩榮不負平反意丹管如君

心月軒

卷三

十五

信有神

送別王州佐

茂績今方著相看乍以亭門清連草瘦宦絮比

蘭馨別意歌難戀愁情醉未醒長空如去鳥鶴

響憶秋翎

贈別程太初同寅之任夾江今

郊閑對酒淚潸然兄弟交情近兩年君去熟官

多氣色我番冷暑滯雲烟楚山客使書頻問已

水賢聲政自傳記得宮牆呈瑞物黃金寶帶為誰妍秋牆詩帶一團

瞻別度同寅之任

把袂相看別思深驪歌停唱酒停斟未堪裝索
殘秋色况是離樽傍夕陰煖艷人情悲白髮蕭
條世事嘆黃金喜今榮擢定應好莫憚驅馳老
碧岑

題楊冲衆別業

酒危漱澗名花鮮拋卷時看種秫田著屐出門
隨意好東山詩句野僧禪

偶成

尔眠仍起立未遣意如灰別帶宜薪束詩文似
草堆閑腸終日亂咲口幾時開州幕矜人甚當
街喝道來

得家書

下捷終朝靜何須逐世忙蕭條還酒盞鹵率謝

縑緗躡甲穿疑怯焚舟意任降夜來家信至十
札九青陽翁青陽大魁

郭文宇同寅招飲

乍爾鳴鑪急相看一輟然誰知素似洗亦有酒
如泉歌况宜經夜財源喜近年醉餘詩興好題
就錦文箋

題唐穉西楚風館

十五洋洋紀載中于今作者竟誰同高齋新貯
儒宗業太史舊題楚國風爾雅魚虫供話譜離
騷草木佐詩筒橫經嘆汝辛勤甚華髮偕予漸
作翁

題僧影

閉目澄澄穩坐禪寶珠淨對博爐烟袈裟付與
兒孫著不住前身自在天

畫菜二首

踈踈淡淡半歌斜畫品由来畫菜佳作伴清齋

無俗物扶南香片虎丘茶

二

乍驚風雨意凄又蝴蝶情
蛭現忽迷不信畫工
真妙手看未根柢似露泥

心月軒

卷三

六

自叙

今之文人，有敢與長卿、青蓮、眉山爭勝者乎？史稱蜀治箴籥，及賣醬翁俱精於易學，柳玘有言：「巴蜀多名士，秦宓曰：蜀中五尺童子皆學，何必我蓋蜀地多才自古然矣。」予自長安間，關萬里之綿郡，作芹宮先生，見山川映帶，土風淳厚，多士斌又藻雅，竊私心喜焉。乃書帶之草未生，問奇之酒輒至，每花月佳時，選勝相邀，于焉尋杜句於江樓，網鮪于蓉溪，昭烈寺中時參聖諦，佛巖洞口幾問菴花，而諸士以予大言好勝，輒相與倚盃作狂命，塵摧鋒予椎心，旣發霏臺，驚筵無能制走者，予久負詩名，帙括之。

心月軒自叙

卷四

一

暇高韻頻唱一時詞人屬和莫不極抒
寫之致矣憲袁涿涯雪栢雲松居然古
質郡侯李養實深藏武庫麗日奔濤鄉
紳李上林間道奇銳寸鐵殺人予則軒
塵肩戟鼙鼓亂搥而已諸士躍起而趨
壇宇蓋郁不乎盛焉為憶白舍人杭州
詩云更無一事移風俗但化州民解咏
心月軒自叙 卷四 二
詩固不禁形神之飛舞也深秋殘柳公
車催人諸士餞我三百里而遙杯筵歡
管行色輝映諸士復挑激我春風得意
幸毋忘劍嶺巫雲乃予舟次長壽得量
轉粵東司理之報筆花無靈矣江山阻
隔郵筒遂廢取舊卷一披對之拍又情
動床頭夜炬嚼然有聲則猶往者席間

持角之餘雄也噫嘻遠道興懷何能已
已遂不藏雖拙俾付梓人

心月軒稿卷四

綿州草

棧道四首

途次遇章相耳葉伺素宋石廷高貞所孝廉志

喜

王元六揮使植瑞香花有翡翠巢其上賦贈二

首

八月十三夜集金澹渠園亭看月

目次

卷四

三月十五日游青羊宮

壽江邨見太府四首

王開座以書見貽賦詩八首寄荅齋中情況畧

已備矣

寄懷王參字孝廉

成都二首

代贈成都鄭解元

帝藩篇贈張漢溪

歐長林藩佐招飲墨池未赴賦以志謝兼訂浣

花溪之約時歐司扇局

代金石渠荅劍州聶孝廉

喜張漢溪至

送別王浔卿之楚

金母謹二十首壽李侯太母

金母畫圖啟生鳴宇筆也賦題一首

為金生題王母圖

宿龍泉寺

蜀中詞贈王明軒山人六首

與金剛光朱舍初小集

得嘉定高孝廉書

目次

卷四

登越王臺時臺已廢李上林少參建寺其上

游春酣亭

感懷兼寄峻生侄

寄題葉伺素芙蓉亭四首

贈王生讀書東廡齋中

懷王德甫

贈張山人

江上逢王禹之

贈張竹亭

正月十五夜護月李郡侯張飲草亭

諸士招飲望江樓

喜雨

贈江邠見太守擢滇中督學

與諸士論文 小齋分韻

北上諸士遠餞四首

舟次懷李郡侯

日次

卷四

三

心月軒稿卷四

專川鄧士亮寅侯著

綿州草

棧道四首

危磴懸天險虛巖設地闕綠迴攢霧色峭挺列
峰顏怪石衝人怒崎程送轡慳可憐燒絕意猶
覺火紋斑

二

心月軒

卷四

一

鬼斧刪耒否勞勞迥自悽天低雲外樹斗削壁
間梯日影全迷嶂風聲亂掃谿應知前舍隔何
處是川西

三

小憇車仍叱何堪繼日行路遙欣索減野曠有
鳩鳴晴岸蒸沙濕昏烟逼樹醒僕夫應評語一
笑誤虛名

四

荒原何太寂半月斷糟醕市小蔬難給沙多飯
不收夢視寒旅月夜吠怯村籬莫訝阮生哭窮
途容易悲

途次遇張相耳葉伺素宋石廷高貞所孝
庶志喜

忽地相逢日交緣似有神違時淚並落投贈意
俱親倘朗能分賦蕭疎盡洗塵荒村明月夜寧
惜酒杯頻

心月軒

卷四

二

王元六揮使植瑞香花有翡翠巢其上賦

贈二首

將軍暇日喜相招好鳥枝頭瑞色飄青竹應辭
南海夢名香特覓翠雲條烟籠雨後巢初暖日
帶簷虛舞自嬌燕領春風曾識侶不煩金鎖任
逍遙

二

一簇繁英燦曉輝輕栖宛轉不驚扉斜斜故向

營中出款款偏漫幕裏歸風散艷香薰彩幄露
垂金葉護雲衣將軍景運清夷日無復鷹鷄穩
起飛

八月十三夜集金澹渠園亭看月

看月通三昧何須月滿輪平地鋪瀲灩瞻望太
無垠若貪光焰多便非看月人譬如糊窓紙明
多反不親我看亭中月今夜最分明簷前四樹
桂檻外竹叅雲中間月少許裊々射亭深盆石
何鮮翠花枝側鱗鱗酒盃為傾暢照面照精神
我問月中娥汝是句詩魂

三月十五日游青羊宮

玄宮佳景逼春晚並追勢蜀風亦如楚遊賞重
歲時雜還似蟻紛香火炙高輝一步屢回顧喧
多易失迷室有青絲榼無處預危匝從旁覓掌
地草草亦繡竒最勝登高處宮後樹綠齊茅棚
乍小結沽酒坐相宜閑門曾幾度瑤草無覓期

何能跨青羊一矢凌蒼覽

壽江邨見太守四首

廬峰鐘瑞色秀哲自名流幾見綏桃艷曾陪玉

界游文章認火力予蒙公以七字相知造化與丹頭爭獻

如山頌欣逢歲曜秋

二

九錫天臺上麟符出建章春融沃野潤露溢錦

城芳架有餐霞帙人傳續命方謾言今不信咫

心月軒

尺問青羊郡有青羊宮

三

應運生名世祥光詎偶然淡惟烹葵菽清欲謝

鮒遊南岳上真劍華陽小史箋憂時鬢尚黑天

許賜長年

四

相逢多慶幸底裏微秋是高士本來達神仙定

不嗔真陽生艷煥靈藥換凡身香火遙天祝蘭

宮抱玉麟公時尚未有子

王開座以書見貽賦詩八首寄谷齋中情

况畧已備矣

尺書青鳥帶雲來忙剪銀燈仔細開五色瑤篇

看似綺遙知社裏對花栽

二

齋舍蕭々未可論出無車馬樹遮門床頭但有

書千卷屋漏秋深半兩痕

心月軒

三

堂前古栢鬱森盤月夜坐歡清露寒若是樹神

今解語當年宋史不須看宋時樹

四

檢點何須痊鶴銘愁來蕪擲種花經偶然問字

聊相應惹得門人坐滿亭

五

半年繞得山郊避石磴桃花洞口幽聞說佛巖

脂似髓遠松但見白雲流

六

流年昨日是生辰夢裡踏跚拜老親何事鞅輪
拋未得掩闥尚作著書人

七

彩筆從知艷紫氛彤軒待爾奏凌雲傍人未解
歸來意漫向樽前指使君開座時已棟
選郡守歸

八

日日相知戴酒暈黃金柳色梨花香故人回首

煙波隔寒枕秋深入夜霜

王元美不取蜀酒予於府酒亦秋之然綿士
紳家所製酒甚香美堪酌

寄懷王泰宇孝廉

王郎瀟灑美如玉奇書探得岫嵒秘疾揮十丈
海鳧毛開函便令鬼母泣置身飛來太嶽巔俯
視塵寰一黍粒雙眸相人勝相馬個個英雄許
相識我本崎嶇絕可笑手提不律驚年少怒截

海水劈蛟鱗觀者不解從旁譟王郎一見肝膽

傾每向樽前便狂叫六字詞賦更何人高篇抉

隨登玄與我今兀坐微宮冷迺來別衫全不整

君勸加飡勿須愁垂老制執尚如錦不見應說

未際雲蹤泥蜿蜒酒立翅憶昔園亭開酒筵簪

履紛沓名花鮮月墜鷄鳴香粉落金貂解脫徹

曙煙于今却自滯天涯魂消雲樹不勝嗟幸得

瑤章惠滴積思君夜起燒銀燭

心月軒

卷四

七

成都二首

摩訶池上花如簇芙蓉城邊錦似鋪舊日繁華
歌管地于今綺繡自王都

二

玄都觀裏經車輦花益宮中遺枕釵乞得濤箋
光似繭長卿詞賦恐難裁

代贈成都鄭解元

上皇閭闔氣氤氳玉殿春濃帶紫雲滿前刻藟

稱香史東華親注列僊群中有文僊司紀籍乞
辭丹陛落塵氛摘向成都為才子能辨龍蛇識
妖穢家世康成本自奇歌後調笑拙能詩裁得
濤箋光似綺憑揮狼尾寫淋漓詞場已輸君第
一當鋒人馬俱辟易墨池醉灑酒波平浣溪翰
染花痕濕絕頂桂枝猶在否我欲攀之苦難及
多君意氣肯相憐恨不解貂共朝夕吁嗟乎我
玉函寶鐔之龍劍夜長泣君乎君乎意莫狂好

心月軒

卷四

八

為視草奏明光白日欲去壯士忙

帝藩篇贈張漢溪

張時容內江府

西蜀帝藩居截嶽瑞氣環抱彩雲結碧瓦雕楹
玉作簾綺標繡閣金為闌仙殿清虛紅塵遠露
臺縹緲瓊霄接閱畫寢宇皇王家無如此地稱
奇絕內江亭園亦鮮妍歲粧名樹態娟娟紫葍
房深枝偏煖辛萸塢美葉俱燃曲欄步障臨風
出寶幄流蘇映日懸九成沁水謾稱好此地名

花何曾考新製芳筵樂府詞鴟絃不聽空癡老
况復帝子才且文下士賢聲六宇聞呼來剡溪
藤葉紙憑將彩筆掃春雲近時更洗榮華態客
至我別不下拜客也授簡何太狂佳言往往能
擅場咏風賦雪舞郎當觀者睇目詫滿堂曳裾
如此差不依何時府酒共銀燭

立春日壽袁涿涯兵憲二首

斗氣春陽日祥光照彩屏名賢初孕世群動盡

心月軒

卷四

九

噓靈錦勝餘宮剪香簾嫩燕翎如山爭獻頌欣
微晝營聽

二

曉角風輕度微垣玉界親簷梅氛氣色營柳煖
精神日麗瑀孤彩星輝繡甲鱗箕疇應不爽五
福會真人

歐長林藩佐招飲墨池未赴賦此志謝兼
訂浣花溪之約時歐司扇局

古硯玻璃橘面杯翩然稚局屬清才巧粧玉筍
雲頻剪輕展香懷月細開白咲霜毫揮似引莫
將池水瀾成埃惟有溪亭春正好新詩許待對
花裁

代金石渠峇劍州聶孝廉聶寄有瑞者壯丹詩扇

羅粧艷簇廬山秀檀壘嬌分洛譜春翰藻光迴
雲似濕墨痕波瀉月初新愁來烟樹經霜斷想
去音容入夢親 聖主甘泉需賦賦茅亭未許

心月軒 卷四

任閑身

聶得詩奇之遠使未問出自誰手已知為予作散甚可謂能賞鑒者

喜張漢溪至

孤琴野褐風颺漫滅驚看禡刺投詩韻忙催
駿客思觥進亂點酒人籌南州短榻推高士西
邸長裾摠浪游只怪別來書信晚雅懷直待菊
花秋

送別王得卿之楚

浙瀝風吹響未停美人西去正搖舫沙潮雨晴
平蕪綠烟渚寒迷海樹青世路空囊餘綵筆入
間何洞有丹經知君愛聽湘靈曲一枕秋回徹
夢醒

金母壽二十首壽李郡侯太母

南呂司秋金氣清祥光西望彩雲橫蓂收親護
僊輿下曉日天空鶴羽輕

二

心月軒 卷四

手炙鴉笙紫玉紋涼風縹緲烏毛裙家居本是
龍飛地花草長環寶殿芬侯野中人

三

上元音使幾相招尺素慙勤五色韻大海東洋
秋未涸不愁風雨叱金鼇

四

寶饌天厨六甲司臙麟脯鳳耀金危龜臺不比
人間味調露無煩羹火炊

五

交龍彩篆玉函新親捧天書太乙神莫道仙閣
城市隔親提斗柄散陽春

六

丹顏鬢髮轉精神占斷蓬天小有春花裏彈箏
低玉拍門前列像擁雕輪

七

赤山雷電破蒼茫瑞氣荆門接大荒怪得佳兒

文五色親送阿母乞金箱

八

遠樹青葱控碧烟翩然洞府任遨遊拾得彩艷
金光草何似萱花向晚鮮

九

霞堆萬疊蒸疑沁雪領千條凍不嚴昨日朝元
集慶會麻姑真是手織又

十

不帶流黃揮鬼劍也簪鳳絡火雲花彩鸞曾是
穿霄慣一道靈光映日斜

十一

片帆截浪錦江濱江廟黃陵不敢嗔仙洞佛巖
應認識桃花如錦乳如銀

十二

水晶樓閣赤沙洲平捲珠簾香霧沆瀣灑清觴
浮玉液階前斑舞瑞花秋

十三

名郊惠政藹仁風匝地歌歡芳譽崇沆瀣仙池
滋曉液全憑真炁妙玄工

十四

手按銀箏夜月時朱絃自譜柔風吹陽春莫訝
和人少好聽雲中黃竹詞

十五

應識金爐九轉難微疴前日少加餐安期催送

心月軒

卷四

十二

心月軒

卷四

十三

神樓散君達忙賚竹管丹 太每前偶一病

十六

只云天上繞朱帷也著人間九錫衣
毛女親來縫錦帶不頰牙尺稱腰圍

十七

不倩青童掃亂霞到來上界自光華
雲英洞裏金條脫羅郁房中玉辟邪

十八

人間歲日苦凌兢白露冷冷秋又澄
洞裏元來無晝夜仙臺不斷九微燈

十九

十二金釵雀藻懸鸞肪玉佩步搖鮮
偷丹不比簷宮女藥兔辛疲抱杵眠

二十

懸知累誥拜恩封金扁天門筆霧濃
一笑書生眼似粟小詩片幅祝如松

心月軒

卷四

十四

金母畫圖段生鳴宇筆也賦題一首

輕烟寫未濃恍惚是儂容彩佩霞微剪
香鬟霧歇濛神疑丹窟就夢記白雲逢
一咲萱花似綠端瑞色籠

為金生題王母圖

霞剝裊裊峨金翹清風微拂翠帶飄
玉女瑤姬環相侍婀娜都著五花袍
連瑞色意道遙憑誰好手艷生綃
聞說飛瓊美態嬌看來阿母更

心月軒

卷四

十五

清韶白日香鸞舞欲豪胡不乘飛上
跨青霄下踏海潮何時一餐玉腕桃
露顆勻圓赤未消墨烟寫就烏雲搖

宿龍泉寺

窟老龍無跡泉聲寂不鳴層陰流徑
冷密葉護林清禪閣堪參席山僧自
煮羹門人問字迥銀燭話三更

蜀中詞送王明軒山人

王氣家中據上游英雄隻手控名州千尋劍閣
層霄出鼎足三分指顧收

二

逶迤宮闕控雄封棹楔金書瑞色濃一帶涪江
清似洗千年紫氣護岷峯

三

宸輿曾記事驅馳到處江山宮輦隨縱是怡神
亭院好相逢莫唱醉粧詞

心月軒

卷四

十六

四

浣花溪畔管蕭聲江岸芙蓉散彩縈一望錦城
烟霧裏當年人在錦中行

五

想像綺羅簇隊歡樓臺花外接雲盤沿江多少
游人集不待秋風憔悴看

六

批風抹月自名賢萬里孤裝亦可憐乞得草堂

杜老句憑君掃盡霞光箋蜀箋

與金彤光朱舍初小集

三人吾占老列飲再推先朋好惟尊德交情莫
問年乘時心共壯籠古腹誰便豪放知無碍清
言徹曙天

得嘉定高孝廉書

啟天祈脫網梁獄久埋塵刻木寃情苦償全家
計貧飛花殘曉涕落葉慘秋呻鸚鵡牢籠日文

心月軒

卷四

十七

章詎有神

登越王臺時臺已廢李上林少叅建寺其
上

想像高臺挿漢新萬鱗碧瓦已成塵當年帝子
重来佛今日祇林宿世因護法應持般若戒開
山定屬慧根人江流倚檻看如洗片月還瀕載

酒頻

游春酣亭

唐子西詩云人間八月秋霜嚴芙蓉溪上春
醉醉遂以名亭

飛鷺群鴉落水痕千秋晉游以亭存行邊霽色
霜猶斂句裏酣情氣自溫銀鑰絲欣傾玉枕錦
蓉花憶度香魂看來不是春光候寄語騷人莫

浪論時題咏者多以春
醉誤用二三月

感懷兼寄峻生侄

流光任是去駸又羲馭難將挽轡尋一篋吟殘
心月軒 卷四 文

消畫塵空庭樹遠貯秋陰文章淚向長安畫家
信愁添錦水深多少英年推獻賦劍虹終夜舞

龍鐔

寄題柔侗素芙蓉亭四首

離欄五色護清姿一簇繁花亂自垂解得曉粧
初日好捲簾時對謝公詩

二

片片輕烟煥紫霞水中仙子不如他香魂未怕

秋霜冷直看濃芳著晚華

三

不須叢裏覓花神醉客呼來識面真亭上看花
應醉酒相逢語笑是同人木芙蓉一名醉客

四

芳亭巧望起離愁寒雨花陰隔暮秋為憶眉山
風韻好思君枕夢到杭州

王生讀書東廡齋中賦贈

心月軒 卷四 文

帶得昆州秀伴予慕火明藻芹催翰興顏孟聽
書聲拳石能生霧盆花解弄晴泮池夜有色水
底定龍精

懷王德甫

晴山片片數歸霞短袖蕭然蜀水涯可是浮雲
看物論旋將清磬禮楞伽交多俠客金應盡賦
滿秋樓鬢已華何日湘江遲艤棹莫須春晚漲
桃花

贈張山人

文藻風流舊有名愁賜今向酒人傾
違時已悞青萍澀感事從教白髮輕
竹杖雲山憑紀勝溪鷗風雨解尋盟
筆烟如霧茶鑄煖何地芸窓賦二京

江上逢王禹之

愁髮鏡顏中相看莫問窮清羸終雅致
富足豈詩翁水落雲疑斷葉殘岸已空
瀾塵應自可何必讓墻東

贈張竹亭

郡鄉紳五六人年高俱嬰鏹堂一時壽星聚
合耶予為張老稱八袞之觴見幼兒甫二歲
異之已復舉一子又復私于婢其姬課甚喜
而贈之

郡巖石乳井如飴食者往又壽耆願不見一時
諸老齒俱齋葉老長譚如吐絲李老勁短勅丰
儀周老如瓠腹畱又又一李老最稱奇步履蹠
蹕軒鼻眉中有張老頰而瘦涕唾促縮聲長嗽

竊意以老或就鐘閨中尚聞擁年少去年生兒
著地行于今夢蘭復有身更有侍婢分寵昵小
姬日夕起煩嗔為怪此老異人乎鄰近眾飲時
相呼我覓鶯溪片白爾為君寫入群仙圖

正月十五夜護月李郡侯張飲草亭

月食維其常詩人毋乃謬我作泣月詩讀者為
眉皺雌兔不生子梅聖俞詩以語最奇透有子猶堪

嗣無子詎復觀坐頃月還明郡侯拍掌喜興劇

心月軒

卷四

三

廣陵橋視度吳閩市酒味蓮花清鯨吸芬願蕊
侑以火炬飛笑詭雜歌徵侯量山巨源我亦愁
生比飲多怯傷神麗譙四更動強起開茅門曙
色侵銀甕

諸士招飲望江樓

樓敞構結殊白雲當窓倚山色抱周環俯瞰涪
江水當日桂之兒曾為郡刺史是兒能殺賊遺
蹟尚堪紀少陵錢之行以樓設盃盞入門見杜

詩眉宇定應喜多士選勝招冰心塵俗洗長袖
尺五巾澗步淺頭履睇目仰視予狂詩衆所鄙
今日幸相當伐毛直見髓一語予絕發衆論如
絳起小屈便催觴雄意詎披靡銀燭方露跋掃
盡溪藤紙

喜雨

憐予蹙額少相歡米玉蕭然飽食難未禮真人
祈北斗且隨刺史拜南壇畫犧却向祠宮畫怪
物真芝樹杪盤從此荒郊秋釀熟招邀酒碗定
須寬

贈江邨見太守擢滇中督學

予一鐸靜守少所請益偶公見予觀風文叫
賞曰三湘七澤之間有若人乎逢人溢獎相
期大業知己之恩感哉肺髓及後得端州量
轉報予竟負公矣披閱舊章含羞歎
六宇文章伯匡廬授秀奇靈心通浚馮異識曉

死姑孫存之

心月軒

卷四

二十二

心月軒

卷四

二十二

鷄碑刀尺寧煩剪芳華自吐絃連盟鞭海石躡
陣駕雲鶴共許司空匹或容歷下追枝攀絕頂
峻翼奮九霄垂已羨聲名艷薰懷氣度夷中臺
榮侍草西蜀喜褰帷瑞鵲乘條集橫鳥占候移
吏人嗔事簡叅佐說民宜牘案經函刺訟亭史
帙隨甄收畫俊彥冶鑄及支離棹舌添新料開
經快舊疑譬如象革鼓發以漁陽拋下走聊披
膈名公亦解頤細言評議慨大語究須弥裡雅
都高畧英雄更品推敢云同曲調偶爾中工僅
瘦騎臨風賞窮毛帶雪吹恩深啣入肺德重感
侵脾金馬迎僊節錦城別繡麾無端報効意望
望悵分岐

與諸士論文

辛苦文園擅主盟武昌才子舊知名採窮絕頂
無靈藥仍向穩平山下行

小齋分韻

筆先爭放大如輪樂府應傳艷曲新可是杭州
化俗日一時唱和盡詞人

北上諸士遠餞四首

擾又江津上攀番日欲昏孤蓬似鳥去列騎比
雲屯棹軟青絲絡酒芬紋石罇亦知終是別難
遣醉中視

二

翩翩雅技集紛沓開相離衣鳥輝沙岸蕭歌沸

心月軒

卷四

二十四

驚灘烟籠巫岫杳秋入蓼花寒莫話微名事離
情促袂看

三

交意豈尋常暮花三度香翰章瑾錦篋幣貺賁
瑤筐只怕詩園冷蕪愁秋水長知君明月夜有
夢到瀟湘

四

勝地群遊日江山烟景隨鐘聲昭烈寺詩句少

陵碑別意懸岐柳空名落絳帷明宵何處泊回
首淚垂又

舟次懷李郡侯

蒲帆數尺遠牽愁冬日輕晴却似秋不盡兩行
知己淚還流難寄錦江頭

心月軒

卷四

二十五

自叙

予理粵之端郡當制院鎮下為兩省車
檄交集之衝簿書夥頤十指任又不暇
給雞鳴夜漏帶月驅馳又復兼有海上
之後即腰肢俱苦輓轡也當事者鑒予
治行之篤實為議特薦既量轉又議以
本銜 題 晉竟未果而予胸次牢騷生

心月軒卷五

自叙

二

理都盡矣自惟丈夫操十夫海兔毛筆
弄適風雲任意批抹郡城外有七星巖
歷又堪數翠色霏袂鐘鼓天籟擊之神
暢宇宙內乃有此奇觀予與趙旬龍司
理約以諸名彥集日載觴分韻相與挾
霧驚雷縱寫一時眺玩之勝而事會奪
之有愧山靈耳為憶靈運宣城之吟常

即姑蘇之賦山川風雅互相煥發予何
作此寂又染翰無才因托之吏治以自
掩覆為撫卷一笑此文人通病何必我
也

心月軒卷五

自叙

二

心月軒稿

端州草

即事二首

偶成

夜深驛館有懷諸兄

山寺

懷友人

同于叅府渡海

陳叅府貽詩和答

寄陳杏齋

曉行

題王虞石侍御太翁新寧邑遺愛祠十首

心月軒

卷五

修建墩臺十九處

賊船報警防海二首

紅夷西洋船角閩居民震驚予為調置獲其貨

物及被掠銀四千餘兩貯廣州庫

紅夷船 高大異常有賦

紅夷大銃

紅銅大銃

春去

逢何惠鄉

懷何季緯長史

送人還楚

經海豐縣望永安懷祝義所先祝為永安
司訓

署陽江祈雨有應 東安道中

東安徐令招飲九星巖

感懷二首

賦歸

舟次思歸

韶州開轉寧國二守

落花二首

七星巖

聞順侯弟病

張廣文索扇戲書

芭蕉

荔枝

別七星巖

心月軒

卷五

二

心月軒稿卷五

蕲川鄧士亮寅侯著

瑞州草

即事二首

殷饒此一方為想陸生狂
水挹珠江秀山聞荔
子香耄年未見雪荒草
少經霜最愜詞人意
星巖近筆床

二

心月軒

卷五

乙

舊日珍瑤地于今足稻麻
風清制院鼓潮捲海
營沙腥鼻家又鮮明
昨節又花驅車足眺望
忘却是天涯

偶成

十夫文移次第陳
流膏丹管喜生春莫
驚簿案光華艷
本是香龍作賦人

夜深驛館有懷諸兄

沉又鼓角夜馬侶
動秋思憐我強
滄候是君熱

寢時心驚霧嶺月
脾怯瘴煙炊
行路難如此
家書隔未知

山寺

寶樹參差隱曲廊
閑人曾幾踞胡床
鳥藏花隊茸又亂
風引茶閑細又香
種竹儘如林鶴懶
劖苓僧似理官忙
乍留偃息候人促
片月已看臨上方

懷友人

心月軒

卷五

二

芝光猶憶小亭分
尺字天涯隔鴈雲
倚檻芭蕉綠似洗
可能夜雨不思君

同于叅府渡海

生平說海幾曾看
此日登舟萬頃瀾
雨勢亂排雲陣合
風濤環湧雪峯攢
書生擊楫心猶壯
叅府談兵意已寒
浩渺從茲眼界大
江湖只作沼池觀

陳叅府貽詩和答

胡粉清標照座開鶴翎氣爽玉霄徊排雲虎畧
燕然業搗穴龍韜定遠才家秘藏書曾衛國
廷宣拜印仍登臺相逢欣許千秋事光詫驪珠
燭乘來

寄陳杏齋

懷才短拙意遠巡別後新看粵嶺春十丈文移
全積案一年刑讞未消塵生來腰膝誰矜倦老
去心情却戀貧此地風光非往昔贈君詩句當

心月軒

卷五

三

瑤珍

曉行

微名羈宦跡恰似落重圍絕嶺衝烟景荒村帶

曙輝瘦翻宜燥地病亦憚霜威予往善病茲隨
巡頗有精力之

未少投閑意何時擬息稅

題王虞石侍御太翁新寧邑遺愛祠

新寧山懸石鼓水織珠簾環野之桑麻覃敷
喜見今日九封之雨露莫給最苦當年時公

撫而治之蓋三載于茲一片瑩徹身在水壺

滿襟慈仁人遊化日鳥啼吏散遊穗畝以敷

春月出酒香披詞韜而簡執空牀散橐蕭條

那有黃金皓魄清風嘯味惟餘素壁豈潘花

之復出亦泌琴之再鐘 金柱標名端有待

矣玉樓作賦寧勝黯然父老徬徨孤燈愁深

夜雨村郊寂寞萬井淚濕寒烟念因起乎建

祠工遂舉于不日畫碑雲聳喜接樓臺寶座

心月軒

卷五

四

香浮遠飛劍鳥乃當成功之候適值令子之

來 天上花驄陸層階而瞻應閣中繡斧儼

遺像以趨依文綯 紫泥瑞色星辰亂墜輝

種 玉軸祥烟龍鳥環翔綠蟻瀉黃封露分

僊掌之味紫駝燒丹竈珍供太乙之厨芝醜

連阡秬稻千叢宜翠碗蘭皋累陌豆登幾種

賁芳選仕林詭為奇觀詞人誼傳勝事禮儀

漢典爰彰忠孝之榮玉帛周官同廢作述之

異是以朱絃為之載和藥笈生花白雪因而
相邀繡腸鼓潤某自慙蕪質敢續名流聊將
寸管之吟用紀千秋之盛

寧海遺思日神君治績懸簾清餘錦麗郭煖映
花鮮耿耿精靈萃煌又俎豆傳兒童瞻繡斧歌
頌微雲阡

二

介節凝冰峻三年撫字深構新窺德意碑永見

心月軒

卷五

五

民心舞鶴仍親案淒風恍度琴花馳行處緩珍
重惜棠陰

三

本是為霖手山城一借揮芳如春散煥綉壤露
滋肥列昂依周典登堂擁漢威雲青疑是烏魯
向帝城飛

四

墻陰樹幾行畫砌擬雲間饌列駝羹美醪分象

首香碑看懷峴首竹感憶雷陽謾鼓思親曲高
城涕易傷

五

載路語重又高澄領素風長才三異後令業一
觴中檜栢稽年代樽藝記始終遜名遜利者烏
奕然如翁

六

一片清幽地行宮古碣前精輝元不滅語笑似

心月軒

卷五

六

猶妍香座籠芝蓋雲阡繡拒田詞林增勝事畫
取尺綃傳

七

褒書五色勻函怕出 楓宸仙露沆金掌春風
護 玉綸神酣瑤局煖夢到錦坪新忠孝平生
事如公定幾人

八

何須羨祿養千古有光輝彩隊清霜伏華軒著

繡衣孤寒淚灑又父老戀依一闕江烟淨惹
烏繞相飛

九

身因瘁國輕遺績擅芳名水織珠簾秀山懸石
鼓清鳥聲喧翠壤花氣拂銀罍只道仙源好靈
魂已帝京

十

寒風作賦餘翰染未教疎令子星銳煥群公電

心月軒

卷五

七

彩舒畫錦曹陸筆恠快史倉書一鏡寧山月依
然照壁虛

題夏我齋太翁崧山異巖琴

市民王休積家偶有也中沈血之變夏太翁
約之招其親弟十五年前為若所困死于非
命即人神之為賦以頌

世間奇事不瀆疑孽斯如君轉更奇誰為圻地
蜜膚脂飛流滾又簇朱絲杜鵑原栖枝上啼何
因斗室瀉漫瀕鄰人舍壁似遮惟何不潰入東

家籬神君聞之親問獻可憐肉骨戈刃變大乎
忿鬱割無期疑為滴淥赤紋湔亦或紫荆傷摧
折飛墮花枝為厲孽十五年前事已湮非今洞
鑿何由雪噫嘻市兒不解浪嘈說此日神明千
古絕

修建敬臺十九處

披榛棘棘島雲連刮地風聲浪拍天歷又高臺
邊候肅波清海夜月明懸

心月軒

卷五

八

賊船報警防海二首

金鼓喧又開海天驚聞等計廢養眠忙將戰服
親裝束曉日高城劍戟鮮

二

六花綵隊合成圍戰艦如鱗手自揮擬向周郎
乞一炬烈風夜捲海霞飛

紅夷西洋船角闖居民震驚予為調置獲
其貨物及被掠銀四千餘兩貯廣州庫

紛又血及震城隅邊計敢辭心力紆國事艱難
遼餉急也將些子佐征輸

紅夷船高大異常有賦

濱島長帆掛曉風楚舟粵棹謾誇雄
墟垣起巨勢惟容海浪通寶銃架懸金壘險
戎衣裝就紫花叢為知天意芟夷日不假邊師衛
霍功

紅夷大銃

心月軒

卷五

九

予費盡心計取獲三十六門制院將二十四
門解京

神物知非偶相看氣自豪堪容數斗藥何事五
營刀鎔冶傾山窟騰音沸海濤邊城欣有藉不
敢侈功勞

紅銅大銃

予于海中取獲二門聞者詫異制院奇之時
軍器局予時欲請解京

此事真堪詫飛濤太淼淫映潮搖紫氣炫日動
金光寶物定須現波神未敢藏近聞邊埃急還

擬向漁陽

春去

我持杯酒餞春行惟有春光撩客情從此暄涼
多變換明年早到粵中城

逢何惠卿

一領藍袍意未灰生涯何事粵江隈
嚴于律忽復逢君三百杯

懷何季緯長史

心月軒

卷五

十

幾迴詩句淚漫又折足錯中著脚難頓汝堪看
天地小逢人怯放眼眉寬舟迴盆浦江聲險賦
入梁園雪景寒傲骨定應知遇少家園松菊且
盤桓

送人還楚

一索蕭然去輕舸當錦鞍俸分盡吏少棹入深
秋寒閣影帆風亂江客荻霧殘因君鄉思發予
意問漁竿

經海豐縣望永安懷祝義所祝先為永安

司訓

瑞州去楚千山隔君更遠端十日程表率芹軒
規訓在輝煌禮樂舊門生

署陽江祈雨有應

民間歲事苦難支驕陽何得雨垂又雨帥滂沱
在其手欲雨不雨意何為塵界亦堪整雲巒通
來不至我心疑豈畏閩津抽稅重予於縣稅無

心月軒

卷五

十二

織私豈憚虐政太橫厲子於治法稱平夷躬禱
雲岑勤禮拜青衿父老紛相隨但憑寸念遙感
格不用黃別斬猪雞手揮奏疏作飛劍欲向空
裏斬虹霓壇中木神汝何事三日不應立焚之
忽然天黑雲四織一雨撼震積盈陵村野拍掌
大叫笑未頭不復愁枯萎計算城中三萬戶一
戶勸我酒一危歸到清署醉如泥

東安道中

樹堆馬首雲堆面山外更連山不休歌憇村中
無草舍松陰深處聽鉤翰

東安徐令招飲九星巖

累又何年墜欲以衣袂掬高者勢欺雲低者巧
側伏整頓作精神待我傾詩斛空洞鬼斧痕垂
重翠如沐一巖飲一杯波影沉妍綠吹角發清
響妙竅憑虛觸我款移置端州城湊成巖景共
十六索問山靈不應聲落日驅車征夫促

心月軒

卷五

十二

感懷二首

機會頻又錯孤懷倚劍嘆雕顏昂骨者不是昭
陽人

二

拙守遠時態空憐國士知小窓靜倚處半卷窮
詩書

賦歸

詞苑才名久擅竒年來却愧未芳菲為知吏案

紛披續何似文園靜捲扉束帶自應詩料少定
賦那得筆華肥欲將大業名山著不比尋常浪
賦歸

舟次思歸

雨深浪拍北風道一棹停棹夜色出驛舍淒涼
供億儉候人催促水程悠強吟孤管艱成句自
對酸醪未遣愁若待恩封中冓極高名彭澤已

千秋時尚未
齊封典

心月軒

卷五

十三

隨巡韶州得寧國二守報

喧轟訕愕滿韶城公道全消盡不平萋菲有推
直刺骨逢迎無計祇吞聲才名世界制科重
要人情外吏輕一笑書空還撥悶尋常事理未
須驚

落花

嫣然艷郁最稱奇出世浮華能幾時斜墮芳菲
香玉碎亂拋紅粉錦雲披難黃冷質鶯歌冷乍

滅妍輝蝶夢疑情態可憐看是幻乾坤生汝亦
何為

二

園林是處謝芳菲狼藉空留翠葉肥終作錦茵
安便改到來苔砌景全非看鷺月樹殘香幄恨
入風條減綉幃最是樽前捲亂意研光莫遣度
瑤徽

七星巖

心月軒

卷五

十四

歷又真塔數清幽畫幅中折崖沉籟奏石鐘鼓
擊之有
聲題曰 紆洞宛蛟宮雲染晴霄閣荷香碧水風
頻未未紀勝羞許作詩翁

聞順侯弟病

尚憶池塘句忽驚信息傳堪憐愁容思可奈隔
江烟寢怯孤兒問藥勤慈母奠幽人多徒骨天
道亦冥然

張廣文索扇戲書

于慈美度腹便又寤冥寒寐短橐不數
桂玉儉俸資止勾染髡錢

芭蕉

地暖不愁霜氣肅尚晉清趣在亭園倚欄日午
風侵暑潤綠光翻壁浪喧

荔枝

一顆長安未易得暑中幾樹拂雲長水盤擘瀉
瓊漿嫩樂府應傳王殿香

卷五

十五

列七星巖四首

玄工磔製造空靈幻出圓勻象緯形指掌掬之
清翠動明燈古佛教函經

二

石乳垂又碧玉森洞中鍾鼓響雲岑憑誰妙斲
天然意恰是詩家正始音

三

名庵樹老藏蘿磴竇閣烟窠
香牀更與雲山

粧景色香池新綠越如棠

四

携來携去山靈隨宛轉直驚變現奇為爾傳神
難肯似相思明月夢現詩

心印稿卷五終

卷五

十六

心月軒稿卷六

序

送胡太寅別駕還里序 送程鉅川學博序

贈州幕夏敬泉轉巡司序

題夏敬泉州幕卷引 贈俞以象序

壽劉元定民部五十序 壽夏我存太翁序

代壽李養實郡侯太母序

月羅江西令壽李太母序

全母壽斷小引 王開見浣花集序

浣花集續序

何季緯射雲館集序 黃叔搏虫嘯集序

龔安治落花詩小引 周具卿竹卷序

袁軫卿詩序 王羽生集序

夏我存太翁崧山異讖小引

崧山異讖序 代巨御史 俞日藻集序

何惠卿花信集序

呂潤浦咏右齋稿小引 龔安治近稿序 劉大者苑花園詩引

古今于居官之法至詳矣其所最未善者無如文學先生則予未嘗不扼腕三嘆此官之難也今夫青衿天下稱最難馭之人也何以專屬之文學乃青衿不畏文學而惟畏有司何也則以吾身家之事惟有司得操之文學不與也非惟不得與其身家之事而且青衿之脯贄是資不腆幣將矜憐有德色矣况夫隸卒蕭然輿馬不給曾不如為郡幕縣倅尉者之當銜喝

心月軒

卷六

三

州則鄧中人李侯又度量豁如能寬人之所不及予賦性介質惟以詩酒往來而侯愛敬日以隆渥大要此兩侯高品俱百十人而一遇者也非遇此兩侯者為文學不已難哉故予嘗謬為之說曰 國家之望士風也太厚而其待師道也則太薄國家之以冷粘消髦年衰憊之人也固當而其以卑秩制英傑有為之局也則甚謬國家之以有司轄文學而臧否在其手也未

心月軒

卷六

四

無為

縱恣是風化所以端文章所以厲也惟有司不
得兼緝青衿而文學之權始尊是躰統所以肅
威令所以行也惟文學馭青衿而其賢否黜陟
當事者遂以此定之是官箴所以嚴仕品所以
清也蓋一舉而數善備予所以勸又過計有意
乎今日之改圖也雖然有如今程君其人而多
士式金玉其將去也無不依戀焉則于予所謂
風化文章數者固無缺而官箴仕品尤不問可
知也第今如君者幾人雖欲不議改不可得也
幸毋斥以為迂謗之談

贈州幕夏敬泉轉巡司序

古才士以三語起家樹績流聲者不少予覽之
輒心灑然異焉今現瑋之儒則謂品秩纖小不
足展英傑規置子以為不然夫古今文章之瀕
洞神奇者無如莊生彼魚至鯁鮒小極矣而莊
生曰鯁之大不知其幾千里也夫至小之能為

至大莊生豈侈言者哉世有咕嗶見効腰章累
若者乃才譎如龜縮無能濟國家毫髮用試與
君頡頏相當君寧肯多讓君佐郡有聲李郡侯
每向予言君嫻習律法即訟庭片語無敢匿者
夫自古建制畫法如禮度樂曆圖書象緯車服
貨幣之屬以及算數小術俱極明備乃律令獨
缺焉臯陶良士師何以未著必待蕭何始著也
即司馬子長紀蕭何世家亦第紀其初守關中
為法令約束而已并其律令不載以又何說耶
君以律剖事又即及解郡人謂君當異等膺權
今循轉非其質矣顧自昔郭進宋君瑞俱伉爽
名流俱以巡邏致位顯要又豫章古勝地廬峰
聳秀兩孤山一林如畫君暇日吟眺樂翰淋漓
必有與山川竦秀互相映發者君能不快焉自
適也予持盃酒勞君幸毋咄又以予所謂鯁者
自小蓋聳施炳耀權用不次君即鯁乎化而為

鳥矣

題夏敬泉州幕卷引

夏君贊綿數載綿人德之業為舉章贈矣一時
文士聚而商曰是何足以酬君夫懷所欲吐標
諸風雅因義抒情一唱群和古之遺也于焉藻
思紛湧逸興翩馳喚校書于錦水特製華箋走
楊子于玄亭共傳彩筆惜流烟之滿路依落日
以懷人圖研墨而疑雲宇澄波而欲瀉宣款陳

心月軒

卷六

七

惊都是河梁之客恸離切別未堪絡繹之吟嗟
恸極矣詞藻爛焉嗟夫別雁辭鳶盧公所以浩
嘆東都南浦江郎為之泣然予以不文者為發
咏唱敲音而忘醜竊効歌騷飾羔領以矜華聊
當析柳

贈俞思泉序

今士不得以文執頭則為赤手徒步之人耳業
已溷迹里中而所為負販冶鑄者粘竿屠狗者

吹簫傭保者尊駟軒戟者典刺肩簪者懷畚負

鍾者俱得與我為伍我尚能飾筆悅自異乎既
不能違眾因曲意巧為調合之以為涉世之工
然而壺丘子材毅城老人之術非智極沉勇極
深者不能用也用之適以買蒙俞君則不然予
所得于青衿之稱說者屢矣君性耽隱僻不事
生產所為鹿門之躬耕漢陰之抱甕滄浪之鼓
楫庶幾神往焉自計得半畝山庄領畧水雲清

心月軒

卷六

八

趣乃家貧無從覓此故所居乃在城市米鹽雜
札中然君意泊如也不傲時亦不阿時何知偃
儂寒温以投人之意蓋狂又穆又烏耳而市兒
亦相與拊背融又歡甚今君髮鬢又老矣試揣
生平如科頭隱几小過失矜豈畫魚之角勝鏡
道局技抵觸豈畫魚之咲詭不倫慶唁失候豈
畫魚之箕帚鄰評醬脯市爭豈畫魚之偷桑搆
隙失屐致疑豈畫魚之罵逢灌夫拳遭雞肋豈

畫無之乃何以紛然俱相暢合如兄弟婚姻之
式好乎噫嘻醇風雕喪白日鬼魅行已履世無
一易者君固鄉里之秀出今有表賢敦俗訪袁
夏甫而禮之宰少干旄之儀賁奕丘園執亦足
以示勸善良已

壽劉元定民部五十序

元定公年五十郡大夫及縉紳縫掖俱舉爵賀
焉予聞而訝之公年已躋五十耶公美貌白皙
心月新 卷六 九
楚又則絕不似若而年者且予惟世間有才情
人往又骨髮易老夫具有才情則必思表述千
秋雖其才情足以赴之然而獵史蒐藏備極耳
目拔異領新劇鉢心腑談何容易也當得意浩
弘淵邈取之不竭豁然遇之不則愁眉斷髯巡
簷栖樹所以耗英雄之心精消居諸之晷刻者
皆歸於此夫亦安能秘緘而籀守之使不為才
情所驅使也予自少時即聆公名縑箱之積紙

貴三都矣何以尚楚，如少年也論者以為公
位置固然此村夫之論也夫位置而可致是則
童顏頰頰綽約若藐姑射之仙者定屬富貴受
享之賢豪而鄉市之寒膚嗛腹蕭然貧困者其
顛熬日甚雖未及中年當盡為額皺齒搖白鬚
皓首之老也而何以不盡然也大要人之福澤
天所畀也人心則何餐焉今不有侯封廟食金
窟繡園囊貯篋儲足長子孫十世猶憚不為慮
不足者乎上智之士則不然天厚予之我故薄
收之天廣賚之我故約取之往又冲烏澹夷以
不自滿嗇焉葆守以不汨其天和所以長年也
大司空公以茂年陟榮顯公襍祿中已稱貴倨
其誰制之然公無他嗜慕即今與公對杯酒若
評權先代賢豪高次近時人物及幽巖絕洞丹
丘法塲山經水滌古葵名鑄珍窰性石麋斲斷
相則公纍又辨晰聽可忘倦而至於樗蒲蹴鞠

陸博齋鑄一切嬉戲之技公歛手兀坐而已無一解也公隨司空公入朝即已縱觀宸幄之綺麗與夫昆明太液長楊五祚之侈靡武庫籍府容臺天祿之壯鉅矣及致身粉署而飛輓姑蘇之裕憑鞠青淄之勝耳目所屬寧為儉狹然公惟閉門搜篋箱中藏書以其暇發之為聲歌期于攬江山之翠秀權佳景之瑤華舒車衡之遊曠搜風雲之逸思而已未嘗自多其識於人也

心月軒

卷六

十一

垂未有不蔚茂者公固未有艾也

壽夏我齋太翁序

人之壽果造物司之乎坤爐乾冶搏腕施受其於人之有形貌亦已奇矣而渡於其中更生分別使夫玄鬢有如膏之沐華髭起二毛之感晚徒若奮鶻之矯壯句興秋蒲之嘆其相去不啻倍蓰則造物必不如是之勞此斷係人之自取無疑者而若取之以餐丹結黍候至飛身則吾平生未嘗見白日青天而有老人騎鶴過者而若取之以淨修默守頓悟大乘則吾平生未嘗見蒲團穩坐而稱有千年者而若取之以意得志遂歡樂受享則謝太傅之絲竹郭令公之侍從白香山之風流謝康樂之遊玩何不後天地而老也此俱非取之又道也取之者以已之心肖天地之心以天地生物之心為己生又不息之心韞釀布護淪注周匝益於六宇徹於太清

心月軒

卷六

十二

享壽無極是曰真人故此非常布恆人之所得而操也身居輦上手揮三尺銅符綵綬唾氣風生刈管噓稿隨所致為多生少生悉歸宰握而要無如郡太守之提衡最重我公治端郡兩年于茲未有桁楊擊杖之威而胥隸斂手未有深求剗錄之令而慄悍易面以致列城象之薰蒸醇和太要公一念為民真與利真釐害之心斷然堅確不易如水之必濡如火之必燭如肌膚痛癢之必欲搔除即此一念而遂為上帝之所命鬼神之所憑日月五曜之所度會嶽瀆風雨之所共趨是以質訟環謝解沉繫之寃組練盈隊發積逋之餉梁茨足卒征徭必獲騎桑困乎困窮必給兩臺監司之令毋敢以意奉郡邑之長毋敢以私請即千哇賴錯萬戶膏流林藪夜寂兒童竹舞猶未足滿念公之所以生又萬物者若此則脂血仍還之黔庶元氣仍凝之真宰

心月軒

卷六

十三

法堂便稱蓬山憲具亦是僊果又何東華之筭數可限青篇之紀錄不日增也昔人云凡物皆有影惟人心無影子以為壽即是心之影夫心含乎道德統乎性命今人于道德性命之學俱懵然未理會而欲其持之以居官蒞法何能奏効予於公不能不服其超然也耆願迪吉公固無盡者耶

代壽李養實郡侯太母序

心月軒

卷六

十四

綿郡與予居里相距可尺五許蓋朝馳而夕至予所引領焉日望守土者之賢寧惟是波流潤漑予不佞寔寵藉之亦以繡壤雲連瘡痍相屬其在綿之父老子弟犹予身受也邇年以來民稱疲命極矣疲之極不能必其無罽詢罽之極不能必其無凌競徃事蓋犬畧可睹自公之來蒞茲郡興治布德優游與之更始以今縉紳大夫之樂式金玉也逢掖士之奉條訓無爆趨也

黔首之不敢于披猖犯禁也吏胥之未有巧文不守規也諸隸人之不敢繫三尺之組妄有櫻捐也衛伍之未有侵牟致露銀歆訴也之數者以視徃昔詎不改而易向哉鄙人為予言太夫人治家有法待公最嚴而公之所以奉太夫人提命者最謹朝夕廩又為惟恐纖行之逾越以貽萱堂憂壯而行之施于有政淵源固有自也公為人豁宕磊落抗手軒眉家居自比執角帖

心月軒

卷六

十五

請則可謂仁人孝子之意乃以其出于京而議罷論者惜之如給諫太師母貴矣然止封郡秩未會即以給諫太師母封也少卿及陞朝官母貴矣然止封縣秩未會即以少卿及陞朝官封也京貴如此郡邑可知蓋品秩既差袍章亦異在上者固似有膏不盡予之意而在人子亦殊有怒焉未暢之懷惟國朝恩綸最為寵渥今太夫人即日受封章而公以異等之治崇陟樞要予以邀國之恩崇寧存既我存郡人士荷公德惠而無能為報也請以是侑酌等

心月軒

卷六

十六

代彰明羅江兩令壽李太母序

春秋時上大夫受縣下大夫受郡則縣大而郡小也戰國其茂謂秦武王曰宜陽大縣名曰縣其實郡也則郡大而縣小也其後縣俱屬郡州亦古之所謂郡也唐州刺史月俸至千緡宋元祐間御史呂陶奏請內外重臣各舉才品任州

者一人厥惟重我。是故一郡之命脉屬邑之利
害。惟守是司。此非大才不能勝。而世之負才者
不無標炫自見。矯異以勝物。極誇張之情。損和
平之趣。因往又芥視其所屬。小有疵類。則齟齬
之用。紛出。蓋不如是。不足以發揮吾才。滿肆其
用。有如渺瀰萬尺之水。停積既已深厚。必不能
安其輕波。順流之常。其勢必至橫飛。逆響噴薄。
轉騰極之遙。瀉激測衝雲霧。而摧岸谷。然後有
心月軒 卷六 七
以遂其縱悍一往之性。蓋大才之多凌厲。若此
乃今賢明之長。其負才最大者。孰如公。而又圭
崖盡釋。雅量冲然。投膈推肝。裏底洞徹。一時彭
羅。兩令叨公宇。下公所為。提引而庇覆之。若父
兄。卸子弟之私。若手足。護周身之隱。致兩令握
手津。又慶幸遭逢也。則何以負異才者之多凌
厲。而公獨不存。人有數。又向予言者。予曰。子固
未知子不見夫大造之中。而嬉。又而油。又者乎。

飲焉食焉。顛填動息者。手飛潛各得。茁芽條茂
者。乎子以為是陰陽之所鑄。玄黃之所麗也。子
固未知。蓋有二氣之母。烏細縕。大冶醞釀。玄化
純和。藉之滋培。膏潤。因而遍浹。今子第矜言公
之器量。與令德。不知其融液自太夫人也。惟太
夫人和意。渾然凝結。心和氣和。而膚腠營衛。皆
然俱和。公得之以攝身。其緒餘以治人。應物故
曰。飲人以和。夫飲則未有不醉。心者矣。然則全
心月軒 卷六 十八
郡一時之喜。怒所以調燥濕。所以均枯槁。所以
潤鬱滯。所以舒皆太夫人賜此之福。澤寧有艾
哉。蓋在衍之七。曰身其康。強子孫其逢吉。而兩
令齊聲為祝。頌祝壽考者。曰玉乳冬凝。青松晚
秀。東華定筭。群真永祐。祝封章者。曰膝下翻。又
治行徵賢。交龍寶勒。鶴繡屏。肇予聞之。善哉。祝
也大。而匪誇斯固亦真情之自然。流溢者乎。
六生金母壽圖小引

李太母以南呂月壽誕是日也玉露含滋香瀟
丹桂金蟾艷影秋滿瑤臺萼綠傳紫雲之書鳳
招霞島變成錫上真之誥鸞引蓬山五馬佳兒
錦水欣逢異績斑衣勝會華觴喜接良辰奏霓
裳之雅音宣來法部擘麟鷲之佳脯出自珍厨
花彙叢中驚袍佩之炫赫彩雲深處欣錦軸之
淋漓發宿耀祥人間俱占斗極萱枝呈筭衆口
並祝笙歌寸管乞靈起佐琅璈之響千秋作頌

心月軒

卷六

十九

擬進南岳之文逸韻遂成欣秉共暢厥有六子
尤庇二天宛轉慈動難盡藻思歌呼佻咲未盡
歡情因而披楮素于玄官寫賞吟于金姆夫金
主堅也故難老兆其麻金為西也故蜀人承其
德彤廷之封綸有日再煩巧心白髮之浮學未
央還頌彩筆

王開見浣花集序

予失意歸坐漢城烟雨中人向予言此間有少

年白眼君子指顧絕異紫衣朱履戲詩軒又也
予已心知其為開見矣急拉相對與語時予倒
奚囊旅次詩示之其詩多怨蓋楚風也予哭開
見亦哭已開見出浣花集示予開見笑予亦笑
因共把酒相睨視予兩人其雍門之技乎哉夫
彩筆歌場翩然秀色練衫半落墨烟淋漓開見
寧不大自媮快頌唐以詩取士又失意則豪罵
鬚張即以方鎮之強宰輔諸侯王之尊俱望而

心月軒

卷六

二十

畏縮閉門不敢出今予次河罷去而開見亦少
年淪落無論金箋玉貌沉香雲想為文士千古
絕觀即其一揮千紙奪錦刻燭竟不能如溫憲
盧子章之徒以壁間浪語袖裏閑吟片刻動明
王知遇能無恨也丈夫擁書萬卷蘭臺石室以
待未死即今長安印中看花日燕搖手意得莫
不有佳冶乎其側連晷夕之歡娛充官陳之語
咲以視挾杖頭錢醉入平康縷恣作有情癡

者何如開見誤矣開見又欲製蕉衫筇杖為禽
尚遠遊計然開見出門三百里衆吠猶又似不
可朝夕乃必走五嶽窮岫嶠問玄夷作兩都賦
而返使家之人駭愕錚鉤建鼓以求妬女之津
風雨滂惡開見亦太多事哉白香山社中詩酒
無恙今亟策蹇而歸相與提挾風雷以動脩大
業固吾黨千秋一時開見得無意也

浣花集續序

心月軒

卷六

二十一

王郎半儀朗潤才藻輝映細雨江頭淚墮陵陽
之璞敵裘旅舍金嗟陸賈之囊風起雲飛壯心
轉劇歌柔酒勁逸興時生蓋杏臉嬌婉彼美應
有仙骨而香蓮歌舞才人揔是戲場是以翠袖
紅衫情每酣乎燕市毒花柳色夢頻繞于鏡湖
玉卮流而雅韻宣詞譜新傳鳳律銀缸艷而瑤
章奏歌臺快紀鸞音雲母簾開霄又墨沉湘水
流蘇帳捲飄又筆掃巫山繁麗出巧心惟述百

年睢鳩之好宮商按玉指專陳子夜琴瑟之歡
千里雁魚愴離泣別一亭星月刻髓播棗彼花
攢霧捲之吟讓其工美即錦繡繡鞍之句之此
綢繆于時月英之意已迷而瑞卿之魂歆虎瓊
釵解贈欣一字以千金咲類遲留藉寸練而九
昂王郎大叫歡極平生予以鄙謬妄簡弁首展
覽心馳彷彿如臨溪水披吟目眩依稀似枕秦

樓

心月軒

卷六

二十二

往予失意端抵漢城情景牢騷開見命酒未
索浣花集序率筆應之不記為何語已索稿
于其兄開座開座調子曰君才盡耶予凌就
此俱存以紀豪逸之興

何季緯射雲館集序

今論季緯者以為質性充厲有驚然不可一世
之意予謂不然夫季緯曾如鼓吏之轅門杖地
乎如大阮之白眼看人乎如蓋寬饒之醉狂凌
席乎如鄴下兒之胡粉塗面乎如李長源之好
縱橫大言乎如杜少陵之據床瞪視謝幾卿之

逢人意格輒罵乎是數者即有之固是英豪本色何足為季緯累而要季緯寔非其人則歌享以所未曾有之名決不受也季緯才譽久著即草又一官人之接遇之者俱重如吉光天駟而季緯素寡言笑不善致寒溫則遂睜胎唇訾謂季緯使才任氣視一世之人盡如蟻虱蝟蝶之無足與語則過情甚矣予貽詩有云世界崎嶇難頓汝兒曹睥睨且隨人即季緯以予為知言

心月軒

卷六

三

也季緯歸未與予青燈促語鬻字見血予謂季緯昔皇甫湜為裴晉公作文晉公酬以車馬金帛不滿其意遂致色怒君得無是耶季緯默不應季緯所為詩文若干予意其震憾五岳悲風叫噉今讀之新美玄妙要歸獨詣絕無字駭感憤之致益以服季緯之謫如也

黃叔搏蚤嘯集序

予與叔搏交最久叔搏挺安仁之姿朗輝搖月

挾文通之藻彩翰霏花里人俱目攝之此必摩天去乃竟不過予小草粵中自嘆無復大英雄本色風塵苦辛鬢願漸改每對鏡輒為之愀然及予還里叔搏著舊蕉衫握麈尾來亦大非往時白皙楚又顏面因把袂對向為誦唐人相悲各問年之句不覺涕洟下也叔搏以其胸中所蓄岫嶮汲冢之奇發而為詩賦予讀之無思弗精無語弗要詩篇俊整流逸自成其家古文詞則汨又瀕洞而出之信筆疾揮莫可涯涘昔田單稱善治兵所向披靡乃馬服君用二十萬之眾單遂不解其妙蓋淺衷者邊幅俱窘而長才者索馭有餘然則叔搏之博大汪洋非第雅雕心碎掌於此道亦其才具勝矣叔搏故自豪胡為以蚤嘯各篇予近有撰著叔搏每據社壇桃發我碩椽蘆吹響自知不韻若叔搏則所稱數部鼓吹林谷轉響乃蘇門嘯也

心月軒

卷六

三

予與叔搏交最久叔搏挺安仁之姿朗輝搖月

龔安治落花詩小引

雁字鶴唳落花作者如林而雁字之銀鈎鐵畫
鶴唳之金磬雲璈落花之解佩墮髻溫香相沿
令人欲嘔予於雁字竟開筆不能就篇即鶴唳
落花亦僅各得二首不無才短之恨今讀安治
落花詩亦何富美也予每與安治會輒有新刻
相示安治才高坎河染指一出遂就泉石所知
交遍天下無能為潤奚囊者王子安人請托為
心月軒 卷六 二十五

周具鄉行卷序

詩有胸中讀數千卷書不能下一語而後生小
子偶爾効顰遂微肖合者此自古今神物無疑
也謂之神則名象難著故或寂寥而轉熱鬧或

噴罵而反忻咲或語全沒義味而意極照管或
局似離畔不合家而機極有會或刻峭孤行或
一味風韻種又分別摠之要歸至極耳此至極
之境雖各從其匠心處得之而名家指授洞脉
發竅必不可少此杜少陵所謂樽酒細論者也
近日有一種山人最為可厭山人多育心曠腹
之徒往往以敵帚自矜享少年淺學之士風影
相傳遙望紛逐而山人虛名亦以浪起以至摠
心月軒 卷六 二十六

紳大年之老有平日未常拈弄此道不解詩為
何物遂信以為瑰瑋異才山海靈氣足以磔裂
騷雅之微吐呷丘墳之秘不惜倒屣延榻師事
之而山人亦遂充厲簡倨直踞上坐且虛憍炫
飾之態尤靡所不至及其張口論詩則若受磨
甕堅戒不肯輕發一語偶發一語則衆相驚賞
瞪目而視之如大乘佛出現寶座說法頂禮皈依
依其實山人眼底未曾見天日不過熟記舊唐

詩數卷拾殘屑敢蓋欺人耳即其中有稍自造
琢微露心巧者而其才氣不足以發揚之如吃
口病兒隱呻澀吟終不能罄裏底吐露夫古今
神物豈若是之黠淡無華者哉人有携詩篇示
之則引繩斥剝批根彈射一與之質証爭論又
張脉債興皆翳俱裂傲然必求其勝予往又置
不與論第見世間多僑盼蕩儻之才真足以宣
明風雅鼓幟詞場雖其詭肆詆蕩有之然範我

心月軒

卷六

二十七

馳驅翻又天衢上駟無難者而一墮山人羅網
中遂致不可解脫若榛荆冒躄痲疔盈頭動轉
稱艱因之菁光既落響韻俱銷使良椽斷于鈍
工而飛駕誣于拙馭是可嘆已予于此儕極歎
之賤之以今觀于具卿行卷大都刻賜洗髓不
襲今作者牙浚隻語必欲卓然橋舉自名其業
暢然發攄必竟其才此字但無廣山人俗氣乎
蓋其進不可量也已

袁軫卿詩序

軫卿意不可一世面垢不頰委髮鬚對容祖
洗搔脚癢自謂井丹之刺莫投中散之駕未報
人世苛禮盡削黜焉一日手詩卷來顧予意軒
軒若負其所有予循覽之詩僅數百首評賞多
人阮季羽評曰沅烟墮翠捫崖骨冷張炯軒評
曰雪笳雲笛送響濛亮汪任生評曰蒼然古色
斷琴埋劍李幻之評曰仙機冰紈雪衣細剪蓋
各極欣譽之懷而予則以為軫卿詩雖不廢鏤
畫要其中任情平寫之致固自有超然者李伯
時工畫其成染精緻庸工可學至于率畧簡易
處則終不近軫卿詩亦若斯焉耳夫簡率豈閑
精神而全幅之精神則已悉流露于此軫卿意
運筆先予鑿出象外軫卿發之于勃焉溢焉之
餘而予讀之目烟又欲疾覽而不及停手指又
欲亟披而惟恐盡味其詩想見其人是軫卿活

心月軒

卷六

二十八

影子也軫卿故豪甚人或訕之予為贈詩云世
皆歎殺真愁殺我見猶憐不受憐似足為軫卿
粧點風景軫卿亟稱一人知己足以不恨遂別
去予夢得琳瑯滿袖矣

王羽生集序

予生平精力都為帙括耗盡間以其暇為聲歌
又稍事臨池取諸善本摹臨之然至倔僵不合
處則為怒起即有五代銀光紙恨不裂碎已被
心月軒 卷六 二十九
閱大藏經始悟古來釋氏之妙一味清虛全無
此苦其苦此者都緣結習未了作怪耳予遂決
意棄去乃羽生相過弗予是也羽生精詩兼曉
書法禪那俱與予同而其所為詩日益富予讀
之取法必古自裁必心覽之色熒然扣之聲鉤
然固予所歛衽心折也今更津又欲超乘上之
則予何以益羽生毋亦精心拔異俟其自至路
熟轂轉火足丹融固自卓然耳昔無際和尚謁

清公鮮降伏友至水上拽葫蘆時便有理會羽
生大知識人不須更作一轉語矣

夏我齋太翁崧山異讞小引

災異之事凡目所未親見者俱不足信即如列
史野乘稗官小說所稱天為兩血及北周之池
水變為血唐武德之金盃水毛婆羅之炊飯俱
忽化為血種又異變人必不肯信以為真又况
夫平地血起若注者乎夏太翁以名才來守端
郡予朝夕獲侍觀其政治甚悉大要質訟盈庭
丹管立判每一章牘成郡人士即紛傳寫之寶
如幾壁一日郡城有居民王赫積家其地偶微
露一孔隙有血水鮮赤噴出直射如線市人戶
外環觀者趾相籍也亟請黃冠具紙寶以生雞
血洒灑之經數刻乃止亦已淋漓遍瀉矣時兩
臺監司聞之驚詫色變舉國震愕若狂公獨曰
是得非匹夫庶女之寃乎即馳詣包公祠鞠之

其人若憤若醉如夢中囈語自招十五年前親弟死于非命曾有受賄滅跡之事于是人情歎然安哉而公燭察之譽不脛而走百粵斯不亦稱神明上理乎夫究厲所積怒濤飛霜怪又奇奇事固有之彼劉敬叔異苑任昉述異記諸書安可盡謂誕漫無據且深究苦念湮滯沉塞何以必遲之十五年之久待公靈心慧斷而後昭露也人事有主氣機在握七政五行消彌固自不爽于焉薦紳文人共舒彩筆同寫異猷亮不揣為序而傳之以增治林一段佳話

崧山異讞序 代區御史

吏治之良無如旣鬱導滯夫至于滯鬱俱為之疏導而人情悅氣化順則變理之神機矣何者宇內之一切物象原與各相闕屬各以真實之念注之而九天重泉皆其布護千秋百世皆為勅觸金石不能碍隔風雨亦是靈通甚至幽沉

心月軒

卷六

三十一

鬼物望其昭宣而神靈若為之驅使洞玄鑿秋快髓決心則又何必鉤廣漢之隱發衛君之闕以為奇也太守夏公益我端州人又儼其青天白日之心事服其黷奸挾伏之明斷而至于王躄積家出血一事則尤聲稱藉甚蓋此事當群情錯愕叫狂之時即臺司動色相顧而公獨倏然飛騎立訊而剖悉之挈究洞疑出入意表是以衆譽歛騰也夫公平日為民為地方之心事真矣至矣鶴庭簾捲百務俱修衾寢哺餐不輟其慮大要念又可以顯貞事又可以嘿契何分人鬼何分順滯何論氣數之變幻何計時事之近遠第沉寃夜泣積久鬱紆必待公為之攄雪而公亦自以為飛紅滂篴事豈無因人情物理自應如是推斷亦安知其為至極之神奇也司理鄧公從郡人之請紀詠榆揚題曰崧山異讞予不辭而為之序若曰包祠通公之靈乎亦公

心月軒

卷六

三十二

之乞靈于包公乎則予所不敢知惟是崧嶺臺高雲淨如洗片中懸萬形畢鑑山魑野魅有能遁跡潛影者乎則予與郡人所瞻對而共曉者耳請并以是質之

俞日藻集序

文章之業作者苦心選者當直書其姓名以暨不朽不然日久或湮滅焉作者不耳也曹子達身後歎韓仲卿傳其刻徵之於夢青衿生已化

心月軒

卷六

三十三

為虎皮骨都換及遇友人于途自誦其文情為傳之文心固不死耳自古如管荀呂覽鴟別亢倉慎子之流嘔心著撰各成一家宇宙內何可無此分派第其造詣日進手筆微異而評者必欲以一則規之謂其篇不相類却似某人作私意揣擬迷失真相亦足憾矣夫誤被人以美而醜結得邀章甫誤被人以惡而治索遂蒙痛疥得無慎也羽生為亡友俞日藻輯其遺文梓之

足稱知己高誼而予讀其文或峭刻或平演富則萬言簡不盈幅恐後有異同不一則之議因為及之亦以示海內評選之家毋輕置喙前人也

何惠卿花信集序

見惠卿詩者如見寶粧靚女歡喜讚嘆予大索始得之乃惠卿初意不欲示予已復自沮忽以為暱情之歎亡當宮商之響予謂不然夫先聖

心月軒

卷六

三十四

論學問詳矣然曰悅樂曰忘憂則陶暢之意居多焉彼夫星眼媚而解贈陸離桃腮艷而絃歌款決可遇門不問乎漢唐之儒多自豪達倚紅偎翠視為家常若宋儒不無拘押然而杏花毒子清獻牽情歌枕殘燈文正留句讀君寔空警淡粧之咏猶堪踏舞誦永叔垂簾墮釵之什不禁飛揚是教君子人品經濟不籠鞅後先乎跌宕風流何損雅致惠卿年少方濡首本領之業

予謂制執小技耳真心搜髓者未必得而遊戲者得之今試以玉貌珠簾翩然之趣味作性命道學語作者如絲管徐奏迎風弄轉觀者如香欄並肩春花自笑可歌可泣可憫可愴于以逢知己之賞識易又耳彼時惠卿成名得意請以是編廣而傳之惠卿固從歌舞場中得道者乎

呂潤甫咏右齊稿小引

園亭不必置石第有高韻之友如米元章者在

心月軒

卷六

三十五

坐而衣剝儀貌石也言語動作石也所見無非石者潤甫則不謂然亭必列石又必紀咏蓋灑灑乎誇言之潤甫欲予造和其篇予不能予欲從潤甫乞分片石潤甫不許也異形空靈青翠染袂石以詩重乎詩以石重乎只恐如到瀝竒礪石為梁帝賭去終非君園物耳潤甫識之

題陳醫卷引

蓋予每與人抗手論天下事未有不取足于一

己之精力者有許椽之情具後可以臨幽賞勝有康樂之豪爽浚可以鑿逕開道厄弱者著跡狹邪旋稱火症而白香山李青蓮諸人日擁如花未見有風流之恙狹量者稍戀麴君遂致疾首而劉阮諸士柏浮為生未聞有沉湎之疾則亦其本來精力各異至于文章大業尤須運以全副精力其可以病夫為之乎予少年不病竊一第後遂苦病心惘又不能置思稍置思則火

心月軒

卷六

三十五

起每雞壇角執即友人有鏤雲齊龍之藻予意輒不肯下蓋其境地俱吾才力之所優為顧神不能赴遂孱然廢耳聾之病驥追風折劍割兕本質既虧撫衷三嘆庸醫不察輒投以寒涼之劑益復不瘳已乃得浙中吳梅坡醫書讀之始知積虛之症利用補于烏荷斧劇卷叱婢尋草日調月養神氣侵增而歲畧迫人公車困頓自甘小草矣夫池水生津杏林種彩神砂舊醲橘

井仙藥會記苑園從古有之今豈乏人陳君壯
習孔老晚閱方書無不應手靈驗者使予早年
接晤得共攝神固精之妙餌以究心帖括則彩
騎看花唾手聞耳何至作沒巴鼻勾當如今日
哉儒者莫要手知醫予故贈以詩而為之序

龔安治近稿序

予邑文士近多作怪好為簡脫至有向屠沽兒
場中陸博踟躕角賭乞食者予竊訝之安治與
王開見及家峻生俱高才青年即就選出處大
事何為作以草又安治性尤豪每稱李青蓮家
資三十萬盡以給客丈夫磊落黃金散盡還復
來見有恂又深衣古褶者則唾笑之所持論詩
文亦然非自標新穎則曰此深衣古褶者耳予
戲調安治如君言必蓬頭裸躰為快耶安治意
不可一世顧獨暱好予日者白門花鳥石城管
絃俱已錯過今揚城秋色又未一寫二十四橋

明月之勝相與決廣陵飛濤倒傾筆陣甚愧酸
俗所幸得安治近詩讀之氣味和勻色澤鮮亮
另出手眼官商自調其中原詞人之最乎寧惟
非蓬頭裸躰之致蓋整佩凝粧如殊妙寶相瓔
珞瑞嚴矣觀者請盥手焚香而作頂禮

劉大者桃花源詩引

予與大者會棠山寺大者所為純文雋朗新亮
能絕其佻試得恩貢以為差了芸窓一局耳不
意就選得邑簿無不為大者托腕今讀大者開
花詩三十首亦何瑰瑋奇致也夫春風飄零殘
萼無主苔砌籍委餘香有恨大者胡不賦落花
之篇而沾又輕紅艷粉為噫嘻長歌當哭大者
固無聊賴惟華亭幕中據胡床題咏幾遍差不
減昔賢焉栖耳大者以公務至金陵謁何匪莪
先生又賞其詩破例優遇之縱論及日晡貽詩
扇以贈顧今之如先生者能幾哉輦上自矜作

氣凌厲將令大者從旁睥睨翫弄翫以承此
未會見苑花園一字者也

心月軒

卷六

系九

心月軒稿卷七

傳

嫡母田宜人傳

但西泉岳翁傳

但母黃孺人傳

心月軒

卷七

乙

蕪川鄧士亮寅侯著

傳

嫡母田宜人傳

予邑子姓繁夥稱鉅族無過于田氏者母以名
 家女歸先大人亞泉公大人獨儻有性氣毋天
 性醇謹生平少怒言倨色最稱靜好云母生丈
 夫子五人亮及二弟則母陳氏所出也亮諸兄
 俊雅有文名其膽氣俱堪射南山白額虎又有
 孫數十人亦多奇穎異才即曾孫已遊黌序玄
 孫能溫讀章句矣顧母之鍾愛亮也特異亮生
 甫月餘即屬母襁褓中小長母時又口授詩歌
 亮性小慧輒能成誦燥髮就業篝燈丙夜焚又
 母私治醢醢為佐讀後每試輒不利大人以亮
 文章奇詭好讀異書又沓拖不樂就老學究規
 桺屢教答之母力為解釋得不容諸所為撫育

誨訓之思靡不周至迨二弟生母之撫育誨訓

猶亮也嗚乎夫人莫不愛已之有子已實無子

而浚陽愛之以為已地今業已森又玉立矣其

私心豈不竊計之吾朝夕所為事杼白勤澣統

經營而潤此田舍者幾何又所為槍簪珥修脯

贊挈囊整篋而教率若曹者幾何今寔蓄有衆

將安取給也嗚乎世情昏迷一體岐分寧有徹

大同之解破閭閻之見如吾母者乎亮兄弟最

為敦睦心事俱見底衷其藉母提命寔多毋強

健足精神不善病即偶病不斷葷食先大人家

業頗裕食指幾以千計亮兄弟析爨而居醇鮮

滌滌不遺餘力以奉母又坦衷寬恕即諸子婦

及孫婦俱融又暱就之每牽衣統膝拊背問暄

冷以次供膳惟惧母即去每去未常不淚汪又

別也母日夕望兒輩通顯諸兄及諸孫多先後

食廩黌宮竟未成名母心殊鞅又不樂歲辛卯

亮舉于鄉母喜劇為加餐每歲之仲夏月榴花爛熳壽筵載啟管吹盛張別履環列母鬢髮而朱衫溫然色笑僊又乎蟠苑會矣母以亮得第一第憐又望南宮大業亮比上母解金玉飾為橐中裝歲甲辰亮幾得之矣歲丙午弟士美亦幾鄉薦母懸望日益甚亮兄弟聚而謀曰母老矣今豈必身自有之離輪呵騁之為快哉但得祿養稱榮孰與滿盤藜糗也亮乃俛就夷陵一

心月軒

卷七

三

但西泉岳翁傳
一鄉善士世難其人予益得之岳翁西泉公云公三月失怙母孺人教育之甚謹為人天真坦夷事親至孝好披閱古賢人事蹟兼曉堪輿星卜若錢貨之子毋物價之輕重以及米鹽凌軋非惟不閉念亦且不諳經理而至于一切機智之事則公絕無之真有擇利鹿裘之風蓋予閱世見夫世人狡獪狙詐詭譎齟齬欺孤而結愚賈友而穿衆含沙逞忿破律快私計錙銖之利忘戚友之誼胸螫莫剪腹劍難堪輒斥之恨之夫以納又乾坤偶爾聚處當為之備然坦然以共相調適何必多此榛棘而又私計夫鄉市藉藉之衆若蟻結蝟紛豈乏善人然竟未有當予衷者惟公則予所僅見也公娶御孺人有才幹悉以家政委之公惟自課農業每醉後輒大呼昔秦人以力田受爵賞漢人以力田應辟舉予

心月軒

卷七

四

庶幾良農乎時孺人勤敏枯槁而公家事日以
饒產業膏腴樓宇華飾困箱之積豐盈填委良
醒芳候輝映几筵健僕駿馬里兒艷羨生四子
俱能成立有孫遊費序公日惟優遊泉石間享
熙攘無為之樂而世之種又狙詐者或枵腸裸
骭午爨未炊宿負莫償妻孥囂誅以視公何如
也予為公婚時又稱愛我非壁牖間物家大人
生平嚴峻少推重獨推公不去口每杯酒接談

心身軒

卷七

五

燃膏竟夕益俱以心事相襟契云公享年六十
身世無憾噫嘻使今之人盡如公則結繩可治
爰書可廢以歡以恬同遊太上予所以閱世而
於公亟許且如此真心直行寧惟吾許夫亦吾
儒門孔老及大乘菩薩上界真儒三教所共許也

但母黃孺人傳

但先世居于城市棟宇輝崇後子姓多卜聚于
鄉予屢騎而過之見其詩書之繁衍家法之森

嚴策肥駢路祖祀豈整輒心異焉而松雲一派
則尤最著云邑黃珊為休寧黃太保忠宣公之
嫡孫至珊徙居于邑生有令女香閨發秀珠浦
蕙畦所淵源遠矣松雲公鮮令標舉為諸生有
聲已遊太學先娶張氏再娶祝氏生子牧及祝
亡遍選于里于是黃孺人歸焉青燈夜織解佩
稱歡推布晨操御琴調好中表莫不喁又羨也
生子汝放數數四人及一女數數俱為庠生松

心身軒

卷七

六

雲公以例貢任山東黃邑貳令治聲炳郁則孺
人內贊之力居多焉尋擢蜀府三載歸田謝世
孺人年僅三十有七耳噫嘻霜帷冷而黛眉殘
粧寫影孤而鏡塵封篋風雨夜淒蛩聲灑淚苦
矣乃孺人冰蘖之操歷久如一日啖藜茹素課
農訓子不休也邑侯及縉紳士人爭重之欲張
耀其事會樞臺胡公奉舉揚郡婦僉議以孺人
貞節請計棹楔雲連旌表有日未幾孺人歿矣

享年八十有三亦何憾哉數覈素與予善覈號
文圃筆端矯又雅行皜然族人推為家長里役
丁糧之事最為繁瑟不無恃情而凌競挾分以
扞格者而文圃一秉公直綜理之選輒者必振
文弱者必扶忠懿者必勸狡獪者必懲扶亡不
兢兢奉約予贈文圃詩云道似子魚家政肅行
如王烈里人欽蓋實錄也文圃孝思不斂泯其
前芳予謂女貞關係風化朝有典野有舌即漢
心月軒 卷七 七

兄瑤池公同嫂覃孺人傳

予侄日浚字淨允家子姓甚衆而予與淨允遊
獨款密益鄙性素迂濶多引古人高偉之行各
理之談以繩人又多不樂就每儕輩朱亭小集
見予來輒稍又引去惟淨允頻相遇從如仲容

之于嗣宗也然予微窺其胸中未曾見徹底訢
快秘不言強言之語純觸舌淚歎又傾矣蓋先
叔肖岩公生士英瓠瑤池為長子嫂覃孺人歸
焉以有淨允家長者頗能縷悉之瑤池兄儀貌
自幼魁整聰慧異常見邑任兆磨先生見而奇
之以為此渥洼神駒如韓昌黎見李長吉七歲
賦華裾青葱之什不覺聯騎並載也稍長為諸
生有聲家園社中私相遜避即肖岩公自拈題
心月軒 卷七 八
為文以為畫美試令瑤池擬作之另有一番意
想又如王逸歎為靈光賦見其子延壽之作委
曲盡致遂更不復著手以此兄之名益著然性
恢廓不視生產嫂氏則茹淡縞素絲象織襪挑
燈率作以佐讀兄每擁牛衣嘆予異日得意脫
去鳳尾袍若當解箕箒為金縷繡襦飾耳夫楮
葉雖美三年始成造凌雲子午之臺未經日而
就非神手不能乃肖岩公家政凜肅又多性氣

於兄望之太急求之太嚴提命匡直楚拱不免
而兄懼以情竄傷尊人志捐又疲悴不肯遺餘
力而讓步旋中寒疾早夭噫嘻此固有命存焉
然膏明自銷老人與痛矣嫂氏哭之肌毀骨立
從旁諭慰百爾所思焚又藐諸孤如從伊誰滋
殖嫂氏不聽霜帶灑血竟逝僅四閱月耳淨兀
既長有知識而日夕守芭茅礪一塊土以號曰
天乎予何罪二人何罪生不及養死不能榮予
心月軒 卷九

覩然非人哉蓋充又為皇又為不替永慕之情
曹子晚適楚得尊官焉其二人不及待矣夫曾
子即不得尊官以榮親於地下也將不得為孝
耶聖門首重仁孝而儒者不肯尋繹孝經淨几
于心性學問固有本原者宜其孝思篤至也

心月軒稿卷八

行狀

達州兄行狀

石泉兄行狀

心月軒

卷八

乙

心月軒稿卷八

蕪川鄧士亮寅侯著

行狀

達州兄行狀

公諱士望號鳳石先伯父月泉公長子也身幹長偉性靜簡不輕言論如洪鍾大鼎嶄然異器公以嘉靖戊申年春正月初十日生月泉公成進士公小長隨任都門縱觀山河逶迤及金關

心月軒

卷八

七

丹垣之壯麗游人俠客之豪舉便有一收環海意已出隨之豫章登五老禹壽雲山又隨之滇中歷碧鷄萬餘里耳目既廣胸懷豁如有會也為制舉執秀色光燦可餐食廩費官歲己卯公卷最得意業已入彀數日偶庭積中膈膺有聲已響如裂石主考異之為更置易春秋詩三卷詩卷則公卷也公用是惋悒歆焚筆硯公賦性豪達有孔北海陳孟公風味既自以不得志發

憶見奇乃闢置園亭列茂卉名花異石彩魚買

酒徵歌銀燭徹曙左右窄袂恭講執等司酒政

公自能豪飲及數斗每客醉狂則大叫稱快不

則投客轄重門嚴歲繼鑰客竟不得去公雅務

博綜有得輒手錄成卷喜為近體詩清冷有致

公旋改業之南雍謂六代遺文在烏南雍名士

綦履藉如帶贊交歡公所為好客日益甚旋加

貨待選京師而公家業亦以費桂玉不敷疏粥

心月軒

卷八

二

自給怡然也歲丁酉公得選上林丞上林饒木

植中貴人伐木貿利惟憚公威嚴因張酒筵具

多金為壽公竟謝不往己亥判亳州治聲蔚起

毫故多名花悉植官舍吟賞文藻風流毫民攀

入惠政祠祀焉壬寅權達州二守冰操峻凜時

光祿卿淇竹衛公家居少許可駁推重公不去

口癸卯署雲陽縣事甫半載慈威並著公以新

令至且去雲人留之肩趾擁摩越兩日乃得發

邑有雲塲亦感德俱為勒石志思穹窿相望也
甲辰四月直柏方麓李公考察郡邑亟稱賞公
清幹異才命即日署東鄉事時天氣蒸炙公軀
躄肥重苦酬接遂抱病急返之達州數日遂卒
則五月廿四日也享年僅五十有七嗚乎痛哉
卒之日曲巷委舍慟聲相接衛公手為文以誄
字又堪涕夫以公少年豪爽自雄意氣膽魄真
可捨命救人雅持重不動如山論者謂與桓東
亭似若假之雲翰致身顯要以展其屹立斧斷
之才必有過人者亦或擁旄帶櫜昇得領數千
組練當邊徼任未必不濟縣官緩急而才竟以
資格限壽又不竟其才惜哉公娶曹氏生子日
華再娶錢氏生日芳華娶魏副憲公女華年三
十卒止一女聘丘文學子芳娶龔文林公女卒
繼娶梅氏日芳天啟丁卯鄉薦

石泉兄行狀

公諱士達號行吾月泉公生四子鳳石公最長
次則公俱呂安人所出也公生而美貌玉立韻
致颯爽即衛洗馬何平叔不過矣自幼穎敏有
聲長為制執清趣天然初日芙蓉令人劇賞工
絕頭小楷有文待詔筆意嘉靖庚午年纔二十
舉于鄉公與魏孺人最相得孺人蓋魏副憲順
甫公女也才調卓絕所為裁羨醞醬炮炙之味
俱妙創心裁不由師習即秘以其法傳示中表
之親者然極力効之不肖也公性喜延客門下
多副縉士冠履雜還絲管橫疊朱亭小閣歌舞
環侍日夕兩張綺筵無筭孺人咄嗟即辦又公
坦衷熱腸所當得意處則囊金揮斥立盡自昔
王內史以庫中九萬箋予謝公裴泰軍金帛滿
船盡付張徐州今古侈為美譚以公視之政平
等事耳公性孝謹奉月泉公庭訓不少懈又時
魏順甫公勵志秦漢及開元大曆之業公日侍

提命詩文益長進乃公車屢頻歲已丑就蜀嘉定廣文非其好矣壯心轉銳角社競推一見純孺王公文遂大呼水碧火珠人間異寶明年王公登鄉薦成進士授官翰林甲午公應滇南考試所舉盡知名士皆卷萊玉陳公成甲辰進士論者多公藻鑑云歲乙未復不第擢蜀石泉令石泉新闢小邑在萬巖巖中從來蒞茲土者俱不得奏績去公意殊鞅又又軍民雜處其守司殘削軍士脫巾而呼者屢矣臺司見公美貌有風裁遂秘以屬公一日發軍餉銀若干舊例銀付守司發又訖以若干謝令公驟然曰柰何以我累軍士即開大堂令軍士領時歡呼動地而守司及奸胥啣公入髓矣郡太守沈公偶過石泉公自具酒筵精映沈公詫嘆即法醞珍饌不過也及司理公之石泉計得一飽餒而公所張進不甚愜意守司偵知即擽撫中傷且謂公

心月軒

卷八

五

前發軍餉未當公用是註誤嗚呼公性喜食客而乃踈之當路之人其旨柔順反為禍蒙亦豈料世路中有以飲食小過中害人者哉于時聞者鬱恨所為裂背濺血指髮柅腕觸缸感天悲風怒濤恨不即提章為公走闕下滌幽枉而申白日乃公歸處之恬然也命酒彈棋咏賞不輟未幾司理招議且死而守司磔尸戰場中天道頑不凜然哉公色澤充然步履蹇蹕門人有宦粵者為一問羅阜梅花及返之永明邑竟病不赴傷哉公生于嘉靖庚戌年四月初三日卒于萬曆庚戌年七月二十二日享年六十魏孺人無子撫庶出二子如己子日獻袁氏出娶南嘉給事李公女日蕃萬氏出娶縣佐馬公女俱庠生女二一適謝光祿公子一適謝御史公子

心月軒

卷八

六

心月軒稿卷九

贊

德慶州幕劉雪窩先生贊

方伯林春環公贊

方伯戴昂昭公贊

伯父月泉公影贊

心月軒

卷九

乙

心月軒稿卷九

尊川鄧士亮寅侯著

贊

德慶州幕劉雪窩先生贊

德郡夙稱名地邇者景物凋疲征徭莫給其以
 理官來攝茲土慨然思籌畫焉日與父老青衿
 商畧時宜因細採前賢備詢往蹟則莫不侈言
 先生佐郡之美某微窺之覺郡人士喉間淒咽
 不能竟吐兩眸欲涕也先生何以得此于郡人
 乎為想當日拊育煦濡之恩人尸而戶祝其撫
 夷一事所全活以億萬不損兵糧毫髮而惟走
 單騎尺檄定之一時城社安孟盾甲不驚是誰
 賜也至于幕清草瘦簾靜烏啼一榻琴歌微酣
 詩卷此固自先生本色先生擢興寧令乞歸而
 郡名宦翕然祠之矣九年懋績日麗棠陰萬井
 啣恩香飄俎席先生不朽之聲名固有與星巖

心月軒

卷九

乙

錦石之峻俱存者其不敏有聞揚賢善之責高山仰止竊私慕焉而為之贊

噫嘻先生文人耶擁詩琴而靡斃先生將士耶憑譚笑而夷氛凜息先生循良吏耶勤撫字而農箱夥積先生靖節之流耶胡不縮興寧銅符而飄然泉石為適惟流澤于今日茂而祀典隆崇香筵賁奕血食精靈欣令名之無極

方伯林春曙公贊

心月軒

卷九

二

公諱肇明號春曙浙之山陰人以廣州郡守擢嶺西兵憲當制院鎮下時予署府事兩月矣公持守清粹言笑凜如所為懲奸胥汰冗兵節冒費興水利種又脩舉而沿海不虞飭餘糧而練隊伍蓋實心為國為民者公嚴明有聲予初意甚憚之時郡僚及高要邑俱缺官百務倥偬予隻身料理而鎮下當兩粵車舟之衝公亦苦酬接簿書文移纍積如山公透心徹膽盡以委予

而予亦減寢食竭精髓以仰副公托成之意每日招詳數上公輒批駁聞者俱謂公綜覈已甚予絕不為動每晉謁侍茶畢公起遷延作一二漫語徐溫然而謂曰日前某申詳妥當乎予曰然公微笑曰似覺未妥可出商之凌亂以他語徐又舉其詳言之如是者再四移時始出率以為常予即亟搜申詳商之曉刑名者俱云無差謬予次日晉謁為具言之公笑曰尚未盡合因

心月軒

卷九

三

細為議論予意始豁然久之未見駁予語次及之公撫掌笑曰君悟矣透矣何以駁為蓋公知予清修自愛勤敏任事而第其私意自用律法未熟故特為規正之裨無枉縱若詞色歡然宛轉曲諭則公與人為善之妙當于古人中求也而至于重務關要處則予不憚力爭公為色變鄙性直慙亦不禁艱然已而漸解霽公每謂人曰予與司理道義相成無成心也予至廣城見

上臺譽賞心怪之時分潘見邠江公與予舊知
秘問之江公曰君不知耶司道曾偶集於公館
予以君問林春老乃春老將君治績節次而詳
舉之至今聞者色動已直指存思王公欲特疏
薦異等方伯生白吳公以予應則公推揚之力
居多事雖未諧感德戢心及公離肇之閩再擢
粵藩入 覲而訃音聞矣感念長哭繼慕不置
因為贊以見知己之懷而公生平高品美績則

心月軒

卷九

四

以俟大筆者

噫嘻世路叵測無風波起宦海為甚譚者神靡
挾分凌物陽稱背毀揭胆披心如公寧幾聞公
嚴明刻自研砥見公溫夷暢然色喜公之方正
愛良疾否知予堪策笑而相視郡事夥繁焦肝
剔髓疲續耕耘新婦織紵寬其不逮惟公是倚
諄懇提命用振歲咎人云苛覈予謂不爾剖玉
芟石索澆去疵迹雖柄鑿契寔針水送而相成

庸人則恥豪傑心事共質如矢大力嗟培溢譽
芬莖直指曰賢薦既特擬自欣短翰一飛萬里
旁論沮之人情請詭簿命自其啣德無己公膺
簡擢閩山粵涖高牙秉鉞指顧即是訃音忽聞
桐天酒淨日月誰扶世宙誰抵女飾可更士心
不絕萬禩香名流映青史

方伯戴昂昭公贊

公諱燿號昂昭閩之長泰人先守端州治譽奕

心月軒

卷九

五

著予赴司理任公為守道予謁于三水邑之舟
次公一見賞快甫月餘即命署德慶已命署府
事直指虞石王公察典已竣予未獲隨巡無復
薦剡之望及旬月公密為請薦時予極荷直指
稱愛第以俸未及格難其議一日公約方伯鵬
江潘公偕請直指微許可公即為揖謝甚感格
外培育之恩然公未嘗一言及也公溫夷仁恕
為德不使人知大都類此既擢去郡人思之為

肯建生祠于包公祠之後輪棟聳屹予題匾額
曰萬家生佛楹在俱有對聯頗極煥耀之致夫
予言何足為公重感德之表代舌以筆云再因
紀以贊

天厚厥性温然仁惠作守清貞頌聲四暨香火
遮留卧轍弗遂巷陌環思相對以淚地方有緣
掃階迎騎僖敏重臨陶公再至遺愛思深祠宮
整闕棟宇連雲崇階華砌予邀知遇銘心載胃
心月軒 卷九 六
滴水易酬浩德無際杞筆才短十未頌四惟公
之名千秋勿替

伯父月泉公影贊

頎然者品耶毅然者貌耶黥然三尺餘者鬚耶
古今美髯多矣如公者寧幾再又青絲脩而披
委過膝垂又輕飄堪喜舉躬微低拂地塵起視
羲皇而少遜匪靈運之足擬每步郊村觀者集
市仕路相逢於席間以手掬之笑而企美也丹

青有神公固如生懸之宗祐以肅時裡

心月軒

卷九

七

心月軒稿卷十

祭文

祭順侯弟文

祭陳大舅翁文

祭張太夫人文

心月軒

卷十

乙

心月軒稿卷十

尊川御士亮寅侯著

祭文

祭順侯弟文

嗚乎吾弟逝耶吾弟何以逝耶弟濶面軒眉相
非天法則不宜逝冲然温謹里族交歡則不宜
逝門無雜賓儉約自享則不宜逝揆秦吸漢胃
索馳立黠額數奇英雄叫恨則不宜逝壹堂鞠

心月軒

卷十

乙

育白髮已暮膝前幼穉婚嫁未畢則不宜逝而
今何以逝耶嗚乎兄短弟頽弟肥兄瘠鏡影相
肖則固其神似耶弟之質直兄托底裏兄之家
政惟弟勦理手足之愛今無其比一朝騎箕梁
傾木姜而况春草撩人池塘斷想兄何能勝情
也憶昔粵嶺千山弟來顧我輕舸乍返江寒入
夢豈意以會遂為永訣之期哉兄初聞弟病日
夕憂慮左臂凝痰幾成廢棄今歸始得拊弟棺

而哭之里市光景家門語笑依然昔也弟何在
耶一拊心折再拊魂酸海津可涸以淚難乾嗚
乎弟兒我教以托明師宛轉巽導不忍鞭笞達
者之言似慰反悲樽酒饌筵靈其鑒之

祭陳大舅翁文

嗚乎貧苦累人賢者喪守惟翁之行近世希有
夫以亮為翁甥入仕路廿餘年翁猶貸田而耕
僦屋而處子負薪挈炊爨不給亮非人哉翁前

心月軒

卷

二

此猶徒何憚躡屩重趼暱就我又何無尺一之
書句貸於我此真人情所難使今世之人盡如
翁則忘貧富泯伎求是羲皇以前宇宙也憶亮
在肇慶時母太宜人乍起歸念亮具數金為別
母艱然曰兒不記往者青燈熒又時耶兒啣啣
竟漏我輒枕間簌又淚落以有今日勉自脩砥
為門庭光蓋端水之神寔聞以言亮競又奉母
訓矢心樹植微著燕聲至今而宿負未償豈敢

介之性一脈之傳固有必不可移者耶噫嘻一
官金陵山川遙隔渭陽雲樹悠又我思薄倚灸
絮以將遠念惟靈不昧欣然鑒格

祭張太夫人文

岷山既闢乃滙錦流婺光墮地乍離崑丘霞鮮
花曉月映珠秋名媛毓德伯鸞作述相家恭謹
百姘都全闕閱不矜靡作春妍蘋藻裡祀宗祏
惟虔繡室燈檠女史一編篤生侍御塵章鳳翼

心月軒

卷

三

銀燭粧書金華架筆字斲雲根篇搜月液搖扇
燕市南宮馬奕筮仕溧城頌滿棠封艷披錦色
響奏琴風窮闢選俊以屬宗工金爐冶鑄手妙
甄鑿 帝曰良哉應資弼糾牙冠藐哉猷可替
否南庾清蠹藏積如幾陶母之教惟古則有
國務多端醜政尤嚴大才計畫煮海連天煙飛
屯竈雪湧平川周官紀績漢室讓賢亮以卯後
獲侍笑語忘其醜醜誤膺推許梅花嶺上歌筵

接炬披肝縱論微衷相又昊天不卹訃音乍聞
西池作鎮魂返騎雲交訖紫誥瑞氣氤氳慎
長年紀載傳芬噫嘻慟支床毋過摧毀江浦
遄歸片帆千里杵臼定交仕途寧幾從茲悵望
吳山蜀水



心月軒

卷十一

五

心月軒稿卷十一

蕁川鄧子亮寅侯著

疏

張睢陽廟祈嗣疏



本朝威顯曠代精忠歷戰之英氣未消血刃猶
嘯寒雨孤城之豪忿莫解霜旗時捲陣雲天道
人倫垂青編而不可愛妾厲鬼矢亦膽以如焚
山河幾更名義自耿伏念某根基紙薄障葉山
心月軒 卷十一 七
高年已五旬尚乏嗣胤此閱前因之孽報亦定
今世之罪尤乃者殘漏夢中忽驚劍戟荒徑庭
裏似擁麾旄嬖又欲墮天香翻又何來紫氣瞻
霄踴躍望闕趨踰敬製絲袍用輝繡座爰被霞
葉敢宣微縷之忱炬朗金花幸鑒寸絲之悃伏
願為某名下掃除衝戰之挽槍轉回吉祥之輪
軸備告桂祿嗣籍之司篤生醇質謹厚之子箕
裘有托詩禮不虛曲賴玄恩俯符丹禱

為父祈禳疏

紫金散綠現瑞嚴殊妙之形白毫揚輝倡解脫
 了明之法瑞雨飛膏于北朔慈雲凝潤于東溟
 真俗咸皈函明共仰竊念某十身自在五戒未
 空錯認黃花翠竹難學死火寒灰幸藉慈悲普
 重脫度今為父某年已七十德餘方寸若使父
 子夫婦兄弟朋友或多非間之言則將天地山
 川日月星辰容有不時之譴然而生平未有顯
 心月軒 卷十一 二
 蒙與交亦無幽愆偶自仲夏以來痰涎作苦哽
 噎相侵腸胃不通肌膚如削豈布金作福之緣
 尚未了也將科頭晏起之失寧盡無之虞茲王
 科爰開露禱香烟舊燥浮翠幄以流輝笙管鏗
 清徹瑤駕而朗韻鑿茲衆願惠顧真情專與父
 名下標名寶錄定命青篇甘露一枝頓使金花
 潤曉和風半拂轉令晚樹榮春痰涎化為一泓
 池水咽喉不碍十二重樓百觴瞻依萬分激切

某寺無佞頂禮翹企之至

募脩藏經閣疏

邑廷壽寺修建亦既奕然美觀矣乃經典尚缺
 焉司農魏肖翁於金陵造經若干卷命僧無垢
 霖雲載而歸之寺中一水烟雲慈靈呵護西天
 瑞籙寵惠叢林矣蓋寺之有經如袷帶之家有
 牙籤錦帙之富郡邑之庫有金錢貫兩之積所
 以鎮山門而廣玄通者此也顧藏經必有閣凡
 心月軒 卷十一 三
 宇內名山到處皆是使令無閣則煌又貝典紅
 塵滯而侵之酒肉僧得而逼近之賈為通曉乘
 教者得而竊假之屑易之罪何可勝誅乃無佞
 慨然發心自捐四十畝膏腴之產剏立藏經閣
 此非但衲子所難即吾黨捫心揣力豈易辦此
 蓋予薄宦去家十年事又不如往昔而惟寺僧
 之持齋念佛頗稱精進最為可喜又不啻無垢
 之有此舉也顧工費而用鉅必藉布施此無復

待無垢啟吾黨善知識當共成之夫以予性
 鈍拙而開展佛書則豁然即當拂意乍怒與夫
 情想縈熾之時睨視未盈尺不覺意念忽消蓋
 經之有資益于人如是况有茲閣以歲之爐烟
 細裊彩氣迴環字又皆靈琴又敬飛普佑必通
 智慧會心即証善提有能請是經拈一瓣香者
 可當拈數百十瓣香對是經持一願者可當持
 數百十願因應如響利益宏多夫然則喜捨樂
 助何必吾黨即以語屠沽兒未有不歡然倒囊
 篋者也遂為之引

心月軒

卷十一

四

心月軒稿卷十二

啟

候王純孺太史啟

迎李養實郡侯啟

代請吳北陽按臺啟

代候方郡侯入覲啟

代候方伯林公啟

代賀憲長啟

心月軒

卷十二

乙

代候魏肖生文宗啟

請周揚廷貢士啟

謝金澹渠請啟

謝胡明寰貢士請啟

元宵請友人啟

請遊七星巖三啟

谷史鎔古按臺中秋啟

原缺第一葉

野辱昌黎之薦舉何殷哉德銘心感恩瀝血敬
宣積悃聊托蕪緘囊錦賜瑞色之紋視飛鰲禁
菱書騰朱汁之彩夢繞蓬山

迎李養實郡侯啟

禁鳳雲開彩仗遙臨金水石羊日煖新又特借
龍山文章奮執牛耳之盟意氣來作鱣堂之主
歎動劍合遇堂萍遭恭惟 靈襟毓秀朗頂澄
輝郢里之名素高荆國之望獨重錦城何幸得

心月軒

卷十二

上

擁華軒卷沼有緣共瞻繡節翁張既已在手提
引一惟從心唾焰成雲濤浪盡生鱗甲噓風作
煖林穴都長羽毛至于某者蒲湖拙士漢水畸
人自咲榻冷之如水已分面垢之不洗欣逢執
事得丐餘生敢隨後塵竊藉知己蘭階蝶夢自
今破天上之鷲音夜卷螢燈從此接雲間之景
曜年來壯心盡耗根起惟君人前媚骨未工踈
放從我全破徃局共瀝真情并州之馬早迎望

歷已傾噦又范叔之歌戶滿憑車勿爾遲又亦
此孚中願言離照

代請吳北陽接臺啟

簡霜搖日神羊氣凜青城臺栢疑秋金箸威寒
錦水事已竣于詠俗興應決手舉杯恭惟 天
球朗粹玉尺方嚴催點乘聽捫眉崩而得月分
行負斧劈劍道以搜雲貪噬盡銷塵氛立靖某
等光接鳳鸞疲收款段一杯脩敬六日為期棲

心月軒

卷十二

三

殿層空細展嵐光臨岫出江浮遠樹輕飄霧縠
擁紋來永晝醉朱顏喚杜老佐娛詩典樓碑刻
有杜詩
終宵明絳螭問涪叟覓敲魚珍浩翁
釣磯風采于宣
祇聽保國庇民之偉論典刑斯備共親鳴珩繡
袞之華章屏息三薰翹首一諾

饒方郡侯入 觀啟

瞳又瑞日路駟遠飭輶裝冉又香風簡命催飛
鳳闕敲功原遵虞典考績一本周官恭惟 建

水澄精梅山毓秀擅才名于揆藻肆楮陣以寫
龍荆水借循良剪蔬作供峽門宣膏澤載道為
碑既已標異政之光華亦復濯塵情之穢俗探
禹跡于斷岸廟棟猶存喚蘓老于荒臺墨池如
洗蓋才吏可能也而仙吏則閱筆底吟風抹月
之意趣清吏可能也而雅吏則閱胸中問水怡
山之神情惟公兼長于今僅見茲者駢乘將駕
從蓋欲翩賁然行思齋中惟剩一簾琴鶴于彼

心月軒

卷十一

四

郊矣檐頭僅有數卷圖書某親承明昧厚沐嗟
培敬誼某辰聊將微猷情難罄乎三雅誼更悵
于二天仰首噦臨齋心躡俟

代侯方伯林公啟

恭惟 冰姿朗映天韻雄成嶼石蟠英葺藻繪
于靈府鹿谿澄秀發漱灑于丹源片削裁五色
之雲高騰鵬翼躡甲穿七札之陣誰當雁行憶
自通藉晉秩於秋曹因爾移旌秉政于江郡遂

使彈丸之里得邀恬恃之仁燃智燭以炳靈群
生覆盆蒙照扇陽葭而鼓煥到處冷谷涵春至
如某者共在仙源日月之中獨荷繡壤膏流之
潤風生竹馬尚記瞻依日護棠陰寧忘築戟第
匡山楚水巖石之位轉隆而彩鉞畫惟泰岱之
瞻弭隔堂意小吏任瀘之日政值仁臺攬轡之
期家有申伯之路車來分九牧廟藏召公之黍
壺蒞此三巴艾服金珪光搖錦水犀擊鶴繡氣
壓眉山八法而糾群材良金何取躍冶寸技以
程朽質款段可使當轅即今承乏于荆城摠獲
推轂于當事况茲命輶已飭報政匪遙履曳玉
屨占大人之剝見袞隨金路逢天語之叮嚀顯
候鴻禧肅脩鯉素握珠斗而潤神機崇崇漢典
翼璿圖以宣鉅畧績懋虞廷

代賀憲長啟

振揚攬上使之衡五術風裁特冠激勵作群工

心月軒

卷十二

五

之氣六條昂命初隆慶溢憑軒歛騰詠俗恭惟
 胸澄碧海品重羅浮簇異藻於承雲高聳木
 天之麗挺玄言於奏露肆騰東閣之輝紫禁朝
 趁奉辰猷而敷謬誇黃麻夕剝遠時論以著忠
 公涇陽之獵事十旬明主優容狂態殿廷之才
 翰六絕仙班讓執詞頭獻納時資宜親日表鞭
 筆暫借式造星輅挹戰氣於金明波寒夜月探
 簡書于太室霧捲樓臺帝念哀荆天實授楚祝
 心月軒 卷十二 六
 融之雲峰萬仞擁豸角以頻登洞庭之雪浪千
 層洗劔鋒於首出霜威搖嶽黍澤流春欣看貫
 索之消垣共識太微之朗耀某謬以備員分居
 率屬惟台階之采範在望愧車塵之親就未遑
 肅具敬函用將賀悃群工師帥令已布于風雲
 十道澄清望更隆乎萬壽
 代候魏肖生文宗啟
 染彩翰而揚輝自出手眼澄水鏡以掄俊特蒐

鳳麟字惟作多士薪樵之綠亦且增舊屨簪履
 之慶恭惟 家藏富美世望高華胸中刺有雲
 夢洞庭之奇脫底擣盡蘭蕙蕭並之秀天球滿
 貯海藏故翻據公之持論唾蘓罵柳奴秦隸漢
 以為自通以來未有一人曾披瀝天地之殊觀
 而跡公之撰著搜玄紀釋宣風盪雅以為自伊
 出世差有數語堪抽剖肺腸之獨創狂不可及
 丈已在茲玉管吹爐共歸治鑄金權杖駿獨高
 心月軒 卷十二 七
 品題蓋往者恨文辭之雲詭波流每致廢著而
 嘆在今日乘位權之風行草偃必瀆易咏以鳴
 劍道之光華聿新浣溪之局面盡掃士逢知己
 傾載珠盤人樂勝綠倒輸囊髓階前之慶不淺
 宇下之歡猶深某謬以庸謏猥辱光榮何當大
 造之栽培恣竊公門之苑李千山預隔片忱莫
 將欽宮傳而通函釐綬赤舄仰國師以掄悃吉
 被黃裳

請周揚廷貢士啟

藝林簇藻夙瞻睿材翰府揚葩欣承華薦計異
時之桂粟杏枝高傳信帖惟此日之畫旗香醴
暫展文庠伏乞枉臨可勝榮耀

謝金澹渠請啟

昨者砌葉傳芳光同梓澤亭罇吐景秋擬南樓
銀燭競彩蟾之輝坐久畫簾侵竹影玉露佐瓊
危之潤話深綺席啟蘭心雅意極綢繆醉後仍

心月軒

卷十二

八

翻曲譜幽懷盡潦倒別去轉恁花神聊茲肅謝
可勝依切

謝胡明寰貢士請啟

彩鸞苞章金風小試雲端之翼影飛蹄玉紫漢
旋超天路之群縹緲畫旗翔欣瞻勝事漱灑仙
酒馥喜醉佳筵已近斗壁之榮敢忘東南之美
特脩尺素肅謝中涓

元宵請友人啟

瑞靄郊城都在光華隊裏慶集亭館俱赴熱鬧
場中欲盡一宵之娛特飛三雅之興勅星精而
侍酒聽幾處謳歌命火正以司閭看滿簾璀璨
莫令詩篇落莫特候蓋乘翩飛

請遊七星巖啟

飛來一色靈空手掌可掬染就幾層青翠衣袂
俱霑若非我輩歡呼未免山靈岑寂一篙蘭艇
半沼荷花彩佩凝粧應憐笑語柔風送浴喜近

心月軒

卷十二

九

涼芬為許篇韻之對酬能無杯觴之款洽預膺
先聞臨期佇俟

又

名崖萃嶺真從天漢摘來寶洞空靈定應鬼斧
刑出華臺輝碧落芝草時馨金殿輝霞端香烟
自捲如此殊絕之景宜聚最高之人天籟傳音
不須彩雲吹笛仙花解語何減艷粉凝腮敬選
翔衣用雪佳果一杯為獻四韻共成敢同金谷

之嚴勿貽花神之笑

又

荷裳初解夢晚漸陰露滴華臺全消暑氣風清
彩閣滿貯秋光雲霧中鐘鼓數聲凌岫出烟波
內鳧鷖片棹趁人來佛燈晃繡簾誰作道緣之
主經函潤石榻應深物外之期玉趾幸臨鸞軒
斲借捫崖頂而題月俱落琳瑯吸洞口以傳危
各標風雅

心月軒

卷五

十

谷史鏞古按臺中秋啟時予司邦閱大水無船

浪勢飛騰似欲平吞雉堞波聲道震俱驚乍撼
虹梁沿流之闌石全封一帶之商帆若掃清秋
已半真看天水相連明月空來未有舟航可載
心已嘔乎虧額掌更燁于持籌紅蓼岸邊誰擬
親濤作賦白蘋洲上何暇泛渚傳樽忽辱珍函
燕寵瑤賜誼不敢却感實在衷

心月軒稿卷十三

書牘

與浣介庵公祖
與趙旬龍司理
與李東菽司理
與李中羅州守
與李東菽司理
與東安徐令
與會試友人
與廣寧虞令
與袁海嶼諸丈
與魏太生
與袁軫卿
與李少白
與金澹渠令即
與魏劭生
與高要徐令
與黃生
又
與高要徐令
又
與劉榮栢寅丈
與唐梅臣駕部
與王羽生
三
與王恭守
又
與王羽生
三
與友人
三
與周具卿
與茂叔侄
家書
三

心月軒稿卷十三

蕪川鄧士亮寅侯著

書牘

與沈介庵公祖

台臺學宗濂洛治本歐韓名理高譚挂閣啟鑰
足醒一時之聾憤而建畫尤為彪炳至今賦役
一書散省家尸而戶祝之巒峯之峻上標雲彩
上澤烟火不淪窪汙是誰之賜某推車竊一第

心月軒

卷十三

〇

政宜立雪門墻蓬心未剪蹉跎錯過乃從粵城
中得手書併瑤刻讀之翹又然驚已怡又然解
小總風月不禁吟弄矣宰官本色自離聲塵一
灣清蘿何減鹿洞瀟溪之勝及得公子南宮報
便拍掌大叫佳事佳事且詡又誇言之衆頌成
祥天其福諸楚社有靈覽報明德即台臺或不
以其為侈說矣久稽裁報負愧負罪賀將不腆
企望神馳

與趙甸龍司理

郡事紛紜焮掌焦心寅臺獨力肩之弟往維折
肱於此猶未甚也燕邸雲山家園松韭弟粗領
畧愧無能供奉耳舟次鄱湖接翰札知香山之
役拆城毀臺澳氛盡掃夫以積年勩張層構固
不朽長子孫者茲不煩片簇而服之咄又奇事
為盤舞稱快者竟日卓異聲華此舉前茅矣風
送灘高恨不挿翅時繞至贛接晤非遙不盡注

心月軒

卷十三

二

念

與李中羅州守

台臺五馬專城操縱在手得為所設為且水簾
靜理差無迎謁之擾案牘稍暇謝家青山落吾
毫楮矣如弟碌又靦醜動轉不得而此中粉榆
之聚最少顧影孤寂提引無門茲獲共事一方
真前緣也佳節之便遙望羅陽如龍山絕巘芹
將中烟伏惟鑒存

與李東啟司理

玉署簾澄瑤光確燦台臺把盞平叔當不減兜
羅華界耳弟初至冗紛味况索然翻作悲秋想
翰箋忽墮高情隆至芳楹之惠藉對銀蟾恍在
台耀照臨中也

與東安徐令

郡當制院鎮下百務翕呷糾纏紛擾非第府正
堂缺也而府廳之海防清軍捕盜管糧俱缺僅

心月軒

卷十三

三

有一經歷擬送舊制院矣非第縣正官缺也而
縣廳之縣丞捕官俱缺僅有一主簿擬迎新制
院矣弟一人兼攬豈有四目四手哉舟車交接
之衝每日迎謁分其半簿書文移層累山積而
自後堂及大門之外公務伺候踵趾填塞弟差
能一一了之是以獲此通情之譽其費蚊肩螻
背烏能勝任錯認虛不少也接台諭惶愧七星
巖近在筆床間尚未一題咏固閑才短亦係冗

奪官况如茲俗可知矣順候不備

又

往者海上之徒遠眾獨任弟報制院云澳夷船
貨易之船也故船小而載多紅夷船劫掠之船
也故器械倍而貨物少制院云分別二船甚明
喜甚然紅夷貨物雖少尚發廣州變價二千餘
兩據實價則當倍之如西洋布一疋僅價數錢
真可惜也若澳夷船則被劫無存弟諭令自獻
得二千兩適直指巡新寧弟奉本道命往隨兩
海防追比分厘不獲矣青洲海賊船二十餘隻
揚帆挿空邑城驚震藉此銃擊之而遁近聞遼
東管放銃者俱加墜得邀焦頭爛額之賞如弟
早食露宿心血幾嘔不復置問矣九閩萬里誰
為吹噓送上天乎辱問姑友之

與會試友人

院柳春鶯看花搔扇以仁兄唾手事弟壯心春

心月軒

卷十三

四

耗今頭髮猶豎一官刑名百務紛案漫陸萃蒸
即類哺幾廢矣外吏長喝千步不如京城短棍
三尺仁兄勉之洗耳香流佇俟佳報卷儀希笑
入

與廣宇虞令

地方辛疲事躰束絡弟所身嘗日者道尊偶及
官評云郡縣官到面前便識得幾分弟云不到
面前亦頗識得道尊愕然弟云郡邑有申詳文
心月軒
卷十三
五

與袁海嶼諸丈

里居荷教愛柳亭別意尤感鄭重入都門即面
啟謝而現官現缺為大力者竊據鵲巢賦恨意
味蕭寂嗣改補錦衣日與羽林旗尉為伍子雲
執戟英雄氣盡矣兼以清汰之役催移夢擾心

血幾枯資久俸深量轉南曹私計清冷之局政
與迂疎之性相宜翰染晉人歌懷吳苑風流文
藻差起念欣暢耳詎意甫至即有水兌之差極
苦極累蓋眾所厭棄弟之新任適與之值糠糶
山積壺飡自將籌筭則手指為僵箴揚則透躰
俱塵宛然一倉官也茲者醜虜織滅息作優游
青山白石夢中喚我矣後旋蕭候近履馳想為
勞毋靳德音

與魏大生

里人來傳台翁有長公之感弟心疑之已詢知
為真耐心惋嘆夫天道有知乎世間奸罔險詐
詆誆排擠以及種又跳泔標悍難調之人莫不
兒孫統膝芝蘭自矜而台翁與弟獨累受此苦
安可置詰也次公玉立足散人懷台翁毋過自
悽慟如弟年來若於此中不開心豈真情味蓋
知其不能與司命爭而聊且置之也此事全憑

彼蒼兮惟有暗地脩積以心行為詞狀以鬼神
為干証看他如何批行發落說到此則妄口謂
世兒奸險亦是一重罪過當併此念消之秋風
漸寒惟加飡自珍

與袁軫卿

某三湘之庸鄙人也矩步自守如縱恣不羈糠
糝禮法若阮劉之嗜醉爛斗之抗名中散之箕
坐稱衡之杖地元龍之忤客仲舉之犯上井丹

心月軒

卷之三

七

之懷刺王何之任誕長卿之慢世則其絕無之
譬之繩繼已定之馬斲無陸梁冶鍛已純之器
必不噴躍則性習然矣而鄙衷亦不遠世已所
不為未必禁人為之故喜豪士喜俠客喜咸陽
軋里高人喜五陵三河年少夫世間何可無此
輩彼夫美酒千鍾華筵綺錯練裙六幅粉頰珠
妍清歌動而鳳笙吟艷曲傳而鸞管奏千金之
裘以質膠脯萬鎰之劍以擲蛟龍探丸走狗日

暮猶酣橫梁呼盧漏殘未已雖云擊漿賣醬而
座有信陵之賓縱使戶蓬牖桑而門多五侯之
駕此詎尋常人哉即如古郭亮朱勃張子羅趙
君都之倫其人要皆儻曷廓落見世之脂輟促
邀者彼直鄙厭之如糞蛆故其極美之又况人
在世間何可終年落莫為憶曹景宗有云我昔
在鄉里騎快馬如龍與年少輩數十騎拓弓弦
作劈礮聲箭如餓鷄叫草澤中逐麀數肋射之

心月軒

卷之三

八

飲其血食其胃甜如甘露漿覺耳後風生鼻端
火出此樂使人忘死又馬援云吾在浪泊西里
聞賊未滅時下潦上霧毒氣薰蒸仰視飛鷲跼
跼墮水中念少遊語何可泔然則人生自適耳
何必以浮世功名自苦又何必過為拘謹以示
人之難近而某寔非其人而第見夫無膽氣而
好罵坐無才學而故玩世希析齒以為通濶同
俗以為豪有閑風俗悞傷雅道天下伉爽通脫

之目豈令無忌憚之小人得竊而有之乎故報
薄之賤之今之執此以論某者皆皮相也足下
以為然乎幸為一解決之

與淨凡任

葵月分袂對奕論文遂成往事念之悵惘道力
高持任可謂透胆知我若他人不能出此語也

本缺為大力者負去成何世界茲混跡緹騎譬

如演蔡中郎場而復挿入尉遲公科脚全不類

心月軒

卷十三

九

本色言之以資俸腹

與李少白

齋中栢樹濃陰蔽日徙倚譚經光景宛然嗣不

短舳北向諸君騎而餞我觥盤狼籍逸興飛

騰舞技雜沓鷗鷺驚窺貴郡土風人情之厚如

此抵長壽得量轉報琴劍無色意氣都盡次夏

始入粵當兩省車檝奏集之區指腕俱僵腰膝

自笑遷延入京又復還里鴻羽莫便郵筒遂絕

不佞 非人哉仁兄深知不佞者竹林之放香山

之豪都是皮相獨一種友腸快熱俠氣嶙峋真

有古人杵臼結契千里命駕之風豈必薰葭極

目始與念邈洄耶兵火流離往事堪嘆江郎筆

花固無恙何憂不達仁兄勉之微將奉太翁引

意把臂有期不盡

與金澹渠令郎

桂亭懸月人在瑤臺椒竿飛流歌音接曙此景

心月軒

卷十三

十

依然昨也君家鳳毛世業一釣連鰲計程非遠

伯仲勉旃兵盜猝起不佞詩句或未掠之而去

想至今猶自奕又耳後來主鐸者何如為憶白

樂天詩云江山賓客皆依舊惟是當筵換主人

言念往跡寧禁神舞也歲序如駛華髮難留若

尊翁心行純質不佞竊計以為即不昇技一定

作地行仙者今亦已賦玉樓乎不腆芹莫引意

幸寬遲慢

與魏劭生

去秋入京酒醉詩肺粗健一到羽林場中百務
紛沓不暇唱渭城矣長安趣味殊無佳處雞聲
帶月入朝苦於太早馬蹄映炬飲酒苦於太
夜俱非僞質所能堪也直有撇却蒼筤柄之意
茲南游或不負石城花鳥耳聞手談甚美局陣
風雷尚有雄心乎思南君有曹郎之想何如佩
玉麟符腰間頭頂立地現金光色也酒次當直

心月軒

卷十三

十一

佈之憑穎企溯

與黃生

明窓輝照几硯淨爽借書抄謄儘是快事儒生
非富饒之家那得藏書即如蘇子瞻手抄漢書
畢竟是自己無有若有則可免抄寫之勞矣鄙
意戰國策一書少年人當選錄循玩蓋其書掉
舌奔涌而出之跌宕可喜覺司馬子長猶犯格
律也敬以薦掌錄者

又

病鬼日侵自竹馬論交至今矣子美詩倉公也
都驅不去肘後君是能起赤虬眠者恐非文園
所能脂潤也一笑

與高要徐令

文章政事自昔並用今謂政事濟時務安所用
文章夫以劉穆之劉晏之政事詎不薰數人然
其聲名未必駕子雲長卿而上之也歐陽永叔
長文章而喜譚政事台臺得無即此意乎別論
敬聞命矣

又

司理以操切為名鷹拳毛犖無為貴司理矣浮
漾凌蹈自見其才以恣挨攬引批之用無論司
理不可即九官俱不可也他人功名自己心術
焚香書管定有鑒者弟持念定矣辱問某君遂
佈衷曲

心月軒

卷十三

十二

與劉榮栢寅丈

弟才性庸謏而宗尚不俗好謁異人讀異書聞佳刻富美之藏不禁涎垂大嚼屬歎為乞掌史傾篋示之

與唐梅臣駕部

瑤鶴飛來隻字明珠亟誦柏危快賞之輝映星簷矣此中景物佳饒青陽明媚彩筆全收弟亦當迭屬而和許我手箋又者幸乞存鑒

心月軒

卷十三

十三

與王參守

十二家響絕矣詎意復聆琳珣別選妄意鄰架之藏餘脂潤餒豈其泰牛塞戶也

又

詩固風之教也噲吟吹萬者颺颺豁舒如嘯如簧者蓬又勃又鬱嶽號嘍者雖不同其為風一也仁兄之詩進乎風矣世界非乏文人今之敲鷓青蓮培淩長卿者誰哉如其所稱一决之響

耳時且凌雜未就作者之繩約姑遲之當以請斤大方

與王羽生

心性仁義自當發明張君精於論學如某無佛處稍尊耳若張君來者定應如程夫子講易某當作橫渠先生撤座矣

又

不知禪不可以論禪惟精禪後可以破禪然使其精入則亦不復破之矣疑婆城中何得脫障

心月軒

卷十三

十四

礙而離生苑仁兄與二三比丘說法不識舌端生青蓮未彼時老居士方肯乞津梁也

又

道學多假其亦厭之其剽竊附影者易見逗漏不能作護法善神也第今士少驚湖洛下之致就假關真亦方便法門耳某稱年時家大人課以性理一書今不記作何語大要鑑性是真學

問不可一日離案頭也何如

又

病政須醫其人不知醫衆口喻詠之蓋選輾滑
稽規時利者耳伊葫蘆中斷無玉粒也

與友人

星映虹橋火亂鰲峰座懸七寶之輝門燦百枝
之艷屏連翡翠霓裳隊裏傳觴褥繡芙蓉鳳管
聲中聞綵帶月歸來餘興猶酣午椀方醒走楮

以謝

又

微雲點綴綠陰忽雨輕虹天矯晴光復來散髮
松軒黃鳥癡窺恨足下不携雙楫過我耳詰朝
驕俟

又

露滴松筠何纖窺席歌管輕奏錄事無奇炙轂
競鞦韆蕩汪洋真情任率不勸自涵不識別後

花神猶相憶不

與周具卿

來示過當愧甚又詩文之道無窮無極今夫五
岳高矣不如陔閩風懸圃南瞻却大矣不如登
瀕彌下觀四大洲而况某之為拳石為塊礫者
哉所云自出肺腸則肯茶切要之論讀佳刻固
非列附庸者自為當絕塵而往耳極感相念桃
花水漲恐有賦公無渡河之章者知不能以決

旬晤也

與侄茂叔

侄入計叔非惟缺奉資併無一字脩寄雖此心
極照管然率真太甚矣乃侄非惟不罪而手翰
歡然此叔所以每服侄之品假令他人不知如
何責備矣假令世人都如侄之不責備人則人
人都是高品矣云又當小有助與往事蓋同形
而異情者何如

家書

澆薄世界全仗吾儕一段真情實意為之流通維持若見小利而忘大義都從偷薄路上走豈成人情豈成世界弟每將孔聖人見利思義孟子夫子儉者不奪人二語牢又硬記時又打貼且悠又之年非少矣語云老當益壯夫所謂壯者豈精力強健之謂哉道日明而不昏德日立而不仆日夜彌加惺又每遇窘迫淡泊之時便思

心月軒

卷十三

十七

云這光景我能耐之于數十年之前豈不能耐之于數十年之後平心忍受自覺討些快活亦安心養身之妙劑也願共勗之

又

虜警驚聞憑限已迫倉皇出都門所經過村舍無人烟色象凄慘白柘赤丸弄者載道因蹇驢微服倖全喘息及抵金陵亦非復往時花鳥矣曹署清冷如冰薰有水兌之役百端辛悴荼苦

如壘築揚甚艱軍士嗷又每至場或聚而隨其後及殘漏猶聞敲門聲問月餉以何日給發惴惴焉惟恐致意外之虞也此時此景尚知有人世之樂乎何必酒筵酣暢想家園清坐徒步俱是仙人何必歌舞樓臺想家園敞廬荒舍俱是仙境焦心持籌病與日增僕輩歸以語家人俱不信而尚有向此中秋風者可嘆也計新春方得息肩不識能結此局否姑一及之

心月軒

卷十三

十八

又

時執不在道高老夫固非談兵者第回憶少年時京師初下第歸會業于竹林園每一執成致字兄輒亟賞之坊間亦刻數首然彼時老夫意欲政玉謂此何足賞另作一高異之文頗自沾沾致字兄則不稱善至今思之詭異欺人其脉理固離歧矣假令守其故步深融粹入人自共寶君輩莫再失脚也

又

大學一書不及中庸而首篇所謂靜即中庸之
隱微未發也惟靜則有主能立極矣此中要有
理會老夫曾以一二事托淨九侄閱數日間之
淨九云我比來心靜未暇料理老夫甚為心喜
先佛所云外捨六塵內捨六根只是此意第語
靜而要歸能得不知所得畢竟是何物如言下
有悟幸透頂裏露出共相印証也

心月軒

卷十三

十九

與友人

作用二字極好第不可錯認今人指滑利機巧
幾倖有成之人以為作用錯矣甚至居官濫民
既已潤身又復沽名而詡又艷稱之曰作用不
可恨可羞耶自古如郭汾陽霍悖陸韓魏公寇
萊公一流人真心幹事硬力擔承匡時定國績
彪宗社何等作用若無作用則為濫不濟事之
人唐太宗評楊師道云性行純和自無愆違而

情實怯懦緩急不可得力夫緩急不可得力之
人庸又弱又縱千百成群何裨毫毛事此以知
作用定少不得但不可假借題目錯認也因論
及逐草又發明之知高明必不以為無當

與譚光美寅丈

弟季夏廿四日抵閩受事論者謂一年以四五
月為最乃天旱水涸重船不能過于是日夕望
雨如望歲而詎意一雨經月餘不休勢如飛瀑
稔楹俱震淮流漲溢奔衝蕪以黃河之水同時
併溢潰堤壘城逼近 陵寢兩臺以下神疲力
悴甚者魚鱉舞于縣廨蛙蝮鬧于市簷居人殍
徙兩岸渺瀰無路可以受瘳沿河開口盡處截
築而商人束坐矣旬日內水稍退行迴走湖外
乃烟林灌莽赤丸嘯聚俱畏縮不進即欲進必
待衆舟連帆而後進曠日遲久且多失事者蓋
從來未有之水患弟適當之持籌慨嘆又不敢

心月軒

卷十三

二十

輕出一揭不識何以了稅顧寅臺會諸寅文章
一崖畧及之是望

與魏肖生少司農

張月翁胸無燥濕玉瓚粹品羽陵宛委悉縱毫
端固子雲後身也某素無識荆之奮一見投契
抵掌千秋某自幸為叔向堂上人而月翁亦不
勝乍逢同調之喜夜筵歌管徒倚酣暢計濤聲
入賦共提携風雷寫就二十四橋明月之景乃
心月軒 卷十三 五十一
仲秋月染悲風木歸矣台翰遙臨讀之情詞懇
摯逾分溢獎令人神意俱動雖未及投私秉珠
銜戰也瑤階雙瑞異光照人頭玉峻嶂一泓秋
水台臺摩頂自快又當何似日者家人未每稱
小郎與台臺月日時俱同某未肯深信得尊東
始信之厚德靈應宇宙內乃有此奇事又林父
母仁聲遠暨惠佳刻種又真活佛出世也大生
遂爾謝世乎此翁生平謹厚即不待上界定作

美零城主顧人世露電念之黯然拙集草又就
梓敢乞序如椽特在教下莫不斬耳緼袍錦飾
汗類以請憑類懇切

心月軒

卷十三

五十一

心月軒稿卷十四

塵餘

心月軒

卷十四

乙

心月軒稿卷十四

蕪川鄧士亮寅侯著

塵餘

二十五條示弟侄

吾儒作人定從言語上作起既謹言未有不慎行者言必信行必果儘是地位若曰必信必果為經又小人而言可不必信行可不必果則錯理會矣言不信必且為支離為誕飾甚至譎詭不倫叛經訕道行不果必且為濡忍為觀望甚

心月軒

卷十四

乙

至跳軼名法奸罔狡獪此乃無耻下流之人可稱曰士乎君輩要知開口便是學問其言也認聖門以為仁聖門將仁字擊作自家性命君輩將仁字丟在西門寥家牛地裏去了如何得學問真切老夫身自研究身自躰悟知認是仁不認便不仁慎之又

君輩近日作執何如為憶少年時一第承綢便自悻又妄詣離筏弄奇作怪每一執成父兄不

唯黃師友不彈射但園又點又道好而已曲徑
謬迷自落錯陷今一官司理肩任刑名初作招
詳遂謂至極及臺司批駁不得不遵依改換燥
念浮氣一毫使動不得假令當日作文之時有
人如此指摘自家如此虛受研精搜慮窮妙極
變則曲江宴集我也笑滄一個噫嘻筆花空艷
祇自嘆悔君輩思之戒之莫似老夫今日作沒
巴鼻句當也

心月軒

卷十四

二

下惟改苦最是好事但更問領畧趣味何如孔
門論時習便曰悅樂論發憤便曰妄憂若立於
禮則中正之執秩然矣然興詩成樂何等快活
有趣大要吾儒不論人品文章吏治俱要帶有
灑脫自在處天下事斷非悶頭廝所能辦也悶
岑過日等于木偶天下豈有木偶之人而筆能
生花者乎今夫畫馬者非但床頭見馬弁其鬣
箕之狀逆鬪之聲俱見之夫聾狀俱見何等快

活君輩但於時稅中討幾分快活便自受用也
老夫於此道蓋屢遷焉後為詩云採窮絕頂無
靈藥仍向穩平山下行蓋初意欲離之局外以
為高而反失之局中以自苦未免有錯亦終是
機趣少耳

心月軒

卷十四

三

予壯年多病苦纏遂耳小草功名大事何得輕
率任意每誦古詩金榜無名人不知之句輒為
髮豎王開座兄初講出世之業聖歌謂選衆阻
不聽以問愚庵和尚愚庵曰君謂科名與脩行
孰難開座曰脩行難愚庵曰君且休矣君少年
美才精力正盛不能青燈鑽蠹而成南宮名乃
欲脩行成佛耶開座遂決意不還這和尚話頭
真是悚動人當書之壁莫漫錯過陳后山云學
詩如學仙時至骨自換只要麵餅料好搗得勻
爛不愁酒不香也如老夫却錯用壞酒餅耳
詩文點化亦未易言偶然而觸針水契投有候

存焉伯牙學琴於成連成連與俱至蓬萊刺船而去伯牙延望無人但聞海水洞湧山林杳冥愴然嘆曰先生移我情矣援琴而歌遂為天下妙然此亦惟伯牙能之蓋境候已到只須此一點化使非其人則見以為莽蒼之野噴薄之場空家遠離酸嗟號慟而已寧復知其趣乎既有伯牙則定有鍾子期精氣感召機所必致若以伯牙臻微極妙之音而竟無一子期為之欣賞則陰陽斷無是理也故場中有極高極奇之文自然有極高極奇之具眼為之賞鑒老夫一生為病魔所苦而又詩句以勞其思悖綜以亂其神棋博以分其慮歌麴以戕其真蓋緣鄙性好高務為豪傑勝人之名以自擡舉而曾不如專精一業之足以有成也今南宮意得四股八比而外曉為何物揚又滿志咳唾有靈則專門之詣固老夫所為切望于君輩者耳何如

心月軒

卷十四

甲

博記種聞最是美事然亦未必真是生知也鄙意天下斷無生知即孔聖知商羊萍實子產知俞兒東方生知畢方之類都是記載所有只是看過一遍便記得耳老夫這生閱過許多書假令一一記得則老夫胸中猗頓矣此等天分最不可強姑任意收取玉屑硃砂自有滿囊之日也

流序逼人又經歲暮每讀五十有五章因思聖人學問三十以後一年進一年我輩學問三十以後一年退一年能無恨也今論者以從心不踰矩遂為至極予謂學問無窮底聖人無休歇若到七八十定更有進步然總要以天命為主所謂入海窮源登山捫頂方是大學問今羲禹難作亦遂無周茂叔邵堯夫識造化之妙者相與講究叅會而僅持半幅無用文字以自矜憍曰我能博能文不可羞嘆乎而况併所謂半幅

心月軒

卷十四

五

無用文字亦粗心躁氣不能精研以博世資則
真為倖生之人而已質以天命渾如夢醉此等
隨他流年過去曾不打算自家學問如老夫雖
不長進却自家時常打笑不知君輩亦打得笑
盤幾個子也居諸如織有繩難繫因值逼除相
語及此知老夫之感慨不在齒髮間矣幸共勗
之

一生學問全憑精神這精神起發自何處不睹

心月軒

卷十四

七

不聞中庸直指心跡要從未發時識認於動不
擾於寢不夢俱是未發如水之在澄如鏡之未
翳清莹活潑變化自如到大學却露出一個意
字未其實是心之靈也老夫年来于此中差有
理會聞議者以為近禪老夫昨舌詭嘆曰予學
問便造到禪地位乎夫予何能禪吾儒綜覽三
才穿貫百家飛天仙人降龍佛子俱範圍在我
教中而况清淨之旨政與吾儒定靜之旨合天

地間只有此虛又實又之理儒暢言之禪秘言
之儒訓習精明開門導引禪喝棒斬截立地機
鋒其實一耳老夫每觸事煩惱慈情熾動則亟
搜藏經閱之未徑尺遂覺清涼一日與趙旬龍
司理講應無所住而生其心攀天命之謂性章
印証發明甚極痛醒今人指以為禪若將澆焉
不可笑乎千古禪宗止有顏子一個若曾子已
落聲聞至陸象山先生于道學大明之日扶玄

心月軒

卷十四

七

洞真直契本原不墮二乘謂游賜之徒未曾領
聖人一貫之旨喚夢呼迷令人頂踵俱汗則顏
子以浚一人而已老夫每又直揭本跡示人又
却不醒悟但得些子自家快活足矣君輩好將
南宗細心究會看與吾儒一乎二乎又莫向空
裏沉寔也

種心脩德是功名第一執此中有物司之予少
年夢一紫衣神謂曰汝是進士醒記甚確戊戌

場中燭花飛烟滿卷拂之應手即滿辛丑家中
自製佳燭二枝為頭場之用臨場以火燃之火
止即熄知非佳兆甲辰頗得意業已交卷出至
二門尋思首篇過文語因佳似稍多因入尋卷
削去時收卷官有難色予力搜之削去數語出
至小寓友人王開座已先出欲予誦文予誦之
開座曰君卷必中無疑但過文處似少一二語
予誦先所削去語開座曰若有此則君斷然頭
心月軒 卷十四 八
卷矣予頓足嘆悔竟有點額之恨回憶往夢豈
鬼物戲人必是自家善念有未到處夫宇宙雖
茫又而日月如此明照也雷電如此威嚴也耳
目如此昭彰也廟宇如此凜肅也一言一行俱
有伺察德吉恃凶斷然不爽揚公之四知懷悞
清獻之焚香必告真可猛省矣老夫年來動念
戰兢不知君輩何如語云人定勝天夫人事勝
天非大聖不能我輩但幹旋得幾分而已且不

祈福慶只盡人事大聖人到不得若賢人則一
定做得也
心頓在何處今日求心曰放心是矣第不識于
何處求于何處收夫心若本在內則何待收如
自外收之而靈通宇宙心也貫徹今古心也心
豈受拘束有收放則有起滅往來生死昔舜之
命曰人心惟危未嘗指歆心惟危也蓋曰人之
心危乎危乎夫人心全憑此道心而道心則惟
微也惟精也惟一也微則不著形相精則不可
混雜一則不容續斷何危如之故當允執其中
何為中所謂喜怒哀樂未發之謂中也執中則
更無往來起滅生死矣古佛云本來不生亦不
滅驚起虛空笑滿腮蓋大悟語也虛空咲滿腮
則通身解脫予曾遊友人濠上題云子非魚安
知魚之樂悠然自得以我知魚友人因有悟個
中人也
心月軒 卷十四 九

世間所稱善人未必是孔門當日所稱善人只是醇謹無惡而已謂世多善人此寬論也然可以諧世而不可以揀世謂世無善人此刻論也雖近于忤世而實可以維世蓋平時都是善人利害臨前便目眩神亂矣暫時都是善人一經日久便時移事易矣故曰見利思義見危授命久要不忘夫試之見以觀其倉卒貞之久以觀其有恒則人品定矣我極思慕此人每向頭巾

心月軒

卷十四

十

窠中索之未有也又向里門市兒索之向鄉村湖落索之萬不獲已向僕役賤隸索之亦竟未有即平日暗觀著幾個人在心裏到了有事場中便不是那個嘴臉則世之所謂善者乃是散漫無事之人耳是可笑數乎蓋由不知錢財利害俱有分定希覩奸回遇個孔竅便逗漏出來予每見此世界乞兒成群饑凍可憫肢骸殘因憤聲跛啞則嘆以為是前生孽報且今人見

請詭橫暴之人則云此人來生必變畜生驃馬自老夫視之設心行事已全然是畜牲驃馬但其形未變耳可嘆可嘆老夫每又勸人直會心鉢縱然不到大聖賢地位或可作個善人也君輩幸自勉老夫隻眼儘伶俐瞞不過我也

人生總為貧苦累夫貧何能累人又自累耳心中無主則觸景焚煎一日貧無一日之歡一歲貧無一歲之歡若自家有主怨忿嗔嘆不融而

心月軒

卷十四

十一

自化如熱心飲冰焦躰就涼許多快活所謂有主必須觀著兩個榜樣在心依他做去如孔門弟子多人而顏曾為首座顏子箠瓢陋巷真是無飯吃曾子捉襟肘見真是無衣穿然却為千古名賢此便是兩個大榜樣也且非必顏曾也遇耕鑿則想陳仲子灌園遇織販則想朱桃椎賣屨遇風雪則想袁夏甫閉門遇婚嫁則想吳隱之賣犬有此主張在心更不走作更何齷伊

不足乎缺陷世界平等作人高無干施之責卑
無簾肆之奇隨緣揣分只合如此一得之見幸
共存之然不可令妻兒輩讀也

聰明固好却意人家生一聰明伶俐之子不如
生一醇謹慈恕之子家國一也一代王業有幾
個英明之主以振神氣必有幾個仁厚之主以
培元氣每觀簪纓世綿之族定有幾個真正淳
樸好人一家昌明恒資藉之世人不識但知駢

心月軒

卷十四

十三

從烜赫者足以光耀門閭而已老夫見識却較
世人勝一籌即如花柳開市人誰不愛而老夫
行到山川古朴處偏爾番恁儂令處又欲明花
媚柳則天地之精英亦漏洩盡矣閑淡固是吾
儒本色老夫或不大錯乎

一人報捷一家喜親友喜閭里喜然使其人弗
良祇滋害蠹今夫村市有一惡人又畏惡之避
如鴆蝎而况出身之人有權力聲勢者乎故予

每見登雋為善良佳士則不勝喜又其足以造
福想人亦有同心也

取友是第第一義但要高著眼耳如周處改行為
善近鄰近里豈無可師法者渠直入吳訪二陸
識見何等高拔即云遊大人以成名亦無不可
士人饑凍易堪滯鬱難忍聲名未著膚燥髮豎
附青雲而聲施自古有之但亦願所謂大人者
何如耳如劉又破履穿衣乞丐飲食亦豈無一

心月軒

卷十四

十三

二大人可干托者渠全不顧躬一聞韓愈接引
天下之士便步行謁之此等游大人何損品格
乎一生學問功名能消得幾個好朋友好大人
穩之吾儒尋地步俱要占高處向詣一定更不
墮轉其高處便是實落處若尋常悠忽非老夫
所望許是在君輩之有定志而已

與時依隨卿愈之行吾儒立身政不必爾何况
日用衣服之間乎又何况高爽磊落之士乎揚

縮為相節儉天下之士多敝衣求合武元樹獨
鮮美自如毛孝先崔季珪用事貴清潔之士時
皆變易車服徐邈獨不改其常以兩公千古入
豪私心極敬之重之蓋我輩作人各有本色各
有好尚何必曲念求同而况禮樂輝煌之世必
欲朴車敝服織畜穢瑣成何朝廷成何世界作
人原不在此即如郭林宗好戴墊角巾未聞以
此損林宗也宗大暉好著高翅帽大屐未聞以

心月軒

卷十四

十四

以損大暉也又如鄉黨一章孔子要許多費用
製衣服未曾以此損孔子也搃之任其本色而
已蓋徃日儉素之人而一旦鮮車艷飾則為軒
駑求勝若武徐二公何曾有求勝之心只是不
改其常所以稱高品也郭林宗稱黃叔度云澄
之不清以叔度所以為顏子之流亞也既不傲
亦不隨此是生質好如生質稍差者全仗學問
得力學問既到見識自超斷未有落俗人窠臼

中之理因緣又之問姑一及之

小刻尊祖養親二條俱可觀而鄙意專為養親
發蓋暮年的人精血衰耗疾病多端步履艱難
寢處未便全憑日用飲食扶持所以孟子稱曾
子之孝直舉酒肉為言聖門論孝不一惟此最
為切近真實今有等孝思之人每席間啖美味
若歎然于二親之不得嘗者有等不孝之人自
肥口腹供膳慳儉將叫父母與兒子合開討吃

心月軒

卷十四

十五

手德行孝為居首不孝則不仁不仁之人家庭
宜斥責朋友宜割席不容一日立於天地之間
人禽之分全在此無怪老夫言之喋又也
勝己之友最為難得渠既勝我必做兩分崖岸
當虛心隆禮之一毫跳易爆趨俱使不得况嫉
忌乎如却公自好讀書憎人學問李嶠性好文
章憎人才華深為可戒若張季緒身不能文而
好為詆訶則尤可惡矣老夫每思少年時三又

五又角社競雄筆硯之間漢墨楚幟真成快事
第彼時多病苦經心血虛耗未能覓棹棗粮於
吳越之間尋一個文章榜樣日夕暮臨以圖長
進至今愧恨是君筆之啟鑒不遠也

文園對卷病魔時侵睡卧多於行坐苦矣大要
善病之人亟宜脩心盖病有風寒雨暑之不調
而致者此外感者也有作孽暴惡多端而受報
者此自心造者也今夫園士桎梏之人五刑鍛
心月軒 卷十四 十六
鍊備盡毒楚人俱以為苦然猶在肌膚皮骨之
間而至于病勢之危險摧肝裂腸心髓透疼其
苦尤數倍之但人知五刑毒楚者之苦而不知
枕席叫號者之更苦也若平時脩心積善縱有
此苛症亦減得幾分我每見世間人營又不休
千事萬端都著在心上及一病纏身便念頭休
便不甚照管假令無病之時而皆能如此則便
是個清淨好人矣何論病何論不病菩提福田

時自種作姑因問病而論友之

今論者謂我性急非也夫性急者辭色偶加拂
不能容嗔怒橫發恣睢悍戾我非其人也劉文
饒王文正諸君子寬中和世想見其人羨之敬
之蓋以數十年涵養學問何有暴發不禁第鄙
意世界處遷惟當坦衷應之乃世兒作詐使奸
觚排乖角欺給煽引洵狠爆趨種又行為豈可
令老夫見乎老夫見之輒翹然驚愾然嘆以為
此妖氛怪氣也此山魈野魅也我何不幸而見
之乎初欲忘于心而心必不能忘既欲制于口
而口必不能制為唇譏為唾罵見者遂謂我褊
衷性急可咲也假令老夫與十室忠信之人相
與終日油然暢然措面摩背煦濡盎藹必且以
為劉文饒諸君子再生而尚云性急乎且夫天
之雷霆人之聲色此必不可少從古只為要緊
不慢的人悞了許多國家大事而况扶人心正

道術古端衮鉞關係森嚴必欲避性急以沽鄉
愚之譽老夫寧死不為君輩見我行事豈不然
也

輕睛染翰墨妙游就快事又老夫生平於此道
極苦極拙費盡楮墨徒自嘆恨因憶人生技藝
有絕精巧者更有不費許多工力得之極易者
乃髻年受業手不廢毛雖可謂朝斯夕斯而至
垂老不得一點畫之妙私心甚怪之憶在粵時

心月軒

卷十四

十八

曾刻小詩數紙所寫顏體極佳呼其人與語乃
貌極短醜黛色痴呆頭促無頸不能仰視其人
更無可營習惟伏案習書而已即欲不工得乎
老夫因是轉自專心覺精力亦微耗于此今粗
進然終不可令當家見也大要老夫少年極喜
大錢師不自揣量妄希境地而反不能與率筆
遊戲者角勝亦是一種病粘以示戒然聰慧者
決不爾也

處人處事妥當盡矣諸葛公小史云自諸葛公
去後更未有如以妥當者以公千載一人只消
得妥當二字公死將晚繼之人遂記其作事憤
憤不及前人則妥當詎不難哉極而言之堯舜
之帝治周召之相業夏殷之肇造孔顏之行藏
亦只是個妥當予生平孟浪即出處大事亦竟
草又至今惱恨乃知一分學問識力即一分妥
當十分學問識力即十分妥當未易言也

心月軒

卷十四

十九

謝鳳毛令石方時為予言前令卒于官白晝見
彩衣者已樹齋古樹生有靈芝旋吐烟上射時
鳳毛尚未舉子予曰靈芝乃佳兒兆出烟吐氣
亦美徵也嗣聞前令亦有此樹後無敢言者綿
竹令秘以達之因以漸剪其芝至盡其烟亦滅
鳳毛心殊鞅又然竟考選北道以知林谷靡定
妖孽無權天下未有極清幹勤敏之官而造化
不為之裨吉者此等聞之可以助識力壯膽氣

人惟畢其在我一切氣數微應何須照管同志
勗之

尊祖之禮莫大于追遠春秋二祭厥惟重矣古
不墓祭至秦始皇出寢起居于墓側漢因而不
改故今陵上稱寢殿有起居衣冠象生之倫此
即大聖人尊祖之孝思莫過也而謂始皇之規
恢不足法乎今衣冠庶民感時掃墓俱本于此
吾家往者祀品精腆豆登秩然子姓一人不集
心月軒 卷十四 下
罰禁甚嚴而近日以砍賣祖山之價置低窪荒
瘠之田祭儀莫敷趨踰稀少豈以祖宗為無知
乎夫五世之內精靈結聚不散當日漢武崩後
夢上陵磨劍豈無知者而况山林之界限非族
之盜殞龍脈之侵害樹木之竊伐俱借瞻拜之
便一為省視此仁人孝子之用心安可以為泛
常而忽之也
善人既少兼有惡人詎成世界如根莠害佳穀

當立鋤之昔直指曾舉行善惡法數月之內鄉
市諱詢者闕毆者豪騙者慣小掠者幾為一清
後其法漸弛仍復為惡夫賢士無待而興豈須
借懲於法論至此則予維世之秉益咎益迫不
覺中夜涕下當俯跡區又惕厲作人分別人禽
猛希聖域有德有造其在茲乎予自此當三緘
口更復何言

心月軒稿卷十五

儷語

天妃祠

心月軒

卷十五

乙

心月軒稿卷十五

尊川鄧士亮寅侯著

儷語

天妃祠

人間福地郭外名區玉座崢嶸鐘鼓聲敲碧落
金容炳蔚佩裳色染玄虛寶日麗瑤壇縹緲自
開聖境祥烟騰紫蓋咫尺即到仙山碧草春深
疑隱朱麟白鹿瓊筵瑞藹時侍玉女青童白雲

心月軒

卷十五

乙

臺畔紫花妍春光未老窪樽石上仙池暖酒氣
猶酣望粉堞金墉層又整如砌玉看雕欄刻棟
井又紛若翔鸞奇峰疊嶂之峙其前鳥陣飛環
翠島驚濤巨湍之洶其下孺歌韻徹滄浪鯨背
參差馳驟影搖波底月虹腰宛轉往來入躡鏡
中梯雪漲浮短帆半是山陰之客銀河渡彩楫
恍憑天漢之槎笛管淒清以邀以游處又驚飛
南浦鴈榜散搖曳似雅似俗聲又起散白蘋鷗

公子停驂半篙霧縠調水水佳人罷繡一肩明月
 吸秋江遲日話芳郊掃葉坐深紅袖煖和烟
 臨紫陌踏花路遠碧蹄香軟玉鞭輕野岸風清
 牧子黃金餌嫩孤蓬雪冷漁翁憶圍棋謝公幾
 處柳綠毒青刮面東風細又懷芳洲學士一林
 鳥啼樹馥凝眸曉露蒼又上國華軒騎從翩又
 騰旭日香衢錦節旌旗嫺又拂飛嵐數武茶亭
 江上遲番烹玉乳千門酒肆傍邊拍點覓花村

心月軒

卷十五

二

滿目幽情宜標雅樂賞心樂事可缺瑤篇友人
 張元晉特為儷語紀之寵施山靈被之九錫以
 予鄙俚屬有和章蚓咏龍吟匪競美于華藻心
 開神曠聊發賞于遐瞻

心月軒稿卷十六

雜著

竊光說

假仙記

心月軒

卷十六

乙

蕪川鄧士亮寅侯著

雜著

竊光說

家啟白任雅好事為予言階前有螢微明掩映已其光團聚疑為螢也即而視之見有飛虫似螢者攢拊螢皆或一虫飛三四虫附之少頃竊餘光而飛則真螢矣然予不信也偶借淨几

心月軒

卷十六

乙

坐小園命侍僮跡之果然予嘆曰乾坤大矣之螢垂其何知兩精摩盪忽復成光亦大怪哉夫以丹鳥之弱羽感腐草而化生曾宵行之自照敢爭輝于太清然而綠翼含翠頰腹耀金沙庭曳霧叢昏搖星清心吸露在晦而明則固有可取者是以夢得著不炫之頌文潛賦幽明之歌小物不棄既吟且多拜胡不穆然寡游遠遙自展與物無營隨風舒卷而乃引類集朋雁情効

款虫固為之竊光爾亦因而送煖噫嘻嗟彼虫執其乍進也息屏步促望影神傾俯仰搖曳曲盡逢迎其徐合也揣摩既就因緣適起欲攫恐怒微露即喜而迨其既狎也剝榮分耀歎顛欲狂躄輕翹薄任意飛揚以至昭陽月滿太液波明露滋仙掌風娘繡宸珠簾閃爍飄逸徂征傍歌扇而亂點拂舞衫而輕盈固自矜靈聚群結飛蕩酣暢而不知其偷剝膏殘照以遨遊也昔

心月軒

卷十六

十一

子泊舟江渚冰雪凝寒漁人凍斃死見他舟有火光乞烏燎其蓬簑烘又氣熾人爭向之漁人笑曰我固乞火貧兒也君輩何為因人熱哉夫墻間酒肉暮夜黃金側趁炎煥巧借光華世情固亦若斯已然則予於之虫又何怪焉噫嘻明月墜兮赤曜懸彼餘燭兮失鮮妍木葉落兮霜氣嚴樵敗垣兮付冷烟達人靜以觀化兮宵失志而攀綠

假僊記

家兄偕友人會業於邑之鳳皇寺距城五里有請箕仙者寺夜鼓動箕即運旋詩文雅藻落筆鏗然有咏即酬更無停思為諸生取字號家兄名凱命號豈凡求寺中對聯即書云雲龍山水世未鳳皇之儀家兄對云日月星辰永耀乾坤之泰擊節為稱善其威令甚凜肅命諸生本寺閱神進謁可左右侍人毋敢譁者有犯則罰以心月軒

卷十六

三

某日運雷擊之一生罰長跪足膝寧痛不能制怒而踊之箕遂飛起滅燭撲人諸生洵恐震喊寺僧驚惶撞鐘聲挑燈而入箕絳落地亡不愕貽相視次日有一二好作怪者秘商以殊書狀元枷三字至夜復請即至其威嚇更倍之因袖中出殊字置箕上箕怒稍遜命揭去諸生不聽徐為乞憐狀諸生百計詬辱之令叫爹又叫爺爺唯又唯命情詞哀迫備諸醜態問之則書云

我乃山魃草魅之妖非真仙也鷄聲既鳴尤為寤感有憫而揭之者遂去自是屢請不來夫箕固自仙能知吉凶千百中一二見耳鬼物假之恣行勢煽而卒以賈挫晉今借飾欺人虛張恫喝者皆假仙也戲為之記

心月軒卷十七

粵東銃畧

揭

心月軒

卷十七

乙

心月軒稿卷十七

揭

南京戶部廣東清吏司員外郎鄧士亮謹

揭為大銃有裨邊方小臣微勞足念乞更取

未解之銅銃以振雄畧事竊見海上紅夷大

銃最稱威武其造也鑄山為爐而其發也橫

海為沸顧今知夷銃之有裨於用而至於銃

所錄來則未知也若紅銅大銃之堅美尤倍

心月軒

卷十七

乙

於鐵銃方今勦寇收功之日正軍中所急需

職敢產畧陳之職原任粵東推官於萬曆四

十八年有紅夷船追趕澳夷船遭颶風俱沉

陽江縣海口夷賊驍悍肆掠居民驚逃

總督許檄令高肇二府海防及各官查驗

俱稱海水淼茫船沉無踪總督震怒職奉委

星馳陽江各官力阻職堅不聽飛騎會同叅

將王揚德及守備蔡一申至海上差通事譯

夷多方計誘之解去戈矛分置村落尋覓善水者撈探方知船沉深水中架有大銃墮浸沙泥即搭鷹揚架捐俸僱募夫匠設計車絞閱九十日除中小銃外獲取大銃三十六門總督胡 將二十餘門運解至京以則職取大銃之所絲未也紅夷船有西洋布納叛胡椒磁器等貨物船底深處藥氣昏迷職令多人垂繩而下搜取貨物若干發廣州府庫變價二千餘兩時澳夷船盡經槍掠兩海防官盡法力追不獲分厘職訪有首事為奸者大張告示獻銀免罪未及兩旬相率獻銀二千兩貯廣州府庫共計四千餘兩是役也防守則旗鑼分為密巡登記則各書並為載筆纖悉不漏無敢染絲毫者夫此數千兩之銀敢自矜侈第大銃世所希有彼時若非職破雷同之見決必往之念露宿區畫殫悴心力則

心月新

卷十七

二

千尺沙濤洶湧漂沒竟屬烏有而已取銃事竣值有賊船二十餘隻每隻數百人逼近陽江青洲海事變叵測城門盡閉職檄集各寨兵船料理戰具整齊伏兵險要處架所取大銃擊之賊衆驚遁去則大銃之効於斯見矣又至天啟五年職巡海發汛偶拾有海邊鐵彈者職詰問踪尋其處一望汪洋探撈月餘知水底藏有大銃設架以大船裝滿土石重壓水面用鐵練繫銃耳仍令去其土石而船輕上浮以天車絞之職自乘艇且暮鳩工獲取大紅銅銃兩門其銃精光炫耀人間異物不知何年沉貯而偶爾出現固波神之効靈於

聖朝者當日 兩臺

題留疏云本官當海上夷船之被掠奉檄查追而匿贖者爭獻數日獲金數千則其威信之

心月新

卷十七

三

素孚也當海寇巨艘之內犯單騎馳視而窺
伺者潛遁我兵不遺一鏃則其方畧之預定
也又云躬督艤艦驅海寇於青洲身披風露
起夷鏡於白浪此俱確然有據前此錦遠捷
報叙疏中管放夷鏡者俱獲加陞其後藉此
邀焦頭爛額之賞者不少職不得不為一披
陳至於紅銅鏡二門見貯肇慶府軍器局日
者小醜肆害職積念填胸恨不滅此朝食以

心月軒

卷十七

四

上舒

聖主之憂伏乞取二鏡至京給發應用庶膚功
有藉而微臣當日一片苦心稍獲自見蓋身
受

國恩少圖報效寸衷固自不容已也為此具揭
職不勝屏息待命之至頃至揭著



心月軒稿跋

騷雅之業今輦上人百不一道而草野
倨侮之士輒居以為奇貨其實胷中毫
無所有但記前輩老先生爛熟幾語沿
途唱誦權救饑耳而不知者或遂以為
金字真言也輕薄少年亦往往起而譁
之而浮浪不根抑又甚焉弊日滋而勢

後跋

莫挽則輦上諸君子之責矣夫太史陳
詩以知四方之政登高作賦便堪大夫
之選言志和律之妙一旦視為書傭侍
隸之事如往來啓牘不問其語之所從
來第寫成四六行款彼此都不省視遂
使賦玉消而等瑟混詩之為教顧如是
乎雖然難言也比興之致深於易之彖

象美刺之微嚴於春秋之袞鉞藉令眼光搖于金帛靈府垢於塵土卽終日講求聲病配搭勻停有何義味哉寅侯先生鐵心石腸是宋廣平一流人恬情寡慾又似王摩詰後身幼好奇服制舉義一字不傷人籬落蓄滿而爲詩羽陵宛委之藏旣取諸其宮中而用之宦轍所

後跋二

至劍門天削巫峽雷奔星巖珠燦又足以助其欽崎曠遠之想雖仕路康莊和鑿吉行而英雄本局未符鴈序鸞影有乖悲愉喜愠亦雜出而獻其遠邇羣怨之思故凡所結撰麗不傷骨瘦不損神謝朝華而披夕秀原性情而止道義洵中和之極則而大雅之遺音也他文無

體不備點筆便有奇趣脫腕更無滯義摹秦漢而加以通暢運江鮑而別著空靈自是通才圓應剌技軒署心月方寸湛然不待言萬里冰壺濯魄千歲玉膏起痼先生故爲輦上人放一大光明藏矣聞風有如儒立慧照常行使燭耀遁跡所關世教不小予敬用指標冀八萬

後跋三

三千戶中水光樹影霞冠霓裳人人得寓目也第未知看者見否

龔之祥拜手謹書



〔明〕管紹寧撰

賜誠堂文集十
六卷附錄一卷

清道光十一年讀雪山房刻本

道光辛卯刊

賜誠堂文集

讀雪山房藏板

毘陵管公誠齋賜誠堂集序

孟子言之誦其詩讀其書不知其不可乎是以論其世也
余循覽毘陵管公誠齋賜誠堂集不禁三歎焉公在崇禎
朝以小詹堂南翰林院事甲申之變金陵權立遷至少宗
伯行宗伯事兼纂修崇禎實錄總裁未幾與馬士英抵牾
謝病去 王師下江南被收與其子舉人鉉貢生鍵諸生
鏗死之乃紀事者所載乙酉南都徇難諸臣尙書張捷高
倬而下主事夏允彝等若干人在籍少詹徐汧等若干人
進士黃淳耀舉人張錫眉諸生顧所等下至賣麵者賣柴
者及百川橋乞兒亦所弗遺而不及公先是北都從賊諸
臣因闖敗而亂復希進用中書舍人宗灝其一也議者欲

序一

做靈武卽位故專以六等定罪其爲之開通營救者假纂
修實錄直徵才望卽負費廢錮者亦宜開一面之網公持
不可灝銜之遂詣大軍歸命乞安撫常州至則以危言激
主兵者達公論者謂公之死實灝之修卻余以爲不然從
來士大夫不幸而遭板蕩陸沈之禍成仁取義其藉手於
奸慝宵人者比比也余觀公集中請卹謚北都徇難范景
文以下五十八人中州徇難呂維祺等一百十六人又請
追謚革除徇節方孝孺以下一百六十人又請建表忠祠
并祀未經謚謚及從亡者凡一百二人又請謚十五朝理
學節義事功名臣二十六人非王平崇尙志節而能然乎
當闖賊入犯懷宗徇宗廟公聞警而不卽死者以有金陵

也迨金陵既覆尙何所望哉其不恤巢卵而必藉子於奸
也宵人而後抗節致命者夫亦必與社稷俱燼焉耳矣烏
在不與即徇諸君子比烈哉抑余嘗推論之國家肇造
東土豐邑之遷者於四表及有明陽九之厄流氛日熾海
宇毒痛馴致鍾簾淪亡

世祖章皇帝冲年踐祚卽憫茲殄瘁命將誓下爲之削平
禍亂出民湯火而登諸衽席所謂一戎衣而有天下者也
金陵固懷宗之兄使如徵于東樓之守其先祀安見不以
杞宋視之哉乃懷宗之儲嬪旣至不思戴之以從人望而
磨滅之幾死迹其所爲尙可保其周遺夏肆乎且專任士
英恣其搜括致有掃盡江南錢填塞馬家口之謠士英又

序一

薦阮大鍼用事一時正人皆乞去己則日雜於宦伶爲樂
道問弄之師至而欲出奔豈可得哉余序公之集而牽連
及之當亦公之志所抑鬱而不言者乎

按此序原抄本不著名姓

金陵劉文楷家藏

誠齋管公全集序

大學士張 英 敬復

明武進禮部右侍郎管公誠齋於已六十餘年其曾孫江
西新昌縣令榆以公之全集介于內姪沈子庸功請序於
余將付剞劂以不朽公余以公之事業炳史冊節義著兩
間輝煌焜耀固無俟後人表彰而余竊爲公幸者公生平
功名遭際雖處乎泰而實居乎否乃至視下如貽全家被
禍更有極人世所未有者今灰冷燄熄之餘而孱弱孤孫
尙能抑此遺編世守不墜則公可謂不幸中之大幸矣昔
蘇子瞻四菩薩閣記有曰此明皇帝所不能守而焚於賊
者也況於余乎夫當兵燹肆虐風鶴震驚之時狼狽奔
竄所自念保全者惟此身耳卽不然亦不過消匿其金玉
犀象之屬何暇計及他物况墓志載公被害時僅一孫滋
琪年數歲爲一僕竊負以免則集之存也得母陰有默佑
之令公之精神藉以不泯滅歟公之孫滋琪能守公之集
傳之榆公之曾孫榆能刊公之集傳之世語曰忠孝非兩
途信乎其不爽矣余老歸空山且多病久不爲人事筆墨
嘉楡之不忘先業也不禁縷述如此至公之生死大節載
靜山楊公墓志中余不贅

序二

管宗伯傳

蔣金式 玉度

管紹寧字幼承明崇禎戊辰及第三人宏光朝以少宗伯行宗伯事子告 國初毘陵守 宗廟敢請勿獲陷之然今鄉里稱長者猶曰管公乃至故明三百餘年忠臣義士子孫悽懷先烈既傷且慰往往流涕感激咸曰管公後之人檢宏光實錄歎故明三百餘年忠臣義士之氣蘊結未伸者久亦幾不復伸矣而遂一日伸也於今餘鼓舞焉誰為為之則莫不翕然曰管公維公夙以篤行信其鄉鄉先生嘗為言其季父 危疾體僵若冰公與共臥以體溫之彌月 頌是為諸生迄高第歷二十有七年踰躋備諸艱顛益礪其操不以窮達間居官不切切自見遇事若不

傳一

十

能言然所當盡必盡常見其大崇禎朝方在侍從第一奉敕諭 藩稱旨一分校禮闈號得人一為南司業攝祭酒事羽書旁午猶規 完上舍日事諸生講習而已蜀諸葛亮表出師首謂宜恢宏志士之氣不塞忠諫之路宋李綱至高宗行在即言近世士大夫不知君臣之義靖康之變凡仗節死義者宜加贈恤其未及上聞者仍詔諸路訪以聞一賢當託處倥傯深維治本鑒古開國皇然表墓式聞之彼旨故急人所緩爾爾彼奄侍之禍權臣之禍自昔有之有明固屢見之至爨生骨肉肆其屠戮則殆有甚焉一 儀始末徇難之臣亦無過此先河曾未議恤於是奇節烈行斬削既盡淪湮且深其風 微公甫晉宗伯即疏予遜

國徇難諸臣謚祠于北都徇 諸臣謚祭于徇難按臣劉

熙祚謚祭于侍郎吳阿衡謚祭葬謚三朝忠節諸臣卹徇難勲臣顧肇迹等祭葬贈廕楚秦徇難許文岐等祭葬贈廕卹徇難衛景瑗等謚祭葬廕中州徇難呂維祺等謚贈祭葬開國徇難諸臣應子謚號于忠肅卹典內臣王承恩等徇難卹典凡疏十有二凡人若干并請謚開國功臣未謚者謚理學事功名臣又請奪謚兼子惡謚皆關勸懲次第報可於時一代忠臣義士炳麟照耀遠近奮揚則公之為也夫此一事百南遷建國豈無大於此者蓋思風化實治太平則亦孰大於此且公固宗伯耳此其當盡者脫任有大焉庸其僅此耶或謂時公首議思宗烈皇帝謚號

傳一

十

又議惠宗讓皇帝代宗景皇帝謚號人臣大者宜無逾此顧此禮自宜先微公亦知先之可毋論 蔣金式曰公廷對策第一行誠字戈法誤弋思宗極賞其文用御書足之一時侈盛事云爰自號誠齋而顏其堂曰賜誠今讀賜誠堂集凡所言剴懇淋漓至誠逆行際以驗公行事亦大都母工甯拙母徑甯迂惟是一誠盡之或乃疑其死晚夫兩都之陷皆在籍而南都陷後時事未可知公之不死未為無見其遺禍明示之貨免而不應至父子四人並死而不恤魯兩叔孫卻晉卿請貨君子謂以禮立身不避難公亦猶行古之 也而幸不幸判焉何哉雖然以公前請合諸其死亦見其 苟生之志誠於中也久矣

宗伯誠齋先生父子只上殉難傳 僕崔三強仕附

潘震浦深陽人

先生姓管氏諱紹寧字幼承先世鳳陽人宋高宗時某公扈謁南渡至臨安其後安撫毘陵卜居華波里子孫遂家焉屢世耕讀至先生以進士起家先生年十九補邑諸生二十九中萬歷壬子科應天鄉試崇禎戊辰第三及第授翰林院編修先生對策誠意正心稱旨而誠字虛右戈一撤御書以朱書足之秘閣修為盛事故先生自號誠齋不敢忘君恩也壬申纂修實錄充經筵日講官甲戌分考會試拔俱知名士戊寅陞右春坊兼南京國子監司業掌祭酒事辛巳以詹事府少詹掌南京翰林院事優游兩

傳二

載尋召纂修未赴甲申三月猝聞都城警報扶掖星馳北上纒渡江遇北來人倉皇鼠竄比抵淮亂兵殺劫間道斷絕先生椎胸嘔血即欲捐赴黃流而傳聞洶洶尚恐未實金陵再奠先生謂復讎雪恥指日可期陛見之日即拜疏探大行皇帝后梓宮隨蒙旨允遣官恭訪其奉安梓宮祭告山陵敕諭使北盟書券文宣諭山東北直京師一路人民獎勵義旅詔諭俱出先生手不數月陞禮部右侍郎行尚書事蒞任之日首議上大行皇帝后謚號請卹謚死難諸臣并建文景泰等謚號凡所舉行務期備一代典章補累朝闕畧而廟堂廷議多與時相忤遂引疾歸里未及月餘而金陵再陷矣時北兵用威乘勢逞掠以薙髮為名

必欲殺有名望者以示威百 逮先生先生神色自若慷慨就縛先生有二子捕急時先生內三子於壁間已長公

間先生就逮哭踊而出挈二弟隨行故同及於難幼如公諱紹恂先生之從兄弟也崇禎甲戌中武進士嘗居鄉不入市當先生遭難時有崔三者為幼如公之僕適在城遽歸以告公公倉皇入城刃之未加於先生者僅間耳公乃排眾迅入隨刃捧先生之頭令勿墮地與僕崔三且哭且罵髮指皆裂遂遇害幼修公諱紹恒亦先生之從弟也先生父子既遇害為之經紀後事躬視含殮不辭勞瘁時孤子滋頃年甫十齡蒼頭竊負以逃當事索之急因逮公究所匿處公不應撈掠備至終不言下公獄并械老僕強仕

傳二

者受極刑亦不言匿孤處三閱月始得釋歸因屏跡城市杜門教授尋邑邑致疾卒嗚呼管氏之一門忠烈義節至今猶有生氣而義僕崔三尤不可及也已先生長子諱鉉崇禎壬午舉人次諱鍵貢生考授推官次諱鏐廩生鏐與鏐學生年十九俱未婚遇害遺孤一人諱滋琪孝廉公出今之寢昌寢熾以克有其家者皆遺孤之後也雍正七年歲已酉震浦與宗伯公之元孫心咸同寓寧遠檢閱其所攜冊籍熟悉其顛末而述之如此

宗伯管公誠齋先生附 僕崔三強仕

明管誠齋先生諱紹寧字幼承常之武進人也成崇禎戊辰進士殿試以第三人及第累官至禮部尚書其品行功業卓卓可紀大史有能秉筆者吾知必書於冊無疑也雍正乙巳擬與先生之元孫心咸同在寧遠檢閱其所攜冊籍得先生之重孫忠直所書其族父幼如幼修兩公事畧而因得熟悉先生遇害顛末嗚呼痛已往者甲申之後大兵且南下守者咸乘勢逞掠以薙髮爲名殺不順命而先生固常之望也謂吾戴仁而行纓義而處猶懼弗勝其尙敢有他志遂慨然就捕當是時先生之家纍纍四五十口自孤子滋琪而外無一免者刑有日矣幼如公居華渡

傳三

里有崔三者適在城遽歸以告公公倉皇入城刃之未加於先生者僅間耳公乃排衆迅入隨刃以捧先生之頭令勿墮地而幼如公與崔三者亦皆罵不屈死也幼修公亦先生之從弟也時守者索孤子甚急因并逮公及僕強仕榜掠備至俱不言匿孤之所聞三月獲釋孤子始出則今常管氏之族所賴以大者也嗟乎士固有顯於天下而不述於鄉黨傳知奕世而未著於一時者非富且貴遭濁世之所忌則親暱者或故令屈抑以不傳也夫以誠齋公之不屈如此幼如幼修兩公之勇於從義如此而論者之言或曰守者之逮先生利其資故先生之就戮恪所有其保遺孤以至於今者或僅托于 時縉紳有力者之所爲而

幼修公人亦不傳鬻甚慨之誠齋先生三子長諱鉉舉崇禎壬午孝廉守者來捕甚急先生內三子於壁間已孝廉公聞先生逮捕哭踊而出挈二弟而號泣以隨先生之所故同日遇害則孝廉公亦克狗厥名而不媿者矣并書以附管氏家乘之末立言之君子從而概擇焉康熙丁酉科舉人內閣中書吳江熊熨撰

傳三

明正治卿中奉大夫禮部右侍郎行尚書事兼翰林院侍讀學士誠齋管公墓誌銘

楊廷鑑

先皇帝登極之明年崇禎改元臨軒制策廷對之士四百人二三輔臣手進呈諸卷更番進誦鮮當上意最後得公卷爲擊節歎賞公策首以正心誠意對而誠字虛右戈一撇御筆以硃書足之秘閣侈爲盛事謂君臣相遭千載一時矣越十有七年甲申寇發秦隴逼犯京闕遽有三月十九日之變明年乙酉閏六月公亦以國破家亡父子遇害嗚呼儻所謂君臣一體始終禍福無不同之者與公姓管氏諱紹寧字幼承自號誠齋以御筆親題不敢忘君恩也先世鳳陽人宋高宗時千五公扈蹕南渡至臨安其後

墓誌銘

安撫毘陵見華渡里民俗淳厚遂卜居焉今爲常武進之華渡里人十六世而生實夫公毅公曾祖也實夫生慎獨公尙德公祖考也慎獨生齊宇公陽春公皇考也再世皆以公貴贈正治卿中奉大夫禮部侍郎祖妣趙氏陸氏俱贈夫人公少受學於季父王子翁翁積學名儒公從游驥渚朝講暮習日漸月摩於凡立身大節讀書歛容無不究其指歸翁邁末疾徧身如寒冰公解衣貼體以溫之如是者一月百療不痊公扶藪渡江歸哀毀比於所生年十九補邑諸生二十九中壬子科應天鄉試丁卯計偕屢著奇兆戊辰賜進士及第授翰林院編修年四十有六矣會山西撫按題稱晉王忠孝愛民禮賢下士輸助急公種種

懿行上心嘉悅特賜旌表以勸宗藩公奉敕往宣獎諭壬申纂修實錄起居注召對記注充經筵日講官甲戌分考會試所識拔俱海內知名士戊寅陞右春坊右諭德兼翰林院侍讀誥敕撰文南京國子監司業掌祭酒事以崇聖學飭廟祀爲首務迫值軍興水衡錢不時應乃計末廩之遺稍食之仍刻期鳩工費半而功倍時速而事舉公親製文勒石以垂永久時丁丑二月也辛巳六月以詹事府少詹掌南京翰林院事優游兩載尋詔纂修未赴甲申三月猝聞都城警報扶掖星馳渡江遇紛紛北來人倉皇鼠竄比抵淮亂兵殺劫聞道斷絕京師失陷之信至矣公椎胸嘔血卽欲捐赴黃流而傳聞洵尚恐未實金陵再奠

墓誌銘

方謂復仇雪恥可期陛見之日卽拜疏懇探大行皇帝后梓宮隨蒙旨允遣官恭訪其奉安梓宮祭告山陵敕諭使北顧書券文宣諭山東北直京師一路人民獎勵義旅詔諭俱出公手甫一月陞詹事府正詹拜疏懇辭謂臣一介草茅受先帝特達殊恩苟延視息宜加顯戮宮詹峻秩濫及罪臣清夜捫心何以自對語甚懇切不允時朝廷諸事草創詞林員缺詔敕如雨公專司筆札手腕欲脫不數月陞禮部右侍郎行尚書事兼翰林院侍讀學士階正治卿中奉大夫懇辭尤力復不允涖任之日首議上大行皇帝后謚號請卹謚死難諸臣范景文以下中外文武五十八人中州徇節一百一十六人又議營建太廟重脩歷代帝

王廟再議上興宗孝康皇帝惠宗讓皇帝代宗景皇帝謚
號又議惠宗代宗祀典請謚靖難諸臣文武一百六人又
請建表忠祠并祀未經請謚及從亡共一百二人再請謚
十五朝以來理學節義事功臣二十六人又請纂修先帝
實錄國朝正史玉牒三書再請補修建文實錄薦楊廷樞
陳子龍等有良史材凡所舉行務期備一代典章補累朝
闕略既恐不合於古復懼大戾於時憂患之餘焦心勞力
怔忡寒熱身瘦如削又以廟堂廷議多與時相忤三疏請
告始奉前旨扶疾抵里未獲卽次之安而金陵再陷矣時
江南初下大兵席捲長驅守者乘勢逞兇斬刈不順命者
必欲殺有名以示威首輔逮公或謂公曰彼徒利公貲耳

墓誌銘

三

公曰天崩地裂吾大臣分固應死奈何以賂免慨然就縛
守者愈益怒遂并公三子收之竟同日遇害嗚呼兵燹以
來士大夫躬嬰屠戮受禍慘酷未有如公者也公爲人口
無妄言足無妄履專氣致柔若拙若訥先皇帝嘗以繡虎
宏文木雞邃養稱之使公不遭世變以人主爲知己翱翔
禁林歷躋公輔必且爲黃髮元老卽不然鍾篋雖移而國
有與立使公得殫心畢力以創造爲修舉勒成一代大典
亦必煥然可觀又不然昊天降割國祚不延使公不爲姦
邪所擠以典禮大臣在位遭變主辱臣死難止及身何至
一家蓋粉慘及允嗣底於此極嗚呼可痛也已公生於萬
曆癸未十一月十六日卒於順治乙酉閏六月二十九日

享年六十有三葬城東馬杭橋之新阡元配葉氏繼周氏
黃氏俱累贈宜人加封夫人董氏誥封夫人子男三人鉉
壬午舉人娶李氏繼娶霍氏鍵貢生考授推官鏗廩生皆
與公同日遇害者也孫男一人滋琪邑庠生鉉出公父子
遇害時滋琪始數歲一嫗一僕竊負以走幸而獲免以迄
於成立娶楊氏余女也曾孫男六人聖植孝植仁植義植
忠植榆女二人滋琪拜且泣曰先王父登朝十七年大節
炳著卒遭慘難倉卒窀穸未有墓石之文忽忽二十年矣
敢涕泣以請余惟先太恭人實公姑母余於公中表昆弟
誼同手足余少學於舅氏與公同研席迨登仕版與公同
官翰林又與公同遇國難以故相知爲深銘公非余其誰

墓誌銘

四

銘曰先皇龍飛陰翳盪滌周漢再興宣光明哲公對大廷
風雲湊集商巖一夢仲舒三策越十七年蜂屯蟻雜聖人
蒙難躬徇社稷公僅踰期火炎玉石攀髯莫遠粉身糜骨
主聖臣賢始則同德主死臣死終亦同厄有義其冠堂皇
伍伯戴角鬚鬚磨牙吮血捐軀不易取子毀室竄穴伏
孫枝一葉無往不復天道有赫狼嗥虎視灰飛電滅玉茁
蘭芽孔蕃孔碩勒此銘詩寫我心惻慰公九京昭示無極

明王治卿中奉大夫禮部右侍郎行尚書事兼翰林院侍讀學士誠齋管公神道碑銘

邵長衡 青門

明文皇帝起藩邸喋血京師剗刃骨肉一時士大夫膏鈇鉞覆九族者肩頂相望甚者刳其皮實以束橐而懸之嗚呼上下史籍自漢迄元一千五百八十年間忠臣誅屠之酷於是爲極後二百四十餘年會崇禎甲申之變南都擁立禮部右侍郎守尚書管公紹寧疏曰臣伏見給事中李清疏請賜建文諸臣謚皇上幸下其章令臣分別與卹謚甚渥惠也臣紹寧昧死言諸臣生當高皇帝時栽培休養元氣磅礴適遭屯厄忠忿之氣蓬擁騰厲甘死如飴上之嚙齒剔骸禍延族屬瓜蔓株孳邑里爲墟次亦腰領伏

碑銘

一
鎮妻子流離謹按方孝孺論死至八百四十七人練子寧論死至一百五十人其他族誅及逮論遣戍者不可勝數諸臣爲國受禍甚烈昔高皇帝初下金陵首旌故御史大夫福壽繼平幽朔放蔡子英北歸從故主於和林所以勵死節教臣子無二心也况文皇子繼父統非易姓比當日已有練子寧在朕當用之之語而諸臣咸懷一切拘文牽義莫肯將順二百餘年盛典闕如史冊微名若滅若沒深可悲痛亡怪燕京之變禍至君父不諱宗社淪胥而臣下懷首鼠捐生蹈義者寥寥也臣謹按謚法稽之史籍分別條奏文臣方孝孺以下七十七人武臣徐輝祖以下三十人皆待子謚仍乞立祠留都賜名表忠他未請謚文臣樓

璉以下武臣耿炳文以下八十一人從亡臣程濟以下二

十三人並令從祀惟皇上幸許禪益中興盛理不小臣紹寧昧死以聞詔曰可議者謂南都君臣舉動事憤懣獨是舉大慰人望公有力焉公姓管氏字幼臣紹寧其諱崇禎戊辰以第三人及第官編修戊寅遷南國子司業掌祭酒辛巳遷少詹掌南翰林院甲申陪京建號遷正詹尋擢禮部右侍郎先是思陵御極之明年崇禎改元首廷策天下士公策以正心誠意對誠字右戈誤從弋上御書足之輔臣頓首賀上悅拔實第三公因號誠齋彰君寵也宏光立甫八日公以少詹陛見力請謁梓宮省陵寢伏地流涕被面宏光爲愀然改容其行尚書事首議上大行皇帝后

碑銘

二
謚號議上惠宗讓皇帝代宗景皇帝謚號疏請卹謚甲申死難諸臣又疏請補謚先朝死諫忤奄諸臣正德時蔣欽陸震嘉靖時沈鍊天啓時繆昌期左光斗李應昇周宗建黃尊素以下凡二十五人先後得報可尋以病屢疏乞歸歸未匝月

王師定江南常州太守宗灝賊鷙人也又與公卻爲蜚語中公罪至死人或告公是利公高貴爾公喟然曰老臣亡狀負國恩當死顧覘顏偷活草土間且晚人爾卽死奈何以賄免重辱國守益怒併捕繫三子遂同日遇害時順治乙酉閏六月距其生明萬歷癸未得年六十又三公謹慎對人極煦溫然無嶄絕崖異之行立朝遇大議論顧能傳

經義持國體家居儉樸布被粟如諸生客至共具纒設
鮭菜初娶葉氏繼周氏黃氏皆累贈夫人董氏封夫人子
三鉉舉人鍵貢生鏗邑諸生同罹公難者也孫男一人滋
琪邑諸生鉉出曾孫男六人初公遇害時滋琪甫數歲一
蒼頭匿之跳而免公歿之二十年滋琪請於故殿撰楊公
廷鑑銘其幽又十年曾孫國學生孝植謁諸生邵長蘅請
曰曾王父以變故弗具禮也惟是墓隧之碑久虛敢載拜
請蘅以賤辭則又載拜曰曾王父之歿也有隱痛焉不敢
溷當代貴人乞公敢以煩下執事蘅懼然不敢辭遂爲銘
銘曰

唯歲執徐皇帝改元大開明堂賢良咸集公承寵休雲錦

碑銘

奎章唯歲涖灘燬廟焚闕鐵脰大槍五馬浮渡羣狐一輿
祚亦不長公貳秩宗匡正綱紀恩汎泉壤板蕩再遭棟折
榱崩主辱臣亡虎耽狼瞰磨齧喻叻良臣罹殃攫其二雛
一雛呱呱寶逃穴藏公侯之後將復厥始奕世其昌曾孫
曰孝請刻茲石歷久愈明

侍郎管公少卿楊公合傳

盧宜

大兵下常州有明禮部侍郎管紹寧太常少卿楊兆升死
之紹寧號誠齋兆升號升之俱武進人兩人者桑梓姻婭
交甚篤兆升先登天啓壬戌榜授蘭谿令甲子丁外艱起
補桐廬調煩烏程三任皆浙江衝劇地敏於吏事不用深
文務以寬厚化民所至輒有聲崇禎四年以治行最徵入
南禮科而紹寧亦於戊辰科探花及第甲申北都陷紹寧
已積官至南學院學士兆升在崇禎時居南垣五載建白
侃侃與同邑秉政鉅公不協因病乞假歸宏光立擢紹寧
禮部侍郎署尚書纂修崇禎實錄總裁兆升則官常少兼
吏科是時馬士英握政柄錢謙益以宗伯營起廢籍浮名

命傳

既出紹寧上又以謬託東林奔走天下士大夫且館閣中
前輩也出則纂修一席序應屬錢紹寧素薄其爲人不屑
與之同事又與馬士英落落不相合遂謝病去先是北都
諸臣從逆者中多知名士闖敗紛紛棄賊南走希資緣復
用癸未進士宗灝崇禎時官中書舍人亦其一也廷議將
倣唐肅宗故事以六等定罪中朝官有欲爲營救者憚於
公論恐被人指斥姑具一疏請修實錄以管上意微言實
錄大典一時草創官多缺員請敕下禮部徵聘天下素有
才望者勿拘資格加銜入館卽從前有負罪廢錮者姑開
一面疏下議覆而事屬禮部應紹寧主議從逆者羣聚而
說之爲端紹寧始終持不可升議與紹寧合亦助之力

爭遂中格灝等知死灰不能復燃而收捕從逆之令愈急乃決計北向銜紹寧與兆升刺骨乙酉五月宏光出奔兩人相維歸里一時郡邑守令皆先期逸去邑紳有倡議率里老詣丹陽迎

大兵宗灝亦隨而南適委知常州府事甫下車首督薙髮一城鼎沸四鄉兵隨起灝之來知郡事也其意首在圖管次卽及楊而鄉兵之拒命圍城者中多兩家佃僕二公又堅不肯薙髮灝卽詣主兵者曰窮鄉百姓敢抗令稱兵者特管某楊某居城中主持其間爲之聲援也且聞楊某潛通浙省不早收捕以杜禍源恐爲患滋大試觀兩人者不遵新令堅護其髮其心可知矣六月二十九日收紹寧及

合傳

其子壬午舉人鉉次子諸生鍵鏗驗其髮果信駢斬於東門外之季子廟前夜半發兵圍兆升所居捕而繫之演武場兆升終不屈曰吾存此數莖白髮下見先皇帝於九原有餘榮矣與薙髮苟活者所得孰多遂被害時乙酉閏六月二十九日也

外史盧宜曰嗚呼二公深護其髮視死如歸確乎不拔蕭蕭數莖勁如松柏有丹者我心匪石

附錄

錦衣衛鎮撫司幼如公傳

紹洵字幼如行九崇禎甲戌武進士欽授錦衣衛鎮撫司宗伯之遇難也於乙酉六月二十九日而被收在十日前有下鄉走報者公卽日就道執鞭弭侍兒崔三秣馬從之比入城見宗伯處變狀公怒奮武欲排解不獲監守者索賄弗許時有指揮某乘公不意遽以壞公及崔遂遇害公之死乙酉六月二十三日也蓋先宗伯公七日云夫聞變不懼而毅然就道死固公意中事耳及禍生倉卒不少依回以挫其志直養其浩然之氣者固當處此裕如哉獨怪崔三郎驟下廝養耳乃視死如歸

附錄

不貳心若是其諸古者忠義之流亞歟是節載家乘不稱幼如公死節事與諸傳異豈傳間有不同耶立乎近指乎遠不能無異辭春秋且然況草野記載出於道聽塗說者乎紀事雖殊而爲好談忠義則一正不必其說之同惟其不同愈足以見人心之不死矣故附存之

義僕童明高傳

繩萊誤

義僕童明高者不知其籍貫大抵吾鄉人也其妻爲余六世祖乳母亦不知其氏余八世祖諱紹寧明南京禮部侍郎弘光朝召爲尙書乙酉大兵下江南以抗命爲常州府知府宗灝所害一門無老幼皆坐斬幼孫方三歲僕與其妻以已子易置主母所襁負踰牆跳叩明脩撰楊公廷鑑之門遂得生而童明高夫婦之所終又不可得詳矣余家祠歲時祭祀向設虛位祀之歲久無

知其姓名者余以幼時聞諸祖父之言爲小傳以告宗人並屬爲立木主曰義僕童明高夫婦之位
系曰自余七世祖以下傳子孫六七代丁口以數百計仕宦商賈沐 朝廷雨露之恩者百六十年非義僕不至此再造之德雖百世勿忘也且自絕其祀以開吾宗義烈又豈在程嬰杵曰下耶天下聞者皆將愛敬焉況管氏乎

附錄

二

先宗伯文集書後

八世孫繩萊撰

先宗伯以甲申五月仕宏光乙酉五月避位去計不過一年之間其所陳請無一語非誠正匡時表彰善類忠義之氣今猶勃然至于父子兄弟下逮奴僕皆相殉以死尤可謂節義萃於一門聲名垂於千載已乃有無知小人變亂黑白以公有禮部失印夜走馬士英之門一事見說部青浦湯某撰不知公惟與馬士英不合所以去位而賀儒修構詞誣陷又以錢謙益營起廢籍公持不可士英嗾使爲之者公卒以此乞休去兩疏具在可取按也如苟貪利祿則士英方柄政何難黨同附和阿譽取容如錢謙益哉且公再仕金陵一月屢疏請謚請卹至三四百人則其服膺忠義慎重名節平生志尙畧可概見豈有以幾微小失而遽至屈辱權門耶先公大節炳如日星無待於辨人自信之然狗彘之心難以理喻蒼蠅之聲尙猶有臭若人之說不傳若人之說而傳豈不疑悞後世玷及忠良故特著其說以示子孫且以詔後之讀公集者

書後

一

賜誠堂文集目錄

卷一 奏疏

廷試策

請飭纂修玉牒等疏

辭正詹疏

辭宗伯疏

請復日講疏

卷二 奏疏

請專使奉安梓宮山陵疏

請從權時享疏

議日月分合祭祀疏

賜誠堂文集目錄

議子北都徇難諸臣謚祭葬疏

議子徇節劉侍御謚祭祠疏

議謚副都張璋疏

卷三 奏疏

議子遜國徇難諸臣謚祠疏

卷四 奏疏


廷試歲貢疏

議覃恩廣額疏

議謚輔臣孔貞運疏

議補給輔臣王鐸父母妻祭葬疏

造歷公費疏



請探梓宮疏

請遴補詞臣并僚屬疏

請御經筵疏

日食修省疏

請敕祀守朱家巷陵疏

一

卷五 奏疏

議補輔臣高宏圖父母妻祭葬疏

議上太后中宮冊寶疏

追封陳氏并授杜光組等職疏

謚都督杜松疏

謚沈焦二翰林疏

議子陸世科等祭葬疏

卷六 奏疏

謚開國諸功臣疏

修國史實錄玉牒疏

徇難勲臣顧肇迹等祭葬贈廕疏

賜誠堂文集目錄

卷七 奏疏

復代廟太后尊號惠廟太子等謚疏

合祀天地神祇疏

補卹徇難衛景瑗等謚祭葬廕疏

補卹楚秦徇難許文岐等祭葬贈廕疏

卷八 奏疏

中州徇難呂維祺等謚贈祭葬疏

開國靖難諸臣應子應奪謚疏

謚理學事功名臣吳汝弼等疏

卷九 奏疏

內臣王承恩等卹典疏

二

于忠肅卹典請改敕吏部議覆疏

謚宗伯董其昌疏 恭請祭葬疏

乞休致疏 因病再乞罷職疏

卷十 代言

記思宗烈皇帝聖諭 上皇考溫定懿妃冊文

孺孝通元顯應悼靈王冊文

追封德懷王冊文 上尊謚告奉先殿文

上烈皇帝尊謚祭告文 上建文景帝謚詔

上思宗謚詔 謚號詔

詔諭琉球國王 宣諭北直人民詔

奉迎皇太后入宮賀表 恭進玉寶表

賜諡堂文集目錄

三

卷十一 代言

宣諭山東北直地方安撫官民獎勵義旅詔

敕諭舊輔臣謝陞 敕諭御史盧世淮

敕諭寧南伯左良玉 京營總敕

敕諭兵部尙書張國維

敕諭都察院右僉都御史祁彪佳

敕諭山東巡撫王燮 敕諭都督同知楊振宗

敕諭都督同知金聲桓 敕諭御史米壽圖

敕諭蕪關戶部張大章

卷十二 代言

敕諭黔國公沐□□ 敕諭應安巡撫左懋第

敕諭太僕寺少卿監理江北軍務萬元吉

敕諭總鎮張應元 敕諭監軍御史陳蓋

敕諭提督孝陵神宮監 敕諭提督京營內臣

敕諭催糧內臣 湖廣巡按劉熙祚誥

諭祭劉熙祚文 孝陵立碑祝文

懸鍾祝文

卷十三 文

重脩留都太學廟碑記

誥封中憲大夫浙江紹興府知府震原王公墓誌銘

徐養齋山堂萃稿序 南雍課藝序

荆觀四念昔篇序

賜諡堂文集目錄

四

卷十四 文

送劉君岫歸里序 孫都督太夫人誌傳序

壺山程氏族譜序 張四知司成晉宮詹序

張印翁宮詹還朝序 壽范質公大司馬序

贈巢柏貞序 壽顧笥洲太翁八十序

卷十五 文

郡守陳白翁壽序 郡貳守閔公壽序

題吳子願真讓圖冊 荆舍老像贊

高安王氏世譜說 復魯世子兼遺帛

祭何少保文

祭同門張二無少總憲文

公祭劉允平宮論文

卷十六 詩

送宋金礎冊封荆藩 送周星雄守備川沙

張憲使秦羹初度 贈黃仲霖侍御

漳海河平子應辟入都當塗皮相抗疏歸養同志諸

公各賦詩投贈次韻二首

東陸鳳臺 贈醫生周誠生

元旦賜宴二首 題蕭府天尺樓雪廊

送張光斗戶部還朝

送劉黃門四勿左遷豫章臬倅

送金楚畹太常北上 留別張大京兆房主二首

賜誠堂文集目錄

五

送賀中冷撫天津 送羅浮玉天津憲副

送喻中丞撫浙 送李餘我侍御出按留都

送沈雲升撫閩 送馮五玉侍御按晉

送黃起有編修給假省親

贈總河劉司空 送王存孺太守之任

贈楊匏齋侍御 贈孫都督尚進

留別金玉鉉工部 送吳嘉楨監司福建

漫園分韻 題吳詹所茶山園

贈吳詹所 秦上舍

幼全弟五十 張孺人節孝

送皮愧老入覲還留都

賜誠堂文集卷一

明禮部右侍郎兼翰林院侍讀學士管紹寧撰

八世孫繩萊重編校

奏疏

廷試策

對臣聞帝王之臨蒞天下也必其君有推誠置腹之實心而後能使庶明翼勵以收奮庸熙亮之功必其臣有竭忠宣力之實念而後能使一人垂拱以享和平清靜之福何謂實心人君之所以分猷而共理者臣也君不任賢則無以獨運而成功故必遴選天下之英豪以布列於庶位斯可以率作省成而俾人人各殫其心力以紓九重望治

賜誠堂文集卷一

一

之思何謂實念人臣之所為環向而效蓋者君也臣不宣猷則無以盡職而共位故必俯殫生平之智力以畢效於當官斯可以亮工釐績而俾事事咸協於理以收萬方寧謐之化是君臣之分雖殊而克艱之心則一使非有相得之情則分隔而志不通誰為綢繆其牖戶慎固其藩籬廩廩焉振飭於文事武備之閒而罔敢玩弛使非有交儆之益則面從而心日媮誰為折衝於廟堂戰勝於密勿穆穆焉提挈於兵充食足之際而無不惺惕此古帝王所以垂衣恭己而厝國祚於泰山之安戢羽舞干而奠疆圉於金甌之固者其道端不出於此欽惟皇帝陛下聰明睿智有臨正直平康作則持小心而保泰合華夷內外莫不尊親

靖大慙以亨屯自南北東西無不思服就將勤日月翻經案上每深乙夜之觀威武奮雷霆置羽階頭立觀七旬之格建五有極以錫福清心寡慾自臻康彊逢吉之休徵奉三無私以承乾節用愛人復見富庶阜安之盛際固已重陰盡解杲杲乎如日方升遐福初來繩繩乎與川俱至六五帝四三王陋漢以下矣乃猶聖不自聖進臣等於廷俯垂清問首舉任賢圖治闢門張網之說隨舉唐虞夏商周建官之制以詢實天下蒼生之福也臣雖學慚稽古而志切據忠敢不披瀝以獻臣聞之書曰元首明哉股肱良哉庶事康哉言明君在上而又有良臣以左右之則庶事可理也又曰維天聰明維聖時憲維臣欽若言君能憲天而

賜議堂文集卷一

十一

爲臣者同敬順之罔敢或悖也是故君爲元首而憲天於上則法天以爲聰而居高聽卑可以不勞而坐聽天下法天以爲明而臨下有赫可以不勞而坐照四方是君者法天以爲君者也臣爲股肱而欽若於下則代君以用其聰而天下之利病皆通達而無所壅代君以用其明而斯民之休戚皆洞察而無所遺是臣者奉天職以爲臣者也所以上下交德業成而心志固嗣是而降去唐虞三代遠矣安馬上之習而新語之獻陸賈徒肆乎空言尙經術之名而曲學之諛公孫得容於阿世盡言無隱魏徵之正直似矣而大綱未正不能措其主於三代之隆論語半部趙普之治平似矣而國勢不振不能致其君於雍熙之理甚至

假經術以經世務而上慕唐虞之言徒爲欺君罔上之事其相得之情雖或一時見焉而交倣之道則槩乎未有聞也恭惟我太祖高皇帝肇造區夏一洗故元腥穢之習而卽位初年分遣使臣訪求賢才則伐木和平之雅也其諭侍臣有曰天地交泰以成庶類君臣相須以成治功明有君不能無臣也又曰任人之道譬之用器可任重者重任之可任輕者輕任之良楛大小不失其宜長短盈縮一隨其範當日設官分職大約仿虞周之制度用能揭日月於重新扶天地於不墜雖唐虞三代何以加之至我皇上沖齡踐祚撫育鴻圖蚤暮親賢冬春典學一洗宮中之遺孽克成宇宙之蕩平譬之天地久否忽開則泰日月久晦忽

賜議堂文集卷一

十二

豁則明雷霆久蟄忽驚則震雲霧久蒙忽廓則清誠今日之堯舜已而猶慮法紀未盡脩明也蒼黎未盡甯戢也其大者漸勾西虜逼處宣雲逆彥之授首尙稽閩寇之鴟張甫熾而兢兢於兵餉之不足則臣不能無言矣嘗攷周禮大司馬以九伐之法正邦國中春教振旅辨鼓鐸錫鑊之用中夏教芟舍辨號名之用中秋教治兵辨旗物之用中冬教大閱立三表教坐作進退之法兵法之不容不講也而餉之不足仍焉語云木不茂者蠹在內厄不滿者漏在下兵未嘗不足也增額於兵之外愈弛於兵之內而兵始苦不足究且轉而病餉餉未嘗不足也增額於餉之外愈冒於餉之內而餉始苦不足究且轉而病兵今試問某

所乘障某所緒陣問士之勝甲兵有行伍者幾何人可以脩城郭補守備者誰問弓矢刀劍火器之習誰氏之子也雜而竈下之養車前之八騶馱足之發奔命者籍於何係詭而望飛將之氣相封侯之面提平城之傀儡者名於何竄也則有不拘以騎射之習如任杜預以平吳者乎問某處預戒某處日閱問口滿肉手滿錢者幾何人數米而炊量腹而食者誰問押券斗石銖兩之計何官之事也內而正適之供期會之偶愆歲入之不中程源於何涸出而沃若焦之金注無當之厄供浮食奇名之蠹蟻者流於何塞也則有不牽以中制之命如委充國於金城者乎故有化足以成風動而不免於有苗之征德足以臻時又而不免

賜誠堂文集卷一

四

於鬼方之伐德足以致中興而不免於獫狁之孔熾則雖盛世亦不能兵食之不計也漢武以雄才大略之資爲窮追遠討之舉登南臺於塞北絕王庭於幕南夷氛雖息而海內虛耗民生已不勝困矣兵與食與民三者雖分而實合乎存之則並得去之則俱傷此皇上之所以不能無慮也今我皇上節費以裕天下之財慎動以端天下之極明法以立天下之紀懋德以召天下之和虛心以用天下之士闢聰以納天下之言明目以祛天下之弊一時之情面悉化爲肝膽百司之瞻顧盡轉爲擔當庶幾追蹤太祖云而凡臣工之布列者果能一德一心無猜無忌佐內則有房杜其人閭外則有韓白其人豕宰以掌邦治則曰吾黜

防必公司徒以掌邦計則曰吾出納必允宗伯以掌邦禮則曰吾教化必脩司馬以掌邦政則曰吾軍屬必恤司寇以掌邦禁則曰吾不可以不得其情司空以掌邦土則曰吾不可以不興其利所謂有是君有是臣何憂四郊之多警哉抑臣尤有獻焉振刷不在功令而在精神制勝不在疆場而在廊廟是以命徂征者必先有無怠無荒之儆戒而後四夷來王詰戎兵者必先有罔兼罔知之治人而後海表咸服而尤在存一自強不息之心君體天心以行健臣奉天職以從王三五盛際再見於今日矣臣草莽不識忌諱干冒宸嚴不勝戰悚隕越之至臣謹對

賜誠堂文集卷一

五

崇禎元年四月十有五日諸貢士射策大廷上臨軒問輔臣暨讀卷官搜真才破常格取五十卷以進上親繙閱移晷得紹寧卷把翫詳復卷中推誠誠字偶遺一筆遂朱書足成之以示首輔李國楷叩首曰睿覽所定文義自佳字畫之間何損完璧上嘉納拔置第三一時學士大夫豔稱以爲遭時遇主我朝三百年來所希觀之奇逢焉紹寧刻卷而仍以朱填御書處昭異數也不忘君也史臣孔貞運時有掌卷之役因紀實而恭跋數語於後

奉差乞假疏

崇禎三年任翰林院編修

奏爲奉差事竣力疾趨朝中途病劇懇乞聖恩俯容寬限調理事臣於崇禎三年六月內欽蒙恩命差捧節借禮部

主事宋之儁前往山西晉府冊封世子審烜被命之後卽齋沐出國門沿途候副使領冊便與俱發隨於八月初三日抵太原府境宗室自晉王以下並文武官員俱遵題准事宜迎送朝辭如式無違事竣便道還里暫省封樹不意臣體孱弱霜露侵肌兼之風木興悲一慟成疾伏枕數月延醫調劑稍獲輕愈卽與疾束裝望闕進發至揚州而錮疾復熾喘嗽氣逆繼以嘔吐頭岑目暈心脾背項之間無處不痛醫家謂必須回籍調治亦未可旬日見效者也伏念臣一介草茅遭逢聖明拔置鼎甲陪侍清華已分捐糜以報矣然必有此身而後可以報國若不顧犬馬疾痛之身還當長途跋涉之苦萬無生理於是仍復渡江棲止草

賜諡堂文集卷一

六

舍不得不冒死陳丐於君父之前也夫記注宣讀之班身壬子月皇華簡命之重氣蘊風雲臣敢自愛髮膚不圖報效獨念肺腑之病困頓難支疾痛之餘必呼君父萬不容已哀鳴於皇上之前不敢以套語喧陳自涉欺罔所有原領御筆拜遣胞弟管紹謙恭齋進繳竊照先年臣同官侍講蔣德璟李紹賢等各以差完給假今職所請事例相同而曹際更古伏懇聖明憐臣情非假託俯准寬限調理稍有起色卽力疾赴京供職臣臨請不勝悚息待命之至

請飭纂修玉牒等疏

崇禎十四年任詹事府少詹事掌南京翰林院事

奏爲纂修久滯廩給虛糜懇乞嚴敕各該衙門刻期告竣以光聖朝文治以便行科注銷事竊惟文獻足徵國家盛

事歲時無曠職掌要圖我昭代文治較古特隆乃奉命纂修迄無成局遷延歲月廩祿虛糜目前總計尚有六件未完大典久淹注銷無日敢一一爲皇上陳之其一爲玉牒此書舊例四年完稿十年再修今開館已二十年矣宗人府派送初徒藉此爲催官符則何不將已修者先繕成冊乎其一一爲大統歷此事太祖高皇帝卽議修歷代因循未果我皇上銳志修舉專敕責成千載勝典乃開館十三年本科鈔參既稱世無數百年不改之厯等語督修何人率領乃任欽天監把持爲不完之局乎其一一爲統志創議於高歷四十四年王應遴獻稿八百三十卷本科抄參稱燦然成列庶幾鄭之裨諝則了此何難而今且束之高閣

賜諡堂文集卷一

七

矣其一爲武經七書此書劉寅集朱服原彙十一家注成今稱大全不過拔尤刪複舉手可就乃三年未見成帙又何築室需待乎其一一爲會典此書頭緒雖多吃緊只辨其先後異同今旣將存科錄本抄出分局察看令各該衙門纂修官具稿詞臣分曹筆削衆擎易舉期月可成何必以往時十二年方完爲成例乎其一一爲熹宗實錄此書業已成稿於崇禎十一年進呈御覽迄今四載未蒙發出極知萬幾無暇但會典纂修全憑實錄實錄未成卽各衙門有稿終屬游移或先發一二年以便騰清可乎察得本科注銷簿計幾百幾十件爲此六件各件俱淹沉舉一事則有一費當此三空四盡之日豈堪靡費無休臣職掌所屬不

得不覩縷及此合無嚴敕各該衙門於此六件中擇其垂成可先成者或諭令騰清或設限完局勿悠悠忽忽傳舍其官不特虛糜可省國家文獻亦於此加盛矣臣不勝激切待命之至

請採行宮疏 崇禎十七年五月任詹事府少詹事兼翰林院侍讀學士

奏為聖明御極社稷有主梓宮之恭探宜先西北之詔告難緩事竊惟大行皇帝以十七載憂勤聖主橫罹逆寇身徇社稷白草流血黃沙叫冤臣待罪宮詹休沐里居驚聞凶問肝腸寸裂絕而復甦恨不卽寸磔此獠報先帝於地下幸遇我皇上應天順人龍飛紹統臨御之日舞歌載道禎瑞駢臻固知光復有期中與指日但南北梗塞大行皇

賜誠堂文集卷一

八

帝梓宮未殯皇太子諸王聲問莫通思之痛心言之嗚咽且西北諸省雖陷賊中其想望漢官威儀不啻饑渴頃聞北來者言總兵官吳三桂等領兵殺賊殲斬累萬賊勢窮感滅在旦夕當此軍聲旣振正須先後協援益聲討逆之師以壯三軍之氣攻喪膽之賊自成破竹之形伏乞速下明詔一面遣使北行恭訪大行皇帝梓宮及皇太子諸王起居一面遣使協應直抵幽燕斷其南遁之路一以慰先帝在天之靈無宋高五國之痛一以鼓北師忠勇之氣有子儀犄角之功且西北諸省知國家有主必有斬僞官而響應者忠良之膽勢彌張狡賊之根株立淨皇上光復大勲真可媲美殷宗跨軼漢光矣臣不勝激切待命之至五

月二十四日奉聖旨覽奏朕心殊切悲憤其恭訪大行皇帝梓宮及太子諸王卽傳諭督師輔臣選差的當官員前去如得真信不次升賞該部知道

辭正詹疏 崇禎十七年六月

奏為臣罪大深天恩忽及謹瀝血控辭懇乞收回成命以正紀綱以安愚分事臣中崇禎元年進士蒙先帝拔置二甲第三名忝侍講筵謬叨纂撰游膺宮秩累被寵綸臣蒙先帝之恩最先亦最渥崇禎十四年六月以詹事府少詹奉命掌南京翰林院事優游二載尋召纂修疾痛纏身未能赴闕本年三月驚聞警報扶掖星馳鼓柁渡江遇北旋諸人無不倉皇狼狽臣義不返顧冒險直前比至淮陰渡

賜誠堂文集卷一

九

王家營亂兵殺劫尺步難行方圖閒道北上不數日而大行凶問至矣臣椎胸嘔血卽欲身徇黃流恐傳聞不的遂巡偷息幸遇我皇上聰明睿知應運龍飛國既有君朝宗敢後本月十四日卽肅躬陛見竊瞻皇上天姿日表德邁陶虞雪恥報讎哀感行路君父旣矢新膽之志小臣敢遂溝壑之安用是竭蹶班行於二十三日疏懇恭探大行皇帝梓宮遣兵協應北帥隨蒙俞允諭督師輔臣差官恭訪臣感泣沾臆恨臣碌碌驚庸同仇有志請纓無才正在徬徨忽見閣臣題臣陞詹事府正詹奉聖旨陳子壯等俱依擬用吏部知道欽此臣聞命自天疚心無地念臣一介草茅首荷先帝殊恩旣不能千里赴難攀龍髯於九京又不

能秣馬厲兵磔元兇於太白皇上不卽加顯戮已屬法外曠恩顧乃宮詹峻秩濫及罪臣清夜捫心何以自對伏乞陛下收回成命放歸田里臣雖衰頹猶願須臾無死以觀光復之盛謹披瀝血忱泥首控陳不特愚臣可免濡翼之愆朝廷亦免爛羊之慮紀綱立而銓敘清天下幸甚臣無任哀顙待命之至六月初二日奉聖旨管紹寧學行素優宮詹簡用不必遜辭該部知道

請選補詞臣并僚屬疏 崇禎十七年六月任詹事府正詹事

奏爲中興庶務草創詞臣職掌宜詳懇救選補僚屬分局管理以贊大業以光新政事竊惟橫經珥筆史職非輕頒敕賜書國威攸係況新造之始記注不可不詳龍飛之初

賜諫堂文集卷一

十

侍從不可不備謹按大明會典及北京舊例自詹事府翰林院以及內閣誥敕房官屬不下百餘員各有分職凡經筵日講纂修國史實錄會典玉牒六曹章奏擬撰制冊表箋誥敕一切應制文字俱詹事府翰林院掌之凡擬撰敕書王府誥命及百官卹贈誥敕纂修較正一應書寫俱內閣中書掌之而詹事府首領官則有主簿錄事等翰林院則有待詔孔目等掌勾會文移簡稽脫失等事凡以詞臣職近日月非多官無以輔翼聖德光贊典謨而中書供事殿閣亦必官盛任使而後繁猥不貽廢閣之患輔臣不親簿書之勞也仰惟皇上應運南都戡亂雖急武功威遠猶須文教今庶事草創詞職寥寥中書所司俱移掌院內閣

重臣躬親瑣役侵官褻體似非所以尊朝廷彰聖治伏乞照北京事例纂撰記注各敕分司內閣事宜仍歸中舍詞臣則速催到任中書則速救考授詹翰屬官則速行逃補庶王言隆重不敢固陋而不光禁職殷繁不致踈略而不舉矣臣備員詹翰在職言職伏望卽救施行臣不勝激切待命之至六月十七日奉聖旨詹翰詞臣與誥敕房官各有分職舊例不下百有餘員均係內閣僚屬缺一不可這本深維國體該部速行

辭宗伯疏

賜諫堂文集卷一

十

悚仄拜疏懇辭未蒙俞允數月以來以詞臣寥落謬典代言腸枯腕拙支離塞白中懷惴惴惟以玷褻天言嚴譴猝加是懼乃本月初六日方斂襟屬草忽接朝報吏部一本爲缺官事奉聖旨管紹寧著陞禮部右侍郎欽此臣捧讀驚悸無地措躬思國家建設秩宗參置卿貳所以協贊典禮助流德化唐臣張說所謂衣冠之華選非望實兼美無以居之如臣愚昧夫豈其倫且時當新造絲綸四馳臣力不能勝曾具題銓補詞臣考授中書一疏已奉俞旨未見舉行臣以一身專司筆札日不暇給綴詞屬草時見迂踈文翰抽揚猶慚不稱況禮樂大典寅清重任豈臣鄙暗所得濫膺伏乞皇上收回成命別簡通才庶樸慙鄙無庸

折棟橈之懼春官峻秩有清通詳練之稱銓敘清而三禮亦光矣臣不勝悚慄控額之至

請御經筵疏

題爲經筵事儀制清吏司案呈前事竊惟聖學貴在緝熙君德存乎啟沃故武王以執競之聖而北面乎丹書光武當軍旅之中而不忘乎講藝先臣薛瑄亦言聖主中興之時天步艱難之日正當講論爲治爲學之道不可一日而緩焉者也國初講學無定期雖嚴寒盛暑不廢萬歷二年始定春講以二月十二日起至五月初二日止秋講以八月十二日起至十月初二日止而日講午講不在焉上年某月日伏蒙皇上俯俞臣請親御講筵仰見皇上欽文日

賜讀聖文集卷一

十一

綉睿識淵涵霽色優容虛懷聽受臣等恭逢盛事不覺手額歡忭有君如此撥亂反治如指掌也乃以經費浩繁循先朝舊例僅一舉行今條風布暖春盎景恩二月十二日之期已屆啓黃扉而親四友借細帙以對百官端在此時伏乞敕下經筵各官於本日遵制進講而餘以日講繼之雖聖德崇高螢燭無裨於日月而大典隆重海嶽不厭其涓塵臣等曷任齊心懇請之至

請復日講疏

奏爲經筵既開日講宜復懇速催詞員以備講職事竊惟君德成就在經筵尤在日講舊制以月之二日經筵而餘俟視朝外悉行日講於以備聖學啓沃宸聰甚盛典也

茲者國家新造草昧方開我皇上時敏性成雖以詰戎整旅之時不忘投戈講藝之舉前初六日恭侍經筵竊見皇上志氣如神勉勉無息私心不勝欣幸從此對臚訪落依期舉行固知聖德日躋中興指日但時方訕乏經筵不能數舉日講爲期既勤經費復省聖脩翼贊莫善於斯乃詞臣多觀望不前講職寥寥橫經無色況目今開局纂修如正史實錄玉牒會典諸書一時並行需員益急尤不可聽其優游故園使載筆有乏人之歎伏乞敕下該部復日講之常儀嚴到任之期限進甘盤而陳舊學命更生而效編摩庶典學日新盛典克備而大經大法可昭垂於萬世矣爲此具題伏候敕旨

賜讀聖文集卷一

十一

日食脩省疏

奏爲日食脩弭事竊惟日者衆陽之宗王者之象故春秋紀災莫如日蝕本月二十八日據禮部祠祭清吏司手本稱欽天監具題八月初一日丙辰朔日食各衙門大小官員相應於是日辰時到部具朝服端拜救護等因臣方悚然震懼省愆不遑忽文書房內臣高大化詢臣皇上護日儀注臣細察大明會典止有羣臣於禮部露臺護日之禮並無皇上於宮中護日之文臣學識寡陋或一時未及詳考但歷觀前代史冊其間所書日食不少而明君哲后類惟側身脩行求賢納諫以弭災異不事拜護具文如漢文帝二年十一月癸卯日有食之則詔舉賢良方正能直言

極諫者元帝永光二年三月壬戌朔日有食之則詔郡國舉茂才異等賢良直言各一人光武建武七年三月癸亥日有食之則避正殿寢兵不聽事令百僚各上封事明帝永平八年十月壬寅晦日有食之則詔羣司勉脩職事極言無諱章帝十八年十一月晦日有食之則避正殿五日詔有司各上封事唐元宗開元七年五月朔日有食之則素服候變撤樂減膳令中書門下省察囚繫及天下水旱之州縣皆令賑恤不急之務一切停罷諸如此類不可更僕我皇上聰明天縱應運中興遠非漢唐中主所及乃景鑠方開而亦不免日食之異意天心仁愛陛下正欲以遇災之懼啓周宣以雲漢之隆先民有言日食脩德月食脩

賜誠堂文集卷一

十四

刑伏願皇上聖敬日昭求賢不倦兢兢業業不見是圖至期第肅躬拜禱則明德格天至誠感神而咎徵自消矣除恭擬儀注進呈伏候聖裁外敬考歷代帝鑑附獻芻蕘臣不勝激切戰慄之至

賜誠堂文集卷一

賜誠堂文集卷二

明禮部右侍郎兼翰林院侍讀學士管紹寧謹

八世孫繩萊重編校

奏疏

請專使奉安梓宮山陵疏

題爲國是當權輕重臣敢申布初心以存大義於天下萬世事祠祭清吏司案呈奉本部送准禮科抄出工科右給事中臣馬嘉植題前事等因於本年七月二十九日奉聖旨禮部著議具覆欽此欽遵抄出到部送司奉此案呈到部該臣等看得降割之慘無踰崩徇典禮之大莫過山陵我先皇帝十七年精勤圖治求賢恤民遠越周宣漢武之

賜誠堂文集卷二

一

主而羣下怠弛致淪社稷先帝獨以一身徇之距今五月以來藁葬臯原一坏未奠珠襦玉匣殊虧封樹涸泉之儀結綠璠璣並乏含襚斂藏之制至尊時聞慟哭牧豎爲之悲哀臣於皇上登極之八日卽具有梓宮恭探宜先一疏誠痛結於衷并念中興要領惟此爲最急也嗣蒙皇上欽遣撫臣左懋第前往北邸齋救舊輔臣謝陞工部侍郎臣盧世淮奉安先帝后梓宮山陵業已情理兼至臣等不勝感激而科臣馬嘉植忠義塞胸旣陳省視之章復申躬邁之請謂梓宮山陵事關重大宜專使不宜兼使而與賞敵犒將同敕終屬草率於是慷慨拜疏身自請行賢哉科臣可謂忠義性成見義必爲者矣但皇上之遣賞敵犒將

者左懋第陳洪範也而所遺安梓宮山陵者謝陞盧世
淮也原未嘗兼使然使雖不兼而謝陞盧世淮之遺則終
有未安夫恭厝山陵何等關係祖宗之慰安外夷之觀望
史冊之昭垂皆於是乎在非在廷之臣親銜天命以往奚
以達皇上之哀慕而慰先帝於九天今陞世淮遠在數千
里之外聖志未孚行蹤莫測萬一敕書到日陞世淮或不
在德州山陵一使將屬誰人在當時建議徒欲損道途之
費遂不恤其他所見者小所失者大此科臣嘉植所以慷
慨請行全聖思而尊國體誠至鉅也嘗思聖君賢辟何代
蔑有從未有以身殉社稷者先帝豈非千古首出之聖乎
前倉卒遣使不無遺議幸科臣嘉植勇於趨義大典聿昭

賜議堂文集卷一

二

伏乞皇上立刻迅遣旨賜敕印重以璽書科臣祭告厝安
之餘必有忠猷妙算反故疆而奠鍾簾者况聞陳洪範等
尙滯維揚龍髯之瞻覲何日燕雲之拜詔何時則科臣之
使更不容緩矣至累朝信史與先帝實錄俱當今至要至
切之務乞并敕科臣搜輯馳獻其加秩以隆事權固使命
彝典而科臣則恥言之預自控辭臣等不敢擅議伏惟聖
裁爲此具本速復恭候敕旨

請從權時享疏

題爲祀典必須畫一猝傳虞悞趨踰敢申明職掌恭候聖
裁事祠祭清吏司案呈奉本部送禮科鈔出太常寺署寺
事少卿沈允培題前事等因本月十八日奉聖旨這奏內

祀典禮部卽行議安具奏母恐臨期愆悞歷代帝王等廟
須加脩葺各該衙門知道欽此欽遵鈔出到部送司案呈
到部該臣等看得國之大事莫過於祀故王者祖有功宗
有德配壇圻而致祭順時序以明禮以至歷代之帝王邦
國之神祇無不潔柔豐盛肅恭祀事載在方策典至重也
邇來庶務草創百廢未興其至大而至急者莫如孟冬時
享一節今太廟未建奉先殿未完我皇上明發載懷霜露
輿感亦何以展几筵之慕而伸如在之誠乎然爲期已迫
勢必從權考漢光武建武元年祖廟未建祀高祖太宗世
宗於懷宮明年正月始立高廟於雒陽四時祫祭茲孟冬
時享合無暫於奉先殿中立主致祭俟廟貌聿新然後如

賜議堂文集卷一

三

禮奉安伏候聖裁恭皇帝至德格天肇基王迹自宜特建
專廟乞敕該衙門預辦錢糧與太廟次第營建惠宗代帝
以世數言之已應在祧廟之列但湮沈二百餘年未享一
日之祀於心亦有未安乞敕廷臣公議具奏其歷代帝王
等廟已移文工部脩葺不敢復贅爲此遵旨具覆恭候命
下施行

請敕祀守朱家巷陵疏

奏爲懇湖發祥之始設立奉祀之員以培國脈以安先靈
事竊惟神禹受命禘必祖夫軒轅周室開基德不忘乎陶
穴蓋其蓄積愈遠故其追思愈深我太祖高皇帝應運開
天下歷千億源源本本世德獨長故自德懿四祖而前無

非積功累仁之聖鳳泗二陵而土皆爲濟祥毓瑞之基乃世遠年湮朱家巷疑冢一區遂僅委於荒煙蔓草免狐出沒樵牧嬉遊甚且有開窰損脈者臣竊痛之人第知鳳泗二陵爲祖宗發祥根本不知有朱家巷而後有鳳泗也以累代發祥之始而一坏之土莫問几筵之典缺如其安之乎儻謂疑冢無據則巷號朱家相傳甚確卽不能如鳳泗諸陵營建寢殿設立守兵獨不可做歷代帝王陵寢設奉祀官以守之乎皇上仁孝格天如近日追上三宗號謚皆足補累朝之未備而脩復疑冢亦豈能無待於聖子神孫伏乞皇上念先世之久湮國脈之攸係量賜中尉一銜敕行奉祀俾得朝夕省視祭載樵採安侑祖靈則皇上孝思

賜誠堂文集卷一

四

直追百世而萬年國祚益久無疆矣爲此具本恭候敕旨施行

議日月分合祭祀疏

題爲天心仁愛無窮聖德日新伊始敢陳無逸之規以效升恒之祝事祠祭清吏司案呈奉本部送准禮科抄出本科都給事中沈允培題稱前事等因於八月初七日酉時奉聖旨這奏語多忠告可爲嘉納日月之祭該部詳議來奏禮部知道欽此欽遵抄出到部送司奉此案呈到部該臣等看得日月分合之禮洪武十二年合祀天地命官分獻日月星辰岳鎮山川海瀆諸神一十四壇其時將朔日夕月崇星之祭俱罷永樂十八年北京天地壇成歲仍合

賜誠堂文集卷一

五

祀嘉靖九年建圓丘冬至祀天以大明夜明星辰從祀建方澤夏至祀地以岳鎮海瀆從祀又建朝日壇朝陽門外以春分祭日無從位建夕月壇阜城門外秋分祭月以星辰從祀不奉配至隆慶元年禮部合議圓丘方澤朝日夕月歲至四郊仍如世宗所更定茲本部前部臣顧錫疇業經題請照依國初合祀天地奉旨依議則朝日夕月宜從分獻矣而太常寺今請則仍執秋分致祭嘉靖九年更定之制與隆慶元年四郊之義也然臣等考禮記曰王宮祭日也夜明祭月也祭日於壇祭月於坎又祭義曰祭日東郊祭月西郊此言分之義也郊特牲曰郊之義大報天而主日配以月此言合之義也說者謂因郊而祀之者非正祀也惟春分朝之於東門之外秋分夕之於西門之外者祀之正者也其見於周禮者如此漢於神山祠日萊山祠月魏唐宋俱以二分朝日東郊夕月西郊惟元於郊壇以日月從祀則罷之歷考古者正祭皆以專祀爲宜今天地至尊合無依國初合祀而以日月分壇配位至二分之祭仍以照舊舉行星辰附於月壇庶乎本朝所定夕月之儀不至缺略也爲此詳議具覆恭候睿斷施行崇禎十七年八月十六日於八月二十一日奉聖旨依議施行

議子北都徇難諸臣謚祭葬疏

題爲遵旨彙覆事祠祭清吏司案呈該臣部准禮科抄出各本云云該臣看得崇禎十七年甲申三月十九日逆賊

犯闕先帝升遐一時大小文武諸臣遭逢淒亂狼狽流離楚囚繫夫鍾儀鄭矢飛於王屋偷生婉婉季孫留守於西河從逆鴟張馮道敢誇其再相亦有觀望少差降辱不惜求其先機決策慷慨徇君者僅有二十餘人蓋忠臣義士若斯之寥寥也今幸聖明御極離照當天未嚴從逆之誅先行徇節之賞使夫從龍赴義之彥凜凜猶生丹綸一字之褒煌煌不朽從此弔芳魂之未沒齒字俱馨表華袞於千秋聞風悉奮我皇上礪世磨鈍之典褒德卹忠之恩眞亘古莫媿也除幽芳隱烈聞見未眞另行核奏外若各疏所陳輔臣范景文等二十餘人固已彰彰在人耳目相應從優議覆如明旨所云其科臣李維樾所稱惠宗時靖難

賜諡堂文集卷二

六

諸臣如方孝孺固應補卹全典其同時死事有若鐵鉉徐輝祖黃觀周是脩等數十餘人未經補謚不僅如科臣所言劉璟卓敬等同鄉五人也容臣備細察覈另行奏覆謹將目前北京諸臣先行臚列恭候命下施行

計開

- 一東閣大學士工部尚書范景文卹典照會典二品官尚書兼大學士贈一品病故者祭四壇今率先徇義合授以死勤事抗節不屈身死綱常之例自應加贈一品其祭葬應請特恩或照先朝舊輔蔣冕贈少師子祭九壇有司造葬立祠京師歲時致祭其謚一擬文貞一擬文忠

一戶禮兩部尚書兼翰林院學士倪元璐照會典二品官本等祭二壇今以死勤事抗節不屈身死綱常亦應加贈一品比加陞一品致仕祭五壇例再請特恩加祭一壇有司造葬立祠京師歲時致祭況本官經筵講讀有年尤宜加恩者也其謚一擬文正一擬文忠

賜諡堂文集卷二

七

- 一都察院左都御史李邦華祭葬祠俱應照倪元璐其謚一擬忠文一擬忠貞
- 一戎政兵部侍郎王家彥照會典三品病故者祭一壇今以死勤事應加贈二品比侍郎贈尚書祭二壇例再請特恩加祭一壇造葬立祠京師歲時致祭其謚一擬忠端一擬忠節
- 一刑部侍郎孟兆祥祭葬祠應照王家彥其謚一擬忠貞一擬忠毅
- 一都察院副都御史施邦曜祭葬祠應照王家彥其謚一擬忠介一擬忠端
- 一大理寺卿凌義渠祭葬祠應照王家彥其謚一擬忠清一擬忠端
- 一太常寺少卿吳麟徵照會典四品祭一壇今以死勤事應照贈官品祭葬外再請特恩加祭一壇全葬建祠致祭其謚一擬忠節一擬忠壯
- 一左春坊左庶子周鳳翔侍從春宮講讀有年照會典

五品侍從應祭一壇今以死勤事合照贈官品級祭
葬外再請特恩加祭一壇予葬建祠致祭其謚一擬
文節一擬文莊

一左春坊左諭德馬世奇祭葬祠應照周鳳翔其謚一
擬文忠一擬文節

一左春坊左中允劉理順照會典六品無祭葬例今本
官全家死節最慘最烈且侍從春宮有年應照會典
以死勤事及啓沃功多軍旅身殲卹典自宜加厚例
於贈官品級祭葬外再請特恩加祭一壇予葬建祠
致祭其謚一擬文正一擬文忠

一太僕寺丞申佳允應照會典以死勤事例請特恩照

賜誠堂文集卷二

八

贈官祭一壇予半葬建祠致祭其謚一擬節愍一擬
恭節

一戶科都給事中吳甘來祭葬祠應照申佳允其謚一

擬忠節一擬節愍

一四川道御史陳良謨祭葬祠應照申佳允其謚一擬

恭愍一擬端節

一福建道御史陳純德祭葬祠應照申佳允其謚一擬

恭節一擬忠愍

一吏部考功司員外郎許直應比以死勤事例請特恩

照五品贈官品級祭一壇予半葬建祠致祭其謚一

擬忠節一擬恭毅

一兵部車駕司郎中成德祭葬祠應照許直其謚一擬
忠毅一擬貞義

一兵部車駕司主事金鉉應照以死勤事請特恩照贈
官品級祭一壇予半葬建祠致祭其謚一擬忠節一
擬忠愍

一觀政進士孟章明亦應照以死勤事例請特恩贈官
祭一壇予半葬附其父孟兆祥建祠致祭其謚一擬
節愍一擬莊孝

一太傅惠安伯張慶臻會典凡伯爵承襲病故者祭二
壇若管事有功蹟加太子太保以上者祭十五壇今
照軍旅身殲卹典從厚例應請特恩加祭一壇造墳

賜誠堂文集卷二

九

安葬建祠致祭其謚一擬忠武一擬壯武

一太子太保襄城伯李國禎祭葬祠應照張慶臻其謚
一擬貞武一擬武毅

一太子太師駙馬都尉鞏永固會典凡駙馬都尉病故
者祭十五壇今照以死勤事例應請特恩加祭一壇
造墳安葬建祠致祭其謚一擬貞愍一擬恭端

其翰林檢討汪偉御史王章已經前部臣題覆不敢
復贅

以上文臣二十一員勲臣二員戚臣一員或慷慨捐軀
或從容就義皆忠貫日月氣壯山河謹遵從優議覆之
旨祭葬祠謚逐一開列恭候聖裁內建祠一項或京師

總立一祠本籍則自行建造其贈官廕子應敕吏兵二部議覆臣部不敢擅便而臣恭釋明旨有遺漏的察實補敘益竦然感皇上優卹節義之仁有加無已也今據所聞如撫臣朱之馮衛景瑗鎮臣周遇吉布衣湯文瓊并各死難勲臣等瓊瑗大節與前諸臣比隆潔美絕無軒輊容臣詳加察核次第奏聞其金鉉母章氏應照子贈官品級誥贈仍建坊旌表馬世奇妾朱氏李氏陳良謨妾時氏量贈孺人亦建坊旌表從茲國典聿光人心不暢臣知死事諸臣皆結草泉臺翼皇靈於無外矣爲此具本八月二十九日奉聖旨這徇難盡節諸臣范景文等或合門死烈或從容就義從先帝於鼎湖流光輝

賜諡堂文集卷二

於社稷良可嘉悼其應得祭葬俱依議謚法准用正擬工部於京城總建一祠賜名旌忠其贈官廕子著吏兵二部覆議具奏崇禎十七年八月二十九日

議子徇節劉侍御謚祭祠疏

題爲亟題死不辱國之按臣併及罪不掩節之撫臣比類權衡激揚清濁事祠祭清吏司案呈奉本部送准禮科抄出巡按湖廣江北兼管監軍道黃澍題稱前事等因奉聖旨劉熙祚著從優議卹宋一鶴酌議定奪王聚奎已有旨了該部知道欽此欽遵抄出到部送司奉此案呈到部該臣等看得湖廣舊按臣劉熙祚剛毅性植忠亮天成當奉命湖南已在荊州失陷之後本官枕戈擐甲屢奏捷功不

意陸兵奔潰遂致長驅然猶力護三藩孤軍斷後乃三藩得脫而身爲所縛矣逆孽僞四太子者啖以甘言脅以極刑皆大罵不屈檻送獻營奮罵益烈賊怒縛懸竿首引滿環向久之復解下令從逆僞職百計誘之終不屈次日復然又次日復然甚至倒曳兩足隨地拖行皮肉盡脫獻賊復親行勸慰引袖拂拭而本官志愈堅罵愈厲囚至寧鄉度終不可屈乃殺之死之日士民哭聲震野賊不能禁其塞天貫日之忠衽戈節刃之氣卽按臣黃澍亦僅言其大略而楚人傳述則無不言之而痛哭聞之而下拜也察會典凡以死勤事如抗節不屈身死綱常與危城困守身死封疆者開其實跡卹典取自上裁合無恭請特恩准照贈

賜諡堂文集卷二

十一

官品級祭葬外量加祭一壇以旌萬死不回之節易名之典一擬忠毅一擬忠節伏候聖裁其建祠歲祀臣鄉毘陵死難共四人一諭德馬世奇一御史劉熙祚一御史王章一兵部主事金鉉或共建一祠賜名四忠使過而憑弔者見一堂俎豆生氣凜然忠義之心庶油然而起其贈廕應照王章近例敕吏部一體優卹所以褒表忠魂激揚臣節非淺渺也然臣因是而又有感焉楚疆淪陷捐軀徇義何止一人或官卑籍遠籲控無門或隱節幽芳傳聞偶漏諸若此類實繁有徒卽據臣所聞與熙祚同死者有衡陽知縣張鵬翼亦以罵賊不屈縛沈中流以聞見未真不敢遽爲請卹伏乞敕行該撫按詳核上聞分別旌卹亦獎死勸

生之一端也至舊撫臣宋一鶴其節其罪各不相掩而錄長棄短或亦浩蕩所不遺合無量子祭一壇減半造葬以愧夫城陷而不能與城俱亡者統候聖裁爲此具本謹題請旨八月二十九日奉聖旨劉熙祚罵賊徇義不愧風紀祭葬依議子謚忠毅其贈官廕子吏部議奏四忠共祠俱准行

議謚副都張璋疏

題爲亟闡幽光以風世教以勵官常事祠祭清吏司案呈該臣部准禮科抄大理寺右少卿臣郭維經奏前事等因本年七月二十四日奉聖旨張璋易名祠宦果孚輿情著卽議覆禮部知道欽此欽遵抄出到部送司案呈到部該

賜誠堂文集卷二

十一

臣部看得原任副都御史張璋理學名儒琨霜粹品通籍垂三十年家徒壁立易簣燕邸至不能具衾木總憲西臺風紀稜稜有笑比清河之概乃其數歷所至則養老育幼興利除害百姓皆歌思不衰卽京兆一席未期月而善政不能殫述蓋以皜然不滓之節運其油然而好生之仁此寺臣維經所以允輿慕而以易名上請也舊制三品以上功德及人者皆得請謚以祀瞽宗況本官程朱配席冰蘖並操尤當袞褒以風頑懦先帝朝已贈吏部右侍郎廕一子入監讀書茲遇龍飛恩詔合應加與謚典謹擬謚康介或清惠伏候聖裁庶式茲懿典名實允孚風勵百僚非淺尠也爲此具覆恭候敕令施行九月十三日奉聖旨張璋准

謚清惠

議補給副都張璋祭葬疏

題爲懇乞補題祭葬以廣皇仁以遵國典事祠祭清吏司案呈據常州府武進縣恩生張孚呈前事內稱原任都察院左副都御史張璋於崇禎十六年四月病故任所隨經都察院右副都御史李邦華代題本年十二月奉先帝聖旨贈吏部右侍郎廕一子入監讀書欽此孚隨赴部報名坐題其祭葬諸典業經題覆慘遭國變未沐榮恩今蒙皇上賜謚清惠徽鑿新朝感深枯骨但旅櫬雖歸鬣封未奠伏乞察照會典三品京堂例補給祭葬至入祠名宦原奉旨議覆懇求一併補題等因到部送司案呈到部該臣等

賜誠堂文集卷二

十二

看得會典一款凡三品官曾經考滿者祭一壇全葬未經考滿者祭一壇半葬今本官以副都御史病故任所正與例合況從來止有有祭葬而無謚者未有有謚而無祭葬者本官守已剛方撫民慈愛旣蒙皇上洞鑒錫之嘉名則應得祭葬相應補給并入名宦祠致祭庶先朝之遺愛俎豆爲光皇上之新恩重泉輿感矣爲此具題恭候敕旨

賜誠堂文集卷二

明禮部右侍郎兼翰林院侍讀學士管紹寧撰

八世孫繩萊重編校

奏疏

議子遜國徇難諸臣謚祠疏

題為臣疏久稽未結乞皇上敕下禮部速賜題覆以信先皇前旨以昭皇上明綸事祠祭清吏司案呈奉本部送准禮科抄出工科都給事中李清題前事等因內稱臣往在刑垣時曾有謚法不宜獨遺武臣一疏蓋為宋穎二公請謚發也初奉先皇旨著議再經部題覆奉有這議補傳友德馮勝謚號著該部科從公集議確核奏奪之旨繼有昭

賜誠堂文集卷三

一

代未表之三案一疏蓋為陶安章濫等發又為方孝孺練子寧等發又為正德時蔣欽何遵等與天啓時左光斗萬璟周宗建李應昇黃尊素繆昌期等發也亦奉有該部并與酌覆之旨前宋穎一案以世遠人湮金匱石室之藏無從懸揣故遲遲未復而今則實錄見存書爵書卒炳然矣若三案諸臣之未復以靖難一案恐與革除礙其實方孝孺准與他謚已奉熹宗明旨但未經閣擬今又有方孝孺等補謚一款見於恩詔矣近禮臣顧錫疇毅然身任補惠宗代宗尊謚一時中外加額以為皇上新政第一舉而致使開國與徇忠諸臣猶嗟向隅則非所以上光新政也乞皇上敕下禮部照前議復其傳友德馮勝奉有先皇特旨

者應與單題其三案諸臣奉有先皇并復之旨者應與類

題蓋亦即皇上詔款內所云前朝文武大臣有勞績可紀

品行可師而幽光未闡者該部即類題補給之旨而臣特

欲以前疏印合之也伏望皇上敕部施行於崇禎十七年

七月初九日題十一日奉聖旨該部速與題覆欽此先是

崇禎十一年九月十八日本官題為昭代有未表之三案

乞敕部速議早定謚典事內稱臣辦事本科讀皇上所訂

記注見天語諄諄曾舉我先師孔子為言夫孔子素王也

尚以春秋一書定二百餘年彰瘴況謚法一事實關二百

餘年未結之勸懲而顧久曠於聖明在御時其可哉臣約

略其說厥有三端可使時日之謬核無稽而或瞭於開卷

或翁於素論則其一為太祖之龍興泰運也勳名所聚也

其一為成祖之龍戰革運也忠義所動也其一為世廟與

皇上之龍潛毒霧方濃離明未耀蒙運也鈞黨所起也夫

非開國諸臣與靖難諸臣及慘死諸臣乎以言乎開國則

時屬草昧於謚多缺當奉太祖之成言以補缺謀略無雙

文章第一非御對所以褒陶安乎傳一廖二非御製平蜀

頌所以美傳友德廖永忠乎效忠致死每念不忘非聖諭

所以悼韓成乎此四臣者均宜首謚若葉居昇以建言隕

獄一訓導耳丁普郎以喪元執兵作戰鬪狀一樞密同知

耳謚一訓導而後此直掖棲鳥寒蟬寂而仗馬緘者可羞

也謚一同知而後此橫玉珥貂穴中鬪而牀下伏者可羞

賜誠堂文集卷三

二

也則從茲遞推如意溢馮勝孫炎輩不過十餘人止而若何弗謚開國以言乎靖難則時屬革除於謚猶疑當奉成祖仁宗之定論以破疑練子寧若在朕當用之非成祖追宥其懃者乎國家養士三十年惟得卓敬非成祖深惜其才者乎方孝孺輩皆忠臣非仁宗重嘉其烈者乎此三臣者均宜首謚若龔翌之不負城門一慟一衛卒耳王良黃觀妻之投水與胡閏女之毀形不嫁三笄流耳謚一衛卒而後此改頭換面身冠裳而心市井者可媿也謚三笄流而後此覆雨翻雲貌簪纓而行巾幗者可媿也則從茲遞推如三尚書輩不過二十餘人止而若何弗謚靖難至慘死一案其經諸臣屢陳者近時人耳然以天啟之末參正

賜諡堂文集卷三

三

德之季則如御史蔣欽指揮張英以及陸震孟陽何遵輩皆諫而死者也合之左光斗萬璟黃尊素等可共作一慘死案蓋強項之挺骨鐵漢之嘔肝皆撐持世運一鎖鑰也撩虎牙固封章可採尸犴穴亦名姓可稽而袞袞未備何處可尋馬鬣芝蘭半薤誰人爲乞龍章此弔古愴今者輿感於靈簡零編荒煙斷隴而欲代爲呼籲也伏乞敕下禮部將三案諸臣臚列大概刻期上聞而去取子奪則一聽聖裁俾異日書之史冊曰崇禎十一年謚開國諸臣若而人又謚靖難慘死諸臣若而人甚盛舉也蓋所舉止十餘年曠典而所括乃數百年遺案知非明斷並出之皇上固不能以定考選定枚卜之法立定此善與善謚者耳若夫

李善長恃勲而驕耿炳文墮成而耄然前功自不可掩臣謂宜子中謚可也胡廣始悖周是脩約而有媿死友繼負解縉子婚而有慚生女臣謂亟奪原謚可也陳瑛蛇吻蝎尾肆螫逢干卒無逃於好還臣謂徑加惡謚可也此皆推皇上惡與惡謚之旨而分別言之者乎今而後將春秋不爲孔氏之書而爲我皇上旌善瘉惡昭往勸來之新書矣於崇禎十一年九月十八日題二十二日奉先帝聖旨該部并與酌覆欽此欽遵鈔出到部送司奉此案呈到部該臣等看得易名大典舊制五年一舉所以袞鉞忠奸激勸來葉宋臣程頤所謂刑罰可警於一時爵賞不及於後世爲政大權莫先於此也邇年以來悉視爲若緩若急之務

賜諡堂文集卷三

四

卽有忠並逢于節同巡遠芳名已芬齒頰而盛典猶在遲疑忠烈久淹九原無色何怪乎北都之變而舍生取義者之寥寥也科臣李清分開國靖難慘死三案列名請謚蓋亦就昭明耳目者約略其梗概非謂累朝錚錚果盡於此或疏中所已載而存疑則俟之日後或疏中所未載而徵信則補之目前周咨博訪務秉至公上遵先帝酌復明旨近奉皇上速復新綸弗敢違也弗敢濫也內靖難一案當高皇培植之餘元氣鬱勃之始一時英風勁節履虎尾而弗畏比鴻毛以自輕雖下僚賤役無不視死如歸臨危益勵故應謚諸臣視他案獨多然臣之刪繁制愛已不啻損而又損近讀謚詔一款革除死事諸臣精忠貫日苦節可

風分別重輕並與卹謚煌煌天語實足補累朝之缺礪萬世之心臣知濟濟忠魂必且上告帝廷祝皇上之聖祚於無疆也除開國慘死二案另覆外謹先將靖難死事諸臣公論久昭輿情共鬱者遵旨擬謚於後伏候睿鑒施行

計開

應謚徇節文臣

一翰林侍講方孝孺浙江寧海人幼精敏絕倫日讀書積寸恒末視文藝以明王道闢異端爲己任洪武間以薦聘至上喜其舉動端整謂皇太孫曰此莊士當老其才輔汝後除漢中教授繇是山南人皆知學皇太孫卽位召入爲翰林直文淵閣靖難兵起畫策堅

賜謚堂文集卷三

五

守誓死社稷文皇帝正大統命草詔孝孺斬衰悲慟聲徹殿陛問曰死卽死耳詔不可草上大怒磔之宗族坐死者八百四十七人仁廟嘗謂羣臣曰孝孺輩皆忠臣詔奸臣黨與從寬典方氏遺族乃稍稍得赦還擬謚文正一擬文烈

一翰林修撰王叔英浙江黃巖人博學有氣節與方孝孺爲道義交由訓導擢知漢陽縣有惠政建文初除翰林修撰上資治八策皆鑿鑿可行靖難師起奉命募兵廣德間惠宗遜位慟哭齊泰來奔疑其有貳心令執之泰至告之故乃相抱慟哭圖再舉已知事不可爲乃沐浴衣冠書絕命詞裾閒自經死妻金氏亦

自經二女死於井或上所賦詩上曰彼食其祿自盡其心耳置勿問擬謚文忠一擬文節

一翰林修撰王艮吉水人建文元年發解明年成進士第二人靖難兵初起輒憂不食及渡淮閉門涕泣不已訣妻子服毒死擬謚文節一擬文愍

一戶部侍郎卓敬浙江瑞安人幼讀書山中夜歸失道得一兇牛騎歸入門乃黑虎也成洪武戊辰進士歷陞前官建文初密奏北平強幹之地宜徙燕鄆於南昌且稱成祖智慮絕人酷類先帝成祖卽位責敬不奉迎欲殺之而憐其才謂姚廣孝曰諸奸臣皆欲首害朕惟敬請徙封內地若聽其言干戈息矣廣孝挑

賜謚堂文集卷三

六

上怒敬遂死臨刑從容歎曰變起宗親略無經畫死有餘罪神色經日猶生夷三族成祖嘗歎曰國家養士三十年惟得一卓敬耳擬謚忠貞一擬明肅

一禮部尚書陳迪南直宣城人由訓導召入翰林歷遷雲南布政有平苗功建文初擢禮部尚書北師漸逼上疏陳大計極論李景隆奸邪不可任受命督軍儲於外過家不入聞變卽赴京師文廟繼統召迪責問不屈與子鳳山等六人同日就磔文皇帝命割其子肉令自啖之因問好喫否迪曰忠臣義子肉香美好喫至死誓不絕口擬謚忠烈一擬毅烈

一兵部尚書鐵鉉河南鄧州人洪武中官五軍斷事奏

對稱旨賜字鼎石擢山東參政建文二年李景隆駐德州鉉汎舟相繼軍興未嘗有匱北兵圍濟南悉力守禦文皇幾蹈於險北兵以礮擊城瀕碎鉉書高帝神牌懸於城北兵弗敢擊未幾又有東昌之捷累進兵部尚書金川失守鉉尙擁殘兵駐淮南已而擒鉉至不屈令一顧終不可得割其耳鼻劈其肢體至死誓不絕聲時年三十七擬謚忠襄一擬忠烈

一刑部尚書暴昭山西潞州人建文元年設布政司於真定以昭爲刑部尚書掌司事平安諸兵敗召歸京師靖難兵入城被執見成祖抗誓不屈去齒牙截手足誓不絕口至斷頭乃已擬謚剛烈一擬剛愎

賜謚堂文集卷三

七

一禮部侍郎黃觀南直貴池人洪武辛未會試廷試皆第一歷官禮部侍郎尋改侍中建文四年奉詔募兵上游至安慶聞變謂人曰吾妻素有志節必不辱招魂葬之朝服東向再拜投湍流中死籍其家并逮姻黨擬謚文貞一擬文節

一戶部侍郎盧迴浙江仙居人疎爽不屑曲謹酒酣輒長歌人以爲狂既仕顧折節恭謹靖難後不屈縛就刑含笑長謳而死擬謚貞達一擬恭節

一戶部侍郎郭任南直丹徒人廉慎有吏才北兵入金川不屈死之子經亦坐死三女給配擬謚清毅一擬

潔愍

一刑部侍郎胡子昭四川大足人性忠介富經術少從方孝孺游漢中蜀獻王甚重之以明經被薦陞山東僉事進刑部侍郎壬午九月一日受僇臨刑賦詩有兩閒正氣歸泉壤一點丹心在帝鄉之句國家被擒擬謚介愍一擬節愍

一吏部侍郎毛太失其籍建文元年拜吏部侍郎文章政事皆度越同輩靖難兵起數上封事條方略惠宗遜位與尙書張統皆死之擬謚節愍一擬賢愍

一都御史茅大方南直泰興人博學能詩文少有奇名洪武中應辟典教淮南考績入朝高廟召對悅之擢秦府長史勉以董子輔相之業因額其堂曰希董建文初徵爲右副都御史北兵起以詩寄淮南守將忠義激烈聞者壯之文廟繼統不屈與三子皆棄市擬謚忠愍一擬愍節

賜謚堂文集卷三

八

一御史大夫練子寧江西新淦人洪武乙丑廷對極言時政不顧忌諱擢進士第二人授修撰益以名節自砥礪建文初用廷薦拜吏部侍郎尋改御史大夫北師起日夕畫策防禦李景隆密通款文皇敗還子寧極論其奸邪於朝班中執請誅之惠宗不聽子寧叩頭大呼曰賣陛下者必此賊也時周是脩蕭用道上言指斥用事者謀國之罪書下皆怒詬之子寧曰國事至此尚不容人言乎詬者媿而止北師渡江景隆

開門迎附于寧不屈遂伏誅姻戚被逮論死者百五十一人遠戍者又數百人他日成祖謂羣臣曰使子寧今日尙在朕回當用之卽日下令弛黨禁擬謚忠貞一擬忠肅

一御史大夫景清陝西真寧人儻尙大節讀書過目成誦赴舉過淳化主家有女爲妖所憑清至卽避去女詰故曰畏景秀才耳其父求書景清在此四字粘戶妖遂絕中洪武甲戌第二名進士歷官御史大夫靖難師入羣臣死者甚衆清獨委蛇侍朝若不介意一日靈臺奏文曲星犯帝座急色尙赤文皇帝意疑猜至是早朝清緋衣獨鮮遂收之於衣衽中得利刃

賜諡堂文集卷三十一 九

詰之對曰欲爲故主報仇耳乃躍起奮立嫚罵上大怒命抉去其齒且抉且罵含血近前直沁噴御衣上愈怒剝去皮草搯之而碎磔其肉抄提九族外親眞寧一邑幾遍且蔓延鄰郡邑焉擬謚忠烈一擬剛烈一都御史陳性善浙江山陰人登洪武乙丑進士授行人遷編修命繙錄劉基遺書時天威嚴肅皆惶汗掣肘或不成一字性善動止安雅書法端妍上悅賜以酒久之超拜禮部侍郎惠宗在東宮已熟其名及卽位深加眷顧改副都御史監李景隆軍白溝河之敗與同官皆被執燕師悉縱遣歸性善獨朝服躍馬入於河以死內難平詔加追戮徙其家屬於邊後悉赦

還擬謚忠節一擬忠壯

一僉都御史月瑋山東諸城人以神策衛經歷言事擢僉都御史靖難兵起戮力戰守遜國後不屈死之妻孥皆沒官擬謚肅愍一擬果恪

一右拾遺戴德彝浙江奉化人中洪武甲戌進士第二累官侍講感上陸贄崔羣之諭以直聲震於朝建文中改右拾遺北師偏日畫策守禦成祖卽位召見不屈死之擬謚毅直一擬端勤

一大理寺少卿胡閏江西鄱陽人才志不凡以題詩吳芮祠受知高帝授都督府都事累遷大理少卿文廟入金川召見閏衰經望闕慟哭上諭令更衣曰死卽

賜諡堂文集卷三十一 十

死衣不可更上面命抄提九族以恐之卒不屈力士以金瓜落其齒齒盡聲不絕上大怒剝皮實之草懸武功坊卽日差官抄提族誅擬謚忠烈一擬忠愍

一大理寺丞鄒瑾江西永豐人洪武中以薦授巴縣訓導金華王紳稱其志篤才敏當以忠義名當時建文改元累擢大理寺丞靖難師入與其甥魏冕等同日自殺詔夷其族擬謚貞愍一擬果愍

一太常寺少卿盧原質浙江寧海人其母方氏孝孺姑也洪武戊辰登進士第二歷太常少卿建文中多所建明靖難後召見不屈與弟原樸皆死之擬謚節愍一擬忠節

一太常寺少卿廖昇湖廣襄陽人以學行名與孝孺輩友善建文元年敕修高廟實錄書靖難兵事語多摭實聞茹嘗等龍潭還慟哭與家人訣自經死陳鏞等奏昇等皆不順王命效死建文其存心與叛逆等並宜追戮上弗問擬謚文節一擬文莊

一吏部尚書張統富平人洪武中舉明經爲東宮侍書與宗器重之歷陞雲南左布政夷民孚悅遠邇莫安秩滿入覲特令吏部勿考賜璽書褒勞讓皇帝卽位徵拜吏部尚書滇人戀慕如失父母靖難兵入文廟深加慰勞統遂自經於吏部之後堂擬謚惠節一擬桓節

賜諡堂文卷三十一

十一

一刑部尚書侯泰北直南和人靖難兵起建守禦之策總餉淮安嘗徹旦不寐京師告急泰赴難過高郵被執不屈死之子弟俱論死擬謚勤貞一擬敬節

一刑部侍郎金有聲河南人建文四年奉命與黃觀等徵兵江西爲南昌百戶縛送京不屈死并族其家擬謚翼愍一擬確愍

一兵部侍郎邊昇河南榮澤人尙氣節靖難師渡江率兵拒之殊死戰被獲語不屈而死擬謚果愍一擬愍愍

一刑科給事中黃鉞南直常熟人少明敏好學隱士楊澱家藏書萬卷三年遂盡其書洪武中以生員薦除

宜章典史建文庚辰舉進士授給事中多所封駭明年丁外艱歸時北兵日南方孝孺密叩守禦之策鉞曰京東三郡惟鎮江最要害指揮童俊不可測蘇州知府姚善忠義激烈有國士風但仁慈有餘御下太寬恐不足定亂孝孺因附書於善善得書痛哭遣人招鉞鉞營葬訖馳赴之童俊果以鎮降事不支矣善被縛去鉞猶忍死以待聞善死西向再拜祀善哭曰君與希直同死國吾獨生乎給家人歸具祭整衣冠奮身入水死友人楊福日夜泣橋側求鉞屍更數日屍忽自出立水中成禮葬之擬謚忠獻一擬忠裕

賜諡堂文

十一

一戶科都給事中龔泰浙江義烏人遇事剛果有爲以孝友聞洪武十九年領鄉薦明年入太學奉旨閱齊府衛兵綜畫周密除給事中北兵渡江泰與妻訣曰國事至此我自必死爾第齋戒攜幼穉歸否則俱溺井無辱俄宮中火起泰馳赴爲軍校所獲執見文皇以非奸籍得釋泰自投城以死年三十六擬謚端果一擬肅愍

一戶科都給事中陳繼之福建莆田人北兵起繼之建白多指斥嘗請誅徐增壽不聽文皇卽位責問不屈詔磔於市夷三族擬謚莊景一擬剛確

一戶科給事中韓永陝西西安人一曰浮山人豐幹美髯音吐宏朗每慷慨論兵事讓皇帝喜之靖難後杜

門不出召見欲復其官曰吾王蠲耳何以官為不屈死之擬謚注介一擬貞節

一御史曾鳳韶江西廬陵人建文初藩王來朝從御道入且不拜鳳韶抗章劾之讓皇詔至親勿問靖難兵起朝議遣使持詔諭解兵羣臣無敢行者鳳韶毅然請行至軍前不納鳳韶取竹通節入詔鼓風達之靖難後以原官召不至加吏部侍郎召亦不至乃刺血書憤詞於襟而死時年二十九妻李氏亦自殺擬謚忠教一擬忠英

一御史魏冕江西永豐人勁直有才名靖難兵至有約開門納降者冕與大理丞鄒瑾等即殿前歐之幾死

賜謚堂文

十一

惠宗遜位遂自殺法官請追罪夷其族擬謚教直一擬節顯

一御史高翔陝西朝邑人有文學矜名節所論奏皆國家機要文皇素聞翔名即位後召翔將大用之翔持喪服入見語又不遜乃命殺之沒產夷族姻戚戍邊擬謚忠愍一擬肅愍

一御史甘霖南直懷寧人剛正敢言中臺推重之靖難後被執抗言求死從容就戮子孫相戒不復求仕擬謚貞定一擬忠愍

一御史王彬山東東平州人巡按揚州北兵至彬與指揮崇剛固守指揮王禮有異志彬執繫之禮弟崇等

縛彬降不屈死之擬謚忠壯一擬桓愍

一御史王度廣東歸善人洪武中以明經薦糾繩不避權要北兵起與齊黃輩調兵食東昌小河之捷皆與有謀焉鳳陽失守方孝孺與度書誓死社稷京師事定謫戍賀縣以出語不遜論死夷其族擬謚襄愍一擬貞節

一御史謝昇南直沛縣人北兵起練兵給餉夙夜效勞靖難後不屈死之家屬戍金齒擬謚貞勤一擬恭愍

一御史丁志方山東聊城人靖難兵逼京城謂妻韓氏曰師至城必克吾惟以一死報國汝其攜孤潛歸延丁氏脈後兵入被執不屈死之擬謚貞定一擬貞愍

賜謚堂文

十二

一兵部尚書齊泰南直溧水人中洪武二十一年進士歷兵部尚書嘗被召問邊將姓名歷數無遺又問諸圖籍出自袖中自是益承眷遇高皇帝升遐受顧命輔皇太孫以諸藩皆擁兵專制思為蠱錯之計北兵遂以誅泰為名壬午惠宗遜去泰追至廣德州圖後舉被執見文皇抗辭不屈死之夷其族擬謚節愍一擬莊愍

一刑部侍郎張昂山西澤州人受密命掌北平布政司伺燕藩動靜知文皇必起兵遂集在城七衛屯兵部署九門防守飛章奏聞司吏竊其章以獻文皇乃稱疾不出會朝廷遣人逮府中官校文皇盡縛置庭中

召曷及指揮謝貴入與械去伏發就擒不屈死之靖
難後族其家近戚皆生焚之疎屬及里人並戍邊擬
謚節愍一擬確壯

一太常少卿兼翰林院學士黃子澄江西分宜人博學
負盛名中洪武乙丑第三名進士累遷太常寺卿惠
宗卽位諸王多不遜子澄與泰等建強幹弱枝之計
北兵起薦李景隆爲大將軍累戰敗績繼而顧成等
皆降子澄拊膺號泣曰誤薦景隆萬死不足贖誤國
之罪文皇入金川逮至不屈族誅姻黨戍邊者四百
餘人擬謚節愍一擬忠果

一春坊大學士林右浙江寧海人洪武初爲中書舍人

賜諡聖文集卷二

五

與方孝孺輩爲莫逆交嘗奉璽書行邊有戡定功進
前職尋以事謫中都教授掛冠歸靖難師起聞孝孺
族誅爲位哭於家永樂戊子島夷訖海上監司聞右
才名請爲間里計勉起視兵督鄉勇勦平之上以此
知右遣使召不赴令武士械至京師然猶溫語相慰
勞冀加錄用右對曰罪人逃死已久藉令可仕當與
方孝孺同朝矣上大怒命曳出劓之而死擬謚貞穆
一擬毅確

一翰林院編修陳忠浙江鄞縣人素有志操以道義自
持中洪武甲戌進士第二人授編修靖難兵入不屈
死之擬謚文愍一擬文節

一工部侍郎張安國定海人燕兵迫京師謂妻賈氏曰
大事去矣旣不能帥兵應敵又不能羔膝事人奈何
賈曰盍隱諸曰然乃與其妻乘舟入太湖忽聞人說
京師陷帝自焚大慟語妻曰食人之祿而苟免自存
恥莫甚焉遂鑿其舟以沈擬謚端節一擬貞定

一兵部主事樊士信湖廣應城人建文中守淮河北兵
南下士信禦之力不支遂死後夷其族擬謚莊愍一
擬莊節

一戶部主事巨敬陝西平涼人初爲御史抗直敢言建
文中改前官靖難後被逮責問不屈磔死夷其族擬
謚毅直一擬直愍

賜諡聖文集卷三

六

一宗八府經歷宋徵失其籍嘗誅削罪藩屬籍又數言
耿李諸將失律懷二心靖難後縛至不屈死并殺其
妻子擬謚直愍一擬莊愍

刑部主事徐子權 江西新淦人擬謚貞確一擬貞愍

浙江按察使王良 河南祥符人擬謚貞毅一擬貞定

江西副使程本立 浙江崇德人擬謚忠介一擬貞介

陝西僉事林嘉猷 浙江寧海人擬謚穆愍一擬端節

徽州知府陳彥回 福建莆田人擬謚惠節一擬貞愍

蘇州知府姚善 湖廣安陸人擬謚忠惠一擬惠愍

徽州知府黃希范 擬謚昭愍一擬昭節

松江府知周繼瑜 江西撫州人擬謚莊節一擬果愍

樂平知縣張彥方	江西龍泉人	擬謚莊愍	一	擬愍毅
沛縣知縣顏伯璋	江西廬陵人	擬謚忠惠	一	擬忠端
子顏有為		擬謚孝節	一	擬孝愍
蕭縣知縣鄭恕	浙江仙居人	擬謚惠節	一	擬貞愍
獻縣知縣向朴	浙江慈谿人	擬謚惠莊	一	擬惠愍
沛縣主簿唐子清		擬謚義節	一	擬義愍
沛縣典史黃謙		擬謚果義	一	擬義愍
<small>東平州吏目</small> 鄭華	浙江寧海人	擬謚貞莊	一	擬貞毅
<small>原任行人</small> 鄭華	廣東茂名人	擬謚貞愍	一	擬貞節
漳州教授陳思賢	江西吉水人	擬謚貞烈	一	擬貞壯
濟陽教諭王省		擬謚孝節	一	擬孝愍
<small>子夔州府通判</small> 王禎				
谷府長史劉璟	浙江青田人	擬謚剛節	一	擬華貞
衡府紀善周是脩	江西泰和人	擬謚貞毅	一	擬貞文
燕府長史葛誠		擬謚果愍	一	擬貞愍
寧府長史石撰	山西平定人	擬謚貞愍	一	擬忠愍
晉府長史龍鐔	江西萬載人	擬謚忠愍	一	擬節愍
遼府長史程通	南直績溪人	擬謚端直	一	擬節愍
秦府長史鄒朴		擬謚端節	一	擬直愍
燕府伴讀俞逢辰	南直宣城人	擬謚忠愍	一	擬貞毅
參軍斷事高巍	山西遼州人	擬謚忠毅	一	擬貞節
舉人 劉政		擬謚貞果	一	擬貞愍
布衣 杜奇	北平人	擬謚貞直	一	擬貞義

賜諡字文集卷三

七

布衣 俞貞木		擬謚節愍	一	擬質愍
應謚徇節武臣				
魏公 徐輝祖	南直鳳陽人	擬謚忠貞	一	擬武貞
越厲侯 俞通淵	南直巢縣人	擬謚襄烈	一	擬襄愍
駙馬都尉胡觀		擬謚恭愍	一	擬節愍
駙馬都尉李祺		擬謚恭愍	一	擬節愍
都督同知陳質		擬謚武愍	一	擬武節
都督 潘忠		擬謚果愍	一	擬壯愍
都指揮 楊嵩		擬謚壯愍	一	擬勇節
都指揮 謝貴	北平人	衛擬謚勇愍	一	擬壯愍
都指揮 彭二	北平人	衛擬謚武愍	一	擬壯愍
都指揮 馬宣	薊州人	衛擬謚貞壯	一	擬武愍
都指揮 朱鑑	大寧人	衛擬謚壯烈	一	擬忠愍
都指揮 瞿能	四川人	衛擬謚襄烈	一	擬襄武
都指揮 宋忠	錦衣衛	衛擬謚壯愍	一	擬果愍
都指揮 孫泰	涼州衛	武人擬謚勇愍	一	擬壯愍
都指揮 莊得	西涼衛	衛擬謚勇愍	一	擬壯愍
都指揮 張阜旗		擬謚英烈	一	擬勇烈
都指揮 俞瑱	西涼衛	衛擬謚翼愍	一	擬節愍
右衛指揮 宋瑄	南直定遠人	擬謚果節	一	擬英愍
都指揮 彭聚	北平人	衛擬謚壯愍	一	擬愍愍
都指揮 楚智		擬謚勇愍	一	擬壯愍

賜諡字文集卷三

八

都指揮 卜萬大寧 衛擬謚壯愍一擬愍勇
 指揮 張倫河北 衛擬謚貞勇一擬義愍
 指揮 崇剛揚州 衛擬謚壯愍一擬愍節
 指揮 盧振燕 衛擬謚忠愍一擬愍節
 指揮 小馬王 擬謚壯烈一擬義愍
 鎮撫 曾溶薊州 衛擬謚勇義一擬義果
 鎮撫 周拱元錦衣 所擬謚哲毅一擬哲愍
 千戶 倪諒 擬謚翼愍一擬節愍
 太監 段實 擬謚恭節一擬恭愍
 燕山衛卒儲福 南直無錫人擬謚貞義一擬義節
 應謚徇節女子

賜諡字文集卷三

九

方孝孺妻鄭氏 浙江寧海人擬謚貞愍一擬節愍
 黃觀妻翁氏 南直貴池人擬謚貞懿一擬貞愍
 二女 擬謚孝潔
 胡閏女郡奴 江西鄱陽人擬謚孝貞一擬孝潔
 王良妻氏 河南祥符人擬謚貞烈一擬淑毅
 曾鳳詔妻李氏 江西廬陵人擬謚貞愍一擬節悼
 王叔英二女 浙江黃巖人擬謚哀潔一擬潔愍
 戴德彝嫂項氏 浙江奉化人擬謚哲義一擬義淑
 儲福妻范氏 南直無錫人擬謚孝節一擬貞孝
 已上文武諸臣或奮螳矢節或叩馬宣忠或免胄捐軀
 或結纓就義或抗夏侯之色或懷豫讓之忠雖九族受

屠七尺為醢而支有糜碎膝無小屈甚至輿臺賤卒閭
 閭并流亦皆植節匪遷畢命靡貳一時忠義之盛能使
 萬靈隕涕三光燦精千古綱常不亦於斯乎有賴哉乃
 三百年來拘文牽迹盛典闕然不知文皇帝時已有練
 子寧若在朕固當用之之語昔高皇帝下金陵即首旌
 故御史大夫福壽賜之謚祠況文皇帝以子繼父更非
 易姓改命者比豈有高皇帝不仇福壽而文皇帝反仇
 諸臣幸我皇上天地為心法高皇帝謚福壽之仁體文
 皇帝用練子寧之意於死事諸臣概與卹謚臣備員邦
 禮敢不仰體鴻恩盡為陳請而當年節義累幅難言不
 得不撮其尤著者上聞而餘俟補贖內方孝孺等清等

賜諡字文集卷三

十

察確有裔嗣者乞敕吏部分別予廕而餘止贈官其春
 秋俎豆合無於留都共建一祠賜名表忠此外文臣如
 侍讀婁璉修撰吳成學尙書徐貞侍郎黃魁徐屋僉都
 御史司中郎中柳一景主事劉原弼巡撫黃清御史鄭
 公智王玘韓郁大理丞彭彭與明劉端王高中中申高
 遜志博士黃彥清監副劉伯完參政鄭居貞陳周按察
 使李文敏黃直僉事胡子義知府孫鎮王璉楊任葉惠
 仲同知石允常典史周縉知州蔡連教諭劉回豐寅初
 訓導林大同斷事錢芹諸生高賢寧王志伍性原陳應
 宗林珏鄒君默曾廷瑞呂賢布衣王稔王賓楊福袁杞
 山劉國等武臣如長興侯耿炳文歷城侯盛庸濼城侯

李堅駙馬先謚榮定之梅殷耿璿都督廖鏞廖銘下安
孫岳耿璿甯忠陳暉徐凱指揮滕聚趙諒鎮撫楊本徐
讓戍卒龔翊姓名無考如松江同知官職無考如梁良
用高不危郭良馬坤朱進黃墀陳子方河西備補鍋匠
馮翁王公東湖樂清耶溪三樵夫雲門僧洞庭居士雪
庵和尚等從亡諸臣如翰林史彬程濟趙天泰鄭洽侍
郎廖平金焦郎中梁玉田司務馮淮御史葉...中書
梁良玉梁中節宋和郭節監正三之臣尙書嚴震直教
授楊應能鎮撫牛景先王資劉仲太監何洲周恕長壽
吳亮等婦女如王叔英妻齊泰女鐵鉉二女張安...妻
龔泰妻鄭恕二女王省女等皆與附祀庶騎箕心若者

賜誠堂文集卷三

三

賜誠堂文集卷三

賜誠堂文集卷四

明禮部右侍郎兼翰林院侍讀學士管紹寧撰

八世孫繩萊重編校

奏疏

廷試歲貢疏

題爲廷試歲貢事儀制清吏司案呈案照先該本部備書
兼翰林院侍讀學士顧錫疇題前事等因六月初三日奉
聖旨廷試歲貢着於八九兩月望...
遵禮科抄出到部送司奉此臣部遵將屆期舉行考試外
覆該臣等看得羅才不厭廣察弊甯過嚴清籲俊之途所
以光闕門之典也往例直省歲貢生員錄提學官取

賜誠堂文集卷四

十一

部方准廷試今因北直山西陝西遼東山東河南及廣
四川等處迭遭兵燹學臣缺員子遺諸生無從考試卽有
挨次應貢者殊無確據惟照恩詔流寓生員寄入應天
府學例取具鄉官印結同學互結察驗果明准與充貢一
體廷試但中間不無詐冒攙越等弊卽有印結互結未可
憑信本部司移會印結各官再行察覈儻有情弊者日後
事發各官自甘認罪其委無情弊者相應准試今試期迫
臣部先行題知如蒙聖恩俞允濟濟多士共入網羅此維
新格外之寬仁也如再加詳慎應送學院考試聽候取中
送部廷試又恐愆期未便伏候聖裁其工部接納貢生已
奉明旨相應准與貢生一體廷試並候聖裁至於流寓生

員奉詔旨收學臣部取具保結正察覈開未經具覆合無彙送應天學院嚴加考試文理頗通者收之文理不通者汰之庶於招集流移之中寓甄別人才之意子矜既不至冒濫而臣部亦可道於譽尤矣敢因廷試貢生而併及之爲此具本謹題請旨八月初七日奉聖旨流寓諸生着送提學御史考取文行俱優者充貢餘依議行該部知道

寓生規約疏

題爲遵奉明旨詳定寓生規約以慰流移事儀制清吏司案呈該臣等恭讀恩詔內一款北直山東河南山西陝西遼東等處其生員流寓無歸進取無路者俱赴禮部報名仍取鄉官印結各生互相保結照各省直地方廩增附名色分寄應天府學學臣一體考試作養以示優卹之意欽此欽遵該臣看得流寓諸生揆年應貢者已經兩奉明旨臣部嚴覈呈結咨送學臣考試於十月初二日補廷試訖其餘廩膳增廣附學生員未經安集致日環臣哀訴臣仰體皇上作人盛意又下憐多士瑣尾苦情而事難謀始法期善後謹條序款目曲爲經理庶皇仁四訖遠邇幷幪次第具左

一曰嚴詐冒夫鄉官印結各生互結立法似密但廩增附名色當防其欺濶而籍貫假冒尤當嚴其是非今如非廩生者黜非生員而稱生員者法懲并非流寓而冒稱寓生者重懲如有首發臣部立叅不恕既經

核實仍咨送應天學臣類考隨定廩增附先後冊驗庶寄學則杜臨貢爭端他日克復還鄉并使各學預有成案伏候聖裁

一曰定師儒寓生既許分寄應天府學但思省分既多人數不一若復分寄各齋不免事權紛雜合無專責訓導一人將流寓諸生照廩增附名色別立一冊總司其事職掌既定弊竇自清庶科舉補廩起貢等事可無參差之患矣伏候聖裁

一曰議廩資應天一學食廩諸生原有定額今寄學廩生多寡不等安得分所有以予之若議另給則時當匱乏本處有司定不能爲地方寓生設辦合無將應

補糧者准充虛廩名色仍序年揆貢俟事平回籍之日實給糧膳可也伏候聖裁

一曰議制額寓生既聽應天學臣考試則應天每年科舉自應廣額南場舊額若干人今當斟酌寓生人數增添若干人於應天國學額外別立寓學字號各不相礙惟候勅下臣部即便議定以爲學臣錄科多寡地

一曰益號房既爲寓生廣額則不得不爲寓生置號應天貢院舊號若干今宜照新增額數救應天府臣預爲相度轉盼明年秋試不遠敢不先時蚤計伏候聖裁崇禎十七年十月十五日奉聖旨俱依議行

議單恩廣額疏

題為致治自有規模革亂先徵氣象敬陳管見以贊興朝
事儀制清吏司案呈奉本部送禮科抄出該戶科給事中
仍支從五品俸臣倪嘉慶題前事等因九月二十日奉聖
旨這所奏着禮兵二部酌議奏奪欽此又送禮科抄出該
戶科署科事督理黃冊右給事中加俸一級臣陸朗題為
宏開額後廣闢薪樞以疏淹滯以收實用事等因九月二
十九日奉聖旨禮部議覆欽此又送禮科抄出該提督應
天等處學政監察御史臣陳良弼題為中興泰運方始首
善升俊宜宏微臣在差循職敬體皇上造德盛心特請比
例加額以開論秀之典以廣彙征之途事等因十月初三

賜議堂文集卷四

四

日奉聖旨禮部議覆不得太濫欽此欽遵各抄出到部送
司奉此案呈到部該臣等看得國學曰辟雍固與郡縣津
宮殊制應天府合上江兩縣為一舉推原祖宗之意不欲
上擬國學亦不欲下夷郡縣故列聖作人首加盛典誠有
如科臣倪嘉慶所稱貢至七八名者貢至一二十名者但
今中興伊始雖薪樞宜闢而名器尤宜慎議得應天府恩
選貢生原擬二名今增四名共六名歲貢生原額二名今
量增二名共四名科舉比舊額量增十二名進學比舊額
量增十名庶鎬京濟濟人樂思皇但皇仁無外亦當遠暨
如科臣陸朗所請則議得外省恩貢往例府州縣學各一
名今府學量增一名共二名州縣仍舊一名歲貢府學每

年一名今量增一名共二名州學暫照府學例每年一名
連貢三年止縣學照州學例每年一名連貢兩年止外府
學科舉大府量增八名小府量增六名州學大州增五名
小州增四名縣學大縣增五名中縣增三名小縣增一名
進學大府增六名小府增五名大州增五名小州增四名
大縣增五名中縣增三名小縣增一名此係覃恩特典後
此不得援以為例其外省恩貢例應國學鄉試今時事多
虞道途脩阻寒儒資斧為艱或力有不能赴雍者暫令本
省鄉試免其赴都尤為兩便謹合應天學臣陳良弼廣額
之請及兩科臣疏彙議酌覆其學臣所請流寓諸生事宜
臣前疏已備不敢復議伏惟敕下施行於崇禎十七年十

賜議堂文集卷四

五

月二十二日奉聖旨這所奏應天及直省恩歲等貢進學
科舉如議量加一次後不為例外省恩貢准於本地方鄉
試

議抗節吳侍郎謚祭葬疏

題為苦死之奇節久淹宜需新恩以慰忠魂事祠祭清吏
司案呈奉本部送禮科抄出太子太保戶部尚書兼文
淵閣大學士王鐸奏前事奉聖旨吳阿衡身殉封疆忠義
最烈何故久未旌卹該部即從優議奏欽此欽遵抄出到
部送司案呈到部該臣等看得人臣束髮事君以身許國
亦臣子之常分乃有平時則矢志不渝臨難而徇義彌勵
其骨金石其氣星辰雖時踰數載而馮弔往事猶覺有英

風浩氣彌漫於天壤而不去也如所奏原任兵部侍郎吳阿衡夙夜不欺強直自遂歎所至琅琅著聲總督前門壁壘改觀敵眾膽落崇禎十一年九月方巡邊薙獮敵兵奄至以斗大之城抗方張之敵猶登陣血戰刈賊如麻不意城門失火倉卒致陷伏劍未絕罵賊殲魂歸傳說之星血噴常山之舌至今傳其曠目數語侃侃烈烈可謂視死如歸飛虹貫日者矣乃事經七年卹典猶稽暴骸未窆風雨泣於深夜猿狖嘯於荒原此忠臣義士所以拊膺而長嘆也輔臣王鐸念忠烈之久淹傷邦國之殄瘁代為題請非徒揚表忠魂抑以激勵頑俗察會典凡三品官曾經考滿者祭一壇全葬未經考滿者祭一壇半葬其抗節不

賜諡堂文集卷四

六

屈身死綱常及危城固守身死封疆者卹典取自上裁又一款凡文武大臣應得諡號者備察生平履歷必其節概為朝野具瞻公論允服者具請上裁又一款凡官品未高而以死勤事特恩賜諡者不拘常例今阿衡秩躋三品又身死封疆合於本等祭一壇全葬外再請特恩加祭一壇建祠致祭其諡一擬忠毅一擬忠壯仍敕該部酌與贈廕為此具本謹題請旨

議諭輔臣孔貞運疏

題為境內大臣病故事祠祭清吏司案呈奉本部送准禮科抄出協理勦寇軍務巡撫安廬池太四府等處地方都察院右僉都御史張亮題前事奉聖旨孔貞運先朝賢輔

據報物故朕心惻然應得卹典着從優速察具奏該部知道欽此欽遵抄出到部送司奉此案呈到部該臣等看得已故舊輔臣孔貞運四朝彝鼎一代理璋淵流接泗水之傳著作冠蓬池之彥開畫省而典禮佐玉尺以司銓勸講金華深兩朝啟沃之助總裁實錄勒千秋琬琰之編既超常秩以登庸益亮天工於密勿逝矣謙謙之度誠哉凡几之風若乃勁節不回幾墮逆璫之箴和衷無迂全消朋黨之私賦歸而門餘五柳勇退而架插千緡人皆翹鳳噓於清朝彼自冥鴻儀於綠野不意神京罹陸海之變致令鼎湖悲龍馭之升自聞訃而朝夕哭臨不數旬而毀瘠致殞斯其忠烈之氣業與陟降者遊宜撫按之具疏特為揭白

賜諡堂文集卷四

七

蒙皇上之軫惻殊異褒隆臣等察輔臣物故例有應得卹典而況乎矢忠殞命大節不同者哉會典凡一品官病故者輟朝一日祭九壇有司治葬輔臣貞運已加太子太保官銜應照一品例給賜易名之典一擬文莊一擬文恭伏候聖裁其贈秩廕後應勅吏部議覆臣部未敢擅專為此具本謹題請旨崇禎十七年九月初三日

議補給輔臣王鐸父母妻祭葬疏

題為瀝血陳情補賜卹典以廣孝治事祠祭清吏司案呈奉本部送准禮科抄出太子太保戶部尚書兼文淵閣大學士王鐸奏稱前事等因奉聖旨輔臣王鐸家學淵源忠孝懋著其父母應得祭葬著禮部察例從優議覆欽此欽

遵抄出到部送司奉此案呈到部該臣等看得我朝以孝治天下兩京大臣祭葬例得推諸父母講幄著勞者加恩尤渥察會典所載江京一品二品父母妻喪三品四品父母喪曾授封贈及致仕者各照品級造墳安葬又一款凡文官二品三品其歷二年以上者雖未考三品滿其父母曾授四品五品封准與三品祭葬又一款有講讀年多啟沃日夕者恩卹自宜加厚今輔臣王鐸橫經載筆已歷多年作礪和羹更逢明聖言乎父母則曾封三品言乎侍從且二十年有餘發精准例正與會典符合又察得前臣黃士俊孔貞運乞父卹典奉旨伊父母照例與祭葬仍加祭一壇時二臣父母尚未實封三品本身亦未進位尙書而

賜諡等集卷四

八

彝典之外復申曠恩聖明優禮大臣甯厚母薄如此若父母膺三品之封本身歷端揆之位天恩優卹宜更進此輔臣鐸父本仁母陳氏相應於本等例祭造墳全葬外仍加祭一壇妻馬氏原封淑人則給與本等祭葬若更有加厚則出自聖上特恩非臣等所敢擅擬臣部遵照察例具覆崇禎十七年八月十二日奉聖旨輔臣鐸侍從多年功隆輔弼其父母准給與例祭造墳全葬外仍加祭一壇以示優異其妻馬氏也著給與本等祭葬遣行人官一員前去監造該部知道

這歷公費疏

題爲這歷事刑祭清吏司案呈奉一送准禮科抄出南

京欽天監正楊邦慶題等因於本月二十六日奉聖旨禮部知道欽此欽遵抄出到部送司奉此案照先該本部署部事左侍郎曾紹寧右侍郎事顧錫疇具題前事等因於本年五月二十一日奉聖旨這補歷官設歷局議增治歷公費俱着作速行欽此欽遵抄出到部隨該臣部備將歷官歷局二款轉行該監擬補設立并移咨吏工二部酌議舉行外惟是治歷公費一項該臣等察得南都舊例每年額徵紙價銀四百二十餘兩造歷一萬一千一百一十一本其銀額派應天府八縣并直隸寧國府浙江布政司每年六月內如數徵解到部轉發該監印造於十一月朔日頒行在京內外大小文武衙門并直隸一十七府州

賜諡等集卷四

九

縣此歷來之舊制也今照聖主御南新政備舉頒歷授時實爲首務且諸司官僚推補已倍而頒歷數目難拘舊額若照北例印造則紙價須用二千餘兩在北派有額解在南無從開徵但今頒行之期爲時無幾需用紙張勢難稍緩合無察照該監監正楊邦慶題內緣繇酌議措給銀一千五百兩仰乞敕下戶工二部并應天府三衙門每處先行那借銀五百兩立時發監辦紙開工印造完日造冊恭呈御覽開銷臣部一面移文浙江寧國并應天府屬遵將舊額銀兩作速解前來以濟急需仍乞敕下該撫按官將前項銀兩就於南直各府照數派徵勒限解部充還前借歷後逐年天爲定額總之在該臣等爲無米之炊在臣

部原非錢穀之王不得不亟爲酌量處以襄大典統俟
聖明嚴敕各該衙門遵奉施行爲此具本奉聖旨造歷事
戶工二部應天戶等處先那借銀五百兩該撫按官速將
前項銀兩就於南直各府照數派徵勒限解部永爲定額
崇禎十七年八月十三日

題補漏刻博士疏

題爲察缺題補以需用事祠祭清吏司案呈奉本部批
據南京欽天監呈稱本監歷數科帶銜博士何平政家紹
眞傳術搜秘業究心相度學有淵源崇禎二年北監訪舉
徵相慶陵部給帶銜博士差令前往七年監正戈近亨徵
往鳳陵相度積有微勞呈乞察照前例題補漏刻博士職

賜誠堂文集卷四

十

銜在科供事以需用等因具呈到部批送到司奉此案
呈到部該臣等看得欽天監最爲冷局而南監尤多缺員
今照天文歷數二科先經該監題爲擬補各官以應頒歷
推算等事業奉明旨下部欽遵供職至於相度一事凡遇
陵寢及各藩府第相度實爲需員而本科尙無一人懸缺
未補今據該監呈送前來委應需用合無察照前例題請
授以漏刻博士實職從九品食糧在監供事庶術業各有
耑科而相度大典不致乏員矣統候聖明敕下吏部照例
銓補施行爲此具本崇禎十七年八月二十三日

賜誠堂文集卷四

賜誠堂文集卷五

明禮部右侍郎兼翰林院侍讀學士管紹寧撰

八世孫繩萊重編校

奏疏

議補輔臣高宏圖父母妻祭葬疏

題爲微臣幸遇覃恩懇補臣母應得卹典以光泉壤事祠
祭清吏司案呈奉本部送准禮科抄出太子太師吏部尙
書兼文淵閣大學士高宏圖題前事等因於本年八月二
十二日奉聖旨卿輔弼重臣竭忠匡贊這所請父母妻室
應得祭葬着禮部卽從優祭覆欽此欽遵抄出到部送司
奉此案呈到部該臣看得新恩覃被凡爲臣子皆得普濡

賜誠堂文集卷五

一

況綸扉重臣尤宜優異察會典所載在京一品二品父母
妻喪三品四品父母喪曾授封贈及致仕者各照品級造
墳安葬又一款兩京二品以上文官并父母妻三品文官
并父母曾授本等封者俱照例祭葬又一款凡父母曾授
本等封贈者先後病故祭得因後并及其先如有前母亦
得及之無封贈者不得越陳又萬歷三年題准如父母先
以三品封給祭葬者其母後封准開壙合葬今輔臣宏圖
其父夢說母樂氏業膺三品之封繼母趙氏尙未補卹例
應開壙均祭子一壇給價造葬又近者輔臣王鐸授詔
請卹其父母准照例祭葬外仍加祭一壇妻淑人馬氏給
與本等祭葬今輔臣宏圖敷歷日久翊贊功深與輔臣鐸

一時並懋其父夢說母樂氏繼母趙氏並當照鐸例於本等祭葬外加祭一壇妻宋氏則給與本等祭葬此係優禮宰輔特恩伏候皇上敕與非臣部所敢擅擬也爲此具本請旨崇禎十七年八月二十六日

議上太后中宮冊寶疏

題爲宮闈典制宜崇聖孝尊親爲大謹按彝章以陳末議仰祈睿鑒事儀制清吏司郎中吳本泰案呈到部該臣等恭照中宮之選欽蒙皇太后聖諭臣部遵行榜示中外臣民懼怖無斃矣伏覩慈宮錫類京室嗣徽正八表之坤維衍萬年之乾祚皆仰荷皇太后之鴻庥也皇上天作之合必母命之承尤見養志無違克諧以孝誠然媲美岐周光

賜諡堂文集卷五

二

流雅代矣昨臣伏按會典將禮幣名件逐一開列上請其發冊奉迎禮物款內有金冊一副金寶一副竊惟好逮叶祥於壽祉婦順必本乎母儀日者恭上恪貞仁壽皇太后徽號而冊寶未備臣愚以爲先上皇太后之冊寶然後具進中宮之冊寶斯可以仰順慈顏統垂陰教而定萬世典儀之則也但冊寶工料出何錢糧製造作何式樣管理係何衙門及今備造猶恐後時儻或緩延恐難猝辦伏懇皇上敕閣部大臣司禮監從長會議仍敕該衙門星速製辦臣在禮言禮不敢緘默而致臨期失事之咎理合具奏爲此具本謹題請旨九月初二日奉聖旨皇太后及中宮冊寶着司禮監會同該衙門星速議造

進封陳氏并授杜光組等職疏

題爲寒儒邁遇非常聖君恩隆萬古宸蹕所敕賜之名侍衛仰優崇之典伏乞俯頒恩例世荷嘉庥均沾殊澤事儀制清吏司案呈奉本部送禮科抄出直隸淮安府儒學生員杜光組杜光紹杜義昌等奏前事等因奉聖旨著即從優議覆禮部知道欽此欽遵抄出到部送司案呈到部該臣等看得龍馭將興必有風雲之護鴻恩覃被不遺藜藿之忱皇上肇開泰運歷涉危途在昔播遷流離之際淮安生員杜光組杜光紹杜義昌等識眞主於草昧卜天意於荒屯祇奉月餘防微無失伊母故寧波府同知杜逢時之妻封安人陳氏內儀克謹中饋惟虔雖圭竇單門無當至

賜諡堂文集卷五

三

尊之供奉而芹輪曝獻亦將臣子之敬其業已親蒙皇上慰勞矣今遇重新區夏無德不酬諸生即不敢自功在聖衷豈以微賤忘之乎今杜光組等伏闕陳詞願附奔走之列奉有從優議覆之旨合無比照書當官陶瀚等例敕下吏兵二部題授應得職銜而其母陳氏合於原封上量加恩典非臣部所敢擅擬至於龍駕駐蹕處所應敕所司樹楔棹以彰聖蹟不惟草萊生色抑且史冊垂光矣臣等未敢擅便謹題請旨崇禎十七年八月二十九日奉聖旨陳氏進封宜人杜光組三人各量授錦衣衛千戶該部知道

謚都督杜松疏

題爲血戰之忠魂未慰皇祖之成命久虛幸遇恩綸籲請

賜諡以昭存卹之典以鼓殺賊之氣事祠祭清吏司案呈
該臣部准禮科抄出右軍都督府添註僉書都督同知杜
宏璋奏前事等因奉聖旨杜松忠勇死事易名屢經奉旨
何以至今尙爲缺典禮部察議具奏欽此欽遵抄出到部
送司案呈到部該臣部看得聞鼓鼙之聲者則思將帥之
士處陸沈之日者益念封疆之臣況血戰忠魂明綸屢降
尤須速爲旌卹者也原任山海援遼總兵少保左都督杜
松世篤忠貞家傳武烈馳驅鷹塞曾擒縛馬之妖迅蕩狼
河更殄奔鯨之孽俘黠口者二千餘級降口部者亦二十
餘郡可謂威震天山名高麟閣屬以三路進兵矢盡力竭
血戰而亡其時同死者劉綎諸人並蒙加諡其子二人俱

賜諡彙集卷五

四

加二級綠杜松之子文燧旣已先松而歿其孫宏璋尙在
孩提故未乞恩是死事同而被卹異也旣疊蒙前朝俞旨
予諡并其子加級矣乃前此諸臣亦何靳兩字之褒而使
久淹至此乎謹擬諡武壯或襄壯伏候聖裁至其孫宏璋
加級應聽兵部酌予非臣部所敢專也爲此具覆

加封水神疏

題爲遵旨加封水神事祠祭清吏司案呈奉本部送八月
二十五日文書房接出上傳着禮部將一路大小河神俱
加字號該部議來欽此欽遵接出到部送司案呈到部該
臣等看得聖母南臨百神呵護鼓楫則陽侯息浪揚帆則
川后效靈自中州以抵都門波平風靜鸞舟不驚聖母無

疆之禮皇上格天之孝已於此乎微之然陰佑默相者諸
神之職而旌德報功者皇上之仁謹將一路大小河神各
擬封號上請

計開

原敕封黃河福主金龍四大王今加封黃河福主靈
通康祐金龍四大王
原敕封蕭公順天王今加封嘉祐蕭公順天王
原敕封洞庭君主今加封禧祐洞庭君主
原敕封宗三靜江王今加封惠祐宗三靜江王
原敕封紫靈臺上楊四將軍今加封護國庇民楊四
將軍

賜諡彙集卷五

五

原敕封晏公平浪侯今加封英顯晏公平浪侯
原敕封護國開河顯應有感白鱧大王今加封護國
開河顯應有感靈昭白鱧大王
黃大王今封通元顯濟大王
劉公普濟真君今封昭肅劉公普濟真君
天地水府三官大帝
當今顯化楊二太公今封嘉祐顯化楊二太公
當今顯化楠梅將軍今封顯化靈佑楠梅將軍
洲頭膠尾守界之神今封洲頭膠尾隆祐守界之神
浦子口城隍之神今封浦子口城隍瑞祐之神

浦子口五聖之神今封浦子口英祐五聖之神

原敕封護國庇民妙靈昭應宏仁普濟天妃今加封

護國庇民妙靈昭應宏仁普濟安定慈惠天妃

金元六七總管今封金元六七忠祐總管

水仙五位王侯今封水仙五位靈濟王侯

聶四官人封慶祐聶四將軍

岵山小姐今封岵山慈祐夫人

駙馬陳侯今封嘉祐駙馬陳侯

大江寧海伯施相公今封大江昭宣寧海伯施相公

耿七公今封隆祐耿七將軍

呂梁洪神今封呂梁洪靈祐真神

賜誠堂文集卷五

六

分水娘娘今封嘉惠分水夫人

一切開神今封襄濟開神

白洋河神今封白洋河顯濟真神

已上俱中州至南京一路大小河神謹遵上傳擬進封

號伏候敕旨施行於崇禎十七年十一月初八日奉聖

旨水神俱依擬速頒行

謚沈焦二翰林疏

題為遵旨陳情援例乞謚以昭盛典以慰幽忠事祠祭清

吏司案呈奉本部送准禮科抄出直隸寧國府宣城縣監

生沈壽元生員沈壽辰題前事奉聖旨禮部知道欽此又

戶科給事中加俸一級陸朗題為闡揚久協輿情華哀尙

縣龍錫懇賜表章以重師儒以光大典事奉聖旨吏禮二

部覈議具奏欽此欽遵抄出到部送司案呈到部該臣等

看得易名大典本朝所重近經各科臣彙題二十年以來

名臣臣部正擬廣諮詳覈蓋重在衡品而不盡於馭貴也

苟幽芳宜闡尚不難下及衛幕旁逮弁流而況乎金馬侍

從之臣文章氣節爛焉國史且久列訪單與論其許者哉

察已故翰林院修撰沈懋學駿譽無雙鼇頭第一詩題元

免萬言奪蜀錦之袍翰洒龍箋六字飛玉堂之署允為詞

林之盛事已覩賢者之高標乃本官以新進鼎元抗章權

相力爭奪情之謬遂堅拂神之高蓋所砥礪者在綱常名

教之大而所難處者又在師生朋友之間雖累疏累抑而

賜誠堂文集卷五

七

一往莫返至今讀其議論侃侃鑿鑿猶覺忠孝至情勃然

而不可掩抑也已故翰林院修撰贈諭德焦竑賦姿忠亮

秉德端方文章起八代之衰名追韓柳學問自六經而鑄

統接闕濂載筆編纂擅三長之譽橫經啟沃必五代之陳

至其觸筆成文著書充棟雜林襲為琬琰鳳閣貯其丹青

無非後覺之資足配先儒之席蓋立德立言並著卓然

理學之宗也察會典凡文臣應得謚者備察本官生平履

歷必其節概為朝野具瞻公論允服者具請上裁又一款

凡官品未高而侍從有勞特恩賜謚者不拘常例今沈懋

學焦竑俱以鼎元侍從文學節義當時誦之奕世傳之可

謂輿評允服久而論定者察得成化十一年大學士李賢

奪情修撰羅倫疏爭被謫嘉靖初追謚文毅正德中修撰舒芬以節學顯萬厯初追謚文節其事正與二臣相合易名之典似難獨遺沈懋學抗爭奪情風節矯矯謹繹神祖所賜謹言行明義理六字擬謚文節或文端焦茲著書明道有功後學擬謚文懿或文敏伏候聖裁至或念其生平廕其後嗣則出皇上特恩非臣部所敢擅擬也為此具本

議謚張宗伯疏

題為先臣勞深講帷品著廉恬謹遵詔仰懇恩賜易名以闡幽光以信明旨事祠祭清吏司案呈奉本部送准禮科抄出戶部雲南司主事張永禧奏前事奉聖旨張邦紀績

賜謚文集卷五

八

深啟沃幽光宜闡易名之典該部議覆欽此欽遵抄出到部送司案呈到部該臣部看得已故禮部右侍郎贈禮部尚書張邦紀性剛氣和學沈操瑩奮鵬溟於早歲步虎觀於明時秘閣詞頭煥出一天黼藻橋門胄監育成大地菁莪納誨旃帷功深養正掄才鎖院士罔留長久蒙神祖之鑒知更荷光皇之恩賚值逆璫燄發遂邁軸長棲人方懼緡繳之加彼獨樂彩衣之適如本官者固忠貞自矢寵辱不驚者矣察會典凡勞深侍從行業俱優公論允服毫無瑕疵者許予謚本官守已無玷居官有勞正與例合近奉明旨凡請謚俱發單諮訪今本官奉有績深啟沃幽光宜闡之旨則皇上業已洞鑒其品行無須復採於廷評謹擬

謚文懿伏候聖裁為此具覆請旨施行

議子陸世科等祭葬疏

題為臣父忠勤濟國才節超時敬遵聖詔循例陳情懇天賜卹以實聖恩以責幽魂事祠祭清吏司案呈奉本部送准禮科抄出原任南京大理寺卿進階一級陸世科男生員陸字燿奏前事奉聖旨陸世科應得卹典該部察例具覆欽此又原任太常寺卿羅尙忠子生員羅夢旗奏為先臣忠瘁隕身遺孤久淹叩闕懇天恩賜照例旌忠全給卹典事奉聖旨該部察例具覆欽此又原任光祿寺卿史弼男生員史魯奏為舊典宜膺新恩復布謹據例陳情以昭初命以勸臣勞事奉聖旨該部知道欽此又原任浙江督

賜謚文集卷五

九

糧道副使加陞一級蔣如奇男國學生蔣允敬呈為先臣儻連極勞中途病故極慘幸叨前旨再遇新綸謹循例懇恩題卹以普皇仁以錄臣勞事據稱父如奇力疾償漕報竣身故舟中當經總漕今督師輔臣史可法等會題請卹奉先帝聖旨該部知道欽此欽遵各送司案呈到部該臣等看得王臣許國不敢言勞聖主施恩彌隆卹死祭已故大理寺卿進階一級陸世科花縣蜚聲柏臺著績折獄播神明之頌持廉矢冰蘖之操巡視鹽法節省至三十萬有奇晉擢理卿榮壽踰八十齡而上身名俱泰朝野同稱已故太常寺卿羅尙忠鳴琴粹品補袞長才掖垣推起草之能卿月著遊蘭之譽糾逆璫則幾摧北寺籌邊事則克保

東陞正論昌言皆發人之所未發剛腸浩氣獨行吾之所欲行尋以奉詔隕身迄今請卹未渥已故光祿寺卿史弼起家邑令歷任臺卿賑飢繪鄭俠之圖停鑿幣貫休之案入京營而積弛具舉巡同寺而敵患預防當京貫朋謀幾入同文之獄比膺滂訂簿遂懸神武之冠卽其出處之貞已定生平之品已故督糧道副使加陞一級蔣如奇筮仕版曹洊陞憲副釐倉弊則京儲已裕請黔鹽而軍餉以充密檢曹濮之盜魁計斬臨藍之積寇催漕兼白適當七省荒旱之時僭運濟軍更值敵騎縱橫之日跋風涉雨精盡血枯糧事方完勞軀已隕察會典一款凡二品官祭二壇凡三品官曾經考滿者祭一壇全葬未經考滿者祭一壇

賜誠堂文集卷五

十

減半造葬又一款凡以死勤事者卹典取自上裁今陸世科以理卿加一級應照例子祭二壇全葬羅尙忠史弼俱京官三品應照例子祭一壇全葬蔣如奇外官三品又以死勤事應照例祭一壇請特恩予全葬其贈廕除陸世科已奉恩旨外餘聽吏部酌覆臣部未敢擅便爲此具本謹題請旨

路振飛母袁氏祭葬疏

題爲微臣積勞可念苦情堪憐謹援例祈恩懇望聖明軫卹事祠祭清吏司案呈奉本部送准禮科抄出原任總督漕運提督軍務巡撫鳳陽等處地方兼理海防都察院右僉都御史加陞二級今丁憂臣路振飛奏前事等因奉聖

旨禮部議奏欽此欽遵抄出到部送司案呈到部該臣等看得朝廷優禮臣僚祭葬得逮其父母所以卹子情而推恩也乃有青年矢節皓首完操一身而兼慈孝之全女子而備丈夫之德如路振飛之母封太孺人袁氏者卽非子貴國家猶不惜旌之棹楔錫之表章況其子爲大臣履著勲績而斬一異數之加乎察會典凡三品四品京官其父母曾授五品封者准給祭葬今振飛母袁氏雖止受七品封而近以登極覃恩例得受三品封覃恩之旨已在五月十五日袁氏物故在六月二十九日則袁氏生前已拜恩命合無照例與祭一壇減半造葬不特將母之忱得慰并相舟之節可風矣臣部不敢擅便謹具本請旨

賜誠堂文集卷五

十一

賜誠堂文集卷五

賜誠堂文集卷六

明禮部右侍郎兼翰林院侍讀學士管紹寧撰

八世孫繩萊重編校

奏疏

謚開國諸功臣疏

題為臣疏久稽未結乞皇上敕下禮部速賜題覆以信先皇前旨以昭皇上明綸事祠祭清吏司案呈奉本部送准禮科抄出工科都給事中李清題前事等因本年七月十一日奉聖旨該部速與題覆欽此欽遵先是崇禎十一年九月十八日本官題為昭代有未表之三案乞敕部速議早定謚典事二十二日奉先帝聖旨該部并與酌覆欽此

賜誠堂文集卷六

一

欽遵抄出到部送司奉此案呈到部該臣等看得科臣李清之以開國諸臣請也誠見聖祖開天未遑備敬故於謚多缺然往往備於武而缺於文又往往備於初年而缺於末季如劉基宋濂等兩文臣至正德方謚又如傅友德馮勝兩武臣卒於二十七八年間而今方謚者也然當年所遺實不止此或心血殫於寸籌如陶安章溢等則宜照基濂例或體瘡裹於百戰如廖永忠王弼等則宜照友德與勝例一時文武諸臣著旂常而芬史冊者爛然大備矣然尤不能不為死忠諸臣感當高皇之祀忠臣於南昌也以十四人計惟萬思誠徐明張德山夏茂成有贈無謚耳若李繼先之謚忠勇劉齊之謚莊毅許珪之謚景襄趙國旺

之謚莊節朱潛之謚威悼程國勝之謚忠愍葉琛之謚貞肅牛海龍之謚壯穆趙天麟之謚襄烈與張子明之仍謚忠節也皆贈官於甲辰而子謚於洪武十一載止因中書省臣相繼獲重罪文書一切報罷故褒功之典雖經進御而未及頒行南昌廟中遂有止知其原贈而不知其後之加贈與賜謚者矣故臣部特揭而出之以昭告海內若康郎山所祀忠臣計三十五人間當年亦皆賜謚然以省中文書既毀無從詳核而臣部止以姓名彪炳首冠廟祀之丁普郎韓成與桑世傑丁德興諸臣並請亦甯嚴無濫意也敬遵旨擬謚於後

應謚開國經濟文臣三人

賜誠堂文集卷六

二

陶安南直當塗人翰林學士江西行省叅知政事擬謚

文憲一擬文恪已贈

章溢浙江龍泉人御史中丞擬謚莊敏一擬忠敬未贈

解縉江西吉水人左春坊大學士擬謚文毅一擬文敏

未贈

應謚開國直諫名臣一人

葉居昇浙江寧海人訓導擬謚忠愍一擬貞定未贈

應謚開國理學文臣一人

桂彥良浙江慈谿人太子正字擬謚敬裕一擬端文未

贈

應謚開國功臣五人

馮國用南直定遠人追封郢國公擬謚武翼一擬武恭

已贈

丁德興南直定遠人追封濟國公擬謚武襄一擬武翼

已贈

廖永忠南直巢縣人封德慶侯擬謚武勇一擬武愍未

贈

王弼南直定遠人封定遠侯擬謚武威一擬威靖未贈

耿炳文南直濠州人封長興侯擬謚武愍一擬武莊未

贈

擬謚開國歸附武臣一人

何真廣東東莞人封東莞伯擬謚恭靖一擬襄翼未贈

賜謚文集卷六

三

應謚開國史學文臣一人

詹同南直徽州人翰林學士承旨擬謚文憲一擬獻敏

未贈

應謚開國徇節文臣四人

孫炎南直句容人處州總制擬謚忠愍一擬文愍已贈

胡深浙江龍泉人處州總制擬謚襄節一擬昭愍已贈

王愷南直當塗人左司郎中擬謚莊愍一擬莊節已贈

許瑗江西樂平人太平知府擬謚惠節一擬獻愍已贈

應謚開國徇節武臣七人

桑世傑南直無為人追贈承義侯擬謚忠烈一擬武烈

已贈

俞廷玉南直巢縣人追贈河間郡公擬謚武烈一擬忠

愍已贈

汪興祖南直巢縣人封東勝侯擬謚武愍一擬武壯未

贈

茅成南直和州人追封東海郡公擬謚武烈一擬忠悼

已贈

丁普郎湖廣黃陂人樞密同知擬謚武節一擬壯節已

贈

韓成南直虹縣人都指揮使擬謚忠壯一擬壯節已贈

花雲南直懷遠人太平院判擬謚忠毅一擬忠威已贈

應謚開國清節文臣二人

賜謚文集卷六

四

劉崧江西太和人祭酒擬謚恭介一擬端翼未贈

唐鐸南直鳳陽人兵部尚書太子少保擬謚敬安一擬

恭質未贈

以上二十五臣皆勲節炳蔚亟宜與謚者而臣尤不能
不為疏中之李善長言也善長給足軍食比之於蕭何
不過當時已見之券文矣嗣後身罹黨禍以星變繼先
臣解縉曾代王國用草疏訟冤高皇帝自鄭曉列之名
臣記王世貞請首加贈謚其他茅坤高岱顧起元輩縷
縷致惋不一而足但既非令終宜加詳核臣謂贈王贈
侯之恩雖難過遷而易名之典尙當徐酌似宜救下部
院九卿科道從公集議別其功罪之大小而還其原封

子以中謚亦二百餘年盛舉矣至已謚諸臣例俱有贈文臣應用文例如以待郎贈尚書以尚書加贈宮保之類武臣應用武例如伯贈侯侯贈公之類統乞救下吏部一體遵奉施行九月十九日奉聖旨這開國功臣陶安等准都與謚俱用正擬李善長事該部再集議具奏諸臣應贈職銜吏部酌覆

謚三朝忠節諸臣疏

題為臣疏久稽未結乞皇上敕下禮部速賜題覆以信先皇前旨以昭皇上明綸事祠祭清吏司案呈奉本部送准禮科抄出工科都給事中李清題前事等因本年七月十一日奉聖旨該部速與題覆欽此先是崇禎十一年九月

賜謚文集卷六

五

十八日本官題為昭代有未表之三案乞敕部速議早定謚典事二十二日奉先帝聖旨該部并與酌覆欽此欽遵抄出到部送司奉此案呈到部該臣等看得自古人臣之以忠節著也方受禍之時桁楊擄掠備受楚毒見者聞者罔不悽惻迨夫事久論定公道大明不惟生者超擢死者優恤而易名之典後雖不過一字之褒而榮名耀於一時芳聲垂於千古顧不臆歟科臣李清之以慘死諸臣請謚蓋為是也察正德年言官蔣欽等凡數十人諫武皇南幸下詔獄死至嘉靖初或子祭廕或加陞贈皆未及易名此詔款所謂廕謚未全者也又嘉靖年之沈鍊天啟年之楊漣等皆首觸逆讎誣死詔獄崇禎初楊漣等四人子謚餘

則先子贈而謚尙有待也同事異錄豈非缺典乎若此數臣者或逆鱗於前代而碎首幾同磨滂或撩鬚於近朝而臥屍有同喬固心貞金石氣作山河用是細核生平擬謚上請以此風往勸來庶死骨既收棧驥胥奮矣伏候聖裁

計開

南京御史蔣欽	南直常熟人	擬謚忠烈	一	擬忠愍
兵部主事陸震	浙江蘭溪人	擬謚忠定	一	擬貞愍
行 人孟陽	山西澤州人	擬謚忠定	一	擬恭介
工部主事何遵	南京欽天籍	擬謚忠節	一	擬肅愍
行 人李紹賢	南直盱眙人	擬謚忠端	一	擬忠翼
行 人俞廷瓚	江西鄱陽人	擬謚忠愍	一	擬貞毅
刑部主事劉較	河南鄆城人	擬謚孝毅	一	擬貞端
評 事林公黼	福建長樂人	擬謚貞恪	一	擬節愍
行 人詹寅	福建泉州人	擬謚忠憲	一	擬毅愍
行 人李翰臣	山東大同人	擬謚忠毅	一	擬忠愍
行 人詹軾	江西玉山人	擬謚忠潔	一	擬毅愍
行 人劉平甫	湖廣安陸人	擬謚忠質	一	擬貞愍
給事 中周璽	南直合肥人	擬謚忠愍	一	擬端毅
京衛指揮張英		擬謚忠壯	一	擬烈愍
錦衣衛經歷沈鍊	浙江 人	擬謚貞肅	一	擬忠壯
左春坊左諭德 繆昌期	南直江陰人	擬謚文貞	一	擬文毅
工部郎中萬燦	江西南昌人	擬謚忠貞	一	擬貞毅

賜謚文集卷六

六

左僉都史左光斗 南直桐城人擬謚忠毅一擬肅愍
御 史李應昇 南直江陰人擬謚忠毅一擬肅愍
御 史黃尊素 浙江餘姚人擬謚忠端一擬毅愍
御 史周宗建 南直吳江人擬謚忠毅一擬貞毅
應天巡撫周起元 福建海澄人擬謚忠惠一擬忠毅
給事 中周朝瑞 山東臨清人擬謚忠毅一擬貞毅
御 史袁化中 山東武定人擬謚忠愍一擬毅愍
副 使顧大章 南直常熟人擬謚裕愍一擬毅愍
以上二十五臣雖事分兩朝而忠同一轍既荷世廟思
廟首加褒贈則第予之以謚而兩字之榮千秋之芬矣
統候聖俞遵行九月十九日奉聖旨蔣欽等二十五臣

賜謚堂文集卷六

七

准照正擬予謚

脩國史實錄玉牒疏

題爲中興有象文獻無徵請脩正史以存本朝完書事儀
制清吏司案呈該臣部准禮科鈔出太子太師吏部尙書
兼文淵閣大學士高宏圖題前事等因奉聖旨北畿史成
淪沒今日開館脩史國之大務閣中卽議纂史等官畢備
務搜羅羣籍犁然成一代典冊該衙門知道欽此又一本
爲請脩先帝實錄以集遺徵事奉聖旨先帝十七年苦心
仁政臣民素有見聞邸報章奏海內必多流布實錄自當
及時纂脩其間開局設官搜羅等事宜卿等酌議來行羅
萬象等卽令詢訪故實事竣各付史館以資採擇該衙門

知道欽此又一本爲請旨纂脩玉牒事奉聖旨玉牒大典
攸關纂脩洵不可緩其開局設官一切事宜卿等卽會同
禮部酌議來行欽此欽遵鈔出到部送司案呈到部該臣
等看得古者君舉必書自來帝王莫不有一代之史著爲
令典垂之無窮故春秋著於魯文兩漢成於遷固非獨表
本朝之文獻抑亦爲萬世之勸懲況我國家二祖開天歷
聖踵美大勲至德越五超三倘蘭臺無紀實之書冊府有
失傳之嘆亦何以彰祖宗之盛而垂後世之法乎至先皇
帝憂勤十七年盛美不能殫述銅駝荆棘典籍煙銷使不
及時詮次將來湮落何已而玉牒爲天潢之攸敘本支百
世於是乎存今桐封二十四國強半旄邱則夫沿波而討

賜謚堂文集卷六

八

源因枝而振葉亦非可緩圖者矣輔臣宏圖懼典文之淪
廢傷不億之遷流請開局設官蒐羅編次永垂憲則誠中
興之至美帝者之宏基也雖時芳草味經費爲艱然失今
不圖後將焉考昔元帝當江左枳隍之時猶能命王隱脩
晉史況我皇上秉睿姿而履昌運道未墜地之時哉相應
刻期舉行以成一代之典所有合行事宜謹條例於後恭
候聖裁

計開

一輯遺文以資採擇古者郡國計書先上太史副上丞
相故史館編記稽考爲詳今金匱石室之藏既歸灰
燼通紀從信之刻又悉鄙俚非廣採遺編旁求乘志

安能遂其博物集彼大成乞移文省直懸金購求官民之家有藏必獻其永樂大典史成等書有以抄本進呈者立予一官庶名山悉出完書可成矣伏候聖裁

一求史才以襄撰述朱敬則有言不遇良史之才則大典無繇而就蓋史職必兼三長不獨才華之斐煜也然天下之大豈遂絕夫荀劉而良直之求必先破夫資格今詞臣雖多名俊史學不厭旁搜考國朝纂脩凡內外各衙門以及舉貢生監無不羅致況今國史實錄玉牒一時并脩需人更急伏乞敕下閣臣將各衙門之實具史學堪任著作者悉置史館而諸生中

賜誠堂文集卷六

九

有文學才識足備揚摧較讐之選者亦薦入之據臣所知如給事中陳子龍吏部主事余颺夏允彝禮部主事張采兵部主事吳國龍陳震生中書宋徵璧皆博通今古正直不阿堪任史職舉人楊廷樞徐孚遠端行實學名噪海內武進生員張以謙久在臣塾深知其至性忠孝綽有史才丹徒副榜廩生徐學古博學多聞下筆淵古皆堪參訂史事用襄大典者陳子龍等或敕閣臣酌用楊廷樞等或暫召編摩仍許會試張以謙等或令充貢廷試入館協脩仍許鄉試伏候聖裁

一分職任以專責成一代之史卷帙浩繁隻手既難獨

成盈廷亦滋築舍必明立科條各司一則或任編年或職紀傳或專討論或典校讐或志河渠或考律歷課業既分則人思自勉勤惰莫掩則功可立成此銓配之宜均者也伏候聖裁

一立總裁以一指歸衆力易就然見錯則詞不馴獨爲難成然志專則體不雜蓋昭回萬世無取一家之詞而綱領羣言必資獨斷之識相應特簡閣臣專主其事以部詹副之書雖成於衆手旨實定於一人此主持之宜定者也伏候聖裁

一黜野史以疏紕繆衆喙爭鳴百家競勝人非公正或挾卻而多誣身未軒墀或輕聽而多舛乞救史臣一以實錄爲根據而餘止旁叅一切叢談野記概置不錄伏候聖裁

賜誠堂文集卷六

十

一捐忌諱以昭信史董狐以無隱稱良吳兢以不阿名直護非飾美豈聖世之樂聞往見革除紀載輪款而美其知義抗節而誣其乞哀若工彌縫實累盛德乞救史臣一切據事直書用垂不朽伏候聖裁

一亟諮訪以清譜牒朱邱繁椒各有世系流離瓊尾散落已多尙稽核稍遲將湮滅益甚乞敕在南諸藩盡將玉冊造送而秦晉之流寓者亦各據所知報聞精心搜集殫力經營卽名封爵里不能詳攷無遺而公族王孫弗至飄零盡散伏候聖裁

一補實錄以正名實惠宗遜國以前事紀建文年編洪武徵文晦義讀者疑之名實之爽莫大乎是既蒙我皇上追復謚號寰宇快心乞敕史臣先將建文實錄編次進呈昭萬世之至公絕齊東之橫議伏候聖旨

一設監脩以光大典舊制纂脩史錄例設勳臣一員監脩纂脩玉牒則駙馬掌宗人府印董之今大典肆興俱應遵照舊制伏候聖裁

一設經費以濟館需揮鉛奮槩員役既繁給札授餐費用不少苟非先時措辦未免襟肘貽憂乞敕該衙門議將某項錢糧給史館纂脩之用庶羣策畢舉而告成有期伏候聖裁

賜誠堂文集卷六

十一

以上計十款皆臣一時臆見實未盡史事要領容開局有期再為商略補牘上奏先此具本恭候敕旨施行九月二十六日奉聖旨國史玉牒皆係大典這所奏俱依擬行內脩史官員仍著多選老成正直博學多才之人奏來以憑總裁閣臣臨期酌用

徇難勳臣顧肇迹等祭葬贈廕疏

題為勳臣徇難可愍詔旨褒卹屢申懇祈聖明敕部議卹以慰忠魂以勵臣節事祠祭清吏司案呈奉本部送准禮科抄出總督京營戎政少保兼太子太保忻城伯趙之龍題前事等因到部奉聖旨據卿奏死難勳臣懷烈之風足以振俗着該部速議卹典以光來世欽此欽遵抄出到

部送司案呈到部該臣部看得勳臣世受國恩誼同休戚徇難固其本分乃當三光慘黑之時而能銜鬚就義齒劍如飴我祖宗培植深仁庶幾無負乎特旌已往之忠魂使幽光一闡正鼓將來之士氣俾義勇奮揚察會典凡公侯承襲病故者祭二壇若管府事有功蹟加太子太保以上及守備南京者俱祭十六壇又一款凡以死勤事若抗節不屈身死綱常者卹典取自上裁凡伯爵承襲病故者祭二壇若管事有功蹟加太子太保以上者祭十五壇凡以死勤事若抗節不屈身死綱常者卹典取自上裁除惠安伯張慶臻已行卹謚外若太傅鎮遠侯顧肇迹憤疾護駕九死不回骸骨無瘞哭臨無子最為慘厲若太子太師彰

賜誠堂文集卷六

十二

武伯楊崇猷太保陽武侯薛濂太子太保永康侯徐錫登太子太師武定侯郭培民太子太保西寧侯宋裕德太子太傅定遠侯鄧文明少傅宣城伯衛時春皆城陷之日從容就義所當照本等祭十六壇外再請特恩加祭二壇仍與贈廕者也左柱國太傅成國公朱純臣太子太傅懷寧侯孫惟藩太子太師清平伯吳遵周皆被賊拘繫慘酷隕身亦當照本等祭十六壇量請贈廕者也新建伯王先通安鄉伯張光燦亦並從容就義所當照伯爵祭十五壇全葬再請贈廕者也南和伯應襲右都督方履泰罵賊而死應照都督例祭六壇全葬再請特恩加祭二壇併與贈廕襄城勳衛錦衣千戶李國祿亦並身死綱常或請特恩祭

一壇減半造葬量與贈廕此十五臣者河山帶礪既能不
墜其先猷天寵懋加益將大振其生氣並一體建祠致祭
至其易名之典容臣發單咨訪分別奏請爲此具覆伏候
聖裁於崇禎十七年十月十五日奉聖旨顧肇迹十五臣
以死國難不負世勛俱依擬分別給與祭葬贈廕一體建
祠致祭該衙門知道

賜誠堂文集卷六

賜誠堂文集卷六

三

賜誠堂文集卷七

明禮部右侍郎兼翰林院侍讀學士管紹寧撰

八世孫繩萊重編校

奏疏

復代廟太后尊號惠廟太子等謚疏

題爲兩朝之廟號既復謹遵典禮明備之旨乞皇上補所
未備以光大典事祠祭清吏司案呈奉本部送准禮科鈔
出工科都給事中李清題前事等因本年十月初十日奉
聖旨這所奏關係大典禮部詳議具奏欽此欽遵鈔出到
部送司奉此案呈到部該臣等看得我皇上之復惠代二
廟尊謚也言之於數世似爲因仍行之於今日實爲特舉

賜誠堂文集卷七

十

誠盛德事矣但未有子爲帝母爲妃亦未有父兄爲帝而
子弟或爲郡王或爲庶人女又爲郡主者且皇上於靖難
諸臣尙嘉其義槩錫之嘉名而致使棠非他種荆本一枝
者猶嗟向隅此科臣李清所以續請也吳賢妃係代廟生
母應復皇太后舊號仍照列聖謚請生母例上尊號曰孝
翼溫惠淑愼慈仁匡天錫聖皇太后皇太子文奎係惠廟
嫡嗣應謚曰恭愍皇太子允燿允燿允燿俱孝康之子惠
廟之弟允燿仍復吳王爲擬其謚曰悼允燿仍復衡王爲
擬其謚曰愍允燿先奉成廟特恩已謚哀簡但親王以一
字謚而郡王以二字謚此我朝例似應仍復徐王去簡而
存哀者也文圭先禁大內繼奉英廟特旨釋居鳳陽恩禮

尤厚合追封原王爲擬其謚曰懷若江都宜都等四郡主
俱應復公主號耿璿則尙江都主於禮則尙宜都主見之
實錄者俱應稱駙馬都尉所云典禮明備至此始明備矣
因奉有關係大典禮部詳議具奏之旨故臣部不敢不詳
尤不敢不速所以仰遵明綸也伏候聖明俞允臣部遵依
頒行於崇禎十七年十月二十日奉聖旨這典禮既議妥
吳太后仍加尊號文奎等謚號俱依擬頒行

合祀天地神祇疏

題爲郊祀迄無成議奉行靡所適從敢詳酌時宜以憑睿
鑒事祠祭清吏司案呈奉本部准禮科抄出南京太常寺
署寺事少卿臣沈允培題前事等因奉聖旨這合祀禮定

賜諡聖文集卷七

二

自高皇實爲妥確禮部卽行覆奏殿工應脩樂舞應備的
該衙門俱卽議奏欽此欽遵抄出到部送司案呈到部該
臣等看得郊祀大典臣已於本月二十五日恭進大報祀
冊同百官行禮訖仰見我皇上敬慎明禮反復必求諸當
臣方夙夜稟承而中心切有未盡者政擬草疏具請寺臣
沈允培所奏適有同心敢再舉南北分合祀之因以贊今
日聖明作述之典伏按洪武十年春且郊高皇帝感齋居
陰雨覽京房災異對喟然興嘆採古明堂制卽圓丘舊壇
作大祀殿定每歲止一祀以首春三陽時正月上辛天子
親行祀禮十二年殿工成正月己卯合祀天地於大祀殿
從祀日月星辰嶽鎮海瀆風雲雷雨山川太歲天下神祇

歷代帝王共爲壇二十有四大臣分獻禮成上作大祀文
并歌九章已罷朝日夕月祭星之祭并諸從祀者歲八月
合祭於其壇廟嗣後時和年豐詔書中言合祀天地神乃
懼中書下翰林院儒臣記焉此高皇帝合祀之意也列聖
因而弗改迨肅皇帝嘉靖元年用給事中夏言議主周禮
六司樂冬日至地上圓丘之制則曰禮天神夏日至澤中
方丘之制則曰禮地祇圓丘禮天方丘禮地則天地分祀
廷臣爭不得於是作圓丘於郊南稍北爲皇穹宇以大明
夜明列曜風雲雷雨從與享作方丘於郊北稍南爲皇祇
室以五嶽五鎮四海四瀆若陵寢諸山從與享春秋分朝
日夕月如國初時此肅皇帝分祀之意也後維萬曆二年

賜諡聖文集卷七

三

從閣臣張居正疏暫復合祀餘皆分祀因而弗改然議者
以周正建子冬至乃歲首故祀天爲順若國朝用夏正而
祀地先於祀天則地先天食禮序未洽今皇上中興適高
皇帝定鼎之地旣作新舊邦是應通繩初武若於宏光元
年正月上辛皇上親詣南郊肅將大禮則是改元之初開
泰之日法祖敬天誠孝畢達且御祝致辭於宏光新號尤
臻嘉祉若冬至舉行勢必遺官代祀將祝辭年月仍列崇
禎雖無改之情益隆而肇始之義未稱若明年夏至舉皇
地祇祀將仍詣南郊旣失分祀禮意將移祀北郊而南京
自合祀已來其國初所建方丘在鍾山之陰者久已廢圯
便當營立位兆工費滋興臣愚伏惟祀冊雖已報行乞仍

依前旨明年正月合祀則於高皇帝爲繼述於皇上初元爲吉祥於國家工用爲節省臣官守所係近同太常寺臣沈允培恭閱南郊大祀殿規模煥煥楹楹鞏嚴切謂此皆高皇帝對越護呵得爾靈長奕奕若敕工臣將前簷及兩門兩廡併二十四壇及時脩葺便可屆期展禮其餘將作浩繁愚臣媚茲微悃切又謂四郊多壘亦當警蹕戒嚴姑道官省牲皇上在宮中齋宿至日質明行禮則齋宮等處便可次第經營又按舊制合祀禮每歲十一月十五日臣部恭進祀冊今九月二十五日祀冊已奏應否再舉併乞敕下恪遵其脩殿工飭樂舞備袍服俱應該衙門卽爲辦理毋致臨期有悞事關鉅典臣部不敢擅便恭候聖裁

賜議聖文集卷七

四

施行於崇禎十七年十月二十二日奉聖旨郊祀大典准於宏光元年正月上辛遵祖制行合禮今年冬至祀典不必行祀殿應脩理的工部酌議具奏

補卹殉難衛景瑗等謚祭葬廢疏

題爲謹遵屢旨補覆殉難忠魂事祠祭清吏司案呈奉本部准禮科抄出署吏部尚書顧錫疇爲殉難之節等事奉聖旨仗節死義范景文等十人應得謚廕祠卹着禮部從優議敘有遺漏的察實補敘欽此欽遵抄出到部送司案呈到部該臣看得殺身取義人臣之大經卹死勸生帝王之大德北都之變諸臣慷慨殉節已蒙皇上允臣所請將范景文等二十一人盡予贈謚祭葬乃猶恐恩卹或有未

遍惓惓以補察遺漏再三申命臣每一踞讀未嘗不感誦皇上恤忠之仁如此其至也臣待罪禮員敢不仰體鴻慈周諮請卹然以聞見未的懼開浮濫謹將諸臣之奏請子孫之陳乞已經奉旨確有實據者臚名上請伏候聖裁計開應全卹請謚五人

一巡撫大同副都御史衛景瑗城陷被執脅降不從賊怒磔之至死罵不絕口察會典三品病故者祭一壇今應照抗節不屈身死綱常例請特恩加祭一壇全葬建祠贈廕擬謚忠毅一擬忠壯

一巡撫宣府僉都御史朱之馮城陷被執罵賊不屈支解而死察會典四品祭一壇今應照抗節不屈身死

賜議聖文集卷七

五

綱常例請特恩加祭一壇全葬建祠贈廕擬謚忠壯或忠貞

一太子太師新樂侯劉文炳城陷日盡驅家屬於樓縱火自焚死察會典公侯祭二壇有勲勞加太子太保以上者祭十六壇今應照身死綱常例請特恩加祭一壇有司造葬建祠致祭贈廕擬謚忠壯或忠肅
一左都督劉文燿與兄文炳同自焚死察會典左右都督病故者祭六壇今應照身死綱常例請特恩加祭一壇全葬與兄同祠致祭贈廕擬謚忠果或貞毅
一提督三關總兵周遇吉屢敗賊兵城陷闔家自焚死察會典左右都督至僉事病故者祭六壇今應照身

死綱常例請特恩加祭一壇全葬建祠贈廕擬謚忠武或忠桓

計開應全卹候諮訪請謚十八人

一戶部郎中徐有聲罵賊支解死科臣陸朗具題奉聖旨徐有聲罵賊支解徇義最烈該部從優旌卹欽此照會典抗節不屈身死綱常例應請特恩祭一壇減半造葬仍予贈廕

一兵科給事中顧鉉城陷自刎未絕復被執毒拷罵賊死科臣李維樾疏題奉聖旨禮部覈奏欽此照抗節不屈身死綱常例應請特恩祭一壇減半造葬仍予贈廕

賜諡聖文集卷七

六

一工科給事中彭瑄脅降不從自刎死同前疏奉旨應照抗節不屈身死綱常例請特恩祭一壇減半造葬仍予贈廕

一貴州道御史俞志虞城陷徇節浙江按臣左光先題請奉聖旨這徇節與從逆諸臣着禮部與法司看議具奏欽此照抗節不屈身死綱常例應請特恩祭一壇減半造葬仍予贈廕

一巡撫保定兵部侍郎兼僉都御史徐標初守眞定斬賊使碎偽牌爲叛將所害輔臣馬士英等題覆奉聖旨徐標忠憤隕身着禮部從優議卹欽此察會典三品官考滿者祭一壇全葬今應照身死封疆例請特

恩加祭一壇仍予贈廕

一大名道副使朱廷煥先碎賊偽牌固守援絕城陷罵賊死伊弟單縣生員朱廷炳奏請奉聖旨該部知道欽此四品文官應祭一壇今應照身死封疆例請特恩加祭一壇半葬贈廕

一長洲縣學生員許炎嘗割股救母以孝聞初聆國變日夜號泣賦詩自縊者三親朋環守得免哀詔到遂卻粒不食嘔血數升吐舌寸餘而死觀政進士王曰俞疏題奉聖旨許炎以諸生憤死足愧逃降諸臣禮部覈奏欽此應照身死綱常例請特恩祭一壇半葬量贈清華一官卹錄其後

賜諡聖文集卷七

七

一布衣湯文瓊城陷自盡衣帶中有位非文丞相之位心存文丞相之心二語科臣熊汝霖疏題奉聖旨湯文瓊布衣死難衣帶中二語烈烈可傳着核實旌表欽此應照身死綱常例請特恩祭一壇半葬量贈清華一官卹錄其後

以上八臣俱國變死節

一瀘州知州蘇瓊城陷日猶率吏目趙階升等巷戰力盡被執罵賊不屈刃透於胸而死妻舒氏聞訃卽自刎闔家遇害已經四川按臣劉之勃疏題奉先帝聖旨這奏蘇瓊夫婦徇難深可軫念及趙階升吳應選等通着作速從優議卹欽此照危城固守身死封疆

例應請特恩祭一壇半葬仍予贈廕其妻舒氏除應得贈外仍建坊旌表趙階升吳應選等或量贈一官卹錄其後

以上係四川死節

一翰林院簡討馬剛中以鄉官力守孤城城陷罵賊不屈支解死已經該撫臣高名衡具題奉先帝議奏之旨伊妻孺人楊氏復疏請奉聖旨該部卽與察覆欽此照抗節不屈身死綱常例應請特恩祭一壇半葬贈廕

一南陽知府邱懋素孤城援絕罵賊不屈闔室被害已經該撫臣高名衡題敘伊兄徐聞縣知縣邱懋樸復

賜誠堂文集卷七

八

疏請奉聖旨禮部覈確議卹欽此察會典文官四品本身祭一壇今照身死封疆例應請特恩加祭一壇半葬贈廕

一兵部主事余爵監左鎮軍率兵援汴力戰被執罵賊死姪余敦華亦同遇害該按臣陳潛夫具題奉聖旨余爵以討賊捐軀義奮可嘉着禮部察卹欽此照身死封疆例應請特恩祭一壇半葬贈廕姪敦華量卹以上三臣俱河南死節

一山西糧道副使蘭剛中城陷罵賊死臺臣朱國昌具題奉聖旨據奏蘭剛中死難節烈着卽確覈從優議卹該部知道欽此察會典文官四品本身祭一壇今

應照身死封疆例請特恩加祭一壇半葬贈廕

以上係山西死節

一亳州知州何燮城陷不屈爲賊磔死伊子生員何知清疏請奉聖旨該部細察欽此照危城固守身死封疆例應請特恩祭一壇半葬贈卹

以上係鳳陽死節

一兵部主事劉大年以奉使還朝遇敵濟南登陣死守城陷罵賊死已經先帝賜贈光祿寺少卿廕一子入監今伊子劉邦宋復疏請祭葬祠謚奉聖旨該部知道欽此照身死綱常例應補祭一壇減半造葬

賜誠堂文集卷七

九

一南京戶科給事中張焜芳奉命趨朝遇敵臨清抗節不屈死妻金氏并妾瑞氏同徇先帝朝已經該督撫具題奉有張焜芳罵賊不屈妻妾同徇節烈可嘉察明奏卹之旨本官以趨召之身義可以不死而慷慨身隕家亡尤孤忠獨烈者矣今應照身死綱常例補祭一壇半葬仍予贈廕其妻金氏除本等贈卹外仍建坊旌表妾瑞氏量贈孺人并附旌

一河閒兵備僉事趙珽城破不屈被殺全家十四口皆同徇難先帝朝已經該撫按具題奉旨在部今應照身死綱常例補祭一壇半葬贈廕

一兵部主事成德父成文桂敵入懷柔文桂掘大窖屋下匿婦女其中而自處屋外女季白泣請父入窖文

桂曰諸婦在內我豈以顛沛失禮敵至罵賊死其女
季白暨德妾蕭氏童氏痛文桂之死一時縊死屍側
德妻劉氏幼女二人又以痛德被誣相隨縊死臺臣
王孫蕃具題奉聖旨成德闔門死難忠節凜然着與
全卹有司建祠該部知道欽此察會典文官三品雖
未考滿父母准與三品祭葬今文桂子德既以徇節
應贈官三品父母例得祭葬且又身死綱常應贈如
子官并祭葬其妻張氏子婦劉氏除應得賚贈祭葬
外仍建坊旌表女季白子妾蕭氏童氏俱附旌合祀
以上四臣俱國變死節

自敵寇交訖數年以來幾無完壤迺合楚豫晉蜀諸處仗

賜誠堂文集卷七

十

節死義者寥寥不數人何世風之日下也抑銜鬚嚼齒之
輩多湮落而不聞耶則夫節烈之久昭耳目之可據者風
勵殆不容緩矣除衛景瑗等五臣擬謚恭請外餘二十八
臣琅琅大節俱無愧易名因奉旨嚴重不敢遽請容發單
諮訪補奏仍乞許各臣子孫自具工價建祠致祭其幽芳
隱節臣疏未盡者并乞敕下所在官司採輯以聞庶節義
之風不至掃地旌別之典歷久彌彰矣爲此具本謹題請
旨於崇禎十七年十月二十八日奉聖旨這徇難各官忠
烈可嘉衛景瑗等五員俱依擬與他祭葬贈賚建祠謚用
正擬徐有聲等依擬分別祭葬贈賚何燮遵前旨免給該
衙門知道

補卹楚秦徇難許文岐等祭葬贈賚疏

題爲徇難之忠義堪憫事後之輿論最眞謹陳入境確聞
不習下司故套陸續入告仰祈聖鑒分別旌卹以昭風勵
事祠祭清吏司案呈奉本部送准禮科抄出吏部左侍郎
張捷題覆巡撫湖廣都察院右僉都御史何騰蛟奏前事
等因奉聖旨許文岐胡承熙等應得卹典卽與議奏欽此
又吏科都給事中章正宸題爲特表孤芳幽節懇恩議卹
以慰忠魂事等因奉聖旨該部察卹欽此欽遵抄出到部
送司案呈到部該臣等看得闖獻披猖秦楚相繼淪陷一
時抗節赴義實繁有人乃風鶴之餘國變踵告遂使化碧
幽魂或湮滅而不彰或具題而未覆泉臺有泪誰尋馬鬣
之封青冢無依莫辨棲鴉之樹撫臣何騰蛟科臣章正宸
所以憫其孤烈據所知入告而實不盡於此也謹列名上
聞

賜誠堂文集卷七

十一

計開

一督糧道叅政許文岐城陷被執不屈仍密約士民起
義謀泄遇害除吏部已經贈賚外察會典三品官未
考滿者祭一壇半葬今應照身死封疆例請特恩加
祭一壇造葬

一楚府長史徐學顏署武昌印城陷與賊格鬪斷其左
臂右手尚持刀不仆爲賊支解死闔室徇難二十餘
人除吏部已經贈賚外應照危城固守身死封疆例

請特恩祭一壇半葬并建祠

一嘉魚縣知縣王賈鑑罵賊不屈死除吏部已經贈廕外應照身死封疆例祭一壇半葬

一蒲圻縣知縣曾斌城陷不屈死除吏部贈廕外照身死封疆例應祭一壇半葬

一均州知州陞刑部員外胡承熙城陷同其子胡爾英不屈死除贈廕已經吏部題覆外應照身死封疆例祭一壇減半葬子爾英附祠致祭

一衡陽縣知縣張鵬翼被執脅降罵賊不屈縛沉中流死偏沅撫臣李乾德冊報應照身死封疆例祭一壇減半造葬仍予贈廕

一興都正留守沈壽崇屢立戰功被誣解職城陷冠帶罵賊死已經該撫臣何騰蛟題敘奉旨議覆伊兄知縣沈壽嶽復疏請奉聖旨沈壽崇徇難忠義可風着優卹具覆欽此察會典凡正副留守俱祭一壇今應照身死封疆例請特恩加祭一壇半葬仍予贈廕

一武昌府通判李毓英城陷全家自縊應照身死封疆例請特恩祭一壇半葬贈廕

一武昌衛經歷汪文熙巡檢戴良瑄并武昌僧會司僧官俱罵賊不屈腰斬已經該按臣題敘官秩雖卑亦同身死綱常之列相應量予贈卹以風節義

以上十臣俱湖廣死節

賜誠堂文集卷七

十一

一秦府左長史加四品服章尙綱城陷擲印井中赴秦府端禮門外自縊死除贈廕已經吏部題覆外應照抗節不屈身死綱常例於本等祭一壇外再請特恩祭一壇半葬

一商雒道副使黃世清城陷不屈死一家十三口俱被害除贈廕已經吏部具覆外應照抗節不屈身死綱常例於本等祭一壇外再請特恩加祭一壇半葬建祠

一渭南縣知縣楊暄城陷不屈死除贈廕已經吏部具覆外應照身死封疆例請特恩祭一壇半葬

一監軍道副使喬遷高富陣被殺除贈廕已經吏部具覆外應照身死封疆例於本等祭一壇外再請特恩加祭一壇半葬

一中部知縣朱新鏢先碎賊偽牌密令人上疏求援不及城陷妻妾子女一家俱自縊除贈廕已經吏部題覆外應照身死封疆例請特恩祭一壇半葬建祠

以上五臣係陝西死節

兩省死難共十五臣如果臣言不謬乞即賜分別優卹仍許自備工價建祠候諮訪請謚乃臣繕疏甫畢續接偏沅撫臣李乾德冊報死難諸臣自方面大僚以至諸生女流不下數十人臣批覽竟幅竊嘆國家忠義之氣猶瀾漫充塞而不盡即欲列名具題以人數太多不敢濫瀆谷臣再

賜誠堂文集卷七

十一

陸輯 26 - 208

加詳核分別上請爲此具本恭候聖旨崇禎十七年十月二十八日奉聖旨這徇難各官許文岐等俱依擬分別給坊祭葬仍准自行建祠

賜誠堂文集卷八

明禮部右侍郎兼翰林院侍讀學士管紹寧撰

八世孫繩萊重編校

奏疏

中州徇難呂維祺等謚贈祭葬疏

題爲中州死難諸臣血心爲國罵賊不屈忠魂不散優卹宜加事祠祭清吏司案呈奉本部送准禮科抄出太子太保戶部尚書兼文淵閣大學士王鐸等公奏前事奉聖旨這所奏河南死難親王紳衿徇義最烈慘酷堪傷着吏禮二部從優分別議卹具奏欽此欽遵抄出到部送司案呈到部該臣等看得十年以來天步多難敵寇交訌中原無

賜誠堂文集卷八

尺寸寧宇而中州之懼寇害尤酷乃一時仗節死義或於官或於鄉纍纍至一百十六員瞻蠲比肩而碎首張顏接趾以乘箕意其地當天地之中故生其鄉者得正氣獨多耶嘗慨人情珍少而賤多往者遼陽淪陷張銓輩數人死節曠恩異數有加無已今遭時不造貞臣烈士項背相望乃反以其多而忽之幸遇我皇上奉天無私爲民作則幽芬悉耀薄節胥彰輔臣王鐸等仰體聖衷盡舉入告誠礪世磨鈍之大機也除唐王趙王鄭王崇王另疏具題侍郎吳阿衡中允劉理順簡討馬剛中主事余銜已經請卹外其兵部尚書呂維祺以樞卿罵賊死最慘最烈應照尙書例祭二壇全葬外再請特恩加祭一壇擬謚貞毅一擬忠

壯 一工部尚書周士璞亦應於本等祭二壇全葬外再請特恩加祭一壇 一刑部侍郎扶克儉左僉都御史許可徵宣府巡撫張維世陝西巡撫馮師孔甘肅巡撫楊汝經四川巡撫張論通政使李夢辰俱應於本等祭一壇外再請特恩加祭一壇全葬 一御史魏景璟戶部郎中秦夢熊張美含員外陳此心主事崔泌之許事張如蘭行人王明中書朱繩祖俱應照身死綱常例請特恩祭一壇減半造葬 一署丞于鶴齡博士程接道程家祚俱應請特恩祭一壇 一山西左布政趙建極應照本等祭二壇全葬 一陝西按察使黃綱山西參政閻夢夔毛文炳陝西參政都任俱照本等祭一壇外再請特恩加祭一壇減半

賜諡文集卷八

二

造葬 一副使焦觀祖洪允衡賀仲軾參議李豫僉事邢國璽姚安知府姚成性太平知府杜時髦晉府長史范志大萊州推官張力平陽推官常克念德州知州張三策普安知州朱國賓濮州知州張其瑾定州知州唐鉉鷄澤知縣孟覺祥富平知縣馮貞吉青城知縣吳二陽臨汾知縣贈僉事張質元城知縣許穎襄垣知縣張瑜內邱知縣何式樂平知縣呂維祐梁克從俱應請特恩祭一壇半葬以上四十八臣俱乞敕吏部分別贈官酌議予廕者也 一解元周士美徐作霖舉人李開明楊昂吳伯喬夏云淳孫瑜程化鵬王風普余容胡植張民表王翼明靳謙吉張鳳翽王明物李得筭王者瑄李毓梁訓導張多福孫懷禮

俱罵成慘死應照身死綱常例祭一壇贈以部曹 一舉人喬明楷張瑱黃欽詔石如璜馬體健馬呈瑞孟良屏白精忠趙舒日劉相機韓之士賈遂商王應圖訓導胡自清歲貢李鑛俱城陷被害應贈以京秩 一生員王敏光丁魁代包鳳翔劉光遠李元茂王鍾祥許宜許宗張培張垓監生張拱極儒官張一貫俱罵賊烈死應優贈國博 一生員越邦奇丁如淵丁如海丁之楨丁之榘俱城陷遇害應量贈儒學等官仍行提學官卹錄其後省祭姜文淵量贈幕職 一保撫參將王衍范都司錢繼功海寬守備海成南陽衛前所正千戶余承蔭俱應照身死戰陣例祭一壇半葬仍敕兵部贈卹內舉人王壽爵已贈死平知縣所

賜諡文集卷九

三

不必再贈者也 以上共一百八員名死事雖同而慷慨從容則大相徑庭臣敢據臆分別上請仍請救該省共建一祠致祭有子孫者卹錄之則忠魂生色碧血長新褒旣往勸將來胥於是乎在矣爲此具本謹題伏乞聖旨施行 開國靖難諸臣應予應奪謚號疏 題爲臣疏久稽未結乞皇上敕下禮部速賜題覆以信先皇前旨以昭皇上明綸事祠祭清吏司案呈奉本部送准禮科抄出工科都給事中李清題前事經本部題覆等因於本年九月十六日奉聖旨這開國功臣陶安等准都與謚俱用正擬李善長事該部再集議具奏諸臣應贈職銜吏部酌覆欽此又該工科左給事中李維樾題爲累朝之

缺典初興靖難之幽芳可憫伏乞益隆望德以光臣忠事於本年九月十七日奉聖旨靖難方孝孺等北畿死難倪元璐等着禮部速議謚廕祭葬該部知道欽此又該本官題為靖難尙有遺芳微臣敬用補牘請救下部議并改正前誤以彰盛典事於本年九月二十六日奉聖旨禮部知道欽此欽遵抄出到部送司該臣等看得開國靖難二案業經臣部題請奉旨子謚矣惟科臣李清所請之李善長與科臣李維樾所請之鄭士達等尙懸而未結恐亦勲臣烈士所撫心而懷向隅之泣者也夫善長以被累元功奉旨集議然言今固當集議於今而言古尤當集議於古先臣鄭曉之言曰李太師比迹蕭文終令其後不沾一命尤

賜謚文集卷八

四

為缺典先臣王世貞之言曰善長籌握轉餉之功不下鄧侯宜首加贈謚先臣茅坤之言曰善長事高皇帝於滁陽羈旅之間而晝機運餉功若泰山先臣顧起元之言曰嘉靖紹封廷臣獻議不能推明韓公與宋穎二公之功以副明詔至今有餘恫此臣部所謂言古當集議於古而可據為善長定案者比數臣之言是也略其莫須有之罪而旌其不可及之功則予以中謚可矣至靖難一案時屬革除簡編半燼故臣部前疏內原有撮其尤著者上聞而餘俟補牘之語今取科臣李維樾兩疏讀之始知遺珠之嘆所不免矣若連楹譚翼林英葉福四臣則忠節凜然見於疏內所當一體補謚者若鄭士達一臣雖以廣文抗節然亦

內無實可考所當與先遺之內臣胡伯顏置諸附祀內者他如譚翼妻鄒氏與子仕謹之自縊也又如林英妻宋氏之自經也見之諸載記班班可考此又臣維樾疏所未揭而臣部特為拈出者則亦與王叔英妻等一體附祀可矣抑臣更有請焉夫謚之為義在天為露雷在王為褒鉞故美與惡兼行而有子必有奪如胡廣與周是脩原相約死義然終以餉猪行欺則人貌而豕心矣且歷建文永樂間止一媚結局而謚之文穆則不協又如陳瑛蛇吻蝎尾以胡閏一獄抄提至數百家且并周是脩王良顏伯璋諸忠俱議行追戮而不加之惡謚則不快此二臣或為臣清疏所已及或為臣清疏所未及然上天不能有露而無雷明

賜謚文集卷八

五

君不能有袞而無鉞則謚之不能有美無惡彰彰也敬將應補謚應附祀應奪應子惡謚諸臣開列於後

應補謚開國文臣一人

韓國公李善長南直定遠人擬謚襄愍一擬襄隱

應補謚靖難文臣四人

左春坊太子贊善連楹山西襄垣人擬謚剛烈一擬剛愍應贈兵部郎中談翼江西大庾人擬謚貞愍一擬忠愍應贈妻鄒氏子譚仕謹俱自縊應附祀 監察御史林英福建古田人擬謚毅節一擬毅愍應贈妻宋氏自經應附祀 刑科給事中葉福福建侯官人擬謚節愍一擬毅愍應贈

應附祀靖難文臣一人內臣一人軍較一人

四川訓導鄭士達浙江瑞安人應附祀 內臣胡伯顏不知何許人應附祀 韃靼人瓦刺輝自縊梅殷旁應附祀

應奪靖難文臣謚一人

大學士胡廣江西廬陵人初謚文穆應奪

應予靖難文臣惡謚一人

左都御史陳瑛北直獻縣人一擬醜厲一擬凶悖

內李善長爵至國公官至丞相太師此窮於贈者也鄭

士達等原係附祀此不必贈者也若連楹等四臣既予

謚應予贈其與方孝孺諸臣一體題請夫復何疑伏乞

賜諡文集卷八

六

皇上垂允將應補者補應奪者奪應予惡謚者予惡謚

仍照臣疏所請敕下吏部分別議贈庶開國靖難兩案

無掩遺芳於空谷者矣於崇禎十七年十一月初九日

奉聖旨這奏說謚法以善惡併行一遵古制說的是前

代吏部分別議贈不獨古為然務永遵守

謚理學事功名臣吳汝弼等疏

題為謚典越二十年大舉名臣有累百人未謚乞敕部考

尋舊章虛公速竣以慰久鬱之輿情以光作新之盛典事

祠祭清吏司案呈奉本部送准禮科抄出本科都給事中

沈允培題前事等因奉聖旨易名鉅典每緣因循致紛陳

乞殊非政體這所奏良是該部即如議行欽此欽遵抄出

到部送司案呈到部該臣部看得三代明王設立謚法以

為死後榮辱之典勸懲善惡激厲名節法莫善於此也乃

祖宗朝有五年一舉之制而近者則自天啟元年賜謚伍

文定等八十三人而後闕焉至今名賢碩輔乏隻字之褒

褒考德稽功動千秋之慨嘆即有一二得邀盛典非有力

子孫之陳乞即門生故吏之表章而理學事功人佩其教

家食其利者反不得與庸庸朽骨同沾兩字之榮此科臣

允培所以慷慨而為久鬱諸臣請也據陳理學節義事功

三案諸臣史冊班班具在輿評歷歷可徵除何遵等已經

題請賜謚外其事蹟最著公論最孚者何敢當聖政無私

之世而令久鬱不伸況經先皇帝屢旨飭行而我皇上又

有即如議行之旨乎謹博採羣書參稽眾論臚名上聞伏

候聖裁

計開

應謚理學名臣共十五人

一吳汝弼江西崇仁人年十九見伊雜淵源錄即舍舉

業力行正道家貧躬耕一介不取四方來學者教誨

不倦景皇帝聘之不至英廟復辟遣行人齎敕幣徵

至京授諭德召對文華殿辭再三諭輔臣李賢留之

辭益切賜璽書仍以行人送歸令有司繼粟終其身

汝弼陳十事表謝擬謚端文一擬純毅

賜諡文集卷八

七

益純聞王守仁倡學江西特造焉執弟子禮其學以
悟性爲宗以孝弟躬行爲實著有格物要旨勉仁方
諸篇擬謚昭毅一擬恭毅

一陳真晟福建漳州人舉業應試以防察過嚴遂不復
事科舉務爲聖賢踐履之學初讀中庸爲存養省察
工夫覺無統緒讀大學始知爲學次第乃曰誠意爲
鐵門關又曰人於此學若真知之則行在其中矣天
順二年前上程朱正學纂要下禮部看議未覆擬謚莊
簡一擬恭確

一羅汝芳江西南城人年十五便以聖學自任凡上置
鏡與盂水對之令心與水鏡無二久而成疾父授以

賜謚彙集卷八

八

傳習錄循其言求之病漸愈嗣登進士曰吾學未信
未可以仕歸而尋師問友周流四方者十年筮仕爲
令人爲部郎出知寧國東昌兩府所至不事刑扑惟
以化育人材爲要一時彬彬有弦歌風遷雲南參政
請告歸與門弟子講學不倦病中手書曰此道炳然
宇宙不隔分豪故人已相通形神相入不待言說古
今自直達也學者稱爲明德先生擬謚康純一擬元
昭

一王畿浙江山陰人王守仁倡明理學畿首受業焉弱
冠領鄉薦丙戌登第不就廷試歸卒業師門守仁於
來學者獨屬畿焉守仁卒廬墓二年壬辰始赴廷對

授南職方時輔臣夏言欲以宮僚引之謝勿應遂被
黜畿畧不動心學華以講學爲務所至接引無倦年
八十餘猶不廢辨析編摩之功云擬謚昭介一擬端
憲

一唐樞浙江歸安人嘉靖丙戌進士授刑部主事會議
大禮繼議大獄抗疏忤旨廷杖罷歸究天人性命之
學四方從游者不絕爲理學鴻儒後適大寇江天祥
起兵浙直議勦撫勢益披猖樞指授方畧深入寇
穴數言懾服賊黨解散巨魁就縛諸臣累薦不出特
祠專祀擬謚節敏一擬恪直
應謚節義名臣九人

賜謚彙集卷八

九

一周新南海人洪武中拜御史彈劾不避權貴名爲冷
面寒鐵遷浙臬異政不可枚舉如因旋風吹異葉而
知寺僧之殺人蠅蚋迎馬首而辨布商之劫賊奏蠲
糧米無徵者十七萬有奇是時周憲使之名震天下
爲錦衣衛指揮紀綱所構逮下獄臨刑大呼曰生爲
直臣死當爲直鬼文皇帝顧侍臣嘆曰廣東有此好
人枉殺之矣擬謚惠直一擬明介

一沈東浙江會稽人官給事中時嚴嵩父子婪甚總兵
周尙文子請卹典爲所格東疏爭之嵩票旨杖百繫
獄垂絕者四年惟兀坐玩周易著周易通解繫獄十
有四年始釋歸後起原職遷都諫子遷南通政竟以

疾辭擬謚義確一擬恭節

一李已河南磁州人官給事中疏劾太監崔毓傳買金珠科擾紛紜詞甚切直穆廟震怒杖一百繫獄萬曆初起原職遷保定巡撫簡卒蒐乘邊陲以甯一日病守為匯各屬餒備後已間責守止擬謚介直一擬清殺

一郭希顏江西人慷慨好大略官中允罷歸嘉靖三十九年家居上安儲疏內有數字觸上怒以大逆妖言詔處斬海內傷之擬謚文愍一擬章愍

一劉子輔廬陵人永樂中自太學生擢御史尋陞廣東按察使坐累左遷諒江知府民戴之如父母宣德二

馬誠美集卷八

十

年王師伐利賊失利成山侯棄交趾帥師還旁郡邑俱陷子輔控孤城據賊穴倡民兵死守食盡城破兵民盡鬪死無降者子輔知勢不可為義不污賊手自縊死一子一妾皆先自縊擬謚忠毅一擬忠愍

一霍恩北直易州人知上蔡縣流賊初起即為捍禦計明年趙風子等攻破裕州將轉掠上蔡先使一騎來勒降恩執而戮之徇於師曰吾必盡殲諸狗奴賊聞大怒乃悉眾圍之戰一日夜城破恩猶力戰不休為賊所害四裂其屍妻劉氏與恩約同死自縊未絕復以刀剗心死初賊入蔡蔡人欲謀脫恩使一人衣冠偽走呼知縣來因恩恩不肯卒遇害擬謚貞

一擬節愍

一倅瑜湖廣諸圻人舉正德丁丑進士授禮部主事上疏論十事皆救時切論嘉靖初復疏論臺省緘默尸位三年大禮議起瑜曰吾禮官也有死而已疏入上震怒杖死隆慶元年卹其後廢一子入監擬謚毅愍一擬貞愍

馮恩南直華亭人嘉靖閒官御史會都御史汪鉉私人指揮擅殺人恩置之法上疏論鉉鉉銜之彗星見恩又抗疏指斥權貴上怒甚鉉乘閒誣恩不法數事下獄每訊輒杖至死恩執語不移刑部阿鉉意竟論斬朝審鉉百計挫辱之恩不以一語屈時稱為四鐵

馬誠美集卷八

十

御史謂鐵膝鐵口鐵膽鐵心也擬謚直毅一擬剛肅一薛敷教南直武進人登萬曆己丑進士甫釋褐適都御史吳時來奏准御史上章必先白堂上後擇其要者入告舉朝非之而不敢爭敷教抗疏力諍罷歸後召授國子監助教復疏救趙南星饒伸等諫章滿公車皆國家根本至計後同顧憲成等諫三王並封謫光州學正居家布衣蔬食力行聖賢之道訓誨後學娓娓不倦里人有不法事輒曰甯死不願薛公知也奉昌元年銓臣列名請卹有祭葬謚廕從優議覆之旨天啟元年增尚寶司丞擬謚清端一擬節愍應謚事功名臣十一

一羅通江西吉水人永樂壬辰進士授御史以建言

知交趾清化州黎利叛來攻通擊卻之擢戶部員外

英朝北狩廷臣薦通智勇超拜副都御史守居庸敵

驍逼居庸甚急通以計敗之逐出長安嶺自是敵馬

不敢度京師始安召入理院事復遣鎮山西多斬獲

功英廟還轅陞右都御史復辟之事通實與焉念亨

軌不可共事辭曰通老矣不能從也識者高之擬謚

忠襄一擬襄達

一嚴震直浙江人洪武中歷官工部尚書太祖呼為嚴

老實而不名奉使安南蠻獠向化開鑿胭脂山運河

三百餘里以通北方之漕脩築廣西興安渠三十六

賜諡文集卷八

圭

陡以蓄洩南方之水至今賴之疏通兩廣鹽法卹冤

獄以萬計後遇讓皇帝於雲南道中悲愴不食吞金

而死擬謚襄恪一擬襄質

一朱衡江西萬安人弱冠舉進士駁歷中外所至以廉

明著嘉靖乙丑河決徐方運道湮塞以工部尚書兼

副都御史總理河漕衡馳至見舟行樹杪力無所施

乃博詢父老奏開新渠廬河旁親為指畫目不交睫

災天去蓋汗流被面親問勞役夫甘苦其之吏民感

其恩鑿渠一百四十餘里不一年告竣萬艘流通頌

聲大著上書其力賦詩四章誌喜隆慶中徐邳河決

復命治

廟登極召還大司空凡中

導上採游興造軼執蒙輔臣張居正以稍將順諷衡

衡執如初乞骸加太子太保致仕擬謚襄毅一

擬恭襄

一陶魯廣西鬱林人初授新會縣丞大藤峽諸賊亂都

御史韓雍總師討之檄魯隸麾下日顧峒賊最强

險難下者方設策謾謂魯曰丞能往否曰匪直能且

易耳耳雍曰賊銳甚文武數千人無足當吾寄者

若安得易魯抗言不拜曰公未悉我也苟用我當悉

縛諸醜獻問所將幾何曰三百人足矣曰何少也曰

魯猶以為多也乃標式募三百人自操練陣法甘苦

共之士願為死率先登大破賊前後斬首及降者

賜諡文集卷八

圭

二萬七千餘人賊聞陶家軍即駭避遇即叩首降累

官至左布政使擬謚襄敏一擬敏恪

一顧璘南直上元人宏治丙戌進士博極羣書號江東

才子知開封府盜起燕冀流劫中原璘偕彭澤討平

之時逆瑾黨王宏鎮守悍戾不法璘絕不為理所徵

需一不應宏矯詔逮付錦衣獄璘抗言條對鐫三階

知全州累遷至南京刑部尚書為人融朗闊達精於

吏理所至有聲如條約藩錄脩承天志定興都禮制

皆一時碩畫著述甚富尤以詩名擬謚康敏一擬莊

敏

一葉夢能廣東惠州人初令福清以卓異晉戶曹改復

史抗疏拒俺答請封事論郅陽丞累陞至丞平兵備其治兵善用所制輕車神礮尤精後巡撫甘肅寧夏淳拜等叛勢張甚洒泣上疏願捐軀討賊親率驍將百道夾攻討平之擬謚莊襄一擬景襄

一吳兌浙江山陰人隆慶中巡撫宣府時宣鎮當創艾之餘單弱不足恃兌繕堡開屯內備完固數年遂成雄鎮萬曆二年總督宣大山西三鎮用甯七年入協理戎政尋以東陲有警出總督薊遼至鎮擊破之斬首獻俘上大悅卽軍中拜兵部尚書擬謚襄達一擬襄懋

一況鍾南昌靖安人初以吏事尚書呂震薦授禮部

賜謚文集卷八

古

主事遷郎中仁廟升遐宣宗在南京當禮官欲得一人奉迎震以鍾應馳七晝夜至南京駕發鍾振輿步行千餘里不辭勞困擢知蘇州府授璽書假便宜行事斥墨吏十餘人擄殺舞文數人榜百姓善惡名列之郡中不寒而慄威禁大行設轉輸法歲省民間數百萬水旱發常平賑貸其爲治專戢豪強撫良善至寒門下土片藝皆獲收廉潔之操一塵不滓令行惠洽靡暴弗馴蘇人至今誦之擬謚敏惠一擬惠毅

一任瓌山西人繇進士爲蘇州府同知倭寇東南遂募兵訓練與之同寢食或累日粒米不入口或露宿泥淖中及賊犯蘇引婦爭入城城閉不得入瓌曰百姓

爲重亟啟門納焉民賴以生每出戰必致死力書其姓名於腹背手足曰死吾職也庶得收葬焉戰罷必身爲殿嘗被矢創甚成疽而血戰自若前後捷功不勝書賊望其旗旆輒駭曰此任家旗也咸遁去有書遺其子曰不幸有變臣死忠妻死節子死孝成就一個是而已論功歷陞參政廕一子世襲千戶擬謚果襄一擬懋襄

一王世貞南直太倉人才名滿天下倜儻自豪楊繼盛初劾嚴嵩論死世貞爲經紀後事張居正重其才欲引嚙之世貞不答備兵青州父孖以封疆被僂伏草土中幾十年凡三年不茹葷御室嵩敗以薦起洵歷

賜謚文集卷八

古

中外累遷至南京刑部尚書文章名世著書凡數千卷擬謚文憲一擬章懿

一牟斌順天人掌錦衣衛鎮撫博學曉文義逆瑾竊政逐方正大臣劉健等言官論救者皆下詔獄斌輕刑緩械曲爲申救御史某自愬某僚竊署已名實不與知斌曰古人耻不與黨人爾乃悔耶瑾令獄辭去疏中中字斌不可謂其僚曰朱鄒浩以失原奏被害存此則諸君子臣節可白他日也奏入瑾大怒矯旨廷杖垂死謫戍邊後瑾誅復原職以執法不受賂爲奸邪所陷安置武昌僦民房閉門讀書行案蕭然久之病卒爲人剛直忠毅清而不劇卽學士大夫不如也

擬謚清義一擬殺直

一沈希儀廣西馴象衛指揮膽勇機警善用閒嘉靖六年岑猛叛督府慮猛婦翁岑璋來援希儀謂璋女失寵貌合耳可離而圖也遂結璋擒猛田州平論功擢右江參將右江城外五里即賊巢賊動靜聲息輒先得每勦賊肘腋親近皆不聞賊驚以為神威信伸於諸獠論者以為廣西名將雖韓觀山雲之倫不過也希儀在柳十二年名賊宿猾幾盡累陞貴州總兵以平瓊南黎進都督回知擬謚武敏一擬威敏

以上二十七臣遠者幾三百年近亦不下百餘年子孫之有無莫知親故之掄揚盡絕而豐功碩德彪炳簡編謚法之繁莫大於急其近者而緩其遠者幸遇我皇上奉天無私幽芳悉聞謹於歷朝訪單數百人中揭二十七人上請亦甯嚴母濫意也其實有嫡嗣者仍行卹廕則皇上彰往勸來之鉅典更仁至義盡而無憾矣為此具題恭候敕旨

賜誠堂文集卷八

七

賜誠堂文集卷八

賜誠堂文集卷九

明禮部右侍郎兼翰林院侍讀學士管紹寧撰

八世孫繩萊重編校

奏疏

內臣王承恩等卹典疏

題為內臣殉難堪憐聖主洪恩宜薄仰祈俯賜卹以表忠烈事祠祭清吏司案呈奉本部送准禮科抄出司禮監掌印秉筆隨堂太監臣韓贊周題前事等因奉聖旨這殉難內臣忠義可嘉應有卹典禮部察議具奏欽此欽遵又一本為補陳死難內臣仰懇敕部議卹以彰一視之仁事等因奉聖旨禮部從優議卹欽此欽遵鈔出到部送司案

賜誠堂文集卷九

一

呈到部該臣等看得燕京慘變凡為臣子義無獨生乃捐軀殉國者臣子之常經卹死勸忠者朝廷之大典其文武死節諸臣已蒙皇上恩卹備至而內臣身依日月職典掖廷一時舍生就義指不勝屈皇仁浩蕩豈得以內外岐之既經監臣具題前來所當亟加優卹用表忠魂者也除秉筆太監李鳳翔已蒙聖恩謚卹外察得總督京營秉筆太監王承恩護衛先帝聖躬斧鉞不避龍馭賓天即自經帝側生既虔恭左右死復陟降追隨從容就義青史希傳應照李鳳翔例請特恩子祭二壇全葬贈官三級廕弟姪一人擬謚忠愍或恭愍建祠致祭以示旌異者也又如司禮監掌印太監王之心門人即於其家先焚母柩自縊死司

禮監舊掌印太監高時，城破後自焚於家，死褚憲章派守西直門，點放萬人敵，被焚死，真保總監太監方正化，城陷罵賊死，提督京營秉筆太監張國元，派守廣寧門，城陷自縊死，秉筆太監史賓，司禮監掌印秉筆太監宋晉，俱被執，不屈受刑死。以上七臣，奮不顧身，以死報國，真可愧夫。挽首就降，偷生竄匿之輩，應照都督僉事例，請特恩祭一壇，減半造葬，分別廕贈。即於王承恩、李鳳翔、祠附祭者也。忠魂雖杳，猶歸箕尾之靈，異數崇加，益壯山河之氣。從此大義炳如日星，不徒幽魄得彰，而人心亦為競奮矣。為此具覆恭候聖裁施行。

于忠肅卹典請改敕吏部議覆疏

賜諡堂文集卷九

二

題為臣以鼓忠節於將來，以扶宇宙於不死事。祠祭清吏司案呈奉本部送准禮科鈔出南京吏部尚書徐石麟等公疏，奏前事等因。奉聖旨：先臣于謙定策禦敵，再造邦家，忠貫天日，功在社稷，乃為奸邪構禍，卹不酬冤，良堪痛悼。這所奏著禮部從優議卹，具復欽此。欽遵鈔出到部。送司案呈到部。該臣等看得原任兵部尚書贈太傅諡忠肅于謙，擎天勲業，貫日精忠，緬維己巳之秋，幾蹈靖康之禍。謙內排羣議，外遏強鄰，日月既蝕，而重明社稷已傾，而復莫加以兩廣八閩之魚沸，牂牁黑棘之梟張，無不片軀朝飛，萬里夕定。凡聖世再，年之運祚，皆孤臣隻手之綿延，方之開國諸勲，獨力更難於籌策，絜之新建世爵，偏方豈比於

神京純皇帝不云乎，嘗臣家之多難，保社稷以無虞，惟公道而自持，為羣奸之所害，嗚呼！煌煌天語，可無煩再議矣。茲景帝既尊，夫廟號豈元臣可沒，其崇功亟追，五等之封，斯快千秋之鬱。今奉有禮部會同文武諸臣公議，奏奪之旨，正可仰遵德意，闡發前微。但察大明會典，凡功臣封爵，係吏部職掌，雖明旨偶出於一時，而祖制實昭於萬世。官守所定，各不可侵，伏乞改敕吏部會議，覆奏。臣第從諸臣後，操未議上，候聖裁庶忠猷得表，而職掌不淆，為此具本謹題請旨。

謚宗伯董其昌疏

賜諡堂文集卷九

三

題為興朝無不溉之恩，先臣有應逮之典，謹應詔泣陳仰祈聖鑒事。祠祭清吏司案呈奉本部送准禮科鈔出原任太子太保禮部尚書董其昌男官生董祖和奏前事等因。本年八月二十六日奉聖旨：董其昌先朝碩品，名流朕有文獻之思，該部議覆欽此。欽遵鈔出到部。送司案呈到部。該臣等看得已故太子太保禮部尚書董其昌官保重臣，文章宗匠，分閩典試，懸冰鏡以掄才，奉職論思，護前星而耀彩，海被三朝之寵命，纂裁兩代之鴻書，晉位秩宗，聯班翰學，尋以慶陵之役，宜紀揆日之功，比因同官擯斥，予告還山，其時禮臣林堯俞竟以陵工廢，其昌循例身疏，曾兩奉溫綸，俱為權臣崇禎七年以乞休加太子太保，九年九月病故，雖蒙恩卹，而謚典尙懸，今其子官生董祖和援

詔陳乞欽奉命臣等體聖心篤眷元老推恩舊學除
簋子已經吏部臣題請欽依外謹察會典一款凡文武大
臣應得謚者備察本官生平履歷節概勲猷公論允報者
具請上裁今其昌操嚴冰藥品重璠璣三朝啓沃宏多百
代編摩悉備抑且難進易退節概可風相應擬謚文端或
文敏以副皇上文獻之恩臣等未敢擅便遵例具覆恭候
敕下施行

恭請祭葬疏

奏爲天寵海承烏私彌切謹瀝血陳情循例乞恩祭葬事
竊念臣譚劣孤生荷蒙先皇帝拔置鼎甲身依日月游涉
儲端復蒙我皇上不棄蒞菅擢襄邦禮榮寵非分恩紀踰

賜諡堂文集卷九

四

涯卽鞠躬捐軀不足仰報萬一何敢輒以私請顧臣實有
一腔隱痛念三釜之未沾望荒邱而腸斷者安能嚙嚙飲
泣而不哀籲於聖明之前哉臣父今贈禮部右侍郎臣管
陽春家世食貧天性孝友里中父老嘗以方之太邱彥方
手書一編訓誡臣語刺刺不忒凡持身之大節讀書之竅
要以及理欲之關性命之奧無不朝斯夕警惟恐失墜蓋
數十年如一日也萬歷壬子臣叨舉應天鄉試臣父猶諄
諄不貳心之教至崇禎戊辰臣舉進士而臣父已棄臣十
年矣勤劬數十載未享一日之養每一念及心痛如剝至
臣母贈夫人陸氏嘉宛更非恒觀家徒壁立至并日
而食臣母泊然甘之辭刺初龜手欲裂而尊嫜之甘旨

賜諡堂文集卷九

五

如婦之緩急必周而必應也乃自臣髮齡卽背臣去世音
容笑語徒記憶於德約之聞而辛苦艱難又迥出於尋常
之外痛哉臣親臣殆爲天地之罪人矣猶幸聖恩罔極累
被寵章茫茫夜臺藉以少慰但臣父母見背皆當臣極貧
極困之時藁葬淺土殊不成禮龍光雖被馬鬣含悲臣每
飯未嘗下咽察會典凡文官二品三品其有未及三年而
遇蒙恩詔父母已受本等封者俱照品級給與應得祭葬
又一款凡文官三品以上不論已未考滿其各父母妻必
曾授本等封俱照例祭葬又一款二品官本等祭二壇今
臣父母蒙皇上登極覃恩已受從二品誥命正與例合况
我皇上錫類之孝高於千古臣幸逢聖世敢後披丹儻朝
廷有恩例可援而爲子者反有懷緘嚙安望其移孝作忠
是臣不獨爲臣親之罪人并爲皇上之罪人矣爲此不避
瑣瀆瀝血控陳伏乞聖明睿察照例給與應得祭葬則生
死銜結孝治益隆雖高厚難酬而捐糜有日矣臣無任激
切待命之至於崇禎十七年十一月十一日奉聖旨管紹
寧勤事無忒其父母應得祭葬照例給與

乞休致疏

奏爲微臣蒙恩未報積疾漸增仰乞聖慈俯賜休致以延
殘喘事臣以迂腐寒儒遭逢聖世謬膺史局游貳秩宗尚
極之恩深於滄海溺職之罪積若崇山昨者賀儒修無端
肆誣臣止就事略陳隨蒙聖明洞鑒奉聖旨振奏心跡自

明典禮方殷管經寧著用心供職不必激陳該衙門知道
欽此欽遵臣焚香叩頭謝恩訖長跪捧讀感泣失聲臣拜
疏剖陳止欲辨其虛誣未敢逃夫譴責乃皇上不加褫逐
反賜溫綸浩蕩天恩卽粉骨碎軀未知所報何敢輒言委
卸偷息自安但臣幼感痰疾未老先衰迨聞國變以來五
中摧裂加以皇上中興御極詔敕如雨臣以一人載筆手
腕幾脫繼而攝篆春官一切典禮俱從草創臣以菲才謬
肩重任既虞背古復懼違時手口据瘡寢不成寐眞元內
耗虛火上炎中氣大傷怔忡繼作延醫調治咸謂積痰流
注榮衛中枯卽未填溝壑亦爲天壤廢人矣伏念禮官何
職今日何時可令奄奄沈痼之身濫膺斯任萬一力疾供
事以致隕越乖張臣肉不足食如國事何況今名賢濟濟
交代有人去一病臣有如鳧鴈伏乞皇上憐臣病苦情眞
萬難供職俯賜休致俾獲少寬夙夜在公之懼勉近醫藥
苟延殘喘則臣旣得安心於巖穴人亦可息念於揣摹自
今以往之年皆臣感戴天恩祝頌無疆之日矣臣無任迫
切控籲之至

因病再乞罷職疏

奏爲微臣蒙恩未報宿疾日增萬難供職仰乞聖慈俯賜
斥逐以延殘喘事臣體弱善病自去秋攝篆以來才拙事
煩宿疾漸發溺職甚多曾三具疏請告未蒙俞允私念聖
恩如此卽糜骨碎身奚酬百一故雖支牀鷄官藥裹不離

賜誠堂文集卷九

六

猶躡躑拮据力疾供職不意臣賦命奇蹇方厦二豎之日
侵復遭奸盜之陰陷中懷悵沈痼益深昨具有臣罪萬
無道一疏束身待譴誠出自至情不改一字矯飾而皇恩
浩蕩復賜優容奉聖旨云云欽此欽遵臣感極涕零惟思
高厚之難酬豈復髮膚之敢愛臣夙有痰火咳嗽及心氣
怔忡等症自上年五月皇上龍飛御極始而視草代言繼
而竭蹶邦禮俱臣以一人獨任今積勞之後憂患驚心加
近日寒熱不時風日外感舊病未去新病轉增神耗如癡
身瘦似削卽欲強起營職萬萬弗能明主之前不得不再
陳萬苦之情疾呼求籲伏望皇上憐臣病劇情眞卽賜斥
逐使得在籍調理以延殘息則陞伏田野皆再造餘生如
萬不得已或念臣自登極來犬馬微勞暫假旬月俾得勉
近醫藥以圖後效且臣蒙聖恩賜先臣祭葬亦以執掌未
遑天言久宿刻不自安使因此得恭齋恩諭告於先臣上
表皇恩下酬隱痛則臣飯蔬沒齒之日誰非捐軀報主之
年况臣籍去京師不三百里無難速去速來使情非眞切
必不敢以危懼之詞仰瀆天聽爲此披瀝具陳伏候救旨

賜誠堂文集卷九

七

賜誠堂文集卷九

賜誠堂文集卷十

明禮部右侍郎兼翰林院侍讀學士官紹寧撰

八世孫繩萊重編校

代言

記思宗烈皇帝聖諭

朕少齡時仰蒙皇妣孝和太后撫養五載光廟莊妃恩母撫養四年慈恩深溥筆舌難盡而光廟康妃恩母雖照管止於終歲恩亦難忘光廟懿妃恩母則又比各位不同昔同孝純皇妣侍奉皇考多年勞苦備嘗而與皇妣對戶寓皇考無人使令多感懿妃恩母扶持伴侶恩莫大焉至今尙有皇祖所賜衣袍朕感激無盡今聖號已尊聖容已繪

賜誠堂文集卷十

而慶賀已畢理宜尊崇報答但孝和皇妣已尊太后無上只應加恩戚臣莊妃懿妃二位恩母應照皇祖懿惠康昭之例尊加徽號

上皇考溫定懿妃冊文

崇禎十三年歲次庚辰某月某朔某日干支嗣皇帝御名頓首再拜上言伏以德媿當熊淑範表六官而作則慈侔式燕宏恩絲百葉以無期緬聖善於棘心能忘鳳侶周旋之誼憶恩勤於荼苦可無鴻名崇報之文恭惟皇考懿妃惠溫成性安定禔躬事先考於青朝恪謹龍顏罕忤翼皇慈於紫掖慙燕羽嘗依既甘苦之同知更維持之最久蓋香幃繡闥適當堯母之門故暮雨晨星時傷姜嫄之產

爰撫朕躬於提掖克襄聖妣之劬勞即今渺質之承庶誰非慈恩之篤慶咨嗟往事儼寒燈對雨之年言念深仁有瀚海難窮之感茲皇妣尊崇於太上宜孝子篤愛其所親痛栝棧之長逝益思冰雪難忘聽環珮之時鏘深愧蕪蕪未報聿脩嘉禮穆卜熙辰敬奉冊寶恭上尊號曰皇考溫定懿妃伏願昭受貞符緝熙純嘏薦椒花於漢殿永歌燕喜之章展冀葉於堯階共保鰲圖之固

賜誠堂文集卷十

抱克襄聖母之劬勞方今痛切栝棧莫解終天之恨當年情同姊妹豈勝往事之思瞻茲衾篋猶存深慨蕪蕪未報茲用奉冊加上光廟溫定懿妃於戲尊踰華袞欽茲玉室龍章靈集蒼梧尙共璇宮燕羽

孺孝通元顯應悼靈王冊文

制曰恩深天性爰成思子之官名列仙符宜顯通神之號傷慧姿之早謝惟譽命之懋崇爾皇子悼靈王性標岐嶷天賦元通當其銀海降麟已具徇齊之質比其緱山駕鶴益多靈異之徵片語珠流指顧無非神化一庭環樹羹膾儼見仙人苟非夙稟元根詎克宣從黃口龍軒寂寞疇爲對日之人蟬蛻逍遙莫返乘雲之轡悼窮圭之有闕爾思

七步之才懷易簧之遺言永結千秋之痛茲用加冊爾爲孺孝通元顯應悼靈王嗚呼魂夢相依尙見斑駁之影嘉名載錫如聞瑜珮之聲

追封德懷王冊文

制曰情深既翁國原重乎人倫誼篤時庸家式崇夫天顯痛分鴈序寵霑龍章維爾皇六弟青海儲祥紫尋啓曜珠輝玉潤同欽滿月之姿桂折蘭摧莫返乘雲之駕桐珪未逮芝冊丕崇其追封錫號諡曰德懷王溯岐嶷於當年空懷共輦錫絲綸於此日儼觀牽衣備極哀榮尙其歆服

上尊諡告奉先殿文

維崇禎十七年七月壬申丙戌朔旦越三日戊子孝元孫

賜誠堂文集卷十

三

嗣皇帝御名敢昭告於皇高祖考妣大皇帝后曰伏以繼志述事職維後人尊尊親親敢忘所自茲以冲渺繼承丕緒宗廟之禮首宜舉行敬遵先志并循彝典於本月初三日復上懿文皇太子尊諡曰興宗孝康皇帝懿文皇太子妃尊諡曰孝康皇后恭上建文君尊諡曰嗣天章道誠懿淵恭觀文揚武克仁篤孝讓皇帝廟號惠宗建文后尊諡曰孝愍溫貞哲睿肅烈襄天弼聖讓皇后景皇帝尊諡曰符天建道恭仁康定隆文布武顯德崇孝景皇帝廟號代宗景皇后尊諡曰孝淵肅懿貞惠安和輔天恭聖景皇后皇祖大貴妃尊諡曰孝寧溫穆莊惠慈懿憲天裕聖太皇太后皇考福先王尊諡曰貞純肅哲聖敬仁毅恭皇帝聖

母太妃尊諡曰悼貞仁壽皇太后皇妣先太妃尊諡曰孝誠端惠慈順貞穆皇太后追諡先妃諡號曰孝哲懿莊溫貞仁靖皇后先繼妃諡號曰孝義端仁肅明貞潔皇后謹以牲醴庶品祭告祖靈頒示中外惟神洋洋鑒茲虔心尙饗

上烈皇帝尊諡祭告文

維崇禎十七年七月壬申丙戌朔旦越三日戊子嗣皇帝御名敢昭告於大行皇帝曰伏以孝莫大乎繼志禮莫重乎尊親茲以涼德紹休大統追王之禮不敢不備敬遵先志并循彝典於本月初三日恭上大行皇帝尊諡曰紹天繹道剛明恪儉接文奮武敦仁懋孝烈皇帝廟號思宗大

賜誠堂文集卷十

四

行皇后尊諡曰孝節貞肅淵恭莊毅奉天靖聖烈皇后謹以牲醴庶品祭告凡筵頒示中外惟神洋洋鑒茲虔心尙饗

上建文景帝諡詔

詔曰孝莫大於成先志禮莫大於順人心故列聖舊章雖非後人所能變而累朝缺典實惟繼體之善承恭惟我懿文皇太子開國元良高皇家嗣夙著朝三之孝未終與九之齡建文君溫文成性愷悌因心位僅正於四年德實隆乎三讓景皇帝旰食宵衣內安外攘社稷傾而復定日月蝕而重明遡三朝之令猷皆百王之盛軌惟奕世拘牽乎祖制遂微解久廢於宗祏然建文崩逝之年成祖業命葬

以天子之禮卽景泰車除之日英宗亦有朕心不忍之言
說碑稱曰朝廷昭皇帝已仰知志意鄭王尊爲景帝純皇
帝固默有稟承列宗屢議追崇累代因循未果今歷年滋
久寰宇之歌思愈深而顯號弗彰祖宗之怨恫奚慰特於
七月初三日祇告天地宗廟社稷復上懿文皇太子尊諡
曰興宗孝康皇帝懿文太子妃號諡曰孝康皇后恭上建
文君尊諡曰嗣天章道誠懿淵恭親文揚武克仁篤孝讓
皇帝廟號惠宗建文后號諡曰孝愍溫貞哲睿肅烈襄天
弼聖讓皇后景皇帝尊諡曰符天建道恭仁康定隆文布
武顯德崇孝景皇帝廟號代宗景皇后號諡曰孝淵肅懿
貞惠安和輔天恭聖景皇后其革除死事諸臣精忠貫日

賜諡文集卷十

五

苦節可風分別重輕並與卹諡於戲曠儀既舉先德斯昭
三百年鬱勃之人心從茲丕暢十五朝未竟之遺志自此
發皇敢言繼述之光益顯祖宗之大布告天下咸使聞知

上思宗諡詔

詔曰昊天降割悲龍馭之遐升聖德崇隆惟鴻稱之允協
制旣除於易月諡謹上於稱天恭惟我大行皇帝撫億兆
人踰十七載望雲就日帝堯之欽明菲食惡衣神禹之恭
儉爰自龍飛代邸卽從容而定恭顯之奸繼遭豕突都門
更指揮而成方召之績祇事郊廟對越必虔步禱壇林湧
沓立應侍撤樂而減膳歲蠲租而省刑聞善必行沛若江
河之決幽不如日月之明龐恩茂展於懿親睿慮

翊周於又六官有弋之儉乙夜無釋卷之時功旣巍
魏德亦蕩蕩上可以方軌姚姒下可以跨跡高光然猶馭
朽索以兢懷攬宵衣而惕慮求賢若渴不難奉國以從視
民如傷何止推心而置自三代以來聖武仁儉未有如先
帝者也大行皇后德儷皇英徽侔任姒先日嬪於潛邸旋
正位乎中官殷勤簪珥之箴齊栗蠶繅之職濯龍申誠外
戚罔敗於驕奢詵羽垂仁內庭僉頌其樂愷彤史著睢洲
之德星軒衍麟趾之祥式穀之訓咸知服緇之風允若自
三代以來溫恭淑慎未有如先后者也迺天心不測邦禍
忽臻六位亂常三光失序先皇帝以越三超五之聖德徇
國上賓先皇后以俛天應地之母儀從龍掩照哀纏中夏

賜諡文集卷十

六

憤結敷天從來守成之主不聞際此奇凶歷視多難之邦
未嘗見茲慘烈蒼梧天遠攀靈馭以何繇金粟雲深望睿
顏而安在然日月薄蝕二曜之德自昭陰陽愆違兩儀之
功不掩况當患難之際惟百姓之惓惓崩逝之時猶凶荒
之惻惻以茲怙冒之聖曷勝悲慕之情其上大行皇帝尊
諡曰紹天繹道剛明恪儉揆文奮武敦仁懋孝烈皇帝廟
號思宗大行皇后尊諡曰孝節貞肅淵恭莊毅奉天靖聖
烈皇后嗚呼哀思展禮一人崇追祀之忱表德揚徽萬國
企皈尊之願尙期舉朝嘗膽率土枕戈思而益思俘國讐
而陳宗廟烈以成烈復神京而奠篋鍾詔告中外咸使聞
知

詔曰席帝王之尊者必隆貴貴之稱重源本之思者先篤親親之報朕猥罹多難勉續丕基惟懼我列祖之耿光或墜子一人之涼德然撫茲宏業敢忘積累之恩念昔先人曷既劬勞之痛恭惟我皇祖先太貴妃顧復先考撫鞠朕躬慈恩最溥皇考福先王聰明憲天慘烈徇國聖德無疆聖母太妃柔閒靜專明哲聖善恩勤未報險阻備嘗皇妣先太妃至恩罔極懿德難明恨結枯椿哀纏風樹先妃淑慎不愆惠溫成性徽儀早逝故劍銜悲先繼妃貞靜夙成端烈莫並臨危秉禮玉折增愴凡此至情久懷弗釋紹茲大寶益用摧傷昔周道尙親聿著追王之典肅皇議禮宏

賜諡聖文集卷十

七

垂特廟之規是用博咨僉謀參稽典制於七月初三日祇告天地宗廟社稷恭上皇祖先太貴妃尊諡號曰孝寧溫穆莊惠慈懿憲天裕聖太皇太后皇考福先王尊諡號曰貞純肅哲聖敬仁毅恭皇帝聖母太妃尊號曰恪貞仁壽皇太后皇妣先太妃尊諡號曰孝誠端惠慈順貞穆皇太后冊贈先妃諡號曰孝哲懿莊溫貞仁靖皇后先繼妃諡號曰孝義端仁肅明貞潔皇后顯號特崇不敢忘志事之大鴻稱駢集實以順天人之心顧一本懿親既尊隆於最上而先朝遺典豈無待於後人因思建文君嗣統四年景皇帝御宇七載既已君臨有日豈容廟號獨遺敬體祖宗之心復正蒸嘗之除有詔諭頒行外所有覃思合行

宜開示於後云云於歲命既疑於繼體兼盡夫至情率土之濟盡識朝廷敦本之意敷天之下其沐前王詒燕之恩德越千秋恩覃四隩布告中外咸使聞知

詔諭琉球國王

詔曰昊穹宰物覆被極於八荒王者宅中照臨周於萬國既布無私之化用宜有道之文惟爾琉球世居海島我高皇帝驅故元而定鼎爾君臣先諸國而獻琛符采印章屢沐先朝寵錫屏藩帶礪示堅奕世忠貞維崇禎十七年三月十九日思宗烈皇帝升遐朕以兄弟繼立之序臣民推戴之情於五月十五日祇告天地宗廟社稷即皇帝位於南都猥以渺躬紹茲大統夙興懷懼肝食忘勞力圖寰宇之安俯荅華夷之望念爾屬國代守炎籓天下一家聲教忍遺於殊俗域中四大綏懷何閒乎遐方特遣使臣宣諭爾國爾其祗承新命益懋先猷恪脩歲事之常襲衣冠而奉正朔示戴新朝之化瞻象魏而洽仁風惟懷遠圖母替朕命欽哉

賜諡聖文集卷十

八

宣諭北直人民詔

詔曰蠢茲逆寇逼犯京城致我先皇帝先皇后慘罹大變爾等世居輦轂曾無死守之義此皆為賊虛聲所嚇假仁所愚迫賊入城淫殺焚擄進退無門然後痛思追悔何及今朕繼統南都一切與民更始除前詔念寇氛殘破將北直錢糧自宏光二十始全免五年以甦吾民外凡我士民

須各思十六朝培養之恩先皇帝臨終不忘百姓之德戮力同仇共圖雪恥其有懷忠抱義才堪大任者詔差官指名奏聞取用嗚呼仁民利物上者之心親上死長下民之誼惟爾人民痛思前謀力堅後忱故茲宣諭盡宜知悉

奉迎皇太后入宮賀表附

伏以一人有慶歡騰長樂之宮萬壽無疆瑞溢慈元之殿盈庭色喜載路神飛恭惟皇帝陛下至仁如天大德受命繼志述事方新豐水之基展敬承歡更切慈闈之慕爰備漢官之法從恭迎文母於潛宮子以孝母以慈極洩洩融融之樂昏而定晨而省備雖離肅肅之情孝子莫大乎尊親其頌虞夔之德聖治聿基於問監已開周歷之祥臣等踴躍懼忭之至謹奉表稱賀以聞

恭進玉寶表附

伏以元統乾坤大寶定聖人之位天開河雒萬方來我后之同瑞輯虞廷球共禹甸恭惟我太祖高皇帝開天肇統敷宇朝宗華玉貢自于闐鴻符炳於昭代茲蓋伏遇皇帝陛下龍飛淮甸比高皇御極之初齡虎步鍾岑卽成祖柴天之獻歲大明復旦世寶斯呈曾孫肇葉之祥圖丘蟠樹光武踐伏符之識乙酉改元琮璧重光式萬年之有遺

琳瑯獨貴昭八極之無瑕用祖宗之章文加琬琰之美製獻惟吉日琢以良工臣等鞫謝渭璜勛慙乘石欣會中興之兆得瞻神物之輝伏冀寶厥分陰欽茲六瑞將晉圭朝日布陽德於四方禩瓚旅天正舊域之一統

賜誠堂文集卷十一

明禮部右侍郎兼翰林院侍讀學士管紹寧撰

八世孫繩萊重編校

代言

宣諭山東北直地方安撫官民獎勸義旅詔

詔曰逆賊逼犯京闕罪惡滔天聞爾山東北直官民倡義同仇將偽官盡行擒戮齊魯忠義之風於今再觀朕甚嘉之除前登極詔自宏光元年始山東錢糧全免三年北直錢糧全免五年外今復遣使前來宣諭凡我臣民各奮常山之忠共勵陽樊之節鼓練義勇固守地方有能擒殺偽官保護一城一鄉者照邊方戰守事例論功行賞地方賢

賜誠堂文集卷十一

一

才詔差官會同該撫按列名奏聞擢用或有功效已著及堪軍中贊畫者即便宜給劄其守令佐貳員缺已敕銓補前來到任各安心靜候地方撫按務抗大義以勵人心奉忠正以安殘子其有委靡觀望罔上虐民者國法具存朕不敢貸故茲敕諭咸使聞知

敕諭舊輔臣謝陞

上天降割逆寇陸梁先皇帝先皇后慘罹大故盈廷大小臣工曾無一出死力捍禦偽官四布望風郊迎蒙面喪心胡遽至此惟爾謝陞浩氣塞天孤忠貫日奮其武怒義旅颺與偽職叛官駢首誅戮昔常山睢陽彪炳千古猶握專城之權擁精銳之眾如卿所處甯不倍難朕以渺躬勉應

臣民推戴嗣統南都痛我先皇帝后元宮未奠政議遣將誅逆營建山陵聞卿斯舉深用嘉嘆今特賞銀一百兩紵絲八表裏加上柱國少師兼太子太師改禮部尚書充山陵使祭告先帝先后會同工部侍郎盧世漼光祿寺卿王應華相擇吉壤建造寢園卜日恭厝務期盡心襄事勿負朕託先帝以不世出之聖主罹古今未有之變儻其窳窳有憾豈不負痛益深惟爾元臣既先建大功於前必能襄大事於後爾其忘之故敕

敕諭御史盧世漼

賜誠堂文集卷十一

二

逆寇之變凡有血氣莫不痛心迺偽官四馳交臂屈膝良可悲嘆惟爾世漼同舊輔謝陞忠憤填胸倡義誅偽山東之士始知天常嗣後擒斬日間俘馘踵告推厥首功實繇於爾朕以渺躬繼統念先帝后元宮未奠日痛悼於厥心方議命將翦逆恭謀改葬忽聞茲報朕甚嘉之今特賞銀三十兩紵絲四表裏陞工部右侍郎充山陵使會同輔臣謝陞光祿寺卿王應華相擇吉壤建造寢園卜日恭厝爾以公忠受茲重寄務悉心殫力用襄大事儻或弛慢違禮致負朕託責有所歸欽哉

敕諭寧南伯左良玉

疾風勁草自古誌之況當天崩地裂之時而鍊餘彌堅丹心愈烈縱橫史冊屈指幾人自逆賊發難河水流殷先皇帝知爾忠貞特佩爾大將軍印綬付以討賊之任爾屢建

奇績擢爵五等朕在藩邸卽聞而嘉之方圖秣馬勵兵尅期翦滅而北都凶問有隕自天爾捧接御書號呼搶地感激將士誓不俱生李晟義激孤軍張巡泣陳畫像難以喻其忠也且聞鎮軍缺餉有日益軫朕懷彼方冒死急公忍使脫巾告餒已傳諭督臣便宜給發至於師中之吉衆克在和天討之權同仇迺濟惟爾與行門文武法平勃之交權建旂常之偉伐大仇未復朕日夜痛心嘉爾忠猷特深毗賴爾其益勵後勛破格酬庸余一人其敢有愛其一切應行事宜悉遵照先帝敕旨行欽哉故諭

京營總敕

皇帝敕諭國之大事在戎居重馭輕京營尤爲切要中興

賜諡堂文集卷十一 三

根本莫先於斯特命爾總督戎政少保兼太子太保忻城伯趙之龍提督司禮監秉筆太監盧九德協理兵部尚書張國維合統京營事宜一應副叅遊守各官營悉聽爾部節制調度凡係營伍火藥器具各項錢糧應屬衙門支給照派取用在京治中以下五城坊司兩縣各官專職城守事宜者悉聽統轄將吏軍民人等有熟練火器精習城守忠義勇敢輸忠報國者悉聽爾試驗委用上自安慶池州下至海門福山一帶地方俱不時偵探防禦采蕪安池九江九師將領會同該督撫相機調遣江海盜賊內外土寇如遇竊發卽行調兵殲勦所轄文武各官俱聽不時舉劾各總兵官有驕抗縱玩卽行題叅副將以下不用命者

軍法從事眞正奸細及倡亂奸民拏獲立行梟示爾等苟茲重任宜奮起精神申明賞罰各體臥薪之意共堅枕戈之心固封守於苞桑整金甌於旣缺朕則汝嘉不靳懋賞如或扶同罔上偏拗悞事悠忽廢職倚權作威罪有所歸朕不敢貸爾其欽哉故諭

敕諭兵部尚書張國維

國之大事在戎而居重馭輕京營尤爲切要肅皇帝分爲三大營設樞臣與勳臣內臣共督之誠以文武兼制則事權不偏而文臣職得兼兵則軍民亦無譁擾之患意良深也南都積弊踵仍尺籍伍符半歸銷落非得元老重臣經營而釐剔之不可惟爾先朝中樞壯猷素著特命經營戎

賜諡堂文集卷十一 四

政凡總兵及教場提督副將俱聽節制副將有違悞軍機及梗令驕執者聽叅處遊都等官竟以軍法從事臨陣退縮淫縱劫掠者梟斬奏聞沿江上自安慶下至海門俱脩練設備增戰船利器械不致疎虞鹽賊海寇相機勦捕選將領肅紀律清隱占時訓練勤撫恤毋徇情面毋避嫌疑毋辭勞怨務使三軍之衆人懷敵愾張皇國威至邇來兵民猜搆醜禍非小爾撫南畿人心信嚮凡江南各郡邑俱敕爾安撫爾以元樞受茲重寄須恪遵朕訓力副注倚如或扶同悠忽偏拗悞事責有所歸欽哉故諭

敕諭都察院右僉都御史祁彪佳

向承平無事南直隸統於一撫茲卜鼎舊都江防嚴誌允

延臣議增兩撫分統上下江今特命爾巡撫蘇松常鎮等處地方并各該衛所總理糧儲提督屯田催督兌運安撫百姓勸課農桑蓄洩水利脩理城池并預備倉糧賑濟饑荒孝子節婦德行士民從優獎勵地方正直賢才不拘貴賤虛心採訪奏用所屬官員薦獎廉能懲戒貪酷應拏問者就便拏問應奏請者具奏處分有奸徒倡亂形迹已著者即時擒戮凡興利除害便於軍民之事悉聽爾便宜處置今寇氛方惡綱繆防禦大非昔比爾雖練兵選將備戰船利器械遇有賊警即隨宜調兵截殺上江有警亦發兵策應撫屬地方文武職官悉聽委用沿海參遊守把等官并別鎮調集防守該地方兵將俱聽節制仍會同總兵官

賜諡堂文集卷十一

五

相機調度如有稽遲糧料違悞軍機及臨陣逗遛驕悍殺良者文官自知府以下武官自都指揮以下並許拏問布按名道并餉司指實奏官軍不用命者軍法從事爾受茲重託宜輸忠效忱殫心竭力務俾軍民得所地方寧靖糧儲無虧災荒有濟庶不負簡命之意毋或乖方悞事致干國典爾其勉之慎之故敕

敕諭山東巡撫王燮

邇因北都淪陷東省要區久缺官守土寇乘機竊發良民切望漢儀特命爾巡撫山東等處地方并各衛所提督軍務總理糧儲安撫百姓脩理城池擒斬叛逆薦舉隱逸獎勵節孝所屬文武官員廉能者不時舉薦超擢貪酷闖茸

應拏問者就便拏問應請奏者具奏處分司道守令佐貳等官有缺補者即奏銓補凡一切興利除害便於軍民之事悉聽爾便宜處置今寇雖西奔敵志未測山東爲兩京咽喉萬分緊要爾須多方拮据練兵選將宣布朝廷德意以收拾人心爲第一務遇有賊警即調兵截殺進則肅清燕代退則保障徐淮撫屬文武職官及登萊等處沿海將領俱聽爾節制調遣如有驕抗不法違悞軍機及臨陣逗遛殺良冒功者文官自知府以下武官自參遊以下並許拏問司道等官指實奏官軍不用命者軍法從事爾昔守大梁繼按淮海皆顯著忠猷故畀茲重任務宜殫心俾東土輟甯恢復朕將不靳殊賞如或作事乖方貽悞重地罪有所歸欽哉故諭

賜諡堂文集卷十一

六

敕諭都督同知楊振宗

茲以皖江爲金陵上遊全楚控扼特命爾管理直隸安慶水陸地方勦寇總兵官事遵照先朝題准事理自舊設統領水兵五百名提督所管衛所官軍外議增現在竈丁二千八百二十名分作三班輪操江上以備緩急其新舊增設勦兵一萬名有缺額者簡募足額勤加訓練脩理城池整備戰船鋒利器械防禦賊寇禁捕鹽徒所分汛地南岸上自香口下至池口北岸上自小孤山下至六百丈二百九十里無事督率哨兵察照限期上下會哨哨單取池口巡司印蓋爾仍用關防鈐印每月終繳報操江衙門考覈

不許縱容哨捕等役買閒偷安以致哨守缺人有警卽率將士奮力勦殺上自九江下至金陵沿江一帶副叅遊守皆聽調度節制不許觀望逗遛如馬兵短缺及臨陣不堪勦殺責有攸歸一應兵糧俱照題定額派不許詭名侵冒凡事與督撫按臣從長計議而行兵備司道官聽爾會行不許掣肘爾仍聽南京叅贊衙門節制務使軍民安堵江洋無虞庶副委任指揮等官敢有抗違者徑行懲治爾其持廉奉公殫忠奮勇出奇制勝朕當不靳殊賞以酬爾庸如偏私執拗有悞事機或縱容兵將殺良冒功生事害民罪不輕貸其餘未盡事宜隨時酌請施行爾其勉之慎之故諭

賜諭堂文集卷十一

七

敕諭都督同知金聲桓

維揚夙稱重地今西北多故鎖鑰江淮保障畿輔必須得人茲督師輔臣史可法題爾忠義堪任特命爾充總兵官鎮守揚州等處駐札該府所有原設新增官兵用心訓練釐剔虛冒團練鄉勇竈丁護守城池肅清內地緝盜防奸通商裕國調和兵民務令相安遇有寇警聽督師輔臣酌調隨征相機援勦凡所轄江北地方副叅遊都守營衛等官俱聽爾節制調度爾仍聽督師輔臣節制地方重大軍機與撫按鎮道會議而行其官兵糧餉按月造冊聽督師稽察給發勅書開載未盡事宜會同督撫奏請酌行爾受茲重任益宜持廉秉公正已率下務令兵民相安戰守有

賴如作事乖張責有攸歸爾其慎之故敕

敕諭御史米壽圖

茲以巴蜀爲三秦後戶荆楚上游天下形勢強弱所係巡方之使不徒攬轡問俗實資借箸籌邊其行甚難其責甚重知爾忠不避難沈毅有爲特命爾巡按四川等處地方事務兼管監軍茲宜遵照該部題准事理照例巡歷嚴飭文武將吏懲貪獎廉以安地方仍一面親歷戎行察覈功罪凡酉陽石柱六番諸蠻長老及西域諸國可以資爲犄角者許爾將所齎空札量加官爵便宜調遣仍照先帝差楚豫巡方例募兵五千以備策應今先募死士五百名隨行給發廩糧長單隨在取給到彼察閱各路兵馬以足前數叅佐等官量才授任類行報部一切勦逆撫土戰守恢復事宜會同各撫鎮官計議而行如遇大兵合勦察其奮勇當先擒渠獲醜或逗遛退縮殺良冒功者逐一紀明奏請以憑分別賞罰凡兵馬錢糧數目軍需器械等項不時點驗毋致虛冒文官五品以下武職叅遊以下應拏問者拏問應叅奏者叅奏事平一體優敘爾以風力受茲簡任須持法秉公深謀察畫整飭將士恢秦奠蜀立奏膚功毋得徇情執拗債事取戾爾其慎之故敕

敕諭蕪關戶部張大章

權開朝廷之不得已也上不廢公而下足惠商則惟所司之公廉有謀焉蕪關稅務向改南歸北今一併歸南特命

賜諭堂文集卷十一

八

爾前往監收蕪湖鈔關稅料每年額銀除清江船廠仍舊額解外其舊解南北工部者今併解南工部南戶部應徵正羨稅銀并部議新增充餉銀兩俱照數解納此外如有羨餘儘解充餉每日督同差委同知通判等官親身到關凡遇商船經過照欽定則例定以料稅銀兩數目填單發與委官驗單秤收仍於本部給發稽考簿內照數逐一親手登記將每日所收銀兩督同委官秤兌明白正餘銀若干亦各登記簿內爾宜用印鈐封委官押送該縣寄庫季終令縣長印官公同委官將一季所收正銀正羨銀兩驗兌傾銷差官解部其解過銀兩數目爾仍取該縣實收以備考察其稽考文簿俱候年終各以關防官印封固繳部

賜誠堂文集卷十一

九

不許彼此通同致生弊端亦不許紛更權法濫用胥役以致厲商病民一年限滿預先呈部差官更替一應經收船料錢糧數目定以新官接管之日爲始不許彼此推諉仍卽造冊奏繳清冊送部考覈果無欺弊方許復職爾受茲委任須廉謹自持

賜誠堂文集卷十二

明禮部右侍郎兼翰林院侍讀學士管紹寧撰

八世孫繩萊重編校

代言

敕諭黔國公沐口口

敕曰卿文武兼資忠貞世篤昆明坐鎮遂使國家無南顧憂半壁長城藩屏永賴天禍王室遘茲憫凶朕以涼德勉纘丕緒肝食勞慮誓心除兇廣集虎豹刻期翦滅滇中土司夙稱忠順土兵素號精強特遣臺臣前來調取卿卽會同撫按官預儲糧糈廣示招徠指授方畧督趨就道成功之日一體旌賞卿開國世臣誼均一體殲賊刷恥諒有同心無忘先帝之仇益懋厥祖之烈欽哉

賜誠堂文集卷十二

十一

敕諭應安巡撫左懋第

敕曰金陵要害東京口北淮泗西澗水西南江州皖自六代以來攻守咸出之而江皖爲長江上游故京畿三輔西南爲尤重往承平無事南直隸統於一撫今卜鼎舊都特允廷臣議割應安徽寧池太廬七府滁和廣三州并江西九南饒三府特命一御史大夫鎮撫之蓋上游重則京師重京師重則天下臂指相使削平有期厥任惟艱厥選加茲爾左懋第資兼文武明識兵畧特命爾以都察院右僉都御史巡撫應安等處地方提督軍務兼理糧儲今國家新造逆燄猶狂惟爾張皇國威屏蔽豐芑律已嚴以肅馭

下恩以威則偏裨部曲皆敬忌而不敢離局亂次賞信罰必令行禁止因以簡師凡賦削平匪茹何事不濟何兇不除當茲禍難殷流急而求子朕於爾實有厚望焉往盡厥心母替朕命

敕諭太僕寺少卿監理江北軍務萬元吉

敕曰自古成鑿師克在和定大難建大勛未有不同心戮力而能有濟者也天禍國家遘茲顛覆朕以渺躬賴諸文武大臣不忘高帝定策繼統四鎮聯絡慷慨同仇雪恥除兇將在旦夕然軍營各立嫌覺易生兵民雜居挑構難免已命輔臣史可法總制猶恐督師體統嚴重羣情不能通達特命爾以太僕寺少卿監理江北軍務調和四師約束

賜議堂文集卷十二

二

兵民張皇國威立殲兇逆昔平勃交驪則諸呂授首嶠侃合力則蘇峻伏誅今逆燄方張國靈未振豈可各設城府墮黨崇警爾其宣諭朕心一遵約法兵毋騷擾民無疑謗有司毋異心將士毋勇私鬪而怯公戰違者不時奏時雖多難國憲猶存勉竭忠貞勿奸大法爾署舍人役卽於滁州衙門取給監理之餘兼管牧政其一切兵馬錢糧戰守事宜輔臣自有調度爾其悉心叅畫料理以奏膚功欽哉故敕

敕諭總鎮張應元

敕曰郢中控帶荆湘吞納漢沔西連巴蜀東達吳會自三國以來襟喉之勢存焉至我國家世廟龍興尤爲陵寢重

地邇者兵驕將惰失律輿尸因而秦晉踵淪燕都墟莽朕心悲憤尋刻靡忘拊髀壯猷不啻饑渴茲卜鼎建業更急上游非矯矯虎臣詎克控振爾張應元武毅挺質公忠矢忱允稱南國之金湯已膺先朝之推舉特畀爾簡書總鎮茲域鼓勵將士整飭號令進而埽蕩秦晉退而保障江淮胥於爾是寄爾其益厲枕戈之氣共堅同澤之心復君父之大仇樹不世之勛業朕固不惜世賞用酬爾庸不共之戴諒有同情特達之知甯無獨奮朕言不再爾往欽哉

敕諭監軍御史陳蓋

敕曰國家版圖所莅惟雲貴爲最遠僻然其俗勇而朴土兵尤剽捷善鬪先朝征伐往往賴之今國步多艱朕日夜

賜議堂文集卷十二

三

痛心有一長片技可以滅賊報仇不難重趼而致輔臣史可法奏稱去歲所募滇兵數百名皆能戰直前恪守紀律朕甚嘉之爾陳蓋昔按滇南頗得衆心卽命爾充雲貴詔使俾西南絕徼咸沾德意并宣諭遠人使知逆惡貫盈率土同仇會同撫按鎮就動支該省額解錢糧招真正士兵五千人買水西戰馬貳千匹戰象數隻赴京聽調務須人馬精強實堪殺賊事完奏請開銷有功不次陞賞爾以風力受茲遴委須體朝廷萬里遣使至意馳轡星馳虎旅雲集振揚威武殲滅渠魁如或怠玩因循觀望逗遛及中途譁掠反滋擾害者罪有所歸爾其欽哉故敕

敕諭提督孝陵神宮監

敕曰古者山陵皆有園即寢即供香火脩除之役國朝獨簡內員提督重以事權誠以弓劍重地非左右近臣無以妥神靈而嚴拱衛也惟茲孝陵高皇帝高皇后元宮攸奠發祥詒燕垂三百年朕遭家不造入纘鴻基仰瞻几筵哀憤切至萬幾殷繁不能時來省禮念爾內臣先朝舊員小心久著是用命爾提督孝陵神宮監掌印整飭士伍葺理垣墉培滋封樹稽察龍脉有怠必警有圯必新使高廟罔恟於在天朕心無羞於實越時乃爾勤爾其恪恭夙夜明副朕懷

敕諭提督京營內臣

敕曰高皇帝奠鼎建業立留守等四十八衛鞏固京師期

賜誠堂文集卷十二

四

門羽林星陳山布禁旅之制度越曩古承平日久武備漸弛軍伍晨星鶴鶴無色今鎬京再建更當多難之秋須壁壘一新不得仍踵弊轍爾某勤而不擾貞且有為特命爾提督京營選將領肅號令清隱佔汰老弱脩車馬備器械郵士伍使兜鍪懷死綏之氣六軍有魚麗之容時仍爾庸則朕以懌蓋軍容既張則國威自振宸居日壯則外勢益尊昔人有言軍欲其衆也心欲其一也三軍一心何往不濟爾其祇若朕訓副朕倚毗

敕諭催糧內臣

敕曰年來軍興費繁東南民力已竭瞻茲凋敝深軫朕懷已將一切加派次第議免然軍需方急惟正難遲爾司禮

監隨堂內官監太監王肇基勤於奉公謹於趨事特命爾察催南直等省漕白二糧并金花軍糧等項星解來京爾其夙夜匪懈奉命遣馳使蜚輓接途帑庾無置昔蕭何轉漕三傑稱首恤民足國惟爾之能務設法鼓勵彰朝廷不得已遣使至意欽哉

湖廣巡按劉熙祚誥

制曰三光暗沒得正氣以昭回萬劫緜延惟孤忠之蓬勃蓋百折不渝夙夜故一死可壯山河爾巡按湖廣監察御史劉熙祚江海方才泉阿比骨始從花邑入長蘭臺鵬騫王素之章權豪引穴豺避張綱之道貴戚泥樓屬楚寇披猖荆江淪陷人悉辭危而就坦爾獨攬轡而擻夷漢水驅

賜誠堂文集卷十二

五

車方晷日奏平淮之績街亭失律遂一朝成覆楚之凶林藎頭礪於頑奴常山舌斷於臊羯而戟手愈烈絕命彌雄野火流青嘆精光之不沒陰房照碧覺英爽之猶生是用特贈爾為某官錫之誥命嗚呼睢陽雀盡彌張貫日之忠建武龍飛大顯騎箕之氣爰申渙汗用報銜鬚朕方表鶴墓以旌忠爾尙駕胥濤而殺賊欽哉

諭祭劉熙祚文

維宏光元年歲在乙酉某月某朔越某日皇帝遣官某諭祭原任巡按湖廣監察御史贈某官劉熙祚曰惟爾學本家傳忠繇性植始鳴琴於東粵旋簪筆於南康鐵寒烏府之肝紙貴公車之奏湖南攬轡值荆襄之既淪閩外運籌

猶機槍之屢殄乃渠丘之圍既合而賀蘭之援不通兵盡
矢窮力竭身臨忠孝於斯無愧綱常賴以不磨今天宇重
晶幽芳悉表以茲慘烈深愴朕懷諭祭特頒庶幾歆服

孝陵立碑祝文

於皇鍾阜長發其祥層巒疊嶂鳳翥龍翔陵園卜建弓劍
攸藏皇猷赫葉純禧熾昌縣縣永祚萬世無疆坏土爲重
豈容毀傷歲久法弛人之無良開窰伐石樵採不嘗赫赫
在天豈無傍徨孝孫皇帝威然靡遑命官展視國法用彰
臣等欽奉上命勒石禁防近自鍾麓遠迄武岡一草一木
不得殘戕諏日樹立于山之陽祗肅升聞昭格洋洋謹告

懸鐘祝文

粵考周禮鳧氏爲鍾龍文虎章聲應金風窳不忒清濁
得中紀三平六萬物孔融維茲午樓建設大鏞肅涓嘉日
九乳懸宮潔誠昭告備物有容聽之無教降福麗洪尙饗

賜誠堂文集卷十二

六

賜誠堂文集卷十二

賜誠堂文集卷十三

明禮部右侍郎兼翰林院侍讀學士管紹寧撰

八世孫繩萊重編校

文

重脩留都太學廟碑記

國朝之制兩雍並重其在南猶鎬京辟雍也高皇帝首卜
廟若學歲數臨幸博士橫經焉廟堂筵几倣漢明堂崇飾
宏麗兼於唐宋自是其作人之久得人之盛棧樸圭璋文
武將相有指不勝屈者三百年來費棟楹節久輒善蠱司
其教者承敝易新亦屢圯屢葺是不一舉然無弗請於朝
者其經費蓋亦不訾云今天子稽古右文皮弁視學尋有

賜誠堂文集卷十三

一

詔拔天下文學異等充切兩雍中甚盛典也顧其於禮樂
潤色謙讓未遑屬是時軍國多故旄檄蠶牛於論鼓鍾亦
不暇及焉先是司業項公煜入祠室觀其華離枝桂旁頽
謀所以堅茨丹雘亟爲請於上得報可檄南司空估值若
干緡會項公內召入事寢不舉丙子之春祭酒張公四知
繼至周眎闕廡屏氣息憊慨而用歎思與其觀屢以前旨
徵水衡錢迫值軍興廢閣不時應夏秋之交余承乏司業
相顧仰屋費安從給居頃之衡部始遺餼可三百錠則乎
匠石而語之僉曰鬼矣廊矣匪千金莫之舉矣張公慮事
且不繼顧勉而脩與置而不脩今孰爲便余輒以臆對曰
夫國家之事有似緩而實迫者崇聖學是也有似細而所

闕巨者飭廟祀是也有動於無形而爲國遠猷者未雨之
桑土是也與使吾失今而不治待之後人後人又不治其
費什百今日矣使後人能治之適如今日則今日之不治
不爲惡乎吾儕儒也居儒之官食儒之澤職思之謂何爲
人臣子苟可以爲國家節一日之糈壯百年之觀其何憚
弗爲詎容以不給爲忌也典簿廬上銘進曰是不難夫興
事以度度則約成事在勤勤則省計今米廩之遺稍食之
功不及千金者以十之二雖然可以報命矣出則旋指助
教賴繼夔楊廷禎相與竭心力鳩工役庀材運甓自堂徂
基倒茄藻井之鏤反宇飛甍之岌實實枚枚扈扈噲噲靈
門有閔連廡式廓丹楹碧砌漏厨層閣不華整凡五閱

賜誠堂文集卷十三

二

月而告成夫其費半而功倍時速而事舉不動色於水衡
之再告而壯麗復可垂永禳皇哉唐哉京國之觀也雖世
廟時之益以行殿神考時之易以碧瓦方茲不媿焉其亦
可以繪太平之色敦敦教育之原也諸生弟子數十百人環
而謁曰盛哉斯舉矣兩先生旦夕且相繼入春官不爲之
詞以光金石後世何觀焉於是寧義無所辭輒述梗概用
建貞珉如右

詰封中憲大夫浙江紹興府知府震原王公墓誌銘
余雅聞荆溪有震原王公少學郡城師事元臺薛先生與
孫文介吳文端龔官論諸先生相友善文稱繡虎行比祥
鸞心竊嚮往之然竟咫尺不獲從公游歲辛未公仲子履

青舉南宮與余同朝迺得因其子悉公踰十年而公捐館
舍又踰二年而公伯子文學君暨仲刺史君將卜牛眠之
吉阡奉公窆焉手自爲狀匍匐乞余銘以備窆窆於戲公
固余曩所嚮往而弗克一覲者也乃今得以三寸不律當
執鞭則幸甚雖惟不文庸委諸公諱廷偉字元烈震原其
別號也王之先世居邑東之黃川里國初徙金墩後又徙
湯堰先世有居竹公者仕宋爲禮部侍郎十一傳爲鳳山
公無嗣嗣姊子奇績公爲宋樞密蔣公之奇十三世孫生
丈夫子四人長古川公工儒不售以心計致素封古川公
生贊華公神廟初嚴汰學宮大邑采芹不過十餘人贊華
公哀然冠軍焉卽公考也公生而岐嶷異恒兒口占屬對

賜誠堂文集卷十三

三

應荅如響古川公心奇之每食必加諸膝以爲懼曰王氏
之興其在此乎六歲就外傳益屹然有大志九歲卽工屬
文十四補博士弟子員旅謁郡侯浦江令純字范公一見
器之以所愛女許字焉自是公鼓篋多在郡元臺薛先生
每稱其文根極理要泛濫經子有王唐大家風已而名益
噪里中諸長老先生人人心折公母敢以宿學亢公者先
後督學使者郡國守相令丞手公牘無不深嘆賞以公輔
指目而顧尼數奇數不得志於大比丁酉秋旣首薦矣復
見格於同列置一榜同人無不爲公扼腕贊華公慰之曰
遇合固有時耳緊樵蓑者而遂無豐年哉我王氏固詩禮
之舊也青箱之業在焉焚膏繼晷播焉而必有穫甯渠以

一僂失自佗僚爲孺子勗諸母愠於是益發憤下帷凡十三經二十一史性理百家諸書無不手錄成帙挾其妙而抒之文辭閒未幾贊華公卽世公柴瘠踰禮勺水不入口者旬餘幾至滅性母吳孺人切責之乃稍進饘粥執喪三年靡斯須倦孺子慕贊華公旣歿家漸圯公舌耕養母束脩所入悉以備鮭菜每塾館歸問啟居滌廁踰和氣婉容色養備至吳孺人晚而喜佛事好施予公卽垂橐如磬必百計應之未嘗以匱告乙卯吳孺人遽膈疾持公手泣曰吾向之不卽從而父地下者徒冀而成名報而父也今而髮種種而吾病日惡未亡人其能終待而哉公聞之涕蘇蘇下也曰兒之不能大而世以慰母心罪也雖然吾舌尙

賜諫學文集卷十三

四

在敢不盡力是年春厄府試不得與決科棘期逼乃奔謁學使咸所王公於秣陵關王咤曰子王生非余令荆時所指爲公輔器者耶謂騰驤皇路久胡尙困諸生閒卽爲檄京兆入試是秋復報罷明年而吳孺人之病增劇公泣籲天請以身代頭搶地至流血不已遂棄館歸侍疾湯藥非手調弗進如是者踰年而吳孺人竟不起公痛功名之未立而已之終不得贍於養也哀毀骨立又甚於喪贊華公時每篝燈夜讀未嘗不淚涔涔如縷靡不止誦蓼莪而掩泣也念生不獲以祿爲二人懼日發憤吟唔圖遂先志文學君暨刺史君相繼游譽名籍甚曹偶閒或以書香付兩郎君諷公公應之曰君知制科廷對助漢乎曰然漢首擢

對策第一爲誰或愕然良久曰江都天人策非耶曰非也公孫宏爲漢制第一唐宋因仿以臚傳時年已七十矣後爲孝武相爵三公人顧自奮何如耳於是志益壯凡國家令甲掌故若錢穀兵策屯田馬政鹽鈔茶鐵邊腹要害諸類無不精心計之分列成編而各叅以條議蓋未嘗須臾忘用世也今上幸未刺史君成進士拜尙書曹郎驟顯貴或謂公久困咕嚕閒一旦得志從茲可謝去帖括一洗數十年蹇產怪屑之思乃公則悵悵謂二先人教誨我屬望我逝之日僅以儒冠綦中歸窶宮吾日夜痛入骨髓孺子卽倖第夫誰以一命榮我二先人且開卷有益安在制舉業不足飾束身心夜燭曉窗爲儒生如故會歲丙子刺史

賜諫學文集卷十三

五

君守東陽時學使爲虞邑倪公三蘭乃以儒官削一通強致之初公猶快甚旣而曰孺子秩二千品列四矣稍遷卽可貶恩兩先人吾何爲日僕僕章甫閒與鄉里小兒爭甲乙哉迺搆小築於周貼鎮之東隅左壺右絃陶然自得閒載筆牀茶竈往來煙渚閒邑大夫脩譜誼請見輒謝曰吾爲諸生五十餘年試事外未敢一謁長吏幸謝使君願遂我平生有以賓筵重公者亦力辭弗與迨庚辰春紫庭吳公固請乃勉承焉刺史君每之任必莊坐呼誠曰而祖父世守清白又慈惠之師也古有訓廉謹刑二銘孺子知乎故曰吾觀夫苞苴者相屬也拳榻者相枕也以箝網之威而佐夫筐篋之智者相望也上選擇而使我意欲是耶往

有以御蚘封鮒問平反幾何以訓其子者彼髮而冠者且然童子備官而廉與仁之不聞母乃疑厥考之弗克誨厥子也勉旃毋隕厥家聲遇較士必貽書誡曰天下獨寒士苦耳竿牘有靈真才短氣不顧造物忌耶號爲選才而實以徇權貴當塗者快之吾不願爾效也刺史君踞受教以是朝夕自砥爲廉平自筮仕以來循聲治績所在炳然則皆公之教也庚辰三月刺史君移守長沙公蹴然語曰往而郎留都守於越相距不過數百里輿人之歌謗必而聞而用是知爲政之善敗今能湘越在南楚去數千里而遙歌謗吾不知善敗而不聞吾能無憂哉明年辛巳復調襄川襄川爲楚豫脊初被焚掠公復遣急足馳書屬曰朝廷

賜誠堂文集卷十二

六

養士原票人艱難險危處走將去臣子報國必須從盤根錯節處做出來而翁尙健飮而兄能善事我而毋謂身當寇衝恐不遑將父爲而翁憂誠精白一心綢繆保障完名城以還主上而翁卽採蘇薇以薦甘如飴矣亡何憂痰症浸淫遂不起易簣前數日呼文學君語曰吾行年七十自信無失德死可無憾惟而八躡場屋弗克俟而再舉次兒遠在戎馬中不得一訣爲可悲悼然忠孝非兩事一盡則兼盡小子識之而父訓爾曹止此矣語不及私而逝公天性孝友言動恂恂然以古人爲法戚黨以緩急告者必量力以濟居恒尙論每謂唐郭侯汾陽晉公宋溫公魏公皆身繫安危數十年然非福德與勲業兼至者弗能及惟文

正先憂後樂四字士人當佩爲弦韋生平不妄交游而尤恥干謁自子衿以至中憲未嘗以刺通公府戒子姪必以禮御臧獲有恩家庭燕對肅若朝典斗酒自怡亦必有節遇國事多虞輒憂形於色七不售於秋闈志未嘗以困頓挫卒之日鄉人無少長皆相與狂走哭於門而其賢者次其行聚謀於學宮而祠之鄉先生社公爲人謹慎而和厚未嘗以貴色加賤未嘗以賢智色加愚不肖而又仁心爲實慕義無窮所謂羶行而人悅之宜其失公而悲也先是公疾未革室中香氤如霧舉家見而異之公其蟬脫龍變游於閭風明霞之嶺也耶公生於隆慶辛未七月朔日卒於崇禎辛巳九月十九日享年七十有一以次子期昇官

賜誠堂文集卷十三

七

於崇禎十三年三誥封中憲大夫浙江紹興府知府元配太恭人范氏純宇公女子二長期昌次期昇葬之日以癸未年某月某日墓在慶山之原銘曰瑯琊之裔惟熾昌如彼九江流將長疇實岷源肇濫觴維公奮起滄厥祥韶齡鼓篋升庠庠胸羅八斗聲翺翔揮毫落紙搖三湘五鹿嶽嶽厥角戕俛矚餘子如蛙蟻過眼空嗟古戰場研鐵刊敝不售桑有子而才雙鳳皇天衢振翼先季方朱輪熊軾楚越邦鳳集螭散追龔黃帝嘉厥績遡肯堂被公金緋焜煌煌公言君德天無疆小臣有子安足償馳書刺史勤勩臣職胡敢辭羊腸而翁健飮無勞將神姿奕奕髮甫蒼厭世驟鸞歸帝鄉慶雲之山何飛揚巨川滙之流湯湯有崇

其封若斧防鬱鬱蔥蔥公蛻藏千秋萬歲惟爾康嗚呼天道翁乃張公之後人詎可量

徐養齋山堂萃稟序

吾郡素號明善之邦高賢輩出今試遙溯心儀俎豆彪列者自周迄今得五十餘人然猶彙五邑而借異代全德鉅材若斯之難也故有功著廊廟潛德未洽於輿評或行騰口碎表見未通乎不朽縱駢辭纖藻終與夕槿朝華滅沒於荒煙斷枳而已嘗端居深念取古人之道業文章與志行遂曲者一一靜探所往遂若形神具來儼萃一堂海漱天根旬旬動我情性是論世一途非可苟也余生在晚不獲與養齋徐先生同時幸得讀其書逆其志服膺其心神

賜誠堂文集卷十一

八

見其濯漚元泥遺世獨立屹然建樹之績矚然出處之關凡典禮祠署內秉農樞杖鉞誓師控引百粵具得揚勵氣節孤行自志卽此至文標會詎不動山嶽而標霞彩哉當時睹公之神者謂沖然爲山澤之臞蕭然無千金之橐豈知芳性腴潔貽蕩乎川原潤澤乎花鳥收攝乎行生卷舒臞者乃愈得豐蕭然者乃愈得盈溢定跡棲神眴眴區外故先生之道大明戶祝之輝日集噓其澤具堪立懦廉頑景其標動見鳳儀廖瑞先生之事業文望已越百世如新今就其戒策忠孝之章闡揚濂雒之旨表正民趨賁飭巖澤愾然扶經定聖之責固非蒿牀芸牘粉藩浮香所堪掠其一二者茲其嫡嗣某典秩羹膾後先輝映敦先生之行

於不衰展諸書之光於繼起手是編以問序於余余不揣安敢自外於前哲然猶幸荆川唐先生標舉於前余得附末簡申佈於後非能以明先生之志者不朽先生但得仰止心儀令讀是集者知轍謝陵顏具不足道高山景行當復在篇章之外也

南雍課藝序

丙子役南雍集士稱最盛蓋天子加意教地停納鏃盡檄天下學臣覈鄉邑之俊秀而拔其尤以實諸雍一時文物彬彬改觀矣先是邱翁張先生秉鐸溢載多士日就型範又復指趨一變不敏某奉簡命以夏杪抵留都適與決科執觚隨先生後先生偕余矢曰聖明廣厲根本功令嚴誌

賜誠堂文集卷十一

九

每勘闈中版不啻如防城譏寇焉今日課藝卽闈牘之先資也樞門闕題稽察務刻無懈凡五試得卷二千有奇乃彙六館諸曹同堂對几而評騰之高下既呈復嚴加覆閱之有不當意則移甲入乙不惜也堪元賞則轉殿爲最不憚也目不交睫者凡匝月余與先生始分衡之既互訂之晷盡繼之以燭且相射覆曰此楚材此越雋此閩粵之良此荆淮滇蜀此雍豫齊魯九江之傑此三吳之風旣發覆則相視笑又臆決曰某新英某宿耆某淹名曰某聞實學某久嫻而乍竄某積苦而獲甘鮮不厭厯洞微余乃謂多士之遇於主司其力穡而券報也而余與先生兩人之洵允何如此乎不針芥而侔也先生顧余曰九鼎之鑄旨口

不啻百味而調醯鹹之手祇一人自知也南北海相去幾千里前後時相遠千餘歲聖人出而此心此理同也今多士之爲楮爲墨爲心爲手不異此心此理而余兩人之爲心爲目爲迎爲距亦惟此理此心也其中有神焉有真氣至意之相感焉以靜默收之則無不得也如執一念焉曰必如何以覓佳士而佳士遁以虛公求之則眞賞鑒出也苟轉一念曰吾將徇人言或無矢人望人言來矣人望亦從此失凡此皆余兩人所得自盡以不負多士者也余曰此豈特先生所以不爽士而多士之所以不爽於主司者亦將在此歟風簷振腕爰寫生平儻其改技以逢迎烏知不鼓瑟而竽門乎臨機得手存乎豫養儻其猝辦以鈞奇

賜誠堂文集卷十三

十

眩欺不律幾何不盡鬼物以徒工驅車箱而望洋乎妍媸入鏡掩飾難施早暮逢年機緣有在儻必詭遇以倖售幾何不未貢福而速禍尋枉尺亦未必直乎先生曰此更多士之殿最關頭也蓋先生積誠以課士有以大服其心者今其業具在未幾先生以官端召入余亦濫次坊序爰有懷於茲役之逢盛事也搜錄其藝之尤者付劄劄氏先生既弁其額屬余後乘不敢辭鉛刀之鼓於是乎書

荆觀四念昔篇序

人之於制舉義也用則枕中之鴻秘不用則牆角之短檠耳以爲文章小枝遇則已焉嗟乎此非文章果足厭棄其弱管之先原無一段不可磨滅之意獨往獨來於中故雕

章繪句聊取逢時一朝棄捐了不足念且弗論其效也其底蘊爲可觀矣猗氏荆觀四抱絕人之才漁弋今古又源淵先貞襄公庭訓其爲制義也探旨以標義緣幹以達華鉤引貫穿舉大包小若太倉之蓄崇山之載崇禎乙亥已應新詔掄賢良翱翔旦夕矣以當事疏薦名在銓籍遂弗獲與棘試不得已屈首就選又俛仰夙昔慨焉交心乃從行麓中發經書如千首題曰念昔篇梓告四方余從黃門澹然年兄所縱觀之幽光浮於字表元理溢乎行閒肅則玉藻冠裳古則瓦棺神鼎巧則銅儀木鳶清則元霜絳雪高則石閭雲闕遠則月脇天心有才如是而久從蠖屈念昔之感所以深歎不知者謂祖宗朝如楊文貞陳節愍流

賜誠堂文集卷十三

十

鴻樹駿俱起家薦辟士君子相期遠大區區甘苦奚足寄情不知精神所注卽遇夫山川之偶歷酒壚之舊游未嘗不慨然低回久之漢隆準公定四海歌大風猶曰千秋萬歲後意未嘗不在沛況文人曉窗夜燭之所在枯髯血指之所經營其能漠然歟哉歷觀古昔意思深長之士其所建樹必多可觀聞昔流寇蹂躪猗氏觀四以諸生指畫繕城治甲危疆復安文章之效已足當鉢龍管豹今天子寤寐英詰瑰行琦能虛鼎以待觀四以異才首應明詔能軾專城則出而循良人而謀斷宏勳偉伐甯後貞襄回思昔日竹屋寒燈伊唔達曙與酣落筆旗鼓中原固謂必藥榜糊名方立業有地也孰知天下固有事期此而功成彼者

不亦大可念哉然則觀四之學所以成大名而顯當世者
不盡於制義而觀此亦可以得其概矣

賜誠堂文集卷十四

明禮部右侍郎兼翰林院侍讀學士管紹寧撰

八世孫繩萊重編校

文

送劉君岫歸里序

宣雲數患邊警猝至如風雨上谷幾梯墮且下巴郡劉公
監視赤城力裕於飛鳶而績完未掘鼠數乘閒礮擊遁去
而天子重封疆計蹂躪禦者若而堡謂公所遙轄地雖
幕府上勛樞報秩而天子盡易將吏公解節歸虎城時論
惋之余宗弟鳴珂借某君以韎韐毘守公實梓鼓馬左右
鞭弭以屬橐鞬則親悉公禦狀而又感公之去且冀公之

出而忱余言也余抱槧侍宸幄見上數盱食烽火徹於甘
泉從內庭檄外徼所折衝於廟勝者雲合電發卒不敢以
颺塵驚幟墨其安也惟上之庸乃賞以輪不踐境爲率公
雖才所提旅不蔽櫛又環雉而闕不及馬腹顧以力驅而
以法撝躬其退也惟上之勗然余於公之行而更有悵於
事之難肩與品之難汨也當公之繇望郎而膺屏服又上
谷劇鎮焉然其地自大寧撤而獨石殘寡重障之闌而恃
三型之烈順義弛款宣日棘矣又專踞赤城所控扼二路
要不離樽俎而圍墜塹非若督撫之可以羽書徵選而諸
將士之戈鋌職也而公猶身居戢戶同甘苦得士心又以
波流之疾爲山立之堅時復挾牙駭馬嬰堞敵鳥竟卷加

適尙責公於溝野之外與建彙者課柄而又爲冒鎬者均律也事之肩也不亦難乎雖然天子之歸公也以國法嗚國威而公所保禦一境并使母敢內瞰以一矢遺千羽憂則未嘗不晰公誼公而要養公之壯機勁其後耳且公旣去而將佩其教士懷其惠士大夫闡其功繇塞垣而騰京輦罔不傾泐此必非摶禽之弋與集羶之趨也明矣蓋實有所見而不能忘亦同有所慕而不能已哉故雖頓解鵲麟遠投魚鳧之釣其邴邴乎琅琅乎如攸乳而麟於齒者如是乎其公且篤也然則有公之品雖事之難肩而終不能以一肯汨公公歸而需再召乎魏公之長城雍公之采石皆蜀之已事而公所旦暮遇也以之展生平報明主而

賜誠堂文集卷十四

乎天下禹戴之望又難肩也乎哉

孫都督太夫人誌傳序

昔姚江忠烈公之靖難也一腔熱血天日於昭嗣後祥允蕃昌蟬聯鵲起說者謂忠烈之戮力苦故食報長迺余於都督太夫人而更欽其內德之所及者遠也方太夫人之歸孫也瑩瑩弱息耳所天早逝穉嗣遞凋愴慨之士推輓於頽波坎窞之間猶懼弗克自必以信其志太夫人乃以辱然髮而冠者任之卒之熊丸志就鵲印功成奕葉重光河山起祚非此母不生此子古今人豈相遠哉昔王陵母伏劍而諭子無二心虞潭母環佩資軍克成子績今長公丹心壯氣晶晶凌雲誓不繫單于於闕下獻渠逆於廟中

無以慰太夫人而上報聖天子邇者邊場頻捷幕府奏功身被袞玉之華親崇恩綸之贈識者謂於姚江忠烈相輝映焉此孰非太夫人機教所就以視兩母尤烈矣茲長公將哀其太夫人誌銘傳狀以及學士大夫祭弔之篇錄而梓之問序於余余推夫貞婦義子孝臣忠人倫之理備焉采徽音而播諸彤管以宣導皇化固史氏之職也爰不辭而弁其端云

壺山程氏族譜序

古者因生賜姓所以辨祧別族莫繫序昭至慎也自天下無世卿大宗之法雖名賢大臣之後往往不能世其家則以治久而族繁繫則易軼因有四世之曾孫不克追其四

賜誠堂文集卷十四

世之祖矣五服之羣從不及禮其五世之尊矣老泉有言其初始於一人之身遞分而爲總麻袒免以迨無服甚至不慶不弔相視悠悠爲塗人者其初卽一人之分也究亦誰能忘厥初哉獨慨夸夫好張謏儒臆逞每成一譜輒取歷來聞人顯仕羅致之妄爲支衍賤親而貴踈鶩遠而遺近逐賈而棄眞舛莫甚焉善夫程侯之爲譜也其首釐正者曰忘祖則無本誣祖則二本復嚴律之曰誣之弊尤甚於忘信哉茲譜足以傳程氏也程之先出自伯休父蓋以國氏其孤貴獨隆非如張氏之一姓而十望李氏之一望而六房也在晉爲襁文衣在鄒爲語傾蓋吳之江表虎臣陳之雲飛父子宋之河南兄弟表表著者不可筭計皆宗

也而顧以世遠裔遙弗強爲繫援也卽子深子仁載諸堂
記鄉進士懋誌諸家狀獻有徵矣然而名稱僅見弗妄爲
綴兆也維斷自勝國初文英公始根帶支衍節節可尋因
條分縷布之疑傳疑而信傳信善夫程氏之爲譜矣其九
世祖伯溫公敦禮明義爲愛敬堂以事兩尊人率子弟曰
朝夕焉以故二百年來壺山之程世傳醇樸肫篤而十世
孫外翰問梅翁文學翁暨從孫錦壺後先爲譜務取確見
真聞以底於不誣不忘以成其不朽其所胥源者實遠耳
雖然甯獨於家哉書云克施有政卽侯之治邑亦若是已
矣周武王心法紹大統祇曰邇不泄遠不忘我侯夙具神
明其移檄吾邑咄嗟立辦五官齊下他如平賦役均征調

賜誠堂文集卷十四

四

審爰書精較雋嘉績不勝殫述而吾武素號巖邑其比間
雍睦禮讓相先不少而閒以斗粟尺布煮豆燃箕糶鋤市
色乾餼愆德者亦未免概見我侯一以誠用其明有如韋
景駿付授孝經大義化庭臬而哺所生今園毘陵之邑澆
者日醇競者日恬集老幼生齒歌呼於賈父鄭母之餘其
油然孝弟之觀感者深矣且侯令余邑躬最儉約日給不
享二簋獨蠲其五斗之羨佐以家儲充梨棗之役將來文
正之義莊公藝之德門聖明天子敦龐訓厚必有特旌式
閭借程氏以風化六合者矧我侯濬哲躡生瓜瓞方盛斯
譜固以傳程氏而我侯更有以大斯譜也會譜行而侯以
籍誼徵言於余余敬詮序所繇來如此時崇禎五年壬申

歲除夕課

張四知司成晉宮詹序

始余不佞未從事於先生也耳警其聲奉先生以當代之
卓犖恢奇比余之得從事於先生也佩服無斃又信天下
之淳允篤誠惟先生退而繹曰吾人也乎哉溫溫抑抑毋
乃類茲休休斷斷意者其選歟今天下所急正不得淳允
篤誠有如是人而以爲救時真宰相耳於是今上之十年
青宮之將齒胄也簡於詞臣物望積重者以爲宮詹長而
特擢先生可不謂彈冠慶哉國之有大司成天下師也其
在成周兩漢則太子師也進而言之又天子師也唐之太
學常蕪矣昌黎韓子喟然引聖爭其惑宋之太學常靡矣

賜誠堂文集卷十四

五

安定胡瑗首析科條倡其教國朝以來更重其職前有宋
公訥後有陳公選於正統時北則李公時勉南則陳公敬
宗於孝廟時北則謝先輩鐸南則章先輩懋稱頡頏焉自
是後先爲宮詹相次枚卜躋端揆者奕奕於朝非獨其地
望比近抑其躬備道德朝野倚注所積漸然也先生於書
無不覽殊未嘗有危言畸行夸侈流俗至於籌寇籌邊大
利害大興革以至天人理數皆就掌可圖握算不爽此其
蘊奧豈易測者哉先生一再奉命典文武南宮試其於師
且黜浮供奉汾陽鑒識同符然不於近代人物真一臧否
於人落落寡所諧顧當其一洽於意金石弗渝落夫海內
聲氣雲合影從則其傾渴汲引惟恐或失山所以滋高海

所以滋深也雖處小事必以靜定聲色弗譁帖然成緒固已終日宴坐了無喜愠之形而不徇一諾不受一私及其飲人以醇沐人以誠春風所拂無不暢者且先生弱冠時輒以詞賦震齊魯文章爾雅才名藉甚比試南宮旋登史局其於天祿石渠崇文冊府繙駁之餘發明尤著竟用久次脩起居未幾侍經筵且歷諭德厯庶子擢爲南祭酒乃先生蕭然一室琴書之外曾不異布衣此亦可以卜公輔之器矣所不可及者南雍士子多器薄而先生以厚重鎮之東南文習多好爲佶屈贅牙先生考課諸士務求歸於大雅在先生未有紛張之跡而一時士氣文風不覺爲之蒸蒸變焉昌黎之學安定之教兩視無愧再見於今此尤

賜誠堂文集卷十四

所謂超軼絕塵而不佞瞠乎後者也今天子神聖旦夕思見太平正不得一古大臣休休斷斷者以爲之舟楫爲之霖雨而以先生試宮詹其爲宣室之召造膝之對度且不時而見不次而謀庶幾哉生民之利病軍國之急緩可以得敷衽而借箸矣天下蒼生其不負所瞻望也哉於是都人士聞之舞躍載道以爲汲黯之將在朝也狡寇聞之屏息喙道以爲裴度之將宣麻也遠夷聞之相戒無犯以爲司馬君實之將入相也此不佞所謂今之古人淳允篤誠不可及者也一時三雍之中博士暨弟子負笈立雪重繭百舍而來者千有餘人設祖帳於江之干而以文章屬不佞不佞於先生受知實深不自禁其不文也

張印翁宮詹還朝序

周汝南有言曰爲天下善曰師師之教俾人自易其惡以自至於中則善也故師道立而善人多善人多則朝廷正而天下治若是乎師之道其大有概於相哉迺在盛古相與師之道合相也必繫其號曰師傅保今則不無稍殊矣蓋其爲師也養安育德所履惟辟雍丘澤之勝所觀惟漢周法器之奇所搜羅惟經籍藝苑之富所導率惟山川雋特之英以一心堅其不爲不欲之操而貞其不鳴不躍之養其立志也端其持已也定其訓物也嚴其厲俗也宏儼然相天下有餘任焉至爲相射位崇而得失輕重權其胸任大而成虧利鈍攪其慮天子高拱深居得無喜怒有不

賜誠堂文集卷十四

測歎誓御譽愛毀憎得無淵膝有未平歎以至內外之未調黨同之未破得無一一顧瞻歎蓋天下所以責望相臣者愈重而相臣所以副天下者愈難要惟終始一德通塞不變守其所以斯天下之道無不可底於有成先生以鄒魯宿碩聯翩拾雋歷石渠躬啓沃燧然著聲兩奉命典文武試得人尤盛閱乙亥以特簡正西位於南雍不一載觀厥成文物蒸蒸變哉某不敏以龍飛荷聖恩手拔獲望顏色於先生奉先生步趨渙渙如也丙子以司業橫經侍先生秋適大比士聖天子新典盡拔天下鄉邑俊秀而彙升諸雍一時異才鱗集先生日上下數千牘手丹黃之每觸奇卷則掀髯稱快有不當意則怫怫感頰既發覆且盡得

海內望先生竭兩匝月晝夜之目睫乃勞不言瘁羅集九州車斗載量之英材先生喜不居德其課士惟飲以醇動以誠居常不苟一諾不及一私終日宴坐了無喜愠之形此固以優然裕公輔之器矣有天下者要在相其所最急而得人以救之當今政尙察淵鏗急殘刻其先資也得先生何難劑之以平進止凌競陳告越紊變前制也得先生何難鎮之以靜舉議紛更觀指旁出土庶茫然莫措手足也得先生何難處之以定至目前大計無如儲材用人以先生汲汲引賢若不足養不才不中惟恐失又何難嘉善矜不能使天下盡革心易面而藹吉盈朝也哉會上以青官將齒冑簡於詞臣物望積重者爲官尹而特擢先生先

賜諡堂文集卷十四

生行矣將陳謨台階翼和鼎實副四海具瞻之望六館諸君以式教日深不能忍顏於先生之行也謀言於余余曰先生之道大行於朝而暫著於南譬之海水凝而爲冰沸而爲漚其在南也樂育天下才猶其在天下也其還朝也主天下大政參機密論思猶其在南國也又何必隘視辟雍而廣遠天下也哉猗歟先生知覺既先斯民且復喜怒不形物我無間則先天下而憂後天下而樂將使天下蕩然一軌於大中至正之途善人徧宇矣先生亦惟是終始不變其所以師天下之道知必與聖天子相底於有成國子諸君所然而唯余言羣起揚扈爲先生祝

壽范質公大司馬序

天之祐人國也命其君握符闡珍與天無極必篤生弼贊之臣左右之而於所謂弼贊者又必爲之蓄靈錫類儲胥函與合祿位名壽集厥躬用以祇亮一人成壽考綱紀之治天下跛而望之猶景星慶雲之麗於天崑華河瀆之鎮於地也覘國者且眠之以爲邦家光而願其於萬斯年受天之祐此古今非易得而今乃得之質公范公公以進士高第理名郡擢天官郎知人善任有古賢相風歲已已敵薄都城諸節鉞多逗留時公新開府豫即飲血誓師督兵入衛有嚴有翼先聲奪人犬羊聞而宵遁也上倚公擬朔方軍晉公右司馬鎮通州大新鵬鷲之旗盡護貔貅之壘功久需未敘甲戌始晉公長南臺旋拜南大司馬乙亥王

賜諡堂文集卷十四

九

正賊憚園陵羽檄旁午公虔奉醴書陸增勁卒水集舟師計在殲旃賊稍稍引去於是留都之氣象頓殊自薦紳大夫士以迄齊民咸恃公爲重而上亦若曰河東事一以委卿焉爾今丙子夏再犯闕迺公之誓師視豫尤甚邵師未抵涿復聞而宵遁也赫赫南仲獵狝于襄偉哉會公以是年稱艾余中表都督楊君等受公繩束又日在春風駘蕩中微余言以當華祝曰此我司馬公南國所恃以無恐者也余曰公豈獨爲南國重耶古之將相余未暇援引諦觀公今日之將略以預卜異時之相業於唐有汾陽於宋則魏國也留都根本重地四方耳目所係屬六軍萬姓綱紀於大司馬一身居恒綏靜猶或難之矧在今日匪茹當不

滅於土蕃回紇契丹西夏內地如秦梁晉楚開奚香醴泉
之漂鹵鄜延之蹂躪哉而公所爲討軍實飭戎行出車采
芑保大定功倡忠義智勇之謀成再造廓清之烈又奚啻
單騎入營而威名儼銀夏哉名重一時天下所倚爲安危
爲日久矣異時應金甌之下坐政事堂平章軍國進位太
尉中書令天工人代論道經邦斗杓旋乎象始籥管噓以
無聲將使國家之治常爲元祐雖蕩平正直可幾而理第
以南國重耶今公年始艾爾禮稱服官政而業已正文昌
之席崇祈父建來威來鋪之績矣毋論大策必立決四夷
必問貌類圖卽計及於鷹揚變伐時當幾何年再計及於
中書二十四考時當幾何年日升川至圭組聯蟬繇是耄

賜誠堂文集卷十四

十

耄而期頤遞引至於大年所以弼亮一人壽考維祺爲邦
家光者又奚有紀極哉昔人之論將日居如戰行如守有
功如幸此公之已事可鏡者也而其論相也曰無技曰有
容無技者非無技也有技而若無之也有容者非有容也
無不容而若有之也余不佞雅嚮慕公始幸侍公於同朝
今載奉公於南國竊見泰華仁靜河瀆智流投以至難而
不爲驚行所無事而克有濟每遇人所棘手者往往談笑
定之至其寄遙悰於翰墨洽勝賞於篇章操宇內風雅之
權粉斧麗而金石宣自是公之緒餘不足持論而余所持
論則真斷無技休休有容他日事業可概卜已且今海
宇多事國家大計方賴鴻鉅而公以碩德壯猷爲天下所

信嚮師錫及之天子葵之俾其功用造福寰區中外人情
皆恃以無恐則其所麻被固不止於南國而其爲壽亦不
止於一身此社稷之伐而余之所爲祝者耳都督諸君聞
之而色喜也日史氏言及社稷壽公大矣抑更有進焉汾
陽幕府六千餘人後皆爲將相顯官魏國生平尤以獎拔
人才爲急務瑞等所錄日佚於春風駘蕩中也遂書之以
進公觴

贈巢栢貞序

崇禎戊寅獻歲四日栢貞巢翁六甲週凡在譜昆季偕同
邑縉紳諸先生夙昔氣誼之往還者咸謀登堂而致祝焉
且合辭以侑卮委於余序其首余曰新知白首斗酒盤脯

賜誠堂文集卷十四

十一

握臂巡髯而問甲子雖田舍韋布足以相樂也况簪裾集
壘篋吹乎然於栢貞服其素積非朝夕也翁少鮮怙負材
蔚奇胸博羅數百家言每伸紙出一藝海內爭傳膾炙乃
孝思蚤篤以太封翁身淡泊終世辛苦遂矢不甘二簋帖
膚永絕穀帛雖從諸生時或客饗之謝弗飽也或饋遺之
弗弗御也此固其天性之摯然亦可見善勉人所難矣壬
子榜與黍回二無暨余四人同出坦山王老師門公車計
偕聲氣尤好靡閒翁十年孝廉惟躬儉樸猶諸生時授鐸
海陵以文率士士親之如蘇湖捧檄閩武平邑旣僻且多
盜出奇策盡縛諸愆於箚洋閒數年隱患以除知翁者謂
翁且峻陟也僅得別駕於江右之饒江右方絳寇翁承檄

董師過之。上游中丞解公以蕩寇功首錄翁知翁者。又謂翁當峻陟也。乃僅佩刺史綬於充東之曹。守曹再稔民曰。守吾母士曰。守吾師咏歌載途。而翁已脫屣。一官上章歸矣。計歷宦十六年。所亦惟躬儉樸。猶諸生時。其終不甘二味。永絕穀帛。矢志百年一日也。自爲諸生暨孝廉。絕無尺寸竿牘。入州縣。迄今宦成歸隱。釣溪種樹。侶耕友牧。無問寒暑。歲時絕不足跡。城市豈翁偏與人遠也哉。約已則寡營。寡營則省事。省事則神簡於人。不見可求於己。不見可爭節財用而高志全。儉樸之所留多矣。於是俯揚江之流。面佳山之崗。耕曲阿之雲。採孟河之漁。造物與君無盡藏也。翁更刻已厲志以處此。嗇於躬者豐於心。拙於世者嫺

賜諡堂文集卷十四

七

於我薄其味者去其疾。各其享者大其年。吾見翁之餘於天地尚多。而天地之餘於翁者方未已也。余以進之二無二。無日然。遂與諸縉紳先生酌酒而爲之歌。曰。志追失養。茹苦不移。雖老猶孺翁之於孝。可謂篤矣。宦而服勤。翦賊朝食。應鳴勤績翁之於官。可謂忠矣。歸休長林。遠跡市塵。也。清風愿兮。盤谷洛社。有賓香山。可續翁之樂矣。不愧不忤。

壽顧笥洲太翁八十序

今上龍飛舊都禮儀草創。鹿城瑞屏顧公以宿學重望特簡拜秩宗。一時祭祀朝會遣使發詔上尊號議廟謚諸大禮皆出公手。定引正考據。悉合經典。上深嘉公賢虛琉璃

待貯時。馳登極恩。公應以大宗伯晉公階一秩封其父前元城令笥洲先生如其官。而先生適以今年八月登八十。大宗伯復假望海之便。歸稱大耋。觴於是其同鄉諸大夫官於京者。謀製錦爲先生壽。而屬不佞脩詞不佞於宗伯。爲同年嚮聯。凡中秘知先生最審。雖不文詎敢辭。先生吳中甲族。自故相國文康公而下。不啻門十朱輪。其博縱今古。凡五經同異之旨。蔥嶺三因之奧。關塞險阨之勢。河渠因革之原。兵馬盈縮之數。無不燭照。數計較若列眉。然兩試爲今年未艾。卽委而去之。於世味泊如也。初爲鉛山中涓假採鑛。縱私人行劫。人無敢譏。訶先生設方略。掩縛悉坐法。採事遂息。再補元城。潞瑞與奸民比挾。艘爲利先

賜諡堂文集卷十四

七

生爲厲禁捕之藩。使者所過不敢譁。魏博大利僧犯律守郡者。欲盡夷爲編民意。甚銳。先生佯贊之。徐曰。境內驟益游手萬人。不無憂意外乎。盍以保甲法佐清規。不迨守悟事寢。凡先生所爲。機警風生。又持重得大體。每如此其胸羅象緯。故是伏龍捫蝨。一輩使得竟其設施。不難霖雨天下。鞭笞四夷。乃當事者方交章調劇。而公且瞻懷故園。有菊英可餐。孤桐可撫。七十二峯可耕。釣游息金粟道人。之故址。可以訪玉山之勝。尋方外之交。結廬湖畔。左壺右弦。又善養生。家言面目光澤。望而知爲神僊者。流也。今春秋八十。顏益頽。神益王步履益康。強霜鬢。脩鬢橫玉而被。以受子孫之羅拜。可不謂榮焉。且不佞聞之。鄭元云。仲秋

日月會於壽星爲斗建酉之辰是月也祠壽星南郊因以
養老授几杖行糜粥飲食天之所祚靈秀吉祥會合一時
豈偶然哉人情莫不欲貴且壽然貴不必一品一品不必
能馳其父能馳其父不必其父能以壽考享之其父能以
壽考享不必添籌之期適與疏榮之典會先生父子何若
所純備也夫太平人瑞以余所觀記如老萊子雞窠小兒
之屬未易更僕其身登宰輔而堂上猶無恙者唐惟郭元
振宋惟王溥富弼造化福祥之事鄭重而不輕以與人我
國家元氣濃厚度越前古卽先生鄉先達如王文肅李文
定皆以輔弼元臣承歡子舍袞衣鶴髮交相炫映今大宗
伯旦晚麻卜人倫勝事不日鼎王李而三哉抑今上新詔

賜誠堂文集卷十四

古

欲按周漢故事脩憲老乞言之典身爲老更言爲悼史非
先生而誰大宗伯望海禮成幸卽扶先生御蒲輪杖鳩玉
爲興朝之申公不佞且負弩以遲於都門之次

賜誠堂文集卷十五

明禮部右侍郎兼翰林院侍讀學士管紹寧撰

八世孫繩萊重編校

文

郡守陳白翁壽序

天生公輔以爲社稷豈特專城方面之寄哉要以中外倚
重崇亞樹勲均之爲不朽一也故漢制隆外任而借才內
卿則桓榮胡廣鍾離意以尙書僕射出麾典郡或急需外
材以襄內理則虞延第五倫桓虞鮑昱接踵而躋三公至
所以肩塞鴻鉅投遺難大天下已任之思無異揆焉今天
下不爲不多事矣口矚於口口口矚於口口口流蠶東潰西

賜誠堂文集卷十五

一

蹶不啻腐癰之走注議者狃以吾中吳及兩浙八閩甌廣
數土爲安壤尙未甚瘡痍抑知盡六宇四郊之瘡痍而獨
待補劑於東南且日竭吾東南之脂髓而仰給四郊六宇
之虛匱尾閭其何極哉則非實能以身與天下爲圖以心
爲萬物之產幾無不左支而右詘焉白翁陳公祖牧吾常
三載於茲矣恩流膏浹向之瘠者以起惠雨和風向之歉
者以豐質成訟平向之競者以讓家弦戶槩向之樸者以
文堞闐刁斗向之暇者以整亦既有明驗矣迺者邊閩迫
膚司農告急苛摘州縣之悉索天子赫然震及郡士民惴
惴相目公且循帑而偃停蒲而慰曰吾民樂輸猶昔也
其竭所藏不能及而溝壑轉相委也孰如束身席橐以一

官保一郡爲則宛曲以全活億萬衆者又豈涯涘之恤哉
雖黃初四監虞臣九牧以此一心統治萬國有餘矣蓋公
以鍾鼎名裔累世基德其生而俊士則表傑於雲川達而
進賢則推重於闈彥令金斗則循卓註上考遷豫州則案
牘無勞形佐樞於留畿則寢陵保障剖銅於吾常則
開運蓋其平易近人也遇人惟恐不及愷悌愛民也視民
猶若有傷則公之挺生以係天下命脉常其偏隅耳九江
渡虎三浦還珠安足表公偉烈哉節值重九之明日爲公
懸弧紫萸黃花擁髯翁於龍山巔者賓僚之舉也羔酒兕
觥願獻爵而祝公者環郡億萬人有同心也兩庠子弟坐
風聽雨其博士某親承色笑起磨酌旨難老之詠邀言於

賜歐陽文忠公序

余余不文然請縷紀公蹟者非一其辭矣茲更飲德久而
無斃也不敢辭敬鼓鉞而授之以介卮

郡貳守閔公壽序

秋仲郡貳守烏程閔公懸弧屆期邑大夫來徵言余既載
筆祇役郡大夫夏公林公復造余廬而命之余遜謝踴躍
一之已甚矧敢再二大夫則斷斷曰子於公不特邦君部
民公弟實子同譜則又兄弟也且吾儕每造子輒津津公
治行公才品不啻再三知公莫若子稱道而歌詠之宜數
數不厭胡乃以再辭余旨於其言念詩人之頌君子也樂
只豈弟壽考萬年恒不憚其辭之繁意之複余雖稚不文
何難復申前說之未備先是公以佳公子擬名魁聲滿吳

越閒余讀其行卷瓌璋卓犖燦若朝霞竊意其人必且旦

夕以華國之文出入承明肩諒遷而肘彪固已聞關中有
快令與獻賊隔帶水而居飭武備嚴斥埃選士厲兵以待
不測蛇豕耽耽終趨起不敢窺左足心甚壯之既而知爲

公又竊訝公世家麟鳳文彩固宜何亦嫻於武事如此今
春天子念公功高以公副二千石守吾常私幸二十餘

年來之慕說其人而願望見者乃今得脩邦人禮事公公
下車甫數日楚兵煽亂謀者言前茅且至遠邇皇皇公聞

報卽中夜疾趨孟河諸港除戎器集戰艦度地據險爲不
可犯之勢復入城與二三大父父老子弟爲固圍謀余

潛鄉紳旅謁公媿媿言今守其之見存武庫者火藥若干
器械若干雉堞水門之需脩舉者某當先某當次指陳方

略如燭照數計余仰窺崖略博火運以精詳沈深出之敏
練賊卽不量而至必恢恢乎辦之有餘如公者殆所謂立

於不測者矣當事者才公檄公攝刺史事公旣領郡則益
自發舒荏苒無敢充斥豪強無敢魚肉民主文之吏無敢

輕重其手私藏者出納金錢無敢治故事輸其贏於太守
舍自薦紳先生以迄博士弟子下至闔閭之與堞與夫堯

夫牧豎之猥瑣靡不頌揚公之仁風幸我聖天子不忘畿
輔之民與公以子育而覆露之吏民之欲躋公堂而獻壽

者將不可勝數況二三同寅實嘉賴公之左右者哉乃說
者謂公方年壯在禮始強仕服官政何可言壽抑知樂只

者謂公方年壯在禮始強仕服官政何可言壽抑知樂只

賜歐陽文忠公序

主

豈弟之歌壽考萬年之頌大率爲有功德於民者言之非
眞待黃耆飽背眉壽遐齡而後稱之祝之也今公泄常未
匝歲而桑翳翳麥油油黍稷或或者誰之植與虎翼伏犬
足鰲雞晏棲於柵而雀緦啄於庭者誰之澤與青青子衿
雍容於道藝博聞之途里社之間篤仁義而奉上法者誰
之化與然則公年雖始壯其利澤可數十年規畫創制可
數百年郡人尸祝若將千萬年繇此而進壽考無疆豈虛
語哉某不佞所以申祝公者若此若夫公之闕闕蟬聯爲
宇內冠與其清操介節僅飲毘陵一杯水者則某前言備
矣諸大夫飲聞之矣不敢重言以煩酌者

題吳子願眞讓圖冊

賜諱文集卷十五

四

古之以讓著者無如薛包然唐書所載僅稱其田廬器物
辭豐取薄而已視先生之一讓耳讓又雅不欲有其名何
如也況身爲文定肺腑戚終不以受知深少貶介節其高
尙尤足多哉延陵之後代有元宗若先生者誠莫之與京
矣

荆合老像贊

學學不羣者其才卓卓不阿者其品曠然立覽上下古今
貫串百氏者其學夫以翁之才之品之學迴軼一世而世
未盡展其用捧檄當陽威望以張清占豪右湖無匿糧再
筮陝郤手裁愈赫貪羊猛狼望影惕息更絃粵瓊數月黃
龔善刀而藏兩疏清風噫翁之胸可以包塵芥也肩可以

負坤樹也手何以不上挽銀河足何以不濯流萬里耶
瞬其鬢炯炯其睛楚楚其裳麗彼丹青妙得翁於阿堵其
能寫翁之耿耿不磨落落寡和耶爰發斯隱添頰三毛

高安王氏世譜說

從生夏后氏之道也從屬有虞氏之道也虞宗堯而夏宗
禹宗堯義宗禹仁也記曰別子爲祖繼別爲宗繼禰者爲
小宗宗有五世則遷有百世不之遷也系分之初絕續之
際而仁義乃見衷矣夫一峯先生之教歟抑有觀焉有感
焉高安令高安而高安家非甚德孰能歌哭國族斯而
無忤於其部者乎懋公子五人一經也洞洞屬屬乎有
古開勸之思德至矣哉思深哉子一經起家而守四世之

賜諱文集卷十五

五

服不敢歸也今黃氏生而王氏屬者笏幾以牀矣侍御王
公本仁義以揆情綜古今而博採氏王斷自以清而上道
所安也祀有其廢弗敢興興弗敢廢也系黃斷自庭槐以
下道所安也祖聞其出也不聞其歸也水深則潔花葉糞
其根天下之至文蓋上治下治旁治而敬宗睦族繫邦國
愛百姓之道於是焉存崇禎甲戌肇秋課

復魯世子兼遣帛

伏以孝切龍髯徧野哭前王之德英蜚鶴邸維城固宗子
之屏方哀忱之未展忽令教之先施長跼欽承洪恩莫既
短笈恭奏雞絮兼伸恭惟殿下東岱儲英後星啓曜祚衍
神明八百兼禽父之尊親躬嫺禮樂三千跨河間之大雅

純孝根於天植夔齊何止朝三諫光出自性成吐握不惟
戒十悖脩樂善湘東金玉兼書博學宏詞鄴下珠璣未數
周封同姓者五十國獨推冠冕於宗盟明與卜世者億萬
年行作股肱而夾輔乃昊天之不弔悼王考之彌留豈獨
墨而薰心孝子愴深變棘抑且遏音罷市羣臣淚徧萑蘭
某猥以疎庸誤蒙拂拭夙深仰止未伸鴈見於形墀驚邁
大艱尙缺驢鳴於白旄自揣負愆山積擢髮彌窮何圖汪
量海涵推心弗替鳳藻忽頒於天上鴻書驚下於雲中設
案恭迎忭捧如絲之命開函盟讀儼登若礪之廷都人競
侈榮施奕世敢忘銘佩虔脩蕪蕪仰謝殊恩并致芻忱少
伸薄奠悵一官之匏繫未克躬趨望千里之桐封曷勝神
往尙圖解組登八公招隱之山佇想曳裾拜元聖首封之
地伏希丙鑒不盡寅瞻

賜諫堂文集卷十五

六

祭何少保文

嗚呼祚開昌熾運啓軒虞必有名世羣翼皇圖猗歟先生
道合金樞得天開氣爲世大儒弱冠蜚英賢書遂舉氣軀
風雲文翳龍虎雙鳳齊喑名家接武道德彬彬爲明粉黼
漢庭擢第秘館哀然花生彤管星燦珠躡橫經論道廣厦
細旃啓心沃心法言異言爰自儲端成均振鐸陶以詩書
風之禮樂旋貳秩宗總裁著作曳履丹宸載書青藜虎彪
之際浮雲障曦介石幾先拂衣桐陂聖神御極羣小風靡
番番良士天子葵之紫禁宣麻商巖促召玉鉉調元機庭

執要濊澤旁敷嘉謨入告謀斷謙資寬嚴互效禮闈顧俊
玉筍名班夜光入櫝千里登閑知人則哲惟帝其難得士
之盛歐陸而三綸扉三稔一心一德覺在民先行爲世則
婦女知名昆夷屏息勛流千禩慶貽八極嚮用方殷屢疏
歸田帝念舊德中旨特宣鋒車相望表請彌堅道則豹變
身則龍眠時事多虞朝野僉注盼盼午橋蒲輪早赴胡不
憇遺乘箕修翥痛結朱垠悲纏雲輅嗚呼先生體備中和
含宏光大萬有包羅小心翼翼黃髮皤皤泰頽梁壞疇贊
鑿坡某等或奉楷模或親絳帳時雨共滋春風同暢承乏
留畿密邇函丈沾沾竊幸晨夕几杖哀訃奄臨形惡神漸
有淚萑蘭有涕漣沔俯視靈几仰瞻總帷生芻一束神之
格思

賜諫堂文集卷十五

七

祭同門張二無少總憲文

嗚呼二無胡遽乘余楷模誰式肝膽疇據豈天不欲平治
寰區奪我哲人曾不少須憶昨之春赴員京闕余亦量移
留都共轍北舫南轅執手倦切余謂此行拭目掀揭未幾
秋半音書北來謂公京邸二豎爲災乍聆斯耗且愕且猜
跂予望之吉語遙回烽煙梗塗聲息久隔獻歲得音可見
賓客余聞驚喜積愛頓禱私心沾沾零雨旦夕云何一疾
倏焉棄箕哀訃奄聞五內推離淒淒一視在水之涓生往
死歸胡能不悲緬公綺齡英問迆起下筆千言洋洋灑灑
奴僕莊驗出入經史驚人一鳴哀然壬子渺余謫陋竊附

詞門道德相磨氣誼相敦見不喻旬談必連昏倡子和汝
如荒如墳南宮釋褐我後公先每一把臂輒憶歸田嶺南
視學江右旬宣年未及艾請告長旋清操俾望上達丹宸
起公東藩遂陟尙璽工何乞南迴翔歎禩溫綸特召內臺
肅紀剛大之氣塞於朝端扶陽抑陰砥柱狂瀾中外禹禹
指日麻宣胡不勅遺溘然蓋棺嗚呼二無應期而作道宗
鄒魯系接濂雒見義必爲無慾不淪心鏡大清胸吞巨壑
官躋九列居無一椽秋霜比潔琨玉方堅一綫竟墜四大
永捐以德若彼厥報胡然嗚呼二無日月代謝人生其間
若晝若夜惟茲神理不隨物化遇不配德亦奚足訝所可
悼者斯世波流歸然碩果曾無幾留公亡道亡以斯爲憂

賜誠堂文集卷十五

八

嗚呼二無吾將安儔

公祭劉允平宮論文

嗚呼風流易盡盛美難全龍蛇忽識梁棟俄顛行路掩泣
紳冕同憐矧茲鴿原能無涕漣於惟我兄奕世蟬聯當兄
篤生厥有異占克岐克疑日誦萬言淵清璧映煜如神仙
援毫作賦擊鉢成篇金聲擲地寶氣燭天掄魁桂籍遂舉
春官龍飛策士廷對哀然五雲應瑞日映彤軒鑿坡草制
祿閣警編吐詞爲繡暹暹如椽自昔玉堂濟濟翩翩兄更
標舉超乘而前鋒摧犀角錦奪虬鮮芝眉炯炯邊腹便便
臨池游戲八法爭妍四方之求戶限爲穿棘院掄材衡鑑
斗懸夜光入積逸足登閑旋晉呂允入侍講筵詎經論道

詞嚴氣恬帝曰旨哉匪彼恒詮好陞儲論指日調鹽倚閭
銜恤告沐言旋帝曰汝勞積有歲年金華啓沃厥功懋焉
朱提文綺恩寵聯駢迺辭東閣迺整南轅板輿親導浣裙
擊鱸怡怡謫謫以奉母歡婺輝忽隕讀禮塊苦樂心柴骨
痛切栝棧未幾成疾身亦遂捐嗚呼我兄朝野所瞻衆望
禹禹爲時仔肩胡然死孝儵爾絕絃訃音奄至悲號失咽
維我兄弟誼素惓惓龍雲比契金石同堅分袂幾何閔凶
遽傳憶兄生平未易更端方之古人兄實克兼惟兄文章
蒸雲湧泉滔滔汨汨宋之子瞻惟兄詩歌鸞鳳翔鸞清新
俊逸唐之青蓮惟兄丰度霞舉雲騫凝遠高澈晉之巨源
惟兄學殖玉海珠淵宏深奧衍漢之太元清則叔寶博則

賜誠堂文集卷十五

九

茂先孝則萬石友則三田凡茲巨細莫可悉宜遺容在臆
遺札在函言念夙昔涕泗潺湲幸兄有子玉質娟娟向歆
濟美足武花甄更有難弟鵲起鵬搏棘庭弼教肺石無冤
兄所未竟屬諸後賢是爲不朽何促何延所恨遠羈莫叩
靈輶生芻一束臨風告虔悠悠我思胡日而談

賜誠堂文集卷十五

明禮部右侍郎兼翰林院侍讀學士管紹寧撰

八世孫繩萊重編校

詩

送宋金礎冊封荆藩

蕤風舞鼓鳴銅鞮一道黃銜曳尾鴟邾城南時月波西斷
 陽赤社懸赫疏級節攀來大內掌賑膳寶玉頰形墀輾顏
 左掖有專對拜捧泥芝升陛辭曉發桑乾驚獨鹿鳳棲鴻
 宿鏡喧達夾岸楊旌日照錦瑯琊德里闕駟簡書駢駢
 星驟驛鍾臺披幕稱醜醜一帆彭蠡神風捷半舫尋陽撥
 月馳縹緲羅州丹堞近羽幢鶴葆迎前輶麟枝龍附環除
 道紫綸闈渙門祁祁玳筵清管笙簧接雪苑山池立綴詩
 橙色曠朝拂翠憶蔗漿清暑來黃鸝雍容帝命徐整佩驪
 聲夕嚮臨沂陣筆池桃澗飛觥資絲綸華屋開鼎彝自早
 嶧鳥列鼎家壁紗牀笏蟬冠透蒙芽楷杖膠丸飴石英鍾
 乳仙靈脾我邀蘭譜邯鄲隨冰衙鈴閣几連篠君承駕瓊
 直翠微封駁獻納禔蒼鷺喬柯玉樹相映輝汝夔汝龍汝
 熊熊當今闔內外蠕蠕問節空金冷炊竈看銀河挽赤
 手書鏞考鼓鐫燕碑瓊龍盤早還闕平章贊相功佐佐
 送周星雄守備川沙
 周郎標格太奇絕神鋒奕奕飛蓮鐵露布嘗騰穎客家霜
 刀欲淬胡兒血學書學劍雙擅場兩持銀爵酬鷹揚結東

翩翩赴闕下懷中挾策干明王燕山忽遶塗眉客貂裘獸

錦成拋擲黃雲慘澹紛撲人蕭然子走長安陌陌上逢君

莽自驚班荆絮語雙眸瞪駢肩捉手返僑次掃榻呼醪慰

宿怍明朝投牒試司馬時不逢兮淚盈把馬革空懷報國

心虎頭誰識備書者慷慨悲歌擊唾壺陰風夜半襍豐狐

匹馬衝寒欲東走自言願一當匈奴我急控馬諫勿激鴻

毛一擲亦何益丈夫會合遇有時長風豈阻垂雲翮彤墀

昨日下午如綸草澤英雄盡闕門周郎踴躍應明詔一朝啟

守川沙屯車前爪士排鳶翼帳外牙旌飛絡繹前茅未下

聞聞城先聲已落蠻王魄憶昔先將軍細柳威靈赫軍中

有令馳不得天子徐行待開壁百葉雲初復見君雄名直

與前人敵於今四郊多鼓鼙三尊宵旰時拊髀即看金鵝

掛如斗縛取呼韓換蟒犀

張憲使泰羹初度

鎬京三輔誰最雄京江獨扼金陵東左障徐淮右溟海吳

粵萬里當其衝雒陽銅駝沒荊棘南國一朝成反側悍兵

悉變巾紅黃惡少競探丸赤黑江南千里如雲擾梁肉雖

餘不得飽枹鼓烽煙處處聞萬家羹沸吳幾沼我公持節

鎮三山白羽指揮若等閒樓船外邊潢池飲牛犢中消渤

海奸阮瑀軍書士雅相赫赫威名遐邇懼坐鞏西周豐水

基因成建武南陽業始信名醫籌策奇勢當盤錯更委蛇

亦犀星布名君子銅馬鑿屯克大師不見鳳翔鳳度

行徽能令兇黨懼又不見漁陽邲細盜賊盡散

古來壯猷何可窮惟當板蕩功滿隆以茲安民并安國雲

臺麟閣將無同百城喁喁徧戶祝共祝我公膺百祿康侯

用錫復壽臧方如旭日升賜谷

贈黃仲霖侍御

漢庭有長孺淮南氣爲蔥桓桓十萬師不敵一柱史卓哉

黃仲公灑氣貫霄紫昔日守汴城不浸三板耳鼠雀插羅

盡全城報天子勞苦而功高臨軒拜直指楚氛正告急持

節復驅使援枹戎馬場所伍惟石矢建武興南陽肅躬節

宸扈廷擊迅於鵬殿爭猛於虎臣本萬死驅飲刀如飲醴

風采映四壁霜雪滿牙齒引裾那足道攀檻差足擬大官

贈謝堂文集卷六

參文吏齷齪殊可鄙安得盡如君一洗簪裾恥

漳海何平子應辟入都當塗戶相抗疏歸志諸

公各賦詩投贈次韻二首

閩海騰雙鳳千秋大小秦魚腸應有價龍性肯隨人世眼

權梔蠟斯文嘆莽榛蒼生聞得軫未許戀清貧

揮手漳江去夷猶匪避秦獨操千載調妬殺一時人吾道

竿中瑟人情棘裏榛入林無限意肯納阮咸貧

東陸鳳臺

久說雲間俊名從海宇揚漢朝尊太尉唐世屬汾陽

邊籌遠中樞廟算長安危方作石眠食幸相將

贈醫師周誠生

籍甚公卿者華陽肘後賒上池曾飲大酒共停千里

攜丹笈三山採玉華可能需半心調作鼎

元旦賜宴二首

火樹千門兆有年六輔傳賜主恩偏六龍峯簇插仙仗雙

鳳雲籠列綺筵羽衛甚連看結綵簪袍鶴立聽鳴鞭厭厭

深愧涓埃報長願明光照八埏

星橋千仞照初筵不數傳柑錫燕年既醉已廢不須無

歸猶賦露晞篇風吹菡萏迎袍笏月引魚龍鬪管弦此去

廣寒應咫尺聖朝無事說神仙

題肅府天尺樓雪廬

嵯峨飛閣俯層岫天際蒼茫上陸孤萬疊雲山搖雉尾五

賜謝堂文集卷六

更星斗落蝦鬚玉肌姑射風堪御絳節仙眞手可呼顧我

元龍慚百尺凌虛肯許效鳧趨

長廊一道接雲虛銀榜璇題月影疎客自山陰擎棹至徑

從東郭探梅除歌成肯許巴人和賦就應教玉管書兔死

文章知不乏漫勞筆札授相如

送張光斗戶部還朝

秋風蕭瑟佩刀鳴使節駢駢擁傳行龍劍忽分今夜吼鶴

不盡夕陽情幾年國計資關樞爾日勲名起水衡宣室

滄海前席問知君心久繫蒼生

送劉黃門四勿左遷豫章

大落西風易水渾不堪回首各朝

囊諫草孤

是晴雲聖主恩玩世何妨曹是馬

結終信息為

求舊年來事膝閣能容席久盟

送金楚畹太常北上

書捧出玉階旁特簡才臣領太常豈為中朝需鼎鼐直
從南斗借文章鐘殘長樂思鶴侶雲斷吳山憶鴈行不盡
紅亭離別意雙魚莫惜行波長

留別張大京兆房主一首

十年操瑟立齊門落落欣承一顧恩燕石豈容輕字玉魴
魚何意亦名鯤長河萬里情無盡泰岱千秋道並尊少小
風期嘗自矢佩刀今敢不時捫

送賀中冷撫天津

賜誠堂文集卷上

五

百萬軍需海甸通帝咨喚子秦膚功橫戈當使師無敵借
箸曾為歛盡東紫氣喜瞻三輔近青樽笑引九州同穆如
祇誦遄歸早擬勒燕然慰聖衷

送羅浮玉天津憲副

三山屋結海城樓使節遙分少府籌絲筆曾聞梁苑賦塞
帷仍嚮帝京游邊陲烽火徵書急澤國流離繪象稠今日
儲胥方倚重即看勲業軼蕭侯

送喻中丞撫河

批設欣聞山漢官牙旗高建海邦雄天閑駭化三千山水
上蛟龍百萬空曲奏犁鋤行賣詩陳鐘鼓有藏弓霜
舊履寒星斗新擁兵符望愈隆

送李餘我侍御出按留都

玉節新推舊裏行衝寒直指使留京埋輪已落豺狼膽
盧攬轡應經鴻雁鳴柱下元言歸內史斗閒紫氣說豐城
和南顧勞宵汗路將隨驄馭清

送沈雲升撫閩

手攜雙鉞九仙都帷帳雄風擁荻蘆海氣環歸趨北極天
風遙倚淨南隅越裳稽首來重譯太武飛峯入會圖今日
車書何似昔肯容孤島各休屠

送馮五玉侍御按晉

捫參歷井五花紋人識公孫大樹勲雪淨恒條蘇赤縣風
迴并代喬彤雲齊龍久擅區區譽我牙驚看柱後文滿塞

賜誠堂文集卷上

六

憂時匡主意封章早已迪登聞

送黃起有編修給假省親

游子承恩較石渠白雲遙睇幾居諸陸前嘉與將親簡庭
內權迎導母車風射紫貂衝道遠日臨青鳥舞班餘歸來
眉際看真氣好奉潘輿返直廬

贈總河劉司空

澹灑奔流細若縈司空錫命藉平成直探星海環衣帶兼
天河洗甲兵青、馬津傳柳成黃蜚鶴沼冷逢畊春來
瓠子歌無恙不羨宣房舊泐盟

送王存孺太守之任

五邑雲霓望已深隨車甘澍切南雲燕臺飛度軒鴻影鳩

署班聯匹練羣見說莠鋤原愛穀應知絲理不須夢漢庭
推設惟君重祖道遙瞻吳樹氛

贈楊匏齋侍御

幾年龍劍各雄雌已聚鴿原幸一時愛國坐殘桃葉雨論
心寒入玉蟾卮襟期欲借千尋壁丰采誰攀百尺枝嘗恐
九重思讜論未容鍾麓共支頤

贈孫都督尙進

鴈塞龍沙早策勳金人膽落岳家軍雲臺已鑄勤王伐露
布還驚擲地文豐鎬三山憑倖略江淮千里淨妖氛水犀
行見窮青海肯使嫖姚獨軼羣

留別金玉鉉工部

賜誠堂文集卷十六

七

蔽芾曾留峴首高談心時許醉牆醪梅花水部懷官閣桃
葉秦淮入彩毫翦燭忽分今夜雨銜杯愁聽大江濤春來
一騎輕於鶴好向金臺望羽旄

送吳嘉楨監司福建

風流畫省舊含香百萬曾儲餉朔方帝爲南荒資帶礪人
從北斗望麟鳳朱帷碧帳褰閩海翠羽明珠貢越裳聞道
十行隨促召楓亭金荔幾回黃

沒園分韻

選勝聯鑣風日良恍來蓬島挹芝房煙搖柳線通樓氣露
濺荷珠送硯香海嶽笏傳裝有石辟疆蓋繞酒爲香相看
不減西園侶留取生綃儼一堂

題六簷所茶山園

萬壘晴煙暮碧隄南阿一曲武陵溪林深但許雲頻入境
碎時教路欲迷野鶴灘邊尋舊慧騷人石上續新題亦知
把酒同調七者山寮結阮稽

贈吳詹所

嬾和新詩奏栢梁手培花竹自徜徉一巢鄴卷矜南面半
榻浮柯樂上皇甘避世心馴似鶴不因人性疎於薑菰蘆
故有披裘侶肯許籃輿造辟疆

秦上舍

三策曾攜射漢庭鵬雲不日徙南溟詩囊久貴雞林紙理
窟時傳虎觀經六館共推眉最白幾人能博眼爲青已知
賜誠堂文集卷十六

八

名列羅天籍肯向金門隱歲星

幼全弟五十

高燒紅蠟照深卮共爾同稱艾與耆十襖愧先欣聚首百
年方半慶齊眉草催靈運池塘夢酒泛元公棣鄂詩莫道
傳經心事拂青緗猶可付諸兒

張孺人節孝

霜幃賦鶴獨和丸白首靡他鐵作肝節在豈知家厚薄孤
存甯計事艱難當年茶苦淒殘月邇日松齡表歲寒蘭玉
滿庭紛進酒一封行見下金鑾

送皮愧老人覲還留都

匹馬朝衣倚玉看黃金臺上雪漫漫匣中攜有龍文劍

夕春門桃渡寒

與君相見倍相親忽漫分攜更愴神鳩暑春雲從北指即

看題柱出楓宸

肯惜黃金酬劍客好攜絳雪傍壺公珊瑚如樹遙相望可

但諸侯倒屣從

道光甲辰自京寄書
咸豐壬子由楚寄書
再閱一通仍復寄書
葉廷說於廣十卷

〔明〕傅汝舟撰

莊管集一卷七幅菴集一卷唾心集一卷步
天集一卷英雄失路集一卷拔劍集一卷筌
篔集一卷藏樓集一卷鴛鴦迴紋詩一卷

明末刻本

傅遠度三集總序

傅子高覽萬物之上水胸靡所不徹而槩不能忘情王伯之畧似蒼生入夢不忍醒經緯天人必欲極筆端之化與玄穆爭工著書數十百卷甫一闕奏卽張子商之張子學系知言之絕每論定期除惑千古取其真者而已矣乃傅子則取其奇學問古塗轍耳才情不

張敘

一

真圖書化爲土苴又安能衍真風雅以蕩滌萬靈卽傅子心莫逆也曰張子之功奇也偉矣文章不真則不奇也間哀其文爲集曰莊管曰歌哭曰長短俾余論余刻意進退焉抑求其真者乎斯奇矣歌與哭厥性情真長與短厥形勢真也管妙用長短而豎伯功莊達旨歌哭而敷名理後世羣指曰奇爾又或怪

其不王佐或罵堯侮仲尼必如若言方名實

俱喪亦何奇也絕不見二氏之真者也予是以論子論者每駁古諛今獨余于子則用駁焉爲其力足禦駁也駁盡而真庶見乎夫莊之七也皆手自訂者也抑借商于惠施輩者也若其外雜悉寓也悉文章之逆旅而精寄焉者也或曰是橋山氏之弓劍也愛奇者偶

張敘

二

附麗焉若子之言豈無其外與雜者耶我亦直寄焉以免于不知奇者之詬厲也如從圖書中偶得冊焉讀其真疑古讀其奇疑今不知誰何氏視其牘則曰汝舟然則汝舟氏抑何人耶吹煨燼而吐靈焰者耶續箕裘而開堂與者耶兩未有定也抑何奇也其觀龍子之宮耶有明月之寶焉然明月非其定形也

或纖如蛾眉焉或缺如斷石焉或車輪擲芥子焉或燦爛如花焉或膚理如木焉或形四映如瑠璃焉或杳無質象而疑玄于赤焉經瞬而不識入手轍墮則無有識其真者也倘指其帙焉字焉篇與讀焉當之則明月者遁矣譬文心之流行而莫得其朕宜子之自愛惜之也余覽奇于古矣有手挈開闢之力量

張敘

三

而無縱橫萬象之真才則奇多方以誤我有透極微妙之性靈而無斬除千秋之真膽則奇突兀而危我有陡翻世界之機鋒而無攝服聖凡之真義則奇高據以卑我傳子其見及此乎子負絕代快穎之才而不必拘古人之法能使古人之情僞立見窠舊盡翻而古人亦樂得其朋也庶幾乎古之誤子者危且

卑子者少矣然古之法天所設子遽舍焉者何也文章中有出世法子所謂用出世法而不用世法也且文者物之至高者也唐寅曰物之高者彌不能容物未聞華峯可建都邑子自言不讀人間俗字書故凌競萬象俯視人間卑小耳余觀古英雄于文者能簧鼓世之耳目而亂其心志亦卒貽一世夢寐之安

張敘

四

譬雷霆震驚百昌皆遂絕不顧世有英雄喪七箸者方不願受知古人而暇恤世之聾矇爲世莫不道古耳語渾噩曰夏商語宏與曰姬語謹嚴曰秦與漢皆其真者也若魏與六朝之麗藻也真僞半矣昌黎氏起衰矣八大家以後遂有定格視之固不甚奇而真者或亡也明興崆峒氏以摹古奇弇州氏以博


今奇卽諸子代作才隨大小而各聽其燥濕之性未有舍而他之焉者此千古之奇芻也若子之不摹古不博今能爲諸子而不爲諸子取古今之真者以成奇也雖千古之偏鋒哉實一代之伯畧也信乎文章不真則不奇也今天下之爲奇者何多僞耶余以爲求奇于今天下莫如真求真于今天下莫如奇兩

張敘

五

欸設而天下之爲文者無遁情矣卽管之功莊之理皆非其至者其辭哉而况真焉者寓乎取而爲歌哭爲短長得真焉斯奇矣夫膚理以載手神粉澤以留妖豔也倘膚理粉澤之是奇將傾城與國者皆飾土木也耶蜂採花不損色香然月豔色風動香直鼓蕩其微妙以逗化工而不惜花之零落余知子之採

奇色奇香于古也有不惜古之零落者也故余之刪之也不敢爲後死者誤也皆其真也崇禎元年嘉平望日紫微文吏張可仕撰



張敘

六

傅子古文序

莊管集歌哭集
長短集三部

文章幸世之通器後天地而敞譬日月海岳
日在蒼生之目中絕不咤為神奇乃才人學
士竭一生冥搜之力輒曰吾取萬象靈幻者
以沐浴天地前謝古人而後不勞作者神奇
哉彼語言文字莫不代萬象敷耳萬象蕃蒸
無新不陳玉帛芻狗瞬息異位天下有大樽
傳子敘

十一

日月以照萬象不則終寄人屋漏光耳六經
而後秦漢魏晉爰歷唐宋以至我 明代不
數人何寥寥也然寥寥政自貴矣有櫛沐而
創以標高光之劔業者有紳笏而守以脩桓
文之牲書者有步聖域總天竺柱下之靈者
有安凡位偷耕鑿食息之便者有履輿圖尊
正統不勝車書之疊壞者有從軍旅躡閭位
傅子敘

二

腕謂後代學者無隙地可逞矣於是以空明
玄澹之精另取之上下千古而不遺稗官瓌
論況其大耶滌日月之體攬山海之奇以究
極風雲草木蟲魚之變况禮樂兵農人間居
食事耶舍津筏上之棄鱗甲而釣其領光覺
典冊之疑案歷來所秘惜而不告者處處破
紙上之洪濛以英雄擒王之畧縱橫三千歲

傅子敘

三

聖賢無遁情真誦詩讀書而知其人也以故
發爲論撰亦自寫其光明胸臆耳初不拘拘
文章格式也雖居草中其於天人王伯國家
經濟之書業彙其要者誌之至六藝廿一代
諸子二氏以及詩騷莫不有所評騭發揮出
神通之緒餘而遊戲焉如盤龍如舞水灑灑
得意其視閉戶窮年草玄稱寂寞者不似飛

仙塵視耶生平論古書則君相傳則仙佛文
則香案詩則桃都自者有八書有八集俱編
定存之年來畧哀所撰爲其友人標取者曰
莊管曰歌哭曰長短計遠度筭中應十倍此
而家貧不能傳先纂其大凡余亦染指而知
全焉耳以子之才志事業於管志性道於莊
而少賤多能逾壯未試故往往以楚聲達曠

傅子敘

四

志其流爲歌哭與長短也雖寓言耳實有開
千古之奇者令人不復嘆二子之奇也卽如
集中諸篇訂詩禮之的案可慰聖心等作者
之優劣大開道眼列政事之理亂如判風霆
條性命之精微直抉肺腑他如妙論奇言善
謔不虐讀之或五色無主而徐繹亦天地間
理合如是之語而已昔人讀莊直謂不可有

二正以文章陳腐極不得靈氣以蕩之則世界將枯朽以子之書示人間吾知呼千古寐而使之醒必惡其驚我沉酣及拭目而見大明中天也又恨子之鐘鼓不先鳴幾致重昏不曉厥功懋哉假如豎壇坫之幟高立中土盡列從來作者于俎豆各以其職掌方岳之蒸嘗令海宇清晏致一人合符奏瑞封禪泰

傳子敘

五

山以紀文章之功吾知明堂大冊子叩囊而獻耳余從事此道迄今嚙噬之戈欲揮但受縛古人鼓吹先代不暇而破藩籬以自闢天地夫豈不願哉譬方圓任器不相爲也然睹西施之容亦不歸憎其貌好醜有自定矣特序之告奇特於千古以諸集效前驅爾

崇禎元年戊辰秋望友人遊園顧起元撰

又較三集札子附

數日讀妙文如構佳夢無論是凡間快活夢是天外清虛夢是世上恐懼夢是塞上憤怒夢雖睡時不計夢中段落醒來形體蕭灑大抵是暢心適意之夢也總之大作千古尸祝所不必言在天爲珠玉在地爲雨露在鬼爲金戈任人讀之可也留之天下取螻蛄大復弁州于鱗文長伯玉諸集對勘則諸子良肉也子珍錯耶諸子金錫也子珠玉耶諸子參苓也子丹

莊管集

一卷 九子

六

砂耶諸子琴瑟也子劍斧耶諸子補劑也子瞑眩之藥耶珍錯不奇則不快珠玉不妙則不寶丹砂不靈則不活劍斧不犀則不畏瞑眩之藥不砥不豆則不足治膏梁之沉痾想子自得之語言之外不待僕言也僕有朦心者豈能爲日月燈助光明哉日月有雲翳僕願作大風掃之燈有燼僕願作寸鐵線挑落之然但有此願耳今天下聾瞽極矣在 神廟初年以前尚知摹古摹古之病在僞至二十年來但欲好奇

夫好奇者古人豈減于今人但古人從性靈中索變幻今人從鬼中學魍魎僕于大集次第目錄私有甲乙題曰張文寺批選紫白仙諸集以示天下後世他日自刻此種奇書以傳而尊集則自行之兩善也莊管歌哭長短三謠奇甚鬼谷子亦到不得三集名亦奇但開後世聰明輕薄兒即許多捷徑然兒子輩不讀書不學道則絕夢不着不足畏也外子之諸詩集自序絕是奇文併當寫入文集以引天下之願爲莊管集

一卷 九子

七

日而出霹靂一聲已將玄黃之汁突爲神變之藏令後世皇王仙佛文字英雄共作饒舌耶如此看來三集再行一千年不免爲人間雞肋矣五咏如左一筆如山一筆水雲嵐便是波瀾隨華山翠映峩眉白星宿海翻初沒趾艷歌痛哭幾千場聲到瑯函字字香一自妙音彈妙指玲瓏天地透官商誰憐文字不如天日月還如燭火然假使青天化文字一點寒星一箇圈莊管門庭是小家英雄奴僕聖賢命將他活計莊管集

一卷 九子

八

開叅破牛鬼蛇神淡樣些天外神樓好貯書蓬萊不屑作蘆盧仙人夢裡通佳夢可信瑤臺是俗居崇禎元年孟秋朔姻社弟張可仕稽首拜手致

識見老辣再進于此不可知然而一言爲知不逃吾子之爲壺丘子也是者不足禪山河之崇深否者聊以當不關心不叶耳之蟬鳴雀語可哉底本三冊較畢順歸香案我知子之試我也然我識止此諺有之雞子中尋骨頭豈知其中有盤古先生右擎月左擎

莊管集自咏

平生志莊管至此何所為功名令人瘦天地常自肥
射鈎聊觀魚漆園戲三歸跛羊牧山巔化作鯢鵬飛
仁義活甲兵混沌死是非桓公與惠王施任一手推
捶顏罵周孔冬蟲亦聞雷閭巷成州兵疲國張四維
空胸出辣手明燈劍光吹莊管在何處紫霞白雲堆
雞狗蝴蝶場神仙宰相灰遠度氏題

莊管集

一卷 自咏

九止

莊管集

目錄

- 桃都集序
- 桃都集又序
- 香案集序
- 君王將相書序
- 仙翁佛子傳序
- 傳詩序
- 禮記傳傳序
- 國朝制藝論
- 文通序
- 武備志序
- 江左雄風社文
- 紫薇文昌官疏
- 荅客問
- 佛魔論
- 蕉幃十寢紀
- 七幅卷記
- 與李本寧太史書
- 達沈銘縝相公書
- 致滄侍御札子
- 高忠節哀詞
- 建大悲閣願
- 顏魯公放生池文
- 題靈谷長松賦
- 藏樓賦

莊管集

一卷

目錄

江南傳汝舟輯于紅月洞天

桃都集序

人之了天地結性命者歌與哭盡之矣歌欲豔而哭欲慟不豔原自不必歌不慟原自不必哭也情情歌混混哭謬借脣於不傷不淫惡知夫歌陶唐之獨艷哭子淵之極慟也且樂極必哀者哭以成歌此大風之悲于漢高烏鵲之慘于魏武哀極似樂者歌以放

莊管集

一卷

二

哭此廣陵琴于稽叔夜雲中歌于屈正則也可想也且不聞遠歸者乎樂莫極于遠歸尊酒未敘而父母兄弟妻子朋友相見必驟然勞苦顰眉掉淚而后發笑又不見蒙冤者乎怨莫極于蒙冤一腔悲憤牢騷鬱抑莫吐不可告人而恒仰天大笑笑之不止無可奈何且復付之再笑而後長嘆此真歌也真哭也何艷且慟也此歌與哭自天女一笑生電至今海內掣光艷天星哭泣有名凡人犯之有楚刑自渾敦氏及

三代以后無非此情此態矣嘗讀古遺書及唐虞商

周歌篇傳多而詩少其間歌哭如畫大率三代以前

又歌多哭少三代以后氣凋運琢又哭多歌少歷秦

矣漢矣魏晉六朝矣唐矣詩成矣宋矣元矣無論中

國與夷狄同此歌哭矣我明矣將來不知到境矣在

鴟舌之喜歌子規之怨哭楊妃之艷藥湘姬之慟竹

萬物盡然况有舌有心者乎而詩且纍纍夥矣汗牛

塞棟矣予每於花夕酒酣之餘或啼月或嘯雨或對

莊管集

一卷

三

野衲或肩妖女或偕韻朋或形與影旅停楮抽卷長

吟大呼不知何如但令我躍足者捶膺者大笑者痛

哭者不論作長與後學而笑殺孫登哭死阮籍者若

于首艷也慟也結性命之自然了天地之本色也雖

如唐如晉輒或一筆裁去如宋如元又有大圈小點

得留者彼元不識不傷淫之旨謬繩以過法此指無

响之樂謂極快無傷之形謂極慘傳子必搖頭不信

也又有粧點乎艷詞粉飾其慟語此又坐死人于鍾

鼓之場而略無生氣引新婚于行道之泣而未必關情也開此卷則桃都一鳴天下白矣絕不然

莊管集

一卷

四

桃都集又序

問三百篇可選乎嗟乎何三百篇不可選也十五國之風非騷人則勞士間出於路人女子之口而非徵聲擇調爲某家某法者何不可選也且聖人有聖人之文文人有文人之文聖人之文雅也古也正也方也文人之文新也奇也圓也側也即使姬公仲尼爲花月風雲閨閣之詩吾固知聖人有所不屑卽聖人亦未必盡擅長也况三百篇非盡出于姬孔不過

莊管集

一卷

五

姬孔記事觀風之書豈無詞未必長而因事因人不能刪去者問詳于風而並詳于雅乃畧于頌者何也嗟乎何風之不可詳而雅之不必盡詳頌之不可畧也今如有人造清廟明堂于山溪園圃我知此人之定無竅以天球赤刀爲苞苴筐篚我知此人之決不祥頌者大常之音也譬大官之庖非饗諸侯祀宗祖周天子且歲不二三舉何後天下文人墨士定欲以周天子歲不二三舉者數勤施也可笑也又譬如今

皇帝之誥之詔制自有體用自有人施自有地安得擬爲尋常往來之筆墨也通乎此此離騷之所以爲離騷也離騷之所以多風而不多雅也七言之所以起也而漢也魏也雜沓于風雅之間者也善乎蓬萊文章建安骨之說也問選六朝而畧三謝者何也嗟乎嗟乎何謝之不可畧也謂靈運之有奇骨然則如鮑昭江總者反爲無骨可也謂眺之有絕色然則如簡文梁武者反爲無色可也謂謝之具體標韻如玉

莊管集

一卷

六

豈遽高于此也安得李于鱗在而面與駁也卽如李不能無踈杜未嘗不鄙豈能句句皆珠玉而又何必後世人人皆瓦礫也問唐矣而及宋元何也嗟乎嗟乎子輿氏曰詩亡而後春秋作予又曰春秋亡而詩作卽如文文山正氣一歌直振千古使有孔夫子在定奉爲大雅令後世經生合掌讀也何不可選也卽如元文宗七十二峯都在前豈便不如漢武之秋風我

莊管集

一卷

七

之在璞然則亭長父子老瞞兄弟又何如劍之初剛杜陵野老青蓮居士又何如花之簇錦也除却餘霞散成綺諸句我不知小謝更清發何以爲千古驚人定本也謂如三謝諸人者一代備一人之風氣可也非定定必如此而後千古也問選唐而及中晚何也嗟乎何中晚之不可及也賀真鬼而鬼如雁門太守諸歌雜高岑集猶特出也效自古樂府者也白真俗而俗如琵琶一行起駱賓王問之其女道士艷情詩

高皇帝好風吹醒英雄夢不是咸陽是洛陽豈獨讓于威加海內歸故鄉之句我
宣宗倚蘭一操豈不直逼鄭武公緇衣之詩李春芳天河釣叟應制詩豈不如沈佺期龍池躍龍龍已飛之語此可與解人道難與無眼人言也天下大率生理斷不以今人之活心嚼前人之死話也如必問明宋人曰何以不唐也我將問杜工部曰何以不句

句青青園中柳也問李太白曰何以不句句皎皎雲
空月也我又將問曹子建曰何以不句句關關雎鳩
問蘇子卿曰何以不句句振振公子也又將問騶虞
雀巢者何名家爲本領擊壤卿雲者何名士爲源頭
也大抵爲聖人之文者雖詩也而可取爲經也爲文
人之文者雖經也而可取爲詩也又問詩之何以獨
盛于唐也嗟乎時文之何以獨盛于明也王者功令
不能不家家四律人人八股也嗚呼時文莫盛于明
莊管集 一卷 八

而莫衰于明詩莫盛于唐而莫衰于唐何也維風維
雅李杜之中且少而長短歌謠虛華咀獵者無筭也
聖人復起不易吾言也桃都集者吾選吾言也甲寅
暮秋再題于華嚴山麓

香案集敘

玉皇香案吏曰天奇地偶奇偶之奇卽奇正之奇蓋
奇莫若天生地生物生靈奇古怪之人不容偶故奇
之而敬天奇者無如地天生之地承之天蓋之地藏
之此奇天之奇者故偶之此天地之奇也猶以爲無
奇如奇而生河之龜用十洛之馬用九庖之畫連山
之艮又如黃帝氏之殺殷之鬼岐之屯猶以爲無奇
又如釋迦摩尼生西方老聃生李下孔仲尼生尼山
莊管集 一卷 九

救貧兒之寶珠反嬰兒於乳母衰鳳喪狗百代師奇
至此巨靈亦不再破矣不能再破爲奇又不能不破
爲再奇一破而分門別奧至不可收拾然不可收拾
固甚奇也有文章之奇才幻作神仙之論者如莊周
如列禦寇有文章之奇才鬯發爲經如孔伋如孟軻
氏揮霍爲史前如左丘明後如司馬遷有文章之奇
才吞吐口牙時事者如呂尚管仲及蘇秦之流奇而
酣如屈平奇而狡如呂不韋奇而肆如劉安奇而隱

如鬼谷子韓非之奇峭班固之奇老如揚雄好奇有奇字無奇姿賈誼董仲舒不好奇無奇想未必皆奇論司馬相如有奇遇不能鼓盪俳舞作橫縱之奇觀上林一賦千古耳建安曹植輩有奇筆無奇思晉唐之交大半有文無章宋元之際大半有章無文是烏足奇乎如劉向博而常如范曄腴而弱如謝靈運陸機潘安沈約嵇康謝安謝朓諸客之流以清玄藻趣爲宗門長才者固如是乎徐陵半是油粉婦人陶潛

莊管集

一卷

十

不離村庄學究一濃一淡自當別論正不必攔入此場也如江淹華倩可數數即唐人李白仙奇不塵力不望太史遷而標韻誰敵之駱賓王小妮子耳鍾呂世外之奇音葛白道門之奇響亦不在此例而魏伯陽闕他家奇窟豈是人間浪讀者哉韓退之說性命書直當墮之地下而序言奇氣如霧豹蘇軾談政事書亦難登之俎上而說傷奇情如神蛇柳歐小伯耳道學文周敦頤壇上人張載正眼未嘗不明陳亮友

手未嘗不快嗚呼若匹夫爲天子造千古奇事業者虞夏而后如漢劉季我明

高皇帝到今讀關內一詔劉不讓湯武捧中原一令朱直逼唐虞豈非千古至奇之文章乎國朝來李夢陽掃胡元之優語爲奇掃胡元之優語而已李攀龍矯三代之桀氣爲奇矯三代之桀氣而已王世貞博百家之腴華爲奇博百家之腴華而已李贄以崑鑿而奇徐渭袁宏道輩以好奇而鑿洗却草莽倨侮之

莊管集

一卷

十一

狀亦玉樓中人也嗚呼天下以說得破爲奇圖書說不破者待經史之奇破之經史說不破者待子集之奇破之子集說不破者正留圖書中待天下第一流奇人破之才人不能說豪傑人之半豪傑不能說聖賢人之半聖賢人亦不能說豪傑才人之半嗚呼人但不能說其半耳說其半絕奇矣然則正如何無是天焉有是天則正也不能止謂之正也故曰奇有是天焉有是地則奇也不必又謂之奇也故曰正此天

一地二也此天奇地正也故天奇地偶也但患不識此耳敗錦不可製袍破釜不可獻尸糞土不可構官墻凡胎不可登仙籙儻父不可衣冠居廟庭何者骨不奇也今男子碌碌無奇者政使老天笑人嗚呼作須彌華藏之觀則天若地之腐而不奇也且久矣文人何多讓之

莊管集

一卷

十三



君王將相書叙

天下庸常者不論上之有聖賢之人外之有奸雄之人而聖賢之心胸不能知奸雄之作用者相逢必不相敵其智不及也才不匹也力不偶也而奸雄惡其妨已也必去之又喜其為聖賢人欲用之而聖賢必不為用也又屈之辱之故披髮入山不則俛首受僇曰我明我之聖賢而證彼之奸雄俟後人誅之嗚呼亦徒具一忠信肝膈爾何益哉奸雄且愈熾以為某莊管集

一卷

十三

自聖自賢者不過供吾一劍爾且復為聖賢者短氣嗟哉是必知奸雄之策畧者後可斬奸雄之頭願知大奸雄之經綸者乃可禡大奸雄之魂魄且可化奸雄為我使而天下治不然安在其不竊笑也是聖賢于奸雄能之而不屑非為之而不能也且奸雄人之造聖賢者必高必奇舉聖賢人不能到不及到不敢到不忍到不必到者俱到之譬如新莽殺三子以求治假使公爾忘私之心雖周孔安上下哉而且四十

年彌縫無滲漏卽古舜禹作德無休安讓哉且奸雄
視聖賢如嬰兒聖賢當視奸雄爲鳥獸倘鳥獸之不
忍又迂矣奸雄視聖賢如腐鼠聖賢當視奸雄爲妖
魔倘妖魔之未必又二迂矣鳥獸不待以人理猶墮
其計妖魔直待以鬼道乃窺其謀故聖賢有天空地
濶之襟懷必有出鬼入神之變化有風恬日霽之氣
質必有吞江吸海之精神知世之必不可古也而故
朽與以今之知世之尚不止今也而聊相與以古之
莊嘗集 一卷 十四

晉者不少何獨無一人扼其勢也哉且更爲破格之
語又安見懸太白之頭者乃獨稱聖道王于授九錫
者哉以聖賢誅其奸雄則可以奸雄削其帝王則不
可以瞞勒生當無人之亂世耳使治世爲大英雄之
所駕御其才情氣魄豈遽下夔龍哉吾取其才情氣
魄焉者爾又勲名冠古今未卽錄者何哉或列傳鋪
張盛而謀略未彰或大將軍作用不與人知或佐命
功勲亦多福將或史臣拙筆偶未點明或主人披讀
莊嘗集 一卷 十五

愛其實者不必標其名標名者必敗與以利者適可
防其害防害者貴密從古聖賢而英雄者俱然也又
安見黃唐之帝不可復作伊呂之臣不可復起也哉
是在照之必徹養之必堅英雄人自得之莫徒爲小
聖賢之面孔而爲奸雄辱也是君王將相書也可對
照也或曰尊聖賢而列瞞勒諸人者何歟閏統僞命
吾人爲祖宗顧門面之談瞞勒雖奸雄亦自一代擅
命之人其才略自足驅中原而駕華夏當時扶漢匡

之餘倦勤有差諸如等等者信心闕疑是君王將相
書也吾取其著者見効者名實著雖罪必錄名實隱
雖功不收嘻大丈夫治世自有心法安問前人卽前
人作用亦有妙案堂堂正正之中變化莫測又何必
盡黃石老人之爲傳哉嘻黃石老人亦英雄作用之
一班也聊著之印千古聖賢之英雄者

仙翁佛子傳叙

余著君王將相書成復草仙翁佛子傳說者曰入世出世二事非也吾人自落地以來何日非君臣父子之身何處尋迷虛之處得出世哉若曰出世後可入世亦何爲出世之期使終身世不可出遂爲顛倒功名富貴之場任陷溺者哉陶弘景服官松風之夢自在諸葛武侯馳驅戎馬之中綸巾羽扇儵如也白衣李泌涕淚匡時不碍仙骨呂望鼓刀屠牛殺主終歸

莊管集

一卷

十六

道器可思耳又或曰天子作神仙千古快語原非實論嗚呼此爲秦皇漢武胎淫性暴者非大道之攸傳獨不見鼎湖掛弓之龍旌飛起軒轅者乎大力者自負之趨耳古語曰英雄回首卽神仙予曰神仙撒手卽英雄也古語曰放下屠刀立成證果子曰但成證果可執屠刀也天下事謂之夢則無真心任事之人而覺門謂之如夢則真心任事之中原不作龜毛兔角之見天下事謂之戲則有隨場作勢之意而達者

謂之遊戲則逢場作勢之內實有別于牛涔馬跡之夫大丈夫生世無絕物之理但生之固非荼毒殺之正是慈悲父母卽是度師兒女莫非衆生也情種卽是法門君王將相之間正是仙翁佛子之態又何必學深山道士禪和子考木魚課誦之爲得哉諺云公門地上好脩行可思也又曰釋迦未聞入仕唐堯未聞出家唐虞揖讓受終安知非涅槃三昧此中自不容容妄辨釋迦爲一大事出世人一生精神止辦一

莊管集

一卷

十七

事釋迦四十九年特傳心印亦止一事特此事較大耳憐天下喪心失命者多見生民以來曾幾幾幾賢故竭一生精力發明此圓覺妙明之心其爲君王將相開救者多矣雖欲仕安暇哉使陶唐有四十九年之暇安知心性諸書不亦有三藏十二部也使我尼父有禹稷之勞又安得六經詔後人耶今談心性必歸之乾竺者以其發明更多耳非二樣也且蓬萊天竺佛祖真人之號不過我中華賢聖君子之稱原不

甚高又安知我輩今日之出世非仙翁佛子之入仕也惟英雄人自得之雖謂仙翁佛子傳卽君王將相之真書可也仙藉闢逍遙之圃勞勞符咒者不收佛源開空明之門擾擾幻化者皆置萬曆己未孟冬朔後一日再題于太青山時白雲在天日色卽午

莊管集

一卷

十八

傅詩叙

傅汝舟曰端木賜詩允善也曷善乎魯猶列國安得非風雖頌退風也邠基太王安得非雅雖風進雅也孟軻曰魯頌以列國故採頌爲風不必削頌名也小雅曰邠風以太王故卽風成雅不必裁風號也可兩行也通其意故歌雅頌者俱亂以關雎也端木氏據明旨正辨核條詳舟筮龜之漢大中大夫申培先得我心也申詩奉端木也詞有詳畧旨無異同也匪似莊管集 一卷 十九 大小消叙紫陽戾說也熹一曰此亦淫奔再曰此亦淫奔此亦不可定詩猶莫須有不可定案也且仲尼旣正詩何多淫也詩至熹辱且陋矣傷之不能不鳴也是詩也尊端木九稟文獻也參申培一資訂裁也獨昔聞大雅小雅也端木及申曰大正小正維何孔子曰樂正雅頌各得其所是端木奉孔氏已正之詩若曰大雅正也小雅正也迺各大小正者簡文也樂記載子貢問師乙曰宜歌大雅宜歌小雅則今茲言

大小正者因正之也秉師傳焉竊更爲雅還古名也
鐘鼓祈父北山縣蠻青蠅小東苑柳小明小弁巷伯
巧言小旻鳴鳩白華角弓十月之交蓼莪賓初筵懿
戒正月四月雨其無極節谷風都人士二十五詩端
木別之曰小正傳蕩柔桑民勞板瞻卬召旻五詩端
木別之曰大正傳考厥詩危亡苦嘆未用歌庭奏廟
而曰傳維何若曰大小雅正之後另傳以行世別於
雅也然則曷爲乎不雅又不風也或以篇什體裁類
莊管集 一 卷 二 十

極節都人士俱東遷後詩當時弗入也慨王者迹熄
而詩亡自昭王南征之駕不返迹已熄也故是詩自
鐘鼓憂昭王者竟王風之也昭穆懿厲幽莊桓景歷
世序覽風也舟義取也且風有升降不以風卽降也
二南皆王風也何降也黍離降國風至黍離逾降匪
降以風也故十五國盡風也王風多采之盡變也是
詩也先二南索初盛也次列國綜方音也次王風感
衰否也復雅頌追休明也繼商頌於湯有光之意也
莊管集 一 卷 二 十

皆地名二南獨名官也又何詠周者舍文武屬二臣也謬也燕楚無歌無之也離騷未興也小明小弁小也大明大武大之也巷伯寺人別號也懿戒抑詩美稱也雨無其極舊題也齊般勺桓樂名也東門之枌池楊傳缺也得并志也

禮記傳傳叙

傳汝舟曰傳何爲者禮爲孔門過庭之書自秦火後惜定本與尼山往矣幸大漢彰明之我明崇重之蓋自高堂后蒼以來戴德傳古禮爲五十八篇而德兄子聖刪爲四十有九至今編爲令甲頒在學宮我高帝真知此禮爲天地鬼神之書帝王聖賢之心君臣父子之寶耕鑿文章之鵠軍旅斧鉞之道者歟肇自尼山是

孔父之禮稟自昭代是

高帝之禮而其間識大識小皆禮功臣舉而屬之戴者謬也非不知周禮可行而三王不襲禮正以周也異代則不尊非不知儀禮可行而大禮者必簡正以儀也傷繁則易厭卽大戴可備達人之叅觀不敢混尚門之麗雜鴻哉偉乎爲聖人之徒居天王之世者敢不畏歟但經自日中人自盆覆經自雷鳴人自龍耳解者不麥菽之未分則瓜豆之強別讀者不鏤空

而吹影則鼓瑟而膠柱以致次序悖亂箋註謬迷故
爲之正其次而各系之傳傳必通篇綜文勢也曲禮
通屬經解邇道統也還大學中庸於部中守古經也
刪禮雜開傳於格外芟小文也檀弓詞逸而義膚開
雜事重而語復不大關係毋滋瀆擾蓋立教者貴精
傳經者貴當結束魯二千載之公案補前王三百年
之盛典燎其焰助其灑點其睛寫其照想口語於中
天發筆墨於對面聖人復起當必從吾言者乎噫我
莊帝集 一卷 二十四

爲詞命夫子猶曰未能知我罪我以俟後世博而不
精精而不博異代馬融自知左傳也我大明當有尊
禮之
天子出敢以備顧問哉傳成而立石頌禮頌曰闢開
天下蒼生眼抉破尼山老子心寄與日觀峯頂讀一
輪海上是知音

國朝制藝論

嗟乎今天下所取非所用也甫登仕而用其撫綏爲
縣令用其彈壓爲司李用其協綜治理爲六曹用其
應考對核爲行人博士用其辭學編纂爲殿撰庶常
集而上之無事用之樽俎爲輔相有事用之折衝爲
大將俱不聞用其爲時之文也而制科取士非時之
文不能卽士人鷄窓學業若與所用者茫不相涉第
艷稱曰某行卷俊語耳某墨義逸句耳某名士某鉅
莊帝集 一卷 二十五

公清機滑調耳某師門某秘授別致異響耳至舉撫
綏彈壓之方諸種種者絕口不談卽一談及相譁爲
鶩浮狂士嗚呼異日
簡書命之者命其治時文而已乎否乎卽三年考之
而民命已戲三年矣五年察之而國事已壞五年矣
何所取非所用至是也譬之遊海者取之造車執欸
者取之汲井雖自有通方之豪傑不若伐木于山釣
魚于湖之爲得也當我

高帝時金刀鐵馬腥血滿天下故不得不洗之以筆墨以筆墨洗強暴之風猶之夫不得已以弧矢振衰亡之氣者也說者曰我

高帝原欲腐草創後之英雄而故窄其途嚴其令非由此道者雖奇不顯猶之以綿撮收功臣杯酒釋兵權之意而姑養百十年和平之福以待後世之善變是或一道也而臣子不敢妄測但文雖弊而相文之法自在人有文我有日文心聲也目靈光也相遇自

莊管集

一卷

二十六

有明明現在如羗胡之相馬相寶者何獨疑于相文哉故文之甘心漁獵餽釘滿紙者吾知其一出而必為貪夫也文之諂笑昵視纖孃可憐者吾知其一出而必為媚子也文之兩岐調舌巧借更端者吾知其一出而必為佞人也文之顛倒聖賢捶擊刻核者吾知其一出而必為酷吏也文之衰朽無光呼吸不動者吾知其一出而必為浮軟也文之枯槁斤拘苦淡隱僻者吾知其一出而必為空人也文之板腐拙直

寬緩無謀者吾知其一出而必為迂儒也故溫和平長

厚撫綏之文清厲風霜彈壓之文詳細明察協綜治理之文舒簡條悉應對考核之文光華典則詞學編纂之文沉雄古大淵涵莫測將相之文非然者不難于趣而難于莽趣則究竟化為婦人而莽猶不失為男子也不難于滑而難于破滑則令人不得其首尾而破猶可直洞其腹心也不難于嫩而難于老嫩則乳氣在喉舌中而老猶較明白于得失之後也不難

莊管集

一卷

二十七

于隨而難于操隨則天下事付之東流矣而操猶支其半壁也又為上上人說法今時事文莫貴于陽而猶莫貴于陰徒陽之文不過小聖賢之面孔善陰之文乃大英雄之作用即如近日東征聞奴西取策于我奏章中何其陰謀陰符之學黃帝太公之書一不講至此哉此可與真文人道難與俗人言也聊書之見東南菰蘆之中有人相文者

文通叙

古今來經史子集四部文爾丈夫不得樹奇伐戮力
 中原鞭笞海外功成名遂歸來胸頭一段空明玄澹
 之旨如第一月使後世書生筆我之言為經編我之
 言為史是安得為通三才之子縱哀然得集徒覆瓿
 哉不得已而著書尚不講經史一大事亦可憐矣朱
 子著文通某題勒某式如珪珠之不可混方圓某式
 置某義如灼瀝之不敢背寒熱某義鑄某長如蜜花
 莊管集 一卷 二十八

酒釀儲有餘之味以待舌永某長杜某害如醜符鼎
 謎設可畏之像以遺影逃讀者讚曰美乎大哉予謂
 猶通之曲末焉者矣天地一經萬物一史人心之生
 死關于斯宇宙之明昧關于斯未于上慨迷者之無
 人下嘆作者之滅侶厥志厥功通之力鉅普哉噫通
 經易而通史難六經斷自尼山冊不盈一尺鈴已過
 數聖如雷聲電光河流岳峙有胸有心者讀之巧信
 註而善信經豈遽不可冥契盡千秋盲瞽哉史非一

家之事而或一人之筆曲學愚情妬心佞舌雜沓于
 間欲推班摘馬陋范腴歐雖再起知幾猶喋喋乎難
 言之也通古史易而通今史難古史粉簡蠹編猶可
 探源而索嚮今史髮橫絲亂豈堪鑿影以鑿水作者
 何地何人屬者誰材誰識可嘆矣又通今史于古文
 之士易通今史于今文之士難量不踰八股胸止規
 七日欲談君王將相之事于醉寐之場判理亂幽明
 之情于血肉之腹不綦倍哉倍哉嗚呼通經史者必
 莊管集 一卷 二十九

其可自為經自為史者也不然則不通矣文通成而
 象夢著浸淫乎韋編三絕之舊布衣亦大侈矣他如
 詩樂詞曲諸通者垂指爪作獅子形六通之餘技倆
 也

武備志叙

兵者聖人不得已而用之帝憫天下之腥血特命真人授之一割以造太平也夫不得已而用之必不得已而不自已之日乃能尚之不然臨飢索耕臨衣索織有是理哉天地生民久矣乃武而乃文黃帝不五十二戰得天下安能衣冠制度作天子乎虞不誅四凶何以重華武不懸獨夫何以大定儒家曰此以仁義用甲兵者也卽崑以甲兵用而七雄爭長如沸如逐

莊管集

一卷

三十

自非始皇帝內耕外戰安能東諸侯盡繫組于頸走關西哉漢高知兵所以鷄棲壩上疲重瞳于四方漢武知兵所以虎視中原勤出師于異域唐代太宗呼吸戰陣變動如神掃陳隋而鼎新之不然破家爲國豈獨讓二郎哉我明

高皇帝洗宇宙羶風驅胡元而擒誠馘諒神武不殺於戲千古至仁不殺正神武之兵訣也故曰飭治以文者在戡亂以武也萬世君相大法也有一代英雄

之君必有一代將帥之臣且文人領武事者大半如

太公管子文章鉅公孰知其屠刀之下囚車之閒疇
畫州兵并戰者過熟哉他如孫吳彭韓諸君子未臨陣而生死向背已瞭然目中矣梁父卧吟三分戰勝曹瞞司馬用兵通鬼神者何獨怯此茅廬中人耶李
家衛公排撻今古當其告西嶽大王時已囊中裹黃石矣趙氏天下自非厥後岳將軍韓將軍二三大夫爲之持住我不知道學諸公捍金人于何地本朝徐
劉常傅山嶽名臣提三尺劍而從龍肘後宿有妙策突如禍生土木地震搖一司馬點十萬營兵厝乾坤于不壞于忠肅豈直一儒書生而已哉厥後嘉靖朝沿海告變七省幾沉胡總制散金錢如泥沙構姦雄如豚鼠兵家間法用之最精俞戚名帥半出帳下而總制自奏方畧多歸茅觀察鹿門氏今防風元儀裔孫也茅子壯志四方慨東省楊鎬喪師海內幾不知有兵輯武備志一兵訣評二戰畧考三陣練制四

莊管集

一卷

三十一

軍資乘五占度載兵甲不煩借箸山川無勞聚米出
家乘之五車傾胸藏之八斗立義定名制器尚象用
詭以實取效以驗卓乎今古上將之符錄哉覽斯志
也堯登之下有生人詩書之間有帥氣輯于萬曆末
季成于新

天子龍飛之元年臣子譚兵之日正

主上銷兵之時蓋兵不譚雖欲銷安得哉於戲兵金
也釜鬻耕鐵皆金也刀幣銖泉皆金也皆金卽皆兵

莊管集

一卷

三十一

也人一日無釜鬻耕鐵不能殺萬物而資人之生一
日無刀幣銖泉不能生萬人而救物之死是人安能
一日去兵哉何獨于治天下而疑之是養天下之性
命無如兵譚兵不啻農師數桑麻而課之種也坊天
下之不禮義亦無如兵譚兵不啻學師嚴膠序而訓
之治也豈獨師三軍也哉吾于武備志三感矣母曰
若輩書生譚閫外事於戲安見目不辨方輿手不親
金鐵胸不知武庫爲真書生哉且平日縱橫紙上擊

刺腕間毛穎君不知劍術至此耶舟也儒冠下而將種
者談兵如理舊家事得叙之

莊管集

一卷

三十一

江左雄風社文

傅子登壇揚且而言曰啓來爾結昆仲吹雄風揚大明日於天中而不夜震厥才人子龍哉蟠哉載筆墨哉虎哉踞哉載喉舌哉篋以加咨爾啓來束牲進諸子古文詞我酌酒宣朝廷功令聽無賢粵稽西周以前取士明試以言敷奏以功具在虞書逮漢明經唐詩宋策胡元曲也我時王科制進士體有若而文猶恐漢言之雜伯也試士必周書以前六經不尊孔氏

莊管集

一卷

三十四

疵畢索彌天無遁網是功令哉猶恐一言之不足綦多言之若理家事無遺細恐正言之不足綦反言之若補劑者防其瀉恐實言之不足綦虛言之若雷起先發電光恐空言之不足綦證言之若聽鞞案例是設恐陳言之不足綦華言之若更常服入座改厥觀是迺雄風哉且子知風我常歌衛風而知流歌秦風而知厲歌魯風而知愿歌王風而知挫歌曹風而知悲歌二南而知旺今天下之風今天下之時爲之也

莊管集

一卷

三十五

觀厥時在厥義伊何風纖腰踞齒染人油粉淫風也匪文抽青配白餽釘不耻穢風也匪文偷响襲聲餒言孔甘盜風也匪文張眉露爪無故自顛暴風也匪文土骸尸氣畧無人神死風也匪文斷衫破屨肘踵俱見窮風也匪文捏空捕影隔壁狐吟鬼風也匪文啓來知雄風哉知青天白日風光哉高山流水風趣哉耕食鑿飲風力哉拖金佩玉風聲哉花香露氣風味哉神機鬼藏風師哉茲文在哉啓來且與爾昌言

其風如天龍達摩之指壁或如張顛李白醉書可如
岳將軍野戰或如周亞夫嚴兵可如釋迦阿難涕哭
證法寶或如孫登莊周笑傲破天機可如劉安拔宅
飛昇雲中鷄犬或如費長房縮地潛形壺中日月可
如諸葛楊雄草廬白板之一席或如秦皇漢武阿房
未央萬間可如一絲引巨鰲釣無不昇或如九鼎壓
一卵勢有必摧可辟張兵然一刃兩刃前鋌後鋌總
期殺人又辟關弓左開右掖上縱下送歸破的也以

莊管集

一卷

三十六

才人之口發聖賢之心英雄之筆尊時王之制不惟
傳厥古人求惟可告厥今人不惟爭厥才子求惟可
對厥天子咨雄風哉啓來伊我江左
高帝莫鼎雄以作人梁忠襄氏倪文毅氏經濟聞何
忠節氏氣節聞顧華玉氏詩歌聞焦澹園氏博學聞
獨科制若而文許石城氏烟霞千里聞周長卿氏人
馬萬鈞聞顧太初氏臺閣亘霄聞之三氏外安聞咨
哉獨非豐芑士迺讓哉又橫觀四海藐諸人許鍾斗

氏筆吐山河氣五岳四瀆欲飛王守溪氏宸敢脫視
王縉山氏落墨星斗燦光二十八宿煨煨如歸震川
氏低眉也今蕩爲冷風故人矣誰雄風哉咨卽吳無
障氏起悟未馴湯若士氏奇慧弗雅他卽堪友且僕
耶咨哉且又有言曰策法宋何不漢唐疏而賦耶詩
耶若而文何爲曰咨維厥體有疏之意也有詩之聲
也有賦之裁也而允兼爲時王制且又有言曰何篇
七股八對仗何偶是耶而非曰咨十二時奏篇七也

莊管集

一卷

三十七

程厥才股不盡八迺八者乘八風宵八卦一首二眼
三耳四口五項六手七股八足人得八形成人文得
八體成文哉厥語對仗眼得二視倍明耳得二聽倍
聰手足得二倍持且行且排麗之體莊雅可對君王
駢偶之詞整飭可教士庶祖宗勒功令者職故哉咨
啓來醜人者毋論我豪人侈心若而文多不經或縱
亂陣律類論體不文式撓雜時事類策體不文式艷
靡聲調類表體不文式督責口舌類判體不文式抑

知諸若體時王固二試之三試之而若而文固重首
試哉咨不宜帝化於唐虞朝廷不以爲功令不嚙王
猷於三代朝廷不以爲功令不尊道德於孔門朝廷
不以爲功令不憲文體於祖制朝廷不以爲功令所
謂士不談六經農夫笑之養天下無暴秦浮晉之學
術咨何明大哉若舍六經而國策藝死之翱翔我知
世風不詭而妖又媚而姬矣烏可雖今卑庸莫青矜
若俗戾莫朱門若安在表彰六經人不負文我知

莊管集

一卷

三十八

高帝之天靈必笑唾而怒戮之不貫第當代第一名
臣如余忠肅氏王陽明氏張江陵氏靡不自制科義
出安在文負人哉日討古先聖賢以薰世服食者多
真人出矣舉世有由而不知之道啓來我特宣斯義
于有心者之耳咨哉若而文之不古也而古之不啻
古文詞若而文之不今也而今之朝廷功令在鞭古
駕今斯雄風哉我豪人士耽酣古而土苴今不此增
奎壁尤爲祖宗得人慶雕蟲詆之是安在爲通才敬

君王哉異日刪六經奏騷雅纂史牒爲千古一人實
囊中事何獨以本朝功令多遜哉咨患不爲真龍瑣
翁寫假龍且風雨至况真龍耶驪之珠必珍也卜之
玉必寶也且聞力田不逢年未聞不耕獲者占曰凶
常觀天象我都京上應角星當天門有進賢謁者當
有帝佐興輿家控江漢挽海門我都京在出震見離
之方是曰巽木火通明主文兆昌是江左爲天地之
門天地方以都人士爲門中人敢不厲厥志恢運哉

莊管集

一卷

三十九

咨啓來啣厥語告之同盟祭酒招雄風昆仲詔之三
恒毋雌四方望風下走矣

紫薇文昌宮疏

人見好花卉山水風月禽鳥莫不流連忘倦嘻此天地之文章也而誰主之見經史子集四大部書自非無眼孔者莫不歡喜念下嘻此文章之在紙上者也而誰主之見名公碩彥高良大士莫不拱手請教嘻此文章之在面孔上者也而誰主之主之實誰生則在天為張星化則在人為張仲燒燒煨煨紫薇垣五車八轂之間者非耶上帝勅司天下桂錄德則昌否

莊管集

一卷

四十

神亦有不了之文章待昌士吉人來補之即如古清溪道院有張仲帝君祠面上塵封鼻衣泥衣坐穢中鼎折耳几無足非沙水地而為人藏藏骨之凶木非工師府庫而屢寶源之炭錢嗟乎嘻此文昌之破文章也而補之豈無人斯嘻試坐我父母假像于此而人子安否即不然坐我假像于此而我自安否誰司我輩籍而坐我嚴師至此可嘆矣且誰不欲為文章家人推此文章于相帝之佐姬公吉甫之間焚諫草

莊管集

一卷

四十一

拾耶我輩當不使好文字散在天下紙上而忘其主
耳帝之宮一曰紫薇文昌宮在赤明和陽虛明堂曜
天之間一曰玉霄絳宮在不驕樂育天嚙此宮亦不
在天上諸公過青溪來自低徊筵几不能去自不能
不作新文章觀也

答客問

客問子學孔子者跡其行事議論多不躡顏步而蹈
曾履似亦入卓吾禿子之圈子者何也答曰不然豈
願學孔子者何必躡顏步而蹈曾履千古而上無如
孟子孔子曰畏大人孟子曰藐大人孔子曰巧亂德
巧鮮仁孟子曰知譬則巧以一巧加大成之孔子孔
子與東周而大管仲之功孟子直王齊而更不必作
尊周之語此何必躡顏步而蹈曾履者且顏子孔贊
嘆者至矣美矣使非仰鑽發嘆數語亦幾無以見顏
子且我輩豈獨無此欲從末由不自足之望卽如曾
點終日嚙嚙若若來孔子之喟然豈我輩定無春風
沂水之狂又如子貢孔子箴其多識我輩豈讀不靈
之書孔子又惜其多識我輩豈屑染不淨之物使有
孔子在定歡喜詔誥我者釋迦牟尼佛我遠祖也孔
子我嚴師也孟子我老友也莊子我契知也卓吾李
禿不過我家中一聰明漢子耳非我入李禿之圈子

乃李禿入我之園子也且世人歎歎以孔子之是非爲是非固是常說李禿定不以孔子之是非爲是非絕是亂道客又曰釋迦牟尼是吾子冒頭語耳峇曰不然孔子以杖之叩豈不是棒鄙哉之聲豈不是喝曾參之呼豈不是虛中無文之字魯禘之掌豈不是靚面相豎之指無知歸於一空主信了於真實戒圖明明是殺戒色明明是淫戒得明明是盜入定止觀此爲異端豈不是知止而后有定定而后能靜大

莊管集

一卷

四十四

人之學凡茲不可言盡雖謂善學釋迦牟尼佛卽如孔子可也真能學孔子者何必躡顏步而蹈曾屨也客曰然然

佛魔論

八寶現相菩薩說偈爾名蕉佛前身須記哭爾慧根業障未棄若不勤修墮落無地莫作癡頑圓通觀察貪恣嗜慾畜生中漢滿腹凸凹血池刀山可憐自家自家魔我無魔不佛無佛不魔魔境下轉佛境轉多拿一頭佛入千頭魔知魔魔破知佛佛合魔不離佛佛不離魔魔入佛苦佛出魔樂我是大魔天下小魔大魔不動小魔不來今人喜魔以小助大主魔漸小

莊管集

一卷

四十五

客魔漸大大小相魔王客都大我且魔人人且魔我人非魔我人自魔人我非魔人我自魔我魔不認佛佛不認魔惟不相結故不相認魔認得佛佛認得魔相認不認各成世界佛認佛界魔認魔界佛破魔界魔破佛界佛魔各認共一世界佛魔相破無完世界入魔世界尋佛世界龍宮鷲嶺豈獨無魔淫房酒肆亦自有佛魔卽魔佛佛卽佛魔佛卽佛佛魔卽魔魔佛知常大魔知不小知魔受魔佛知不豎知佛不佛

魔知獨橫究爾一生止歸哭笑笑之間已盡魔佛
 何事快心魔令我笑儘堪下泣佛令我哭我魔笑魔
 我佛哭佛佛常哭魔佛心最慈魔常笑佛魔心最惡
 佛失佛哭魔失魔哭一涕淚間魔佛兩出佛得佛笑
 魔得魔笑一嘻願間魔佛各造魔遇佛笑以笑拒佛
 佛遇魔笑以笑轉魔佛遇魔哭哭魔多笑魔遇佛哭
 哭佛多哭佛遇佛哭哭世有魔魔遇魔哭哭世有佛
 哭佛畏佛強似笑佛哭魔降魔不忍笑魔爾日發笑
 莊管集 一卷 四十六
 魔使爾笑爾一旦哭佛使爾哭終日魔笑既受魔引
 終日哭魔反撓魔性半笑半哭笑哭相證庶幾魔哭
 庶幾佛笑魔哭一轉佛笑即生爾今受戒笑哭是佛
 爾今不戒笑哭是魔戒不必戒拿一頭佛不戒是戒
 入千頭魔一頭非拘千頭非縱究竟道法圓通如是
 辟如月光落照世界一分清處十分穢處清處自清
 穢處不穢必欲不穢無是世界又如中華管理國土
 一頭國王千頭部虜國王一正部虜効順必無部虜

無是國土有陰乃陽有魔乃佛戒律自嚴遊戲自便
 作諸魔態以證佛性請佛會魔不畏不禁盡度魔王
 是為佛性必不能度是為魔性不度得度任哭任笑
 佛不可離魔不能離呼爾魔王見爾佛祖無使前身
 蕉佛哭爾恍惚覺中為說是法

莊管集

一卷

四十七

蕉幃十寢紀

蕉者何蕉數本如活綠玉如柳浪數尺自壁瀉下翠
碧能醉人堪寢故幃雖幃輕綃上猶然葉葉蕉也寢
無夢寢不暢不暢毋寢為神遊也天放也佳景也寢
者以夢為覺如珠玉服食鬚眉夜夢之且值之刻畫
似蝴蝶耶黃梁耶覺也等之夫以覺為夢者如泡如
幻如電如影復如夢夢而如非夢也如而夢真如矣
夢矣十者何大睡千年小睡五百年春秋八千且暮
莊管集 一卷 四十八

睡中魔不易遜也故夢儂聖佛祖者覺人也許十寢
夢冕笏輿馬者治人也許九寢夢經史車書者文人
也許八寢夢刁斗金鐵者俠人也許七寢夢煙雲魚
鳥者韻人也許六寢夢杯杓觥斗者達人也許五寢
夢笄珥巾繻者艷人也許四寢夢牛鬼蛇神者幻人
也許三寢夢葵舄搗裝者冷人也許二寢夢耕織作
息者實人也許一寢有十寢因十放無情假寐芒刃
伺人者不許辱此蕉幃也奔競德歸駕言清憇者不
許辱此蕉幃也故託沈酣欲避錄事者不許辱此蕉
幃也了無一語攢眉下睫者不許辱此蕉幃也僵卧
藉書蠶無生氣者不許辱此蕉幃也喬作嬌態伏枕
自憐者不許辱此蕉幃也自謂羲皇心勞錢穀者不
許辱此蕉幃也作意言旋希主遮留者不許辱此蕉
幃也願養鋒銳偪起侵人者不許辱此蕉幃也撻人
清夢解衣攔入者不許辱此蕉幃也寢者無夢可也
放者有夢不可也甲寅秋夜蕉幃月下無夢漫紀

莊管集 一卷 四十九

七幅庵記

嘗讀傳見一父結巢自隱當許由不受堯天下之讓而洗耳父且愛牛之口而避其水吁嗟是非絕世之異客而可語者乎高宗夢說圖形卜於巖相持以出築基王室木繩大業造於夢醒是治世之正客而可語者曹瞞建三重閣召賓命作鼓吏以辱衛衡脫禪裸體搯搥大罵而瞞舌橋不敢下以一鼓聲當良之錐軻之七也是震世之烈客而可語者文君司馬琴

莊管集

一卷

五十

之鋤好似枯禪展天龍之手堪作良粥不擇古人之藏者不挾今人之奇則臥狗齧書是英雄本色不破時人之目者不發高人之致則伏巢滌器正豪傑家風東魯心胸自具賴水老巢面孔不笑漁陽若夫或現窮漢相或現宰官身或爲破法狂生或爲守律聖祖其鴛籠中人或有與能乎我取七子圖爲七幅晤言一室翔翔千秋將笑宗少文之臥遊者山川以無客而不靈矣胡然生叩菴而請曰子祖述仲尼者而

莊管集

一卷

五十

心挑走徒四壁立當虛滌器狀近無賴而神宇灑灑也是脫世之俊客而可語者朱詹少貧饑則吞紙寒則抱犬以讀卒成大儒是待世之苦客而可語者一鴛籠耳許彥負之而書生來寄其中已而一日吞吐妖童艷女金漿玉錯不知從來是戲世之怪客而可語者天龍和尚說禪豎一指頭示寂者嘆一生受用不盡是了世之解客而可語者吁嗟乎頭顱不正第

一流便自讓人眼界若寬不二門無非由我抱傳岩

慕吟七幅想主人別有說歟子笑而不荅書一解示之曰仲尼千古稱人絕夢斷姬公思夢說尼山高並傳巖山喪狗正臥巢由穴朱生嚼破絕韋心禰兒搥碎誅卯血天龍和尚真箇奇指掌無言天我知叅禪不少摩燈女作聖豈廢當壚姬一片鴛籠何處掛小書生堪入畫假使唾出仲尼來鴛聲當是滄浪話七幅我知自千古不是孔家自得數胡然生倘然而廢然喪厥懷來而出矣俄而庵中如揖如嬉如踞如

臥相許而莫逆者七幅客來尋主人也

莊管集

一卷

五十二

與李本寧太史書

伏處山中不爲書債則爲病債故佞人之步甚短懷人之夢頗長今天下望龍門如天上稍知筆墨思近寵光非我族類猶然慕聲朝主矧不佞以品自待以文自樹以晤慕聖賢爲宗乃自遠名教甘心者乎非也年近三十未得如意又復性疎且直頭顱不足重于羣輩門第未堪誇于小兒且又貧不能市俗人故每發一語時流相訝爲妄誕荒唐不茹之則毀之求

莊管集

一卷

五十三

其平等相看便爲隆遇矧加賞識耶卽有相知固指未幾屈也此不佞之懶向市遊以致如先生而亦未輕造者又嘗橫目世上不識之無者復連壇結社未辨黑白者妄談詩論文江左風習惡道甚甚如某某者實耻之惡之不屑舉其名而此輩甚多假如左丘明在其代爲羞死者無地思及此每爲汗顏故不佞常作一句絕不示人藏之唯恐不密雖無好句但千秋騷雅之壇不應同此輩玷辱耳故嘗欲造謁居庭

如先生者亦復羞以詩人自待故每足舉者三步禁者五徒切空中想望向朋儕相信者嘆不休爾雖不必先生不知正不必知如居家之慕蓬萊何必朝夕面見之爲快哉何必不朝夕面見之爲不快哉左顧失迂偶爲小詩以代玄想亦衆生之讚佛豈能得佛者哉先生其有以教之嗟乎今天下且復寥寥作者矣常私四聯已往者勿論宿名者勿論後來特起之雄古詩如鄧遠遊古文詞如張夢澤刻畫古道如文

莊骨集

一卷

五十四

心心唾矣何論哉顧太初先生風雅謬予強題之以傳大方天下大方孰有如本寧先生者哉曩嘗敘我文字實始知我雖先生不欲知我實私揣知我之可必也先生其有以笑我乎其有以教我乎囊中草本何當玄晏求文乞敘是近日詞人醜態然不佞之于先生不敢以近態自待並以辱先生先生或不以近態目我而辱不佞也語云悲今人而俟後人後人不

莊骨集

一卷

五十五

天瑞沉酣古法如陳明卿莫當其留心奮起一往不差之志郭應璜亦復刺刺有氣但不知究竟耳又復散在草茅書生中少冠實多第不知年壽若何際遇若何骨法若何預料其人而不可必定也嗟乎實難先生其有兩以教我乎年來私心頗此道自愛第光景窮奇長卿之壁亦復輸人不能買書烏能讀書不能具糧烏能置油母子待哺絕無好懷故時發音多屬感憤嗟乎徒恃貧骨之自傲耳天實喪我能不唾

耳語及此自覺長者之前妄躁無賴然恃一日之知不覺長長短短曲曲折折筆下躍出自不能管禁也先生其笑我東方之不自責乎嗟乎丈夫之心不虛爲無進之卑流君子之識不定爲不廣之小輩此意在步天集中小敘矣先生知我孝永口中數聞垂問貧士報人以心不佞當報先生以筆以舌不獨以心又自笑士之不貧也

達沈銘續相公書

屠龍不成正堪射虎秋風馬嘶仗劍何處索耕不得
閉閣養老母然雄心常馳塞上也讀邸報見顧忠諸
人盡列叅藩都閫仰相公用人之高風然聞鼓鼙思
將帥之臣矣運籌帷幄決勝千里相公帳中豈遽無
此等人何不聞開名列上也有而不薦是相公閉人
之奇知其奇而不薦是相公愛努力不愛經綸重股
肱不重腹心也如其無人相公門下不應如此缺陷
莊管集 一卷 五十六

莊管集 一卷

五十六

也有事借茅蘆之功無事收東山之望母使有武夫
而無文帥桃李之門皆斧柯焉則不至異日之憂文
士如今日之憂武功也相公呼吸天下士類者至矣
揆輔其治平之樞機也耶

致潘侍御札子

天下事一敗至此 祖宗朝養士三百年來竟為逃
臣窟子所壞嗟乎不殺不休者也但不知朝端如何
止議經議撫絕不議將至有事止一二武夫自殺塞
責居然文帥者獻地于虜而高食于家恨至此乎王
肖乾嘗意其有氣乃猶然一熊芝崗爾人之難識如
此大抵可定君子之常不可定小人之變今復命之
矣山海關危如累棋曩夕之夜夢 天子下南遷之

莊管集

一卷

五十七

詔恐此夢不幸妖踐然得妖踐猶是福也京營長道
天下兵馬俱在掌握此時以守舊法而訓練之為王
改張無益也 國朝成式自高但調停為貴以收羅
人才為主不破格英雄不奮且此時延訪天下豪傑
列名 主上雖目前用不用異日為勤王大名目不
然又混混過此世界矣此為北計又有策南者滁州
地方可出守管督一員令池浦二禦聽其總理上轄
黃河徐州之衝下攝鳳陽淮安之變桐城安慶之間

大爲關係金陵隱然一常山之蛇須聽其事權檢才
將守之守之必南人方肯爲身謀家謀國謀同堅也
留心國計曷圖之又南中當道欲鑿浦口之山放滁
州之水于江此大不祥事此山一斷 祖陵風水氣
脉俱傷江北大無利矣僕十年前至其地料理親見
前人欲鑿之未敢成也今又憚憚計此中原好性命
四方好土宇竟弄壞殆盡耶爲之三嘆近日布衣關
召漸漸欲開但資格不肯大破豈以天下英雄不如
莊管集 一卷 五十九
唱名之貲即可授鴻臚之卿効勞之匠作可加部寺
之職無能之任子俱當黃堂之任老腐之貢生得叅
邊郎之選聞此言不啞然大咲乎噫浮言柔翰糊名
易書實不足盡天下之英豪博學鴻才賢良方正乃
可升天下之雄傑嗟乎門下莫公平正大于談天下
事何不明目張膽大庭一縱言之僕母老矣不能匹
馬長安上書 天子長嘆一聲而止噫嘻自今登壇
者俱我輩廝養不值奈何近聞新人有桃花結子消

息一件快事但生一將相之才爲慶若止育一膏腴
進士兒子亦沒用也

莊管集 一卷 五十九

高忠節哀詞

忠臣報主慘莫慘于人喪地而我捐軀孤子思親哀
莫哀于生靡依而死無骨嗟乎已矣縱鶴衣雲服何
補于衰草寒鴉哀也傷哉但龍誥天章聊寵其白楊
石馬一片火光燒不斷敢謂忠燼如灰千條炬焰影
堪憐可怨毒焚莫救朝廷以死富貴鼓活功名何斬
一字之褒臣子以實性命換虛榮華自愛千秋之品
念死者而非逃者敗者思懸之而且炮之烙之有淚
莊嘗集

一卷

六十一

建大悲閣願

聖賢發一正心天下人見多少不是處又不得已轉
一殺心天下人受多少不完處矣不如菩薩人發一
悲心卒不失正與殺而天下護多少是與完處且終
不露一些子非與缺處也老佛門讀多經多咒即如
準提大願皆云願眾生求富貴衣食樂壽各各如願
而已多不及衆生願聞正法及菩薩願衆生聞正法
而咒者心竊嘆曰是何菩薩薄待衆生如是乎及檢
莊嘗集

一卷

六十二

大悲經咒首願衆生即聞正法而得如意皈首拜手
曰大悲菩薩是我真父母矣吳和尚願建大悲閣西
天寺空山中爲衆生聞正法故募十方聖賢共舉如
願余歡喜贊嘆願上人之願蚤成更願十方羅漢俱
在大悲閣中證佛位弟子與上人世世在大悲閣下
作韋馱可也如十方願聞正法而不成弟子即願爲
十方受無間地獄之報合掌頌曰南無阿彌陀佛爲
大悲菩薩作證盟者敬自咒自願而爲募

顏魯公放生池文

菩薩放生猶如將軍射獵射獵養好殺之心滅虜放生引菩提之念度世反正掌爾顏先生當禦安祿山斬段子光叱盧杞李希烈之時殺心何重政此殺心為一代名臣乃書千佛字碑放生池八十一所何甚相反嗟乎以生道殺人魯公所以有御史雨也今天下殺運不開惡道不止然以生道殺之英雄之人懷菩薩之念聊寄興于飛飛洋洋者爾非如窮道士破

莊管集

一卷

六十一

禪和子善信諸俗為沒奈何之放生作救死計者耶余有味乎放生池在鷺峯清溪上者特誅茅灑構之

題靈谷長松賦

憶我讀書靈谷玄猿如歌白月欲笑藉松花而擁袖映寶燈以孤照

空山無人染毫命操作爾都五岳賦代宗子西壁之卧遊張生三都之選調也于茲松篇其令我喜心也夫何其喬兮若松窈兮若谷濯我之舊靈流人之新俗也予昨歸北征遼事孔棘檢我賦草嘆舖張愁慘情事之不一欲焚墨硯而飛名山之錫又感諸篇也其有悲心也夫

谷神告我曰嘻傷哉我其以之子之調灌松聲于爾耳爾松醪于爾胎繡松色于爾裳舉松雲于爾骸然後坐爾于五岳松頂之隈余一再披之且令我蕭蕭搖搖欲退而舉者松韻起也若明若寐恍惚飄沉莫

莊管集

一卷

六十一

知其底者松夢裡也如嘻如號如嘯如啣忘兩都之大五岳之高有感而不能已已者松悲亦悲松喜亦喜也撫青松兮如故人盼靈谷兮賦所親題者玉樓公子傳遠度賦者紗帽山人文太青

藏樓賦 藏樓者神樓也仙人不能到而仙人之夢能到之覺而爲之賦長言之不足乃知言之

藏兮樓兮艷極奇絕露梯千盤月橋百折鸚牽鳳連
花推香曳失覺時所爲天地忘寐中之有日月樹眉
浸紅巖牙漱白吐玄鏡以吞妙景吹靈烟而染幻雪
寥瀾兮不知幾萬里崔巍兮其將有億登清光玲瓏
高趣明滅河山瀉空影雲霞步虛格翠翳霧飛虹帶
霓結沐馨風以薰縞飲玉韻而灑潔神何開開意胡

莊管集

一卷

六十四

洩洩築粉層瑤拖珠綴屑非仙之所能窺惟夢焉可
識得藻發素卉濃換淡色遙朱近碧莫辨其春秋疑
雲似雨但勞乎反側已焉哉歸去來閣中美人卧不
卧臺上公子回不回相思一枕蓮葉夢半夜孤笛松
花苔

題莊管集後

子與氏壁立天地論伯夷柳下爲君子不由
我遠度曰人在莊周管仲之間間耶上耶余
惡知之莊糠粃道德而河漢無極侈於文管
竭蹶事功而兵車紛錯縱於文茲集曰莊管
而言詩言禮言易言書言春秋皆莊管所未
有論詩則國風雅頌以端木申培同歸卓有
獨解公然三百功臣論易則以千古奇人歸
本天地奇偶而印河崑一數恰與連山穩合
洪濛以來老易家未道半點書叅洪範明謨
烈如牟尼珠如撒地水銀偏全觸見禮遯道
統守古經芟小文匪直五十八四十九諸篇
攸賴二千載東魯公案爲一表章論春秋孟
曰詩亡然後春秋作子曰春秋作然後詩亡

莊管集

後序

六十五

又春秋一大奇案迨其間序仙佛序君王將相序武備序禽魚花鳥樂府筵簾諸小說橫口道出噫遠度其有遠心也夫上遡黃虞中迄周孔下至其身別有不屑屑文人之意文人肆才弄筆卽自監津梁另闢石洞不歸於道終讓聖賢一等遠度所謂英雄大氣魄爲聖賢小面孔歟遠度以博通才子天仙上人

莊管集

後序

六十六

而愧首莊管又歸正莊管於六經嘻所以上莊管意也藏樓諸詩實班謫仙茲集論著確與古今人不同卽謫仙集中得未曾有從來天地小運三百六十今所閱運一百九十一外當午會之十三爲日星再丙大運二千十五萬五千三百九十二萬今所閱運二十一元而奇在七千六百八十八外當離之初離

與丙皆文象定有一大文人出焉以亘於世遠度能屑爲莊管者能不爲夷惠者也以文章摘道德其文品當在子輿氏之間後天下今天下惡足與頡頏哉

春秋道民何光顯頓首讀撰

莊管集

後序

六十七止

七幅菴敘

傳遠度有圖七幅構菴奉之以爲客而自爲主故曰七幅菴主人圖各爲之詠名七幅菴艸云七客者何巢由洗耳絕世異客也傳說應夢治世正客也行衡搗鼓震世烈客也司馬滌器脫世俊客也朱詹抱犬待世苦客也許彥負籠戲世怪客也天龍豎指了世解客

七幅菴叙

乙

也七客潛見殊時奇正殊迹而合千古于一室之內又以其身爲主若生死肉骨與共啓居談論異矣昔趙岐爲壽藏圖季札子產晏嬰叔向居賓位自居主位皆爲讚頌非常之人必有非常之事遠度異才其爲此無可異者怕人視之則異耳張伯高深於書歌舞戰鬪皆成書蘇子瞻深于文嬉笑怒罵皆成文

遠度之文寧可以尋常蹊徑求耶余聞遠度

將種少失怙恃備嘗險阻艱難亦畧似臺卿臺卿生于京華耳聞故老之言目見衣冠之疇心識賢愚之列嘗夢黃髮士玄明者與言善否無所依違所著三輔決錄其人既亡行乃可書玉石朱紫由斯以定遠度陪京人耳目心知高明宏遠意不滿一世而嚶嚶古作

七幅菴叙

二

者七人與臺卿同其父夢箕星入懷舉遠度遠度亦夢偕王喬空同麻姑宓妃游作藏樓記與臺卿同漆園歎當世不可莊語龍門一家言藏之名山謂後世必有子雲知人實難人實難知居今之世思古人俟後人誠傷夫知已者鮮而寄其無聊之思也遠度別有歷代詩選曰桃都集文選曰香案集有古先生

大英雄三異人五豪人諸傳烏衣燕子諸小
乘累萬卷述作之富較臺卿過之臺卿年九
丁餘而後竟其業遠度甫過弱冠一日千里
孰能程其稅駕之所居恒言七子如徐吳有
氣體無神骨近日袁中郎輩反是婁江歷下
互有短長持論如此安得不索之七幅中人
乎其友人顧太初張夢澤皆名下士評目遠

七幅菴叙

三

度置諸青雲之上而余第舉臺卿相方定非
所安然而七客以天龍爲歸宿則其意且空
諸所有世人知不知何校焉
壬子之秋大泌山人李維楨本寧父謨

共計八卷

七幅菴自敘

傳汝舟曰嘗讀傳見一父結巢自隱當許由不受堯
天下之讓而洗耳父且愛牛之口而避其水吁嗟是
非絕世之異容而可語者乎高宗夢說圖形卜於巖
相捧以出築基王室木繩大業造於夢醒是治世之
正客而可語者曹瞞建三重閣召賓命作鼓吏以辱
衡衡脫禪裸體搯大罵而瞞舌橋不敢下以一鼓
聲當良之錐軻之七也是震世之烈客而可語者文
君司馬琴心挑走徒四壁立當盧滌器狀近無賴而
神宇灑灑也是脫世之俊客而可語者朱詹少貧饑
則吞紙寒則抱犬以讀卒成大儒是待世之苦客而
可語者一鷺籠耳許彥負之而書生來寄其中已而
一口吞吐妖童艷女金漿玉錯不知從來是戲世之
怪客而可語者天龍和尚說禪豎一指頭示寂者嘆
一生受用不盡是了世之解客也而可語者吁嗟乎
頭顱不正第一流便自讓人眼界若寬不二門無非

七幅菴自序

四

由我抱傅岩之鋤好似枯禪展天龍之手堪作良弼
不攤古人之藏者不挾今人之奇則臥狗嚙書是英
雄本色不破時人之目者不發高人之致則伏巢滌
器正豪傑家風東魯心胸自具潁水老巢面孔不笑
漁陽若夫或現窮漢相或現宰官身或爲破法狂生
或爲守律聖祖其鸞籠中人或有與能乎我取七子
圖爲七幅晤言一室翱翔千秋笑宗少文之臥遊者
山川以無客而不靈矣胡然生叩菴而請曰子祖述
七幅菴自序

五

仲尼者而慕吟七幅想主人別有說歎予笑而不答
書一解示之胡然生倘然而廢然喪厥懷來而出矣
俄而菴中如揖如嬉如踞如臥相許而莫逆者七幅
客來尋主人也萬曆壬子閏月望日

七幅菴 第一卷

七幅主人傅汝舟遠度著

彌衡慘搥圖

商聲欲亂宮不死聲聲擊出漢天子老瞞到死呼魏
王正自彌生慘搥始彌生苦今苦而武一視脫下驚
兇虎老瞞亦復笑黃祖假饒不殺彌先生當終是臥
龍從先主可惜漢事止一鼓鼓聲田田散作欲飛不
得之鸚鵡

七幅菴

卷一

六

司馬相如犢鼻禪圖

也是高陽舊酒徒春風吹出許當壚填囊賦草無人
識千古風流且任沽

巢父問水圖

寸心只許破巢知惱殺唐兒汗我水山頭白月掛眉
間手掬清風餒牛背

朱詹臥狗圖

書作殘羨史作孺數椽煙冷半村蕪開緘自弔屠龍

客閉戶誰尋臥狗夫黃金無夢霜侵背白恰長吟月上鬚不是山人多帶骨聊將經畧枕頭顛

傅巖夢得圖

帝登生民覺君臣一夢開正求巖下臥不謂詔頻來有形應報王無影不掄才到今星號傳夜夜照塵埃
鴛籠書生圖

騎龍狎虎不足奇只有鴛籠無比數香醪美女隨喉吐籠裡人鴛作賓主莫咲書生大弄狂吐者能吞亦

七幅卷

卷一

七

自常莫笑書生大弄怪仙今鬼今亦何害舉頭不及此驚雅故爾飄來相寄者天地一籠有餘也雖號書生名亦假携鴛籠人想嚇啞

天龍一指圖

和尚摩不著任嗑撞一指綽箇窟洞便是豎起釋迦摩尼佛之寶幢任他獅子足不如指頭上的快當放下鉢丟開杖蒲團下坐殺香象喫看樣

七幅卷自跋

一解示之曰仲尼千古稱人絕夢斷姬公思夢說尼山高並傅巖山喪狗正臥巢由穴朱生嚼破絕韋心彌兒搗碎誅卯血天龍和尚真箇奇指掌無言天我知叅禪不少摩燈女作聖豈廢當爐姬一片鴛籠何處挂小小書生堪入畫假使唾出仲尼來鴛聲當是滄浪話七幅我知自千古不是孔家自得數又作歌曰出來巖下老歸去指頭禪節烈聲聲脆風流酒暈
七幅卷自跋

八

丹寒狗依人夢癩牛趁我髓聊耽籠裏戲七幅主人看傳汝舟識

七幅菴跋

傅君遠度非常人也父大將軍荆山翁暨母太夫人劉禱於神祿以箕宿在天之夕夢巨星入懷驚而誕君犀角岐嶷有大人志長則脩幹白晳目光曄曄若巖下電不可一世人獨坐百尺樓上讀古人書且破萬卷卽大地等之漚泡何物青紫足芥其胸次自失怙益

七幅菴跋

九

刻勵自苦幾於茹蘖飲水甫受室絕不齷齪效兒女子刺刺閨中語嘗云世無絕代佳人如司馬相如伉儷秀色可餐者庶幾旦暮遇之葢托物以陶情非昵情於物也讀書日富尚友日多眼界日空濶無際同遊有驟貴顯者人爭趨之君畧不爲禮每醉後披髮狂跣仰天長嘯直欲飛去曾夢與王喬空同麻姑

宓妃遊藏樓作藏樓記示余藏樓者神樓也

爲丹山赤水五城十二樓之一遊後所見異物奇秘珍怪時時出口中落筆數萬言若寓目龍宮海藏見木難火齊明珠大貝璀璨射人又若名姝仙子環珮珊珊清歌妙舞絲肉間奏令人樂而忘疲余曾被酒臥其側見美婦人數輩與君盤旋謔笑醒而化爲烏有君

七幅菴跋

十

於書固靡所不讀其於竺乾梵典更多悟入曾下帷山寺邂逅禪那受弘明了義之旨心地靈通若霜降水落秋宇澄徹皜然不滓自負奇骨兼生有異徵挾策題橋世念未了就讀書處易其菴名七幅構善繪者貌七客於中其飄然高寄者巢父也癯然畚甬者殷相也解衣揚桴傲然具不屑之韻者正平也滌

器當墟頽然多自放之致者長卿也臥狗朱
生幾於自苦然丈夫不發憤安能爲天下雄
故雖蕭然寔人未貧也吐吞造物捫弄虛空
如鬼如神茫然不可方物者陽羨書生也羣
囂中危然獨坐豎一指頭點悟衆生者天龍
和尚也斯七人頡頏一室君以客禮禮之自
命爲七幅主人余嘆謂大塊中何者是主何
七幅菴跋
士
者是客若以七人爲客君非客乎君自以爲
主人真主人公在何處七人卽君本來面目
煩三寸管一點破耳騎箕尾入高宗夢是君
前身賦鸚鵡着犢鼻褌是狂奴故態臥狗彷彿
其苦心居巢克肖其高蹈一付作怪肚腸
露出許多伎倆此六君子總在老禿翁手掌
中過活自我說破遠度不覺連翻幾箇筋斗

卽七人是君主人可君卽七人主人亦可余
因命君爲七幅菴主人云君甫弱冠而結菴
命名如是已足千古矣况其後乎
萬曆癸丑元日姻社弟楊名遠撰

七幅菴跋

士

唾心集敘

僊人之唾爲珠美人之唾爲華唾也珠邪華邪孰爲之哉氣之玄質之豔結于心而形于口歎而爲珠而非珠也散而爲華而非華也心也文士之于文也亦然文章之要眇其高可以旁日月其博可以小溟渤其奇可以泣鬼神非文也心靈之所變化也于心中有虛唾心集敘

乙

空于虛空中有天地于天地中有萬物于萬物中有人于人有文章逆而遡之有一非心之所生者乎颺然而馳心馬也突然而畫心匠也竄然而歌而詈心優伶也心能摹千古摹六合而千古六合不能摹心故余常謂文士但能吐其心靈之所孕而文不可勝用矣世沾沾焉好拾古人之唾餘而不知已之

爲珠爲華者固無盡也可不惜哉遠度傳君金陵之博通才子也清雄超曠之韻不可一世從談笑揮斥間發而爲詩動皆古今人所未道者于傍日月見其高于小溟渤見其博于泣鬼神見其奇而君以夢徵志之曰此吾唾心所得者也讀之者咤其爲珠之玄華之豔而君以是爲心之唾餘且曰吾欲并唾吾唾心集敘

二


夢嗟乎心何寐覺出入之有唾者心也夢唾者心也欲唾夢唾者亦心也人常有一無位真人往來于赤肉團上弄之而爲黍珠戲之而爲空華遠度得之夫且倏爲僊人倏爲美人離合變幻不知端倪塵世醒醒誰爲承其唾哉余曩亦嘗夢坐大盤石上口唾五藏歷歷手自搏之撥去其滓尋復吞之醒而咽痛

者彌日自是覺名利之念頓盡然余所唾政
自心所結之龕相耳以視遠度唾而爲文章
相去何若余不敢謂我夢非君夢君唾如我
唾矣時

萬曆丙辰秋日友人顧起元誤於遯園

唾心集敘

三



唾心集自敘

傅汝舟日記予兒時夢入一破室數椽下幾敗荷葉
支一敝胡牀胡牀上蹲一黃面老子光頂頭白髮茸
茸白眉脩脩至今面目可念也破衲蔽肩隻屨在地
指屨曰兒屨余屨之塵几上拈一如線香手拆寸寸
斷計三四數授予曰兒吞吞之妄心下矣予掬視之
寸寸成金針也未記其曾吞與否越踰年檢宗門中
有吞針一節兒時初不知何故事也今十餘年許抱

唾心集自敘

四

被來三山了文字未完之業債一夕白雪在天白月
在樹白鶴在江隱几夢唾心出覺而曰妄也又二日
夢唾心出又覺而曰妄也又二日夢唾心出狀如卵
形赤血淋漓軟動掌上覺而曰嗟乎十年針力一朝
下矣稽首黃面老子今而後不煩香針也適几硯間
有唾餘數紙不欲塵吾胸因外之故集之集之而因
題曰唾心若曰兒當嘔出此長爪王孫子母相誇之
浮語非願聞也嗟乎夢亦浮也吾並唾去吾夢矣乙

那佛生日因序本末迺爾

唾心集目錄

五

唾心集 第二卷

目錄

讀書三山夢唾心出不寐作雁字

靈谷八首

夢中二十八字

別離

雪山九歌與蘊公通願太初

讀書

弄刀

賣漿

烏紗

袖頭

蒲團

鉢盂

唾心集

目錄

六

楞嚴

雪山

題雪道人戲墨

題山房壁

仙人磯看梅

稽志

胡僧吹篴偈

與道師說前身

弔楚生

讀書雞鳴山房

泛舟入批塢登芙蓉山

與張文寺

喜宜之筵步行

少年行

官帖

寄虎丘乞翁叶要銅錢者一瓶酒一蔬肉

送王子雲歸楚
除夜轟飲美人帳中

與艾子丁

與西陵生
彈劍送大兄三雨訪吳

別西湖中人
贈張家姊妹

老僧
答登嵩者
醉中貴州人論詩寄海內壇中兄弟

歸誠行與楊羽伯

立楊孝亦
憶天詩

蓬頭
花蜀詞
徐生月下來

唾心集

目錄

七

與譚水天
莫愁湖孫楚酒樓

沖和尚
看刀

秋日讀史
讀批節香案二書寄李卓老

讀與尔怒飛
失路

埋詩江陵三山石下
買花娘

塞上卒
百哀詩

與孫介臣
贈孝兵張

與紀直心
題冰泉龍王閣

題蕭咏處

無題
管門春

落紅詞
西湖女

竹枝詞
春詞四首

題裙
哭文燈子

哭張叔鄰
鼓琴

觀陣
溪仙四首

題句

唾心集目錄

目錄

八

唾心集 第二卷

唾心道士傳汝舟遠度著

讀書三山夢唾心出不寐作鴈字

昨夜天公喜讀書幻將鳥跡撒成字字字含靈代天語忽地作聲更霜氣黃姑託寄寫同心瑤池撒撰鴛鴦記幾行弧矢陣陣排招搖北上看天戲蒼頡小兒造不得髮笑張顛空醉墨日公磨雪月揮烟仙經梵語空中裂當空一畫作文始天上寫人人未死誰家唾心集

卷二

乙

靈谷 八首

石簾高掛紫孤藤人在峯巒第幾層雲叅臥佛山供
蕨月冷疎鍾塔放燈祇緣白兔爲閑侶更得青松似
老僧長空隻鴈歸飛急落下清音勝飲水
手瀉烟嵐到酒鍾醉提長劍過前峰挾來霜骨尋黃
石洗出水心掛赤松啼猿慣下山人淚嘯虎頻開俠

士客頭顱不傍蒼苔老坐叩崑嶺問睡龍

閒來騎鹿看雲生放眼青天自解醒碧山入戶能逃俗幽澗傳琴有別情事從梵語音中曉夢在松風頂上行鴉叫不知人意懶夕陽草裡學歌聲

古木灘中放野花閒歌李白作生涯我與青山皆過客心隨明月是歸家石榻豈容眠襪藏衫依舊着袈裟吞來一掬天池水舌底雲香雨氣奢

唾心集 卷二 乙
嶺略寒風萬壑松春紅片片入囊封破衲喚爲無姓

老狂奴粧作半山農霞隨古杖分孤色鶴守玄書帶瘦容梅花共我舒奇嘯落澗行雲水自春

爲尋仙侶上晴嵐分得松苓滿竹藍雲罩樹陰含半塔鳥啣花雨度前潭來因初地探龍鉢先臥中峰結蝶菴一天蒼碧堪成酒未吸香風已自酣
誰似青山隱絕奇雲心片片結相知我來石伴元無約人到麋羣若有期松吟谷底濤翻葉竹噉泉中雪
吐漸坐對已忘塵世外但看造化小如兒

人與春山俱放疎
仙公時荷種雲鋤
香生碧草爲天
錦雨過青峯作怪書
松龕無夢來金馬
石枕傳聲到
木魚翻風栢子襟
前落楊柳桃花總不如

夢中二十八字

江頭古月催人額
雲冷蘆花丈人白
老蟾憐我墮凡
土喚去騎狗與騎虎

別離

妾如螢火光照身
難照郎妾如燐火光
斷魂難斷腸
燐火不經日螢火不經霜

唾心集

卷二

三

雪山九絕與蘊公過顧太初

讀書

敲斷凡心有木魚
懶從荷芰服如初
儒冠止戴英雄
溺莫把頭顱錯讀書

弄刀

曾跨青驄結綉袍
本朝光頂少師豪
袈裟未許狂夫
着和尚而今戒弄刀

賣漿

愛殺胡姬小巧粧
金貂脫盡少年狂
趙州也是相逢
路一盞清茶換賣漿

烏紗

半生心血灑王家
月照寒空語在沙
黃石指予歸去
蚤休將恩怨掛烏紗

衲頭

三十兒郎尚不侯
水聲悲咽斷鴻溝
閑來裂破臨邛
唾心集

卷二

四

蒲團

王孫擲却釣魚竿
夢裡黃梁咲老瞞
一片野心雲帶
去放開弓矢上蒲團

鉢盂

不傍王門濫學竿
蓮花峰頂睡蘊蘊
拈來已得長生
法天地雖枯有鉢盂

楞嚴

誰家牛背鼓虬髯龍物神飛也自潛兒輩只知秦項
傳呼來月下讀楞嚴

雪山

諸葛先生舊開閑那知恢漢事終閑芭蕉一夜霜侵
破葉葉催人上雪山

題雪道人戲墨 故顯侯氏

道人愛雪不愛侯赤紱黃貂一白休冷雪消得世態
熱墳上紫藤故侯血藤古香飛落雪花道人戲墨生

唾心集

卷二

五

烟霞畫裡清風御列子更是一幅雪不死

題山房壁

白雲煮酒梅花住萬卷霞經龍女護山鬼騎鯨問姓
名梅花答道人姓傳

仙人磯看梅

有鹿長鳴過山嘴削啄梅花落尾山公護梅樹下
立喚過鹿來鹿悞悔有客提魚倒玉漿鹿解傳籌點
花蓋松頭碧眼老仙立鉄笛一聲白雲委月姊發艷

琥珀光梅鹿仙人齊唱羨玻璃蓋子勸婦娥步上青
天醉同彼梅花欲睡月顏醜老仙騎鹿如騎水

矯志

天爲老雄英雄追天文章星海節意泰巔讀龜馬書
德功言傳羣聖逐鹿軒轅非先乾坤一腹生民半肩

胡僧吹筵偈

六星孔裡白象戲聲聲撒作天花氣絕似鸚哥唱寶
義菩薩無聲筵有智

唾心集

卷二

六

與道師說前身

踏蓮龜餐四時來何自天雨兒

弔楚生 茅郎俠姬

西風吹破桃花頰相思剝有縱山月莫道柔腸慣麗
娘仙人翠骨原多俠可怪猙獰妬天語茅郎夢裡分

明許本是瑤臺雙帶芝而來幻作郎與女鴛鴦夢散
楚天折生死交情如鑄欽豪傑簿上寫相思神仙眼
裡滴紅血

讀書鷄鳴山房

藤牀支住白雲鄉冠摘青蓮是舊裝半塔雨花題姓
字一湖春水浸文章鳥聲有意平分韻山色相憐欲
逗狂閑取風流薰破衲玉皇親與案前香

泛舟入桃塢登芙蓉山

香風吹出古溪沙小艇橋頭拾亂霞山山李賀囊中
草樹樹江淹筆上花鳥啼天夢過蓮座雲染仙詩到
酒家記得碧桃當日路分明曾別藥珠娃

唾心集

卷二

七

與張文寺

江東年少有三郎天上文章却姓張抱鶴睡成千日
夢餐花休得一春糧薰來和氣蒸雲醉嗅過新詩撲
鼻香偷向紫薇問消息欲將金馬戲東方

唐宜之筵步行

唐郎唐郎飲爾一杯金盤玉露之天酒貌帶神仙嫌
世醜囊中了盡黃金錢不窮剩有青雲手嚼墨濡筆
牛鬼走欲翻天地為敗帚紙上鬚眉颯有神千古死

八開活口世今好魚不好龍妬虎不妬狗飾屐不飾

纓嚼蠟不嚼藕唐郎筆鋒一寸慣殺人醉掃神奇罵

腐朽嗟爾有遂人不聞我為爾吹獅子吼于古文章

如日頭精光橫出家家有曉人自是夜人否但得神

今便可久唐郎唐郎我與爾聽嶧山孤桐聲瀏瀏只

待天風來吹搔其首不折章臺傍人之楊柳筵步有

眼大過箕筵步有胆小似斗

少年行

唾心集

卷二

八

赤心只為蒼天許不愛王家金與女昨日燕支捷騎

歸胡頭夜在刀尖語

官砧

不是無衣薄命娘欲將砧杵動君王官中尚有催衣

石一夜寒聲報四方

寄虎丘乞翁叫要銅錢者一瓶酒一甕肩翁在虎

也深目且癯蓬頭而短若一無知若無一不知躡
踞長松白石上叫要銅錢要銅錢只是要銅錢十
一字或行乞道左十一字之外無雜語或數日不
見寄數百里雲山烟島花香鳥語來其臥如狗也

而狗之又形如仙也而仙之故時人呼曰狗仙又
時復呼狗仙曰乞兒余不取兒此翁而欲翁此乞
非愧不狗翁之仙正愧不如翁之狗也嗟呼

爾乞在虎頭我乞在牛後虎頭未必香牛後未必臭
天地皆敗柳親朋俱惡厩空使心腸曲空使面皮皺
莫謂我爲人誰知我非獸莫謂人如我誰知人非寇
分明後車人不見前車覆衰哉老乞兒令我三稽首
乞賤不乞貴乞貧不乞富乞拙不乞巧乞天不乞壽
乞愚不乞賢乞薄不乞厚安是食肉肥安是食菜瘦

唾心集

卷二

九

安是仗人行安是仗已什翻手與得期轉眼與失湊
盤古到于今箇箇塞一樞唐虞夏殷周誰箇子弟守
咲彼楚漢秦畢竟成何就六朝與五代譬如穢釘釘
唐宋非英雄持刀自家闖人偏足處管天爲滿者扣
氣焰百丈高不覺無常又得意如醉人醒來還依舊
大哉乞老子口把世人救銅錢要銅錢正似楞嚴呪
我欲寫爾言去上玉皇奏玉皇如不聞踴爾下狗寶
銅錢要銅錢字字穿心透銅錢要銅錢黑夜如白晝

書生是銅筆官長是銅綬死者不可療活者不可佑
人心譬作燈銅錢譬作油人心譬作襟銅錢譬作袖
四時有輪迴通寶無節候戀彼假衣冠喪此真宇宙
不如一乞翁天下已在宥究竟何所乞雖乞亦無授
乞得烟與雲乞得山與岫古佛不是前乞兒不是後
古佛不是左乞兒不是右大家一路來大家相握走
千年萬年人日日五更漏頭上雖有虱不着殺人胃
身上雖多虫不衣爛人綉舌上雖多涎不吞餌人豆
可憐隙內駒可憐石下溜誰是菓之花誰是苗不秀
我願與爾乞化作土木偶寄語我祖老箕尾空成宿

唾心集

卷二

十

送王子雲歸楚

與爾相逢楊柳下對面直視無些話或然放論大笑
行萬壑風雷空裡唵長歌入市不見人六月冰霜失
三夏醉來痛哭髮亂蓬嬌脆兒郎驚害怕當初人情
只妬形而今聞影皆成罵可憐天下多婦人四方巾
幘成高價天壤着此小王郎世界不敵眼睜大我本

天池一醉蛟乞得人間數年假讀書飲酒懶掉頭
許爾來無書夜王郎捉筆令鬼愁自搖自舞休相
差靈心俠骨壓大雄浮名一任兒曹嫁世兒莫亂
入爾視惟爾堪穿年少胯破囊一卷新着書藥
糧賣盡刀裘盡雲中雞犬有路飛臥龍無地躬耕
稼我欲作歌歌苦悲王郎掩耳傳呼罷瞳人逆作
石火光手攬雄心向天射來遊我地辦真王還歸
全楚爭雄霸握手卸劍當酒錢揚枝醉折瓢頭掛
汗血騰驤千里駒安

嗟心集

卷二

十一

閑好待君王跨

除夜轟飲美人帳中

艷不艷摧花喝鼓鴛鴦店倦不倦飲酒賦詩揮寶劍
一年三百六十夜問予何必此夜來相戀一年三百
六十夜問君何忍此夜不相餞春夏秋冬四故人故
人惜別心纏繞此夜故人春此夜故人冬故人與故
人路上夜半知相逢相逢無一語但將幾樹梅花幾
片雪寄付與寒風冬雪去兮故人了春風來兮故人

老十千買酒送人去故人重來老愈好美人高舞壯
士歌來者莫遲去莫早美人再唱壯士舞亂撥琵琶
飲大虎沉檀推入栢薪爐跪進茶蘇呼狗脯呼嗟
莫作酒酣之餘苦縱然除夕是除人我輩一夕日工
古

與艾子丁

方壺失一峰飛作書生陸尚史濯成魄眉際發秋翠
二十已古心虎兕時下淚五車宿世讀一石偕醒醉

嗟心集

卷二

十二

與西陵生

突出一老子肺腑獨有神化工剪作詩怪怪眸子文
袖底崑崙風頭上瑤池雲

彈劍送大兄三兩防吳

凡人情別皆動憐况是我與爾兄弟丈夫生自剛腸
多欲淚不淚也成涕臨行囑我先人墓典屋分金不
道錯大嫂掩袂向我哭小侄褰裳向我賀哭我母老

子少貧賀道阿叔文爭座可憐大兄時在傍兩字戒
我無狂隋學書學劍好作人我父生兒只兩箇大兄
語我我鑄心我有一言兄可聽吳儂風氣多輕薄冠
劍開衙當老成兄弟無言且命酒到唇欲飲難下口
前山楓葉落紅愁馬行一步三四首

別西湖中人

旗亭柳眼惜別醉劍花片片傷心瘁馬恨頻嘶嚼斷
轡玉杯熱貯嬌人淚再三結我雙魚璫過橋切莫鞍
唾心集 卷二 十三

頭睡

贈戴家姊妹

仙人手種雙活玉纔引絲桐鳳凰出模書想殺衛夫
人消却海棠睡新足口吐霓裳雲削飛月露滴華如
妬哭芙蓉枕上戲鴛鴦看他姊妹連牀讀碧霞釵子
白梨花秋水溪邊洗紅拂我摘天邊一翠峰願共娘
行眉上宿

讀六經

尼山一瓣土裝出聖人身舉眼透龜龍口口天叶心
天厭書命刪如焚先代秦泣來衰狗夢生化麒麟魂
讀道書

白首母腹中為撰五千字書成出版來授與兒輩記
還從玄牝門歸向母腹去

九日顧太初見過

昔年曾號探花郎今日尋詩菊目香滿腹春風來御
座一天秋色據胡床六朝人物還歸晉八代文章不
唾心集 卷二 十四

讓唐說道臥龍長嘯處南陽此日是重陽

與茅止生

自許文壇一丈夫肯隨兒輩老頭顱黃金酬飯恩嫌
薄駟馬題橋氣愛麤捉筆每搖星斗燦論交曾答鬼
神呼酒酣觸地愁心熱倒載儒冠問將符

老僧

懶將瓶水瀉機鋒鶴翅驚敲午夢鍾閑扶拄杖山頭
立一似寒雲掛古松

答登高者

黃花淡蕩入秋開一卷離騷一酒杯平生跼足高山
上不為今朝始去來

醉中與仙人論詩寄海內壇中兄弟

不讀雅與騷何以知漢魏不識漢魏情不辨齊梁味
至唐音律成至宋風力退至元體格亡至明精神偽
意苦造弗連矯語相蒙對一事百事牽勦筆藝文類
金馬碧鷄聲知是官家輩紅桃綠柳詞嗤彼山人戾

唾心集

卷二

十五

合歡定瀘酒洒別斷垂淚秋興八律詩道聽狂自貴
更在冬東間分別爭壇位盲口贊盛唐盛唐獲何罪
不知何漢魏漢魏成妖魅但說李杜強杜苦李亦醜
近來喜鬼賀乳狗依聲吠誰具真眼孔未把天性悲
平淡趨晉風轉知厥才晦降尊晚唐音丈夫羞氣也
又拾蘇子瞻子瞻老近贖本朝七子篇利鈍爭鼓吹
可惜袁中郎咄咄跌破碎花艷或無香玉白偏有類
我匪刻待人各有天然隊要圖筆墨靈莫使紙張費

期與光明子縱筆抒胸肺豈必學古人翻增古人愧

自胸寫不了那得尋品彙豈必學今人軟薄粗庸脆

剽竊而塗抹喀喀讀不會縱襲他人真流不暢腸胃

作詩如飲酒必須澆礪塊作詩如好色必須恣酣睡

莫使粧我啞莫使猜人謎天花雨亂生不明爾徒廢

偶列整齊然優俳假姊妹濃句如肥瘡渣句如刺蝟

礙者眼中沙俗者隔夜噉實則土與苴淺則溝與澮

當如快張顛莫似痴米芾饒有千萬言可惜成狼狽

唾心集

卷二

十六

一字兩字中明通獲寶貝安得巧手來快刀剪翡翠
老句生古光神酣透紙內何必三百篇方是遊三昧

磊哉行與楊羽伯

山可傾海可涸俠骨之奇不可燦意氣撲天星辰落
豈許黃金換然諾磊哉楊生蓬戶眼底無朱門朱門
中何人吾與爾弔賀今古歌泣乾坤筆散花兮舌放
雲嘻吁乎嘻吁乎今天下落巢白之人情一言密交
如漆一言左心如虜世上恩仇皆如此那知恩終非

仇始間有騷兒學大狂不知大狂但學而卽亡磊哉
楊生人自哭我自笑何必孫登賈誼之同調人自遊
我自臥何必孟軻嚴光之讓座千古聖孔仲尼仲尼
自了仲尼法堪笑千古謬相期君不信但看世世代
代千萬歲有餘漢魏何必同唐宋春秋何必同唐虞
磊哉楊生堪語此語今日楊生比隣來人生不在天
地外何爲喜爾比隣哉相比隣吾與爾化倏忽之隣
混沌不知青冥之是微塵相逢拍手卽已醉又何必

唾心集

卷二

十七

酌李白之浪杯瀆陶潛之盃巾

與楊孝未

劉伶醉阮籍淚楊雄讀陳搏睡

憶天詩

當初悔下彩雲班紫玉樓前月一灣霞吐袖中生五
岳夢迴枕上盪三山紅顏白髮肯成假翠袖烏紗總
不問何日鳳凰頭上立飄然長嘯去人間

蓬頭

蓬頭十日不曾梳道是仙人隱釣屠報主舌中三寸
鐵掄交海內半行書羞從凡鳥題成鳳願學神龍服
作魚可待春雷風雨足一杯澆爾老幸師

花燭詞

箇點梅粧無闕窄鸞影鳳音隨意擇芙蓉花月錦堂
秋燈光斜射朱顏熱流蘇帳底織鴛鴦瞿瞿夢裡愁
鳩舌夢中撰得同心字描眉筆下尖兒記

徐生月下來

唾心集

卷二

十八

蒼松化作老人叫報道仙郎騎鶴到梅花樹上解逢
迎掃月鋪香朵朵咲口中嚼得酒星出題來都是飛
天調我本山中一睡龍爲君打破陳搏覺

與譚木天

風流老骨鞭生虎下筆霜啼鬼子苦夢中抽劍殺者
誰肝膽投來如擢斧破囊挾有扶漢書橫把赤心世
上贈文章事業兩瞳人看破乾坤俱亂腐

莫愁湖孫楚酒樓

湖上主人舊酒樓客有孫登來上頭主人聞肅忽然
反湖水變酒澆莫愁

冲和尚

破衲松邊騎虎路上無蓋頂下無袴大雪三日懶出
山但把楞嚴飽空肚

看刀

只宜心血塗何用鷓鴣膏但使仇家子有魂不得招
昨日未殺人匣中三號咷

唾心集

卷二

十九

秋日讀史

鳥啄林淨雲潭空霜激水愁日流淡黃醉葉翻淺紫
秋風似史官樹容半生死

讀桃都香案二書寄李卓老

前後三千年我啓洪濛閉半寸鋼筆鋒驅令鬼神涕
雷起螫盤雲電照魑無地氣吐古人魂舌破時兒忌
且丑皆文章扮出爲好戲天地枕中藏禿老知吾秘
醉與余怒飛

澆酒一百斗浸出譚天口赤心如白石更有搏龍手

醉裡文怒生欲飛不欲走壯哉樊將軍命與郎君酒

失路

遲馬立荒村鳥寒山失音松風如雨來不逢行路人
埋醉江錢三山石下

我作天雨錢戲與醉龍醪江水苦太醒竊向酒家去

買花娘

聲聲叫過竹橋西品摘仙香第一枝最是不言頻喚

唾心集

卷二

二十

過倡尖覺得有愁詩

塞上卒

帶甲連營夜擊鼓將軍令下傳飛虎冷鐵鋒頭熱血
攢朔風忘却刀痕苦

百哀詩

嗟我胡不陽老大空郎當不知何故泣動念卽斷腸
自知有故泣哀哉百可傷憶昔我有爺而且無我娘
先有大母劉後置小母張若非大母恩小母安得長

母長生我兒三日具餅湯親戚走來賀生男宗厥亢
故是棄侯兒裹以棄侯裝雖是棄侯裝其實皆敝裳
我爺具弓矢我母具米糧我生不逢辰家計惜已涼
爺昔鎮川蜀風節凜冰霜百戰不受侯歸家九載凶
遭兒何所有一刀書萬囊予兄先十年余方學倚床
兄對弟兒戲母抱子凄惶幸有王家祿粗就布與糧
八歲就外傳養得驕且猖老母夜授書小母時授漿
十歲手一編頗羞句與章十二學撰文聊識騷與莊

唾心集

卷二

三十一

嗟我無父子而致訓未良十五不解事氣敖無侯王
門戶既零丁不忌侮于鄉我母未下杖眼淚已成汪
拙哉失父子何故癡學狂悔却竹馬心懸刺在股梁
讀得諸生書如獲岐路羊總角喜青衿而反今不祥
十八李家女爲聘來專房非爲好顏色孤子悲艷粧
相逢常下淚讀書時隔牆只隔一戰勝入棘復不強
嗟呼墓上木二十未焚黃嗚呼苦痛哉子母何不昌
可憐龍鳳潭喪時如狗狼哀哉寡婦子矢志難上堂

可惜失志兒愁懷不自量二十一好佛佞佛如佞倡
不知在屎尿獨迷花與香二十二從仙未仙已得僵
辟穀以咽氣豈能參上皇家貧爲具書典却半壁房
嗟乎竈下炊但餘紅髯羗羗奴無地耕始婦績爲常
行行二十四遭際奔凶喪如何天地惡摧我劉氏娘
萬矢攢一心肝肺生刀芒哭娘娘不來娘去兒且戕
哭娘娘不來白晝鬼相望抽刀劈鬼胸反爲鬼子瘍
四十有九日汗下如雨滂分明不是兒已與鬼同庭

唾心集

卷二

三十二

嗟哉七日死口不下一湯恨不從母歸三年徒傍徨
傍徨已三年枕戈復戰場不爲生者榮來爲死者償
昔也失之掄今也失之桑可憐麟虎兒又作麋與麀
賣得驢驢裘買得書七襄來遊靈谷中時與真人藏
勘破千古玄而一掃糞糠胸中有靈蛇照耀透十方
不意毛延壽重誤此王嬙乙卯之戰北一旦名不芳
不知天壤間何處安此郎飽食者耶梟飢腹者耶風
噫噫山林噫噫廟廊我欲乘六龍披髮押三光

大哭下天門瑤島來大荒不須搏天池不須飛榆枋
謂海亦可梯謂山亦可航自嘆丈夫子道不如獲臧
哀哉五尺軀三十首未昂毒矣胥下兒反噬何遽剛
有眼不堪白舉世盡一盲飲酒尋混沌擲劍遊羲皇
公子黃金丸勿再彈螳螂頭顱無日月嗟嗟甘糞蟻
歌哭匪二時胡爲分壽殤有淚墮成淵有恨觸彼蒼
一夕千古涕出郭洒白楊哀哉亡父母一娘苦未央
安得雄風來我與爾俱揚

唾心集

卷二

二十三

與孫介臣

亦是書生亦酒徒食牛僦氣可吞胡看他踉蹌長安
市獨弔西山冷餓夫

贈老兵張

從俞肝江戚南塘戰五得爵而賣金

只愛黃金不愛侯顛狂酒肆與娼樓而今九十零三
歲夢裡常分胯下頭

與紀直心

歸來長歎嘆無魚且去山頭學養狙鹿門老子傳玄

訣鬼谷先生待異書

題珠泉龍王閣

老龍醉我碧提壺夢裡分明喚酒徒山頭一句文章
訣波下芙蓉水上珠

題嘯咏處

溪迴莎盡出平沙高結茅亭隱吏家黃菊雲封眠瘦
鹿紅樹月明啼亂鴉坐裁詩久不彈劍報道酒來還
洗花一片鴈聲秋色冷東隣有女怨琵琶

唾心集

卷二

二十四

無題

蕭蕭麥雨灑山樓芳樹平蕪度遠愁玉笛自吹心裡
事金釵曾墜夢中羞煩煩杜宇留春住閑伴桃花趁
水流天上娥眉偏有恨相思夜夜掛長鈞

管門春

紅旗拂破打圍沙宮錦袍鮮柳色遮戰士韋中傳酪
乳將軍馬上聽琵琶醉呼羯鼓搗回日笑斬胡頭敵
落霞莫道春風關外盡帳中雙頰勝桃花

西湖女

雙魚斗酒別遲遲字字相憐好奇詩楊柳夢中新
翡翠桃花愁處舊胭脂一湖白月誰家櫓半嶺閑雲若
箇棋記得斷橋紅雨下黃鸝啼過綉襦時

落紅詞

春留陌上雨花天何處啼鴉舞絳烟苦待女兒來鬪
草巧勻紅粉撲眉前

竹枝詞

嗔心集

卷二

三五

流水濺濺下遠灘灘前一帶棗梨灣點點寒鴉枯樹
上行人故作葉兒看

春詞

四首

為因心卜蕤名香錯教人呼愛佛娘斜過碧桃欄下
立背人獨箇看西廡

羞蹉檀口唱楊花不畫娥眉是大家剪紙作鳶風帶
去一腔線索滿天涯

姊妹閑來學打棋子兒何故落遲遲一時香頰紅生

王多少風流好賦詩

愛殺風情小巧娘海棠偏帶木犀香粧成正欲撩人
看鸚鵡聲聲解喚郎

題裙

桐冠玉塵碧霞裙愛聽黃鸝踏紫雲樹樹梅花思作
主枝枝楊柳願隨君

哭文燈子

哀哀孤鴈叫黃昏江上仙郎絕掩門思來悲咽都無

嗔心集

卷二

三六

似只有梅花染舊魂

哭張叔鄰

梧桐葉破故人稀書冷燈前鬼弔衣血淚雨山楓弄
月哭聲低到望夫磯

鼓琴

山水原無字絲桐自有音羲黃一段嚮留作沒弦琴
觀陣

將壇無白日劍頭生青燐寒光爭鐵甲精神已殺人

懷仙 四首

僞文坐在白雲頭十二層層舞鳳樓笑從阿母乘龍
戲俗殺騎魚世上遊

摩弄銅人第幾回瑤桃當日兩層開橋中龍髮且輸
去碎下蛤蜊可食來

東林白酒不厭醉且作圖南百日睡莫將玉杵寄雲
英麻姑夜夜來搔背

騎竹為龍中是虎手提天地空中賭一揮日月入葫

唾心集

卷二

二十七

壺龜虫應拍蝦蟆舞

題句

半生如哭復如笑千古獨飛還獨鳴白雲問我唾心
句人欲殺今天又生

唾心集 畢

唾心集跋

傳遠度蚤歲夢異人予金針云兒吞吞則兒
之妄心下其後在三山三夢唾心出形如卵
血淋漓軟動掌際顧鄰初曰某亦嘗夢坐磐
石而唾五藏歷歷手自搏之撥去其滓尋吞
之而覺尚彌日咽痛太青子亦曰大人未既
冠亦夢五藏墮地而文章就遂以其年冠解
唾心集跋 二八

唾心集跋

二八

造物者固不啻西方化人之機巧善更人肺
腸而俾之慧之二客與某大人三徵調於華
胥而泰詹之聘吉咸若訪佛圖澄於洗腸之
池畔造物良不啻琢玉冶金代之矣然不解
圖澄之奚以有腹孔而絮之至臨流即洗其
五藏還復納着夜讀書而光輒出孔如晝此
界當在幻不幻之間而大人三十聞道時則

輒內洞其五藏并洞人五藏而立唾之以爲
腥穢不可近某時蓋五齡獨見其心際有光
寸餘朗映不他人黑冥冥也而又隔垣質人
面孔不少誤倘所謂長桑上池水者固卽在
紫庭之宇亦不勞外索耶某亦不解其所獲
至某鈍根弗大人肖發念大早結果殊大晚
已西北遊內觀則心花都作青蓮瓣恍忽有

唾心集跋

二九

仁字流出然幻弗以誥人故其詩云若話心
似青蓮葉笑落人間萬口涎壬子在東海政
暇輒兀坐見心開如水晶塔層層都具而空
湛如玻璃之映月他紀稱丘長春亦茹苦十
二年而見性如水晶塔嘻匪塔蓋靈臺之九
重梯宜有此等相心之變化不可殫形若與
予之夢且現者總性之影子心界虛明好相

亦妄若與予無心作好相而好相現文章又
好相之一種再變亦無心爲好詞而詞袞袞
流不可禁卽吾輩亦任之如梵人之以腹光
讀安之若固然不自怪若心已唾矣復拈其
唾之餘示人怪其人經神緯者將無以幻而
不可解又安知若他日不復夢唾若之青蓮
瓣與水晶塔乎若之詞將益見怪於世卽予

唾心集跋

三十

且或終以幻而不可解也

西極太青子文翔鳳誤



步天集序

傅子築步天華巖之上江光隱於案碧樹四
惟山花作供青鳥迴翔陽風吹日而傅子多
俯几據枕潛思如寤時明月在欄雷雨怒鼓
萬峰外旌旗鐵馬聲如騰騰雲際者時登臺
聽艾子作魏武枝鵲之歌俛仰哀至也彈劍
以和酒三觴餘勃然髮豎慄然嘆又劃然長

步天集序

嘯弛然笑呼兒作墨來噴筆或數千萬言或
數言或十百言呼天而語招山鬼以嘻遨懷
天涯兄弟而呢呢愴大醉而狂步天爲舟空
水封四足而飄然河漢迺頽然樂也蓋傅子
少以釋迦得度英雄大志以空澹用之故其
心玄微無涯振古未解一悟解焉天下所疑
頃已斷已萬載未開之口琅琅玉屑飛而一

世祿記末句纂之語尋行披墨視不啻糠粃
自云不讀人間俗字書也下士聞之笑然亦
孰知其不但驚人之鳴已哉是性術之靈也
家世武冠先人賁志以沒傅子生束髮迺遂
弄刀戟摩娑慷慨半夜構燈從故紙上識古
偉人大觀及壯數折迺其神愈王長城之北
東海以南無不經營前箸望君門而痛哭嗟

步天集序

乎賈生之涕猶乎草莽也方今讀書庾妻子
富財足矣而况妻子餓而無財則所謂三表
五餌諸王侯之計卽子建才人所謂東屬大
將軍西屬大司馬者何在而故若此此心智
之大也傅子家貧不能脂韋大人間迺喜飲
酒馳射入山冷坐出山走馬入都門未竟諸
豪客卽從而縱橫道上高歌長安市白眼惟

吾輩數人在也然傅子家雖貧而留容竟夜
好急人之難雖著書窮愁乎而高笑青樓神
采飛上紅粉辭人靡不傾倒每賦一詩咎歎
未有然雅不止以詩任是才術之博也傅子
運吳越齊楚燕趙之士萬里如響肝腸炎燥
相慕時輒有北風南枝之意皆金石雅盟千
古雲合傅子主之以故發爲詩以艾子讀之

步天集序

三

壯者五弧之弓堅者五屬之甲犀者九鋒之
劍奇者海國雲樓古者大管九鼎怪者木難
火齊空者遠山低翠而豔者芙蓉朝霞至其
悲婉之語可結而冰哭世之言可炊而熟蓋
予昔嘗以漢魏樂府古難天下傅子灑毫而
篤之至此爽然自失也使其才遇靈均太白
相如必且搦手相勞是將爲淮陰之兵武侯

之陣長沙之書維摩之詰蒙莊之誕何但先
驅獻吉之馬項而後亂文長之轍也哉嗟乎
傅子今天下托詩鉢以致飲食與無其人而
非其辭者是亦乞人不能道英雄之語墨士
不能破豪傑之心又相笑乎蓋楊雄昔規古
耳人已不識何況傅子創古而耻學楊雄者
則必傳於人不及見之日耳至如予言是子

步天集序

四

雲祿位容貌亦何必足以動人也

盟弟梁父山人艾天啟題

步天集

畢

步天集自敘

傳汝舟曰發爲詩歌文人之剝技也異代之遺音也
牢騷之餘可以佐酒倦憊之下可以破鬱壯年血氣
之猛聊以壓雄心而厭時事耳一時之下可得數百
言一日之中可得數十首乃余之不屑以傲人而亦
不任受人之我驕也凡人之謂我冷澗者其在斯乎
年來散落聊作草本步天者志地也唾心之餘其又
餘耶丙辰七夕記于桂花香裏

步天集

自敘

五

自叙 畢

步天集 第三卷

目錄

- 步天行
 - 難別離
 - 山樓醉雨
 - 病感
 - 答李本寧見過
 - 答湯若士
 - 答顧太初寄唾心集序
 - 寄虎丘錢功父
 - 東張白門山中
 - 從軍行
 - 古怨
 - 讀書
- 步天集 目錄
- 寄黃州周伯譽二首
 - 寄王子雲
 - 與李何事
 - 嬌娘曲
 - 萬愁詩三十首
 - 一東
 - 二冬
 - 三江
 - 四支
 - 五微
 - 六魚
 - 七虞
 - 八齊
 - 九佳
 - 十灰
 - 十一真

六

十二文	十三元	十四寒	十五刪	一先	二蕭	三肴	四豪	五歌	六麻	七陽	八庚	九青	十蒸	十一尤	十二侵	十三覃	十四鹽	十五咸	鏡	瓢	墨	花	題門	豪士歌	解衣歌答三郎	與梁谿吳寅四絕	答張吏部天都見懷	題許同生虛亭	寄董遐周	與魏叔夜	與行不顯
															目錄																
															七																

與張九也	與楊元素	與焦元暨	與步天僧無欲	青樓怨六首	與蘊大士通公	與張雨若學憲	寄黃阿宗之子雲叔侄	送高和光賀歲行	答外爾玉惠麻姑酒	與揭來遠論大文	蕭怨	哭汪若谷	哭周維耳	答贈二首	送蝶	題帷	送恒和尚入西湖	天許															
															目錄																		
															八																		

步天集目錄 畢

步天集 第三卷

步天長傳汝舟遠度著

步天行

山中結臺題曰步天高明高出天不在上可攬而步因短歌志之

朱欄曲榭飛空出萬葉攢成白雲屋遠峰結翠寒人
目樹裡長江咽山腹江上浮雲如笑哭秀抹千林橫
一幅青梧十丈活碧玉條條突出山生骨香吹老狐
騎古鹿月明許借仙人宿醉把靈文松頂讀長嘯一
聲天地綠霞染衣裳花捧足步上青天鶴為僕不使

步天集

卷三

十一

嫦娥怨影獨自古才人掌仙籙

難別離

吁嗟吁嗟夫與君難別離道路險且長賤妾豈不知
骨肉一朝斷妾心悲莫悲去年下瓜州今年去遼西
瓜州猶可見遼西不可知在家亦自可何必走天涯
况復家多難出門逢窮奇夫君且駐立聽妾前致詞
未語先下淚腸已斷久時吁嗟吁嗟夫去去且遲遲
憶昔未嫁日常作白頭痴及笄臨汝門握手相提提

不意兩載間而竟至于斯哀哀我母今皇天苦獨私

丈夫固有志妾身難自持富貴在何日先已生死辭

人無百歲壽獨不聽龜雖况復值少年離別兩不宜

雖然志四方君子貴識時朝廷不養士邊城誰還之

雖不妾身顧呱呱乳下兒吁嗟吁嗟夫豈獨不念而

家無五斗粟終歲無完絲壘壘墳土荒春秋誰禱祠

里正來追租誰與交官司門前老楊樹衰狗呼敝籬

吁嗟吁嗟夫亦何傷心為兩歲父母家竟無一物遺

步天集

卷三

二

主人既已去隣里豈不欺欲耕嗟無田誰見婦把犁

終年機上鳴軋軋筋力疲妾不怨不飽可憐細子飢

吁嗟吁嗟夫那獨不聞與啞啞歸飛鴉天明啼曉雞

如何好男兒遠遠去四夷獨離親骨肉以往禦魅魑

渴時誰與漿飢時誰與糜強將美辭氣徒向劍頭吹

虎豹夾路號蛇狼還追隨可憐好腰肢胡沙寢獸皮

吁嗟吁嗟夫何不辨安危不見長城下皆是東家尸

衣亦不能寄糧亦不能齎親戚不能見虛信常驚疑

邊城毒惡水飲恐傷肝脾乃棄生人於頓與兵鬼居
在家豈不好飲酒而賦詩吁嗟吁嗟夫遠行因聽誰
妾說在家好夫君且自思床前櫻桃花園內棗與梨
夫君亦有筆賤妾亦有眉舊有五色線爲織夫君襦
紅顏不再來明月容易虧不見山頭鳥關關鳴雄雌
吁嗟吁嗟夫與君難別離

山樓醉雨

萬頃瀟湘枕上聽欵來鐵塵讀殘經樹容似向天池

步天集

卷三

三

浴山色如從酒國醒紅顏籍草還生綠白眼逢雲亦
任青好鳥幾聲煙裡度半空秋色染高亭

病感

涼風吹我入山阿雨過長林筆意多大膽禰生欺魏
武窮途漂母咲蕭何虛將肝膈酬知己不信文章起
積疴年來三十無功業夢裡愁天許大麼

荅李本寧見過

太史星舍一代光江河筆墨彩文章崆峒山上爭雙

李麟鳳州中攝大王百萬甲兵藏武庫八千子弟護
文昌寥寥作者悲無任爲過烏衣問少狂

荅湯若士

謫來仙吏鑿靈心鏤碎虛空夢可尋筆上花香堪自
嗅舌間雲氣許誰侵皇天大業早無位才子奇名老
在林蓬頭莫下窮途哭自古文章不換金

荅顧太初寄唾心集序

自是蓬萊頂上人文心吹出月魂新因知唾夢皆成

步天集

卷三

四

夢縱是珠華也是塵

寄虎丘錢功父

八十年來老校書冰心俠骨自耕鋤舉眉不掛山人
眼一往長林倒跨驢

柬張白門山中

老來閉戶厭詩狂獨語寒林古木香到處青山皆弔
客青山惟有白門張

從軍行

沙場說是男兒事，夢裡常聞有殺字。不讀豎儒禍世書，寶劍親磨光有刺。古人惟喜班定遠，擲筆封侯興不淺。更愛雄豪郭子儀，百萬醜夷一劍卷。卽今豈少貂蟬冠，多少傷心不掛眼。時厭太平不厭亂，旂裘酪乳尋常慣。醉枕爛醜向月歌，弓刀不許文章換。忽聞塞上腥風起，倒捲長鬚向天喜。昨夜匣中似虎鳴，丈夫殺人正在此。築壇黃榜招從軍，天子股栗將軍死。攀登鐵馬容無變，隻身出門何所戀。回頭但語帳下

步天集

卷三

五

兒不知此去還相見，黑山墨雨一夜馳。叱時千里如飛電，當途猛虎戰毒龍。劈腦穿鱗斃一箭，朔風吹結眉上冰。胡笳泣月聲難聽，無頭老鬼作漢語。弓稍撲刺，彈兵魂陰雲漏日天。雨血白晝迷迷五尺雪，忽然刁斗迸火光。燒成壯士心，頭鐵鐵心吼入紅旗隊。十戰妖兵猶不退，喝聲斬下單于頭。百萬胡兒都下泪，屠人磔磔如屠羊。震野哭聲堪一醉，斬人又酷如斬草。十千首級猶嫌少，捶牛痛飲發凱歌。鼙鼓逢逢十

夜曉珍珠瑪瑙給，戰兒獨愛吳姬不愛寶。正點回兵又賜劍，四邊勅命巡來遍。旌旗亂捲梨花雲，士卒啣枚如一線。匈奴拂劍擬自殺，况是聞名未見面。男兒捨心還捨頭，捨頭未得還封侯。功名豎立在邊塞，豈肯兀坐如枯囚。歸來醉臥錦堂月，始知出門由好殺。君不見古來大將霍驃姚，白骨如麻麟閣高。

古怨

亦復寒火燃情已，成棄灰早知郎意盡。先逐夢，竟飛

步天集

卷三

六

飛亦不須歸

讀書

已知天地大盡在一編中，千秋文字祖尚復貯虛空。

寄黃州周伯譽 二首

吳楚東南一筆分，鶴音猶自混雞羣。朝廷未必能容士，天地緣何不解文。觀來世態如聽戲，說到人情只看雲。曹劉厭掛周郎眼，公瑾當年却是君。

撈嚴讀罷讀南華，五指條條寫大家。不是目中吞七

澤止緣胸裡足三車鬚眉日月開明鏡筆墨河山走
沾蛇我有東南愁破處願君來補石頭媧

寄王子雲 著有雪草

如何此夜寄君詩三載相思頃刻時世間好友常防
死天下雄文只任欺雙眼獨橫千古淚兩心曾許一
人知年來最喜王郎哭雪草聲聲自解頤

與李何事

但把雄心混太初蕭然不恨食無魚半生好事嘗因

步天集

卷二

七

酒千古相思獨任書喜隨仙侶觀調鶴厭傍山公學
養租夜來一枕前身夢管樂而今隱淪沮

嬌娘曲

傾國容華自天出不染蛾黃與黛綠清香曾無茉莉
濃淡粧祇覺芙蓉俗令人宜死不宜生逢郎堪咲如
堪哭素霞剪作緩帶披彩雲製就中衣宿夜半高樓
理洞簫低音斷响聲聲嬌相思那管聽者苦傷心不
忍吹來高峽蝶亦愁鸚鵡夢鳳凰欲妬鴛鴦嬌無情

自對月華語袖懶香垂風不舉人間神女少雙雙天

上仙娥無許許半泓秋水團捏成一枝活玉扶將起

花心忽忽時題藁蓮步盈盈來闔草鬢影常疑紫燕

迷聲音錯認黃鸝巧平生夢裡幾回見年少看來不

得老茶蘼花下逢郎處展轉無人遞頻顧欲言無語

難作聲既去復旋迷失路萬種風情寫不成一片香

魂關莫住花釵低昂兩頰紅鳳鞋窄小半尖露楊妃

倩齒小蠻腰西施醉乳潘姬步可憐贈我輕紈扇可

步天集

卷三

八

憐解我雙珠釧妾亦有顏郎有才郎自多情妾多願

文章譜出胭脂綠珮環結掛琴書線前身兩兩喜同

心他生世世求相見一夕風流千古膩艷李妖桃爭

百媚垂柳條條縮別愁飛花片片捺春意不願那花

藍田玉不願妾化連理木但愿妾作三春花來供仙

郎如意目不愿儂化連理木不愿歡化藍田玉但愿

儂作百合香來捧嬌娘踏春足此時恩情無比數此

時歡極翻成苦一似高唐愁裡雲來度巫山夢中雨

巫山高唐雲漢皇手執留仙裙高唐雲巫山雨文
君腰越常爐視精衛飛填長恨水杜鵑叫破相思覓
飛來飛去悲無主一叫一聲愁殺人可憐欲別難歸
去可憐欲贈難成句從今應有弄曲思從今不解薰
香趣半惺不寐鴛鴦睡似怨如痴海棠醉多態多情
想不足越懶越嬌看不退字字吟來薄命詩點點滴
出情郎淚夜夜瑤臺月下思荷花梅花無了時

萬愁詩

乙卯秋風鐵羽無恥自笑不能登龍門觀
天子光徒向狗竇中過活了廿歲嗟乎身

步天集

卷三

九

命之不達其如此何大哥以詩招余曰千人石
一片月念弟且久胡不來一艘相過話三年情悵
各出破錦相質因悲其素之未隆不覺酒盡繼之
以泪也萬愁鐵心一夜得韻三十首寒雲低空哀
動風木大哥彈劍相答之有餘感嗟乎于弟之於
父兄情詞苦惱逼直耳張衡較我其愁絕少悲哉
臘月十二日題于墨雨官署

一東

腰帶吼生銅雄心掛冷風君臣何虎鼠男女不蛇熊
和氏獨憐璧楚人誰拾弓窮途應有憾天地未曾公

二冬

戰鼓伐襲襲前鋒陷老龍文章原自吉時命果然凶
帝子昔同寇將軍且作備泰山風雪冷不變大夫松

三江

季子出秦邦錐摩氣未降任心衝五岳俠淚湧三江
君子傷文豹宵人苦吠龐欲將戡亂劍去叩法王幢

四支

鐵笛不須吹胸前墮泪碑食無哀進母袍有一寒睚
失却千金彈來尋五殺皮如何丈夫子遭際似窮奇

步天集

卷三

十

五微

嗟哉胡不歸人傍暮雲飛未必今朝是難言昨者非
養親常得瘦食道未曾肥西山在何處去採弟兄薇

六魚

不臘不能魚推來阮藉車功烈名烏有文章號子虛
肝腸空入世形影已孤予迷津雖孔子亦復問長沮

七虞

大咲復長呼蒼天何苦吾黃金先已散白玉未能沽

自弔爲衰狗相知有媚狐人心慚五代豈特不唐虞

八齊

歸家嘆母妻慘咽不能啼文亦生天妬貧偏與病迷
王猛捫餘虱劉鯤舞倦鷄年年天祿閣誤殺丈人藜

九佳

浪蕩走天涯居亭無好懷欲支三斗粟先折半邊釵
况復怨難忍且多事不諧妖魔須避去龍劍有光埋

十灰

步天集

卷三

十一

舉世盡塵埃誰能卜相才快心明勝火俠氣響生雷
自應天上骨豈是俗中胎從來茅屋下而隱晉公裴

十一真

依違失所親炎涼絕不真名士才如鬼儻夫錢自神
有口難歌風無顏可泣麟年來行蜀道從險入西秦

十二文

擲筆學從軍盾頭亦自文入朝無李靖下第有劉蕡
龍因魚被戮石以玉僉焚但隨江上鶴叫破老天雲

十三元

血泪灑中原陳蕃不掃軒離騷聲有恨絕命語多冤
涉世調狂象謀身問老猿古人如可作稽首向軒轅

十四寒

長歌行路難努力罷加餐人言嫌李白世事屬王驩
心曲冷還熱鼻頭苦復酸雖然妬黃祖不殺喜曹瞞

十五刪

負重不知山千秋立懦頑左餘三傳訂孔取六經刪

步天集

卷三

十二

周域憐無告堯天念有鯀雄情成逆况如在雁門關

一先

無復策安邊空悲大有年林中千虎聚潭下一龍眠
昔也情偏俠冷乎語學顛寒風打窓雨惟許自聲憐

二蕭

相逢懶折腰山鬼不須僑世事堪呼馬人情任作梟
哭國心餘賈談兵口厭鼉平生京兆筆羞向閣中描

三肴

占軋得六爻龍亢已無交大句常題壁雄心自結巢
雖言圖後勁可惜已前茅梅花撲香雪寒氣犯弓稍

四豪

呼兒學弄刀漁蓑裏戰袍山東聞鐵响塞北起風臊
絕交書用懶自試表誠豪咲他文繪者空飾雁和羔

五歌

到處嘆么麼龜山喪斧柯年來皆畫虎今日且籠鷲
拒世同原壤傳經學孟軻悲哉行不得鳥也喚哥哥

步天集

卷三

十三

六麻

今歲在龍蛇漁陽鼓自擲誰爲日下鶴故是井中蛙
失路占爻象傷心托莫邪皇天愁破處鍊補石頭媧

七陽

岐路已亡羊寒水點驪驪無歌來易水有夢入黃梁
身世如交喪臣民已半僵不逢高帝漢閑殺子房張

八庚

鹽梅未入羹三年又不鳴只緣一日放難得萬家亨

馬室羞勾踐狗門傷晏嬰閑心思往事瑜亮總虛生

九青

嗜酒學猩猩相逢眼倦青狂風摧泰嶽陰氣蝕樞星
救世無三策妨人是六經牢騷長夜雨獨箇理黃庭

十蒸

吾道自觚稜那知羽繳鱗無家堪似虜有髮已爲僧
只覺皆如此何常有未曾龍門雖百丈不徬俗人登

十一尤

步天集

卷三

十四

休矣不能休南冠笑楚囚功名皆假謎性命亦藏闔
後事隨黃鶴前身是白牛緱山好明月且復弄笙篴

十二侵

不許俗緣侵何能避險深相謀千械枯未讓一芒針
肝腸無白雪身命屬黃金思尋鬼谷子散髮臥空林

十三覃

已知七不堪逃名問老聃行藏如女子鬚髮笑兒男
殺士桃爭二讒言杼擲三天心忌聰慧悔不早痴憨

十四鹽

何勞太史蒼漁父鼓長髯不作潛龍躍還同鳴鳳漣
有心逐裘馬無道入壘鹽欲敲閭闔問去上秦華尖

十五咸

苦泪濕青衫人情已大凡自雄千古志豈懼一時讒
草茅多喪馬朝廷無順帆何年憑物色天夢到商巖

鏡

人騎白月空輪上影入綠蛾明鏡中間倚寒光照松

步天集

卷三

十五

語天邊蕭史忽吹風

歌

亦無貪色亦無驕乞得清風滿一瓢年來更勝夷齊
餓不道西山在聖朝

墨

欲題姓字上峩眉萬句千行總是悲可憐天下才男
子一片肝腸子墨知

花

可憐妾是芙蓉花可憐郎是秋江水願郎秋水常如
春芙蓉不死秋江裡

題門

人心到此天如寐世事而今鬼不羞但有二三濠上
客白雲黃鶴過山頭

豪士歌

少年不傍門戶立霹靂一聲天地闕空中讀得無字
書星斗羅胸雲掃筆爛醉唾出南華經李白屈原皆

步天集

卷三

十六

剩集行歌負薪氣何壯酒中曾不天子讓雄談直令
鬼神啼雙眉獨豎河山狀自許胸頭有熱鐵嘗恐天
傾地柱折留得一寸兩寸心不使千年萬年絕世人
認金不認字我獨取心能取血平生有仇未屑報荆
軻聶政何須道呼盧走馬豈不能羞向五都同惡少
任爾妖狐老怪騰不值仰天發一咲嫚罵五侯與七
貴相知或下滄浪淚殺人頭藉事不成青樓學得圖
南睡蓬頭一睡二十載夜夜唐堯夢不改枕中短劍

與尺書風雨未來生光彩幾回破衲欲歸山但爲君
 王私自揣一朝天醒君王夢冠冕自輕布衣重吹火
 披霜草諫書曹王呂霍皆無橫有時鐵馬馳安邊纔
 飛一矢胡兒貢拔人只在貧賤中文章事業來英雄
 一麾統袴銅陵子掃除勢利成寒風黃金萬斛分散
 人酬恩不啻酬邊功君王勅賜催金券書生捧泣龍
 顏春報主由來了父恩功名豈使才華炫治安再上
 一卷書拂衣還却名山願散髮扁舟五湖側駿馬雕

步天集

卷二

十七

解衣歌答三郎
 三郎贈我秋水之羅裳爭蘭壓桂欺荷香一日着之
 六時狂絲縷萬結情與長可使雨不得陰日不得陽
 携丘抱壑披三光乘長風兮逍遙遇列子行朝雲兮
 容與遇高唐有如李太白宮錦爛醉捉月采石江又如
 嚴陵垂釣長竿短裘裹白羊羊欣捧練以乞句灑毫
 染墨散襟角之餘芳願坐司馬犢鼻裋攤文君而看
 賣漿有時拂衫高臥不學呂碧俗夢成黃梁但覺兩

步天集

卷三

十八

鞍換俊妾相對緜山弄碧簫不向鴻門舉玉玦劉伶
 酒阮籍杯羞兒跪進五千斛妖姬歌轉三百回相看
 忽厭鴟夷劍叱散崑崙與紅線閑隨方朔安期生麻
 姑呂祖時時見赤腳踏碎洗頭盆珊瑚親拭嫦娥面
 吁嗟乎唏噓哉天人三策皆無主孔孟六經亦何苦
 楊雄司馬不足爲虬髯臥龍未堪數旂常千載書萬
 年竟與虛空作何補未見仙人葬綠華能令才子離
 黃土悔却登壇年少場不如去挽青松騎白虎

袖栩栩化蝴蝶之戲莊西謁王母東叅上皇道逢雲
 英謂此衣曾彼私授乎三郎何我三竊如東方嗜乎
 雲英何太痴如爾女娘三郎親解以衣我且繫我以
 八寶之琳瑯雲英問我以何報我云欲報爾無方中
 心懷之十襲藏日誦瓊瑤詩萬章
 與梁谿吳寅 四首
 且學英雄不學仙雙橫白眼問青天人間第一科名
 好何故文昌也賣錢 丙辰第一科名竟爲狗盜

江河瀉出汝文章燕子磯頭湧大洋莫道相知如棄
君常口口虎侯之文

土菰蘆中有馬君常
嘆來旗鼓少攀龍誰向詩壇鼓戰鋒江南小艾惟餘
虎侯一見子丁俱下窮途之哭

我痛哭如君總莫容
天涯兄弟盡狂奴笑我黃金散盡無而今有壁酬知
已得一吳寅是丈夫

答張吏部天都見懷
常云恨不見遠度但讀雪山九歌
年來破被裹風塵懶去桃源學問津九歌只道堪投

步天集 卷二 十九
雪今日相知有故人

題許同生虛亭
但將虛跡托山林不用詩療用酒鍼為問池邊花下

鶴久知仙吏有冰心
寄董遐周

已知天運豈曾侯但許文章可自由年來不作頑仙
夢石室靈書夜校讐

與魏叔夜

笑罵文章一筆流愁來長劍劃鴻溝山中自署闕王
者臥聽人間說醉侯

與何不顯
只將墨劍剝蛟犀橫出如將山斗齊堪嘆月明三匝

樹不知何日得高棲
與張九也
又如歡笑又如嗔秋水春風洗玉魂生來拾得先天

訣杯酒睥睨世上人
步天集 卷二 二十

與楊元素
也學屠牛也學仙時橫杯酒問青天可憐世上奇男

子不愛肝腸只愛錢
與焦元暨

不認黃金只認心相逢俠氣欲千尋多君貯我山中
酒可及桃花洞水深

與步天僧無欲
七年落魄醉山樓夜半殷勤慰楚囚可嘆髮長心短

者不如熱血老光頭

青樓怨 六首

不將紅粉鬪花粧袖裡薰籠惹戒香蛾眉自許供明
月歌舞樓中未放長

樓頭燕子不禁春城外桃花憶主人在把巫山雲夢
雨不如宋玉在西鄰

鴛鴦衝破一泓霞拗折雙雙紅藕花妾夢只隨蓮子
上不知和葉到誰家

步天集 卷三

二十一

十五嬌羞解唱歌黃河直上怨聲多于今不少王郎

曲妾不聞時奈妾何

愛殺閑花刺野雲裴航有路未通文瑤臺不喜凡裝
束撇却雙鴛夾蝶裙

一簾秋怨上銀鈎枉把名兒喚莫愁芳心正懶無聊
賴不道合情又下樓

與蘊大士通公

破瓢破笠破袈裟白月山溪卽是家懶向石頭多說

法正嫌天女散諸花

與張雨若學憲

年來混迹似東方白恰烏紗裏大狂好把十州三島
記上清一日索文章

寄黃岡宗之子雲叔姪

半生相誤是才名弔古惟餘叔姪情夢裡逢人皆嫉
妬眼前有我亦伶仃狂歌囂世難成咲痛哭空山祇
自驚一片寒風雲帶去吳愁吹入楚東城

步天集 卷三

二十二

送高和光賀歲行

紫薇天仗引仙官環珮珊珊碧玉寒宮漏鼓催詩調
響袞龍衣借筆華丹獻來國頌千葩舞捧出春光萬
錦橫若是聖人垂顧問東南有客隱莘磻

答朱爾玉惠麻姑酒

幾常天上醉流霞今日麻姑滿載車勞君爲謝山頭
水瀉到蓬瀛處士家

與揭來遠論天文

星冠夜叩紫薇居天上文章讀有餘相逢臥在高山
頂厭看人間俗字書

蕭怨

萬愁低在一聲中滴滴商音杜宇紅聽來孤怨眉尖
鳳吹出杳思指下鴻

哭汪若谷 絕筆有桃花半壁棲絳雲老僧無語扶
獨顧之句

迢迢孤影別妻兒無語扶欄何處詩萬樹結哀遮去

鶴千山啼恨亂聞鷓鴣門前冷落花紅路江上凄迷月

步天集

卷五

二十三

白時知君定有還家夢獨夜三更莫到遲

哭周雉耳 雉耳予石交也平生傲直無狀能下賢
者而不避強貴親者妬之嗟夫親者妬

之雉耳也行年四十五歲予嘗奴視天下而兄雉
耳雉耳可知矣丙辰五月七日忽來予山居樽酒
勞若依依不台倍于平日忽歸去無疾陡而疾八
日暴卒且無棺倉卒得一棺而一刻遽出家人恐
疾之癘已也卒不成禮予初不知也傷哉嗚呼家
食貧母老妻寡而予少天乎如何如何先時予與
雉耳及汪三若谷文七燈子四人為交即彼三人
亦各各腹心自賞也嗟乎吳天不弔辛亥冬燈子
卒燈子先數月來山中別予及匹而雉耳若谷倍
予弟之不知何從也嗟乎及今丙辰春予遠遊在
吳越間而若谷講漢急遲予歸方予隔千里而事
勢不急歸者或歸心如鐵來適與若谷面且曠我

孤于嗟乎予酒人志不克命復招我六兄雉耳交
若谷孤子之托于榻下傷哉雉耳托人之孤而自
遣之且未及與舟作一生死語嗚呼雉耳當不自
料此也此矣夫復何言哭之不已七郎三郎
皆歸涕下噫夫復何言時丙辰六月一日嗟乎一
日也而哭三子也乎哉

一聲苦苦一聲愁慘碎皇天九月秋死者有情皆作
鬼生人無樂只如囚半生哭友常多咲到處招魂總
不收相見莫將容易別可憐一別到荒丘

答贈 二首

昔年曾許看桃花今日相逢贈彩霞分付仙郎休錯

步天集

卷二

二十四

記藥珠隔壁是儂家

自是瑤臺第一家門前樹樹紫薇花來時猿鶴曾相

認侍女名兒喚素霞

送蝶

為憐孤影失花房戀爾盈盈送去粧好把綠陰雙翅

夢和香和粉化鴛鴦

題帷

半枕烟嵐一千里不道春絲道秋水翠葉迷人夢不

歸蟻亦飛來欲寢語

送恒和尚入西湖

破被遮身二十秋不知歡喜那曾愁
給孤知在西園裡拾得金錢補衲頭

天許

真仙喝祖欲何如牛狗蛇神亦樂窩
玉皇憐我才多橫許在人間作浪歌

步天集

卷三

二十五

英雄失路集叙

我未見者古達人偉士雖有尼父不能攬姬
公之袂于夢醒昔阮嗣宗觀于垓下輒橫顧
而笑孺子似乎借漢楚之刀鋒以怖鶴唳風
聲者是何如孔將軍左費將軍右而睨洗足
時兩女子狀乎余讀而歎之以戈鐵之雄端
可譬文章耳于是語遠度我當吾世見子又
英雄失路集
叙
何說古而妬孺子古文章如丘索又藏在天
上今帝人間者是六經夫六經聲鼓鐘者首
風雅方且僕楚而隸漢魏何唐宋改步足云
乎乃後世豎儒莫識所謂穆如清風者覺天
地減韻千代無歡聲則我每欲起古才人輩
各捧其笙瑟篪篥一奏鈞天破之天乎何幸
盡畀我傅子書而讀之也余始讀七幅謂是

杖鉢者曾藏龍虎至唾心其雲中之玉隨風
乎天步艱難慨有經濟四方之志則傲我輩
賡于步天而未也于是作英雄失路之歌張
子曰使傅子扶日月之轂爲 明天子興禮
樂可來鳳凰雉于西山今夕何夕想帝已賚
星辰于天牀乎蓋其版築欲釋手猶不廢嘯
歌也雖然南山飯牛之曲不愁苦淒金石哉

英雄失路集

叙

二

語而吐于神仙之齒牙篝燈揖讓玉帛鏘鳴
及其筆灑聲隨曳如風雨方且隻字挾千秋
周秦漢魏等以及元美于鱗輩不盡驅腕下
哉何至如天下作者呢喃作步誰黃初誰建
安大曆上下乎予曾醉語傅子孔老倦遊乃
筆詩書子未出山而文章之業大就且善藏
其技哉不則雖老佛所稱盡恒河沙劫不足
喻子之藏者也子向者步渾天以窺七政一
旦而星官服者千人與予獵于山猿驚矢以
號者三日子巧耶安所試之今天下之兵農
錢穀屯鹽茶馬倭虜海漕子囊中大冊不啻
言言十萬也衆輿圖而思靖 宵旰之憂者
豈只欲向蘭臺金馬簪冠立也哉子其出而
圖天下事乎予知古英雄有不但却步者而

英雄失路集

叙

三

又何笑乎孺子時

丁巳十月盟弟張可仕文寺書于紫薇菴裏

英雄失路集

叙畢

英雄失路集

叙

四

英雄失路集自叙

傅汝舟日記予暮年結七幅菴草紅粉烏紗囚冠破
衲耽兒戲也已而有胸無心隨口浪語結唾心集心
唾矣又何言境與筆會詩求步天讀書笑吟又落人
間數張紙也故結步天集然人生得志當樞軸不東
南靖倭奴則西北討胡虜且中原何地非報父母君
王之處經營擘畫之不暇安得如喪家狗纍纍弄柔
翰也嗟乎失路矣將奈何使我有五畝宅亦可寡累
英雄失路集 自叙 五

英雄失路集

自叙

五

騷者丁巳菊花開時紫白仙人記

自叙畢

英雄失路集 第四卷

目錄

英雄失路歌

夢中詩

題林屋洞天隔凡石上二首

春暮二首

扶桑看日歌

敵敵歌

秋末思四首

過海門

王郎刺髮歌

宿鷓鴣于墓下

江上寄文于丁三首

英雄失路集

目錄

六

畫惟二首

觀海歌

若莫愁

長江三衣

金山寺

金山渡古

天京中郎

送陳元石

美女歌

無題歌

仙葉渡竹枝詞六首

走馬

宿海上

龍盤江上歌

與石兵部淡寧

通公方益旋進士過話

登標紗峯

方田歌

送楊孝承入滬西大司幕府

送侄公容隨父觀兵二首

答寄

虎丘惜別

折花送何王長

贈張岱與學仙

江上別子雲

與文寺哭白鶴

飲曾伯陽談八識

送廖傳生採藥

飲張同野將軍園亭出蠻舞佐酒

題福西首

觀八十柳老翁

題武鄉別有天

英雄失路集

目錄

七

寄劉晉卿孝廉

答劉宗魯贈玉印

與清涼山頭陀

送王耕功

與何郎

與伯陽居士二首

與王郎稱實

與劉無求

又別子雲

問子丁疾

弔孫介臣哭母

東伯生哭栢

弔周雉耳汪若谷文燈于并孫太白

太白

雉耳

若谷

登子
哀攻二首
睽世
題照

英雄失路集目錄

英雄失路集

目錄

八

英雄失路集

第四卷

英雄失路歌

中原傳
汝舟遠度著

英雄失路眉難伸
跼踖天地誰與隣
築壇一驚在何日
淮陰年少還雙存
文章補天雖所有
那知性命根黃金
牀頭無色匣中作
聲餐不得飽酒不
得醺兒無長衣妻
無完裙母氏雖不
言而豈獨無心親
戚誰爲顧亦何足
云云英雄失路徒
自嗔况復出門逢
險人

英雄失路集

卷四

歌來聲聲偪仄行
蘇季子朱買臣
錐梁亦何苦屢屨
胡不親百里揮淚
牛與聞蘇武牧羊
啼荒林屠刀呂望
卑所營管仲囚奴
車中嗚吁嘻乎英
雄失路不如人吁
嘻乎英雄失路如
失魂自古大聖鉅
賢俱悲嘆崎嶇而
纏身何獨區區事
功之小臣仲尼喪
狗胡爲乎東門老
聃一牛不得志而
西秦文王留鼎烹
之餘形虞舜幾希
乎廩焚伊彼阮籍
呼號莊周傲吟笑
天哭世知富貴不
可期踉蹌跌宕心
胸憤懣之無寧嗚

呼富貴何足重但一日不得少一日之經綸且功名
失色亦得罪乎斯文醜彼嚴陵老匹夫之于光武何
不策步天衢揮手風雲何空加一足弔虛名吁嘻乎
英雄失路歌難聽我作歌今天不聞四海秋氣何時
春我作歌今人不聞我欲報恩當何人

夢中詩

扶桑親自倚天栽腹裏羲黃結戲胎醉騎摺帖驢如
紙時笑月明山下來

英雄失路集

卷四

題林屋洞天隔凡石上二首

曾爲猿公伴我來千峯明月一帆開隔凡舊是藏書
處石壁陰符袖拂苔

倦鼓蓬萊頂上琴偶過石孔醉濤音只因劍氣縱橫
出怪殺麻姑夜夜尋

春暮二首

買得春光入舞筵沈郎榆路疊青錢人拚簫鼓迷三
月天寵鶯花借少年楊柳帳拖金釧粉鴛鴦書寫碧

苔箋東風不許人憔悴日落千山擁翠鈿
芍藥題詩未慣羞白雲籠樹漾溪流滿衣山色閒搔
玉一榻松陰懶下樓相逢入眼茶縻怨無故關心杜
宇愁正是教人撓亂處隔窓紅粉看梳頭

扶桑看日歌

紅雲在天白雲長青鸞紫鳳爲旗章冰虬灑道虹爲
梁神女散花爲衣裳海若擎寶蹠道旁中有麗眉稱
海王金母問我以何去我云看日乎扶桑左挾藥珠

英雄失路集

卷四

三

右肩娥媪鼙鼓侍前龍笛御旁命莊周列寇與載道
縱子觀水三萬六千丈舉長生不醉之瓊漿拖明月
珮今披丹霞裝帶酒跨鶴隨翔桃鷄一鳴天下白
乃三稽首乎太陽君王哉日帝母升衢登曜且駐龍
駕于中央聽小臣胸肺有短長黑夜漫漫不得旦君
王將照耀乎何方堂階上兮號令不彰如重昏兮不
曉可憐一國人顛狂草野下兮腹心無良如陰雲兮
濃霧載覆盆下無朝陽更靈心莫巧于文人畢掩壁

宿弧射文昌烹鸞鳳冠狗狼天淚墮雨悲句喪世上
重淵六月霜且累囚桎獄孽成跳梁盲人失燭樓幽
房東南昏倭奴西北暗犬羊含沙天地灰飛揚君王
哉日帝何不念下民而善忘是何重輝累曜瞻彼虞
唐日之方中允在漢王中之曷矣宋天傾墜于元彊
盛哉大明 我祖不張掃腥羶今鎮河岳騎赤龍反
照乎羲黃雖千秋萬歲如一日小臣實痛切乎陽亢
將無羿射十輪亡揮戈魯陽低不昂聶仙騎去朝祖

英雄未路集 卷四 四

皇提入壺中十年藏何不兩珥暈輝煌黃道赤氣呈
禎祥君王哉日帝曷監小臣捧天之懷向日之腸日
帝揮鞭以告我舉世白晝人如盲何獨小子赤目情
逾剛我命義和以耀采揚重華千古之芳余感之稽
首以三謝燭龍燭龍吐絳飛八荒金母喚我乎歸來
乃折扶桑爲馬而僕從服御借琅琅回駕崑崙之頂
倚天長劍遮龍驤無使足墜今西行爲我發十萬八
千歲之景照天子大明壽無彊燭龍燭龍何奔忙我

勸爾酒三百盃我與爾帝親約手扶桑八寶法界琉
璃光

敝穀歌

敝穀可以當薪棄妾可以當僕雖不如妾與穀伊亦
昔日之故夏蟬不吟秋風霜菊不犯冬雪雖不得時
者進豈來歲之遽絕

秋來吟 四首

天地重收藏所以待生發若使土氣沮春風安折甲

英雄未路集 卷四 五

况復秋者愁愁人迺自察俛首歸空山大俠不言俠
藏名讀素書禮樂與討伐所以孔明千草廬不差狹
若使劍無室悲哉恐誤殺

既結我兄弟妍媸兩無形妍者愛其才媸者憐其情
堪嘆歡笑中而轉戈矛尋道路人不可况乃夙昔盟
釋迦大慈悲萬物等自身手足莫相關痠瘁實可憐
涕淚且不暇何乃毒相噴浮薄利與名可以推與人
天地亦可學覆載惟其仁

申韓救世烈黃老以軟行功烈太任法浮軟亦不情
况或軟無功轉轉烈相成更有菩薩子忍辱終其身
不難割膚肉厭彼鷹虎心願度盡一世畢竟成虛名
不如仲尼氏自厚薄責人非以薄待人實以厚全生
大乎吾師乎中庸不可能

要知英與奸固自稱兩雄但厥心術差作用豈不同
曹操無瞞心真有文王風王莽無逆志豈不成周公
之噲學唐虞死蛇安似龍宋人無霸略反遭王政兇

英雄失路集

卷四

六

舜禹非避子豈非篡其宮前途不倒戈湯武亦二凶
所以明達人略迹貴致衷漢高巧聖人捫足傷其胸
孔子亦似詐微服以蔽躬

過海門

滄溟手挽滌心胸樓櫓茫茫大鼓藜山似雲飛浮白
日潮如煙湧裹紅龍呼來海若常擎筆踏破倭奴不
受封堪笑虬髯無壯骨扶餘國小自爲容

答顧太初官詹

先生嘗稱予曰才天寶也天以寶與子當自貴何苦激爲竊心感之

大明科義價連城落筆王唐奠帝京釋迦孔老爲宗
祖司馬莊騷作弟兄欲將天寶酬才子不許神珠借
貴卿星斗文光山岳品願逃版築頌先生

王郎剃髮歌

子雲不得橫行紅粉烏紗中遺我剃髮詩十首因感之

嗟哉乎王郎何不束髮從君王迺欲髡頭乞鉢遊西
方豈英雄割鬚善賈藏亦巢由洗耳羞聽唐世獨娥
眉工畫張爾欲文身剪則狂嗟哉乎王郎賦吞七澤
悲三湘懊刺在股悔在梁學聖人剖心以受禍荆卿

英雄失路集

卷四

七

甘斷臂乎咸陽彼烈政刺目以了心將軍不惜尸裹
拖肝腸自古丈夫皆如此何獨三朋三獻尋顛猖我
知王郎髮短心愈長王郎笑曰嘻悲傷釋迦亦嘗不
得志憤斯世之皆鷹虎聊剗此肉而分嘗豈非悲憤
今情愈剛不然何功圓行滿之後又善自愛護飾七
寶之裝嗟哉乎王郎我知子得道之滅天地與我爲
順適藏頭斂角聽彼行藏何怒而上指得罪彼蒼又
萬物于我亦醜類我亦毀形相詆以徜徉何冠冕乎

衣裳且髮爲草木之象天地閉賢人不昌造化死草木可亡又髮者法耶法亂則斷願金刀一截以示鋒鏃且當我身割用之何牽制與徬徨嗟哉乎王郎是耶非耶涕泪作歌聲不揚我知王郎眉目之際只有天在上豈使此毛髮小兒欺低昂一麾委地吾頂吾日月之光嗟哉乎王郎歌爾髮兮秋風涼我髮亦聚族來驚惶

宿鴟夷子墓下

英雄失路集

卷四

八

乞食吹簫氣如虎父仇未報泪成雨借吳駕策以鞭楚孝子血漬墳頭土已知夫差老不武報仇實仗吳王輔屬鏐一劍答恩主恩怨分明照千古鴟夷託子還其祖不許兒孫繫俘虜君臣父子皆遭苦俠骨英雄無脆腐

江上寄艾子丁

三首

亦知幾日別乃若生死辭客子懶去去立者願遲遲始信無言處正是傷心時平生志遠遊至此安用爲

又

有夢不敢發恐感之子懷顏面以日遠幽思因夜來緒長如怨多情切生心猜珍惜襟內題一夕百回開

又

憶昔共朝夕因爾泣別衣迺今客想繁翻覺家會稀非敢期子念聊以悲心違此情語路人亦復傷肝脾

自憐

自憐骨相可封侯貧病年來只似囚三尺青鋒書一

英雄失路集

卷四

九

卷草廬何處不藏羞

畫帷

二首

可是巫峯夢裏還煙蘿隨意醉中刪由來陽羨多兒戲竊得蓬萊半幅山

閒隨龍卧懶耕鋤千里雲霞罩草廬青山最是豪華

客招入羅帷讀漢書

觀海歌

送張文寺

吾聞海中之水如樹立又聞海中之波如山起老龍

駕雷白日飛萬丈濤光颯空雨沿海壯兒驚則死張
生吟之色微喜道是千古文章盡在此古蕩蒼莽之
勢如左馬而如歌如號澎湃鏗鎔驚魂以濯魄似莊
子之不足而似孟子其悲聲嗚咽聽來如有恨之簫
韶何其揮洒涕如離騷又空明玄澹天水相涵如
華嚴楞嚴瀉琉璃世界之語亘千古而獨超又奔馬
叢鯨噴珠激玉如鹿門鬼谷諸家百子吞火以弄刀
其浩瀚渟泓劉安董子之輩來波底而潛巢至混茫
英雄失路集 卷四 十
無極視之不得其色聽之不得其聲正我所云無字
之書帝天悲未得斯文之主而空中號張生對之瞪
目不能返只使風雷忙而山虎嘯幾希乎沈墨海之
與飄舉手招三郎今來母以好顏色而敵風濤墨海
闊兮筆峰高文章磊塊愈難消椎牛擊酒狂來澆醒
騎自笑亦已矣乘流帶月上錢塘女兒之小舸石屋
兮飛來文章兮六朝看來合眼不欲視胡爲乎胡爲
乎觀于海者難爲字嘯長風兮歸來與爾在步天之

上說東洋南海漂泊未盡好文事三百六十日一次
君莫愁

君莫愁哀楚囚吠乳狗冠沐猴金則恩親則仇麟鳳
死泉而尤天地戰血日流君莫愁歌打牛泰山摧江
河流烹周文殺孔丘晝成夜春變秋富貴子與鬼謀
權利門皆蛇遊君莫愁披羊裘冠歟帶等蜉蝣錦耶
綉畏嚮醜功名去墳土留橋上石笑留戾廬上草悲
武侯君莫愁蝶莊周舉世足誰頭之父子鹿皆鹿之
英雄失路集 卷四 十一
終日醉知是溲終日遊知是蝨姬且狂李耳羞君莫
愁壺天休

裁五岳衣

紫霓爲馬柱爲旂帶繫黃河五岳衣未到西方蓮葉
上七星名下且皈依

泊金山寺

玉帶橋邊禮佛眠波頭詞賦湧三千曉山失路雲爲
圍夜月隨潮水作天

焦山懷古

先生三詔起塵埃洗却簪纓自上台滿腹雲心流不出半江潮色帶將來霞明跨鳳尋丹竈月白乘魚作釣臺東南一箇焦居士山欲題名也愛才

哭袁中郎

華山頂上好題詩千古袁郎一代奇龍向舌中存柱史珠歸筆下放牟尼因圖世界傳丹訣丑淨壇場作劍師我欲結龕三異客文長卓老對鬚眉

英雄朱路集

卷四

十一

送陳元石

天生陳郎闊奇氣更于手中造天地書生挾策山海關欲取王侯無際遇幸有琉球一丸士琉球君臣食後苦願借黃金五十萬開市警倭歸明主天子不吝金一籌倭奴自帖如邊囚震海功勳亦平等丈夫聲妓何須侯酒酣向我灑心血耳根鼻頭我復熱榆林之北有奇功爾欲提刀護閩浙出門未得先計歸相逢厭嘯胡雛月胡雛月壯士心頭有赤鐵

美女歌

美女悲時不羞失身豈不懷身寧忍失春俠士拾頭願得黃金寧知樂死不忍苦生君子龍性不禁豪華我欲治世豈獨無家

豈無歌

仰天長笑低眉短歌中心有懷哀如樂何仰天無色低眉無言蛟龍失勢不如蜿蜒豈無寶刀不可禦寒豈無椽筆不可當餐豈無好友不可為田豈無血心

英雄朱路集

卷四

十三

不可值錢吁嗟噓哉壯而失志老大可憐噓哉吁嗟一人失時四海無年

桃葉渡竹枝詞

六首

十里荷花十里香一聲曲子一聲長那是有情消不得月明雙儂姐和郎
儂在溪頭學釣魚郎從閣子夜攤書花陰賺得歡歡笑兩日蓬頭懶去梳
哀哀怨怨唱吳歌漫漫搖搖趁綠波不緊不忙偷覷

覷半吞半吐喚哥哥

郎看牛郎度雨雲女看織女作殷勤垂楊掛下雙鴛

帶漁艇過時亂着裙

些些團扇徙花廊不掩嬌羞不露狂多少才郎齊撲

鼻一風吹出女兒香

開到茶蘼第幾枝相逢多在浣花時莫言有意難消

受縱是無情也欲癡

走馬

英雄失路集

卷四

十四

花林走馬自看山磨墨刀頭响珮環瘦取煙霞刪醉

句怒開弧矢射窮顏

宿海上

霜風刺刺水寒沙浪蕩天涯不事家昨夜月明三萬

里五千龍女獻珠花

龍盤江上歌

放舟怒浪中疾風黑雲不辨天水有長鬣而角白鱗而爪者三顧予因醉

之酒

老龍江上胡為來水濤鐵浪旋空雷捲起洪波一千

尺紅雲捧日長鬚開問爾何不潭下抱子眠乃吞煙

吐霧擎天擎地相爭排老龍張眉而告我上帝憐有

東南才子不得意勅我禪麟甲掣風霆追劔護榜相

徘徊吁噓乎龍哉余方感之弔千古赤睛散鬣如花

舞銀山白馬波上奔馳軸翻搖無寸土猶如世尊老

子調狂獅不但方朔小兒馳健虎老龍顧我則笑曰

是則是今何足武吾聞子生本在楚為子瓜吸鄱陽

之波尾激洞庭之澗千里一叱電飛下爭奇闢怪金

英雄失路集

卷四

十五

山浦予笑曰可矣何蒼莽雄大至如此目中從未見

此水老龍又顧而嘆曰子乎吾舞水以楚而猶未戲

子以蜀振臂長呼巫峽噴來萬里餘巴江下洗千山

俗脅漢陽以直走衝石城而擣北固揚州吞瀑猿啼

路又將為我嗽崑崙為喉咽黃河為腹折淮泗為腰

蕩海門為足為時江上百神啼波下萬蛟哭欲攪東

南民為魚何只顛覆乎浮玉其水也如怒如號如焚

如突安得乎樊噲擎舟磔裂以齒疏項羽進酒叱咤

以逐鹿使我席江枕鬢披髮大醉而一宿予又顧老
龍而嘆曰嗟乎龍之何不爲我瀉明河決天池救四
海之憔悴何日非報上帝時乃鼓而舞洶沸橫流不
念與雲之施不念與雲之施龍耶伏角不敢語霎時
江練澄如許載我跨之去行雨去行雨明霞散在長
江裏

與石兵部澹寧

提印干戈是古豪軒髯長笑負龍韜春風桃李朝看

英雄天路集

卷四

十六

史秋雨梧桐夜弄刀圍碁着着思扶晉搗鼓聲聲聽
罵曹我有胸頭三斗血相逢爛醉讀離騷

澗公方孟旋進士過話

烏紗箬笠兩風流說法談文上石頭聞道宰官能度
世不知衲子可封侯雪山化相乘驄馬御殿翻經坐
白牛自笑行藏無定跡桂花蓮葉使人愁

登縹緲峯

誰插仙山宕空裡道是飛來不沈水烟波蕩漾如無

止挂雲不住愁難倚千丈崑巒吹欲起環水平鋪八
百里七十二峯如畫戟點點雲鬟鬢背徙魚龍星斗
出其底震澤東南真霸矣傳聞波怒而山喜上有秦
伯下胥蠡濤聲洗盡英雄耳採藥神仙石漱齒林屋
吹簫縵霞女手浣霓裳一湖紫桃花浪寫芙蓉紙天
印玻璃色在此月明倒浸寒蟾語三萬六千頃如洗

力田歌

豈無文章以禦困窮安得富貴以養英雄英雄可潛

英雄天路集

卷四

十七

不堪處庸豈無弓矢以靖四方安得知己以晉君王
得君則常失君則狂讀書不得力田毋饑子饑書不
可爲田今待人必非流年日往月往人其將如年今
送楊孝永入海西大哥幕

立馬欲去去中心還遲遲在他人難別矧我與子期
蟹酒不壓愁猿月可哦詩須甌秦淮上醞肆高歌時
愁語不得律情真無艷詞我足爲將種策幕當扶持
小侄亦解事讀書命匡時兄爲百粵侯君爲吾家師

愧我家樓侶孤矢艱追隨小別三百日長程六千歧
如何行道難山分褱與襜不言握寶刀兩心各自知
雲情過客嶺鄉思隨馬蹄桂枝上林筆梧葉勾漏辭
醉戲腥腥子酒影閃紅旗

送侄公容隨父觀兵 二首

我有骨肉句爾應祖父期功名磨劔在事業讀書時
雖爲小阮達母學阿叔癡相憐家道語寫作送行詩

又

英雄失路集

卷四

十八

側岷知路險舟行候便風衝霾多進酒射虎大開弓
入幕聽方畧行邊習戰功猺歌寒月壯且莫憶江東

答寄

一樓秋色箇身閒寄我芙蓉紙上顏鐵馬影悲金絡
索木魚聲冷玉連環可憐情語長如水爲憶愁容懶
似山花意自香人自遠胸頭蕉雨泪潜潜

虎丘惜別

寒雲劔影伴溪流白月瞳朧欲護羞步碎鶴陰驚竹

夢聲低梅曲破猿愁吞來韻致蓮生舌說到風流石
點頭停管不吹花欲老一帆孤影上離舟

折花送何玉長

何郎折花將入楚口能雕龍手射虎慣磨盾上作文
章血灑筆鋒肆雄武少年仗劔走遼東欲殲王子屯
疆鹵大言邊帥無完兵使我丈夫泪如雨忽然怒髮
奔咸陽涼州并州悲刀瘡籌畫西域與土魯書生私
爲君王傷自古大將不殺良而今父子歸鉤鉞赤心

英雄失路集

卷四

十九

夜夜曾何倦琉球日本經策遍東南海島不得寧沿
海奸民自媾變願挾南塘戚總兵百萬倭奴一隻箭
載書披馬來石城石城葫蘆藏真人相逢握手秦樓
上濫醉仰髮窺天文說云望氣方城去方城公子多
好士粗豪俱是我輩兒英雄不在識虛字紅裙鐵馬
任縱橫咄咄書空猶怪事欲攬雄風上衡嶽衡嶽神
仙奏家樂莫哭長沙賈少年且對煌英相噉噉悲莫
悲今狂莫狂白玉自賤黃金香安得十萬贈何郎倒

出何郎珍珠囊高旗橫坐漢水上四圍借箸談邊方
我本文人而好武剛語作別未能腐不折楊枝折梅
花水心鐵骨衝天涯

贈張岱與學仙

富貴而天折天子正等閒東方美男兒導引常求仙
姹女偷鵲橋赤龍護丹鉛採藥茹名山餐霞吞高天
弱水能使強糞汁餘金錢射殺腹中虎嘔出鯢魚篇
嘗笑漢武俗老倒無奇緣生子不欲生神仙古語欺

英雄失路集

卷四

二十

人迺不然

江上別子雲

倏來倏去真可哀欲送不送船已開胸頭一點傷心
淚縱灑千行不出來

與文寺哭白鶴

每予到呼之而長鳴招之而三舞
他人不應也今亡矣夫

可憐白鶴夢無尋梧葉空飛雨打琴一自瑤池人帶

去十州久矣失家音

飲曾伯陽談八識

陰符讀罷學燃燈心即牟尼豈未曾雞舌有香薰醉
客鹿皮無夢睡憨僧雨來桐葉叅三昧風過蓮花說
上乘兒戲不耽枯寂了漫拋殘肉看飢鷹

送廖傅生採藥

五千文氣動龍精忽自天台採藥行飛來白鶴原朋
輩到處青山識姓名花態漫隨詩杖懶月情閒上夢
舫輕吞霞願作神仙事笑說胡麻是俗羹

飲張同野將軍園亭出蠻舞佐酒

英雄失路集

卷四

二十一

江南哀動北兒多綠柳黃鸝羈碧莎牙板拍迴胡地
月金蟬盤出漢宮娥鶴迷不去還爭舞花醉如來欲
聽歌將軍舊掌方壺牒玉笈閑修醉巨羅

題裾

四首予雲出雙兒翠微裾願酒紫白仙人墨
作長生縷也余豔題之

桂花香裏醉紅妝手付牙籤短和長此夜校書天祿

閣漫吹笙鳳伴王郎

風流淡淡奉長齋戲摘青蓮當寶釵最是羅人消受

庭羅襦結束未開懷

文章自古愛胭脂惹得風情不是癡六幅羅裙明月
下可憐幅幅好題詩

恰有年兒十五餘烟霞滿眼月盈裾牀頭一卷鶯紅
曲不數當年小婕妤

祝八十柳老翁

茅廬高卧日三春夢裏軒轅鬢影蓬筍弄曉風吹白
鳳丹燒夜月護黃龍壺中自種長生杏杖頂時摩不
老松日進流霞漿萬蓋芙蓉鶴背醉仙容

英雄失路集

卷四

二十三

題武劔卿別有天

曲磴雲梯別有天瑤臺時下碧霞箋人來白鶴同佳
話月對青山作醉眠讀書不厭看花酒供佛常嫌結
客錢自我題詩崔顥去風流誰箇李青蓮

寄劉晉卿孝廉

匡廬草衲白雲飛帝子遨遊去復歸源裏桃花斟別
酒堤邊楊柳讀書幃三天竺下司香火九老峯頭食
蕨薇爲嘆世人搥羯鼓好將玉軫抱金徽

答劉宗魯贈玉印

高卧風雲閉草廬不推阮籍路岐車常將眉目同山
話但把絃歌讀月書菊葉欲黃人去後梅花木白夢
來初多君玉印相投處爲念王孫餓釣魚

與清涼山頭陀

苦行維摩放大叅青山白月到爲關黃龍印吐無邊
舌白馬經翻一破襪佛法不於僧有二笠瓢惟合影
成三慈悲高坐清涼石指點凡夫就枕愁

英雄失路集

卷四

二十三

送王林功

桃花春水送相思簫鼓遲遲醉接籬秋色似從詩裡
過雲情常在話邊迷

與何郎

不對青山願對君風流光景好修文相逢欲灑秋聲
淚一片高情似彩雲

過許無射故園

杏花村裏作人家當日紅裙隱碧紗一自長眠春夢

去白楊青草暮啼鴉

與白陽居士

二首曾因奉佛下獄

可憐才子木囊頭，佞佛如何反似囚。
保得青蓮花舌在，任他鞭扑死皮牛。

正是慈悲佛祖恩，天堂地獄一空門。
好將鷹虎消殘骨，去到蓮臺禮世尊。

與王郎穉實

短髮如雲覆額長，前身應自侍文昌。
月明爛醉龍山上，風過時聞筆舌香。

英雄失路集

卷四

二十四

與劉無求

天許丰稜作狷兒，欲如毗睨欲如癡。
華嚴寺裏聽春鳥，樹上文章好賦詩。

又別子雲

猶喜征帆半日停，我來江上怨峯青。
乾坤雙闔一龍虎，天地孤飛兩鶴鳴。
淚到無聲惟是苦，別還重語不堪聽。
小孤山頂看雲卧，劔拂靈蛇遶七星。

問子丁疾

一逕黃花滿地愁，仙人鶴骨不勝秋。
羅衣懶佩雙鴛結，香枕頻扶蛺蝶遊。
好是玉壺遊世影，豈因金屋護人羞。
懷君最苦黃昏月，未到天明已白頭。

弔孫介臣哭母

丈夫失意從來苦，哭母剝心恨轉多。
可嘆肝腸俱已矣，不知天地欲如何。
白麻影裏啼烏鳥，黄土門前長蓼莪。
秋風夜夜芭蕉雨，似作機聲泣孟軻。

英雄失路集

卷四

二十五

東伯生哭栢

栢年十七歸伯生，遽卒有十二時愁。靜琴草悲絕千古，伯生以才來，兄子則栢才而我妹之正吾胞，浴中一個才女兒耳，有情者不我痴也。

聲聲如雨字如霜，十二時愁舊錦囊。
剪碎赤繩纏白拂，燒殘綠鬢煮黃梁。
人間已失風流種，天上應生薄倖娘。
子規啼破哀猿哭，蘇小堤邊草斷腸。

弔周雉耳汪若谷文燈子并孫太白

士月十五夜，家家作冥齋。

我念我好友而弔之，詩子丁為我題墨，怒飛為我放燈，文寺為我醉酒，恒和尚為我誦咒，而雉耳之子源長在座下對河流，撫心痛哭耳，已是時我叻孫太白詩與秋山兩闢奇之想，故特及之，丁已秦。

注五柳居月下

一溪寒水一葦煙爲買青山化紙錢地下苦逢孫太白醉卿深處好叅禪

太白

崑崙佳句在秋山白月紅雲拄杖閒漫灑一天桑落酒橫眠鶴背不知還

雉耳

滿船簫鼓載豪奴不見當年咤叱徒贈爾酒錢三百

英雄失路集 卷四

二十六

萬黃泉有客好呼盧

若谷

絕筆有山月欲斜鶴影側之句

犁鋤聲裏隱踈狂一代文章道我長肝腸雪白成紅

泪山影未亡人影亡

燈子

題溪女種花不種麻流水湯湯好作枕可

曾伴嬌娘學種花那知流水作人家而今欲寄相思

夢何處魚書託錦霞

哀政

二首于丁女政三歲字我阿雲能讀三字古一日夢老母索還珠彈珠化雀去而政必哀

哉

道路已難別骨肉奚堪悲但償三斗泪還負五更詩彈珠成影子呼政是夢兒所嗟留古字無復學呢呢

又

天能妬之子結心不在姻文老情逾重禍深意轉親生雖爲鬼子死豈事他人海枯與石爛終字阿雲身笑世

鳳凰高翼與星騎笑語甲羅者太疑免死未曾謀得

英雄失路集 卷四

二十七

策狗烹蚤已謝相知

題照

白雲紅樹浪浮山五岳裁衣戴斗綸胸有文章胎在

腹何年玉塵謁天關

英雄失路集

終

讀拔劍集

自宋儒以理學之名易士習而古來君王將
相之業多以不聞道見格矣遠度眼空千古
志隘四海毅然以天下爲己任而挾才未售
徒爲隱居之求乃尚論古來君王將相而揚
摧之蓋藉以吐其蘊穉之奇圯上之書隆中
之吟髣髴可見非如李元忠之濁酒素箏自
拔劍集序 一

歌自賞傍若無人徒豪舉爲也俗儒醉古人
之糟粕甘老生之唾涕乍聞此語耳聾三日
頭碎七分又何惑哉今海內多事
當宁左顧右盼動有乏才之憂試舉此集進
之知東南菰蘆中乃有如此人翊襄天步經
營王略何至廩廩借才于異代也干將之劍
衝星射斗其光燭天自非張茂先誰能賞此

遠度其摩厲以須之爲殷深源房次律以沈
虛名無實大言亡當之詬是在茲集也夫

遜園居士顧起元書

拔劍集序

二

拔劍集自序

傅汝舟曰已未夏余著君王將相書之餘系以題墨約得百五首太青子爲置牀頭萬斛金陵春一斛一歌一醉一舞起而拔劍如是者數數久不知劍鋒之或秃也童子負劍者跪進曰劍秃矣予視之秃矣笑擲之已而一舞一醉一歌一斛起而拔劍如是者數數久不知劍鋒之或銛也童子負劍者跪進曰劍銛矣予視之銛矣又笑擲之當予未拔劍時灑毫題墨

拔劍集自序

卷五

三

空中有蟾公子者來衣朱衣眉骨秀色指瓜較麻姑仙人覺輕舉盤桓予衿帶間顧予笑予不知何謂也予亦相視欲笑亦不自知何謂也遂別去嗣後蟾公子終日空中來更善衣或白雲色黃玉色紫霞碧梧色或遠若近異態大若小換形如鸞籠中化生人數數顧予笑予不知何謂也予亦數數相視欲笑亦不自知何謂也窈窕善狀有一室予見而人否否又人見而予否否者終無言數數飛去既而來低徊香案

間若有思者曰公子愛吾言乎公子復相視笑有欲言不忍忌予牙頰之忽漏者予已心領之多矣不復語遂拔劍爲公子舞公子亦即躍身劍頭上周流上下似爲予舞予曰公子疑吾劍乎公子復相視笑予亦不問太青子聞而嘆曰異哉我且更置十萬斛金陵春招子之客白鶴山人秀羸居士來我與子索蟾公子一說劍也予曰可旋拔劍一舞一歌一斛一醉且未計公子之來與未來也是劍也拔于英雄失

拔劍集自序

卷五

四

路集之後第五集凡三部六月十七誕生日記

拔劍集 第五卷

目錄

君部

有巢氏
 遂人氏
 庖羲氏
 炎帝姜軌
 黃帝公孫茶
 陶唐氏祁堯
 有虞氏舜
 夏后氏姒禹
 殷湯王子履
 殷高宗武丁

目錄

五

殷西伯周文王姬昌
 周武王發
 齊桓公姜小白
 晉文公姬重耳
 越王勾踐
 趙武靈王主父
 秦孝公廢
 漢高祖劉邦
 漢文帝恒
 漢武帝徹
 漢光武帝秀
 漢昭烈帝備
 曹魏王操
 後趙石叵勒
 唐太宗李世民
 宋太祖趙匡胤

相部

所高皇帝御諱
 明文皇帝御諱
 明貞皇帝御諱

殷相伊摯
 殷相傅說
 周公姬旦
 晉舅狐偃
 鄭相公孫僑
 魯相冠孔諱
 齊相晏嬰
 六國相蘇秦
 秦商君公孫鞅
 漢相國蕭何

目錄

六

漢留侯張良
 漢大將軍霍光
 漢高陽侯薛宣
 後漢丞相諸葛亮
 吳南郡太守周瑜
 晉大傅謝安
 唐蔡公狄仁傑
 唐郭侯李泌
 唐趙公李吉甫
 唐衛公李德裕
 宋太尉王旦
 宋萊公寇準
 宋魏公韓琦
 宋東萊侯呂好問
 宋尚書左僕射李綱
 明誠意伯劉基

將部

明太子少師姚廣孝
明少師楊上奇
明少保于謙
明與濟伯楊善
明少保李賢
明太子太師梁儲
明太師張居正

太公望呂尚
齊仲父管夷吾
吳將孫武子
齊軍師孫臏
趙馬服君趙奢
齊安平君田單

拔劍集

目錄

七

魏信陵君無忌
趙大將軍李牧
漢淮陰侯韓信
漢條侯周亞夫
漢營平侯趙充國
漢大司馬霍去病
漢定遠侯班超
東漢大將軍耿弇
東漢伏波將軍馬援
東漢尚書令虞詡
吳偏將軍呂蒙
魏太傅司馬懿
晉龍驤將軍王濬
北齊大丞相高歡
西魏尚書僕射韋孝寬
唐衛公李靖

唐行軍大總管裴行險

唐代公郭震

唐汾陽王郭子儀

唐臨淮王李光弼

唐節度使李愬

宋刺史李光弼

宋樞密狄青

宋大理丞种世衡

宋知開封尹宗澤

宋少保岳飛

宋參贊軍事劉錡

宋節度使吳玠

金人阿骨打

明中山王徐達

明鄂公常遇春

明穎公傅文德

拔劍集

目錄

八

明少保楊一清
明少保胡宗憲
明部督俞大猷
明太保戚繼光
明都督沈希儀

拔劍集 第五卷

江東布衣傳汝舟遠度著

君部

有巢氏

後代巢父牽牛避陶遂古有巢避獸而逃殺獸匪難
避獸迺高避舜與禹先已教堯不避舜禹豈無黃袍
謳歌者誰胡為往朝千古殺運不如一巢嘆剝林木
以鬪兮幾令我巢之漂搖

拔劍集

卷五

乙

遂人氏

禽獸無號必用火攻豈其燧人耑為以烹滂慾之性
千古無窮三十嫁娶所其厥終哀哉男女已馬牛風
庖義氏

殺之徒腥風不如食其肉不殺不可得耶且代五穀
忍以我萬民反喂彼六畜所以庖廚間宰割安為俗
父乾而子兌金刀切一畫

炎帝姜軌

大悲大慈神農子喜人得生嘆物死種來禾黍送飢

兒免使披毛常切齒楮鞭鞭草療毒夫毒夫毒夫今

不止嗟哉嗟哉爾神農百草難醫黑心蟲不如歸抱

五絃琴蜡時飲酒彈天風

黃帝公孫茶

五十二戰得天下念君失國臣再嫁大撓力牧各命
之爰燮春冬辦秋夏衣冠復生蠶復死聰明制作作
天子

拔劍集

卷五

十一

陶唐氏祁堯

征有苗伐西夏兵聲離離震天下極伯鯀今放驩堯
彼不才子皆憂愁吁嗟乎三危與幽州雖舜攝之堯
命囚輕富貴讓許由由曰何之子之富貴我也而羞
豢四岳以公與侯知有鯀亦功名中人一帝位穿其
鼻而庇其喉嘻乎嘻以天下還天下身何求兒童老
人歌悠悠

有虞氏舜

往耕往陶誰實使之買貴賣賤不自止之作聖作仁
混沌死之彼凶者誅陶唐去之無爲治歟元凱與之
解温阜財天風旅之謗木諫鼓光明修之歸層塗山
於堯趾之飭治文華軒黃軌之窮與人善尼丘履之

夏后氏妣禹

雷驅甲馬會塗山天錫當年殺水艱思到羽山魂斷
處九河流出淚孱孱

丈夫慷慨酬知己殺父仇多恩亦深三載哭堯悲哽

拔劍集

卷五

三

咽英雄自識假和真

殷湯王子履

天下非一主有德者自處放伐不於台軒黃爲之古
使哭桀矣淚成鐵矣躬把鉞矣亭山滅矣七年烈矣
人禱血矣桑林悅矣天怒泄矣

殷高宗武丁

醒耶夢耶允耶弄耶縱耶控耶衆耶哄耶帝耶貢耶

周西伯文王姬昌

美女破國嬖臣賣君聖人因之以救一身此一物兮
釋西伯此一物兮殪商辛獻洛去烙既智且仁六師
專征二有一殷於其子孫太白頭兮三聖謀兮虎崇
侯兮

周武王發

親矢三發何爲者昔日昔日爾君也以仁守之答皇
天刀劍几杖銘真言民靡弗欲財之而大散兮民靡
弗欲官之而大封兮財之官之八百年歡之封兮封

拔劍集

卷五

四

兮首陽山嘆兮

齊桓公姜小白

擒仁奪義呼桓公駕秦鞭楚如驅風割地拜祚老且
雄魚鹽車馬山海東如夫人子皆尸蠱

晉文公姬重耳

肝腸歸家舊土疆義旗吞楚動勤王河陽天子勞題
狩城女生來一猾耶

越王勾踐

噫余惡知姑蘇非夫會稽耶余惡知文種非夫鴟夷耶一膽二十年成事不在天苦哉武哉

趙武靈王主父

彼衣冠者誰子亦孺穉婦人爾不如胡服騎山中箭頭馬尾爭雌雄若榮失酪漿空不憐餓殺胡服翁

秦孝公嬴

分土分土皇帝之祖外戰內耕霸王斯兵

漢高祖劉邦

拔劍集

卷五

五

山東布衣亭長公好酒好色無酸風坦然肺腑羅羣雄疾者王者輕分封猛羽誰敢膺其鋒鴻門跼踏如蝦蟲逃歸壩上赤海龍東聲西擊疲重腫計搏楚霸如兒童嚼牛鬪虎縱虎凶虎力拔山縱則窮坐收一舉咳下功大言劉季今非空富貴歸鄉錦畫紅幾乎及乎狙上翁

漢文帝恒

吳儉投杖至越老奉書臣君王不愛彩愁殺慎夫人

漢武帝徹

豈跡弛有將相今迺將相有跡弛出師出師虜萬死作歌作歌墨滿紙非常任之自此此封泰山今武皇帝漢天子

漢光武帝秀

白衣老父戒努力詭言可渡水果實戰雨忽注虎豹泣天授真人白水職

後漢昭烈帝備

拔劍集

卷五

六

賣屨王孫兒宛宛善棲遲英雄孤與卿筋取三分時曹魏王操火鑪上著周文王欲取姑與瞞狡狂擒紹戮超智何長坐挾天子經四方青州兵屯許下糧吐脯歸心歌詩章不殺伏后才胡量

後趙石勒

胡雛嘯胡雛嘯一聲吐晉一吞趙琨逃不敢聞曹馬羞同調胡雛嘯南人哭北人叫

唐太宗李世民

鐵甲裹一身千里獨赴戰捲旗背陣中呼吸生雷電
千軍萬馬馳掛下如一線破家而為唐唐家李二郎

宋太祖趙匡胤

香孩管兒作天子黃袍加身驟然爾兒有大志母知
已天寒戰士賜貂紫杯酒兵權瀉如水一味老子術
陰美臥榻無人酣睡喜

明高皇帝御諱

振劍集

卷五

七

大明天子提干戈手扶日月揮山河掃除腥臊碎么
麼十方大地流清和張士誠陳友諒驚魂先落江湖
上犬羊驅逐八刺祖拾得餘骸歸去葬整頓乾坤匪
好殺一片仁心裹鐵甲金華女兒作好詩索誅於市
明察察太平將相封公侯將相作亂梟其頭帝自愛
臣臣罪尤代除殺運天心愁淮右布衣靖天下皇覺
寺裏真龍化洛風吹醒夢英雄天上月兒半邊掛

明文皇帝御諱

將軍治國今天子待邊用兵如神今陷陣無前唐家
太宗今差來比肩紹聖祖武今入奉皇天重譯稽顙
今億萬斯年子寧在用今大哉王言

明貞皇帝御諱

朝登極暮出治稅璫撤盡留賢至三十年來積弊除
方之堯舜無過是嗚呼哀哉一月崩忍辱菩薩歸天
中聖孫神子承英風

振劍集

卷五

八

相部

殷相伊摯

翻手事桀掉背事湯公然撻伐不學陶唐放爾桐宮
復爾君王任心忘跡古聖大狂彼幸野夫一犁造商

殷相傳說

來不知其由去不知其故托之一夢與一星靖殷正
在無言處

周公姬旦

拔劍集

卷五

九

披周書大文章金滕篇動彼蒼念孺子荷勞殫負宸
立代天王管蔡叔流言猖東被斧摧肝腸鴟鴞絕鎮
家邦鴻制作周道昌我公才美且良孔夢之述表彰

晉舅狐偃

豈其齊秦不知仁親嗚呼舅也惠我亡人豈其懷惠
克定襄王嗚呼舅也關我晉疆楚腦伏今天塊穀兮

舅

鄭相公孫僑

壞可垣也貨不可環也垂可橐也張不可不慕也嗣
我可我殺也火裂不可狎也非僑之仗仗先王之法
也

魯司寇孔譚

功業冠萬古闡明在六經緬想相魯日七日誅卯刑
墮都卽繼之巨族相顧驚所以不視朝讒間得遠行
若非稅冕去反遭不令聲撒手一失勢再勿談功名
朝市復飲羊去妻還可停揖堯誅四凶大舜得其君

拔劍集

卷五

十

吾師不遇主何爲動手輕智愚僉忌之履動大光明
因此二十年一跌喪狗形老來讀易覺庸德恒自箴
庸言與庸行龍德而隱存明道教萬世君相出其門
長夜起輦賸木鐸今叮嚀春秋洩所志傳經遺斯文
大哉我尼父刪述一聖人

齊相晏嬰

美哉室陳氏乎牛山有泪當滴枯以水濟水和也無
吾君也哉吾死夫仰天插血聲烏烏民詛民祝莫信

巫

六國相蘇秦

歸家妻戚戚出門相六國于戈掃除合從力秦人有
子不敢弋函谷開封十五年此時巧辯勝拙德噫季
子金多兮車影逼

秦商君公孫鞅

豈不知帝王非霸主所長刑傳黔其師法令迺滋章
秦孝公公孫鞅不覺前膝深思量

拔劍集

卷五

十一

漢相國蕭何

丞相追騎馬將軍歸釣魚築壇留漢業閣內掌圖書

漢留侯張良

赤松子即黃石公滅秦奪項何從容囊中收拾赤帝
子鴻門劍蔽為奇功餌使韓彭出大計分封都是他
人地八千子弟楚歌吹一吹吹斷烏江氣美人聽死
雖不利忽然捧出商山老兒童漢王任提倒

漢大將軍霍光

拜迎哭送九廟不動前有阿衡後有子孟

漢高陽侯薛宣

一紙恩書下縣堂宰官換却短和長而今耻辱生儒
士安得高陽告棟陽

後漢丞相諸葛亮

葛巾毛扇何足奇能驚曹瞞司馬兒三分蚤已畫胸
中出師表復聊上之兵殘糧少苦不足且向家門擒
孟獲南人不反窺北人五丈秋風一場哭空令司馬

拔劍集

卷五

十二

嘆奇才臥龍梁父聲哀哀只因先帝成知已八百株

桑肯出來

吳南郡太守周瑜

精兵三萬擒今日赤壁燒曹萬數十一手捏定看孫
劉煞有閒心能顧曲

晉太傅謝安

人謂不可測今我謂不可測以測今圍棋賭墅冷局
著一著今其子劫今豈待展齒折今樓櫓入海潔今

仕兮

唐梁公狄仁傑

閣老能兒戲呼聲縱博狂先王愁嗣姪太子動姑娘
竭心如苦衲度世在滂房褫袍騎馬去忍觸小張郎

唐鄴侯李泌

他人兒女自家泪點點滴出慈心碎保護君臣緩頰
間頓兵狎虜嵩山睡和氣蒸人醒者醉白衣宰相勳
名遂

拔劍集

卷五

十三

唐趙公李吉甫

為除藩鎮三十六還上元和國計書閑修天子家常
事忍使三勞七食餘

唐衛公李德裕

雖戰將權實平章職降無憂城追悉怛力回鶻鳥介
歸食背擊黠憂郭誼籠夷殺逆咄蔭郎中脫驢馬跡

宋太尉王旦

十日捷報當如何此語天地皆知麼乾坤握住一掌

在識得寇老何須多德明根契丹絹擢用張旻皆應

變喜殺觀書斬掣釵黃服簪花笑阿駮

宋萊公寇準

自提天子幸澶淵賄飲城頭縱博錢但恐金陵遮駕
去北門鎖鑰亦相便

宋魏公韓琦

孀婦莫教無作主先帝復生亦上皇安石不為相
國梁公重起學安唐

拔劍集

卷五

十四

宋東萊侯呂好問

朝中皇帝何在家裡元帥誰存太平御史執簡離亂
賢者閉門嗟嗟

宋尚書左僕射李綱

豈老臣之實著兮而不可倚悲朝廷之虛哄兮而可
耻兩河子弟兮惜哉道君皇帝登車兮已矣

明誠意伯劉基

脚蹴胡床奠帝基西湖佳氣酒杯時皇天自有星文

在宰相從來可不知

明太子少師姚廣孝

南無和尚殺人無狀黃瓦白帽語語非誑披髮吾師
脫劍南仗本朝袈裟興亡異相

明少師楊士奇

東宮消息一圖書手導儲君又建儲莫使保官來喫
馬趙王片紙已安諸

明少保于謙

拔劍集

卷五

十五

此時天地俱側側不得司馬誰寧帖城上傳呼已有
君廟自安今頭自血丈夫赤心報二祖亦可公侯可
刀俎復辟時宜早去之泣訴陳情鑒臣苦直待奪門
不肯休不休不休刀上頭

明興濟伯楊善

幣車推出去上皇捧載來乾坤復辟日功烈何崔巍
始知游俠中而養將相材材官驚膽落元老心徘徊
虜王聽者者舌戰何雄哉甲馬不用之笑語清塵埃

能返昭王駕一過單于臺假使去不返千古天地哀

小儒易視之笥垂飲糞萊卽厥奪門功亦不可埋

北狩旣已回南城何不開蠻夷且服之兄弟毋終猜

明少保李賢

名正而言順何以奪爲功此語殊不然乃有英雄風
欲褫跋躡者先此詒皇衷所以曹石輩斬逐如飄蓬
吏兵翺與昂同心在公官如何近代者股肱各其胸

明太子太師梁儲

拔劍集

卷五

十六

劍可齒兮號不可草邊可封今秦不可狡儲可議今
春秋鼎盛不可巧狂之瀾今障之倒

明太師張居正

萬里風行一指書朝廷線索自如如只因主少功名
大惹得猴冠老狀疎

荆部

大公望呂尚

蘇爲餌民爲魚後至斬釣王歟

齊仲父管夷吾

五家連兵鳧鴈橫行勤義中原挾諸侯盟坐定四民胸隱方城

吳將孫武子

不殺貴人今威不伸婦人可戰今况市人

振劍集

卷五

十七

齊軍師孫臏

無足走有足雁涓奔不速豈有十萬竈兩日死二六擣梁以救趙兵法較誰熟

趙馬服君趙奢

屋瓦屋瓦二十八日震破者一夜將軍上北山熱血

秦頭冷箭打

齊安平君田單

令彼凶之致我怒之燒牛火助之始信兵者氣上將

巧鼓之而曲護之

魏信陵君無忌

結客莫結豪舉客博帶高冠徒裂帛監門屠博有英雄四十斤錐鐵氣白竊符小小一女子丈夫能令女子死結心結客迺如此公子將軍有餘矣

趙大將軍李牧

水壅迺决火蘊迺烈鷹擊斯藏虎搏斯歇李牧欲戰今數年怯

振劍集

卷五

十八

漢淮陰侯韓信

水上一面生垓下十面死拔山之人勝下之子

漢條侯周亞夫

細柳營門戰鼓襲漢家天子待從容將軍果不成兒戲起斬吳頭臥帳中

漢營平侯趙充國

如之何有土不田士餒何以戰兮師老何以年嘆後世喪頭願費金錢老臣上方畧今飽中國敵四邊制

曰便

漢大司馬霍去病

一劍風行草自除將軍天幸殺休屠生來膽氣刀環

血潁國公今猛態如

漢定遠侯班超

三十六人橫匈奴三十一年雄霸圖五十一國如屠

沽大國一戮小國俘以虜攻虜捕麋雜仗天子威班

大夫

拔劍集

卷五

十九

東漢大將軍耿弇

南陽大業親擊住百萬甲兵胸武庫緩攻急取繫費

邑避實擊虛阱張步

東漢伏波將軍馬援

將帥風流馬伏波羊裘皮袴醉痕多故人門下糟壇

在兒女牀頭葦墓何塞外飛鳶鄉思苦眼前畫虎世

情叱老來猶自扳鞍顧意苾輕身好戰麼

東漢尚書令虞詡

一條絲線繫奸民二十弩牙射一人射人射人今來

朝歌攻劫偷兒應制料

吳偏將軍呂蒙

周郎志大而天阿蒙計卑而老江東徹備紫髯危荆

州一襲白衣巧

魏太傅司馬懿

自是知兵一丈夫不羞巾幗愛頭顱若非畏蜀真如

虎諸葛長驅到魏都

拔劍集

卷五

二十

晉龍驤將軍王濬

長戟開門氣壯哉當初羊杜却憐才饒君鐵鎖連江

下一炬燒殘風便來

北齊大丞相高歡

咄咄賀六渾一拳捶破鎮兵門詐徵并州兵斷寬離

鄉一哭擁所尊君不見劉文靖攝太原厥計猶然存

西魏尚書僕射韋孝寬

欲圖敵國破燒殘一紙書莫言攻守便謠歌射律屠

唐衛公李靖

衛公兵法正奇致人不致於人時大凡援兵不可
集江陵一襲舟散之蕭銑降今輔公祐結壘江西不
可渡欲老我師利用攻挑破丹陽失門戶操縱緩急
貴識變白道襲人如滿箭萬騎裹糧二十日乘霧濛
濛看不見頡利千里千里馬到頭跌倒陰山下而今
不少李藥師誰是當日虬髯者嗚呼誰是當日虬髯
者

拔劍集

卷五

五

唐行軍大總管裴行儉

獵可常戰馬蹄踏破都郵面兵可當糧車聲輾碎温
傳腸

唐代公郭震

四鎮兵謀國和戎城關疆將軍不好戰凍死老蠻王

唐汾陽王郭子儀

泣光弼裨葉護疲思射慶緒萬炬土蕃疑單騎葛
羅助諸道料精卒兵訣控一疏

唐臨淮王李光弼

昔聞下令斬中丞陣法從來地裡行自是神兵能掘
窟不閑夷種宄中生

唐節度使李愬

以夷攻夷以賊殺賊始知恩可結命賊可報國惜所
由李祐出今雪夜入吳元濟之宅惜

宋刺史李允則

敵同疆不可弱不可強陰施陽設神弛張浮屠兢渡

拔劍集

卷五

五

聊築墻若籠之中皆刀鎗鬼同謀兵允賊

宋樞密狄青

銅面將軍一出塞萬勝清軍忽作怪鉦聲再却機謀
大上元風雨度昆侖坐客行酒尚未停農種狄收戰

歸仁

宋大理丞种世衡

僧道婦人皆慣射姬賞胡酋不命謝自然報効隨所
討畫龜祭版搏元昊

宋知開封尹宗澤

死裡求生氣太雄
哭來王善結西風圍棋一笑曾收
敵釋甲相披總沒功
渡河無命江山死還駕何年日
月窮血滴肝腸誰拾得岳家有箇小精忠

宋少保岳飛

何不直搗黃龍府
諸君痛飲功千古
回兵勒斬佞臣
頭宋室先王臣作主而迺金牌十二面
父子歸來命一線哀哉忠勇好頭顱
不值秦奸一尺劍野陣將軍

拔劍集

卷五

三三

道學氣曰歸曰歸大失計不受君命將何忌
獨其縱橫結戰奇黃佐楊欽泣而誓詭罵張斌致太子太子
大哭馬先死馬血未寒人去矣痛殺兩河豪傑子恩
義結來竟如此

宋參贊軍事劉錡

太平邊帥圖逸樂兀术聲聞笑喙喙
五座橋頭神臂弓恐怕靴尖難趨落

宋節度使吳玠

駐隊矢疆反短制長更射疊陣弟曰兄良

金人阿骨打

仰天詐哭請殺一族硬軍心動國寶手獲

明中山王徐達

城兵嚴肅不知兵大將從來只此能正是
不貪財寶處不貪貪出大功勳

明鄂公常遇春

夢裡呼來金甲神橫行突戰膽餘身於今
采石高山

拔劍集

卷五

三四

上怒浪風狂坐老臣

明穎公傅友德

當年場山殺人賊一片雄風作硬鐵射穿腦後
鍛出來只是殺人不肯歇巴蜀雲南叱一劍
十燭階文書灑激可憐千刀萬矢功及到
太平絕不念

明少保楊一清

躊躇國計老心摧須是屯田闢草萊
牧羊河套還東勝花馬池邊一將才

明太保胡宗憲

百萬金錢用問熟七省長城海鬼哭揮霍有餘詭變
足擒濠不數王提督噫擒濠提督之囊事耶

明都督俞大猷

擊劍得兵法常山蛇如之樓船攻倭奴毋陸走團馳
列陣困餓虎一擊不可知蜂房水渦賊誘致之迺奇
堂堂之兵正正旗

明太保戚繼光

戰將先須練羸人莫自輸平生得意事實識與新書

明都督沈希儀

風雨旗頭總莫猜兵衣草色四山埋賊巢夜夜傳驚
遍沈老何曾一出來

拔劍集

卷五

二十五

拔劍集自跋

傳汝舟口題拔劍集終復以餘汁作歌誰弔猛羽吾
將酒之誰殺賊莽吾將刃之西楚霸王項藉咤叱中
原氣不平八千子弟任縱橫若非疎率鴻門去千古
安傳赤帝名又馬到烏江事可休何難一劍與人頭
笑他烏書弓藏者但愛劉家幾日侯新假皇帝王莽
剛暴易撲柔奸難攻善柔禍小雄奸毒凶哺之卵之
乳盡食翁推肝置腹反捱厥胸窮賤投續勢利孽子
方弱戢影毛滿肆鋒模畫周孔殺人從容盜仁假義
慕國竊宗大人君子易墮術中披儒生服取名士容
塗抹面孔奸人家風彼假皇帝乃安漢公歛險迥別
謙奸不同至人衡世凡百直躬是為跋

拔劍集自跋

二十六

書拔劍集後

善說劍者莫辨於莊生而其指歸在逍遙養生主至大宗師應帝王劍意固已荒矣夫劍金也五行之化皆有損獨金無損焉浸假漆園吏而應帝王大宗師也無加於無上無前之意而直至於爲榆枋之斥鷃所窺則安得不逍遙而爲養生主也此余所參悟於知非

拔劍集後跋

二十七

之後而後得之未易以語人者若吾遠度非不逍遙非不養生主而至一段飛揚跋扈之意則必大宗師應帝王而後快此所以拔劍酣歌較量於劍銛劍秃取古今帝王將相之有當者而爲之讚頌咏歌以寄其牢騷之感湖海之思而自分失路之英雄也夫英雄之究竟不銷於竺氏則銷於柱下漆園固柱下

之分身而竺氏之遺說也英雄氣未除則此劍不免爲拔山兒所笑况軻沫乎當諸侯辟上觀滕行莫敢仰眎眎沛公几上肉耳寧有胯下之餓夫至帳中起舞悲淒引吭對紅粉烏騅而不能自己則劍氣盡矣故應帝王不若大宗師大宗師不若養生主至逍遙遊而劍心劍魄俱化焉無上無前劍之說止矣不

拔劍集後跋

二十八

然倚酒狂歌猶然一笑東南菰蘆中豈無傳香如專諸慶忌者流必吾遠度耶嗟乎周公不夢用舍由人孔夫子且然又不獨莊生也辛酉冬日社弟陳翼飛小禹氏撰

題笙篴集賦

秦皇帝之厭東南天子氣也日門地肺待雄風而擢新爰始驅淮水之雙流以會青溪之縹瀉森瑟瑟之玉捲者實維金陵中貫之天津其應南斗之天梁于星市亦吳會之清涓丹洛也的樂乎其綺閣桂鷁之遞相爲主賓帆以代籠香之金霧水以代生蓮之珠塵顧

笙篴集賦

七

陸之郎纖逸王謝之姬輕媚才舞態飛于泣山之精麗各各自謂風流月暎之第一人字厥渡曰桃葉則阿敬之所擬江以自迎其嫺媛譜厥步曰邀遂則子野之所臥吹以三弄于陽辰若乃青溪三妹之嫵妍而神異不解其胡然二百霜之杪尚蕭蕭之精感以靈屯笙篴繫束素之要芳華導含貝之唇欲界洞

仙之風致宜若茲其駘蕩亦奚异其微遜清都直上之澹靚而忘情爰有抗五花七組之管以步天者忽漫飛一閣之煙築而翠泮向所配以艷絕結綺臨春之二妙其左掖枝交馨接之芳鄰又得復興淺乎于茲禁不浮于觴于琳璿之流月灑百篇于躑晰之幻雲揚才子之春爛召異代之清魂遂樹之槐眉曰

笙篴集賦

二

笙篴若髣髴就涇水雷霆之牧野傳洞庭貴主蕭條風雨之玉音踐宓氏拾翠采珠之波羅以割愛于后羿之所嬪探懷失江妃之珮于數步之有無靈杳杳兮悅追風之不可尋其氣偶而神匹乃不翅獨天五岳時與放歌遠嘯其檻端橫淋淋之典拍霞以上舉也直欲拂青天而詩掃麾白鷺以水吟卽冠岳者

之瓊想而水腸亦破調于謹聽曰箜篌裙帶
我其使酒憑陵之于是步天人以瓊瑛擊案
氣激而爲箜篌之曲儂獨婆娑今雲笠而柳
衣邀山以爲客納月以爲姬水中準今如席
舟成列兮如棋不勝洞簫之濤沸于香脂之
嗾今儂將聯美人七十二隊之鴛行以爲句
句生香之妙詩未旣瞥見其風颯襟而驟悲
箜篌集賦
三

現出虛無閣誰盤瑱礎架龍腮花挾曲欄棲
異鳥鳥轉花發春縹緲朶朶雲姬出笑歌珠
裙各繫箜篌好乍鼓清江立不流鮫人再鼓
藥芳洲三鼓如催瑋瑋座孔帳齊上珊瑚鈎
閣心佳客臨玉案歷校劫籙過龍漢滕以金
笥獻紫皇上元夫人親陪宴琥珀樽杓五百
牀對之一一汎霞漿飲訖已積丘陵筭欲紀
箜篌集賦
四

去去流餘響聲高一聲不堪仰秦淮未涸溪
涵青人間莫掃懷仙想擲筆而起果然雲一
葉自鍾山徠徘徊爲回風之舞則閣若失其
故武者豁見線作長江曾清光之綴地莽漫
漫乎不可以俯也天五岳大笑曰我尚將定
萬古風騷之權衡于人間世其報命有佳期
不必遽攬化人祛以直造 帝所也久之若

笙篴集賦

五

還棲其溪上復得桃葉桃根之檻憑而柷鼓
者焉則明月之却者殆三舍五夫人以徧開
八萬三千戶若戶戶送天香于長生樹底之
羽衣贈玄霜于金藥淵頭之玉杵其潤筆不
乃萬倍于皇甫氏之三千字字三絹之與估
耶爾乃士女之芳涌于錦浪香風之靡者真
乍我儕爲揚州空中半夜玉笛之相續而向

來蔣家姑與所拉玉樹流光照後庭之張孔
且惶恐遯曰箕奴曾靈振之未汰其蚤見笑
于天人之湛暎乎而

天五岳山人文翔鳳太青氏誤

笙篴集賦

六

篋篋集自敘

傅汝舟曰春水方生有羨波上與予目成挾雙鬟向
曰兒篋篋故居也君侯有意否予方目未停而頷之
額渺然雲際因閣題之金陵人家山水秦淮第一勝
秦淮士女桃葉渡第一溪桃葉風流篋篋閣第一植
古柳五參差回互閣委蛇抱之下垂上遏雲如千萬
條活綠玉搖動帷幙笑水簾不值半點矣柔條拂溪
常挽溪花不流童子以釣枝漾之簷牙水滄吐朱欄

篋篋集自敘

七

空檻若一曲殘霞睡青山中山東南來閣東北厥朝
暮秀韻作對面滴夏日停午微侵暑都人士正停午
歌吹作崇羅綺酒饌作妖主人暑驅而得喧避是篋
篋第一隱也遊人去月姊來鋪柳籍水碎影擺曳襟
帶無風自涼光清欲香有情人間隻蕭娘歌或聞寂
一聞楸枰落子聲主人性喜醉讀夜飲盤桓曲欄達
旦不管驚破青山白鳥夢耶是篋篋第一月也春秋
間非臥華嚴空山中則歌窳此水涯無歌霜風生簫

鼓歇沙鳥出落葉舞雪月皎肅倍常直欲瘦殺廣寒
仙子者雖河流枯不知魚樂開簾悄觀閉戶寂聽刁
刁調調不知風聲樹聲莊生所謂天籟者耶是篋篋
第一淡也向遊人燒獸炭進羊羹避寂如毒主人從
書籤鬼嘯間得之呼兒命漿篋篋美人時彈絲押拍
在樹頭作錚楞一聲若獨弔此寒月有意乎君侯者
是主人第一篋篋也因爲前後吟地與情會筆來捺
人次第成卷時已未除夕紅月洞記

篋篋集自敘

八

篋篋集

自序終

篋篋集 第六卷

目錄

前篋篋吟
後篋篋吟
緗霞仙子謠
落星嘆
痛哭二首
渡黃河弔子房山
遼事有感
將軍之子歌
題文太青嬰鳴卷
投詩贈汨羅
真道兄簞瓢子
讀若王將相書
讀仙翁佛子傳
武夷山夢騎龜二首
過子陵釣臺
潘次魯得名藥
題許任宇鸞籠二首
張三郎遊西子湖二首
月飲啼
桃花萬樹歌
寄鼓歌
余世奕職方圖棋歌
弔杜鶴林劉省吾大將軍
送鄒臣虎諫歸
野菊
破寺
投林
浪閣

目錄

九

浦城道三

曲曲灘

詞大茅峯

漱石亭

木魚和尚

題寫華嚴經者

招搖歌

棋盤歌

細字吟

丈夫一出歌

溪女謠

與韓求仲殿撰

哭黃與泰大中丞

送尋詩生

復蘇二首

文太青投我文章生氣歌

池面夫飲鷺門山

與讀書者

荷花洋

送天台老

別大兄三兩

荅茅止生除夕嘆

若所思

寄文寺未歸

與鄒公履

與戈行可

看王季木詩

東鍾伯敬

藍阿瘦惟子

題張相公家澹庵

與張夢澤兵憲

目錄

十

真余中台薄土
真謝韶石兵部

別艾子魏
飲龍潭

與陶梅舍卿
與王修徵女冠

懷蘊公
與處士吳虬

十六艷
問侍兒月上花稍幾許

挑燈坐
小語脂香襲

開簾引燕
春朝風雨惜冶遊人

同三五女伴道小名
聽新聲垂泪

筆彙集

目錄

凭欄聽芭蕉雨聲
花卜

拈蓮子打鴛鴦
挽垂楊作同心結

榻上花影
諷咏柳枝詞

浣手綉觀音
傷春草多情

吸花露
銀紅衫子詩

夜來曲
儂欲來三首

題吳本如中丞女樂二首
題趙家侍兒裙二首

哭徐平父世濂二首
哭香兒庚兒

讀筆彙集

筆彙集

目錄

十二

篋篋集 第六卷

篋篋公子傳汝舟遠度著

前篋篋吟

雲如笠兮柳如衣山如客兮月如姬水如席兮舟如
棋簫鼓如濤兮發清溪歌喚起兮翠眉低美人如詩
兮吹香脂醉篋篋兮百花居

後篋篋吟

停胡笳兮悲夜光鴈聲高兮影在梁歌舞絕兮鷺鷥
飛黃葉積兮鳩鵲涼夜容凍兮山變月誰家砧兮風
生鐵美人怨兮篋篋咽鬼嘯雨兮書聲烈梅花雪兮

卷六

乙

一樓白

纈霞仙子謠 林屋洞道書第九洞天予曾深入其中
前事載吳遊記

天雨珍珠結林屋車礫浴碧珊瑚綠石上香蓮垂白
玉千枝萬朶吐不足纔通一線窈百曲盤古靈芝混
沌鹿龐眉四叟說劍術手挽天根迓月窟中有仙娥
枕花宿秋菊為姿點水骨織來絲線成霞幅剪破文

人巧心續餘霞散綺裝靈錄龍女天孫花一簇當時

夢裡曾相熟出入扶桑句親讀絳桃片片細裙出白

鳳長吟壓朱竹獨憐凡火催人俗相看遙遙當一哭

分我天葩卅錦褥他年王屋低聲囑手授禹書語在

目威靈丈人徒逐逐

落星嘆 石較十大鐵色有聲五指痕森然在竹溪
寺

我欲一斗澆醉爾想是酒仙謫來矣搔首為贈青天

詩或者文昌小石子又道東南一將星殺人歸去遺

篋篋集

卷六

二

其形腹中有響聲錚錚似向人間語不平我欲拔劍
劍鳴咽劍冷星文星帶鐵更誰捫之有掌紋才人指
爪成天文五色星文化石降仙公還煉補天上

痛哭 二首泰昌元年十月

六尺孤君坐刃芒一無師保與爺娘朝中已久思伊

尹海內于今望霍光堪嘆三人成僞虎可憐九牧盡

亡羊長沙不敢高聲哭天地間來絕慘傷

三百年餘大曆疆國情今日慟

高皇怪事莫如愁，幼主惱人還不在遼陽。絲懸九鼎，河山重髮引千鈞。血脉長江南，暗灑英雄哭。日月雙扶系，泰昌。

渡黃河弔子房山

河流聲斷古徐州，山有英雄樹大謀。秦破一椎敲楚，火霸殘餘著佩王。鈎雲迷黃石，兵書匣風捲烏江。鐵甲頭亭長不須歌，猛士功名已付赤松遊。

遼事有感

笠篋集

卷六

三

國事皇皇未可知，牀頭正是捉刀時。莫言伊尹耕猶晚，且說陳搏睡尚遲。大將有誰齊仲父，上謀那箇蜀軍師。如今肉食虛名者，不值東山一墅棋。

將軍之子歌

將軍之子王郎奇，丘眉壑眼條髭射殺長白山。下虎生長遼東老，健兒父死爭功不得立。割鬚剪髮向天泣，但願東夷莫震驚。空門不向轅門揖，鐵嶺開原俱告變。劉社生魂一隻箭，金伏海蓋忽然空。楊豚李

大成何功更惜寧，前一帶土白送奴酋生。受苦蒙垢

亂斬逃王頭，碎剝熊皮羞。鑿鼓江東和，尚伏草哭改

名異姓號旻麓穢，迹金剛咒夜持此禿。不比凡家禿

一條鐵棍劈天起，血迸眼光丈十許。口稱天子復疆

場更爲父兄雪，餘耻數珠一串虜。王頭百萬冤魂一

時喜一時喜去語，巡邊孫相公河山未復莫遽止。

題文太青嚶鳴卷

太青嘗東予曰僕性率直即才

自宗子相之騎睛虹而去也更不聞有采芙蓉于清江醉百花之芳洲將使人間筆墨渴死漢欲長

笠篋集

卷六

四

既何乞太白之餘唾而不得亦自萬劫夢不著也
鍾山之精蔚爲顧麟翁王駱之掣鬚峯也其靈心
圓映三江月絳顏疊成五色雲沈香下揚妃之泪
長庚墮酒星之魂吾以爲東南天地吾與足下且
分席各帝一方從此席捲八荒于詞府之雄思固
爲若者稍卷然大鵬希有之雙搏也且爲宇宙先
生樹崢嶸之氣也乎狂夫之言貢之同調又曰大
都佳人戲筆便是奇句西北止許高王東南得吾
兒他紗帽人俗殺人休道步天騎星自遇我阿傅
也故篇中悉之

關西一出文天瑞，忽使長安紙價貴。裁雲濯月披煙

霞，五色文章空裏續。來向泰華仙掌睡，誤唾春花秋

雨墜。時探家傳筆墨精，蒼頡茫茫欲下泪。夢裏常過

邵康節月窟天根手自攝和盤托出大微經滿腹清
風化雪白夜夜披星讀道書不使黃庭紫氣歇丹頭
筆頂燦靈光太白太青分不得班馬莊騷爭共駕王
楊杜宋承佳話中原大雅主者誰千古文壇掌聲價
南王北李久不作近代人文東高閣常言古法高孩
之格調沉嚴力不弱又喜山東王季木藝苑清光勁
手足復道江南顧太初佳麗珍珠簾下宿咲他啾啾
蟪蛄聲不見天池祇自俗喪馬林下安逐鹿捫天一

笠篔簹集

卷六

五

語驚人哭僧繇畫龍盡其睛伯樂相馬相其骨相逢
呼我步天子濫醉金陵春萬斛懶向凡夫發大歌握
手青天掃一幅天地無聲君自續素娥爲贈玉龍鞭
鞭向瑤天了舊篇半行隻字三千年剩墨亂落崑崙

巔

投詩贈沼羅

午日秦淮大社黃侍中祠邊

我愛秦天子來弔屈大夫始皇鑿山流六朝燦水都
白玉琢成樹紫金銛爲魚羅綺神仙裝樓閣天人居

卉柳巧位置山川真畫圖鷓鴣飛哀哀鴛鴦羣于于
紅雲簾翡翠青霞鈎珊瑚香鑪傳繡裳花船招錦繡
水開桃葉影歌倩竹枝扶榴色裁羅裙蓮心織綵襦
慈指調鸚鵡朱唇吐鷓鴣菱荷風裏坐梧桐月底呼
笙簧簫管協琵琶笙篔簹俱雲衣心濫漫天鏡趣模糊
只此風流晉何必雲山巫合歡無已矣離騷胡爲乎
感嘆沼羅日薦享苜蓿蒲芻因遣石城水爲接洞庭湖
碧盞盛豹漿瑤盤劈麟脯脩觴名麗華侍寢號清姑

笠篔簹集

卷六

六

堪笑大司命不值一老奴謝彼雲中君戀我酒家胡
長干女自媵湘夫人猶浮劍斷炙鴛羹詩含辟兵符
邀我黃侍中陪茲彭咸徒侍中揚清波俠烈標明
朱大夫砥狂瀾愁苦悲楚吳龍宮恣咲歌唇臺借歡
娛繫臂光灑漱守宮聲醍醐釵挑珍珠龍筆支芙蓉
區金李沉雪缸瓠瓜押冰壺解憂惟美酒適意當柔
膚爲雲迷芬芳傾城醉醺醺大招詞末工小臣志獨
殊願言湘思魂慰此秦名殊當年厭王氣今日弔臣

孤

與道兄簞瓢子

爰有簞瓢生傳心弄丸始日月挑兩有愍人肉尸死
手摩胭脂月牟尼珠寶美庖羲一畫前箇箇人如此
天根立脚跟自乳自家子一孔穿尼丘東方咲李耳
胡僧證道歌九年看壁水包裹乾坤痴顛倒風雷喜
切在心胸間弄丸翁妙旨須彌大法輪一簞一瓢起
問子何姓名陳雷後裔爾宜春臺下住一潢勉初矣

笠篋集

卷六

七

嫖罵王陽明皈依朱夫子良能的親良知還不是
著書累萬言一聽世人謾所以坐石上白眼只天視
一白衣二黑隻履踏九紫我稱紫白仙恍與子相似
投我月中書葉葉青蓮蓋何自冲霞飛瑤池伴阿姁
讀君王將相書

閑披宇宙快文章將相君王總戲場若不主人能醉
客一番歌舞盡顛狂

讀仙翁佛子傳

家鄉老子畫婆娑拍手相看發咲歌天竺蓬萊行處
是蒲團拄杖誤人多

武夷山夢騎龜

二首

千歲靈圖夢裡來蓮花葉頂結成胎前身舊是黃安
者高坐玄文禮上台

白雲公子報歸家恰到山前御寶車知是仙人念遊
足月明負我去看花

過子陵釣臺

笠篋集

卷六

八

百尺竿頭釣太空行人停拍問高風可憐千古垂綸
者也是當年賣菜傭

潘次魯得名藥

白雲蒲袖紫霞香夢向巫峯月裡狂且把屠龍長劍
掛英雄處女不相妨

題許任宇鷺籠

二首

踏空天地寄長歌籠裡歸來世界多只恐物情都變
俗不知可是昔年鷺

莫高籠裡讀書聲讀得書聲鶯子驚唾出美人宜飲
酒於今不愛讀書生

張三郎遊西子湖 二首

西冷舊署百花侯近採蓮舫作臥遊寄語孤山雙白
鶴主人歸矣不須愁

五柳空筵吹晚霞六橋西處醉琵琶尋仙說劍都兒
戲且及瓜期去看花

月欲啼 山中藉草枕花天風颺颺秋宇遐邁命孺
子舉酒孫郎弄蕭張郎度曲不覺蕭態如

篋篋集 卷六 九

月曲態如影而姿姿蕭月曲影間者菁華嵩久冷
之長雲也因歌月欲啼

月欲啼影欲飛飛來飛去雲何依簫聲不辨度曲誰
音吐白鳳雙株梅千秋一夕甘心催翩翩欲化高天
垂白玉樓頭帶爾歸一拾青霞一掃薇

桃花萬樹歌

一片紅雲空裡墮丹山采鳳交相錯忽然化作紫裙
飛枝枝龍女珊瑚過珊瑚織就錦文章嫦娥輕抹胭
脂裝誤因酒醉瑤箏旁零落一天花衣裳散雲散雨

腥紅香腥紅朶朶開萬幅誰把仙詩抄染出千山翠

地鋪霞玉朱顏巧卸鴛鴦宿琵琶撥碎桃花曲桃花

馬踏桃花路桃花袖惹桃花樹桃花雲散桃花塢咲

語花深不知處桃葉桃根帳天步十萬紅裙賣花戶

寄鼓歌 客至不能飽而聊得醉破庭中有大兄偏
將軍寄戰鼓一令奴搥之吹作下酒具

鼓今土兮嘯如虎兮彼薛兮魯兮聲酸楚兮戰催酒

今雷門舞兮醉賓主兮漁陽苦兮喝日月倒今伐天

鼓叫兮

篋篋集 卷六 十

余世奕職方圓棋歌

規者矩之母蒼者卦之祖何以知其然天居地之先
天圓包地方何獨圍棋焉後世有余子剗角于其間
是非已黑白曲直鈔我權彼已分剛柔圖圖藏脆堅
余子通兵法握竒空四邊姑婦無子著于此正得僊
四方六合俱全一着圓通統大千

弔杜鶴林劉省吾大將軍

五星何故闖東方大霧風摧短不長肝膈兩條沖太

乙頭顱十萬泣遼陽衰楊經畧空傳箭蠹李逋逃且
在林安得漢庭趙充國屯田鏖戰補勤王

送鄒臣虎諫歸

直叩龍顏一上書天門狼狗欲雙鋤黃金世界謀臣
入白骨丘山戰鬼居祖逖有鞭投斷矣賈誼無泪泣
漣如收藏大志隆中去秋水蘆花且釣魚

野菊

霜下偏宜亂籬邊卽是家黃冠居士種白鹿道人花

陸篋集

卷六

十一

破寺

半壁題奇字孤龕雜紫藤野雲爲佛供燐火作禪燈

投林

茶譜隨詩案竹竿還釣磯武林輕薄夢不上木魚飛

浪閣

浪客文章閣詩林紅樹侵柳描眉裡色梅嘯笛中音

浦城道上

三秋菊不見十月尚聞蟬子規啼甚拙禽語亦分天

曲曲灘

曲曲山迎送回回水備攻舟行之字內人在陣圍中

謁大茅峯

風流來謁大茅真可是前身與後身記得碧霞親種
樹不知何故落紅塵

漱石亭

漫數寒山一片玉孫家石頭古不俗當時漱得未如
意至今嚼破鍾山綠

陸篋集

卷六

十二

木魚和尚

爲借松雲讀道書相逢月下睡蘆醒來失記閑名
號喚作山中冷木魚

題寫華嚴經者

旃檀磨水寫華嚴朵朵青蓮放筆尖若使寫心如寫
字如來親手自摻摻

招搖歌

禮子壘中作

披河岳兮履風雲戴星辰今朝帝君佐萬邦兮救庶

民懋昭王今克對親中心祈今統斯文靈馬來分車
旂紛

椒盤歌

椎牛髓今割境唇吸鯨飲今樂歲成桀鬚髯今趙武
靈醉伐鼓今集雄神長劍舞今羶裘衣笑李白分窮
賦詩脯人肝今吐虹霓楚真人今秦無知摘椒花今
獻母慈

細字吟

笠篋集

卷六

十三

我有萬愁詩嬌娘心曲裡借子入其胸纖纖模幾許
十大洞天書願借鏤空筆寫來藏耳中至使鬼神栗
丈夫一出歌

丈夫不出則已矣一出豈可不如此借問如此何爲
哉殺盡匈奴無遺骸天子受辱將軍死破碎河山老
秀才茅子胸間有大志脫下頭巾來看世揄王馘虜
亦等閑渡海出關容易事今人莫嘆班定遠但辦鐵
心天可轉黃金買士虜間首刀劍縱橫如伏邪吾儕

中國自有人用技用長莫用短戰者不守守者走楊
李熊王如棄狗夜靜與子醉談兵十日胡盧不合口
去去見玉欲邀人鄰族原許嵩山有

溪女謠

寒雲瘦盡山容露晝樂無波凍花渡春女吹簫邀笛
步曲中忍錯尋郎願歷亂梅花散幽處昨日相思今
日暮

與韓求仲殿撰

笠篋集

卷六

十四

天下文人第一奇官袍着處紫霞披風流舊署湖西
長蘊藉今傳帝者師入鳥不驚聊與夢看山無語自
哦詩十年漫髮留痕手黃石經綸未厭遲

哭黃與參大中丞

幾回痛哭不成聲國士肝腸風雨驚兩句文章突于
古百年心血滴三更大海鴻波悲孺子長空明月弔
先生何時龍劍高飛去北斗飄搖草墓旌

送尋詩生

暮雨蕭蕭楊柳枝秋聲吹瘦菱荷時好對遠山閒獨
坐逢人不必亂題詩

喂鶴

不屑如卿學問天買山久已失金錢夜來更有傷心

事喂鶴無糧倍可憐

復蘇

客漳病亡矣復蘇題壁二首復亡又復蘇記之

琴聲猿嘯竹方牀月醒梧桐吐異香寒泉照下仙人

影花鳥留爲紫白裝

篁篔集

卷六

十五

一劍長雲遶萬峯紫霞零落掛孤松月明鳳過吹簫

伴香氣諸天染十重

文太青投我文章生氣歌

十萬風雷筆底馳蓬萊仙譜少人知文章一自題生

氣千古爭傳吏部詩

池直夫飲鷺門山

醉我青峯萬丈頭杯光紅掣海波流西施左挾要離

右粉萼刀花何處愁

若箇

青蓮閣子月來時花散香塵步底詩鶴抱孤仙護雲

睡芙蓉遮作帳兒歌

與讀書者

潦倒青天總不如朝朝斜跨酒家驢胸中醉有真圖

籍咲聽兒曹夜讀書

荷花洋

一溪紅影洒香風醉殺江南打睡翁好欲劈蓮乘瓣

篁篔集

卷六

十六

去蛾眉小月笑當空

送天台老

鬪奕紅雲罩野袍衲頭時復伴征刀芙蓉一漿千山

去鶴養門前花種桃

別大兄三雨

衙齋燈夜將北試

吾家清白惟傳家八代衣冠披紫霞上世殺人常如

麻吾祖種德如種瓜東門坐肅靖胡笳矯矯虎子生

阿爺天子賜印鎮三巴么麼跼蹐如蛭暇青霞白月

排官衙歸山一幅乘雲槎吾兄讀書富五車投筆拔
劍吞胡沙將軍令下海無譁風捲紅旗閃日斜倭奴
負弩軒髯嗟道是天吏能安遐帳下雄兒聲啞啞老
將坐咏看梅花太平人主新年華銀簫鐵鼓銅琵琶
幕南燈火朱雲遮營中細柳啼春鴉啼春鴉弟去上
書將雲笏五色筆補天孫媧

答茅止生除夕嘆

徘徊河梁上顧瞻河水枯人生不得志歲月皆如無

篋篋集

卷六

十七

終歲已不樂春風何爲乎安能放達爲高士自古多
愁是丈夫

苦所思

子云子情深不禁我憔悴思多未見思宛轉反開
與其潔身來不若奉身退雖云岐路間我知子亦泪
若非情所褻已久辭郎去但因褻所情欸欸留子住
因知相嫌時正是思深路思深一不思所以生嫌故
同在怨惑中情真理難露結交不喜新結心當念素

有心不子結有面任子唾鳥亦有閑閑泉亦有互互
寄文寺未歸

相見卽相歡斗酒命千古相歡卽相見不識別離苦
忽聞子別去令我頓無語三日不見之杳然如敗土
不見八九日醉醒不自主况今匝月多但覺泪如雨
刻刻不可離如何千里阻感情嘆逝波傷哉剝我汝
李陵不念漢河梁泣蘇武小弟去事蜀棄我狗與虎
可憐彌正平四覓孔文學安得之子歸颺碎漁陽鼓

篋篋集

卷六

十八

桂花桂花快吐開我欲促之三郎來篋篋閣下月兒
歪楊柳依依潮打回
與鄒公履

人頭杯子盛心血不報恩讐不丈夫且去悲歌屠狗
者得娥眉處好呼盧

與戈行可

自是蓬壺小謫仙咲從巫雨學安禪筆花剩有描眉
譜車果高于賣賦錢

看王季木詩

一片孤雲照冷星
筆峯遮斷半天青
大夫自有名山業
何必勞勞哭醉醒

東鍾伯敬

化工自是好詩人
萬壑千峯俱有神
若指風雲都一色
眼邊多半是凡民

盡阿瘦惟子

幾條孤樹一行雲
瘦盡山容絕好文
有夢不須流出

笠篋集

卷六

去巫峯十二正氤氳

題張相公家澹庵

不將書劍伴豪華
却是當年宰相家
自許雲心翻貝葉
豈隨花氣動琵琶
人傳天錦裁經幟
佛與名香御寶車
菴在斗牛官闕裡
仙公夜夜坐浮槎

與張夢澤兵憲

欲彈長鈇向明公
四海騷壇一代雄
足國已先黃霸政
掄才時帶郭隗風
馬頭春雨千山出
劍底秋霜十

月同高憶故人
天上坐書生
何日出鸞籠

與金中台博士

獨將古道自扶持
牙笏歸來夜讀時
六館文章揮玉麈
半天星斗浸金卮
梅花香冷仙人骨
山色高飄靜者詩
且向池邊釣明月
一竿龍臥一綸絲

與謝詔石兵部

烏紗岸幘自名流
謝屐登臨咲五侯
酒酒欲吞彭澤水
論文獨占岳陽樓
香篆忽傳紅袖底
瑤箏時聽白

笠篋集

卷六

二十

雲頭相逢爛熳花
朝日醉草兵書解國愁

別艾子魏

潯陽江上哭琵琶
三匝無棲夫伴鴉
燃豆可憐還煮豆
覆瓜堪嘆即嘗瓜
雲迷駒谷千山斷
月冷鵝梁萬木遮
流水溝頭莫嗚咽
十年知我是燈花

飲龍潭

潭水沉沉碧月空
明浸之荷尋香入
夢山送色題詩
魚摘倒星處
風迷生雨時
夜深吞吸冷呵護
不曾遲

與閻尋合卿

亂髯素心子酒氣欲蒸霞
朋輩揚州鶴文章上死花
好俠看鎚鐵尋僧坐釣槎
願將時義度度盡宰官家
與王脩微女冠

合是瑤池侶相逢喚夢如
蓮花冠子下楓葉衲頭初
山色常搜句雲情是秘書
西湖放生去解落佩金魚
懷蘊公

不見菩提久因懷鉢底詩
古庵千尺冷清磬一聲遲
笠篔集 卷六 二十一

竹杖經何處桃花開幾時
為期山下草常捉劍頭思
與處士吳虬

袖裡傳仙訣談鋒露舌鉉
自家饒認古時輩誤稱狂
嗜酒尋屠狗封侯咲爛羊
可憐今日事豪傑正相妨
十六艷 偶拈女子心銷夫氣然道人之夢與清風熱矣非好破綺語戒也

問侍兒月上花稍幾許
三枝開舊兩枝新誰照花
心欲怨春為探嫦娥曾過
去莫將孤影又撩人

挑燈坐

半夜銀缸聽子規相思花
結影空垂拚將夢緒都燒
盡燒盡相思却為誰

小語脂香襲

一顆芳心出語難低低私
訂在花欄纔看榴子分牙
慧只覺朱櫻氣吐蘭

開簾引燕

愛殺雙雙不肯離紫釵爭
影鬢邊欹花繡莫墜銀鈎

笠篔集

卷六

二十一

妬為取呢喃作伴兒

春朝風雨惜冶遊人

櫻桃花濕海棠羞吹斷笠
篔懶下樓何處王孫歌舞
地恐教芳草一般愁

同三五女伴道小名

字字鶯紅字字珠大家姊妹
大家呼只因簾下高聲
喚惹得鸚哥亂叫奴

聽新聲垂泪

誰家酸語作風流不比尋常度曲愁
簇損雙娥花露
滴無端春色忽悲秋

凭欄聽芭蕉雨聲

汨容愁濕綠羅裳
滴得心頭一樣涼
閑來颺颺迴廊
下漫灑輕敲總斷腸

花卜

不問金錢却問伊
並頭開日是佳期
殷勤紫袖深深
拜細語無聲有祝祠

篋篋集

卷六

二十三

拈蓮子打鴛鴦

荷花香裡影婆娑
交頸雙雙自在過
劈破蓮房輕撒
去打他真箇是憐他

挽垂楊作同心結

恨殺腰枝鬪翠眉
儂心原許汝心知
依依攀束長亭
上莫爲行人管別離

搦牕上花影

無那風搖日影移
且將針抹樣兒奇
輕輕勻就胭脂

水恰是南簷第五枝

諷咏柳枝詞

條條新綠染黃鸝
小韻拈成四句詩
可憐字字皆堪
折折得柔枝勝竹枝

浣手綉觀音

爲寫菩提入兩眉
戒環洗出大慈悲
一針一線旃檀
水願借魚籃送子隨

傷春草多情

篋篋集

卷六

三十四

萋萋舖藉落花英
怨綠關心淺淺生
莫遣弓雲輕印
破留他粧點伴啼鶯

吸花露

曉鬟初罷理花觴
嫩玉誰搓顆顆香
欲綻朱唇分一
粒蜂鬚應是妬嬌娘

銀紅衫子詩

利國驛壁間題云銀紅衫子半蒙塵
一盞孤燈伴此身自嘆芳容誰是主
那堪冷落舊時春

可憐人怨可憐春
衫子銀紅血泪新
莫向郵亭題恨

句郵亭都是薄情人

夜來曲

丁香寶結漫輕開一點腥紅月底裁無端惹得昏昏
睡只爲歡歡昨夜來

儂欲來 三首

芙蓉花類半邊開錦帳流蘇手自裁等得一鈞天月
上郎不來時儂欲來

畫卷牙籤意懶開同心結子不須裁燒香只是癡癡

篋篋集

卷六

二十五

坐郎欲來時儂欲來

半掩羅幃半且開些些語謎倩郎裁多情慣是無情
話儂不來時儂欲來

題吳本如中丞女樂 二首

巫山扶出一團雲月浸芙蓉動舞裙愛殺天然玄鬢

影画畵何處不宜君 藍珠

牙板芳心拍已飛夢魂化蝶不須歸相思滴滴難消

受翠暈生香遶十圍 翠燕

題趙家侍兒裙 二首

溫柔鄉裏絳紗中玉煖犀香韻不同扇底鶯聲歌喚

出瑤臺吹下醉芙蓉 犀玉

錚錚骨節帶琵琶纔問年兒已及瓜正是名園歌舞

地寶珠先發嫩山茶 寶珠

哭徐牟父世濂 二首千里來問予詩去卒

哭我文壇少墨兵些些兄弟又飄零知郎亦有相思

夢多在青山月半明

篋篋集

卷六

二十六

常言未屑作神仙去去而今到幾天風流骨法來歸

我一曲篋篋不少年

哭香兒庚兒 時予息踵聞空中語云朔日鮑姑來

如期生香鮑姑者太守玄之女授抱

朴子尊仙翁之術又庚生色顏如芙蓉山天女侍

兒脫出先是予過芙蓉祠中心適有動云兩兒俱

姣好無天相各各有受生符香百十餘日庚八十

六日何爲者哉聞神仙家借胞生胎死了一切數

去之惟恐不速所云寄寶于人不隔宿取也兒豈

以我父母爲仙晚佳蓮廬也哉

哭殺仙兒小鮑姑香消鶴瘞隱蓬壺刺來一點芙蓉

色又被風吹冷淡無

莫說仙緣事有無可憐玉色堊花壺
菩提原是多情種兒女情多自丈夫

讀筌篔集

幾行歡笑幾行悲獨立筌篔欲爲誰
但將仙骨來扶世不抱榮枯繫兩眉

筌篔集

卷六

二十七

藏樓集敘

遠度以天上謫仙之才盡讀人間未有之書
發爲文章傲睨千古橫絕一世因感異夢哀
所著七言律詩百首曰藏樓集余方病困六
月中偃竹牀歛榻榴枕憑班絲隱囊令兒子
從旁讀而聽之遠韻高情雲飄霞舉奇香異
采神艷色飛如穆滿八駿騰踏瑤池之陰雖
藏樓集序

乙

王良造父御之六轡如組所爲追風躡雲不
受御勒者自在又如西王母上元夫人金支
翠旗同降于集靈之臺侍從服食續紛襍選
總非人間世耳目所恒邁者信乎其爲絕倫
軟羣甲甲聲律之學雖拈斷枯髯走入醋甕
卅世安能遊其樊也昔濟南以七言律詩自
貝評隲唐人謂王維李頎頗臻其妙子美篇

什雖多類然自放矣今觀其所作後之辭人稟爲功令然正如小乘僧守薄伽梵木义不敢踰尺寸試問以一乘圓頓之教不與法脫不爲法縛者相去何翅霄壤以若所爲在今日手藏樓集讀之得母有如望洋向若而嘆者哉弇州卮言以大海回風興到不刪自許以峨眉天半雪中看標置于鱗且曰此義邈

藏樓集序

二

矣寥寥誰解者蓋嘆兼才之難以余目中所見可以語此其惟遠度百篇斯其至矣余因題諸首曰非坐蓬萊方丈間日以天酒三斛滌其腸胃者未易爲此語非緹馬聞風縱轡玄圃曳綠玉杖往來于十二樓中者未易聞此語子雲稱長卿賦不似從人間來余于遠度亦云余老悖不足當鍾菴姑書此爲券遠

度其尚從藏樓中訪青裳童子叩所居誰氏質而問之

天啓乙丑夏日同里社友顧起元書于秦淮之西有堂

藏樓集序

三

藏樓集自敘

傅汝舟曰予曩者中秋之夜坐竹方牀命童子煮長
生栢子湯時萬松俱寂明月在天俄合眼微坐行身
空中見危梯宛折如虹千盤百曲梯皆竹雲封之重
重空中有聲曰藏樓藏樓梯蓋登白玉臺方廣十多
丈光瑩欄檻見世上遠紅近白碧淺深妍似百萬衆
香國攢簇也迺童子報進栢子驚予予覺衣裾俱香
蘇體汗下曰神行耶然非夢隨進栢子一碗畢後忽
藏樓集自敘

四

置身前瑤臺中臺後神樓五六各各離六七丈俱煙
迷其足不知結構以鐵連環擲渡之有青裳兒翠簪
雪色守其戶予歷渡其一二未遍倘即所謂藏樓耶
此段常在心下庚申秋適來武夷山中談徐仙人遺
事住幔亭峯以鐵連環擲空中成橋至今仙蛻在焉
予因憶之曩夕所謂藏樓者又安在耶因作藏樓詩
別有賦載莊管集中收拾近草七言得百律呼童子
錄一帙白雲封固之寄上藏樓去作異日一函家信

耶時天啓乙丑春紫白君自記

藏樓集自敘

五

藏樓集 第七卷

目錄

藏樓
樓亭峯
閉門
泛海
紅月洞天
春雪空苑閣讀書
山居
長嵩
三月花
坐西湖第三橋
前華嚴山有感
岩石庵
落花艷
閣
題起
官寺天后裙旂
官人入道
名士枕傾城
過龍宮灘
江上七夕
明妃出塞圖
曉鏡十二樓
蕭史弄玉圖
天台仙子憶劉郎
美人走馬長干道
將老馬思蹄
空裡仙人打玉球
猗蓮

目錄

六

美人秋江獨舸弄曲

西子湖

烟霞

飛來峯

入武夷山

坐樹下

衢州道上

秋汀讀書

無事

閒雲

過山居庵

山中

採芝

艷詩

泉松亭

煎茶

寄書

春夢

寄天台舊和尚四首

回首

落魄

立地

對酒

燈船六首

星花

羅綺

金氣

放燈

鼓吹

朝眠

春深戀酒不歸去

剪情

藏樓集

目錄

七

乞藥

談兵

獻策

曠祭日題七幅庵去

怨別

答卓去病

參芙蓉山悟大士

題弄世軒與張九也

祝顧隣初少宰

與菴輝

與吳寬生

與東隣女

遇大兄三雨南幕

與遍周

蕉陰

山裝

藏樓集

目錄

八

小鄒白日掩荆扉

與周也仙談秘蜜

與虛生居士

與白大將軍談中黃

送何玉獻招兵

與朱稚鶴大參

龍潭何二水雷雨共話

問天源和尚出山

與劉清之

張彥先飲山中十日

逢阿鳳

陳元鵬來秦淮

與茅止生

喜大兄歸

與季木止生卜山

送楊孝求之楚

與何不顯兼寄宛陵寸夫

送申青門歸虎丘

與許倫所林下

送李漁父入都

與劉無求秀才

送許瑤房入官

和菴輝秋日山行

與李雪衣

西溪睡

問梅病

醉中

藏樓集

目錄終

藏樓集

目錄

九

藏樓集 第七卷

紫白君傳汝舟遠度父著

藏樓

白霞梯子萬層長聽得鸞鳴喚帝鄉三千世界桃花
色十二樓臺齒香鐵鏢作橋風外響玉鬟守鶴月
中涼閒來徒倚欄杆遍親與雲英醉雪漿

幔亭峯

手攬朱雲結幔亭空留峯影上真形水向意中流出

藏樓集

卷七

乙

白山從天外摘來青花開滿樹晴霏雪瀑响長泉雨
帶星誰把鐵船空裡架一聲玉笛冷蒼冥

閉門

一幅長蕉白鶴圖綠楊深處釣絲孤攤書厭取英雄
訣噴酒聊成道者符睡裡浪稱花額虎影中空咲碧
髯狐月明供我多兒戲且署雲嵐上大夫

泛海

梧嶼大洋中

一旌指破綠雲邊舊是胡僧杯渡禪山地俱空惟有

水蛟龍欲上只餘天八方洗出玻璃國萬里爭飛翥
翠船但見雪峯流處處蒲團波頂臥安然

紅月洞天

碧樹條條小玉舳洞門琥珀月輪高靈軸舊披香案
卷雲衣時換雪山袍澹同溪色孤同鶴詩到梅情酒
到桃一笛天香吹散落臥看毛女醉題毫

春雪筵簇閣讀書

柳色梅香凍曉殘仙猿時拂玉欄干冰絃滴瀝簷中

藏樓集

卷七

响粉帳披迷閣上看衣照山人天樣白劍隨龍子骨
爭寒只因貪讀君王傳誤濕青蓮水月冠

山居

道人疎性自麋猿坐破蒲團獨懶言窓內一床搖竹
影門前千樹種桃源看山尚覺濃雲俗聽鳥時嫌亂
水喧剝有相知梧頂月行藏莊管問茅園

長嘯

相逢長咲紫霞邊擢手軒髯欲問天纔挾古僧來看

劍恰隨天女坐歌蓮一溪花鳥尋仙路逐日山雲貫
酒錢閒臥筵侯亭子上漫題清句浸名泉

三月花

樹樹紅枝與白葩山山錦色鳳毛遮分明雪國開燈
市恍似霞城鬪玉車才子筆中爭艷麗化工心裏放
高華願將碧綠葡萄酒醉殺江南百萬花

坐西湖第三橋

風流但愛第三橋山素泉明鶴語迢欲伴梅花雲外
藏樓集 卷七 三

坐豈同桃葉月中招香氣不從裙帶落清光何必笛
聲嘹仙人別領湖南趣十錦王孫雜酒瓢

宿華嚴山有感

偶因遊俠誤鍾聲今夜梧桐月底清夢到紫微尋舊
侶人從黃鳥續新盟山中宰相愁天子馬上公侯嘆
老生自是雄心閒不了漫敲棋陣過三更

岩石菴

松棚竹牖卷蕉書荷芰逍遙服遂初諸葛有龍閒咲

咲莊周無蝶夢蘧蘧黃鸝啼斷勞臣路白鶴飛藏道
者居可以當年裘馬客桐花爲飯木爲魚

落花艷

點點風流撒不歸錦梭紛織亂霞幃三千宮女香裙
舞八百仙官彩袖飛山自多情溪影媚天如好色日
容暉黃鸝白燕閒收拾盡爲花垣護紫薇

閒

人境蕭蕭只似秋看山題水亦閒愁願逃角枕遊仙
藏樓集 卷七 四

夢懶向糟壇拜醉侯半榻書籤雲意冷幾楞梅影月
痕收婆娑顧步長松下爲謝麻姑補衲頭

睡起

療饑吞得紫霞漿愛惜長生選藥方但把雲嵐爲僕
妾且將花鳥當文章竹聲不譜雙鴛曲泉語時聽白
鹿裝睡醒黃梁無箇事一樓松雨打西牕

瓦官寺天后裙旛

裙花剪碎白雲腰爲供菩提五色描昔裹金蓮拖繡

慳今扶綵線束青霄鸚哥疑聽玳瑁響栢子時焚欸
段飄自掛旛幢香夢冷如來色界挿空標

官人入道

不着春衫着雪衣戒香薰去漢官妃水瓶猶帶昭陽
雨雲菱曾遮太乙旂荷葉冠隨高與下桃花人出是
和非月明蓮漏沉沉落一冊黃庭學煮薇

名士悅傾城

影中如畫韻如詩花倩桃容染雪肌彩筆夢棲金鈿

藏樓集

卷七

五

熱翠環香遶玉籤癡自甘情死成才調不管城傾忍
別離歡在蓮心恩在骨文章曲曲上蛾眉

過龍宮灘

欲尋牛斗犯天槎黃石玲瓏滾白沙帆在鏡中龍噉
雪影同月底玉噴花筆屯雲谷三千浪劍擊雷門百
萬車可是鮫鮪帷裡坐水晶樓閣作人家

江上七夕

爲許仙人弄玉簫淡華雲漢月痕飄波迷裙帶明河

影舟鎖着鈿烏鵲橋茵背露沾鸚鵡瘦梧桐香惹風
鳳騎天孫願借風流錦一剪詩袍醉碧霄

明妃出塞圖

結束娥眉去漢家珠旗風裡抱琵琶馬嘶冷斷天南
月鴈影底迷塞北花金屋無緣過玉輦鐵驄薄命聽
銅笳相思總似題紅葉流出官牆一任差

曉鏡十二樓

可是巫山雲雨峯天邊螺髻影重重霞飛彩線盤鴉

藏樓集

卷七

六

結日吐金鈿墮馬容睡醒淡粧如瘦損梳成青鬢尚
蓬鬆香迷羣玉芙蓉帳曲曲欄干面面逢

蕭史弄玉圖

跨鳳雙雙帶月遊鴛鴦人影碧山頭玉簫新譜相思
曲翠羽輕裁一色裘芙蓉花帳同甘夢孔雀雲屏不
解愁若過廣寒宮裡去嫦娥應自妬風流

天台仙子憶劉郎

勾引桃花咲入來千香萬蕊撲春懷朱鸞不肯牽衣

住白鹿無情把洞開好夢似雲留玉枕相思如水到
瑤臺上元懶赴夫人約一任紅英溪口埋

美人走馬長干道

畫鼓鞞鞞束彩裝乘龍如慶赴高唐金羈襪鎖鴛鴦
小玉勒裙拖翡翠長娥眉舞破空塔月鷄舌飄來滿
路香似欲騰雲天上去萬花堆裡整衣裳

將老馬思歸

碧蹄蹴碎鴈山秋明月刀環自攬愁報罷將軍三萬
藏樓集 卷七 七

里繫殘胡虜百千頭耳邊颯颯金風苦鬣下蓬蓬鐵
鼓憂何日玉門關裡去長楊嘶舞醉花侯

空裡仙人打玉球

擲却瑤笙打玉球碧桃萬樹在前頭蹴來月窟雲中
播拈得花輪景外遊紫鳳欲啣珠影去素霓如結彈
兒投一丸弄遍三千界姹女金童咲未休

鞦韆

綠楊陰裏繫朱條何處仙人下九臯鏡袖欲裁雲樣

落子鞋如掛月痕高釵頭小鳳飛紅玉帶底雙魚舞
絳桃驚起黃鸝啼過去錦棚惹出探花袍

美人秋江獨舸弄曲

花漿搖搖唱薜蘿閒情分付阿誰多娥眉低處青山
皺瓠齒溫時白雪呵影入畫中如濯玉香飄雲外欲
衣荷楓頭一葉先驚醉染出相思懊惱歌

西子湖

畫船簫鼓夕陽遲十錦塘邊鬪翠眉三竺綠圍千佛
藏樓集 卷七 八

相兩峯紅染六橋詩繡簾香捲鸚常醉芳草裙拖馬
亦癡若問淡粧西子夢月來人去欲醒時

烟霞

坐對長松品碧泉芭蕉雲影落衣前老僧入定花間
立古像叅禪石上眠江色澹明供半榻山容空翠捧
請天紫裘一入烟霞路不信西湖有世間

飛來峯

石頭飛水水飛山飛入山門畫掩闌青鹿採花雲外

獻白猿啣果月中攀岩深百怪常遊戲夜靜諸天任
往還更上發光峰頂望千重紅紫百螺鬟

入武夷山

獨袖黃庭出酒家名山結伴臥青霞雲外碧峯峯外
樹澗邊紅石石邊花曲橋百尺烟封洞古栢千重月
浸沙閒看雙雙飛白鶴雪衣仙子護煎茶

坐樹下

波遲風細鳥聲恬閣裡山容透柳簾欲隱歲星金鑄
藏樓集 卷十 九
馬且懷仙子玉爲蟾劍珮斗寒侵鶴背珠衣雲濕晒
花尖嚼來世事渾無味淪茗搜泉懶食塩

衢州道上

一棹長風釣浴龍木蘭爲梅摘芙蓉脂勻紅樹三千
里翠林青山十萬重流水濯成鮮錦石落霞啣出碧
羅松月光紫綺裘中白星斗文章墮酒鍾

秋江讀書

蕭蕭蘆篷雨絲絲紅蓼招搖欲送詩雲影乍寒花影

寂猿聲初起鶴聲遲水流翠色含山夢山帶玄裝爲
水癡淡蕩長空烟萬里孤帆一劍讀書宜

無事

十日風吹雨洗山綠雲迷柳柳迷閑溪花不解漁郎
意竿影常知釣者閒白鶴問天沙際語黃鸝守月樹
巔還道人一幅青松夢多少烟蘿眼底刪

閒雲

閒雲疎月意悠然澹泊茅廬隴上出慧業人騎香象
藏樓集 卷七 十
戲宰官身枕木魚眠綠琴窓外傳青鳥紅粉樓中長
白蓮花落古潭無箇事獨將裘馬坐安禪

過山居菴

柳烟杏雨竹村過冷衲棲遲舊薜蘿啼鳥不聞天下
事閒雲如識意中歌行踪未許驚麋鹿衣帶何須着
菱荷且向昆盧問消息枕頭支劍聽波羅

山中

山中風雨枕中來綠玉孤仙濯柳胎批點烟霞閉日

事護持麋鹿道人懷垂竿坐釣魚相識汲水煎茶葉
自裁懶取十年忙宰相羊爐紅火白雲灰

採芝

評花說法又談詩一別蕭蕭不可思山水有情人有
意醉醒無地怨無時出門拔劍雲俱斷歸路囊琴月
自遲莫問商山採芝者漢家羽翼在何期

艷詩

桃花源裡作人家嫩綠新鶯束絳紗玉管有聲吹引

燕樓集

卷七

十一

鳳翠長無力影塗鴉白雲醉處堪藏鼎紅粉香中好
結珈坐到月明雙袖舞嫦娥應許放光華

巢松亭

王吏部尹愚構華嚴山予讀書處

巢松亭伴紫雲平山與尋交鳥與盟吏部甕頭時醉
倒謫仙臺畔獨閒行臥龍欲醒花中夢捫虱何談月
底筌千古風流江左事謝家棋子晉家兵

煎茶

為學仙人煮月華玉爐石室點秋芽菩提洗出名泉

雪貝葉燒殘小鼎霞山氣欲從眉上落花香如何掌
中遮一杯已自生風去何必盧郎七碗奢

鬻書

丈人黎火已成柴奇字無人問古齋竹冊凍辭明月
去梅花孤向白雲開愁王自署兼窮羈病印纔捐領
恨差檢點舊裝三尺雪賣書留劍自磨揩

春夢

三年春夢夢中春風冷梧桐折角巾芒屨欲尋新地

燕樓集

卷七

十二

步釣竿還裹舊絲綸菊花有綠投閒衲楓葉無紅老
放臣自護名山空翠骨白雲為屋草為茵

寄天台舊和尚 四首

回首

英雄回首只歸僧次第休心到幾層燒死殺人三昧
火挑殘救世十方燈蓮花作伴常憐月貝葉為餐似
飲水可記綠楊歌舞地當年打馬復飛鷹

落魄

天涯落魄嘆人豪，夢裏無糧亦賣刀。舊是酒徒曾露頂，今爲衲子不披毛。看穿日月雙橫眼，包裹乾坤一破袍。放脚白雲山下臥，行藏可似割鬚曹。

立地

屠刀立地證菩提，豎起雙肩與佛齊。無礙姻緣成木石，偶逢骨肉是兒妻。半生家國皆勞域，千古侯王亦血泥。我舊釋迦門內客，雄心未了聽啼鷄。

對酒

藏樓集

卷七

十三

長干對酒罵諸侯，大笑長吟總是愁。餓走丈夫爲釋子，喚回豪傑不窮囚。人情日日渾如夜，風景年年只似秋。未及天台閒老子，兜鍪無影上光頭。

燈船六首

秦淮午夜舟人結水燈爲戲，璀璨幻麗，風流歌舞絕代未有。

星花

雲樹星花落紫微，蛟宮簫鼓匝溪飛。六朝金玉同時海，萬斛珠璣逐浪圍。夜夜霞光爭海市，船船香艷奏江妃。遊情呼月愁呼日，厭聽城烏不肯歸。

羅綺

醉殺秦淮羅綺行，石榴千樹萬家鶯。俱將歌管酬天地，但欲花香染太平。一年月日如重日，十里魚龍不敢聲。驚起嫦娥推鏡看，迴紋亂織錦波箏。

金氣

秦皇金氣種齊梁，流到于今發夜光。火裡亂飛青翡翠，影中錯出紫鴛鴦。管絃無賴渾如夢，花柳多情總欲狂。自是君王萬方舞，可如桴鼓贊陶唐。

藏樓集

卷七

十四

放燈

放燈頻遍散花籌，天許風流未解愁。寶焰千盤傳琥珀，銀星萬點護笙篴。宛虹噴笛行空舞，彩鳳垂笙照水遊。盡是瑤池閒伴侶，豪華原不愛封侯。

鼓吹

鼓吹青溪作畫圖，行行蓮葉當氍毹。香分鮪帳千門火，線繫驪頭五色珠。劈碎月光疑浦洛，燒成雲氣雜山巫。鯉魚燈裡將雛曲，絡索連環拍彩鳧。

朝眠

朝眠夜飲鬪繁華，恰似春梅吐醉花。紅雨陣中飛過燕，紫雲堆裡戲長蛇。錦溪浴女遺霞帔，脂水尋仙貫斗槎。笳鼓漫催宮樹曉，陳隋哀調剩琵琶。

春深戀酒不歸去

宋仙人藍喬有春深戀酒不歸去老却碧桃無限花之句

功名悔把勒燕然，欲向糟壇結古禪。傲世至今惟有我，誤人還是不曾仙。子規叫破家鄉月，棠棣飄殘客邸泉。回首白雲天際近，看他紅碧亂芳妍。

藏樓集

卷七

十五

剪楮

為選南山翠滴詩，高標霞格剪無枝。一樓雲影常留住，滿樹花光盡發時。但覺隔凡成淨土，不知何處是瑤池。自從手奪天工後，萬紫千紅總送奇。

乞藥

壺裡春風月放花，杏林鋤破渡邊霞。携瓢入市常騎虎，擲棗歸囊任枕瓜。欲把黃芽煎白蝠，但將蒼木點丹砂。長生自有房中粒，何必名山認作家。

談兵

大將長生向死尋，磨礪白刃在黃金市。兒拔膽留頭骨，壯士貪名捨腹心。蛇龍起陸機，歸殺草木皆兵虜。自擒五花八陣開，名號一字靈符止是陰。

獻策

獻策歸來舊布衣，竹竿還上釣魚磯。酒杯白眼青山在，劍匣寒泉赤練飛。甯戚飯牛常過夜，公孫牧豕可曾肥。相逢但學華胥臥，莫為曹劉管是非。

藏樓集

卷七

十六

臘祭日題七幅庵去

綈袍誰念故人寒，短劍長吟行路難。自嘆半生癡鮑叔，可憐誰箇假曹瞞。囊刀駐馬家何在，借箸無魚鉢。倦彈風雨漂搖餘，七幅丈夫那處不辛磻。

怨別

冷落梧桐鳥自呼，鳳凰山下夕陽晡。懶題鴈足傳書帛，羞畫河梁泣別圖。桃葉水邊流夢遠，竹枝歌裡聽聲孤。相逢可記臨邛道，當日同來賣酒徒。

答卓去病

謂古今辭人常有才子不常有辭人銖積寸累可力為而才子滔滔莽莽一往

無前非命世不見擬議綿載惟余州具體而微長卿稍有其似此外即空同開天歷下拔地不在此論也以觀于今不得不以此事推足下矣嗟哉去病難言哉感而謝之

誰掌文昌上將權筆花自古放青蓮凡胎不入烟霞

價仙骨常嫌脂粉錢華岳聳詩橫地上黃河流句到

天邊本朝詞苑多華客只剩騷莊作浪篇

參芙蓉山悟大士

千年消息眼中傳烏兔飛沉已道禪貝葉寫成無字

藏樓集

卷七

十七

紙蓮花開出放燈船應知作聖還留我自信無凡不

問天熊耳山頭閒打坐水瓶雲影盡悠然

題弄世軒與張九也

欲彈龍劍倦哦詩夢裡長號醉咲時萬卷破書雲外

了一聲孤笛月中知大言姬孔皆成拙謾罵曹劉總

是痴但挾蓮珠花底臥閒拋白雪戲紅霓

祝顧隣初少宰

先生李耳自前身止足常羞問濁津迹跡風雲堪護

世螫庵鱗甲愛藏真八千歲裡應雙筭六十年來第

一春報道樓頭萬梅發和美原是探花人

與蘊輝

六十年來說解醒瞿曇孤影對山清十方衲子歸禪

棒四海文人受化城松下不隨孤鶴舞潭邊時聽老

龍鳴吹髯撒手航遊戲欲到如來頂上行

與吳寬生

寄我菰蘆俠士詩道然千古特相期龍蛇筆向冠頭

藏樓集

卷七

十八

觸金鐵聲常紙上馳東海有人齊仲父中原誰是魏

無知可憐共洒蒼生淚欲出山來事已遲

與東隣女

咲語簫簫第一流不知何處得閒愁舞迴紫燕花生

妬歌罷黃鸝月解羞秋水鬢雲侵半扇春山看影鬪

高樓相逢楊柳絲絲下為寫芙蓉許並頭

過大兄三雨南幕

萬水千山去路迷馬毛蓬脚任高底同氣豈曾分達

迺傳家原不讓夷齊鶴鴿守月先人墓騏驎生風大
將聲海北江南嘆兄弟出門射虎臥聽鷄

與過周

雪白冰心坐老禪定中遊錫過三天花香投地惟皈
佛雲水隨緣亦問僊行脚虎依秋月冷衲頭復咲暮
烟還峯頭一點蒼霞破爲噉如來洗鉢泉

蕉陰

十里蕉陰古洞深紅塵那得半絲侵鳥啼花落傳消

藏樓集

卷七

十九

息水淨天空看陸沉幾葉白蓮包骨相一枝碧柳供
威音偶來散步藤蘿石不覺雲扶又出林

山裝

一東山裝烟靄深桃花時向鶴衣侵聽琴只覺孤壘
瘦衰藥常妨白石沉俠士有心酬劍氣道人知已在
泉音松窓暮雨蕭蕭落猿鹿封關懶到林

小鄒白日掩荆扉

瀟然自掃竹窓間客到無門有鹿眠樹下綠雲常作

席石邊紅蘚得搜泉衣冠畏俗還逃影筆墨隨幾已
入禪山鳥一聲人意懶夢隨書枕學遊仙

與周也仙談秘密

胸藏六甲好文章不許時兒亂道狂肝膈已沾豪士
譜衣冠聊結古仙裝相逢明月尋高樹獨寢名山吐
異香石上我來書授去黃公原自識張良

與虛生居士

風流老叟號虛生喜濯滄浪孺子纓歌罷獨招狂客

藏樓集

卷七

二十

醉睡餘但共古僧行閒來不屑英雄話悟到何貪放
達名今日暮雲簫寺裡當年短劍舊荆卿

與白大將軍談中黃

可是東隣隱故侯枕頭瓜熟夢悠悠紅顏欲醉壺中
月白紵長歌塞上秋人許將軍能辟穀天亡胡虜莫
藏鈎風流懶畫麒麟閣願學緱山紫鳳遊

送何玉獻招兵

一片紅旗捧將星江東豪傑報朝廷帳中名士尋孫

策門下冠軍識衛青山海能熊應盡洗東南日月半
生靈夷吾自脫縲臣後霸業隆隆鼓電霆

與朱稚鶴大叅

鼙鼓聲中仙吏家雌雄雙劍抱名花經綸已久傳黃
石姓字從來掛碧霞調鶴不驚春至草題詩常愛月
生華于今坐咲鯨鯢靜文武丹頭自煮砂

龍潭何二水雷雨共話

匣裡青銅作浪飛老龍乘醉報秋歸風雷入坐爭談
藏樓集 卷七 二十二

咲精恠隨人聽指揮荷葉香迷千壑雨桐花雲護半
山薇呼天倒瀉清涼水一洗凡間俗是非

問天源和尚出山

一卷楞嚴擲澗邊西湖春水鬪嬋娟鳥啼月落袈裟
破山靜雲枯杖閒自愛桃花來舊地不將蓮葉供
諸天當年已被儒冠誤莫爲儒冠誤老年

與劉清之

英雄酒漢是劉郎電目虬鬚苦瘦狂窮到短刀剛一

尺恨添長泪足千行虎龍咲識分諸葛鷄狗羞談總
孟嘗何日天心方厭亂王孫已久釣淮陽

張彥先飲山中十日

十日逢君未掩關長松落落鳥聲寒文章醉我非因
酒風雅留人不爲山黃竹雨中聽獨鶴白雲影裡到
雙鬟莫憐涸轍相嘘沫共與唐堯護有鯀

逢阿鳳

月裡相逢柳下時畫船簫語韻吹詩天邊彩鳳能常
藏樓集 卷七 二十二

引波上雙魚願好騎紅袖宜人看劍萼白衣匡主臥
花肌平原不必多收客竊得兵符是阿姬

陳元鵬來秦淮

予有紅月洞天

風流自署謫仙人未許湖山臥放臣草檄有才何必
蜀桃源無地不爲秦鼎中採藥吞龍虎夢裡題詩散
雨雲且向桓伊邀笛弄白霞紅月故相鄰

與茅止生

出門長咲短歌還弓掛扶桑月影彎好夢一番勞將

相青銅三尺看貪頑西山東郭皆無累北海南陽總
不聞人意未寒天意冷題書青鳥問雙鬢

喜大兄歸

戰袍新色換芙蓉倦射鯨鼉且釣魚酒氣白雲啣箸
笠佛燈紅影照兵書已知壯士行歌罷但挾名妹隱
臥餘好鳥在花風在竹收藏虎咲愛吾廬

與季木止生卜山

萬木深山萬頃湖道人冠子伴樵夫影呼白月三人
藏樓集 卷七 二十三

友夢繞青天一幅圖好把功名存草莽莫將姓氏混
屠沽桃花樹樹紅雲罩啼過黃鸝玉唾壺

送楊孝未之楚

萬點蕭騷一斛愁住山不得釣魚遊酒瓢時為花瓢
卸書籠常將藥籠留赤壁影搖桃葉水白門人踏洞
庭舟月明莫向衡峯望只恐相思在上頭

與何不顯兼寄宛陵士夫

時不顯爭御史辱上事
被逮宛陵

三寸眉稜有鬼神看他誰喜與誰嗔熱心已自無難

事公道何曾會殺人斧鉞漫勞驚手板鈕錄不愧帶
頭巾喘天未必能遮日共為宣尼護素臣

送申青門歸虎丘

偶因戲世落瑤天原是花仙署酒仙黃綃咏中飛白
雪烏紗影裡種青蓮携來水魄雲間月濯出山情雨
後泉去去鶯聲迷畫柳名香獨泛米家船

與許倫所林下

抽却朝簪隱薜蘿碧霞高臥厭風波扇逢老嫗常題
藏樓集 卷七 三十四

墨棋許樵夫或爛柯睡破道情山鳥夢笑開世局水
雲歌朱桃白鳳梧桐月醉拾花鈿織草箋

送李漁父入都

匹馬衝風劫短鬚時流莫咲舊狂奴破囊劍裹青萍
鐵皺眼書看石室符挾册不差籌竹木匠時有術足
靖疎勞臣欲問安邊訣辣酒須教十夜酤

與劉無求秀才

名香為種玉為田雨雨風風始獲年捉鼻欲酬澆塊

酒賣文初作買花錢買誼不久當無泪祖述于今却有鞭蚤辦烏紗進賢去青衫可是好流連

送許瑤房八官

折柳旗亭捉劍彈青青山色掛征鞍客况可如詩况好宦途怎及酒途寬癡鈍自來為世局愁頑原不上朝冠芳心但把投明月莫使人歌行路難

和蘊輝秋日山行

不着朝簪不着韉古藤扶我碧雲拏閒過秋色兩三藏樓集

卷七

三十五

日行到山頭四五家林容澹澹如疑水樹意離離未屑花同來問道峯頭月指點前村晚落霞

與李雪衣

舊是蓬萊頂上居青霞白月染衣裙閒支玉塵看靈雀獨臥花床理道書韻致自憐同小謝風流人許似相如偶因放鶴長千里一路名香撒滿車

西溪睡

白雲睡破道人肩樹下來參堯率天半衲裹成無縫

塔一瓢洗盡十方禪散花仙女蒲團外聽法龍王拄杖邊舉掉溪灣看暮水千峯黃紫葉刪然

問梅病

未肯垂垂且任枯空山水臥亦何辜願隨林雪借孤鶴倦和商鹽入夢圖一點冷心非自冠萬條生意正無虞止容白月憐同調肯似穠桃濁酒趨

醉中

愁雲凍死鳥聲孤今日曾多幾酒徒只說深山窮道藏樓集

卷七

三十六

士翻為大塊亂狂夫剩來才魄皆成泪贈與風流總是迂為問老天何夢夢半生豪傑半糊塗

藏樓集

終

讀藏樓集

惟形器有涯際不如化工之散現然真人出則化工受役焉予想化工一聚必假靈籙以宣之卽分其緒餘爲文章彼亦撥璿璣而織雲漢者遐觀古人每欲以學力致化工求其直與元氣渾淪者響且蛩然蓋學問必有從入迨所入之途倦則水窮雲起之境茫茫况

藏樓集序

二七

夢中之彩毫易禿耶獨傅子以性靈入彼且塵垢一切而獨攬天地英華以凝神微妙之域人但知化工在才人之手者神奇耳寧復識神奇所自來予與傅子遊且久能窺其化畧先是歲際庚辛爲萬里採真行蓋聞龍威丈人操沐浴日月之圖編以相迎道左彼遙渡子以蓮花之舟楫者太乙耶指洞天之勾

鎖而拂拭雙珪者蒼水使耶若携玉筐獻五

鉢之雲衣則君家之纈霞子也于是觸目武夷致異境焉予聞古真人將得道則靈瑞先現者殆是項之臥東海夢釣天之遊者七日彷彿馭風輪空際其奇渺不可狀覽世界成住等如風吹籜如掌覆紋又見籀書梵字從日月雲霞中蕩出又從背抽出骨數片有人

藏樓集序

二八

以黃錦囊裹之醒而扶桑日出不啻趙氏之一聲霹靂頂門開也此其換蓮胎于香國說凡情于仙嶠耶但讀書學道之力而已哉夫如是何遽不能忘辭華獨不曰有以文人身應度者及其挾兩漿而南也每露奇妙之音響于宮商尺幅之間卽傅子亦不解何以靈慧至是使讀之者能霞舉也乃自諸體外結

燕樓集百律予曰是百化工譜也彼其中端
穆如聖賢玄邃如仙佛莊嚴如殿陛錯落如
花鳥鎮重如寶玉妖冶如美女平淡如菽布
卽下之瓦鐵如金木石如韻始知此一副鑪
鞴不但炭陰陽而銅萬物也自七言濫觴于
唐不具論卽專論本朝之以近體鳴者古嚴
則獻吉哉信陽固調婉亦中乘禪耳歷下以

藏樓集序

二十九

此道翹楚除俊亮二字無他技矣彼弇州之
閎博千首能令讀者不倦否他如由拳之藻
致或傷複文長之勁特或傷削中郎之閒適
或傷委是諸子七言之大凡也誰兼前之長
而無其傷者耶則非化工不能傅子固于百
尺竿進步哉夫以術化者幻人也以技化者
才人也以道化者真人也予知藏樓之座應

非穆天子幻人所居耳步天筮簇之上予足
跡所狎到子何靳此藏樓昔莊伯微每夕晏
坐想崑崙山積久感真人授以仙去然則予
之遊藏樓也有期矣

調御天人張可仕撰

藏樓集序

三十

鴛鴦迴紋詩序

涼帷落木秋士伊懷遠夢餘砧文心高寄遂
有海仙贈別鴛鴦語龍女之壺河漢相思迴
紋織天孫之恨此遠公之逸思渺近代以孤
興象緯寒而磨礪旋天扶輿秀而盤龍舞地
龍蔥錦字俱成珥日之華宛轉霜毫互抱垂
虹之巧八音自相終始九宮迭爲主賓首尾
鴛鴦迴紋序

曲應常山之蛇號率然環繞無端典墳之魚
名脉望繚情萬種故字則少而句轉多結意
千重故圖有限而篇無盡遑來順逆生成犧
象之先左右合離妙得龜龍之外掩昔賢於
機上陋舊製於盤中詢藝寶之天球真詞珍
之拱璧者矣若乃緘愁送怨感歸旅於刀頭
望德希恩泣孤臣于衣裡指如規之明月已

覺魂驚對若帶之長河那堪淚隕况復腸同
輪轉思滾滾以何期心共蕉抽緒層層而莫
罄有不臨文恨別形銷顛倒之詞撫詠懷人
氣盡團欒之句者乎信夫情生於文千古然
耶文生於情而今至矣

八千社弟廖孔悅撰

鴛鴦迴紋序

鴛鴦迴紋詩

第八卷

淡 仙 女 悲 聲 聲
 迴 鴛 鴦 迴 紋
 曉 殘 井 吹 雨 煙 散 於 花 影 中

鴛鴦迴紋詩

卷八

三

乙丑秋日戲
 題錦水落花
 居二十字計
 四十首鴛鴦
 主人識

題傅子八集

傅子汝舟年二十九交茅子元儀有七幅卷
 集未幾有步天有唾心有英雄失路有拔劍
 有筇篻有藏樓有鴛鴦迴紋是為傅子八集
 而是時傅子已年三十八矣又二年天啓丙
 寅火火其篋中詩而板稿自行世又次年屬
 茅子選傳焉茅子曰噫余足以言詩也歟雖
 傅子八集序
 四
 然非予孰言子詩乃饒刻峻斧既成而敘之
 曰天之將興斯文也誰啓之其不能無敝也
 如一治一亂生民以來未之易也其不能不
 岐裂喙爭也如分霸閭統自周漢唐宋之季
 莫能已也詩不能無盛衰古也故孔子於商
 而止存其頌詩不能無岐裂喙爭今也故周
 以前世未有旁統偏霸而三百篇以來詩始

道雜而多端詩與治通非天孰啓之詩與治通而猥曰唐以後無詩唐以後孰不乘六龍操三重以符帝命哉然曰詩亡然後春秋作詩亡而猥曰唐以後始無詩哉蓋周詩亡而漢詩作詩各盛衰於其代之中非合數代而爲盛衰也其所以代各異猶之尚忠尚質尚文政以代殊也其體日以今格日以降者如

傳子八集序

五

淳者漓朴者文天所不能主也其合數代之中而唐踰六季明踰宋元者猶漢之治勝於秦唐之治勝於隋未可以世降也知此者可與言詩之代矣而代之盛衰猶不盡此乃猥曰與其時爲上下故趨唐者陋矣陋而又益之必初盛而無中晚如是則晚固後乎中也中之錢劉時不先於盛之李杜乎中必降乎

盛也貞觀之治不如天寶乎而說者又謂成勝於初猶未也二雅陳周魯頌十五國之風非半際其衰乎孔子不刪之而學詩者曰中晚無悞眎悲夫夫詩與治通治者政事功業也漢之元成單于歸命隋之大業突厥來朝豈其功業政事勝於文武開皇哉蓋釀於先者徵於後猶之萼矣或方艷而卽凋或旣舒

傳子八集序

六

而久燁故盛於一代之中先後所以異也知此而始可與言今日之詩祖宗三百年化久洽徵其所尚者勝於古其爲音也亦宜踰之而猥曰以七子爲盛今爲晚七子贗音也高皇帝亦贗治乎乃說者曰憂天方亟而曰音和以平不信也此不知時者也我固已言

之矣說者曰贗音猶莊真者跋矣贗音猶壯
真者瘠矣贗音猶舒今者促矣此不知詩者
也七子者未盛者也袁鍾者岐裂喙爭者也
明之詩在於今之人而一人之身亦必以後
者爲定今人多乎哉傅子其選也觀傅子之
詩又觀於今所定則莊孰於此壯孰於此舒
孰於此而代之說時之說人之說始各伸而
傅子八集序

七

茅子言詩亦庶乎足以報

高帝而質孔子茅子能爲是言也歟哉亦天
或啓之茅子與傅子適成詩於天啓紀年之
時詩之格有稱建安者正始者太康者元嘉
者未明者元和者大曆者元祐者而明實闕
焉若或待之建安之詩爲三曹七子正始之
詩爲稽阮太康之詩爲左張潘陸元嘉之詩

爲顏鮑未明之詩爲王謝元和之詩爲元白
大曆之詩爲十才子元祐之詩爲蘇黃天啓
之詩爲茅傅且讀傅子痛哭 泰昌諸詩所
闕天心國運者大則天啓之朝止有傅子之
一詩可也予俯仰上下而訂之敘云拔劍集
自爲書而其傳贊也鴛鴦迴紋足以單傳也
天啓丁卯春防風社弟茅元儀止生氏纂
傅子八集序

八

讀八集詩

銀河分潤與下界中途忽遭大山礙巨靈赤
脚踏山開始放黃河歸自在太行王屋遮人
目白頭老翁雙眉蹙夸娥二子負荷之削去
傾欹作平陸東方小兒亦可人鞭虎疾遶日
三巡齧膝微楚神不悚紫泥海中自滌塵此
皆天與無畏力秘符晚付康水得掣鯨碧海

讀八集詩

卷八

九

不勞牽海上仙靈俱失色正法藏傳昌黎翁
呵神泣鬼身當中展施蠻溪驅鱷手掃拏濃
雲祝融官邇來天公厭生事撒土爲人慳其
智黠者稍偷破雲錦聊向苔叢伴翡翠傳生
傅生何太奇竦身直上據須彌帝釋脩羅盡
退舍指揮狂象與奔獅一指天一手地上
下之間吾無二不可思議不可說曾前異骨

成卮字山河大地一齊震賸馬育人紛紛墜
開函授我金字經白日橫空走雷霆澄神斂
魄細諦聽始覺珠玉諧華星龍文寶鼎莫輕
委防致秦王驅肋死

崇禎二年莫春岳陽社弟龔之祥題於秦淮

讀八集詩

卷八

十

陸輯 26 - 420

〔明〕金鉉撰

金忠節公文集八卷

清初刻本

金伯玉先生集序



均是人也有欲爲男子之志見世間燻灼皆不足承其一盼其所樹必有異於人歟一節之士可勉焉自

金忠節集

序一

人焉矢志爲聖賢則高名奇節又非其所歸宿而幾幾於絕學洗心裁密極深研幾卽窮卒讀書譚道者未足窺其涯涘况儕俗乎

若金伯玉先生者其人千

古其學亦千古釋褐最少已厲必爲聖賢之志非六經及諸先儒心性之書不陳於棊几生平薄榮進能

金忠節集

序一

二

安貧晝夜孳孳惟在聞道故於天經人紀肩荷獨力必不令有餘憾彼沾沾歟以氣節一端名先生者正未足與言先生也不觀其

自警詩乎博塞由來不受
憐靜深豈假借爲妍從今
焚却狂愚艸羞向人間道
忤權至卒業其全編無一
語不抉天根無一篇不關

金忠節集

序一

三

至蠢而一種欹碕歷落蒼
秀與博之氣隱隱楮墨間
塵濁杳界安得着此人宜
其往來脩歿澡濯冰霜摩
拂日月不止同遊文謝直

已入室程朱先生之造詣
卓矣人不薄榮進則神不
清不安貧則骨不勁卽薄
榮進能安貧而不飲食寢
處於六經儒先之道書則

金忠節集

序一

四

見地不超所就亦無以大
異於人今以文觀先生因
可以窺先生之學而先生
之學不盡於文也

丹陽賀世壽拜題



金忠節公文集叙

文章節義古稱難為論
者必尊氣誼而末文藻誠以
扶倫植紀爭日月之光傲霜
雪之氣惟此節義若夫文人

金忠節集

序二

一

各行雖吐八九於文河咀數
千于國園乃利回威疾後生
羞之惟是文章附節義而
出必其一二言概其千百言靡
不炳燁燁照燿簡冊後人讀

其遺文因其制行恨者生不

同時願為執鞭之慕至有為
之雪涕於文季之感人深由此
耳余丁卯北闈之役美稱日人
首拔者金子伯玉忠臣公閱其

金忠節集

序二

二

卷沉博秀偉意必洞燭之宿
具有昂霄子似之繁化凡之恂
恂一慮隅自飭委心竊異之入春
奏捷後補水部以爭屬龍
於張瑞藻致洛職家食躬

野豷之日久望愈報丁外艱
復起補樞曹等數時而射天
安你忠信善不顧身家亟刻
帶走闕北向泣拜投金水河
以死慷慨烈臣僚就義最

金忠節集

序二

三

先非一人而已流賊群逞志共味
吾驚嘆死之日太夫人章氏同
妾王氏弟鏊次第投井畢帝
東指不勝屈一門忠節精歎素
哉余同悲悼久之欽慕乞願

余何敢傷為內情光燁人云
不負所學不愧科名三德忠
信勇之矣嘗讀世中人文信國
有云殉節世所恆寧只於功
則友以身許國益本其尊公採

金忠節集

序十

四

出時已親為分內應多事矣
所可嘆者古素不食生取義
者即明靖難死義諸臣寂慘
亦窮盛視死如飴其時不帝子
百而

先帝之賓天捐軀維維
晨星三百年後愈愈
之報愈舊言之可為
第一節即無寵遇深
刀斧怖于故而致家
遂忘恤

全忠節集

序二

五

遍隅自傍者免車轉
人慕忠節之行皆思
讀忠節之文余讀伯
諸編肅肅之蕭蕭之
軟柔痛淚隻語遠而
信國近
百正學節義文章堪
與顏

顏所託文存附節義
德耶在何諸昆季瞻
雲興悲鴻在謀事梓
朽余不敏平生孤耿
追維往事俯仰九原
已深表

全忠節集

序二

六

予之慟猶幸志隊之
形以遺文
尚晤對也拭淚為之
序

錢塘友生徐時泰頓首撰



叙

運無平而不陂有履端者
展日月之光定有歸餘者
凜冰霜之氣是忠義者送
往之後勁也道無剝而不

金忠節集

序二

一

復有陰霾者極人事之黷
慘定有轟烈者啓天心之
悅豫是忠義者又獨復之
前茅也臣故史傳論載忠
義尤為津、唐虞禪弗論

英踪夏商周迄漢與唐固
不破缺旋復舊觀宋獨亡
有虞混沌之末創爾

高皇帝首闢乾坤實千古一
人

金忠節集

序二

二

毅皇帝身死社稷亦千古一
人其間應運而出者夫豈
徒哉同里 金忠節公其
生再來非凡庸也其死道
義非血氣也蓋任師儒恬

然退處於澹靜夫固欲深
其誦讀耳已而忤璫居家
讀書者行復十年析危微
別性習明悟於無生無不
生之昔作而言曰仁義禮

金忠節集

序二

三

智亦動而始有之幾四肢
百骸仍寂然不動之體噫
嘻公之會心至此乎其於
造次顛沛等之飲食起居
再文何難焉惜乎公持不

遭時耳朝有巨奸野多劇
寇淹蹇一官柄不在手而
有言計將安施周禮一書
姬公輔相之書也公於中
根究深微侃之鑿之則公

金忠節集

序二

四

之志意何如也揚雄美辛
背漢附勢之小人也舉世
溺其詭故之文詞而忘其
鄙陋謬矣曾鞏至上比之
箕子不謬之謬乎公置此

一辨亦足自愧世之懷二
心者矣志士寧得一節名
公之句也公真能重一死
非臣一死重者當季閭變
之日從容拜母曰兒奉職

金忠節集

序二

五

亡杖城完兒還城即不完
兒長從此辭母矣急趨朝
直入大內臨河而坐頃之
報賊至朝衣朝冠北面向
城再拜遂投河嗟乎語有

之離一步非死所公得所
矣君子死冠不免公成禮
矣當是時死者衆矣如公
之後容中道者誰乎於是
母夫人知公死尋赴井非

金忠節集

序二

六

此母不能生此子矣公之
介弟聞母與兄死亦自盡
嗟乎夷齊到今不得尊稱
之矣非第此也沐刑于者
即小星亦為之殞墜嗚呼

一門之內臣王事而死者
累豈光岳之獨鍾耶抑
切劘之有素耶予於公之
先子樸庵翁叨一日之長
誼不薄初聞公年少登朝

金忠節集 序二 七

風華蓋代心竊喜愛之已
而聞其仗節死義又私嘆
服之今讀其集而知其宏
博淵邃為當世之大儒也
行且魏之矣廡顧老子矣

行並勞又何足重輕公不
過告人曰公之死非猶夫
諸衆人之死也異日廟廷
之上配享

先皇帝當首舉公臣是畢其

金忠節集 序二 八

區上翁

同里友人鄒之麟謹識



金忠節公文集序

國板蕩節忠臣若非國之
福也抑非作人物顯之人
臣遭時隆平物其經天緯
地之才匡主庇民之畧致

金忠節集 序三

吾君於堯舜弘潔皦於兼
窮斯身誦讀初顯相合坐
不得已而召節見段司農
尺笏顏常坐之舌角霽霽
尺指嵇待中之五文信國

火髮齒諸君子叫天無門
迴馭森路不得已之時之
時不得已而殺身成仁正
氣磅礴壯山河震壘曰于
召振厲頑憚扶特細常區

金忠節集 序三

區功名才畧安足相較量
即余於忠節公骨感焉當
思宗烈皇帝殉社稷之時
騎箕從游諸臣惟公壯率
卦難嚴烈弋門內太母與

側室暨李弟蹈湯火者凜凜
凜骨甲寫奇哉今讀全集
始知吳立大節骨本系蓋
公非人之寡謂吾儕以學
自來非系宗又精于多

金忠節集

序三

三

曰非曰非以故縣審曰王
臣蹇以匪躬以故縣明夷
曰箕子之明夷和貞夫明
在天上方錫蕃庶豈式接
公不可輕死明人地中則

家大難利艱貞公不可苟
生學問以數既明而後死
生以關主破不朕曰公才
畧遇主龍飛晉歲十七率
間倘得待詔席門執浴丹

金忠節集

序三

四

陞則經天緯地匡主庇民
應骨見諸地所君矣乃治
安空陳表領不試雖曾序
工巧司空所聞暨厄之迨
賜環命下黃眉銅馬漸薄

神州指銅駝隕涕望鼎鼐
攀髯公忍舍仁倫生哉余
嘗論古今人材生之不多
用之甚難用之安寧之曰
多召立功亦常苦之不厭

金忠節集

序三

五

大其用。予頌危之際多
以大用亦常迫之不厭終
其功此公立朝終始之大
槩也然天寧侯朝廷式百
以十餘年收尊賢敬士之

報絕不召。曰浮雲消
其鎔節盪根之器寔用公
予子襁不徒用公。予。曰
耶公集具在奏記表章埋
輪破柱之風斯存語錄多

金忠節集

序三

六

說關閩濂洛之傳不爽詩
銘少陵厥君憂國文如國
黎閩中肆外召至序銘箋
跌兼非羽翼十式經表裡
廿式史非人以言其利溥

哉序所傳心裨黑雲黃壤
 母得埋沒其文空珠寫
 田蜀王範顯弓朱方城水



朱方城

金忠節公遺像



金忠節集

像讚

鐵石者骨而復在面冰霜者貌而根厥心
 平原透瓜管山裂嶽乘箕止水再見於今
 其精氣固爽不之也試呼紙上而凜凜如
 生

弟方拱乾拜題



金忠節公文集目錄

卷之一

詩

拜文信國祠下

過廟通墓

病血

正月十四日夜坐讀老子

集于七齋悼懷得肴字

同友人讀唐劉春虛作忽焉忘暑

金忠節集

目錄

一

送劉念臺先生歸里

驅愁歌

西郊陰步即耳目及而成歌

小司馬行邊

讀離騷 三首

自警 二首

初秋夜坐

中秋

梁公秋解首志賀

讀四家詞飲酒

送盛順伯下第南歸

送友人南行

和南大司成禱雨感時

讀陶詩

自悼

夜讀呂谷集

癸未七月晦日

卷之二

金忠節集

目錄

二

序

刻大學漢詁本序

文雅序

高中孚年兄制義序

劉赤生先生書義序

于司直金石志序

余摺明詩序

蔣氏宗譜序

書直方太母傳後

書范氏一門節烈詩後

賀馮勝之年兄游泮序

壽傅山年伯七襄序并系以歌

論

君問以辨言亂舊政論

辯

楊雄擬策序辨

策

擬周禮策對

全忠節集

目錄

三

說

正學說

勝教說

解

人道危微解

跋

兩張詩小跋

卷之三

疏

諫罷內臣公署疏

糾內臣微謁疏

自訟疏

請撤監視內臣疏

揭

除戎紀

卷之四

尺牘

上高樞齋先生書

復朱勉齋撫軍書

全忠節集

目錄

四

與陳幾亭書

與林紫嵩詩題書

呈

請告堂呈一

請告堂呈二

卷之五

碑記

大京兆劉公置順天府學學田碑記

祭文

祭孫松石太僕文

祭馬涯印少司成文

祭封君史年伯文

祭張節婦梁孺人文

祭朱烈婦李太安人文

祭朱烈婦馮安人文

公祭王年嫂梁孺人文

卷之六

語錄

金忠節集

目錄

卷之七

易說

卷之八

年譜

本傳

金忠節公文集卷之一

延陵金鉉伯玉甫著

弟



同較

詩

拜文信國祠下

復始自天運臣道無中窮矧躬切載與肯與氓蚩
同殉節士所恒寧足矜子功所服工文章毅然任
除戎王事損自奉瘡馬馳轡棘行若履坦所在

金忠節集

卷之一

吟凄風一息苟可奮安忍卽於壘堪憐生祭者不
足語微冀求以黃冠歸思固成旅隆一死固所甘
但惜靈運終俯身歌正氣翼翼神如通

過廟通墓

間有作垣于公墓者公夢以責之

舌盛亦有時宜秦不宜漢君若覲七雄萬戶如擢
攘胡爲赤帝子大言與爲難向使動假齊後勁作
何幹我亦知君才力能倒治亂死令尚可生逐鹿
豈難辨其如大事定幾爲相背瘡千載氣猶奮不

肯讓入畔

病血

學本健作心羸疾胡相在豈曰天降荒良因世肯
翹幼質有赤白至道無疴痒莫助堂上恤勉勉基
神爽

正月十四夜坐讀老子

暹閣數闌闌天上月初暗室中執卷者身心咸孺
孺匪是厭物喧亦非強靜寓為誦知常語悟超聲
色束聲色雖不常誰為見聞獲月晦鼓寂時動出

全忠節集

卷之一

二

何何驅泉人見有無皆自我情驚背手暗得枕杵
行錄中報請君卧一試勿為夜所固

集于七齋悼懷得看字

殘月在故林故人如在交友道無死生英風尚整
聲圖書望勿開既醉戒其然我欲存靜理質伊性
深頤園蔬今昔綠寧忍取克者

同友人讀唐劉春虛作忽焉忘暑

性自遠炎氣矧與澹人借相對絕繁音啗焉忘所
懷誦古耶託聲高讀峻如匡相彼作者肯耻為綺

與排篇簡理無域響泐心如齋一室爰具足令古

三人儕

送劉念菴先生歸里

龍德之明行疊疊句乎日曰蔽曰息者童觀非其
實神全物無惑乘六而惟一外內曾何藩統為光
商請立本續昏且當午亦藏密喧喧遲以肅斯民
頽暉吉苟愉同患志狗問齊與逸明謨好正直不
敢諱國疾震聖梓風雪本體自潛洩俞喘無留音
思翕匪自恤維茲六籍理不逐處與出獨幾誠不

全忠節集

卷之一

三

匿縱橫皆我室雖若淵默然萬類資稊秩童蒙咸
有求所望志刪述赤虹下天時齊心以砥道

驅愁歌

去中秋五日耳炎午之氣不減深夏躁極
而愁集歌以驅之

勉絕心營閒讀易無端默然成疑思欲秋不秋天
何為繇來需者多賤事潛化雖云漸以私利物无
柔任金吏願施緘登履嚴霜屏彼出虫附燭光蔓
蔓不滋本情貢自強而植奚玄黃學落慚無裁感

力陳詞復鮮岑巖陟疇謂出王帝在茲蒼生此日
身盡盡血妻如海哭聲濤空苦不問降仁救亟甦
陽理恤嘉禾根莠成揮肅殺戈幽居愆伏不侵處
搔首忘問懼婆娑

西郊陰步即耳目及而成歌

欲解未解山出雲豐隆鬱鬱雷潛賦策馬路陂遠
野心我情與天同欲灑奇峰列障綿無續岬突平
停錯而楷望之百里僅盈尺靜氣相通悅以解極
日方吟律律篇忽驚身在夜明壇古木神盈若網
金忠節集 卷之一 四
緼高楯貌秩間方員肅然心動如臨頽翼翼不萌
濛濛意曲行聞有野農聲耳畔鏗然不知字

小司馬行邊

深念邊陲事曰貞在得人晏安何似者烽遠止呼
宸宸意稟保居不為揚雷震將軍本專制泄泄恐
未俊四臣尔欽哉剛中矢厥身疆圉亦多端臣拜
先集陳無兵民亡藩有兵民亡辱將寡軍無威多
將民多輦遙知律臧難况已妖氛隣但願兼聽觀
鑒我臣心淳有隱自直達敢曰寧胥淪強弱有深

理不在干矛塵

讀離騷

靈均豈騷人生為當騷世跡彼珍重言臯伊可爾
逮臣敢警所尊深媚如相戾譎數動我欽不暇助
之涕助之以靈靈天聽不忍霧中夜深予懷容以
昏冥替

其二

莊樂平乃哀曰樂吾取步豈知無平情不足成莊
志浩浩遠遊義警彼南溟趨我欲交修之不寔亦

金忠節集

卷之一

五

不恣全此昭質餘方與問奇字

其三

濟濟者嘉禾芒芒混荆綦所嘉胡不榮華侈无壁
真紉蕙者誰子寧知周與秦哀樂時步方此情匪
昏晨持以自強厲无為輕與隣

目警

博容由來不受憐靜深豈假俗為妍從今焚却狂
愚草羞向人問道忤權

其二

志士寧將一節名胡爲強項了平生而今不作吟
誇夢擬向北橋待石卿

初秋夜坐

涼風正爾來新月現還長把酒意自遠寧願人我
晒博覽古今士胡爲炎煇引買竹百餘錢斷瓜僅
寸續俯仰亦不孤坐忘心有損

中秋

頌詩幽待月望此珮蘭心風至同予肅悲時剥落
侵遲憶悠悠人當之恬荒淫皎茲碧天好易自暄
金忠節集 卷之一 六

與零是以不敢康冷冷懷我音先民今在否持覽
太初林

梁公狄解首志賀

皇矣論升典誰與稱此書群居欽子學果任獻王
初德羅六與三倫者宜前除示爾疇林表中正引
其茹譽命豈止躬茂行衆維魚洽彼攸暨心所以
勝大車以寧今可頌持此報乘輿

讀四家詞飲酒

四家乃屈
宋陶柳

各有懷來者幽貞是所同椒蘭今古恨丘壑死生

裏忽止如疑水俄雄或欲馮狂歌非恃酒目與髮
狂逢

送盛順伯下第南歸

賢書得而失別去黃金臺駟輓銷燕骨連城泣楚
材九重知入奏三策更堪裁他日知音在臨岐酒
一杯

送友人南行

行矣胡爲黯友魂君云子戠亨其屯馬玄馬黃我
忘瘁伊蔚伊蒿草動奔皎月宵中驚旅籍停雲朝
金忠節集 卷之一 七

始望遐疇征南每及情衝地一憶金生頌此言

和南大司成禱雨感時

祈年荷 聖敬恭深何事山川滌滌尋况值喻巴
空作檄疇堪城朔赫斯吟一民無稼臣能飽百爾
先憂政有霖立表責鏞豈小補好生行望矢舉音

讀陶詩

芳芷恬空山雖幽敢云恣貞實抱離光帝命馨人
思惕惕顧其氏實非五情吏置諸茅秀間疇能有
所漬芷日習可懲漸久或夫自百昌肯懷新大木

何辭瘁所虞襲我材供子洽比嬉寒暑革而膚風
雷震而志因之礪此生肅恭拜弘賜

自悼

出門牽我形我心實少息入門心勞勞誰云一室
偷妻子安糲草忍厭高堂食望貞在童僕頑冥與
啼懷春風迺粟烈毀我東籬棘酒盃并羨孟婢情
一時暗所遇無一催腹官如狹逼夜深酒在釀思
疏置无得貧婪自所非願與善氣即

夜讀昌谷集

金忠節集

卷之一

八

風音榆音賁天影岌岌其思維嶽嶺千年驚我典
冊光燭龍不競夜之暘尤若橫流不肯降源而好
辨奔三江人憎文達天如蓋雲雷為綸辰星帶軒
轅王喬日相兌世人不解秋冬春春去留春留殺
人

癸未七月晦日

甲申之春定我進退進雖過時外而弗內退若苦
裏遠而勿滯不止三時遠不卒晨優哉優哉庶畢

吾世

金忠節公文集卷之二

延陵金鉉作三書著

弟

鏡仲遠

同較

鉉宏甫

序

刻大學漢詁本序

自程朱表章大學後學者尊其義古數百年至陽
明迺異之復古本以行已漢齊亦陽明之大學耳
遂謂凌程朱上然歟否歟自時厥後人各有大學

金忠節集

卷之二

一

折經創義必擬孔子身已者翻而好比其同學者
吾故耳集蓋茫不知所向宋儒先表章之功至今
日轉為資費資可懼也虞壬申鉉退修六經業考
較異同及大學則每臺惠無遺主擬取漢詁本以
下迄宋及近世諸儒改本幾十餘家錄而刻之求
通正學者相與折衷以定所歸方刻漢詁本竟時
正篤信程朱之學潛心大學或問於格物致知處
更反覆窮究爰知程朱之說大而密誠合內外鉅
細以為功陽明以下皆得其一端而不自覺耳遠

書所載自身心徵測以至一草一木不過不遺其
門人來質問者局則弘之馳則欽之欲速則寬居
之澗畧則克繹之務更無泥所偏而幾于中朱子
承之立為四則而格致之義盡推致之平天下達
天德亦竟不能外焉因漢之皇威無歸德
心于此而徒為多所盡耳遂一意取朱子大學上
參程氏之旨以為學的不不查他有所管集刻之
類乃爾中輒五年來食息起居不敢忘之佩望
然貫道望洋而歎海若也丙子秋偶簡書得所列

金忠節集

卷之二

二

鄭語本不忍棄之思善裝以遺同志而述命刻之
意如此王欽同亦以程朱為依歸其趨既定上
卷之漢書品說下實之陽明以下諸儒無惑其偏
而取其合者遂取古本之辯而反遺管學也

文雅序

文莫尚於六經非身心是圖則家國天下是究舍
是二者而欲求聖人一辭不可得豈聖人不欲盡
天地之光華哉蓋聖人非立意為文者也行成德
充翁則自強而闢則載物不得已而筆之書誠以
詔後之學者有所取衷而不致歎于迷途之遠也
迺後之學者則異矣不循其本而徒欲矜藻績之
言榮華觀者之耳目求于自性物情裨益毫髮而
不可得先民云文所以載道嗚呼其所載者何道

金忠節集

卷之二

三

哉夫道者則身心家國天下之道是也明是義而
讀經然後不以文視經立視為四時百物華實不
齊而皆現其易簡生成之德明是義以為文然後
不以經異文雖至于欽筆束楮默識不言而自著
其文質班班之理自孔子沒而微言絕上下有
餘載諸子百家之文日益多其少有表見于世者
率多風雲月露之詞自適悅人不足為世所有亡
者其甚者則不論德之崇卑學之至否惟以其位
列高位便次其生平筆墨勒為大冊以自炫至然

求一語幾于道不可得嗚呼弊也久矣知其弊者
宋之真西山氏近之唐荆川氏蓋門氏其于古
文章各有選本予讀三書而好之然猶惜其不
以身心家國天下之古禮之古作者家存其
于是者去其無關于是者以致天下學者專其
可為文之本其有待于後之人歟余乃會于選
本沈潛反覆一本諸六經以折衷之其豈發
育德振民有所發明而文詞卓爾可觀者命之曰
正大雅其有義非不正或舉其一隅未暢大理者

金忠節集

卷之二

四

而就其一隅亦足以理益經術轉運治道者命之
曰正小雅至若各有所見雖其意明非不時有
于聖人之遺者而小醇大流勸百風一如老莊各
法縱橫之言者又有文人往來游觀各紀所好詞
非不爛然可觀然而案之經旨無乃有游濫多言
之弊乎二者舉不可舍命之曰變雅而亦視其文
之緩步為大小之分焉

高中孚年兄制義序

文徵莫上於神志神志者一代之由火也定天下
之命而屹然以寧神所貞也易以象山老氏稱之
曰谷所謂用而弗勤者與及乎炎炎隆隆麗中正
于重明而觀我生於日月卿雲之旦其象為火而
取諸志志心之火也止之中有光明焉故山火合
而天下化夫三代之真尚矣漢文帝布詔令山東
民之老廢癯疾者扶杖往聽知德化將成願少頃
史母死以見之匪獨至誠惻怛有以入民耳其文

金忠節集

卷之二

五

固確然賡然得天下之理維特左右執筆者之光
華決不凡近未必盡出天子手也宋紹興中澹菴
上封事而金人慕以千金晚突雜隊視百萬師或
甚彼章句纖纖耳豈能動人如此其遠且弘哉識
良離之肯矣今制義固予排比以視人情咸與之
大闢者靡音駸義好琴自口矜襍積而遺神明恬
步耶鄴之步而詰其志趨瞻與履并自此而望其
言功之立遵耿介布異采庸屬遐邇之心而贊
聖人致治之美於無教蓋未知何如也維余年友

高中華先生則其人矣中華學發讀時每寓書及
余不恒商入此業惟於通經學古舉而措之天下
之術暨禮焉問辯蓋其詳哉固已安於神而正於
志矣至發而為制舉之又則如崇隆華萃下通大
淵而雲霞之蔽助雨露之蒸降松栢之盤蓋蘅蘭
之烈芳並席之掌上而絳袖下窮牙謂滯滯而有
奇光者也故一出而竄五 華心對勳文先行且
播之聲聲炳焉與三代同風天音律引上執政語
及文章事猶分屬虛陵余獨於中華觀其合蓋得
金忠節集 卷之二 六

於其內者與

劉赤生先生書義序

赤生先生鉉十年來所奉為心師者也歲丁卯鉉
隨家大夫論藝於先生先生文業炳蔚當代矣然
鉉匪徒以文藝服也蓋其家學淵源以通經博古
為業以濟時行道為志每論及天下事則慷慨激
烈義形於色而經綸貞固確然可行若相對不言
則冲懷疑度游人于光風霽月下間與契濶久則
見其養日益進德日益盛而文字之神理華澤如
四時之序變以愈豐庶物之時榮而華寂也今迺

金忠節集

卷之二

七

擬高魁發笥得所為文若干篇付梓而命鉉以序
鉉則何足以知文也者通游心六經知文非僅取
世資蓋有其實達實者有五究焉究乎性龍魚蓄
淵陶治善竈爾究乎功兮天歸射輪與歸御爾究
乎材匠石入于林中持柯審顧萃如裕如爾究乎
時鷄鳴而悟辰地出物而識利爾究乎同法先王
而奉若埃方來者弗遺爾而赤生文備之蓋先生
所夙圖非止科目之術而鉉所以服之或亦見其
本矣先生如謂我知言乎其繇是光大之庸致太

子俾我爲太平之民也可

于可直金石志序

歐陽子記峴山謂元凱銘功二石一投漢淵一置山上是知陵谷有遷而不知石有時磨滅也余謂未然人生世上果有篤志真氣結之金石間則長物可賴之得壽又况險亦致之深亦探之古今不知所從出母問幾篋間有亡也疑歐陽子之言其殆是歟而集古一錄亟亟爲之不置者又何說也毋亦惜其變而思以留之歟抑中有不變者存而

全忠甫集

卷之二

九

天假奇人以爲之表歟余質司直司直曰否歐陽子磨滅之云誠有感于卓人異士作不刊業者爲末世儉父姪子埋沒無極故作此語非有憾于頑石也此正與作集古書同一遐想爾吾儕生雖晚豈可爲古達者識遂相與爲僻盟博覽金石文于天下盟曰朕所及雖險巖幽壑以若求之舌所及雖羌人牧子以若咨之有不如約者代爲六一居士鳴鼓而攻之然猶恨鬱鬱居此未卽爲輕舉徑度周海內酬若大願可直固綜其目若于卷用廣

碑石腐爛者之册且以爲觀音徽代吾紙吾舌之
所不及也司直每謂吾儕學問文章皆宜同金石
壽此編成若金石且不能司明晦亦足以見其
班乎其風雅卓然實永叔後一人矣

余摺明詩序

丁丑之春余晤摺明年兄于邸舍遂飲食我爲竟
日談因得悉尊人年伯之德若福而摺明之孝且
至也業爲詩以紀其盛摺明將歸又謂予曰四方
知己惠我珠玉殊多尋謀梓之以娛親志子爲我
序之余不敢辭蓋嘗誦禮運父子篤兄弟睦爲家
之肥卽至國與天下之大順皆始乎此竟曰天不
愛其道地不愛其寶圖書出而四靈畢至人謂若
別有致之者而余則獨歸之一家篤與睦之間人
金忠節集 卷之二 十一

世之繁祉莫是過然德不厚不足以成祉在老者
積焉士君子之大學莫是過然志不誠不足以成
學在幼者強焉今年伯之德厚矣摺明又能先意
承志求文士之詩歌詞章以佐班荆慶又梓之以
永久親之歡則家人之吉祿有如禮所記者乎太
和所克固不可量余不能美其辭也謹用經義祝
其遐福云

蔣氏宗譜序 山陰柯山

治天下莫先管人心宗子法者則人心之所管也
人之情其渙也久各私其身即父子兄弟間雖強
結于所叙而無以極其性之所不忍數是以誠愈
漓而俗愈戾此其甚蓋取諸此惟宗法行大者
百千世小者四三世皆敦其仁之盡而各稱其義
之宜一人至于萬人家至曰海昔此愷悌以相蒸
格太和其在宇宙間乎然宗不立以世系弗清而
究則始諸譜之不察明于譜而宗法始可得而講

金忠節集

卷之二

十一

也山陰蔣氏者肇姓周姬歷祖宗朝錫土爵侯居
京師者大宗也其小宗仍山陰為禮樂詩書之族
其以文章行業克紹前烈者則余友蔣肩吾也以
徵辟召授楚崇陽令將行謂余曰吾嘗刻蔣氏支
譜以存宗法遺意余惟天下事莫不有本宗法者
家本所萃而治天下實不外焉蓋推其一念肫篤
之誠始于九族而終之以吾臨蒞之民有以養其
父兄而教其子弟則肩吾學術之及不獨在一家
而且在其臨民出政之所矣况從茲以往晉秩日

崇則所及日廣且進進其不可量者乎昔明道之
立宗非朝宗所禁但慮人自不能行之肩吾其有
以服其言矣

金忠節集

卷之二

十一

書直方大母傳後

禮教之著盛於闢西余每讀正蒙理窟書而嘆其秩秩然理也微而性德切而儀象莫不為之明善作則焉祇為五典三綱致慎爾省其訓愧無能反躬以刑於邇勉勉乎其幾及哉闢西李仁徵故禮風所漸也聽言則物觀行則恒意得橫渠之絕學者耶告余曰吾所學受成于師而遵方于王母師為少墟先生罔史志之矣王母韓則太青先生傳之余讀其傳而備母之純乎禮也禮與孝終始王

金忠節集

卷之二

十五

母之事兩尊樂其心不違其志愛亦愛之敬亦敬之何有何亡冕勉而求矣若夫承貞大終禮之恒也如保義方禮之慈也其為尚致為細矜繩繩得三千遺義哉蓋人紀之修難矣綱常自任權大小事不爽者在士君子中代無多人合章之貞發于不飾之荼承考之厲矣于匪我之蒿威如之吉藥于弗介之石自讀焉蓋理道者惟非義之咎且比此然而况蕪藜極倪時作無成有終事在中饋无彼遂者卓然見之有心斯道者當若何光表也而

大會通典禮觀也昔歐陽傳五代以大倫之任立付之青徐一女子將以愧天下後世之人懷二心以事所尊者今王母遺行太青先生言之詳矣余不勝好德之思敢書其後且以大儒聲教之遺告學士之知禮者

金忠節集

卷之二

十五

書范氏一門節烈詩後

三輔節義之風焦山先生其至也而夫人復上書
代死為史傳所鮮見綱常之道赫赫一家迄今百
餘年而其教益貞著環先生乘梓間凡厥人士少
未沒其天良必以忠孝大端死生定理父訓子兄
勉弟夫喻婦友與友相勸規而振厲之鉉所聞見
則奉嘗鹿先生秉節弘毅身任 而未竟其用

在家祖父孫子累世熙熙一堂也孝廉孫先生篤
孝無忝率昆季為終身慕德業文章自本以達灼

金忠節集

卷之二

十六

灼人耳目也嗚呼仁人君子之流風餘韻其漸于
世何如哉乃今讀定興范氏一門節烈詩則更為
凄惋而興起也蓋余年伯范箕生先生誠篤慷慨
以名教為己任其有物有恒為家人師者不戒兩
家歲丙子 近歲定興破先生之夫人率一婦
三女投井中從容捨生以隱扶人理志與上書代
死不殊則先生之反身開家正家以正天下之學
可見一斑矣維時鹿奉嘗先生亦罵 死城上孫
孝廉則以臣子大義矢容城一邑人與固守幸而

得全其他之遇 不憚或與城俱全或潔躬以整
至不可殫列予欲博采而悉錄之以教天下且以
見焦山大節有以存後世之彝倫于無疆人人知
此則 可 亂可平矣愧聞見未廣尚有所
待適范先生遺鉉節烈詩手讀不禁百感之集謹
書卷末以見志云

賀馮勝之年兄游泮序

士論秀登學漢伏生所謂大義踐大節也是自其分爾後世乃汲汲為榮者何哉或曰衣服不貳可榮成材待辨可榮命于鄉誦于郊莫敢首焉可榮夫三者特飾也匪質匪實烏足言可言者士置身旋壁間攸誦攸法似古人以今見天心以身立民命以獨庶幾無卑乃習無忝爾生若者則卷端失責卿大夫失崇者也而顧茲思義者誰歟將表飾者炫之而為質為實者置之歟茲猶識成童時家

金忠節集

卷之二

十一

大人執友見過者則命小子侍相謂曰夫人而得稱為士難矣鑿帶易受有德乃足敬不可倖也伊可畏也而馮敬仲先生則誦說尤彰其意以為學者弦歌待額時邦國是唯民之攸暨取諸此而合章可貞以時光大印不能上下于博著高明之槩亦當敬威儀慎出話珮君臣之孝友踪惕龍之忠信苟皆不勉則淑諸身與見諸世一無所為安可冉冉于歲月而靡慝哉茲時聞而悚然先生雖未窺厥志有子勝之兄克岐克嶷今甫十餘齡而居

然列弟子員矣家大人綜執友以賀而命小子

序之茲惟勝之承乃祖考克紹燕翼又日受叔父子臆先生之明訓世俗所艷為榮者茲何敢出口則請以前三言進勝之具異資讀誦與博逢年之始已見一斑然所貴學古者德業先之悟文章為次六經之言咸作聖哲尊者也繼自今勝之以其與博施之于躬願而祥和而平靡所處而不當所云似古人以今則可賀于臆先生篤愛猶于離謫有加而督成則嚴若朝典勝之用是不出尹獲全

金忠節集

卷之二

九

天性秉若山下之泉靜而清矣養正之功皆自中誠然而不容已天今方予以報矣其益滋樹其本日慎一日無俾移于俗所云見天心以身則可賀勝之先世有大庸在 那家為龍為光萬民所望任天下之重固自需者寧切箕裘在是乎茲登進有基當益自強所學且夕隨子臆先生晉之 大廷為世道民生倚所云立民命以獨則可賀伏生謂節義之大統乎此矣茲故不敢徒侈頌而以日進無疆者望焉亦印曩聞于敬仲先生者演為

也勝之或以芻蕘予我可矣

壽伯齡年伯七襄序并系以歌

世說長生者何多奇也治九府于天柱居金銀宮
闕于三神山比比者豈盡誕欺而儒者諱不道乃
信其必無者誰哉開嘗讀古人書參同契祖易而
舞言正氣常存遠遊辭祖詩而欲使王喬效戲即
仲公理作昌言經世才也亦曰求聖人之彷彿思
老氏之玄虛則又信乎其有之矣而意不能無疑
只此世界爾豈更有與天地同壽者哉若所謂可
信者有故夫世事之不可幾者類如人志氣所至

金忠節集

卷之二

主

而至之志氣塞乎天地者非有所待也六合內
恣心所欲可致者欲之不可致者遺之兩有可致
者艱而有患者遺之易而弗競者欲之審如是則
一席地亦可當天柱一卷石亦可為三神山與我
共此適者今日之王子也烏鳴擊谷即湘靈之弦
歌風動吹襟即馮夷之舞踏老氏曰寧為廢不為
目謂隨所遇而欣受之而無然昨援久視玄通蓋
取諸此以觀余年伯念翁先生其人也先生年少
壯時從事公室持大體爽疑獄恤民命著在宦跡

考述不可殫精悍之氣見于眉間所云一世之
 而非山中之人也乃一變而為今日之先生則異
 矣竒崛之裹用諸盤紆峩嶸岑峯參差之間光澤
 之采發諸薜莎青蘋穿窮昌蒲之林浩翰之識宜
 諸涌泉清池激水推發之境揮斥之才用諸雙楫
 斗酒雪霏雲起之時其俯仰所需者豈畧有待乎
 哉先生蓋進于道矣即令嗣諸兄下迨孫枝森森
 玉立日奮翼作千仞翔而先生則述祖德為端本
 訓日以存忠孝明義利諄諄其中之所存施諸燕
 金忠節集 卷之二 五
 翼者尤卓不可及也已今年壽七十同籍兄弟以
 附介侯驥誥為賀先生則真可賀也夫世之人營
 營於有待而永其年者蓋有之矣至于安自然之
 道虛無為之先惟天地之無窮貴真人之休德未
 有不順適于目前而特迎于不可必至者也而先
 生若此豈不誠得長生之道者乎况厚德之本植
 諸茂年經世之事詔諸奕世降祥之天更有取瑞
 而合者先生之壽其尚可量歟酌之酒而為之歌
 曰良之純繩繩其辰仁者敦之弗身弗人匪身匪

忘境為因匪人可忘萬維勺抱神以靜生永新
 聞茲語誰可賓相彼城隅恢詭譎怪異介介形
 如巖崿委崛崎振溪派宵者惟洞纖如芥中有老
 翁歡與避松風壑雨時蓬泝弦琴舉酒他無繡眉
 壽之年嬰兒喜神歷險巖道不靡六氣套吸道漣
 九陽暹澈含精青來清來虛滓若委大川少廣
 在彼矧有蘭芷鏡其現徑業隆隆後斯起計營之
 樂且未央姑射在是長葆光愧翁無欲祝何將

論

君罔以辯言亂舊政論

君人者之受言若民生於水火然繫絕則弗生或時踏於其患也湯湯而胥溺酸醜而攸灼反以生者殺之雖然水為虐放之失之壅之火為虐濕之熄之撲之則勢可殺而禍不至於無避若人言之有以致亂也及夫潰敗蓬蘞而禍終不可息自昔唐虞之世既兢兢慎之十六言甫命爰繼曰無稽之言勿聽又命龍曰朕望纒說殄行震驚朕師其

全忠節集

卷之二

論

嚴屏之也與明日達聰之虛衷並行無悖而實非啓後世人主拒諫自用之端則何也夫君雖神聖其上下咨嗟昌言者亦惟曰罔失法度已矣蓋法度至堯而大備舜禹遞承以敬守之即日俞弗一堂不能默默或因時廣所未具或屢省察其常行至大經大法確乎宜遵者無敢少萌予聖自雄之心以片言議也猶慮文章日盛才智之士未免喜事而矜各作為游譚以險庸起信於上上不之察謂可與縹未有狹前人期奏功於新幾之康歟

否歟民之應歟否歟與弗計而天下事遂極故不可理可不慎哉厥後啓以賢世天下謂敬承繼禹道爾即湯革夏而開商猶曰繼禹舊服聖人不以德盛拂先民如此矧庸利口亂天下乎大甲類履湯典刑維時狎不義者必以忽舊章為導尹放復歸終戒云君罔以辯言亂舊政夫是訓意非為庸主而發者也庸主為國厥病蠱類以荒淫苟且之故廢弛先程其聽言也嫉善而好諛害則大臣執國命左右假明威主勢以漸削而去西東漢之季

全忠節集

卷之二

論

世皆是也惟英主為國厥病愛奇而振速宵旰之寃圖非不誠也而才畧亦是有濟見承平久先世守文之主率繇典常未免習因循安靡弱不知其故在推行無本而修明無力反疑立法之始有不可以在保世滋大者遂執一隅之見鼓其意氣之私欲舉數百年成憲自我革焉而已日之孚不肯俟日在處壽考及仁義中道古昔稱先王之上為章句迂踈不適用因有揣知其意者著異說高論盡棄方策所布以行其聽確然誦說曰信是則立

致太平疑則否英王聞之正與夙所懷來者若去璋合施一令雖中外人情交謂不可悍然弗顧也若唐之德宗宋之神宗並顯是彼虛犯裴延齡之徒固辯言大惡矣王安石實服古清修士亦莫逆側言改度咎且靖康之難有以基之信乎尹一言為萬世英王鑑匪獨太甲奉先戒爾然君之不惑是言也本在好學而知人遠志時敏進祗道敷求之功吾心之天弘而德以裕知積厥功者莫不繫古而有獲也循是取人凡聲律身度無愧古人之

金忠節集

卷之二

美

臣皆足為吾股肱耳目者爾誠以立表也端而立鑑也朗作聰明亂舊章者自無所措其趾亦何從敢違其言哉則又可慮者明王受嘉言之益無傷於嚴喋喋之防也迺昏主惡直飾非每借拒辯言名陰行監謗之政其相與虞繹者繆為忠正而實得罪於祖宗詩曰謀之其滅則具是遠謀之不滅則具是依此之謂矣是猶決河堤而益竈薪也禍其可振歟

辨

揚雄擬箕子辨

讀南豐集見其與友人論揚雄書至上比于箕子之奴吁亦過矣因為之辨曰舉夫古今之士有才可以掩行文不足以槩學者多矣吾惟高葉才不必盡其行而高之醇其文不必盡其德而醇之蓋聖賢道義之門非可以吾一隅之好而輕以予人者也此其論必折衷于聖人而孔子于商周間叙列箕子為仁人則誠以其行也學也而非謂其

金忠節集

卷之二

美

文也才也夫箕子非無才無文者也洪範一篇千古之高文具焉此堯舜相傳之絕學也而孔子與之則探其披髮佯狂之誠以為我不在商則天下必曰紂側之賢盡矣我在商而不披髮佯狂則紂必致之死地惟存此一息以存商祀如綫之緒耳何樂乎富貴而為之乎且囚奴有何富貴乎乃東漢揚雄之事則不然其依莽而不去與依紂而不去者懸也其為大夫而食祿于朝與為囚奴而佯狂于野者懸也其可以背莽而決以生死與不可

以背紂而輕言去就懸也其在新而忘漢與在野而終不臣周者又懸也其劇美之文陋而諛可已而不已與洪範之文大而恒不可已而乃不已者亦又懸也南豐乃比而同之不過因其才之溢而適欲尊其行也因其文之近乎純而仰欲崇其學也是皆賢智之過且其書中旁引曲喻率多不倫不可以悉辨其不幸天下而仰塾從味冥頑不可貞者幾希矣且雄之言亦未可深崇也善惡混之說果自有所見而然之乎抑無所見而彷彿其辭

金忠節集

卷之二

五

策
擬周禮策對
嘗禮易而知周禮繇本也在師曰君子以容民畜衆願曰聖人養賢以及萬民周公作典務使群黎百姓容之畜之于日用飲食已矣道則莫詳于養而養民莫大于賢賢知本民之義可以語周禮矣稽古虞室地平天成而禹告帝念曰政在養民后稷克勤得養之大者其詩曰粒我烝民莫匪爾極不識不知順帝之則六典大義茲頌概焉其後公

金忠節集

卷之二

五

耶愚謂惟其見此不徹故其言與學行與才判然不能合而爲一此在陳範之大賢固了了胸中者也南豐之言則誠過矣尚有謂比于孔子之無不可者其得罪于聖人也又甚

劉篤之大王王季接踵而式廓之不以養人者害人制禮之精意萃是爾其在文王卽康功田功懷餘威和一食息不敢遺民而贊成蹶生寧以多士也所謂有既附有先後有奔奏有禦侮者大得願承辭之旨雖三百六十之衆安于侯服而不致備然規模宏遠矣周公相武王爲民請命是時建侯弗寧損益草昧雖求賢審官坐以待旦而詳明法守固謙讓未逸也迨元子嗣大歷服公大相東土

疏自時中又爲心願畏民若用董正治官而作

周禮首簡曰惟王建國辨方正位體國經野設官分職以爲民極明以民極爲六官資始哉見天地心裁之輔之左右民者也辨四時氣養條湫湫不倦民者也一物之微得其性之所命一六之永推其情之所性會歸民辨哲民者也以至官相聯弗侵事相和弗同權各守弗亂一民道德同民風俗者也其委曲科條難徇以數舉姑就執事垂問最綱紀者論之周播穀肇邦則知小人之依七月有章無逸有戒奉天愛民之道基命于茲故九職之

金忠節集

卷之二

手

則取人子民制用本也左右前後飲食起居非細事也天下之弱復闢焉故官正官伯膳夫酒人皆屬之天官明乎統百官者即君側亦統之均四海者即君食息亦均之總爲民定命耳後世惟昧此意而官中府中不可一體黜陟臧否甚或倒持弊可勝道哉至造士統之司徒謂凡厥正人既富方穀辨五土之物生十二土壤之名物而後德行菽可得而理矣司樂統之宗伯謂禮節民心樂和民聲所以與幽之鬼神相配知五聲八音十二律同

金忠節集

卷之二

手

侵官庶府惟以亂民百司咸稱若主如耳目手足各有職動則從心如春夏秋冬各有司總以成歲當是時公孤弘化于上六卿百執事各靖于下繩乎盛哉謂維持萬年治統盡在此書知言矣惟伯謙通達體義著太平經國書可謂六典功臣也而非有宋三大儒表章篤好解信此經與六經并重者至于行以關雎麟趾一言尤深得是書之根抵者已愚生居恒誦 國家設官政治之典酌以是書則誠有可并提論者 太祖高皇帝罷中書

金忠節集

卷之二

三

省以六卿為相分理大務其間專職之事相兼之制皆庶幾周官遺意矣但周官冢宰以君為我休戚民為我用舍非僅以予奪持之也而今也坐統均之堂誠不通 帝座典郡縣之任期嘗試民情至錢穀因有專司而制用考成僅憑司農之故牒斯謂統均何本也內處掃除之役不關黜陟于銓蓋庵寺知莫可誰何而國區王人之權一聽人主何忘源本之圖賦可農惟務催科致剝擊以賊以俗人心不講矣曷有先存百姓之恩乎宗伯

止知典例徒奉行文事而養性制情無術矣曷有六經同歸之志乎司寇止守罰法即倫要多清而好生治民不恤矣苟有民協于中之望乎請效冢宰制國用義節用愛人常慮遴選之慮則用衆循良而邦本可固與其考貪黜于任後莫若辨賢不肖于任先也請傲天官總宮中意有孝有德常進宸嚴之側則進多吉士而左右可繩與其嗷嗷辨異同不若默默格幾微也願攷錢穀盈歛者無察民俗之醇薄古司徒無教養吉也祁縣有司不可

金忠節集

卷之二

三

論以此事與催科並重歟受寅清鉅任者必合明禮樂之原古宗伯導中和功也惇庸實用亦求諸玉帛鍾鼓之妙歟屯法修明師從無糧從之憂鄉勇鼓糾田畷皆鷹揚之選則兵農差可合治是周官伍兩遺制也罪惟信律毋以一人喜怒移獄期常情毋以奸邪周內折則欽恤繁百姓之生是周管登紀遺理也然錄其要惟在知人天子所獨知者在冢宰冢宰當則所用六卿必各視其德若才而稱其任內庶條外方伯連師刺史令亦必咸勝

其事則天下可理于是乎簡輔弼以澄其源重臺
諫以求夫正歲月日各省所當省而惟星之庶民
循食皇極之五福矣周禮豈非經國之師而六經
之總哉豈僅說章句于聖明已也

說

正學說

聖人之學大學也大學者通萬古爲一息具萬物
爲一體者也其旨則全發之孔子而一言以蔽之
曰仁一物不備非仁也一息不存非仁也一事不
爲非仁也故曰君子無終食之間違仁三傳至孟
子而發揮無餘蘊者後之學者岐內外分有無高
者流于寂寞卑者病其支離竭終身之力以爲之
不出乎訓詁詞章功利佛老而已至宋而濂溪夫
金忠節集 卷之二 三

子首開其傳作太極圖而天下人始知我所自出
一本也千古人物所自出皆此一本也二程夫子
接之以居敬窮理爲工夫而其要旨則曰學者莫
先識仁且以張子西銘爲導師而令學者專心致
志于此諄諄言之矣謂此外更無學矣乃學者不
知先返其原冒昧爲學故居敬則失之拘窮理則
夫之泛究無所得又謂大儒之言有以欺我不知
程子所謂窮理者窮吾心之仁理也居敬者存吾
心之仁體也不知其仁何窮何居乎一知之而無

息非敬即無息非理其無一物非吾理即無一物
非吾敬矣光四表格上下必臻于此矣鸞鷟及天
魚躍于淵言其上下察也其斯之謂歟

胎教說

九古立教者教人復形質以前事也即人因此形
質率與教違性固無遷爾以生後皆習者事不愆
所謂剛適性而不能不緣習以志性蹶者地因起
者亦地因坤曰直方大不習無不利是善所習以
至不習性其習者此為徹始終學而其要在蒙蒙
孳始而為言者也不可再三責恐頻而致迷也時
中行亨戒倚而不立也復最初則正性命易為功
而習不能免夫山下出泉靜而清矣在有生則為

未發在未生則為胎胎胎其最初時乎雖于無
方體先微有間矣而純粹以精渾然具也無生無
不生湛常存也人含天氣在血氣而靜虛不傷得
所附罔所移也較之墮地一啼識知漸用者何如
哉然自雖無所習而習于此肇端列女傳因有胎
教論而責功于母且以太任有身生此文王為古
今抱子者師愚因是而悟聖人立教源學人作聖
基也聖賢絕學至艮之不獲其身而極止不為也
光明富焉即四肢百骸生動依然寂爾存存者不

其為終與為主其與母兮腹我時在此血氣而不
用血氣含大易之體日進生生者殆無兩也故君
子盛德大業於始胎安止之理加損不能適還其
蒙而已無餘事矣無如學人處此形骸後類隨所
習茲乃不義習與性忘其初矣立教者惟俾就食
息起居悟盡性至命事灑掃應對舉有無聲無臭
者存於此能確有所見即此是乎胚胎之始不遂
生後為基不識不知所感者以神收視遂聽所通
者以息無人無我所遇者以天以視胎時一陽之

金忠節集

卷之十

五

育直養而無害者不昂然一哉故愚謂教胎者其
義大其功微儒曰原始反終二豎曰父母未生日
歸根曰靜統會于此若夫好子者正而無邪古人
已著其目矣愚何言

解

人道危微解

間讀虞書以為聖人之道大而不能博學者不能
觀而盡識也及通舜命禹十六言乃知聖人之
行也如龍而立本也於淵惟曰先明其心而已矣
心見則綜人與道之合而匪離嚴人與道之界而
匪離學者惟不自見率心而徘徊人道之際或強
分焉強槩焉並矣精一執中義也夫中即心體即
道體而人所以人者誠無為無又何危日監在茲

金忠節集

卷之二

五

即顯而微是天命之性也庖犧氏一畫象焉是率
性之道也陶唐氏允執一言著焉是修道之教也
有虞氏十六言備矣三者一也嘗曰是爾默識吾
心之始覺寂然湛然無所倚然思慮未起則鬼神
莫知思慮既起而純亦不已匪唯食味色聲皆後
受人益之故即仁義禮智亦動而斯有之幾惟此
靜虛之源充周乎上下四表開矧吾之形質皆所
神明而扶持爾安斯止而易簡之極愛知陰阻不
避危就安是謂安安物莫得危之謹於至微矣此

其明而地見其光不奸微絕顯而冥冥於微者
昭昭在耳目焉是心蓋終古不毀者豈以人七尺
聞存亡二哉卽心之道卽道之人精茲一茲不可
過爲析也以立教則必在嚴言以稽之不析而徒
云人卽是道彼學者不知官器實粹精之凝止認
飲食男女爲游衍出王資也不知性命作物恆之
主反借德行藝爲長傲備非日也卽徒曰人心有
節可安道心寓瞬可見彼不自動而未形辨堅氷
之漸轉假過不流之說成述復凶也不卽盛德大

金忠節集

卷之二

早

業契獨知之宗泥乎意想覩聞爲无妄往也惟截
然曰人心道心明義理精微形氣濁亂勿比而同
乎曰惟危惟微明偏形氣則禽獸隣不俟酒池肉
林而剥乎極義理斯淵然無迹必藉察識擴充而
現乎然聖人之學終不可岐而視也彼恬暴棄而
不求道者離行習而別求道者若人不可合道若
道或遺乎人豈聖人之言爲口實哉亦思天秩天
叙民衷也聰明明威民視聽也若昊天敬人時
命二十二天亮天功歟統以一心則靡人事而非

天道矣其在詩曰上天之載無聲無臭儀刑文王
萬邦作孚文王人也天載道也式文王而道在是
其在易曰大明終始時乘六龍以御天大明者人
也卽以御天則道豈遠乎哉孔子曰道不遠人曰
不可湏臾離切而言之直曰修道以仁仁者人也
總神理血氣貫洽于無方無體中矣學不通此而
專務破除私欲以爲精一功是人爲駢技也滅東
生西將不肅而治兵伍主不克家而督滅獲則逐
寇實冕之疾也卽私欲果制不行孔子曰可以爲

金忠節集

卷之二

早

難矣仁則不知或耽寂守以爲精一功是人爲
蚩也遺外逐內究至自私而用智典常熾擾乎虛
靈同患禦屏乎藏密則羨懲噎廢之愚也復禮之
學豈絕視聽言動更有幽深哉神妙萬物者何也
去是二弊亦惟曰明心爾矣悟得此心識知思爲
皆循其本與大化融於不測範有實無處有長無
本剝者成一大人清寧位育皆人事惡乎危草木
變蕃皆吾道惡乎微是之謂精無毫髮憾也是之
謂一無或時或物殊也曰中亦強言爾此庖犧氏

所以象而無言陶唐氏所以一言盡爾有虞氏豈
不及古而為益語哉學者不可不善會

跋

兩張詩小跋

自伐木歌而朋友之理遂與兩明之故通野壯潛
酷間遂有如上如左右者隱達其志氣而糾侗其
誠飾篤交者不以管變死生滿也以此哉仲連之
為二張詩蓋亦有感于斯言也聲威而真氣宏而
厚累百言不為多而一語切心唱嘆間涕可淫淫
下余每靜夜讀之覺二張之魂仲連之筆舉躍躍
其席而不可止神之聽之其以為和平歟其以為
金忠節集 卷之二 聖
怒號歟願質之惇倫而聞道者

延陵金忠節公著



疏

建罷內臣公署疏

奏為廉耻不可不維浮費不可不惜懇乞 聖明立罷內臣建署以杜誦結之漸以節侈濫之端事臣見近日 皇上欽造內臣諸臣違章上請未蒙

金忠節集

卷之三

採納仰知 聖意淵微非臣下所得窺其萬一臣小臣也何敢剽襲諸臣之唾餘嗷嗷置喙哉但昨見戶部請置戶工二部總理太監公署已奉 俞旨令二部為之另置臣竊慮之夫既建置公署則必需錢糧試思此何等時也臣且就戶部言之庫貯日乏營造多門邊警時聞軍需甚急諸臣請謂不能以一絲一忽作千百之用今乃為內臣結造所費不貲此項錢糧將取給於何地乎 皇上命之以稽核錢糧未見其清澄節省之效而先

庫藏之金錢毋乃于 皇上命之之秘意太有忝

伴歟况供億繁難更有什百于此者乎且臣之所

慮不止此也項內臣往二部到任二部諸臣猶以

為接 皇上之勅諭不敢不來行堂揖之故事無

妨一至此不足為諸臣辱今公署既已另建勢必

強司屬之臣匍匐于獨踞之庭即諸臣矯矯自好

當亦不為內臣屈而其中保無暮夜多慚寡廉鮮

耻多方結納以曲護其醜自行其私者乎此風一

開將茂本來之堂屬而不顧而轉倚內臣為地官

金忠節集

卷之三

二

冬官之詞命奔趨誦諛之習漸見于建署之後夔

皇靈肅喪士氣寧更有甚于此者且夫內臣果能

仰體 皇差之意精心潔已使兩部歷來錢穀之

數稽核一清便可據實以報 皇上其責亦已盡

矣何必建署而後可哉臣東長登朝三年以來屢

叨遷擢之恩頂踵莫報用是不避忌諱懇切陳言

伏望 皇上少賜採擇立罷建署令 國計有節

士習日端臣之利善榮辱非所設計也臣無任惶

悚待命之至崇禎四年十月二十三日具奏

科內臣微語疏

奏為臣移檄非體微臣瑣言漸驗伏乞 聖明
立賜申飭以全士節事臣于十月二十三日具疏
奏上總理太監建署蓋惟恐以此開諸結之漸矣
廉潔之維所爭甚大非止為糜費無益也臣督候
給音不蒙批發未幾而建署之舉卒行矣此在
聖明自有裁制臣不敢補續強貼乃昨見臣部司
務屬傳總理太監張彝憲信牌內寫本監公署已
完據于初七日上在所有兩部司為官吏人等滿

金忠節集

卷之三

三

見一應儀注合照部堂體制會同斟酌妥當遂款
詳閱先朝呈報臣見之不勝驚異夫莫憲之造
皇上原復之豈視兩部出入錢糧未嘗假以堂屬
有傳之體也今彝憲移檄曰司屬曰合照部堂體
制是明欲驅清署之臣詳悉竊節于庵寺試令委
憲自思 皇上勅諭中曾兩是乎抑 祖宗典故
中曾有是乎且彝憲衙門司禮職則監視原與
視之體制相等誰是貪墨侵欺一任覺察若必欲
元相昧心妄自尊大以 皇上通簡之臣子而令

其幣折僂倻將置自有之堂屬別行誣妄之儀夫
不易之公庭強抑刑餘之下則彝憲殆儼然以卿
貳自命其意不知以何者處諸臣矣不亦羞 朝
廷而辱當世之士耶况從此結納奔趨彼則日躡
此則日諂于憲典而壞士風有如臣前疏所云者
其流弊可勝言哉臣委質 聖朝自矢無玷生殺
予奪惟君父命決不敢徇徇于彝憲獨踞之庭致
罹交結之條也伏望 皇上俯採臣言立勅彝憲
勿謬以部堂之體自居并飭兩部諸臣勿輕以司
屬之體自襲公署雖置夾宜絕跡不相往來止以
錢糧文冊移會稽核庶 國體正而士氣伸矣臣
無任惶悚待命之至崇禎五年二月初六日具奏
初九日奉 聖旨內臣總理錢糧各官遇有職事
相關自當禮見其餘不必通謁金鉉亦不必借題
激陳該衙門知道

金忠節集

卷之三

四

自訟疏

奏為奸瑋借事快私微臣受過獨枉謹據實披瀝
 仰祈 聖明靈斷事臣于去年九月內蒙臣堂官
 劉委修理安定等四門軍器共計修過銃砲一千
 八百有奇長鎗等件四千一百有奇挨牌一千四
 百有奇人工物料臣皆加意綜核定該領錢糧一
 千一百兩有奇而城上城下查驗搬運之費不與
 焉節次領過庫銀七百五十兩整自十一月初旬
 庫內錢糧一分不給彼時邊警尚未大寧臣急欲
 全忠節集 卷之三 五

完公隨將三年以來服官微俸共有一百五十餘
 兩陸續給與匠刻期竣事至于臣督率匠作雖
 大寒大風皆躬在院宇中一一監治風寒所中病
 入膏肓旦夕不保頃故屢呈請告此自臣子分內
 事臣何敢言乃本月二十日京營三臣奉 旨試
 十六門火砲不意有借事挾私硬坐中傷顛倒試
 器之堅瑕橫逞昧心之威福如總理錢糧內監張
 彝憲者彝憲以刑餘匪類蒙 皇上簡用遂妄自
 尊大欲臣等行堂屬之禮臣嘗兩疏論之仰荷

聖明容納而彝憲即恨臣入骨欲借事陷臣矣
 有試驗軍需一事 皇上屢旨止命京營提督
 曾未嘗及彝憲也彝憲不奉 旨而來已屬可異
 乃一到教場即倡言曰九係金監督各下人盡數
 拘繫不合他走了一個則其未試砲之先必欲甘
 心于臣已灼然可見矣及至試砲彝憲受指營軍
 以極粗鐵錐獨驗臣砲火門忽謂臣砲有百餘位
 無火門者夫臣之修砲無一位不曾經手經目腔
 中俱清火門俱通皆用臣姓名印記自信可以免
 金忠節集 卷之三 六

罪乃忽有百餘位無火門者深可訝也既而公論
 難容計無復之又只云十八位無火門耳此十八
 位亦何嘗無火門臣匠役以細錐通之彝憲強云
 不許就中高下在心獨中臣一人之罪為阱甚深
 設機最毒然而 天地鬼神定鑒臨之矣臣雖篤
 疾未能躬詣此皆萬耳萬目所共見也且聞是日
 同驗試者或正色為臣力爭或宛詞為臣剖自辨
 彝憲悍然不顧必欲硬坐臣罪諸臣攝于彝憲之
 威無可奈何不能堅守其前說矣尤可駭者二十

四日臣所修砲已試過一午參差難準二十五日
獨謂臣砲雖驗過還不准算必令再試一次是前
事諸臣中疎未有也是誠何心舜憲有一毫後軍
國起見乎德之舜憲謀害微臣最險最殺微臣抗
辯舜憲至孤至危自非披瀝血忱歸身 君父仰
恃 聖明電照覆盆則臣孱然之軀必蓋粉于露
憲之手矣伏乞 皇上大奮乾斷照察情事舜憲
之指良為枯是否挾恨報復微臣之無因受枉是
否櫻克畢職立 勅當日試過微臣從公據實即

原缺第七葉後半葉

請撤監視內臣疏

奏為神京之藩屏全藉宣 雲宜雲之守備聞尚可
恃伏乞皇上專撫鎮之事 權收回監視之命以為
根本聲援以挫逆賊之狂 氣事痛自逆賊破秦以
來山西河北畿南風鶴未萌而官民俱已奔潰即
有一二仗節不屈之士乃 踈於防範彼為逆民所
圖如撫臣徐標者久不足 為國家之翰蔽今真保
之間警報少緩而代州已 陷賊鋒正逼大同賊哨
且至宣府職於初五日聞 報方寸驚惶竊謂天下

金忠節集

卷之三

七

大勢自茲去矣蓋逆賊欲 犯京師誠慮宜雲號稱
雄鎮其中勁旅難與爭鋒 是以欲先取宜雲然後
與畿南賊兵合股竝力以 逼王畿無所更為顧忌
設謀誠狡為憂實深職正 在徬徨適有人自宣府
來京就而問之幸其大有 可恃蓋大同一聞賊報
代藩即散財發粟鼓勵兵 民兼之撫臣衛景瑗亦
能協力固守有屹然不動 之志而宣府撫臣朱之
馮夙秉忠清之操兼有遠 畧殊得士民之和合城
士紳官戶不下二百人分 有汛地每人各募勇士

棄城措給資糧不僅望內解亦不取給民資人人願效死勿去此自逆賊破秦之後數月以來數十名臣所未有者賊萬一來攻必可以老師挫其銳倘有勤王之師其乘間而謀之則賊可殲而京師之干城端在此矣惟是一切守禦方畧料理已定忽有錢遣內臣至彼未免以已意多所更張上下官民反致擾亂又聞內臣帶有隨從人役不下四五百人此四五百人者難保其人人守法唯謹無毫忽敢擾民間且內臣之節制又不知果能嚴肅

金忠節集

卷之三

文七

否也若從此人心一渙大勢將不可知宜雲不支臣恐有不忍言者臣世居京師性命身家視皇上宗社安危與共是以昧死陳言非敢沽諫內遣之名亦非故爲躍冶之舉萬望皇上收回成命將宣大監視內臣卽刻罷遣立勅兩鎮撫鎮諸臣嘉其忠義責以後勤俾終始秉安貞之誠與民固守仍出奇設伏以屈賊鋒再調勁兵一枝聲言合助以資其犄角之勢則京師可恃以無恐矣尤望皇上因此兩鎮以例其餘倘有督兵重臣之處果能請

嚴守之圖則所遣監視可次第而罷以一其事權天下事尚可爲也

金忠節集

卷之三

文七

揚

除戎紀

為修理城守軍需用功不遺餘力謹據實詳述仰
祈台鑒事職奉堂劄委修城守器具先是登城簡
閱樓貯器具實甚浩繁凡三日始得徧觀一門見
朽蠹者居其半見久造未必取用者亦居其半職
此時若不分實用與否稟議取修恐難免虛耗之
罪因料當日守城器具急需者為砲必需者為鎗
鏹鏹又換牌而各城之朽蠹未甚尚可整葺者亦

金忠節集

卷之三

九

不出此數項隨將各砲運至公所年久鏽積空礙
膛中皆有寸許先以鐵鏹刮其浮鏽僅去其空礙
之大者環膛膠結之鏽猶貼習而不下復以鐵鏹
細為磋琢鏽將去八九矣又以磁砂置膛中磨盪
者久之職乃取各砲近映日影目擊底裏見果無
塵垢方准其工各砲火門不通者十居六七則用
鐵鑽拭以蔴油窒碍甚者力通之即原有者亦必
為之重通令其滑潤大寒大風職皆督率工匠在
院宇中親為整飭一一再三驗看少不如法者責

令再修見果如法然後以一圖書識之發與油作

油飾而滅虜砲虎尾砲二項又皆鏗磨外面使之
明朗工倍諸砲約計每日一工實實止可清理一
砲而錚磨外面則三倍之此修砲之實功也至於
鎗鏹鏹又等件初從城上運下皆黑澁不可觀浸
以香油刮研鏗磨不遺餘力乃得露其本質而柄
桿之修整工又繁甚焉杉木攢竹者木心朽壞固
不甚多而旁攢竹片類皆散亂不可收拾則或纏
以牛筋或緇以川蔴密糾緊束復厚粘以魚鱗然

金忠節集

卷之三

九

後以磚瓦石契為灰敷飾其上丈餘之木至于用
硃用油已經過匠役手四五番矣就中有朽蠹損
折竟不堪修用者必為之重新置造鋸琢擊竹攢
整料纏木作之工較修舊有者更加數倍聞有原
係檀木為桿造新修舊雖省一番攢竹工而用灰
用布亦必經油作手二三番然後成器其間調劑
樽節可仍舊者仍舊職不敢少有濫費以滋破冒
之愆必果朽壞不堪乃讓重新置補而原舊不堪
柄桿皆留貯公所空房中可驗而知其無冒破者

此修鎔鏃等件之實功也乃若按牌正面繪畫背
面釘補工亦未為不煩而夫匠舖戶總計一差關
領錢糧七百五十兩約計一門不過一百八十餘
金耳查驗搬運物料人工種種取給于此一門器
具約有二千件乃以一百八十兩錢糧修之試看
費如許工夫用如許物力各役無米之炊枵腹之
待不問可知而聽從中加意節省委曲設處之善
心固有不取盡言想亦有不俟職言者也且昧實
言統惟自整使職一段夙夜在公之長數不至沈
沒則微榮豈有既哉

金忠節集

卷之四

十

金忠節公文集卷之四

延陵金鉉伯玉書

鏡仲遠

同較

尺牘

上高稜齋先生書

鉉惟求其友生學者一大事故聖經之言交道也
志則極乎神聽而應則本乎中孚夫相與以和平
而質之漠漠居室迎善氣而動以千里無亦舍交

金忠節集

卷之四

一

臂之親而求諸不可知之境乎我思古人蓋有鑒
于友誼之恒變始終而著斯言也此輔之吉莫先
於慎原筮而積盈無道義肝膽之盟幽隱不渝則
朝廷可貞德同者直引神氣以相往來四海斯堂
百世斯日豈俟撫塵而游後稱我師我友哉今人
輕視此言泛泛結納安且平之日靡不各矢為石
交及有一人臨大節犯大難立不拔之守而出不
禮之言雖彼自靖厥心匪求輿輔迺平居所約為
聲氣者率皆搔首息嘆恐禍患之及已也不日生

端好名是于儻天下事則曰容容受厚福
何爲問與偶節亦不過飾游詞以相矜而
言不笑則讓豈同人之節惟在謀而之好
而不必內根諸性命歟此詩所以重感體
物之誠而易所以貴通天下之志也
鉉非其人而獲遇老師則何幸類乎古
所云也鉉垂髮奉父師教即聞老師獨
立不懼之槩而建議雷同遯世无悶之
學而知幾如介石固已心師之矣及叨
通任籍仰止景行而介紹無從關於因
附旋廼厄逢羸豕孽兆履霜

金忠節集

卷之四

二

鉉賦性狂愚愛關 國體遂犯浚恒之戒
不顧利床以膚得放山林免身於辱子
子之踪其不爲人所議而笑者蓋無幾
也微聞老師忠義情深見之聲色至欲
公正發憤代鉉爲不平鳴且對鳩屬諸
僚獎藉小子不啻口出至問鉉儀貌若
何器識若何以懸思遙意其人鉉實喜
散木之見收于大匠而雲天之下覆于
嵒燈也固已中心藏之矣俄老師肥遯
藟身克樹萬夫之望鉉惟兼葭蒞致
慨阻躋不謂老師瞻顧之殷雖養晦東
山而無志

下士慙慙懇懇時稱許于頰舌間令親
匡五如年兄兩上公車舉備道而詳述
之鉉乃持尊感激俯仰平生友生之奇
且篤惟老師一人而不容已于執弟子
禮于官墻末也夫遐心雖化而色笑未
通懸悉其行事愛之譽之若食息起居
相周旋者咸貞之受吾師乎觸權買禍
人謹避之而謬予緇衣歲月無間于口
若惟恐人不知者剛中之比吾師乎冠
裳韋布之列豈別無賢若吾可勞寐寤
之懷而惓惓么靡不降不投者寧如之
乎吾師乎則是

金忠節集

卷之四

三

鉉之于師所謂微有鬼神之道千里而
一室者矣古人之言豈欺我哉惟望不
遺下體克賢進修少義之施誓無怠荒
以報知已之德老師其庶幾許之用敬
畢其愚如此若夫尋常諛祝之詞寒暄
之習弗敢以一字陳焉所祈老師道德
日光潛則紹魯鄒之統造則竟臯傳之
功以無負造物降大任之意則區區所
以頌効規者耳久積愚衷殫抒無次謹
呈四子二部小疏二冊以爲羔鷹資澹
如之

謹不復以他物襲也統惟台慈鑒原

後朱勉齋撫軍書

前得雲中報舉朝皇皇咸謂大事且去旋聞宣鎮爭歡迎賊老舅翁忠言激勵共思死守衆心爲之稍安弟猶恐監視掣肘或至債事卽具請撤內監一疏尚未得旨適台役持手札至捧讀再四乃知前所聞者良然以老舅翁奇謀神勇將士用命自能遏賊勿前萬里長城造福社稷蒼生匪淺也台諭又謂城多不守矢以死殉大事或未至此然吾輩預備此一着端不可緩至以諸介弟公郎見託

金忠節集

卷之四

五

敢不聞命願宜或不守天下事殆有不忍言者弟則安能獨生弟職任皇城事果不濟必且授命大內特老母在堂不孝于死不瞑日與言及此腸寸寸斷矣昨二舍弟覓得便舟欲奉老母南歸甚似得策而老母亦以死自矢堅不肯行弟亦無可如何人生之苦孰有至弟若此之極者 皇上洪福天齊計都城萬萬無失然意料外事自古有之今日都城存亡豈視右臂宣鎮無恙則已否則老舅翁候我黃泉不數日當相見耳 臨格泣下如前

與陳幾亭書

別後無可與語伊人一方之想時時在懷接劉洪老所致台翰數番欣慰交集朱子語類刪已大就緒尤是天下後世人之幸至問家裁一則厚德虛心更今人所不務及弟何人斯迺獲附驥以彰其姓字愧矣愧矣朱子文集并諸儒語錄弟頗有纂輯之志近因深切自反覺于道學未有所聞故胸無定見昨非今是疑不自持意欲將刪述之業少待歲時且當刻刻作切己工夫將來或有所聞後故

金忠節集

卷之四

六

折衷群言以就正于世宜不致自誤以誤人也高明以為何如數月來家君居北家母寓南途次兵荒所在見告兩地懸懸此心殊欠寧貼又米鹽瑣屑之務皆弟躬自料理亦不得靜坐讀書以見日新之益只得隨時隨事警省提撕在紛擾中不敢忘遷善改過工夫遇行有不得處一意自反頗覺得力乃悟千聖之學只在修身修身之要只在慎獨千變萬化無不始終于此此亦是學問嘗談而弟却覺是向來未見底意思不識十年來所作何

事甚矣根之鈍也又聞讀龜山語錄有云今學者不知學成要作何用蓋學者所以學聞道也忽然自省于道實無所聞祿祿半生碌碌無聞因此一意務以聞道為事不知所言慎獨工夫無是入門否明眼導師其何以為之鞭策乎至于時事變遷翁臺耳目自廣無俟弟贅要令吾人不忍人之志與不自失之操並行不悖此中真有命存翁臺萬物一體之學畢竟作何商確也

金忠節集

卷之四

七

與林紫巖侍郎書

時事多艱三楚為中原重城流賊劇悍則悍則
不啻非得老年董精心密畫調護其關天下事
不知所處上也惟是弟處山林無所管為極
前古變故時中外上下款有賢才者而人同
濟雖其險阻有甚今日無不克奏成功而令
事者後自憂心苦形究之無益是謂其故年
則以不知用人故也然以弟感識今之負重
則雖知人無過老年董虛心從人亦無過老年

金忠節集

卷之四

八

董純白為固多大賢以弟所知則湖南監司
二老公孤其最著固人人所頌次則抱不世之
有特立不羈之志弟處其時俯屈于下僚者則
永州府之職也且深去夏入京與弟談天下務
至其意不他則弟所從服而以為决堪大受者
也弟每為人說項亦間有欲借之以當一面者而
弟意當令欲自立于封疆必上有大賢得以容其
展布始無牽制首尾之畏則得壽而接合老年董

其何適哉倘楚地監司或乏人老年董嘗薦古
于王庭俾獲共事一方以奏嘉績知雲漢湘江
間且夕獲安瀾矣弟碌碌無所表見于世敢藉手
老年董少効以人事君之義此弟生平所不敢
輕言而對老年董則有所不容自己者也

金忠節公文集卷之五

延陵金鉉伯玉甫著

鏡仲遠

同較

弟

鐘季龍

碑記

大京兆劉公念臺置順天府學學田碑記

觀願之道與包蒙始終天地養萬物一而已矣觀其所養聖人事也則有輕重大小焉其曰政在養民又曰養賢以及萬民不亦彰厥叙哉凡厥正人

公忠節集

卷之五

一

式穀者必富之既有德有造咸協於極而後俾一夫舉獲所焉爾德徧矣故周官司徒職敷典禮民必先辨廣輸之數樹之田至憂天下之生而不使自憂其生在然則物施教德行藝次第布焉其樂育人材也則曰中心好之曷飲食之而士之受茲介福也則曰彼君子兮不素餐兮是以士之康色好德者菁菁焉如莪也至若建學國中明人倫為天下表其篤志鞠育意宜錫日朋矣有聲之歌斯可以觀當是時也王者固求其審官愛士如慈

身而為之卿大夫者則皆應彼陰陽不斷好惡之非勿敢以厚有取不庭有縣而無遠近類也後世井牧庠序各有司存發蒙琢頤遂成以三維時食祿之家俸竊嵩高以為適故然耳漫言惟士有仁不復致慮其仰俯畜碩鼠之風恬於其身二簋之羞不以享士雖士之弘毅有力者蔬水自貞不可以易志而舍爾靈龜觀我朵頤者此比是宜清青子於與坎坎伐檀之并歌於世也 明興立學育才稽古為重爰置弟子員月各石俸以為鴻漸

公忠節集

卷之五

二

資迨後化成天下棲梧濟濟議廣議附大官不可以舉供間有君子心乎尊賢撫士者當父母師弟之任或置田畝以豐弟子之置者有之其亦古制徒養必先教意耶乃有鼓估至義萃小共大共固以其虛弘養士之藉者則京兆劉公功於今為烈公立 朝三十年大節清風今世罕有共比海內無賢愚莫不景行行止矣 皇上御極特命公保釐畿甸時值 鎮震驚軍興旁午公所以服人以德畏人以威志篤忠貞義 聖天子光乃武乃文

之功者無所不至被刺人主博公棄棄之此其所以
嗟咨各輸所有以修畢道三國愛樂而為資陶也
茂修矣公乃加意造守慶其生華節舉 德惟大
海授祭之澤古所謂體物於庶敷而養天下
者其在斯人歟欽生雖晚得沐公之化而報公之
德且望公之盛德大業日弘濟於天下今物物得
其養如易詩書周官之所云者豈去為茲事識不
朽哉則茲事固其端也已

祭文

祭孫松石太僕文

嗚呼孔翠耀羽鵠媚巧輔自矜之能的然而腐蚋
集醢滋麗厲腹鼓遂彼旦豐喪寶無久玩蟻不覩
恬聞忘救生也飽濕死餘弱肉爰有哲人春融于
躬頑之訂矣造道而公鴻漸達矣儀迺德風何車
何徒何首何終巖巖瑯琊有特其生清明之質剛
健之姿稱先則古六籍是程曰恆於家停親叙族
曰求友生厚施卑牧秩秩天嘗行靡弗足曰現於

金忌節集

卷之五

四

世維 君維國審治忽幾陽淑陰慝復則長之體
曠斯克尤我欽者志艱以弘身宇宙責不獲其身
或擬一言或畫一字或鑑一人或集一事匪恤生
民則匡 社稷福固莫求凶焉周避嗚呼凡今之
人爭尚軟美粵雪狂愚弗目弗齒遠鷗逆波青蠅
斯喜淫爾何傷世失所康寐歌寤頌展也難忘以
茲疾痛匪我膚殃痼瘵大群迺匿膏育負蘊而歸
以死誰償嗚呼哀哉先民有云千年賢聖心至今
存其所存者奚物奚務公博群書隱宜有悟若有

悟者執執公悲花笑蟲歌昔公廣居悲所悲者誰
愚父子匪爲公浪爲亡知已時無崔氏執客陸彥
伊人何往雪涕靡涯神之聽之是耶非耶尚饗

祭馮少司成文

惟神理之在天地本長在而弗滅人得茲以爲人
越死生兮無執繼故聖人而越數千年其心至今
猶爲烈雖大椿其何修雖朝菌亦非折荷道機之
無毀卽吾誰之恒揭曠百世而俯仰幾人能肩此
天鈞於惟先生惟嶽降神其生也近聖人之居其
長也窮六經之彬彬獨鄙夷乎章句服膺尼父之
求仁見極乎未物之先而無物不備乎其真感通
乎天下之故而無感可攫乎其純不獲其身而止

金忠節集

卷之五

六

諸所良之谷也屈信往來而毋其意成之輻也包
蒙正法策者亨而養者功蒙之淑也將以見天地
之心而全剛體中正之體幾乎乾而熟于復也此
先生備易于躬而生生不已之獨也若夫性中情
和不識知而順帝則其採詩之義乎正已物正心
精一而和民衷其傷書之居乎好善惡惡已則慎
幾而審豫人則稱物而當情其春秋之釐乎至于
細大不捐步趨皆矩則會通而時矣悟人文章流
而不息則律呂而宜矣於乎徽哉德懋著乎經術

之微行表正乎君子之歸先生之學所謂過此
 往未之或知者其依稀哉是以中秘讀書八閱求
 彥抗逆監以歸田際清時而見覲動 天子之夢
 卜師辟雍而德徧北在他人則以爲奇遇而榮名
 而自先生視之則若夜光之死育浮雲之舒卷亦
 隨所遭而安其適因所求而誠以瀟無置乎其心
 而學已微乎因亦嘗變矣天下之士知與不知方
 型其大敷獻于 朝廷令萬物之得所而先生則
 微疾見端適還容與歸太虛而爲隣樂形質其如
 金忠節集 卷之五 七
 苴固斯文之不幸將江河其安阻嗚呼痛哉泰山
 梁木今迺復歌如可續兮人百身其匪多矣等昔
 在成均咸躬稟乎敬摩忽位茲之異變不覺涕泗
 以吡吡嗚呼先生可滅者身恒久者性悟茲證茲
 志不舍命寒暑代謝一先生之行生也鳥鳴花發
 一先生之賡泳也上乾下坤一先生之動靜也卽
 某等之齋咨涕洟銘德誨而周旋者一先生之精
 展也何止一時萬古與並何止一物物物是映則
 奉先生之神理而出王者豈有竟也耶一束之

愧匪蘭芷先生之靈氣洋溢而無止紀者在彼乎
 在此乎敬以格之庶幾其卽是乎尚饗

祭封君史年伯文

驚天步兮方艱惟哲人兮同患產哲人兮不易匪
施厚積德兮莫為其自於乎先生兮祥所萃絕世
俗之紛披兮行成而粹敦百行兮循本不愛力而
死日兮引重致遠兄弟兮式相好而無尤安吾之
蹇紛蜚蜚其有章兮剛柔交錯雖修名之未立兮
撰著以華如火談談其攸灼玄文處幽兮降厥神
立甫申兮壽吾民哀民生之多難兮迷不知拯之
門得哲人兮恭以溫才周四極兮誠以為根不我

金忠節集

卷之五

九

逸兮嗟斯人之長勤出祥刑兮明允敷入司計兮
絕其癸而呼人知其可以遺大而披艱兮鎮皖江
之弘區嗟流氛之肆螫兮悲群黎之弗踰赫赫其
聲兮明 天子法操吳戈兮被犀甲旌蔽日兮敵
若雲矢交墮兮士爭先仁義成城兮共甘苦以為
鼓功在方域兮紀太常其可觀推厥燕翼兮頌哲
人父祝若父之康疆兮福吾民以安吾土况有德
以受多祉兮願者必其自取何皇天之不純祐
兮忽委而頽凡有心斯世兮亦孔之哀惟某等之

閨情兮豈以猶子欽先生之鍾靈兮祝黃髮與兒
齒胡遼鞠囚兮悲莫知紀陳詞以饗兮冀洋洋其
至止亂曰體歸于原神弗息兮佑而令人昌以殖
兮永奠疆域膚功克兮勤諸山淵貽謀特兮格思
歆思庶可測兮尚饗

祭節婦張年嫂文

四德與時偕行而利貞者秋冬之理天示物以不
易之節也為人臣為人子為人妻者咸取法焉當
序候之歸歎也為節為死為寒水為霜露為怒與
哀而日月星辰不亂其行有恒德也人居于隕蟲
蟄于幽舉不以天之肅殺而自易其類誰為石乎
誰為席于固物物保茲各正之性焉爾適人之於
世也每造險阻蕭瑟之來而頓失其度則何也子
於父母幾能待烹而不逃臣於大君幾能盡瘁以

金忠節集

卷之五

七

至死蓋利害當其前炎涼戰於中而幹事之遺亡
矣尚欲以之死靡他之義責之不讀書不識理道
之婦人女子乎以觀吾年嫂梁孺人則甚奇矣嫂
之歸德夫也承順乎堂上異職乎中饋何有何亡
而嫂勉之德夫固奇男子雖登一第而豪于文雄
于酒不屑居內顧茹苦食貧而嫂安之是皆嘗終
無足稱者惟德夫病且及死嫂乃面誓栢舟釘百
歲同歸之誼迨德夫捐館後無子弗計無生活資
弗計撫一女堅白之誠久而彌篤六七年如一日

焉今忽而從德夫於地下也嗚呼哀哉然嫂之可
死者身不死者節寒暑風雨不足為嫂遷富貴貧
賤不足為嫂動六珈象服不足為嫂榮獨留此艱
貞不毀之操含弘光大于百世也其真天地秋冬
之氣者乎雖死猶生夫何有憾某等感嫂純一之
守服德夫潤于之化悲棺為奠辭以鳴其大節
如此嫂如有知庶幾其歆格焉

金忠節集

卷之五

七

祭妹婦李太安人文

嗚呼死生之道一天人而達古今者也然而言天必有徵于人言古必有驗於今迺見感與應之有恆而彛倫賴以不傾若太母之授命齊東也豈天德之或爽乎人而古訓有味于今與夫福善禍淫者天之表惠迪吉從逆凶者古之文以是言也稽諸太母生平以及乎在難遂志竟嘔嘔其可異太母曰儀雖離翼翼喜怒弗形而笑言無易詩曰威儀揀揀不可選也太母曰德維慈以止愷悌成性

金忠節集

卷之五

五

而恤臧獲一如其孫子易曰體仁以長人太母曰功相夫子淑慎其身而譽處惟盈教後人喻之以恭然而濟濟多賢者咸體其無形無聲之誠周南曰君子好述小雅曰教誨爾子式穀似之太母曰孝秉內則為師而適於今者無敢或愆于儀後人之克篤乎親者繫母之貽大雅曰永錫爾類又曰永言孝思孝思維則太母曰勤以儉劬劬女役老而母猶其壯而婦戒角犀之豐盈齋以為度大夫母猶其前之士而婦易曰安節亨又曰甘節吉風

曰就其深矣方之舟之就其淺矣泳之游之何有
何亡黽勉求之凡此懿行皆其式古訓之大端而
順天之常道者宜其膺多福以康強被天命之
重異保絕繩以逢吉貞無疆而無競而迺罹非常
之鞠凶令聞之者摧心而隱恫嗚呼哀哉所謂災
祥在德不僭在人者然哉否哉雖然人亦悉聞太
母之遂志時歎正襟危坐而無營不以骨肉之存
亡而措其神也却蓀養以不食義遠乎兵革之氛
知餓小而失大也蟬蛻于塵垢十餘日而顏色如

金忠節集

卷之五

五

生蓋宜有鬼神之呵而浩氣直與造物游矣則太
母之不死不生者固貫乎天人而達乎今古者也
而又何羨乎其辱在至戚值茲異變駭而繼之以
涕疑報施之或變實憤憤而莫釋敝詞為奠以
達之辭亂焉庶有當于薦蒿悽愴之萬一也嗚呼
哀哉尚饗

祭烈婦馮安人文

嗚呼夫人其得大易坤蹇之蘊者乎六三曰代有終臣與妻之道也用六又曰以大終則臣與妻之極則也夫終者生則左右宣力以終其事或當死而死則舍生取義以善終其身至于能自終其身而所以成君父之志為邦家之光者實艱且鉅茫茫今古盡其道者幾人而夫人迺定畫於未難之先徐就於在難之頃厲貞方之節則女之當死者無不率之以自為死保宗祧之計則男之可生者

金忠節集

卷之五

五

無不諄囑之委曲以全其生險危之際氣激烈而心光明不亦更艱且鉅也哉方夫人隨夫子之宦游北海也奉太母以膺康寧之福相夫子以効鷄鳴之警克盡婦道時全齊固晏然無事也迨乎夫子躬奉吉事擬挈家以入都門至濟城而聞阻不前人莫不謂全齊終晏然無事也迺以公役未竣決計單騎入京遂與夫人定砥節之謀為永訣之語指一井以為歸全之地謂纍繫女子咸必使之相從于潔清夫人雖惻怛悲傷而應聲慷慨直云

舍此更無再計然此時全齊猶晏然無事也既而夫子北行而至濟遂作剥膚之患夫人猶慮太母聞而滋懼時時秘隱之而必死之誠已勒于中而不可解矣至于倉猝聞難夫人則安定如平嘗先為好言以慰太母繼則囑其長令帶為自活計而又肅拜童僕望其念及夫子之胤緒俾而幼嗣得逢吉而不淪於危然後起諸女投井已竟而躬遂歸于冽泉中矣嗚呼哀哉欲甚生而惡甚死士君子之所難而夫人易之已可異矣又復顧慮

金忠節集

卷之五

六

獨詳區畫各當色不變而神不驚若無事然者不亦大堪欽服也歟且幸而令嗣獲全若有鬼神相之則不獨善終其身而又善終夫子之事夫人之貞烈直古今希遊矣其辱在至戚值茲異變哀惻之忱不勝其恭敬恭敬之意不勝其師法豈惟一人師之行將表之天下今為人臣為人妻為人子者而共師之也謹敝鄙詞如此夫人或有以歆之乎

公祭王年嫂梁孺人文

嗚呼世謂婦道順而已恒無所事事然果爾則生無以為榮而死之哀不過情欲之依而已其何關典叙至重哉世蓋安于其號而昧于其義矣婦幽法地而明疑臣載者亦傾流行者有節伏螿萌芽者不催抑而長養之地之順承斯盡也至于臣宣力而左右民其大者則依休容賢而一世之休戚日切躬而不置何獨于妻道而俾其無為豈經列三者於合章有終同辭而異任歟夫順之為言謂不自制其命而凡尊之所事循其本而由乎中者皆宜代而理之不必聲聞于外也孝為君子之首而婦為之佐其儀廉靜寡營士之大節也中饋亂其志無堅操矣愷惻恤下培樛木而歌螽斯家之所以和平也誰能自夷厥心而遠小星于無怨乎知子之來而贈以雜佩吾之篤乎來誼者警雞鳴而隱助之先施所以不匱也以及至纖至悉無一不藉夫安貞之究圖是故其生也為君子之得賢其死也如夫良友然此謂不僅明于情而協于義

金忠節集

卷之五

七

性者也今年嫂梁夫人則誠殫于大義者哉佐君子事厥始起敬也孝嫻內則之命而無弗既其力與心成君子澹靜之持何有何亡自勉而不知其艱苦且甫二十而求左右之流惠之及下既宏以深賢于江汜之歌矣敬哉交徧天下而人人稱其篤于交未嘗見匍匐勞也伊誰為方舟而泳游歎造物之恒福爾其德宜其綿綿式穀輔君子為國之大臣誨子及孫以衍其嘉祉是子與臣之紀年嫂可以一妻道周翼之斯邇為立順之極者耳

金忠節集

卷之五

六

然而陰陽變遷自古今不一格忠臣志士孝子賢婦其終享自求之福者幾人遽奪之年亦其嘗也嗚呼哀哉吾儕不獨為君子悲而且為世道憂矣坤之道弘備于一身妻之行微繫乎人文子能則之是為類子臣能似之是為共臣嗚呼哀哉尚饗

延陵金鉉伯玉甫著

弟

鏡仲遠

同較

鐘季龍

語錄

與友人辨格物

承教格物之義非見性不可得及無內外精粗等語皆確然不易之論弟數日來少少體會敢因尊教而詳說之夫吾學之大自無內外精粗之可言

金忠節集

卷之六

一

而吾學之始則不可無內外精粗之辨也易曰君子敬以直內義以方外中庸曰君子之道造端乎夫婦及其至也察乎天地夫義一敬也夫婦一天地也而必有內外端至之分者則以殊其塗正所以歸於同析其端正所以竟其本耳愚邇來嘗得致知在格物之物即物有本末之物知所先後之知即知止有定之知而總合為致知在格物之知物既有本末矣則格非格其本末乎即欲知先後天則物豈無先後乎竊謂古小大學自天子以至

於庶人至此謂知之至也一段蓋示格物

功而非有錯文亦無勞補義者也

物之功即中庸所謂明善孟子

辭者也夫既明善矣集義矣豈

哉則本末厚薄之間格之必有其序矣其始也不

知性之本善非格也不知先立其大非格也因

弗知行著習察非格也不知稽古考今非格也究

且不知天地萬物理一之分殊分殊而一本終非

格也所謂格者即格此致者而已惟即格此致者

金忠節集

卷之六

二

則見性即是窮理窮理正以見性而存養省察與學問思辨無偏用也事父事君與事天事心無二事也是以執耳目以求聰明決不可以言學然吾性既現聰明矣而何者可以擴吾聰明何者可以錮吾聰明未有不稽之往哲歷之事務者就父子而求孝慈決非所以言學吾性既明孝慈矣何者足以盡我孝慈何者有以損我孝慈未有不得之經傳度之時勢者也且吾性之仁一也而以克之物則親親為大而民則仁而弗親物則愛而弗仁

有差等矣此不可不格矣吾性之禮一也而以
于物則視聽言動爲要而經禮則三百曲禮則三
子有條件矣此不可不格矣以至萬物萬理莫不
有大小剛柔之節親疎隆殺之分必皆克吾性之
本有在在窮之以求各當其則而盡人盡物參天
參地皆在其中矣斯謂治本而弗遺其末析末正
以經其本者乎故初若分內分外分精分粗而其
實內外交養精粗并育既不徒求之寂而流于爲
我之私亦不二視其本而失之兼愛之弊者也是

金忠節集

卷之六

三

故就物尋理聖賢固必無此等學術若令人焉
自幼閉之一室不接一物不讀一書而語之以致
良知之學雖窮一生精力未有不恍惚而無歸者
又何以平天下國家爲吾儒之大學哉故大學言
修身爲本卽曰此謂知本此謂知之至也正謂格
其本末所爲分精粗內外理一之所以分殊知至
其本末所爲合內外精粗分殊之所以一理耳止
于至善端在茲乎至于一草一本雖皆有理然正
不離吾視聽言動之間不外吾仁義禮智信之德

故孟子曰萬物皆備于我卽曰反身而誠此時學
問成章之時實驗之身心而非謂馳神草木者也
愚謂程子之言未免有病者正恐初學者徒求之
外物而不驗之身心非謂一草一木爲吾性命外
物也故知有物有則之物爲格物之物知格物之
格爲窮有物之則則全體大用必熾若火之始然
泉之始達夫亦近取諸身而內外精粗已盡矣又
愚所云心性二字看得分明者竊欲且將程子人
生而靜以上不容說及總說性時便已不是性之

金忠節集

卷之六

四

語揭起之以爲默識心通第一義而愚所悟入者
則在程子性卽理也之一言夫旣言性矣何釋之
以理此正成湯之所謂恒性孔子之所謂秉彝孟
子之所謂性善者也而欲明心性分合之義則益
之以二字曰性卽心之理也其分其合不亦較然
乎請得而詳論之夫人未生以前性爲太極以其
性命于天也旣生以後心爲太極則以心合夫性
也惟其未生以前性爲太極故雖其人窮凶極惡
不求其已放之心而終未失其本然之性惟其旣

生以後心爲太極故雖其人參天贊地擴克其本
然之性而實起于先立之心嘗譬之心猶海也性
猶水也情則其水之流動而才則其所以能流動
者也夫無海則不足以注水而究其初非水則亦
無以成海亦猶無心則不足以成性而究其初非
性則亦無爲心也分心分性合心合性當無疑義
矣又尊教所云頓漸俱無管他只是時時精進此
至言也及云雖漸亦頓并不頓何以漸不漸又何
以頓之語未免尚存頓漸之見不如云雖下學亦
上達不下學何以上達不上達又何以下學爲真
實義也一貫傳約之旨不覺了然哉

金忠節集

卷之六

五

與友人辨無善無惡書

遠教二年餘昨得良晤且聆海益欣快不可言但
匆匆中未能一登所懷爲恨耳年翁所謂假禪學
之圓通而自文者甚途世之學術者此一語誠可
謂切中今人之膏肓今之發洩雷之省者弟近日
亦詳識其受病之源且考之克先聖哲自謂有一
得者昨聊引其端而未竟其旨故詳言以請益夫
所謂受病之源者惟是龍溪無善無惡之一言使
天下日淪于禽獸而不自覺蓋天命之性仁

金忠節集

卷之六

六

義禮智而已其未發也渾然在中純粹至善者也
自其一無所倚絕是天倪故曰無思無爲無欲無
臭而從古聖賢曾未敢曰無善也至于隨感而動
順此則吉者順此性而善也逆此則凶者逆此性
而不善也故大學止善中庸明善皆合人之動靜
內外指示以大本大原令其在在時時兢兢業業
至于孟子因此一語費了無數精神正學始賴之
如中天之日至于濂溪誠上一章便提出至善二
字明道言天理便曰知此便是明善卽象山慈湖

號爲吾儒極超脫者亦不敢有無善之一言誠其所見之真所慮之遠也自此言一出近世學者尚未窺六經四子之毫末便猖狂自肆糠粃詩書仁情而行毫無顧忌其最甚者且曰淫房酒肆皆是道場蕩禮越閑何所不至及一駁其非不曰廓然無聖則曰聖諦亦不爲舌做耳輩總不相入柔靡者學此法則無非無是自待待物處處作平等之觀噲笑繇人自謂真佛剛愎者學此法則蒙面喪心四維盡滅自待待物在在皆私意之用呵佛罵

金忠節集

卷之六

七

祖心目無天尚猶援引聖言叱咤賢傳或曰孔思言無比比而是或曰程朱主敬着着皆非不知孔思之所謂無每就其一循天理不假人爲靜則存仁義禮智之體非有端倪動則順仁義禮智之通毫非矯飾程朱之所謂敬正就此一團天理作勿忘勿助之功非有意矜張添一物于性上而乃作此悖謬無禮之譚其亦不仁甚矣弟年來因此憤恨不平思欲力挽邪風昌明正學其要有二一在表程朱之學問使天下人引繩切墨動靜毫不敢

恣時時省提事事講究以求復吾心大中之體推吾心至正之川久久純熟自然思勉俱忘到守泰收功之地毋遽言自然之效令天下人墮落放肆一途不可救藥一在窮六經之本末使天下人自首至尾一字一句真知力行要識無極太極原是飲食之常洒掃應對無非上天之載不可視六經爲糠粃鄙誦讀爲外求明道先生讀史不遺一字原與玩物喪志之旨絕不相背勿徒東扶而西倒也俾天下人沉涵浸淫于義理之中自然有水釋

金忠節集

卷之六

八

凍解之日而其大要不過程子兩言口涵養用敬進學則在致知而已夫知不過欲明此善敬者所以求止于至善也然後虛靈不昧總是實理昭融行所無事只因一理恰當天下之人庶乎其無大可憂乎于是道義氣節乃見真聖賢是非好醜自具真銜量勿更萌兩種自以爲是而不可入堯舜之道者歎盡天下人也而言恐反不能盡謹此代布用請可否惟直教之何如高子書奉上自宋程及我明薛子而外弟所服者此公耳并以請正

與友人辯理氣合

來教云夫氣之粹然者生人然者生萬物謂粹然者為理可也謂然者為理可乎愚謂人與物同感天氣以生可以偏全分不可以粹粹二以為樊則負形載覺營營不息此所謂游氣紛擾生人物之萬殊在物固不可謂之粹在人亦不得不謂之樊也一也以為粹則粹應氣求親上親下此所謂陰陽兩端立天地之大義在物雖各守其偏然不可謂之雜而無類在人雖皆備於我亦不可謂

金忠節集

卷之六

九

之亂而無歸也亦一也獨是人者體得其全備陰陽五行之氣實合健順五常之德是以戴天者首履地者足較然不混也四德統行五典俱叙確然具足也放諸四海而準克之萬類而得殊塗百慮一致同歸未嘗不樊也實未嘗不粹也惟其備全氣故即備全理無兩截也乃物則不然虎狼有父子之恩而不解乎仁民愛物蜂蟻有君臣之義而無愧於裂冕毀裳豺獮報本未聞興禮義之場唯鳩有別何嘗嚴內外之正諸凡草木或限於南北

鳥獸或滯於高卑此皆所稟之二氣有偏清偏濁之不同所賦之五行有過與不及之或異又或有一竅之靈不能擴充其大有一端之善不能觸類而長究夫天之生氣自無不全一落萬殊不能無別且書曰惟天地萬物父母是兼人物而言夫父母之於子也而可以或粹或樊二之乎則或肖或不肖實其形質之偏全耳認氣為兩勢必認人物之性為兩所謂致中和而萬物育能盡其性則能盡人與物之性又何說乎

金忠節集

卷之六

十

來教云若曰有生萬物之氣原其有生萬物之理也則謂理主氣可謂理即氣不可也謂氣行理可謂氣即理不可也愚謂理主氣似太極生陰陽之說也氣行理似陰陽一太極之說也然太極動則氣陽靜則氣陰不可謂太極為主而陰陽為臣也理即氣也且陽即極動陰即極靜不可謂太極為止而陰陽為行也氣即理也五行二字似又多着一層矣

亦有乖沴暴戾之理乎愚謂天人乖沴暴戾之氣
卽易所指陰爲小人柔爲不善者也朱子於履霜
堅冰至諸解論之極詳大意謂一陰一陽造化之
本不能相無以動靜言也然陽生陰殺則又有淑
慝之分是又以善惡分陰陽矣氣和則爲陽爲理
氣乖則爲陰爲非理究竟非正氣卽非正理終不
可謂有氣而無理也

來教云程子曰論性不論氣不備論氣不論性不
明性與氣當有辯處愚嘗此正性氣合一之言非

金忠節集

卷之六

十一

性氣有別之論知性之負於氣則性乃不入于幽
冥知氣之一于性則氣乃不闕夫起滅

來教云孟子志氣之帥氣體之克二句爲無病愚
謂心之朋之謂之志非志卽心也心卽道志非卽
心故曰志於道是心之所之卽爲氣之帥獨至於
動者言非兼動靜言也若夫寂然不動感而遂通
之心決不可與一陰一陽之氣分帥卒也一陰一
陽之謂道孔子曰言之志止可謂陽動則所帥者
亦陽動之氣其只論于太和謂道太虛無形之氣

耳知虛空卽氣則不以志氣之帥氣體之克証理
氣之二三矣且言帥言克分別名目者爲告子勿
求于心勿求于氣言之以見卽論至次亦無精粗
及後論養氣則曰行有不慊於心則餒矣此處不
言志而言心理氣合一之旨又和盤托出矣

金忠節集

卷之六

十一

觀上齋紀程

躬無嘗居亦無固齋惟服笥黍麥鉢及臧獲所餘處或一楹兩楹得安數千卷容兩膝則曰齋曰齋云

觀上者易觀之比曰觀其生君子無咎學者即不有各位身無嘗職亦不敢即安慎為天下人所觀也故志未平平寧也余豈其任敢此之志矢不能為无營人以自恣

讀易書詩春秋三傳及三禮今及八年大義既得

金忠節集

卷之六

七

而玄與處未晰病在徒耽論說今取諸本文端坐反覆誦之不覺水釋神明既有獲意欣欣不知所自也

漢詁經者開其端爾宋竟其緒矣然漢鄭傳三禮二千年絕調矣王之易毛之詩杜之春秋簡而文哉四書以朱子集註或問為主易以伊川傳為主本義輔之詩以詩緝為主集傳同看尚書以蔡傳為主春秋主左氏三禮主鄭氏此外皆可不看徒亂人意

日坐香三線易旁通有道德南華太玄經詩旁通有楚調有陶詩李杜詩書與春秋旁通有史記有前漢書論與孟旁通有荀子有韓柳文日參讀之以盡變至于講學語莫尚于程朱我明則羅整菴第一不必多觀

說詩者言愈多則愈支且今學者意味薄不若專

者居敬讀書耳

金忠節集

卷之六

四

言動便要濟人利物靜中中正和平之意為之退不得自淪枯寂

每事思退易三百八十四爻未聞有退凶者乾乾不已惟進德修業為然

周子曰動而無動靜而无靜神也余謂戒慎乎其所以不親恐惧乎其所不聞靜而無靜也庸言之信庸行之謹動而無動也然則戒慎恐惧也信謹也其皆神之所為乎其即所謂天理乎

兩年來讀程朱書少知其要在居敬或知四字但神明未徹疑此外更有作聖前弟反令胸中茫無

所至近得高景逸先生集讀之乃知離此四字便不成學問從此歧見永釋因為之說曰學倍程朱非是學修兼知敬乃真修急舉筆識之以定一生學術之所宗若再覓他功去禽獸無幾矣戒之慎之

吾儒之學以求仁為宗故孔子門人諄諄以問仁為事至明道出而曰學者須先識仁千古學問正脈昭如星日外此而他求皆妄也

金忠節集

卷之六

五

于是矣學而章是聖人動靜一源萬物一體之學夫學以明此道行此道而已驗之吾身一呼一吸此個流行一動一靜此個游衍開眼一看鳶飛魚躍皆此個之生生傾耳而聽鳥語虫吟皆此個之察察五常百行食息起居皆此個與我渾合無間雖欲瞬息不與相習不能也夫子說時習不是強把一件物事放在身上故意把持只因天下人行不著習不察時時在此個游衍中終是混混沌沌不知所幹何事所以開口說學字也註中明覺覺

字極好蓋本在此尋常日用之中只為不明不覺便鶻突過了一明一覺便知我與此個原不相離雖然未覺時何常不與此個相習到得覺來然後人欲靜盡天理流行晝夜可通顯微無間優游涵泳胸中自洒然而悅亦不是大驚小怪放肆張狂只是戒慎恐懼之中便有無入不自得之意此個道理不是一人獨得底象山有云東海有聖人出焉此心同此理同也西南北海有聖人出焉此心同此理同也草木鳥獸尚在吾範圍曲成之中况

金忠節集

卷之六

六

同心同德者乎若斯文不墜吾道有人偕和一堂講習千古這便是舍己求人與人為善之學一以見吾道之多助一以見吾德之不孤此種樂意自是可想說到此處正是吾儒廓然太公人我一之學方不流入枯槁離世之中矣但吾人學問雖是萬物一體然却飯糗茹草可以終身有天下而不與既不挽意獨善亦不急于人知抱我所珍隨世用舍蓋為一室之中日往月來鳥鳴花落便是業大皇王一室之上子孝弟恭師傅友習即是功

高三代人知之而我行之無損乎此亦无加乎此
人不知我而我造之無少乎此亦无多乎此行所
无事而已若少有求售之意逐世微有悶心便不
是聖人分定之學半騷媚媚又其最下者耳
時謁勉齋宿因與極論學問勉齋曰近得六字
盡人倫體天理是矣余心服斯言且信勉齋力行
知要今世學者莫有其比

貧賤不能移非專謂寂寞不改其操也半騷媚嫉
有安往不得貧賤之意其所移已多矣

全忠節集

卷之六

七

窮居之於性分既非損也豈曰能加是道也何足
以藏其心諷之

天下何思何慮物可思也器可思也理亦可思也
而神與氣則不可思矣日月寒暑之往來尺蠖龍
蛇之伸屈固有太和之氣縕乎其間无容思議者
也故曰同歸而殊塗一致而百慮日往則月來月
往則日來寒往則暑來暑往則寒來此所謂動靜
互為其根无極妙合者也

夫微之顯誠之不可掩誠豈可以有无言乎張子

曰虛空即氣謂形性天人刻刻在誠之中故不得
謂有生於無亦不得謂虛二於象體物而不可遺
所謂可離非道也

知死之不亡者可與言性而况于不覩不聞時乎
惟其有無隱顯神化性命通一無二曰天曰神刻
刻臨我矣詩曰神之格思不可度思言虛空即氣
也知此之謂存誠

張子曰天地之氣雖聚散攻取百塗然其為理也
順而不妄夫順而不妄者非所謂誠乎散得吾體

全忠節集

卷之六

八

聚不失吾常善體而存神不出一慎獨而已

張子曰形而後有氣質之性善反之則天地之性
存焉故氣質之性君子有弗性者焉愚乃知理與
氣本无分也因形而後有分焉人生以前不容說
者理氣合一之性也故曰人生而靜天之性成象
成形則變化見矣感于物而動則為性之欲矣是
以剛柔緩急之不同上智下愚之有二雖氣之偏
實形之別與天陰陽五行妙合无間有死聚散
通一無二之理無弗肖者也至于物形蠢然蠢然

昏濁高卑有滯南北有分有情無情紛爾无紀知
能不良學問無別然上天陰陽五行之理實未始
或遺或有一端之善或有一隙之明遇生而生遇
克則克彼固不知其所以然實已為形所圍而弗
能自擴也惟人得其委而靈決不冝因此官骸拘
于形質滯吾理氣合一之本體然每安于日用不
知返其本來是以張子有云知虛空即氣則神化
性命通一無二又云能推本所從來又云太虛無
形氣之本體至靜無感性之淵源于言萬語欲人

金忠節集

卷之六

五

求之于理氣之初无自囿于形質之後耳是以分
人物之萬殊者則參觀理氣于形質之中立天地
之大義者則妙合理氣于形質之始
游氣紛擾合而成質者生人物之萬殊此就其形
而下者言也陰陽兩端循環不已者立天地之大
義此就其形而上者言也特人為萬物之靈秉天
氣即全天性雖氣之昏明不足以蔽之遇之吉凶
不足以戕之不免于蔽之戕之者未之學耳
天之生人也備陰陽五行之氣而生之實合健順

五常之理而命之此元初之命固有之性孟子所
謂性善者也天命謂性率性謂道是性與天道流
轉于陰陽而無所雜者故不須修至理氣因形質
遂判為二是有修道之教

惟誠故虛未有妄而不滯者也故曰寂然不動感
而遂通維天之命於穆不已乾道變化各正性命
皆所謂太虛無形者也然非誠何以至此
行於理不順現前且碍烏乎穷理乎事于義不徒
一事且滯烏乎精義乎

金忠節集

卷之六

五

曰無欲而好仁則曰可欲之謂善猶未化也曰無
畏而惡不仁則曰敬天之威猶未純也
行之篤者如天道不已篤之至也吾以是知誠則
不已乃所以為篤行乎
過雖在人如在己善雖在己與諸人所謂吉凶與
民同患以天地萬物為一體者也
張子曰幾者善之幾也惡不可謂之幾如曰幾者
善之微吉之光見亦止言吉耳愚憬然而悟曰幾
者即獨也夫獨豈容兼惡而言乎故小人不但不

可言慎獨而且亡獨戒慎不睹恐懼不聞斯為獨矣見其獨天地萬物一獨也不可以萬殊二也有無隱顯一獨也不可以形未形具也始則知慎究且化慎而止見獨故曰知至至之可與幾也可與幾是可與獨也故曰動之微言之先見夫微則不可言危矣曰吉則不可言凶悔吝矣使與危敵與悔吝對可謂獨乎故無人无我神化性命之學惟存一獨而已獨者一善而已小人始則為不善非獨也究且為人而捨其不善蓋不知有獨矣然則何以見獨曰慎何以慎獨曰知幾何以知幾曰忠信究竟惟一誠是以益之

全忠節集

卷之六

三

之名此等病痛與好貨好色之念爭不甚遜若夫玩物喪志吾亦每自覺之可恨可惜言忠信行篤敬參前倚衡夫然後行推而至于至誠無息不外乎是下學而上達愚于是乎見之知崇是致知工夫禮卑是格物工夫然知崇則禮卑猶之有天即有地也故格致非二事張子厚每令人先學禮夫禮何在乎非禮勿視聽言動而禮斯存矣本末精粗徹上徹下于斯盡之灑掃應對便能精義入神正在非禮勿動天命之謂性維天之命聲臭焉存即所謂不睹不聞而大本以立者也奚執為諄諄誨爾者哉聖人曰吾于生生不息中而得天心矣元亨利貞天四序吾四德也水火木金土天五行吾五事也總而兩之陰陽爾神而一之太極爾天何言哉然而一神兩化者生人已體備其全矣何莫非命足以于其生而有性于生人之心而成性故從心從生性義立焉

全忠節集

卷之六

三

成性是天命之元資人以爲利貞者也天之終其人之始乎故曰物之終始又曰鼓萬物而不與聖人同憂道義之門存乎人矣

道何以頃臾不可離我之性卽天爾詩云昊天曰明及爾出王昊天曰旦及爾游衍不睹不聞皆是也敬天之怒无敢戲渝敬天之威无敢馳驅則戒慎恐懼而已矣

喜怒哀樂未發以前氣象天命之最初者是也而體之于性發而中節工夫我盡性之後事也而參

金忠節集

卷之六

五

之于天先天而天不違後天而奉天時其斯之謂

歟

生生不息而蕩蕩難名此未發以前氣象也然所

不息者何爲戒慎恐懼而已矣

可離非道非徒反言道之不可離也知非之可

離而人欲去天則立矣閑邪存誠其在是乎此其

所以用戒慎恐懼也

不獨則有對獨者無對之義也無欲而自好仁非

有一好與仁對也無畏而自惡不仁非更有一惡

與仁對也故惡臭好色之意莫原所始莫究所終實理自然有底卽通乃謂誠爾若睹若聞着則對對則非獨非獨則非誠非誠則倚何謂中乎故惟一者執中之學也

慎獨者時中之謂也時則獨逆時則有對有心逢時雖時矣而弗中亦有對矣皆爲反中庸皆是无忌憚有忌憚者不睹不聞之義也

親聞皆不着此等小心天下一人而已非克堪顧天者其孰能之詩云文王陟降在帝左右又云無

金忠節集

卷之六

五

然畔援無然欣美誕先登于岸其斯之謂歟然究歸無聲無臭而已

性者統于心者也情者發于性者也才者性之所以爲情者也

大學之格物卽中庸之明善博學審問慎思明辨者是也

先曰物有本末後曰一是皆以修身爲本其本亂而未治者否矣故格物格其物之本末也

在止于至善一語是孟子道性善之宗修身爲本

一言是孟子踐形之音

安其心而後可以讀書然成曰槩弗受拒且受者則心反不安惟在我者不比而應物未至而安至得其所而安得所而已而安即此可證讀書力也朱子手箴之學小學近思錄四書集註或問易本義詩集傳儀禮經傳太極圖通書西銘註綱目陰符經註參同契註楚詞註韓文考異又文集大全奏議皆手著也語類大全多出於門人所記頗有龐雜而支離者

忠節集

卷之六

重

存養省察四字盡了聖學致知力行總在此四字中矣外此而他求不支離便玄遠

力不可為處命不可逃處只得安之憂愁憤懣總

是無益有不能脫然者奈何

朱子釋致知在格物曰言欲致吾之知在即物而窮其理也粗心讀之似无味再四涵泳然後知其

訓詁之精工夫之當也後來別立議論總不得確

義

天之生人即以萬物萬理備于其身聖賢教人即

以天下國家責于其身然則吾所固有者至矣而不可禦也人特自小之耳六經諸子不過喚醒人以至大之理也

湛然無一物時大用在中也宜存養而勿失萬物各得其所時全體在外也宜省察而不差所謂一以貫之者也

格物死了手時曾子有疾召門弟子曰啓予足啓予手詩云戰戰兢兢如臨深淵如履薄冰而今而後吾知免夫小子又易簣曰吾得正而斃焉斯已

忠節集

卷之六

重

矣此正是格物徹始徹終工夫大可令人玩味

當私欲萌動擺脫不得時正當緊用力提出來心自作主宰決不令為邪穢所勝方是工夫若寧

靜時說有工夫至私欲來時又任其恣肆便經三

四十年也只是此等人中得甚用

早為劉岱老送行至大街遇刑曹即往西市監斬去路人曰今日決盜也因思孔子曰不教民而殺謂之虐今日為民父母者實心教民者誰乎且教必先養實心養民者又誰乎而日以愚昧之赤子

戲害無已可歎也因思古者教民之意惜今日無
行之者為之惻然

午歸整理書籍竟日至夜心氣不定大抵靜功不
可間也持志不定可愧

靜坐中覺元來實未有一物胸中膠膠擾擾者皆
後來積習所添也膠擾盡亡即是天理遇父母知
孝遇兄弟知友見善自好不及見不善自如探湯
不待我安排而然者也

性體本不可以視聞求知道者默辨於日用飲食
金忠節集 卷之六 毛

人情物理而已所謂箴諸用也自其日用飲食人
情物理之各得其宜者即不視不聞之性體于斯
在焉鸞飛戾天魚躍于淵言其上下察也四時行
焉百物生焉天何言哉

要求見性便終不可見性論語曰默識文言曰體
仁如此用功始不犯手仁見知見此所以不得其
全也

朱子曰於己不當下恕字詳辨忠宣公恕已恕人
之言謂學者當深察毫釐之異真千古至論也精

義之學他人所不及

未有學養子而後嫁者也良知良能統天地萬物
為一體豈有至親而不相貫徹乎此示人以不學
不慮之旨也透得此則知止于至善矣

讀大學至絜矩處乃信一部大學只忠恕二字貫
之蓋忠恕所以求仁也豈止大學六經皆可以此
二字貫之曾子之告門人固誠實語也

認得為已何所不至真識仁語也常默誦之覺編
身與天地萬物有通徹無二之氣象

金忠節集 卷之六 毛

靜則直內未發也動則因物雖發而實未發也非
純乎天理者烏足以知之

天德王道共要在慎獨明道此言貫徹六經總
括千聖者也大哉至哉

余嘗以十六字銘諸座右曰存心以靜守身以儉
接物以厚事親以誠無纖毫私欲故靜無強生纖
毫事故儉無纖毫刻薄處即厚無纖毫厭倦時乃

誠
早來事莫過此日之晚晚來事莫過次日之午俱

要打起精神應去嘗令無一事繫心亦是存養一法

忌憚二字莫粗看了孝子之事視也視于無形聽于無聲以言乎不敢以視視不敢以聽聽也執形聲則無忌憚矣事天亦然

天體物而不遺聰明弱威即民之耳目心思是矣舜惟見民皆天故好問好察用其中于民

事來我應皆分所當爲此不可生厭棄心至于本無一事我心強要生出事來殊爲自苦此便是懂

金忠節集

卷之六

五

懂往來明從爾思自今以後切勿自生絲髮無益事雖學至聖人亦不過如此

大明終始卽原始反終終始事保合太和卽周子守靜之學遷善改過德念室欲是該動靜工夫只是自己并不關別箇事爲仁由己而由人乎哉

自思平日大將只是逐物生事因爲物所引厭事亦是爲物所擾終是不肯全全放下不知不覺又

將一事來較量湊泊殆覺時又不提起主宰反去

物上消弭其逐物愈甚矣此皆是作工夫時病源

然爲害不小戒之慎之

悟得真我自見萬物皆備若只外求萬物皆備却

反喪了真我故自我察卽活活潑潑地以爲魚察

便是弄精神夫一味冥冥好處一味朗朗好處吾

之心正在冥冥朗朗之間甚是難處要說全不知

却又信得萬物皆備于我不假外求要說全知却

又自覺影響才情氣魄到此安施六經諸子誰是

可助遇懸崖時要撒手危哉危哉然于聖萬賢說

得明明白白底若不自識得終久是鶻鶻突突在

金忠節集

卷之六

辛

不得手着不得手奈何奈何

離了仁別無木體離了存仁別無工夫程子曰以

天地萬物爲體誠哉其一體也象山曰宇宙內事

皆已分內事已分內事皆宇宙內事誠哉其分內

也有一毫從驅發起念雖參天贊地之事咸是已

私不必功名色貨有一毫與物我隔膜卽知玄知

妙之胸亦錯認本體馴致害物傷人時時以此自

醒則一草一木真關我蕃變之能豈但父子兄弟

無思無爲渾是我洋溢之理無待措置安排反身

而誠樂莫大焉豈欺我也

讀高子詳論儒佛之辨因悟佛氏之空吾儒之仁
虛實之判摠在于此忽然心地了然實實覺天地
萬物與我一體私欲不知從何而去汗浸背脊間
悔從前痿痺之極也因書數語覺句句從胸中流
出與平日不同

周子曰誠無為無為之體即性體也所謂至善也
夫心之本體即是性無聲無臭而仁義禮知具備
焉孟氏所謂本心是也情者性之發心之用也性

全忠節集

卷之六

圭

既具乎仁義禮知靜亦定動亦定定性者循天理
而已靜中湛然無一物此天理之體也纔有所感
于物自然應之各當其分此天理發之為用者也
無間動靜舉不以有我之私間焉何不定之有大
學曰知止知此也中庸曰明善明此也論語曰求
仁求此也無處非性故無處非天無處非天故無
處非理會得此一以貫之

學者只要知止知止則無餘事矣大學開卷即提
出知止二字止即明德知止即明明德知此則二

物一靜各臻其則萬事萬物各得其所矣聖學前
有餘蘊哉大學一篇深得大易艮卦之旨艮其止
得其止也不獲其身乃所以修身不見其人乃所
以親民蓋一得所止則內外動靜之交融會貫通
皆天理流行於其際又何身見人見行見止見乎
此謂矩矩此謂明明德于天下此謂物格此謂知
之至也禹曰安汝止尹曰欽厥止止即萬物皆備
之源即性體也孔子曰太極箕子曰皇極周子曰
無極而太極皆止之別名凡千百義理之名亦皆

全忠節集

卷之六

圭

止之別名知止則知其理一所以為仁知所先後
則知其分殊所以為義未有不知止而能知所先
後者亦未有徒言知止而不能實知所先後者此
聖人全體大用之學也

朱子註曰物格知至則知所止矣意誠以下則皆
得所止之序也四言盡大學之道明道定性書只
是知止內外兩忘動靜咸定以至大公願應諸語
皆深得大學之精微故又嘗曰知止則自定萬物
擾不動

孟子曰求放心程子曰至一不過只要人知止敬則止朱子註明明德曰當因其所發而遂明之註誠意曰實其心之所發託自欺曰知爲善以去惡而心之所發有未實也三個心之所發正明示人以察識擴克慎獨知几之吉蓋當其未發而敬以存之保明德之體也此當勉爲功就其已發而敬以察之克明德之用也此尤宜時爲力周子所謂幾善惡者功夫在此

金忠節集

卷之六

三

終潛伏而不知蓋中無所至故也未于有曰天理在人亘古今而不泯如何蔽鋼而天理常自若無時不自私意中發出但人不自覺正如明珠大貝混雜沙礫中零星逐時出來但只于道理發現處當下認取打合零星漸成片段到得自家好底意思日長日益則天理自然純固向之所謂私欲自然消靡退散不復萌動矣若專務克治私欲不能克長善端則私欲日相鬪敵縱一時按伏得下又復作矣此言宜時時深體力行之大學或問

小註一段可與此參看

顏山農謂羅子曰子不觀孟氏之論四端乎知皆擴而克之如火之始燃泉之始達如此體仁何等直截故子思當下日用而不知勿妄疑天性生生之或息也卽朱子因其所發而遂弱之以復其初之吉此是千聖學問嫡傳

不大聲以色不長夏以革不識不知順帝之則所謂止于至善也故君臣父子朋友莫非天理之流行焉此與易時止則止時行則行動靜不失其時

金忠節集

卷之六

三

同義

明德註提出虛靈不昧四字已明示良知之宗初學合下便要知止若不知止則茫茫蕩蕩無下手處至一卽所以求知止也孔子之志于學是也直至從心不踰矩亦不外知止別有工夫但淺深安勉不同耳鄭端簡古言載賈遠之言曰孔伋窮居于宋懼先聖之學不明而帝王之道墜故作大學以經之中庸以緯之經緯二語大可玩不可以見異于朱子

而棄之

今日始知日前為學時時有正與助長之意感之

詩頌文王不大聲以色顯而微也不長夏以華變

而帝也顯微一需變一方可言學到此一得窩心

哉順帝之則而已

境遇艱苦時物事勞攘時正宜提出主宰念本體

勿為他物所勝此處有工夫較之平嘗勝百倍矣

不然平常工夫亦未到受貼處

程子曰即事盡天理便是易只此一語便足致廣

金忠節集

卷之六

三

大而盡精微極高明而道中庸矣大學格物亦只

是事事盡天理

天之生人亦許其生一事蓋聲色貨利原非性中

所得而有也又不許其避一事蓋天下國家原非

性中所得而外也今人皆反之者是謂逆天

偶為友人評上律成時文曰一部中庸只是一個

時字然非別就幽深玄遠論也庸言庸行便與

時行物生刻刻相合聖人與衆人同但聖人飲食

而知味耳註曰法其自然之運備有無限妙理說

得太高却又不是當細繹之學至仲尼只是不先

不後在在與天時合耳所謂不可須臾離也

驗本體要極精微有一念想像持求總是人為造

作其于无妄之命尚隔天淵作工夫要極緊嚴有

一刻苟且晏安皆屬惡習纏綿其于不息之強猶

岐轉轍本體不透雖日向好事摠是襲取工夫力

行不誠雖慮悟心源止是荒唐見解

太和卽性體也日用常有乖戾之氣乘間而發蓋

有不自覺者非用力克治之遺性體遠矣

金忠節集

卷之六

美

學道須猛勇精奮日有進機人壽幾何堪此悠悠

度日况年之永不永自已未可必乎見同輩時有

天亡真為悚懼

大學只是要止于至善而工夫全在格物卽至于

平天下一格物而已格物是時時處處精察力行

物格則沛然莫之能禦矣不待有意為之也今讀

一部大學曰知止知本格物之原也知先後格物

之序也自明新民格物之體用也敬止格靜中之

物也為人君以下格動中之物也學修所以格物

者也德財之盛格內外之物也沒世不忘民不能忘格天下後世之物也無訟格畏民之物也誠意章格心所發之物也正心格心之物也修身齊家格家之物也治國平天下格國天下之物也至於各得其宜所謂物各止其所而天下之理得矣物格而天下平矣

宋彭龜年曰自平天下邇而求之其極至於格物致知自物格知至順而達之其極至於國治天下平其間雖節目煩夥而其道甚要所謂要道蓋不

金忠節集

卷之六

三

過格物致知已耳然聖人曾誠意而下又各疏其說焉非謂格物致知之外又別有所謂誠意正心修身齊家治國平天下之道此蓋聖人深指人以格物致知者然也故聖人於齊家之條引書曰若保赤子心誠求之雖不中不遠矣此格物致知之最近者也見解通徹出諸說之上

平天下者莫過於知人小人之惡雖多端然釀天下之亂者兩種為甚一曰妨賢而病國一曰損下以益上千古人國之亂大率由此兩種人故大學

獨及之

先民有言無欲可以行王道又曰無欲可以為王佐讀大學終篇乃信其言之當也然何以得無欲亦曰格物致知誠意正心而已

為學弊繁處在嚴公私義利之辨此格物之最當先者也此處辨不明雖云正心誠意不離掩著之小人俾之治國平天下便為務財用之小人生于其心害于其事作于其事害于其政危哉危哉

孔門之學莫先求仁孟氏開卷即提出仁字義即

金忠節集

卷之六

三

仁非有二也且曰未有仁而遺其親者也分明說出不學不慮之良以為天德王道之本向後屢以孝弟親長冒天下之道其旨已露于此是從聖門求仁工夫指出最切最要至大至微極平極易處使人知所入門修身齊家治國平天下統不外是至哉仁字親親為大矣

易曰大哉乾元萬物資始仁也又曰乾始能以美利利天下不言所利體仁則不言利而自無不利也孟子其深于易者乎止謂孟子長于詩書者何

也

明道曰學者須先識仁近溪曰孔門只在求仁得
出孝弟慈以盡其肯皆得孟子之深者

讀孟子首章深服陽明本塞源論確與孟子同

功沼上章孟子分明說出仁者以天地萬物為一

體樂與憂皆共之惠王不可與莊語也故因其賢

者一語遂語以如此則樂如此則不樂以民心之

向背警之

不遠農時二節唐虞三代之教養斯民盡此矣六

金忠節集

卷之六

堯

府三事八政皆不能外此更有經制也秦漢以後

號為小康之世者雖千變萬化不出此數言

孟氏教人再不出孝弟二字是學之至大至精處

惟近溪先生勘得透徹無遺

五岫之宅節朱註云極裁成輔養之道分明說出

王者參贊位育氣象

程子所云孔子尊周孟子勸齊梁一段議論真是

千古朱子載之穆氏章末其肯甚深知此便知易

理

讀率獸食人章因思人國不幸當民窮盜起饑饉

流亡之時先須從人主一身去侈從儉一切不為

之費損之以益吾民然後可不然徒有恤民之虛

名耳但欲為此左右近習之人亦不可與商酌要

在毅然行之梁齊之君所以問孟子句句是私心

孟子所以告之句句是公理此王霸之所以分當

細玩而熟辨之

齊王伐燕章朱註引張子此事間不容髮一段可

謂精義窮理之至也因思象山一派學問以至我

金忠節集

卷之六

罕

明陽明諸子專理會本原非不簡易然力量大小

必讓周程張朱四夫子者正謂此等分殊處不肯

研究故也今之矢口譁禪者更有此弊若聞此言

必笑我曰本原之外更有餘事哉

說養氣則曰行有不慊於心則餒矣說知言則曰

生于其心乃知學者千變萬化皆從心上來孟子

不遇見得此心真體而已曰氣曰言曰養種種各

目成心之發現也更何別求不動之肯哉近溪論

養氣章謂孟子與告子正所謂心處有差別一語

判定發千古所未發

金忠節集

卷之六

巳

讀春秋筆記

隱公二年春公會戎于潛程子胡子汪氏張氏龜
山東萊俱得之大抵不出謹華夷之辨一言發揮
明快

夏五月莒人入向杜氏註左傳云傳言失婚姻之
義極是無驗帥帥入極不氏未賜族也程子胡氏
張氏呂氏皆至此說而東萊更詳辨之于義理甚
確

秋八月庚辰公及戎盟于唐程子胡氏張氏家氏

金忠節集

卷之六

墨

俱發揮明切

九月紀履緌來逆女冬十月伯姬歸于紀程子之
得大中至正之道公羊胡氏泥親迎之說似未拘
矣然公羊婚禮不稱至人之義甚好

紀子伯莒子盟于密程子胡氏闕疑亦是杜氏註
或有根據再詳之

十有二月乙卯夫人子氏薨穀梁程子胡子說俱
確張氏陳氏汪氏俱可參

鄭人伐衛胡傳義足

漢魏六朝易

李陽祥集易解 鄭玄注抄 王弼註 孔穎

達疏

宋儒易

大全 程朱 張橫渠易 趙復齋易 楊誠齋

易 許魯齋私言

明儒易

李維楨古易編 楊時喬大全 卓吾易 來

知德易 鄧元錫易 郭青螺易 劉濂象解

全忠節集

卷之六

望

說統 錢啟新象像管見

不見易不謂之問道周程而後大儒皆然然學者
欲求空虛幻妄則一陰一陽之謂道者謂何欲求
之精粕煨燼則神無方易無體者謂何惟於庸言
庸行中得夫無聲無臭之妙則幾矣
知體虛空為性又知本天道為用張子此言真得
正學之旨合二語而有所得斯見易矣

明道曰學者須先識仁此孔孟以來正學之宗也

夫仁之體偏言則一事所謂愛人者也而專言之

則自伏羲堯舜以來一畫以至六十四卦三百八

十四爻無往而非仁也會得此則無內外動靜之

間矣蓋生生之謂易天地之仁也人得此全體以

生故與天地合靜而無一物此仁之藏密于無形

乎動而萬物各得其所此仁之吉凶與民同患乎

六經之言不出乎是求志求此達道達此得此要

領靜坐便非守寂此體固生生不已也讀書便非

全忠節集

卷之六

畧

玩物其用即滴滴逢源也妙哉

此道不是逞聰明用意氣底事體亦非作文章博
名譽底題目然去此四者有一要法惟念念寔從
為已上着工夫全無為人之想則四端化矣
靜坐時思慮雜然贊之知幾慎獨之言愧悔無地
苦矣苦矣然要如何去之須時時思量求索
懷刑而為君子畏神格而去非心然則匪人要去
作好人是皆從神與刑

起念矣恐于元來自然之禮尚隔幾層但聖賢立

言不如是不足以醒迷人爾學聚問辨若不寬居之則踴助長欲速之病慎之慎之日間有幾微萌于心者夜即夢之近來少用克治工夫覺前日所思不思前夜所夢不夢矣此工不辦方是存得夜氣

言思不及人言善不及身雖不能盡修辭立誠之學亦一大節目也此而不留意焉忠信亡矣走一步發一言必求與我誠敬之元合否如此不間乃是思誠

全忠節集

卷之六

豈

君子以向晦入宴息蓋欲息則息無雜然不息者以擾其中也一睡便着卽此意

聖門立教惟語工夫不言本體故命與仁本體也而子罕言之卽嘗言知命而不言所知者謂何每語爲仁而不言仁爲何象終日乾乾所爲歉然無餘者止此爲之不厭誨人不倦而已豈謂無本體之可言哉意以工夫至而本體自呈所謂神而明之存乎其人非可以口耳悉也故開卷提出大學二字且日之道謂外學無道也

學之一字自傳說與高宗說起其曰學于古訓乃有獲與夫子好古敏以求之之旨正相發明所云遜志時敏修來允懷道積厥躬德修罔覺皆自學于古訓致之所謂有獲也註中後覺者必效先覺之所爲其真寔義乎慎勿言無師之智與見空之識以亂聖學正傳也或曰然則夫子之所謂學遺身心而談古昔得無有逐外遺內之弊乎曰註中已言之矣因明善復初所以效先覺之所爲耳是效先覺正以爲身心談古昔乃以知性善內外交

全忠節集

卷之六

吳

養之道盡于是矣

易大傳曰鳴鶴在陰其子和之我有好爵吾與爾靡之子曰君子居其室出其言善則千里之外應之况其邇者乎居其室出其言不善則千里之外遠之况其邇者乎細味此段則朋自遠來之義也否則薛孟之三千亦何關於性命而尸居淵默所謂不改者何樂乎下學而上達知我者其天乎人不知不愠之謂也易卦首潛論語首學以不知不愠終之所云確乎不拔者也辨得此事乃是正

學我之學可以來朋人不知乃可不慍不然又入出世一路矣我之學果能時習誠之至自能動朋不然又入為人一路矣

語本體只是個仁字語工夫只是個敬字敬卽本體也仁卽工夫也于此較而二之尚未識敬識仁在打成一片千聖之學盡是矣何他求哉

遠而四表上下逝而四股百骸無不是此個天

充塞無可以形容之則曰一而已矣舜曰惟一曰協于克一孔子曰負夫一曰一以貫之周子曰

全忠節集

卷之六

聖

一爲要程子曰三一夫一卽性體也而工夫在是少有安排布置則二三矣不必妄思那念也合不得本體不成工夫信哉

象山曰學問不得其綱只是二君一民等是恭敬若不得其綱則恭敬是君此心是民若得其綱則恭敬者乃保養此心也明道亦曰以敬直內則便不直矣迺知至一非矜持把捉之意勿忘勿助之

間正當處也不識此者便是德二三勤罔不齊而今爲學合下便要涵泳至一之義大學之格物

致知誠意等功皆所以至乎一也

箇中繁華從精微一物來儘便有遠掃除私欲終無了強弱生機反益非內外兩忘臻易妙思爲並武得先幾試將至一優柔慈自見鸞飛魚躍機一事不可放過一念不可放過一時不可放過勇猛精進處處見有善可遷有過可改方是至一工夫

淺之怕聲色貨利作崇深之又怕知解才情作崇若默識此箇性體潔淨淨外物不能染無思無

全忠節集

卷之六

聖

爲伎術磨所施收斂精神歸于閑淡便可到無聲無臭地位

象山曰人之通病在于居茅茨則慕棟宇衣敝衣則慕美好食糲則慕其肥予自返此三者從來不着心遷來反覺脫然矣正好打點全副精神歸併義理若悠悠忽忽豈不可惜了資質

明道延平皆教學者靜坐乃王心齋見學者瞑目跌坐却曰青天白日何自作鬼魅此是心齋高明之過學者終日營營世故不令他從此起手入門

正無方法矣且明道延平亦可非乎

神理在天地間無聲無臭能運寒暑晝夜而不為寒暑晝夜之所遷其在於人則性也能處動靜死生而不為動靜死生之所變

真體既呈覺前日之營營皆妄妄心既歇覺當下之潑潑皆真乃知楞嚴所言本自精妙豈可以佛氏故疵之

只本體微有過當私意少乘便是惡了不必貪財好色酒池肉林乃為罪過非從心髓入微處下手

金忠節集 卷之六 吳

便草草自以為足

原天之道無動無靜者也乘于氣而有晝夜焉原人之性亦無動無靜者也乘于氣而有息焉夫無動無靜非不動不靜也動靜各正其所而于其寂然不動之體毫無所移故雖乘于氣而刻刻盛大流行之氣即刻刻皆歸根復命之氣也故知其無動靜而任其自然者聖人也任靜而養其動之源在動而察其靜之幾者賢人也乃若眾人則不然矣性體本同乎天而以形質有蔽之身遭事物無

窮之變日向于動而不知有靜之理也且在靜亦動而無復有靜之時也刻刻皆此氣之奔逸放恣而不浸知退藏於密

易簡理得則可與幾可與幾則知險知阻矣故凡弗入吾獲陷阱之中者必其擇乎中庸得一善而弗失者也擇而弗能守即納而弗知碎非是兩病乾稱父坤稱母予茲藐焉乃混然中處吾非天地之一物乎然所謂吾其體吾其性者所以生是物者也豈有不待格而自明者乎惟明其理一而分

金忠節集 卷之六 李

殊分殊而一本者而物格矣此即可名我為萬物亦可名我為一物未有外我而徒求之萬物者也德不厚不足以載物居不寬不足以聚學故培塿無松柏行潦無蛟龍其氣薄也詩曰瞻彼早麓榛楛濟濟豈弟君子于祿豈弟蓋言福生于寬厚也詩紀曰毫髮不愧于隱微然後近者乎故人罔時怨神罔時恫始可以刑于寡妻愚以是知妻子尚可欺而鬼神不可欺惟鬼神無欺然後可以化妻子也誰謂閨門為私暱之地而可忽乎哉

徒博施濟衆而不克已不可言仁堯舜之所以猶
病者謂其克已而博濟者也已欲立而立人已欲
達而達人所謂真能克已者也故一日克已復禮
則天下歸仁未有以天下歸爲心而反忘請事于
克復者顏淵問仁與子貢博濟章正是一意

下學而上達註引程子曰凡下學人事便是上達
天理然冒而不察則亦不能以上達矣此所謂酒
掃應對便能精義入神令人開口便說無聲無臭
却將功夫倒做了是上達而下學非下學而上達

金忠節集

卷之六

五

也便遺却下學一節此處不可不審辨之
仁義禮智之性猶種也心猶土也惻隱羞惡辭讓
是非之情猶土中之種所發生之枝幹也然滋培
于土不厚則氣滯而不生涵養于種者不常則神
散而不長

敬仁誠三字合說自伊尹之告太甲始夫善一而
已矣自其無敢戲渝者言之則謂之敬自其大公
無私者言之則謂之仁自其忠信无妄者言之則
謂之誠然而敬者實仁與誠之本也不識得不觀

不聞却去用戒慎恐懼枉費精神

閉目靜坐時應事接物時喜怒哀樂時富貴貧賤
夷狄患難時處處見天理之周流而无間雖欲離
之安得而離之識得此乃爲格物乃爲知止

程子曰心與理合一而人不能會之爲一惟能敬
則神將來會而心與理會于一矣

語曰多指亂視多言亂聽又曰旁搜千卷不如融
會一得此皆至言也理學爲學每有博覽之病時
致諸子同異便覺目眩心搖漫無所至如瞽人問

金忠節集

卷之六


五

路有目者各指一途徘徊數四不知所適真苦趣
也因思五經論孟示我周行孟子所謂若大路然
今將諸儒一切語錄姑置高閣務將自己身心求
之六經而有得乃爲實益耳

金忠節公文集卷之七

延陵金鉉伯玉甫著

弟



同較

易說

乾元亨利貞一陰一陽之謂道也元亨陽也利貞陰也繼之善而成之性也惟元亨為繼故萬物資始惟利貞為成故各正性命仁者見之謂之仁見其繼而不見其成知者見之謂之知見其成而不

金忠節集

卷之七

見其繼不見其成則用不藏矣何明終乎不見其繼則仁不顯矣何明始乎然而行在繼先知從成起藏用其要乎惟知其藏用者而弗去焉則大明其所為終矣即其所為終者而顯諸仁則始明矣其斯為大明終始

大哉乾元亨利貞五字之義乎萬物萬則皆備而不遺一念一事同歸而不二析而言之四也總而言之一乾也超文字而言之一畫也隱象數而言之太極也莫載莫破斯之謂歟

乾九三之危疑甚矣而孔子之所謂乾乾者不過曰忠信所以進德也修辭立其誠所以居業也夫亦一言以蔽之曰誠而已誠也者其安身立命之基乎可與幾之幾即大學必慎其獨之獨文言九二九三兩爻露一誠字愚謂六爻皆有誠也潛非誠不確見非誠不明惕非誠則咎生躍非誠則邪起飛非誠則感物不神亢非誠則持心不正大哉誠也其易之宗乎

金忠節集

卷之七

二

明則敬不明則怠敬則誠不敬則妄尚書曰夙夜惟寅直哉惟清寅敬也直誠也清明也此其序也然而心不光明不可以言敬是敬先又有明矣詩云穆穆文王於緝熙敬止熙者明也止者誠也又其序也明固徹始而徹終者也故易曰知至至之又曰知終終之

知至至之惟精惟一也知終終之允執厥中也闢邪存誠修辭立誠下學入門夾當以此為的闢邪存誠伊川指之以敬一考亭又從而解之曰

要去閑邪心便一了此真格言乎一則敬敬則誠在實致于庸言庸行間而已

誠是主宰知幾慎獨是工夫思無邪母不敬是方法

不曰去邪而曰閑邪謂吾心之本無邪而邪者自外而誘我者也

居業則如轉石閑邪則如除蔓攻慾則如拔山吾心之不自慎孰大於是所以然者知業當居而日

卽因循知邪當閑從當攻而每存姑息不誠甚矣

金忠節集

卷之七

三

夫非自欺之謂乎然欺不在大亦不在明有幾微動于中卽是故瀆于獨慎之

純粹至善者性天且不違而况于人乎體備于我廓然大公與時偕行而履道坦坦矣故曰率性之

謂道五倫四維道也知至至之知終終之非性何以致是樂則行之憂則造之確乎其不可拔此可

以會未發以前氣象矣故潛易道之首也

天地民物莫利于安其定位而非類弗于則各從其類卽所謂各正性命非易致也惟乾道變化者

能致之九五飛龍是已故釋此一爻其德業功能

皆不言及以乾道變化莫可名言也惟樂論聲氣

之同詳析水火風雲之感極之萬物之觀上下之

親誠見飛龍在天之時五行庶類在在各安其止而不見休徵山川鬼神一一各守其常而渾其靈

異妖固無象祥亦何形各正性命保合太和至此非大人之造而致治之上者乎

易爲六經首乾爲諸卦首乾元亨利貞爲繫辭首學者請細詳之曾有一虛空影響字否乃開口便

金忠節集

卷之七

四

欲言无聲無臭以爲吾見起矣易若先于此實諸求之會得此字洋洋優優徧天地皆道真是密匝

匝底欲求无道處安身須臾不能也自暴自棄者何哉

程子遺書曰忠信所以進德終日乾乾君子當終日對越在天也蓋上天之載無聲无臭其體則謂

之易其理則謂之道其用則謂之神其命于人則謂之性率性則謂之道修道則謂之教孟子于其中又發揮出浩然之氣可謂盡矣故說神如在其

上如在其左右大事小事而只曰誠之不可掩如此夫微上微下不過如此形而上為道形而下為器須着如此說器亦道道亦器但得道在不繫今與後已與人鉉按程子所云種種名目盡于經之五字矣人能體此則終日對在天信非虛語也五字中可以思誠可以識仁可以居敬

乾知大始大始者仁也知大始者識仁也識仁則大明終始矣坤作成物成物者終也作成物者永貞也永貞則保合太和矣

金忠節集

卷之七

五

正蒙太和章語與乾象文言悉合太和者元也始而亨者也綱緼相盪則行雲施雨勝負屈伸故時成六位浸而廣大六位時乘也浸而堅固性命各正也是不保合太和乎然非即利貞而見太和也此時乃見保合之太和耳幾微易簡清通不可象者已從無物時游浩浩之天焉是以冲漠无形動靜互根脗脗淵淵三極五行克塞無間非可以終始明也時乘各正豈容安排思議於其間乎

曰大哉乾元有廣業無疆義健也曰至哉坤元有

謹厚不浮義順也

亢龍有悔所以謙謙君子用涉大川

知進退存亡而不失其正豈以一毫利害為心哉聖人固有知其必退必亡而猶為之者惟不失正故也

屯者乾坤定位混沌初開震為長子始出用事以濟險難具四德而繼乾坤人道之始也但乾元坤元一入剛柔便落形質故難以之生然不交不難不難不通君子經綸全見于此卦辭云元亨利貞

金忠節集

卷之七

六

者惟初九足以當之初剛明之才獨能與時消息自制其剛盤桓而不敢騁惟剛然後能盤桓即乾之樂行憂遠確乎不拔者是非遲迴不進之說也剛而有制是謂居貞亨貞之大滿盈之動端在是矣且尊而居卑以貴下賤親民民服利建為疾順以緩之勿用有攸往也徒以濟之宜不寧也此一卦之主而經綸之極也九五居尊位而具剛體似亦可以經綸乃囿于坎中動而多阻初九得民于下眾皆去而歸之六二雖為正應陰柔不足與濟

施為德澤壅而不流蓋威權不在己也而欲驟以正之失勿用有攸往之意求凶之道伊川謂魯昭高貴鄉公是也故小貞則吉小貞猶言漸正之也能如初之盤桓徐為圖焉或克有濟耳六二居屯守正為初所制不能應五久乃反常六三體不中正上應無緣近險躁進幾往吝勿用有攸往一語適以戒之六四已入坎體身任濟屯之責而陰柔才弱難濟時艱必從求于正應之初乃可吉无不利肯自依弱求賢自助非明者不能故象曰明

全忠節集

卷之七

七

也上六居屯之極正當思所以濟屯蓋亂極當治屯極當過理數之常也但以陰柔居之雖欲有為而才不足坐失機會徒為無益之泣象曰何可長也言屯極之時若不變而為治即入於亂亡只有兩件更不容停待耳

童蒙者大哉之元勿用之潛于是焉寓求我者求此初筮告者筮告此利貞者利貞此時中者時中此養正者養正此也然所謂初筮告有二焉一則聖人循循善誘之方憤乃啓悱乃發舉一反二乃

復迎學者急筮之心則告之一告則亨平日疑團一朝立破而人我渾然之體自在也健莫健于此矣一則聖人使民不倦之法未施哀而哀未施敬而敬可由而不可知迎民欲筮之心則告之一告則亨群黎徧德帝力原忘而上下恬然之理一曰存也順莫順于此矣

門人一貫之疑曾子乃告以忠恕夫忠恕者門人之初心所謂童蒙之筮也而必分割之曰如何一如何貫則再三之賣矣

全忠節集

卷之七

七

蒙九二剛中其戒慎恐懼之本體乎六五以含弘應之則不觀不聞之義矣故曰童蒙吉大哉蒙也性與天道之幾盡矣

初筮告再三瀆已盡夫率性之義矣性可賣乎剥上九碩果不食君子得與小人剥廬夫五倫四維天下人之所依以為廬者也有君子在上猶可為之昭示整頓而不至于大壞故君子得與而民所載即小人亦在其中矣使小人必恃勝而盡剥之天下事乃至于極弊而不可救人心浸變為

會獸小人已无安身立命之地何可用乎然而天下厭亂必有豪傑崛起盡化群邪力扶正氣所謂禽獸者常揚于王庭孚號而决之民之所載業復更新而小人之所剥者尚何在乎故曰終不可居以見其懸復而至于乾皆无可用時矣

无妄初動以天乃為无妄所謂動之微吉之先見者乎若夫初動以人而返之天則為復矣非无妄也故乾言進德必在與幾學至意誠要歸慎獨皆于其初動致功者也惟全此无妄之天而已矣

全忠節集

卷之七

九

出妄則入誠出誠則入妄在无妄之時而有攸往焉何之乎恐其離无妄而往有妄也與幾之學微已哉

遯六二執之用黃牛之革莫之勝說六二當此之時惟有以中順之道固結上心而已若少露鋒鏑小人便乘隙而聞于上則難于有為矣此神于遯者也

震來虩虩者君子戒慎不觀恐懼不聞終日乾乾常號號若震之來也笑言啞啞慎獨工夫已得

領發而皆中節謂之和也震驚百里句泥為天雷似非聖人立言之旨且象驚遠懼邇便接出可以為宗廟社稷主豈有方說雷又言主者蓋學問至震來虩虩笑言啞啞則出入起居固有不安發號施令固有不安驚遠者遠之則有望也懼邇者近

之則不厭也震驚者凡人群仰聖人不賞而民勸不怒而民威于鐵鉞篤恭而天下平聖人作而萬物覩也百里者舉成數也不喪七鬯者言此道莫見乎隱莫顯乎微雖至天下咸動而无聲无臭居

全忠節集

卷之七

十

然一未發之中所謂知進退存亡而不失其正也七鬯喻言柄也若止謂不失祭器即畧有矜持者亦能之且未聞雷震而人人手失其所持也彖曰恐致福所謂受命于天也後有則則即中節之節也震驚百里驚遠俱邇言敬慎之君子感動遠邇也即接日出可以守宗廟社稷以為祭主如所謂百神饗之丘之禱久也

讀易之法要先識卦名而印以卦象乾坤不必言矣如一陽生于下則為動義故曰震一陰生于下

則爲入義故曰巽如上水下雷長子始出用事一陽方動在抑鬱險阻之時故曰屯然先不識卦名而徒觀卦象恐學者智解決不及此知其卦名卦象之義又當觀此六畫中何畫爲成卦之主然後看卦象辭卽以彖傳解之得其大義因而又思此卦名象六畫之中宜動宜靜當剛當柔雖難以一例論然大概可得又有一定之例者如以下接上謂之承以上連下謂之乘一二三對四五六謂之應有遇而吉者有遇而凶者有遇悔吞無咎者皆

全忠節集

卷之七

十一

以卦之名義求之然小象中雖一二語已該一爻全義不可忽畧看過大象則示人以用易之方觸目便可了然益人神智正在于此總之一卦有一卦之時識其時則易不難看又中正二字大易之本合時與中與正三言可蔽易旨矣
易忠信所以進德也修辭立其誠所以居業也此二句大學誠意之旨也知至至之可與幾知終終之可與存義則致知格物之事矣

天一生水而坎成乾元之氣資乎其中矣雖遇止

也而亨可必焉水之自至于亨猶性之自然爲道者但性自通爲道非別有一道以求性故意蒙求我非我求童蒙言性自生生匪可逆溯而強爲者彖曰志應也其志氣交動之微義乎

先天卦位以無用爲用者也故震爲一卽爲乾之元坎爲三卽爲乾之亨艮爲七卽爲乾之利乾爲九卽爲乾之貞陽在內則爲元亨陽在外則爲利貞陽內以無用爲用陽外則以用爲不用矣巽爲二卽爲坤之元離爲四卽爲坤之亨兌爲六卽爲坤之利牝馬坤爲八卽爲坤之坤利牝馬之貞陰在內則爲元亨陰在外則爲利牝馬之貞陰內以無用爲用陰外則以用爲不用者也
敬以直內義以方外如此工夫作得一時免了時禽獸作得一日免了一日禽獸纔有纖毫不敬不義已不免爲纖毫禽獸矣而今而後吾知免夫蓋謂免了作禽獸也且莫將此學說太高只不失其爲人可爾克己是敬義工夫

全忠節集

卷之七

十一

易大傳曰一陰一陽之謂道又曰陰陽不測之謂

神皆言其所以爲陰陽者也而其實陰陽則一氣也夫氣而道行乎中神通其微故徹上徹下惟此而已矣所謂浩然之氣塞乎天地之間者耶周子之言太極動靜張子之云太和絪縕皆其有得乎此者耳

河圖之數與位總之一陰一陽一奇一偶以兩其五行而已故曰兩不立則一不可見又曰乾坤毀則無以見易

啓蒙曰天數地數各以類求所謂五位之相得者

金忠節集

卷之七

三

然也夫一氣流行初無殊異然尊卑貴賤之分剛柔形象之司定而不移乃可通而不隔故惟分陰分陽乃能五位相得所謂以睽而合者乎

五行有以質而語其生之序者則曰水火木金土蓋天地生物先其輕清以及重濁水火五行中之最輕清者也金木則重于水火土則又重于金木矣是質生先後之序也五行有以氣而語其行之序者則曰水火土金木也水陰根陽火陽根陰錯綜而生其端至于運行之際則水生木木生火火

生土土生金金又生水水又生木循環相生是氣行先後之序也

姤與剝之在天行道適然耳百物賴以恒久不已聖人亦奉若焉及乎人事際之則凶悔吝之終始也宜有義以歷茲聖人作易至於陰萌與勝之筮未嘗不反覆致慎也夫氣化之陰十月斯極然而日月星辰之運山澤水火之宜以至人與物上下靈愚之位猶夫生遂亨嘉日也特其環周之度歛而不舒物各得其所節而貞美利於黃中之宮以

金忠節集

卷之七

古

遊晦爲生養焉王弼所謂性其情者是也乾元不息之幾統毓於是待復而後見其心止爲恒人言耳則夫陰之始至與其方盈正火化流行之有漸而以是綿通久無疆之功夫何息矣哉乃若世道則不然在姤之象小人爲始進亂政爲造端其浸而之剝也則象乎蘭芷變而不芳律度荒而失緒違茲之會非有神思不測正大之情見忽邪僻乘焉微而變矣剛健不彰彼或伺其隙而免我章之反爲其所忌久則朋從益繁浸以不制舉國失日

而謂我獨知危斯窞也傲然無所倚群率黨而攻之一倚焉而蕭艾之為是懼聖人值此深觀萬物之理咸止於陰而卽生於陰特在天地者安之在人者強之此而能然有經綸陽適於人所不見之地而要其至當婦之兆也用壯君子每召奸所忌以致敗九五以陽剛中正之德會晦章美不露戰勝之才俾小人入其範圍而不覺以杞包瓜而乾陽之不毀決於此及乎晷晷蔽天善無強輔小人決無容君子之勢而剝上以陽剛居無位之地順

全忠節集

卷之七

五

於其止日圖善乎歸藏世咸望其翱翔而不敢侵而小人亦無所用其角不食之果恃以得與載民而乾陽之全體蘊是矣迨至末復斯形出入無疾陽之一綫正合章不食時潛以養焉應其候而發者然後知君子含容于陰長非縱之退避于陰盛非畏之裁成輔相于其間而天下人莫之窺豈徒靜深自存不與小人較勝負已哉其視天爵陰凝與至之時正息陽以為生之本退陽以為進之地者一而已矣得此意者其殿之箕子乎洪範一篇

辯天地生生之大德匪佯狂則蕤倫之不絕如縷矣萬物生民其何恃以為載故明夷之五著其位始五剝上薄其功下此則狄梁公有焉體陽德于厥躬而與陰德後爾不置二君子者其幾于天行之變而若營者歟

全忠節集

卷之七

七

金忠節公文集卷之八

弟 鏡仲遠編述 龔季龍恭訂

年譜

謹按

萬曆三十八年庚戌七月十九日壬戌伯兄生於

北京崇文門內總捕衙衙寓邸生之日與先

大父同是日珠爽先大母隱几卧琴一羅漢

入室驚寐汗如雨辰時伯兄生移刻進士夏

全忠節集

卷之八

十

公嘉遇來先大夫喜曰夏公來為吾兒兆耶

丙命乳名曰甲兆命名曰繩第知交中以生

辰同祖共相賀曰其繩祖武乎

四十二年甲寅伯兄五歲發痘得逆症百藥罔効

勺水不入者數日氣垂絕伯兄忽見有異僧

圍繞層列若百千萬者咸袈娑誦佛時伯兄

隔窓呼先大夫曰諸僧來兒可不死既而漸

食痘漸起月餘乃愈

四十三年乙卯伯兄六歲出就外傳一目數行

師大奇之

四十五年丁巳伯兄八歲先大夫改命名鉉字伯

玉

四十七年己未伯兄十歲善屬文師喜評其課曰

認理真切措詞奇矯他年大作用人

天啟三年癸亥伯兄十四歲應童子試補京兆尹

弟子員

四年甲子伯兄十五歲應順天鄉試本房擬薦以

經文稍異列修卷

全忠節集

卷之八

二

五年乙丑伯兄十六歲先大夫為聘上林苑監監

丞朱公家麟第二女

六年丙寅伯兄十七歲應督學歲試取一等補增

廣生

七年丁卯伯兄十八歲

秋八月應順天鄉試舉第一人放榜前一日桂

香滿舍經日不散左右鄰皆聞先是先太夫

幼先大父輒命誦鄒汝愚先生寸心領解馬

上口占詩曰龍泉山下一書生獨竊三巴第

一名世上萬般難了事鄉人何事太相驚先
大父每謂先大夫曰使汝得如鄒先生吾願
足矣先大夫年十八先大父幸先大夫每進
此語以詔諸子輒泣下而伯兄發解年適十
八始知大父若前知非偶然也

崇禎元年戊辰伯兄十九歲會試舉南宮第三百
二十名廷試賜三甲同進士出身第一百三
十四名觀刑部政傳臚前一日日正中伯兄
入室見紅光滿壁熠熠如火亟呼鏡暨諸弟

全忠節集

卷之八

三

等共視許時乃滅

秋七月成三加禮娶元配朱氏

九月伯兄特疏請改敘兄應選知縣自以性好

靜喜讀書遂請廣文

冬十二月未肯改授揚州府儒學教授 時四

弟鉉有過疾伯兄憂憊甚一夕謂弟鑑曰西

弟危矣爲我裁黃蘗來吾爲請命於天遂挑

燈草表拜焚之翼日弟鉉漸有起色不數

日愈焉

二年己巳伯兄二十歲

春二月赴維揚任諭教諸生先行業而後文章
燕居言行俱有規格諸生凜凜事之若耆宿
罔敢以洛陽年少日之者日丹鉛諸生課藝
每試必自構文以式之一時文風蔚起從遊
者比於胡安定之門

夏六月長子生十一月以痘殤嫂朱氏產後感
疾卒鑑弟自睢之揚兄躬督課藝暇則自讀
春秋三傳莊子史記

全忠節集

卷之八

四

冬十月陞國子監博士回原藉武進祭祖墓悉
出積俸徧贖親族

三年庚午伯兄二十一歲

春二月自武進北發迂道至睢省二尊人三月
入都時司成爲瑞屏顧公明卿陳公皆加意
造士雅重伯兄特令專試事所第高下衆罔
不服凡所拔士皆連擢第去

夏四月繼娶上林苑監監丞朱公家麟長女先
嫂胞妹也 伯兄入都後益喜讀書更沉潛

于理學經濟先玩周易取卦象大象手錄數
過復捲卷靜悟曰我自有心易不因人解也
既而讀程傳曰得之矣爰以程爲主朱義次
之古今易解多方搜覽以俟參考時自爲解
說然多棄去不存曰未是也讀易之暇則取
史記漢書暨左國通鑑孫吳兵法究之謂學
貴實際有體無用吾不爲也

四年辛未伯兄二十二歲

夏六月陞工部都水清吏司主事監督器皿廠

金忠節集

卷之八

五

光祿內監移文謂銅錫諸器例應大造蓋借
此冒破錢糧物料伯兄云當視損壞之大小
以定修造豈可援例內監不敢復言

第二子生十月薨

秋九月覃恩勅命授階承德郎封母爲安人元
配贈繼封俱安人 邊信急奉本部堂委修
理安定等四門軍器共計修過銃砲一千八
百有奇長鎗等件四千一百有奇換牌一千
四百有奇人工物料每日親請窠飭綜核務

求堅利風雨不避也

冬十月建言請罷內臣建署時命內監張彝憲
總理戶工二部錢糧特建公署伯兄力請止
之疏謂廉耻不可不維浮費不可不惜公署
既建勢必強司屬匍匐於獨踞之庭卽諸臣
矯矯自好當亦不爲內臣屈而其中保無暮
夜多慚寡廉鮮耻以曲護其醜自行其私者
乎此風一開將蔑本來之堂屬而不顧而轉
倚內臣爲地官冬官之司命奔趨諂諛之習

金忠節集

卷之八

六

漸見於建署之後襄皇靈而喪士氣寧有甚
於此者疏入不報
十二月張彝憲公署已建擇日上任欲令兩部
司屬行謁見禮伯兄曰不幸而前言驗矣又
具監臣移檄非體一疏極言彝憲亢頽昧心
妄自尊大以皇上迪簡之臣子而令其鑿折
僂僕將置自有之堂屬別行誣妄之儀去不
易之公廷強抑刑餘之下臣委質聖朝自天
無玷斷不敢匍匐彝憲獨踞之庭致懼交結

之條也得肯各官遇有職事相關自當禮見
其餘不必通謁至彛憲上任諸司竟未通謁
於是彛憲愧極恨極矣 是時本部題管杭
州抽分命下隨告病回籍

五年壬申伯兄二十三歲

春正月彛憲挾恨以驗放火器題恭奉旨下部
議處部初議奪俸六月不允再議降一級用
不允竟改票落職且詰責天曹徇庇於是伯
兄有自訟一疏具言彛憲誣讎報復始末旋

全忠節集

卷之八

七

有堂官暨都憲諸公代為剖陳不報時伯兄
已請告在籍得旨落職可勿入謝而伯兄步
帽趨朝叩頭午門外卽刻騎驢出城復舊
寓打磨廠之敝廬寄書先大夫曰見幼承父
訓不敢阿世取容今雖失一官於心無愧諒
大人亦未必謂兒不孝謂兒不忠也且蒙恩
得返初服從此篤志詩書天之成見正在茲
矣伯兄旣放歸絕意仕進惟日閉門讀書究
心物理性命之學悉取五經四書大全暨諸

儒語錄博覽窮思務造其極於是易學似又
有所窺復爲解說然自謂善易者不言易也
六年癸酉伯兄二十四歲

博選古文自周秦迄唐宋凡若干卷以國語周
襄拒晉文請隧篇爲首謂闕係甚大宜接尚
書秦誓魏吳六朝絕不錄周秦兩漢而下惟
唐宋八大家入選管書聯曰周秦兩漢之文
濂洛關閩之學又曰讀書卑魏晉爲文絕排
偶然淵明先生集則奉爲典型時時玩味曰

全忠節集

卷之八

八

六朝之可法可傳者獨此公耳鏡自辛未夏
隨先大夫任睢陽是年夏四月入應鄉試見
伯兄識見學問並勝五經無不成誦八大家
手批且每每一問難出人意表至於論易尤
有結理鏡曰見言被放爲天成今果然矣兄
笑而頷之 是時家居年餘先大夫宦遊於
外外侮時時有之而伯兄不見不聞意思自
若蓬蓽環堵風雨罔蔽而抵掌古今怡然甚
樂巾折屐穿手不釋卷貴人相謁輒託疾不

見日與二三知己議道談心在都下者則業
師伯衙徐公暨司直于君肩吾蔣君若疾范
君敬哉王君維梅黃君頴叔毛君仲木公秋
析木三梁君商賢楊君在四方者則容城鍾
元孫君清苑念尼王君丹陽順伯盛君上虞
元明謝君延平若木盧君潼川映西文君
冬十一月先大夫公車北上見伯兄所學大驚
曰子益矣行當以理學得名
七年甲戌伯兄二十五歲

金忠節集

卷之八

九

是年深于毛詩春秋周禮之學復多精解 鏡
暨諸弟皆在京伯兄日督課藝經書與義時
時發明

八年乙亥伯兄二十六歲

夏四月奉旨起用廢謫各官吏部博採公論覆
議言事為事諸臣應即起用者若干人序伯
兄於言事之列名下開處分緣由云抗疏建
言因修理舊時軍器偶爾炸損奉旨革職併
經齋高公東里王公石齋黃公同在一款內

監中堂俱不悅謂某出非吾輩利也遂得
旨切責太宰下選君獄起廢竟不果行
冬十月巡方直指張公三謨以地方人材薦疏
云原任工部主事金鉉臣不暇論其筮仕之
日於本等職掌有無踈漏但聞其林居以來
日惟閉戶讀書蕭然一室貧約自如夫好學
則智識益長能貧則操守必堅不意京華浮
靡之場少年英穎之士乃窮則獨善其身如
此伏乞再加查訪及時起用奉旨下部

金忠節集

卷之八

十

九年丙子伯兄二十七歲

時念臺劉公起少司空部務之暇時時在駕就
伯兄談每坐必竟日伯兄云受益良多後劉
公歸里伯兄為詩送之時伯兄數年來學問
之交在縉紳先生者劉公而外則有玉孺劉
公芳揚沈公幾亭陳公任先公沃心錢公
松石孫公保慈成公朝夕問難交相勸勉是
歲有宋大儒四子合刻行於世

十年丁丑伯兄二十八歲

時屢議起廢中外諸公知兄者薦剌媿媿上俚

不報且有蒙譴責者

十一年戊寅伯兄二十九歲

誦讀之外時時靜坐語時曰人若不學學財未
有不日進者

十二年己卯伯兄三十歲

是年道鄰史公勉齋朱公丁艱回籍與伯兄朝
夕聚晤道德經濟之談互相參酌

十三年庚辰伯兄三十一歲

金忠節集

卷之八

十一

春三月先嫂朱氏卒

夏四月先大夫車騎入都留先母暨諸弟武孫

因部事誼誤得旨以郎中調用也時伯兄中

饋無人先大夫朝夕饗殮躬自潔治暇即帶

思則漏竟夜不寐先大夫抱恙數月素衣簪

帶驅蚋滌溺皆親為之

秋九月繼娶文學章公必奏女

是歲北地大蝗民饑人相食入冬尤甚伯兄暨

道鄰史公北海孫公捐資賑濟伯兄史公躬

任其事給粥散跌身冒風雪中所全活者甚

衆

十四年辛巳伯兄三十二歲

秋八月伯兄忽集生平著作付鏡曰為我摘數
十首存之勿庸多也鏡受命借選十餘萬言
伯兄以為繁又刪過半僅存若干卷今所刻
是也其餘伯兄雖摘去然故本猶在其中多
可傳者亂後悉失之 伯兄雖不譚禪然甚
愛楞嚴是月批評楞嚴成

金忠節集

卷之八

十二

九月先大夫卒於丹陽冬十一月訃音至伯兄

痛哭幾絕即成服奔喪途中晝夜號泣及到

江南僅存皮骨歲抄葬先大夫於武進祖塋

之側以先大夫平日不忘首丘也

十五年壬午伯兄三十三歲

夏四月奉母北還留鑣弟鉞弟丹陽守墓時伯

兄無子鑣弟第二子倌恭生三歲伯兄篤

愛之奉母命改名怡恭為伯兄嗣時以鑣弟

留南怡恭未能離母姑留鑣弟處

五月奉母至京益勤養志凡母黨之眷屬貧窶
炊暴者莫以婚嫁謀者必傾橐助成之至教
養諸弟嫁兩妹並篤友于之誼時試士重五
經兼者錄弟遂學五經業皆伯兄為指引一
年錄弟業成兄之教也

十六年癸未伯兄三十四歲

夏五月先嫂章氏卒

秋七月京師大疫日死人不可勝計甚有空一
門空一巷者伯兄製五瘟丹施之親自和藥

金忠節集

卷之八

三

晝夜不怠者數月所全活甚衆家中上下幾
五十人絕無病且死者都人奇之

七月晦日偶書一詩於手評邵子全集之後曰

甲申之春定我進退雖遇時外而勿內退
若苦裏遠而弗滯外止三時遠不卒歲優哉

優哉庶畢吾世鏡時亦未見甲申移城後此
書於范君止艾處得之見其卷末有伯兄親

筆不勝驚異謹按伯兄學易有年然絕口不
道數鏡自切於邵子皇極若有神解語多幸

中伯兄勿尚也嘗謂鏡曰精數不如精理每
舉程子雷從起處起之說折之今乃於邵子
集後忽書此作紀載月日既詳且晰進退存
亡不爽毫髮豈吾兄於數學亦有所窺耶抑
有所感兆而語此耶果前知耶然事皆天定
匪人能為噫異矣

冬十一月得旨即與起用時銓部即欲啓事伯
兄力辭曰服尚奉闋災可哉銓部乃止都
門城外各寺院暨民家有外方宦商人等寄

金忠節集

卷之八

十四

停棺柩歸葬無期類多暴露又是年死疫者
多不克葬城外白骨如山伯兄與北海孫公
任先林公澹菴黃公巖學戴公等捐資掩埋
令劉君克符董其事自冬底至次年春凡理
寄柩千餘骸骨暴露者不可勝數

十七年甲申伯兄三十五歲

春二月三日服闋

四日起補兵部車駕清吏司主事巡視皇城
十二日娶王氏為側室頴叔毛君義妹也以正

室屢喪故不復續 巡視之職專點皇城各
門把守官軍先是諸軍皆中使虛冒巡視派
日傳點點之時備人代應應畢即散以是各
門軍士寥寥每日不過數人伯兄曰禁地豈
容兒戲於是申明職掌嚴禁虛冒查點不預
定時日隨意所至代者懲不到者革中使素
畏其剛直相戒曰是首彈張總理冒吾輩爲
刑餘者勿犯也遂各招人實補不復影射各
門官軍無不竟日把守 闖賊隔大同塘報

全忠節集

卷之八

五

至伯兄上請撤內監一疏曰賊懼大同勢且
逼宣府宣或不守則大事去矣撫臣朱之馮
忠孝爲心智勇足備可以率衆死守特恐監
視內臣於中掣肘不無僨事之虞乞星夜撤
回內監端任撫臣臣能必賊騎之不敢窺宣
也不報未幾而內監率圍鎮迎賊朱公盡節
城頭矣賊信日急內閣宿署中塘報續傳皇
城門晝夜不閉伯兄上請嚴門禁一疏曰儻
姦宄乘機夜入致驚禁地可若何宜各門設

重臣嚴盤詰留一二中使往來門鑰付重臣
塘報至隨啓隨閉可也不報時伯兄又議請
駕南遷疏具未上

三月賊勢近宜府撫軍勉齋朱公自矢必死寫
數紙寄弟暨相知伯兄見其字泣謂鏡曰殆
矣十一日宣鎮隔朱公死之十三日報至京
伯兄暨鏡皆大哭兄曰今與而哭勉齋不數
日而將哭我

全忠節集

卷之八

六

十四日伯兄謂鏡曰宣鎮隔都城不守矣我死
分也惟無以處母目不暝鏡曰弟將覓僻室
於東奉母隱此無害也伯兄以爲然母不允
曰我受皇恩爲命婦决無生理宅中并可入
也將焉用隱
十七日賊攻西直門時伯兄日入朝點軍是日
暮歸母令亟開井去石
十八日伯兄暨同志諸公議軍士乏餉君相暨
司農計無所出我輩盡身任厥事大僚庶尹
各任若干人量力而養則城可守矣言之執

而節我當令而目瞑

十九日伯兄昧爽起乘馬入朝着便服以公服隨市人爭言駕行宮人悉遁出伯兄曰訛言也亟約巡視皇城臺省入請駕御門以安民心馳馬數十步而路人皇亂愈甚官女果有行者兄驚曰信矣亟回家易公服拜母而哭曰兒職在皇城身死皇城為正城無恙兒而脫不守兒盡節於朝矣母曰兒可疾入無復我念於是母以下皆亟至井側坐伯兄飛

急馳至長安右門下馬諸役陸續遁去止長班劉元郭泰隨入朝中貴或言駕已南行或言已上賓伯兄且哭且走趨至紫禁城西北角大河邊臨河而坐時大內尚未有賊也坐湏臾中貴亂奔云賊已入而紅帽乘馬者已可遠望而見矣兄指賊大罵解牙牌付二長班向紫禁城一拜亟投河內適在淺水中二長班往救牽衣不釋兄髮指目裂以手捶責二人遂投水深處以死二人歸具述其詳遂以牙牌繳司母知城之已陷也亟往赴井衆爭止之曰傳賊不殺一人何以死為母不聽衆強止不獲遂聽母入伯兄之側室二氏大哭呼母者再亦從母入時婦女長幼輩舉從母暨王赴井幾滿急救多不死而母暨王則不可救矣計內與外盡節時皆辰刻也二十一日鏡葬母暨王于寓園中六弟錄率劉元具呈偽兵政府求收兄骸骨偽兵曹亦知兄者待錄弟盡禮為伯兄嘆息久之曰收骸

在我公不必自往且公尚宜避匿諸將意未可測也於是錄弟亟歸午刻鏡爲偽紀功司繫去監禁寓中廿六日鏡復爲偽國公劉宗敏奪去派銀五千監禁追索劉元亦被他營擄去勒令報富紳

夏四月朔錄弟赴井死先是隔城之項錄弟卽自縊氣垂絕鏡爲解救之日後日痛毋兄時時欲死至是竟赴井八日賊釋鏡九日始歸劉元亦前二日釋歸時皇城門禁甚嚴非官

金忠節集

卷之八

九

役不得入戶曹大來郭公使者充錦衣旗尉入朝前數日見伯兄屍浮水上衣冠不變十二日路遇劉元告之且曰旗尉可入內爾卽隨吾儕入骸可得掩也十三日元以告鏡鏡卽促元借入而賊遂引衆東行盡閉皇城諸門外人俱不得入矣

五月

大清入都諭前朝死難諸臣各家子弟呈報鏡隨投呈內院兵部本城察院府縣儒學等門

時大兵新入人心皇皇旣而移城愈益忙亂皇城內重兵把守拒外人不得入且二長班不知所之無復識伯元盡節處者旣而門禁稍寬劉元亦至二十九日始得入內院投呈批准撈屍

六月朔日鏡偕劉君克符陳君儀周毛君綸子暨克符子若弟與長班劉元家人劉京等覓至河邊抵原處劉元指示之則見地上有髮一團髮纒暨網巾網圈俱無恙蓋長兄髮纒

金忠節集

卷之八

十

甚異亂而察其狀人人可辨且網曾爲鏡所戴兄偶借用認之不差也髮旁有冠帽脫鐵絲圈一展超胎鐵絲圈二克符諸君皆曰伯玉先生外別無薦紳死此此胎圈的是其冠矣若彼內臣帽烏有超乎其旁有人骨一堆筋肉全消止餘枯骨細視之則三人屍也亦未知其是否仍遍覓水中忽一太監至云若非覓皇城金兵部屍骸者乎曰然曰渠於水上無人來取賊敗卽廿七廿八間吾輩及

撈之起有我同官呂胖子者亦死如兵部者
輩將二屍並掩河邊土被水衝以致暴露此
骨卽是也鏡等猶未敢信復於後宰門內外
逢中貴問之言人人同然後知此骨真伯兄
暨呂胖子者也二骸混雜莫辨孰是克符諸
君咸謂二骸莫辨無共殮一棺共葬祖塋之
理久之議不決克符曰魂魄依此已久苟若
卽葬此地乎衆皆以爲然於是裝骨囊中卽
於河邊地掘數尺深以葬其不置棺者以此
處不敢入棺也奉髮暨綳歸家爲兄置棺配
以木身殮以衣冠十七日葬祖塋側先是伯
兄穉穉後往日淺未得走紫禁城後遍覽內
河及林居多年益不能入起補後穿朝黻軍
歸而大喜曰每間內河佳境今遍遊一過如
入洞天卽西湖不能及也是後凡自內黻軍
回則必重加歎息時頴叔毛君商賢楊君恒
在座兄輒語之曰吾性絕無所好忽見此河
不覺心醉每過此必流連不忍去者久之但

金忠節集

卷之八

三

恨不能借知已暢飲於此殊爲快快至是竟
死茲葬茲不亦異乎

冬十月順天學院按院俱疏請旌前朝死難諸
臣內閣伯兄一家盡節始末得

吉下部

十一月南朝郵殉難諸臣贈伯兄中憲大夫太
僕寺少卿謚忠節祭一壇予半築建祠致祭
廕一子入監讀書母炤贈官品級誥贈恭人
仍建坊旌表後又准給與應得誥命先大夫

金忠節集

卷之八

三

贈中憲大夫太僕寺少卿兩嫂朱安人皆贈
恭人

順治十年夏六月禮部題覆爲欽奉

上傳事議卹前朝殉難大學士范景文等十五員奉

旨給謚賜祭仍于各原籍各賜祭地十日春秋致祭

冬十月二十六日

欽遣禮部右侍郎兼內翰林國史院學士高

論祭諸臣于順天府謚伯元忠潔

跋

書一也而有罪曰燁曰擲地作金石
聲聽之疑曰不知倦者文章之事也
侃曰諤曰許謨大猷無飛箝押問之
習言得失利害若列眉指掌確乎其
不可拔者經濟之篇也乃若平曰無

跋

身如家人語又若老農數耒說稻而
灑乎無沁渺乎其勿可窺俾仁智咸
各自領賢愚皆得滿志此道德之言
也至矣哉為勿可及耳然豈易得哉
非不易得也惟其有之是以似之夫
書為心聲心滋性曰為理外此而可

以為文吾未之知也風雷日月天之

文山川流峙地之文蠅螭候至而鳴

條籀觸則成響是為天機是為天籟

文之至也而可作語言文字觀耶讀

忠節公文集雖燐茶燼遺什伯之一

而為疏議為尺牘為語錄論說碑志

跋

二

詩傳莫勿備具大約無依傍無延襲

直據性靈以所心得而躬行者達而

已矣故言理學則真理學言經濟則

真經濟言文章亦真文章廣大精微

又烏得測其涖哉月露春華靡曰不

足道即左國西京簡貴道上未免為

文章之事也周哀而刪定贊述興衰
與氏出而仁義之言著濂洛關閔生
於宋季蓋將使聖道汶而得章人心
不至終陷於禽獸公之生豈偶然哉
世皆重公之死孰知此特公金骸中
一節公直等為穿衣啣飯事何足為

張

三

公重耶又何足槩公之生平耶

同學友弟蔣應仔敬題



〔明〕左懋第撰

蘿石山房文鈔
四卷首一卷

清乾隆四十六年左堯勳刻本

之明詔而刑獄則以睿慮之疑信定諸囚之死生
諸疑於心與疑信半者悉從輕典豈停刑可止禁
解網不可以返風乎且陛下屢沛大恩四方死者
猶枕藉盜賊未見衰止何也由蠲停者止一二存
留之賦有司迺考成催徵未敢緩是以莫救於凶
荒請於極荒州縣下詔速儻有司息訟專以救荒
爲務帝曰然於是上災七十五州縣新舊練三餉
並停中災六十八州縣止徵練餉下災二十八州
縣秋成督徵十四年督催漕運道中馳疏言臣自
蒞石山房文外 卷首 明史列傳 二

抵宿遷見督漕臣史可法言山東米石二十兩而
河南乃至百五十兩漕儲多通朝議不收折色需
本色今淮鳳間麥大熟如收兩地折色易麥轉輸
豈不大利昔劉晏有轉易之法今歲河北大稔山
東東兗二郡亦有收誠出內帑二三十萬分發所
訖及時收糴於國計便帝即命議行屢遷刑科左
給事中十六年秋出察江防明年五月福王立進
兵科都給事屯旋擢右僉都御史巡撫應天徽州
諸府時
蒞石山房文外 卷首 明史列傳 三

所勅器不當復與臣共事必用臣經理則乞命弘
 範同紹愉出使而假臣一旅借山東撫臣收拾山
 東以待不敢復言北行如用臣與弘範北行則去
 臣經理但銜命而往而罷紹愉勿遣閣部議止紹
 愉改命原任薊督王永吉王令仍遵前諭懋第願
 行言臣此行生死未卜請以辭闕之身效一言願
 陛下以先帝仇恥為心瞻高皇之弓劍則思成祖
 神聖之陵寢何存撫江上之殘黎則念河北山東
 之赤子誰歸更望時時整頓土馬必能渡河而戰
 始能抵河而守必能抵河而守始能盡江而安眾
 避其言王令齋白金十萬兩犒軍數萬疋以兵三
 千人護行八月每渡後十日婦女張家灣
 本朝傳令止許百人從行懋第表經入都門至則
 館之鴻臚寺請祭告諸陵及改葬先帝不取則陳
 太宰於旅所哭而奠之卽於是月二十有八日遣
 還出都弘範乃請身赴江南招諸將劉澤清等降
 附而雷懋第等勿遣於是自滄州追還懋第改館
 太醫院

蘿石山房文卷首

四

順治二年六月間南京失守慟哭其從弟
 為吏部員外郎 後歸 先

本朝授官矣來謁懋第懋第曰此非吾弟也叱出
 之至閏月十二日與從行兵部司務陳用極游擊
 王一斌都司張良佐劉統王廷佐俱以不降誅而
 紹愉獲免

贊曰左懋第仗節全身蹈死不悔於奉使之義亦
 無愧焉

蘿石山房文卷首

卷首

懋第

五

欽定勝朝殉節諸臣錄卷一

專諡諸臣

督師經理河北兵部右侍郎兼右僉都御史充

通問使左懋第萊陽人崇禎中爲知縣有異

政擢給事中屢陳時弊福王時受命奉使

大清館於太醫院南都既破諡降不從死見明史及輟覽

左懋第仗節難撓蹈死不悔出疆之義無

愧全貞今諡忠貞

舉人四川敘眉縣知縣臣左正麟恭贈錄

蘿石山房文集卷首

十

蘿石山房文鈔序

余竊觀在昔人臣捐生抗義代不數人至若中郎

之於漢少師之於唐忠宣之於宋尤爲古今志士

忠臣之冠至赫濯矣然而稱蘇者必及其詩稱顏

者必及其書稱洪者必及其金臺之篇冷山之軼

豈非文以人傳而人又以文傳其光明俊偉之氣

之所發舒軒昂磊落之節之所寄寓一若日星之

麗天而河嶽之附地有不容滅沒者乎甲乙之際

萊陽左公以少司馬奉使北行引義自勝卒不屈

蘿石山房文集卷一陸序

以死聞者壯之謂雖漢之武宋之皓唐之真卿殆

不能過然而其文則未始有稱也去年冬映碧李

先生以遺藁見示且命之序然後知公不獨精忠

大節與古人相上下而詩賦之美文章之工又適

相當焉其梅花屋草諸什溫柔敦厚則中郎之贈

別也夏陽省垣諸作崢嶸突兀一如其人則少師

之正書也北使二疏眷本朝以興隆審敵國之虛

實則忠宣中興之報蠟丸之奏也是公於古人蓋

無不及者又如此然予於是則更有說彼三人之

以文傳也豈遂能兼而有之哉工於詩者未聞其
工於文工於文者未聞其工於詩也而公則不惟
有之復且兼之然則公之文既彼三人豈獨適相
當焉而已或曰蘇之出年十九而歸洪之出年十
五而歸而公則諡無朝天之日卽顏之死身雖不
幸而國尙無恙而公則兼抱黍離之悲公之遇眎
三人爲更剝矣夫嗇於彼者豐於此天其或者以
此償公之遇耶或又曰不然洪之出善矣而其主
則爲徽爲欽較公身殉社稷之烈皇奚若蘇之出

蘿石山房文集

卷一 陸序

三

善矣而其友則爲陵爲勝較公誓死相從之小司
馬又奚若且聞公母陳太宜人喜談忠孝時與公
相摩切而顏氏相教無間較公之移孝作忠以忠
盡孝者又奚若卽以遇論亦未見天之豐於三人
而嗇於公也然而公之文無不及而殆有過者何
也夫以彼其節則自漢唐及宋志士忠臣莫烈於
公以彼其文則自漢唐及宋志士忠臣亦莫備於
公此雖公之性擅其至學論其全而我國家祖宗
功德之崇隆賢士恩禮之深厚超漢唐軼有宋亦

俱可想見之嗚呼盛哉公原集甚略自先生多方
搜輯而後公生平之撰述始備共計詩文章奏若
千篇旣自爲之跋矣而又命余序其梗槩於石先
生秉幽貞急風義之君子也觀其用心於公者若
是可以知其人矣丙午正月昭陽後學陸廷掄頓
首謹序

蘿石山房文集

卷一 陸序

三

蘿石山房文鈔卷一目錄

奏議

召對恭紀

部試擬疏

御試章

陳四錄疏

科舉巨疏

論議陳言疏

寶勇七疏

蘿石山房文鈔卷一目錄

論議直言疏

詳察密封疏

論罪者疏

饒關及言疏

恭復諭旨疏

蘿石山房文鈔卷一

東海
維揚
清曉

召對恭紀 崇禎十二年夏

崇禎十二年己卯五月初一日。吏部疏上考選諸人。歷履事迹等呈御覽。恭請皇上臨軒試。二十三日奉旨。有該部院照例考授。面試候旨行之語。六月初十日。部試擬奏疏一道。即日擬呈。至十三日。寅刻上傳。召臣懋第等十六人。俱於十三日昧爽。

蘿石山房文鈔卷一 召對

來中左門。又召吏部都察院吏科河南道掌印官。來中左門。又召順天巡按楊一備。來中左門。是日。上昧朝。各官散。臣第偕諸臣集午門外。卯刻咸集。入左掖門。候於皇極門東廊。上御中左門。關臣先入。又吏部左侍郎吏科都給事中。為東班。都察院左僉都御史。河南道順天巡按。為西班。臣第等十六人。隨西班魚貫入。升階。分班立。對揖畢。列班俯伏。門限外。行叩頭禮。上諭云。連叩叩畢。起。分班立。上諭云。考選各官。臣第等分為二班。跪聽。上諭云。

你每將各人奏疏中大意。各奏幾句。承旨起歸班。臣第等五人一班跪。臣先奏。陝西西安府同州韓城縣知縣。臣左懋第謹奏。臣在部所擬奏疏。論食以貴粟為主。而屯政鹽政錢法鈔法俱陳其間。論兵言食之不足。皆兵不足額。有以耗之。兵精了。則餉自足。臣所奏兵食大意如此。皆臣第不知上意。欲令詳陳也。次員已奏職名。蒙上諭云。第一員奏的少了。再奏。臣又奏。臣所論屯政鹽政。原是相表裏的。鹽法。祖制原是招商開中。輸粟邊塞。給引。派

蘿石山房文鈔

卷一 召對二

十一

場支鹽商賈始糶粟以輸。久之多。就邊耕田積粟。以趨鹽利。屯田因此可舉。奏至此。上舉御筆。若有所書。臣又奏。臣所論錢法鈔法。亦是相表裏的。鈔出去。錢進來。錢出去。鈔又進來。鈔原是質劑之物。有放有收。鈔法方可行得。臣所論兵不足額。見十餘年間。除舊額兵外。新添兵已二十餘萬。就有一半好的。也該十萬精兵。昨年。八豈不能。一番。一陣。竟是這樣光景。臣以此知兵不足額。故曰兵精則餉足。果能精了。目前兵也儘可練着。

蘿石山房文鈔

卷一 召對三

十一

用他。臣所奏兵食如此。奏畢。上諭云。第二員奏。臣一班五人奏完。上命起。臣第等承旨退東。又五人為一班。又六人為一班。以次奏完。上諭中使賜各官瓜果。關臣同吏部都察院各官。臣第等隨其後。謝賜瓜果。叩頭。以次下階。至東廊下候。久之。上製策問。御硃書紙上。中使捧下。臣第捧之。復自東廊下階於階下有預設桌十六。各書考選諸臣名。各設硯一筆。二墨。一錫水。注一鐵鎖紙。一白束。一廼試卷。又白紙二帙。廼起藁紙也。諸臣各抄御題。分對。日影移午。漸及試桌。上命中使設冰水一甕於側。內貯四竹筒。少頃。命中使移諸臣試桌。東廊下。以避日色。皇上可謂體諸臣至矣。如此而臣不知所以報。豈血氣之屬哉。臣第竭愚以對。申刻對畢。出至十九日。奉聖旨。這考選科道部屬。俱炤欽定。炤缺填補。臣第卷蒙御筆書北科字。欽定。次第一。至二十二日。填補戶科給事中。疏上。二十六日。奉聖旨。是臣第以草野書生。擢為進士。五載兵荒。小吏拔之諫垣。臨軒清問。尤人臣所不易遭。堯舜其

君儒者所學也。無隱以事。諫官之職也。臣敢不矢忠無欺。以不負所學。以修迺職。以仰報君恩。萬之一哉。戶科給事中臣左懋第謹紀。

華石山長安鈔 卷一 召對四

試擬疏 崇禎十二年夏

為敬陳邊疆。足食足兵。可戰可守。目前切要之務。乞勅在事諸臣。協力綢繆。以無誤安攘大計事。臣聞制治之道。貴於其未萌。而治道之說。莫備於孔子。其曰足食足兵。千古治幾在是矣。兵者。國家恃以為安攘之具。而非食無以養之。而耗食者亦莫甚於兵。故必食足而後可言兵。亦兵足而後食可足也。兵食俱足。而兵無虛伍。則自精。食無漏卮。則自裕。以戰則勝。以守則固。安攘大計。豈不在此哉。

華石山長安鈔 卷一 部試一

臣敢為我皇上陳之。洪範八政。一食二貨。貨者所以濟食之窮。而天下專尚貨。諸民間可用之物。皆謂之貨。而天下專尚金錢。國家所用。民之所供。又止以錢流通其間。而專尚白金。自漢文景而後。貨粟之政。昔舉昔廢。而專尚白金。未有改也。夫白金之為質。一生而不可再。一成而不可廣。天地所生。止有此數。上下交尚。止此一物。歷幾千年。而不窮。自古及今。未之有也。金氣既盛。穀氣漸衰。年久不豐。兵事數起。盛衰之數。有以召之。亦其理然矣。

臣嘗讀漢史。文帝之世。屢下詔蠲民間租。至景帝猶皆蠲民間田租之半。幾於三十稅一。臣竊嘗疑史之誣也。以我皇上仁愛蒼生。每遇水旱。輒爲憫惻。遇大荒。輒發帑金賑之。所以不能卽輕民間稅糧者。兵事繁而用不足也。皇上致治。將比隆唐虞。豈富饒不及漢。彼何以能蠲租用足如是。心疑之。及讀漢臣賈誼量錯之疏。始知文帝納其言而貴粟之效也。誼之言曰。積貯者天下之大命。錯之言曰。明君貴五穀而賤金玉。臣願皇上下貴粟之令。

蘇石山房文鈔

卷十部試二

本

而屯政鹽政錢法鈔法常平倉實無不相因並舉其間。臣非無說而處於此。今天下錢糧起解用白金。便遠也。而存留之數。非支官俸。則支衙役工食。不過本處用之。何不納本色。而使農穫之野者。必負之市。半難穀價。所解幾何。而使天下之預備倉化爲烏有。其解可止也。禹貢曰。百里賦納總。漸而遠至五百里。有納經。納結。納粟。納米之不同。近畿甸服地。何以不酌輸本色之數。以實太倉。近邊三百里。應起解之數。何以不輸粟塞下。使兵士免貴。

糴之苦。事例之開。每日納粟。則知義起於本色。民間生儒俊秀。何不使實輸粟太倉。而太倉粟多。可使各邊之人。輸粟塞下。給引入南北兩成均地。如近日勦餉例。他事例皆可如納粟例。而太倉與塞下及州縣之倉。皆可存粟也。天下之利。莫大於鹽。國初各邊塞招商中鹽。令其輸粟塞下。給引。派場支鹽。獨不可察其例而行之乎。塞下粟多。令其月一奏所收粟數。可扣其應發餉數。以實太倉銀庫。臣嘗見各省解民運鹽課至京師。而又差官解至。

蘇石山房文鈔

卷十部試三

本

邊。驛遞迭來。煩費多端。而道路肯有失。此事之不可解者也。且也輸粟支鹽。大賈趨輸粟之利。必就邊糴粟。而兵士所領之粟。卽可變爲白金。漸必就邊開墾荒田。以積粟。而適符我興屯之意。而屯政因可舉也。凡聚兵之處。許其增爐鑄錢。餉卽可爲錢本。而錢卽可以散餉。而錢法因可廣也。鈔法之不行久矣。欲行之。須得宋臣張詠所以限年爲界。而交易之意。有放有收。則鹽政可漸以鈔爲工本。而不可先強夫軍民。而鈔法亦可變通而酌行也。

果皆多矣。而漢臣取曹昌。唐臣劉晏。常平倉。皆
賤糶之法。始可微而行。各倉充實之後。或據其
間改折色。一年以充銀庫。則金粟相生。本末
而天下之元氣。與倉廩府庫。俱充足矣。財阜
則治且唐虞。奚漢文景之足云也。臣之言食如此。
而食之不足。皆兵之不足。有以耗之。臣又謂百兵。
夫兵有易聚難散之情。而餉爲易耗難濟之數。此
兵所以多之甚易。而次約不精。餉所以且益而愈
不足也。蓋一伍之中。有一人虛則一伍不精。二伍

蘇石山房文鈔 卷一 部試四

虛則一營皆懈。有一營之懈。則前後左右營皆不
可用矣。捨掠鼓譟。與臨敵而潰。皆始於此。兵不足
額之流弊。一至此哉。太祖高皇帝謂詹同等曰。兵
不貴多而貴精。多而不精。徒累行陣。成祖英皇帝
勅郭亮曰。軍在精而不在多。軍多不精。徒耗糧餉。
無益也。煌煌實訓。洞悉兵情。皇上神明法祖。亦在
乎補以精之而已矣。有以精之。目前之兵。可以當
一。而而餘。目前之餉。可以飽目前之兵。則亦有一
餘。金粟二漏。弊於此。江河之水。不足以爲之。而一

井泉之水。可以足千百不漏之器。以足千百家之
用。此非今日兵食之明鑒哉。皇上誠下貴粟之令。
則太倉之粟必多。塞下之倉必實。各省之積貯亦
厚。而食貨並行。金錢流通其間。從古未有兵不枵
腹。民不苦荒。而猶有亂焉者也。皇上誠商精兵之
策。則督撫有以制大將。大將有以制偏裨。偏裨有
以制士卒。而賞始知恩。罰始可行。從古未有法能
行而猶慮敵者也。皇上誠使兵精而餉因以足。今
大 惟 三協要營。皆險阻地。能入。我能守。偵

蘇石山房文鈔 卷一 部試五

探可遠烽燧。可明伏火。可行將帥與士卒。實守邊
而可以守矣。卽與 戰而我與 有主客之形。又
有勞逸之分。將不敢逃。卒不敢潰。將帥與士卒實
與 戰而可以戰矣。乞皇上救下在事諸臣。各精
其兵。其餉自足。而力固已協矣。守則 不 入。且
必不可入。戰則必勝。且必不得與我戰。此綢
繆未兩安內攘外計。微臣之愚如此。惟聖明採擇
焉。臣不勝悚惶待命之至。

御試策

崇禎十二年夏

制曰。自今邊腹多故。整理為先。或者內平寇以安民乎。外一以雪恥乎。東復大寧以壯左臂。西恢河套以強右股乎。必如何始復祖宗之舊。兵必歸衛以為軍。餉必歸屯以為食。足食足兵。必如何始遵聖祖養兵百萬。不費民間一錢之良法。諸臣各據謨猷。務期言必可行。行足為法。逐件直封。勿作浮泛故語。勿為虛套文章。或此數事之外。別有本圖。朕將以明切簡要。定諸臣殿最。特問。臣對曰。天

蘿石山房文鈔

卷一 御試

十一

下內患寇外 皇上勵精以圖天下太平。計日

可待。而此昔之寇尙未息。向生財之道日增。養兵之用不足。至煩聖慮。下問及臣。敢不竭愚以對。流寇之患。在剿撫不得其法。勦之者。寇之所往。兵則避之。偶爾相值。則塘馬賊與兵之塘馬。相約以言矣。賊之精銳。護其老營。仍以精銳殺之。而以所擄之民。充為新賊。并其新所掠婦女金帛。令處其後。兵至而殺其人。以為殺得其婦女金帛。牲畜以為已有。塘報所稱某陣斬級若干。奪獲若干。

歸此也。賊乘我兵之掠。見勢太則護老營而遁。固未傷其精銳一人。我勢亂而弱。則還其精銳以擊我。小敗不報。而塘報中。達達為賊所挫者。皆坐此也。破此弊而前之精銳。長驅殺賊。後另設斬級收輜重之兵。使賊喘息不定。老營破敗。而一枝盡矣。又一枝繼之。兵威立而後撫可行也。如此則賊可息也。有道之世。守在四夷。自古記之。故禦夷之法。周得上策。守之謂也。遼在我國家臂地。淪之海內已切共。而又三畿輔所宜。以雪

蘿石山房文鈔

卷一 御試二

十一

吾取。但方議兵議餉。而百姓瘡痍未復。皇上料未忍即動出塞之師。須先有以制其不能入。而我後可徐圖。之策也。丙子間。七家嶺地雷伏。而不東。今年春。冷口地雷伏。而出青山口。此可知。之所矣。而守口之將。須用遊擊以上。副總兵以下。守之。以其權重。可以制士卒。而遇事不敢苟也。其偵探傳烽防守之法。莫備於先臣戚繼光。獨不可倣而行之乎。而其稽察之法。各口應各繪一圖冊。某口地形若何。某將守之。某敵樓守兵若

千某處臺守兵若干。各器械若干。一兵食餉若干。彙呈御覽。則三協情形。在皇上掌中矣。先三令五申之。皇上肯差風力臣。一進抽察。或兵不足額。或餉不如數。據實上聞。輕則罰。重則斬其守將。并罰其帥。而不察之處。皆不敢不竭力以守矣。新舊兵幾五六十萬。以擁天險。無羽翼。豈能飛入守境。既固。而後選精兵二十萬。分爲十班。每番以二萬。進撓亂之。或出沒於山林。或進來於島海。使來則不能入。居則不能靜。而我又或結插以疑其心。

或招朝鮮以約內亂。著著皆動。使內惑而我之。畔將掠民。在中爲用者。皆可結而用之。使疑而殺之也。如此而始可圖也。既而大寧以東。漸可恢復。皇上所問強右股之說。始可積威漸次謀之。雖如我聖祖之犁庭掃穴可矣。聖祖設屯地於各郡縣。以養屯軍。而田之所出。卽爲餉。食屯糧之軍。卽爲兵。養兵百萬。不費民間一錢。甚良法也。而其法久廢者。則以耕屯地者。非屯軍。而應卯者。皆雇募之人。雖有其名。而不可得一人之用。

兵與餉兩匱矣。今有可行之機於此。皇上今令各府州縣。添武官添兵矣。而兵餉實未有所出。漫令有司設處。非派之民間安處乎。練餉已添之後。百姓膏血幾何。豈復堪此。皇上誠下一令。武官不必外求也。卽於衛所指揮千百戶中。選用之。軍不必別募。餉不必別設也。各郡州縣之有屯地者。卽令其屯軍戍於其地。守其地。食其粟。而牛種則該有司設處給之。設處牛種。固少於設處兵餉。而牛種設處一年。次年軍可自備。又勝於年年設餉。以苦

小民利害又較然矣。府皆有屯地。如州縣無屯地者。則令有司察絕地荒田。買間田。以養無食之屯軍。戍於其所。久之所置之田。卽屯田矣。設處買田之費。可以永逸。亦愈於年年設餉養軍也。養兵百萬。不費民間一錢。可於一二年見其效矣。在皇上毅然行之爾。臣遵聖語。不敢粉飾。乞皇上採擇施行。天保采薇之治。臣且將立觀其盛焉。

陳四弊疏 崇禎十二年秋

臣以西陲小吏。蒙恩拔置諫垣。臣竊於召試。皆見皇上霽顏清問。又捧讀御製策問。殷殷以勦寇禦復屯田為心。知皇上無肯不欲復祖宗之制。無肯不念天下小民之苦。無肯不欲諸臣之效忠竭力以安內。外。而無如諸臣之安於積習而莫之知。輒也。請陳其弊。因病而棄之。庶其有瘳。一日民窮之弊。天下之本在於百姓。而百姓願欲。莫先衣食。問其衣食所自出。大約出自田賦。勦餉之加。皇

藹石山房文鈔 卷一 四弊一

七

上每以累民為言。失信為慮。田野小民。莫不知皇上軫恤苦心。聞之感泣。而用勦餉者。勦之而愈以多。撫之而反生亂。天下百姓。剗心割肉。以供者年復一年。止供其泥沙之用。今練餉之加。臣又恐封疆之臣。亦作此悠悠之觀。臣謂輒民窮之弊。在恤民。而當尋其所以窮之原。則勦寇禦之人。虧職業。而困蒼生也。皇上誠下一令。用幾百萬金錢。以勦寇。而寇不如期以平者。即坐以妄費幾百萬金錢之罪。後之用練餉者。封疆諸臣。亦以體申飭務。

實得練兵之用。庶諸臣各實修職業。而天下小民

有息肩之期矣。一日兵懦之弊。竭天下之物力以養兵。而遇敵當前。望風先潰。為將者不敢問焉。廼搶掠百姓。幾同寇。聚眾而譁。曉曉語難。而將所不敢問者。則以兵多虛伍。而剗寇兵餉也。將身有弊。則法不可行。而平日姑息。則臨敵莫措。臣謂輒兵懦之弊。在法行。而當思其所以懦之故。則大帥偏裨。皆以虛兵冠餉。損威望而養兵亂也。皇上誠下一令。督撫稽各帥之兵。帥稽各營之兵。有伍虛

藹石山房文鈔 卷一 四弊二

七

一人。以至什佰。餉尅一分。以至銖兩。皆立以法。寧可汰其冗員。而不可使糜餉。寧可厚其祿賞。而不可使剗軍。督撫鎮臣。各有親丁。足以制之。而上下無私。軍法可行。天下之兵。咸有敵愾之事矣。一日推諉之弊。天下之事。肯任者少。思脫卸者多。如先存一借端脫卸之心。豈復有真實任事之氣。故必專責之。而後功罪有所不得辭。不得辭其罪者。其成功可必也。臣見邇來邊疆之事。有功則交分其功。失事則互相推諉。即其事後之推諉。則知當局

之不肯實用其心矣。臣謂輓推諉之弊。在專責。而必絕其所以推諉之端。則文武諸臣。皆當有不可逃之功罪也。皇上誠下一令。督撫鎮臣。先切責以先事之圖。勿臨事而張皇。先明示以專任之意。勿使敗而他諉。某邊責某臣。令之曰。選將自汝。選兵自汝。行賞罰惟汝。無掣汝肘者。某口責某將。偵探惟汝。烽燧惟汝。無分汝責者。有功賞莫汝吝。有罪汝無可借口。法不貸汝。如是而推諉之端。既已先絕。皇上皆行臣對策中不肯抽察之法。而各邊文武諸臣。休雷霆之威。服日月之明。無不守畫一而竭心力矣。一日虛耗之弊。天下之事。其始也簡。久之則繁。其始也清。久之漸滑。法久弊生。勢有必然。而常賴大聖人有以經緯之。溯其源而復其始。則惟新之意。即行於典故之中。而天下因之長治。朝廷今日之邊疆。猶是昔日之邊疆也。祖宗昔兵數若何。餉數若何。以如此類。皆可相推。虛耗之情。固難遁鑿矣。臣謂輓虛耗之弊。在責實。而必杜其所以虛耗之孔。則大小諸事。皆當有不容紊之源流。

也。皇上誠下一令。各該衙門。各察某事。祖制若何。今若何。昔何以成。是後何時而弊生。今若何去其弊。而返其初。準於舊而宜於昔。一一如列。詹聽皇。上斟酌神明之用。以祖宗之舊章。而參以皇上之化裁。諸務無不稱名實。而咸修舉矣。臣身逢堯舜之主。誠心自矢。而幼佩非堯舜之道。不敢陳之語。但有所見。敢不竭忠入告。臣所陳四弊。皆實見積習如此。而又實見可輓之機。故敢獻芻蕘於聖明之前。乞皇上採擇。嚴加申令。見之施行。天下富饒。百姓康樂。兵食俱足。內外咸靖。必自此致矣。臣無任悚惶待命之至。

糾邪臣疏 崇禎十二年秋

臣自為諸生。嘗見有刻成三朝要典一書。其中變亂是非。顛倒賢佞。臣不勝憤恨。指纂修諸人名。手擊之曰。此皆邪佞之人。阿附魏崔。以固祿位。遂敢倒置國是。至於如此。擊其紙幾碎。此天啟六年事也。未幾皇上御極。首逆伏誅。羣奸以次就法。欽定逆案。頒布天下。要典亂書。付之一火。臣伏在草野。忻斯快舉。不謂今經數年。而纂修要典之欲復出。而就大臣之位也。臣閱逆案諸人事迹。多

蘿石山房文鈔

卷一 糾邪一

六

以要典為罪案。則纂修要典。多逆案中人。而幸逃明矣。幸逃兩觀之誅。復免終朝之禡。以迎逆奸鼻息者。當清明盛世。猶得微廁衣冠。優游人世。斯已幸矣。迺出而就大臣之位。豈不恥哉。且也要典之焚。謂其可存也。而當珥筆纂修之。皆史臣曰三字。疊疊疊見。筆削摹畫。惟恐不工。則其人品心術。俱載其中。要典一火。而之人品心術。與烟俱飛。與灰俱燼。豈復有才力氣志。為我皇上司真禮之事。而儼然秩宗於周南哉。臣察其本末。屢

竊彈劾而去。曾蒙聖鑒。斯其燕廟實錄副總裁。而今有覲面目。復希進用。夫纂修要典者。必不可以總裁實錄。則不可以總裁實錄者。亦似未可居宗伯之席也。且為人臣者。始可以比奸取容。人之尚可以徘徊進用。患得患失。鄙夫故智。不肖之人。尤而效之。將何極焉。臣新進之臣。毫無依傍。更與絕無嫌怨。但以擊奸邪者。言官之職。誅亂賊者。春秋之義。臣少業春秋。叨聖恩。拔之言職。區區愚忠。矢心指佞。不敢自負。上負朝廷。謹具實直糾。伏乞皇上裁斷。為人臣戒。臣不任激切之至。

蘿石山房文鈔

卷一 糾邪二

五

應詔陳言疏 崇禎十二年冬

臣辦事垣中。捧讀傳紅。因彗星垂象。皇上下修省之詔。且睿思及於政事。諭諸臣直言無隱。臣讀之而泣。竊思皇上為天下憂勤。誠至如此。天心未有不感。即動者。人臣遇主。尚不直言。豈血氣之屬哉。臣惟上帝所最愛者斯民。皇上代天撫摩之。所以愛之。無所不至。而天下多事。寇交訌。因之國用不給。賦役繁興。皇上原以如傷之心。行不得已之政。而奉行者。多有不善。斯民困苦。未可殫述。前

蘿石山房文鈔

卷十 應詔

三

入而者斯民禦之兵。無軍法制之殺人為級。掠物為賞。亦斯民寇所在而殺掠者。斯民。剽寇之兵。無軍法而殺掠民。大約如禦者。賣絲賣穀。以供惟政者。斯民而正供外。有違餉。餉練餉。皆竭力供之。亦斯民。有司懼考成。而敲骨剝膚。血肉淋漓。以足正加額者。斯民。貪暴有司。索耗私派。假催科為虐。而破產亡軀。以奉之。亦斯民。嗟哉斯民。天愛之。皇上愛之。用兵牧民者。刈之如草。眎若土泥。使天下民溝壑離散。嗟嗟而然。怨咨之氣。未免

昔有上動天心。因而垂象。皇上靡寧一念。正與天應。臣聞保民者。事天之寶。如斯民又安。天心必悅。彗星可隱也。乞皇上留意焉。臣又追憶皇上前諭旨。有誠正功疏。治平罔效之語。聖學粹精。將使治統道統。合而為一。因思大學衍義補一書。宋臣真德秀行之先。臣邱濬補之內。有誠正之要。治平之要。而又各有條目。凡安中國。馭四夷之道。罔不備。五經諸史之言。罔不該。太祖高皇帝。嘗大書殿壁。列聖屢令講之。經筵天下治道。實在此書。其中意

蘿石山房文鈔

卷十 應詔

三

義。適符聖慮。伏乞皇上將此書。特加御覽。選而行之。或令儒臣經筵進講。於聖學聖治。未必無補。皇上天縱聖人。何書不讀。而臣以此書言者。皇上萬幾之暇。博觀易勞。而精思不倦。則臣區區之愚也。至暫免行刑。皇上好生之心。一舉已遍。該瑛。而道里之遠。文移之轉。恐有臨期未達。乞敕部。即刻馬遞飛傳。庶皇仁速於置睡。而四海民心。借天心交應。若影響矣。臣愚甚。不敢不以實應。皇上明詔。伏乞採擇。臣不勝惶悚之至。

實廣仁疏 崇禎十三年春

臣數日間。竊見皇上有免派勸餉之旨。且諭張示曉天下矣。又上傳煮飯賑京中貧民。且諭使霑實惠矣。皇上以堯舜之心。行堯舜之政。自京師達四海。仁聖之頌。洋洋風動。而臣不能不為奉行者慮也。勸餉免派。旨在正月。而天下各處派糧之期不一。有正二月即派者。有三四月始派者。臣計傳宜明旨。遠有數千至萬里者。即近者。藩司下府。府下州縣。亦動淹累月。有先未知而派徵。方知而隱不

蘿石山房文鈔

卷十 廣仁

三

以告百姓者。皇仁有不及之地矣。伏乞敕部移文都察院。申明此意。馬上傳各省直。嚴檄速及。而後勸餉之免。實及天下百姓也。臣因思昨歲。練餉照畝。已經檄傳。後斟酌糧畝之間。先後為數不一。自少而多者。固不患有司之不傳。自多減少者。深恐愚民之未曉。并乞敕飭各省直。嚴察以清弊端。臣又思張示曉諭。文告冗繁。吏書易於為奸。愚民亦難觀聽。如勸餉。但大書十數字云。崇禎十二年勸餉。奉旨免派。有司不許私徵。如練餉。大書云。某州

縣練餉。原照畝該銀若干。自十二年。即奉旨從輕。

照糧該銀若干。不許混徵。藩司算數。撫按刻板。頒貼各城市鄉村。而私派混徵。可永杜也。煮飯賑濟。皇仁浩蕩。人人感德。五城御史必竭。奉行以副任使。而臣所慮者。每城乞丐。或不止一二人。百人一釜。須巨釜數十。春米入釜。水火交用。為務至煩。御史勢必委坊官。坊官必另有委用之人。委至數十人。胥役賢愚。不能皆一。則飯之精粗生熟。亦不能齊。煮粥稍不如法。或守候愈期。皆於飢民未

蘿石山房文鈔

卷十 廣仁

三

便。又思貧民環聚。望爨待食。勢不得散。千百乞丐。結聚晝夜。亦有可慮。臣愚為不若散錢散米。一日散十日之數。以奉旨停日為止。貧民無守候之苦。御史不必有委用之事。必躬必親。胥役無所用其手。貧民霑惠。似為更實。臣前救荒疏。已言此法。蒙旨下部。臣謂皇仁首敷。可先行之。輦轂下也。伏乞聖裁施行。臣思近在京師。飢寒羣黎。已蒙聖恩。天下大荒所在。救荒止賊。皇上敕各省直撫按。勿以申飭為具文。天下窮民。俱霑實惠矣。

應詔直言疏 崇禎十三年春

自風霾示異。動皇上齋禱咨詢。臣以為雨至風回。在旦暮矣。而初三日大風。初五日又風。黃塵四塞。夜風又甚。臣終夜徬徨不寐。愀然疑之。曰自古帝王。有齋居布袍敬天勤民如皇上者乎。桑林雲漢。無以加。何天變不止也。又思之曰。去歲彗星之變。朝下停刑詔。彗夕消。何風不然。已又思之。皇上停刑之詔。其實也。而今之齋禱。猶其文也。臣知皇上先以文。即繼以實。此皆得毋實尙未見。而天不之

蘿石山房文鈔

卷一 直言一

書

信乎。臣敢直以實進練餉之派。以益軍實。皇上不得已之事也。餉因兵派。而皇上減兵以省餉。天下已共識嘉惠萬民至意。兵減而餉未減者。皇上為國家經費計。且恐一派即減。萬民未必知。而貪吏藉以飽其私也。臣乞皇上一詔曰。練餉今年全派外。明年兵若干。餉若干。其加派之數。預使萬民知。而吏胥無所用其手足。食足兵而使民信之。千古政事之經也。萬民眎聽。即天眎聽。事雖在來年。而實已見於今日。如此而天變不止。臣不信也。刑

獄以待有罪。亦皇上不得已之事也。罪輕罪重。皆彼自取。雷霆雨露。有何成心。捧讀傳詔。殷殷以刑獄問矣。臣乞皇上取獄之輕重。而一一審之。睿慮以疑信之界。為人生死之關。厥罪為何。於法奚當。信於法而信於心。無論疑於法而疑於心者。與夫疑信半者。酌之議之。自古治道。備在典謨。虞舜古好生帝。辜陶古執法官。而所以明良相告語者。曰罪疑惟輕而已矣。誠釋典謨之旨。下明刑之詔。皇上停刑一語。可以消彗星。豈明刑解網。而不可以

蘿石山房文鈔

卷一 直言二

書

反風乎。如此而天變不止。臣不信也。臣具疏間。見南臺臣胡接輝疏。南京有雨土雨灰之事。又前總漕臣朱大典疏。內鳳陽地震數見。有聲如雷。皆起西北。而數日暴風亦俱起西北。災異迭告。人心懼憂。內順外寧。理本非二。凡所以內消災沴。外靖邊疆者。惟恃皇上一心。臣敢不避斧鉞。據實直言。以效芻蕘。伏乞聖明採擇施行。

詳察密封疏 崇禎十五年秋

臣接錦衣衛所傳紅本。逋逃帥楊德政奉旨正法也。臣密緘同駕帖還之矣。次又捧御筆緘函發科者。即此本也。臣又密緘藏之垣中矣。然自逃帥正法。西市道路之口。皆素恨此帥。妄議練總。以毒害天下。又知其驕橫剝軍怯猾善逃。罪不容於死人。快之。而明旨人皆未見也。凡係密封。皆不抄發。若不請明。誰敢宣布。而臣思此本之為密封者。原恐此機一洩。罪帥或自引戮而不得行法。今其人

蘿石山房文鈔 卷一 密封一

已誅。自當明正其罪。使國人知之。以昭國人殺之之義。竝使九邊聞之。知朝廷有殺一人而三軍震者。殺之之心也。語云。信賞必罰。必於耳目所聞見。則所不聞見者。莫不陰化。豈如此可聞可見之事。而反閉天下之耳目哉。伏乞敕下發抄。以便遵行。而臣因思各垣之密封。似此者多也。臣愚以為有必當密者。有不必密者。有當密於事先而不必密於事後者。有當密於今日而不必密於明日者。如勦寇事。關兵機。方且動於九天。藏於九地。何

可不密也。如 何邊寇擾某地。靜之情。勝敗

之事。廷臣知之。以便各獻為謀。各要審知之。以便共圖備禦。何必密也。况邸報之抄傳有定。道路之說言無端。縱掃轉甚。張皇孔多。廷臣縱有所聞。未免因而籍口。何可密也。如制 之策。諸臣有密奏。密之可也。已 矣。仍當使廷臣共知其何策。以

勦寇之謀。諸臣有密奏。密之可也。寇已平矣。仍當使廷臣共知其何策。以勦寇。此可密於事先。而不必密於事後者也。如逮有罪之人不密。恐其

蘿石山房文鈔 卷一 密封二

人將遁。人已獲矣。則必昭布其所以逮之故。如誅有罪之人不密。慮其人將自裁。人已正法矣。則必昭布其所以誅之實。此當密於今日。而不必密於明日者也。蓋人臣事君。原無不可使天下共知之言。而朝廷行事。更無不可使天下共知之事。慎密原為成事。事成便復昭然。所謂理本相成。變而不失其常者也。臣今日不言。而使朝廷一嘗慎密之事。因循沿為故例。甚至科錄史館。皆不能啟什襲之藏。而筆之。而一嘗之疑信。猶其小者。後世之信

史何所取裁。且謂壘蔽綸緯。自臣等封駁之。臣始矣。臣用是兢兢然懼。敢因請旨發抄而并及之。

劾罪督疏 崇禎十六年夏

臣嘗讀史總論曰。治天下有法。信賞必罰。斷而已矣。斷則有功。勸而有罪。懲。此真天下萬世之言也。自二帝三王以來。循之則治。違之則亂。未有易此言者。臣不能不望皇上反覆斯言。而再反覆於督師范志完之罪案也。志完之罪何罪乎。身為督師。所督何事。縱入口其罪。入不能遏。一南下其罪。既南下矣。而不肯。以致河間臨清諸要地。立。手。曾之藩王染血。官眷蒙辱。其罪。東

而借口護藩。不肯離青一步。實借藩以自護。致山左七十餘城。化為血土。其罪。而北。營未動。范騎先馳。名為抄前。實前導。恐水溺。則插標以記淺處。恐破傷。則掘之。使不得發。恐兵襲。則斫樹而識無兵。難民萬口如一。呼督師為奸細。其通之罪。又甚明也。騎既北。震驚神京。志完或邀於塗。或之邊口。未始不可致力。而已過天津。則又不抄前而止尾後矣。彼其層層脫卸。自寧而關。自關而薊。以至今。故智則然。無足怪

者。而藉路之失守。則范兵至而賞守將以多金。范兵再至縛守將。出口矣。密撫王繼謨之初報。豈不鑿鑿乎。其出口之罪。又甚明也。且也界嶺素有守將。至今人猶稱之。而志完當日。偏力去之。而補一柏永鎮。永鎮甫補。而界嶺卽納矣。天下廢將尙多。而志完偏薦劉超爲關鎮。幸聖明在上。未用劉超於關門耳。使如督師之言。而劉超出其據永城。勾若賊殺撫臣王漢臺。臣魏景琦之手。一試於關門。關門。豈朝廷之有乎。合此二事。志完之

蘿石山房文鈔 卷一 劾罪督二 三

肉真不足食。志完之心。恐路人亦知之矣。此又非其黨逆之罪甚明者哉。初入口。臣嘗具疏糾范志完。馬成名。潘永圖。二臣矣。後因臣同官論及功罪。臣又出抄參到部。言范志完。趙光。扈之有罪無功矣。總之此番封疆之事。諸臣皆有罪之人。而入口。則志完獨也。諸臣之罪。皆無可逃。而

黨逆。則志完獨也。志完無尺寸之功。而何以贖彌天之罪。皇上行祖宗之法。而豈獨寬一壞盡封疆。幾危社稷之督師哉。且志完之罪。重於馬成名。潘永圖。而不與同罪。豈法之平乎。况志完不誅。其何以告天下。而示威於四夷。志完不誅。何以答天下之藩王。志完不誅。何以謝直省百餘城。慘死百萬萬之生靈。與不惜軀命。格立死之文武忠臣。義士。志完不誅。何以示目前料理封疆守邊守口之督撫將士。又何以震一省之人心。以示臣子萬萬年爲朝廷守封疆。衛社稷。忠君父之法程。試以選事觀之。自初守汴城。業已敘錄。後水衝汴失。藩王出走。諸臣狼狽而逃。原無可敘。而一省細人。安于

蘿石山房文鈔 卷一 劾罪督三 三

聖澤。不過一事之偶然耳。而楚承襄之間。遂有借藩出走。而且援汴例。思敘者矣。彼豈不知國君有死社稷之義。人臣無失土之賞哉。偶因功罪。賞罰未得其平。無勸懲之正。而生僥倖之心。故也。事莫大於封疆。法莫嚴於軍旅。方去。中外瞻盼。臣方且慮之。以爲及今明法急圖。猶恐其晚。而况負彌天之罪。如志完者。方以城旦之身。擁金穴而嬉國憲。安知此昔之邊臣。不觀望遲回。而懈事。天下凡有封疆之任者。不效尤而大悞我國家。嗟乎。天

下事豈堪再悞哉。所以然者。志完以絕世神奸。兼千古奇貪。虛伍糜餉。漁將剝軍。無所不至。藏金穴於宣武門內。子僕盤據。分爲布置。啗人以利。怵人以害。亦無所不至。以故身在功罪之中。與身在功罪之外者。或不肯言。或不敢言。遂至如此大案。相際而禁。不發一語。臣竊痛之。臣言及此。臣髮欲豎。惟望皇上自爲社稷計。立速志完而誅。宣示九邊。以爲邊臣不忠而誤封疆之戒。臣言出禍隨。所甘心矣。

辭闕效言疏 崇禎十七年秋

臣繇水路北行。沿途因兵少行糧。候糧者二日又舟阻風牽。輓不前。八月初五日始抵淮安。一面卽覓馬羸馳渡河北。去聞河上土寇熾甚。自北來者數千人結隊行。猶必與土寇格鬪而後能過。臣仗陛下威靈。且與鎮臣陳洪範等同行。皆有隨行將士。料無他虞。獨是使於四方。不辱君命。孔子之訓也。臣之志也。而辱君命者有二。禮節辭氣屈則辱。臣不肯屈也。欲屈臣則臣死。至於通好事情。則辱

又多端矣。仗義驅逆賊去。而爲先帝發喪。此義舉爲昔所不能。臣亦義之。陛下遣重臣以銀幣酬之。舉朝以爲當然。臣銜命以山陵事及訪東宮二王的耗。遣而敕書中竝及通好之事。陵京在北。實我故都。成祖文皇帝列宗之已劍已藏。先帝先后之梓宮未奠。庶民尙依墳墓。豈天子可棄陵園。若好義處榆關以東。而以勲臣吳三桂爲留守。春秋霜露。不損抔土。而南北互市。榆關爲界。如遼陽故事。中國之商利濫貂。之人

利縉絮華。各安其所。各得其欲。中國之利亦
之利。此臣所知也。然道路傳聞。闖賊盤據晉中。以
多寇守紫荆。倒馬井陘等關。似賊不甘心於。而
與爲難者。果爾則吳鎮。鼓君父不共之讐。效
始終不渝之義。鼓行而西。破賊於晉。追賊及秦。必
織之迺已。卽我國家亦當與師十萬。以聲闖賊之
罪而誅之。命可代我師。臣過揚州。晤阿臣
萬元吉云。若肯爲我殺賊。富有以餉之。餉之名
美於金縉。而有殺賊之實。餉之名。用兵則用餉。兵

蘆石山房文鈔 卷一 辭闕二

止則餉止。而非歲幣之比。臣思其言。是一道也。而
二者之外。非臣所知。若強臣。則臣必不應。臣不
應則臣必死。不能自立。則有兩辱。能自立。則有二
死。持此二死。可以一選。宋臣富弼之言曰。主憂臣
辱。臣不敢愛其死。臣甚壯之。國辱臣死。臣何愛焉。
獨是臣渡河而北。生死未知。願以辭闕之身。效一
言。臣所望於皇上者。恢復一統之事。而近日朝政。
似少恢復之氣。皇上所處者。偏安之勢。而近日朝
政。竝非偏安之局。舉朝怡然。知有偏矣。而未嘗求

安也。漢臣諸葛亮云。漢賊不兩立。王業不偏安。偏
安且不可。而况未安乎。臣行矣。臣行之後。望陛下
昔昔以天下爲心。昔昔以先帝之讐。北京之恥。爲
心。瞻高皇帝之松楸。而卽念成祖。列宗之陵園。現
存黍離之痛。撫江上之黎氓。而卽念河北山東之
赤子。恐有。衽之羞。臣言及此。臣淚如麻。吳二國
耳。尙縣膽而嘗以不忘其父讐。宋高宗亦能守江
南。而後世以其忘二聖爲譏。臣望皇上爲恢復一
統之主。而能不倦倦乎。臣行之後。望皇上命諸臣

蘆石山房文鈔 卷一 辭闕三

昔昔以整頓士馬爲事。勿以臣此行爲必成。卽成
矣。勿以此成爲可恃。昔昔進諸臣而清問之。昔昔一
騎南下。士馬可渡河而戰否。必能渡河而戰。而
後能扼河而守。必能扼河而守。而後能拱護南都。
於萬全。此一定之理之勢也。宋真宗昔契丹侵澶。
寇準請駕幸澶州。真宗至澶州。軍士望見御蓋。皆
踴躍呼萬歲。聲聞數十里。契丹氣奪。乃求和。解兵
而歸。皇上必預定澶州之志。而後廷臣有寇準之
心。亦必諸臣能有寇準之心。而後臣可爲富弼之

事富弼語契丹曰。今中國提封萬里。精兵百萬。即
 欲能保其必勝乎。臣亦當語。曰。今天子
 聖明。登極於高皇帝之舊都。勵精圖治。無肯不以
 殺賊報讐為心。賢人滿朝。直言敢諫之士皆在列
 江上戰船十萬艘。皆闡越水犀之師。河上精兵數
 十萬。旌旗金鼓。絡繹千里。好則始終之義。不
 好則我朝亦無藉此。气才而後可好。亦惟非斤
 以好而後事可久。此亦一定之理之勢也。臣業春
 秋。素遵孔子內華外之訓。而使臣為酬之行。

蘿石山房文鈔

卷一 辭四

美

於行。又云。甘言疾也。苦言藥也。今天下止有一牛
 痿痺之疾也。皇上欲治天下之疾。須聽賢人君子
 苦口之藥。此尤恢復之先務。而折衝之本謀也。總
 之。遠如河北之地。雖在遠而勿忘。直如汲黯之流。
 雖逆耳而莫棄。微臣雖赴故都。實同萬里。犬馬戀
 主之言。冒死不知忌諱。願垂聽焉。

蘿石山房文鈔

卷一 辭五

美

恭復諭旨疏 宏光元年

臣所奉敕書。首重慰告十二陵。會議奠安先帝先后山陵事。不受御書。遂至相格。不能赴昌平一步。屢與力言。漠然不應。山陵近在咫尺。望惟涕泣而已。至奠安先帝后山陵。原奉敕諭謝陞盧世沔會議。迺為內院矣。雖受敕書。駐德而不敢來矣。臣等自十月二十七日。兵隨向南行。二十八日。次河西務關。相向泣曰。此行原為祭陵哭先帝而來。今禮勢不能行。臣有捧

蘿石山房文鈔 卷一 復諭一

天

齋皇上祝版。鎮臣陳洪範齋有制帛。大禮未行。何以報命。遂議望祭之禮。臣等與贊畫張維光。生員王言。草定儀註。鎮臣陳洪範。備整牲品。遂於次日五鼓。先望祭祖宗列聖帝后。隨望祭思宗烈皇帝。孝節烈皇后。祝版俱已莊讀。隨同制帛俱焚訖。贊禮。選隨行官生及將官通文墨者。雖造次不敢不誠敬盡禮。而我堂堂祖陵。使臣遠奉君命。而不能一叩首山前將命。是臣等所痛心悲泣而不能已者也。至先帝先后。值社稷之陽九。盡乾坤之正命。

梓官抔土。尚未成禮。又臣等同官生將士所悲號流血而欲絕者也。臣又先奉先帝察覈之使。不得復命梓宮之前。益甚哀號。惟具祭本號泣望焚。此臣等不得已而望祭山陵之罪也。至先帝先后梓宮一事。臣等自沿途訪問。言各不一。有言葬入田貴妃墳內者。有言隧道未開完。而草草掩葬者。臣等聞之痛心。曾密遣加銜遊擊楊三泰。守備張良佐。家丁劉希顏。間道密進昌平山陵一帶探問。十二月二十三日。得其回報。內稱泰等扮作買藥材

蘿石山房文鈔 卷一 復諭二

天

客人。前進昌平。問先帝梓官。人亦多未真知。泰等於二十二日。假設看山。同本地人。緣西山口進小紅門。即先帝葬處。名翠華山。原是田貴妃已葬墳墓。夫頭江大。領夫五十名。於本月初七日起工。正開隧道。又有監工內官王高等三員。泰等看開土已見石門。遂自稱行商百姓。望石門叩頭數十。前有琉璃破香爐一箇。內盛黃土。點起真香。暗祝保佑中興。復整山河等語。將隨帶紙錢焚燒。流涕不止。旁觀俱傷。隨拉江大於道旁松樹下。細問

前事。江大云。四月初一日。流賊用人三十六名。擡先帝柩至此。停紅棚內。又用人十六名。擡周煥娘柩。竝停一處。昌平州鋪行百姓。共斂錢三十千。以開隧道。又有本州駐劄戶部孟主事。同知州共看葬。四月八日入穴。先帝柩在中。周煥娘柩在左。將田貴妃柩移在右。今有攝政王疑惑。恐未葬入穴。因此開看。便於修造碑亭。見在動工。又神廟劉貴妃。已開土入銀泉山穴等語。又探得各陵殿宇。皆存。隔扇器物不全。昌平東門外松樹。伐去大半。紅

薙石山房文鈔

卷十 復論三

罕

門內樹木亦動些須。又探得禮部出示。內稱。得明朝十三陵。每陵設內官四員。護戶二十名。看守禁止樵牧。給香火田二十二頃等語。秦等恐火盤詰。星夜回報。又報先帝隧道寬二丈深二丈五尺等語。臣等聞報。慟哭不止。隨於二十四日五鼓。望先帝山陵。率各官叩頭訖。此臣等不能親叩先帝山陵之罪也。至於東宮二王的耗。沿途訪問。言者亦不一。有言流寇向山海發兵。人皆見同先帝皇子兩位出者。有言流寇敗回在通州西門上見一

位有父老涕泣。進果進履者。有言寇西遁。皆人親見。挾一位在馬上出城者。十一月二十三日。守門官口稱先帝皇太子到禮部。臣隨令人密偵。報稱有認者。有不認者。不認如皇親周奎。太監賈應庚。百姓盡皆痛毆。凡認者保者。官民數十人。皆即殺訖。真偽未確。抄有示一張送閣。因此示於中。知賊內有先帝皇子。又知先帝公主在周奎家。聞年十四矣。為先帝手刃斷一手。死而復生。又聞自稱皇太子者。見在刑部。在以為假。而道路百

薙石山房文鈔

卷十 復論四

罕

姓之口多以為真。即中亦有言真者。示虛實。亦未可憑。臣等羈閉此地。既不能出見皇太子。一問真偽。又無從向。置一語。聞之惟有痛心流涕。此臣等所聞東宮二王之消息也。為此據聞上奏。十二陵之松楸。未為無恙。先帝之弓劍。未為妥藏。東宮二王有在寇中者。不知兩中有確信否。而見在。中者。真偽交傳。令人惶惑。如有會侍皇太子者。問其一二確識。即可辨矣。無如臣等在此。不能晤一人何也。俟有歸期。官有來署中者。臣等當

與之方言辨議以取真耗。另奏伏乞聖鑒施行。臣
祭告先帝一本。未敢呈御覽。惟抄送閣。臣等不勝
惶恐激切之至。

嗟乎左蘿石祭烈皇帝文安在予每一興思輒悲
慨繼以惋惜不絕也嘗蘿石北使皆會緘二疏與
一祭文畀予而不知何以疏見文不見嗟乎亡矣
迺予近讀楊斛山集見有楊椒山祭公文而又有
思也夫是兩公者氏同字同直諫與拷詔獄同故
當其此蓋棺而彼坐辟也以炎午祭人寓淵明白
祭激壯真擎非婦人淚而忠臣心而獨怪椒山全
集內何以不載故予且驚且喜亟呼役錄入謂猶
之從秦火見汲冢云爾且以失而復得離而復合

者為椒山忠言喜也雖然蘿石獨非忠言耶嗟夫
亡矣豈烈皇與蘿石俱不幸故是文亦同歸不幸
乎曰不然彼斛山與椒山又豈幸者然則是文無
迺終有幸嘗 年弟李清枚淚識

蘿石山房文鈔卷二目錄

申文

申河患請開豁文

申河患請開豁文 其二

申賊掠韓城防禦文

書

上陳明卿先生書

初抵韓城與親友書

自韓城再寄親友書

自韓城三與親友書

議

常平倉議

廣硝磺鉛議

序

尊經社序

重刻孝經序

崇儉書序

咸陽志序

蘿石山房文鈔卷二目錄

陟岵篇自序

春秋陟岵篇自序

秦闡禮記房錄序

秦闡詩四房錄序


陝西武闡錄後序

張大隱詩序

張貞之詩序

蘿石山房文鈔卷二目錄

羅石山房文鈔卷二



東海 雜揚李 崇禎八年

申河患請開豁文

職伏讀大明會典內載田土一款嘉靖八年詔令陝西將察勘過西安延慶等田土稅糧若有水崩沙壓卽除額又嘉靖十五年詔各處水塌沙壓等田地稅糧炤例除豁是糧絲田起地去糧除煌煌明詔不忍以無地之糧累民在天下在秦罔

羅石山房文鈔卷二 河患

不皆然甚盛典也今日之韓邑有合此例者據沿河各里居民某某等八百五十四名各具狀稱居住近河腴田盡被水崩空賸錢糧萬苦難支等情又據生員某某等六十名呈稱沿河一帶地盡水衝居民逃亡多半遺糧害及里甲親戚等情據此爲炤職自抵任之初卽進百姓而問其疾苦皆云大苦有二一則西山之荒地也以盜一則東河之崩地也以水職曰地以盜荒惟有驅盜耳而水之爲害也甚於盜則爲西山地易爲東河地難也已而

請於上臺發募義兵十一路凡山黜之又留義兵駐五路屯田以防賊之復生賊盡而山清山清而農聚今且西山無荒土矣惟河水衝地擁門告者日衆其稱疾也甚急言東西之衝計十里南北之衝約六七十里無地賠糧至二千餘石職聞其言而悲之亦疑之謂害未必如是極也後因於禹門沿河察之禹門聳峙河水折而南下其南爲某某村凡九里十八村實南北六十七里職至河干徧厥但見崖谷傾圮瓦礫零亂土頽石見皆有齧

羅石山房文鈔卷二 河患

形其村舍團畦汨沒於波濤者不可見矣其間近岸村落有屋存無人者有屋曠人少者卽屋亦有存一兩間者問之皆曰賠糧賣屋屋盡而人逃與死也沿河居民老幼男女萬餘人見職之至皆身無完衣號泣絡繹河干來相告語曰某村某家因賠糧有男女賣盡止存夫婦者有賣婦止存夫者有夫逃止存婦者此猶賠本身之糧也有云某村某家其兄以賠糧逃果其弟幾死者其閭門以賠糧逃累其族幾死者此猶賠一家之糧也有云某

里某甲。一甲人逃。累其本里賠者。有本甲逃盡。累其本里別甲賠者。旁及親戚。無不皆然。爾時言語嘈雜。情事悲傷。不能盡記。問其河衝之際。則皆指彼黃流。洪波浩淼。遙見東岸曰。此昔之廬舍桑麻也。東西約十里許。今皆魚窟矣。問其賠糧之年。則皆曰多不記其年。惟年近七八十者數人曰。記自嘉靖四十年均糧。凡河邊地。俱承實糧。後屢遭大水。將地衝崩。不十年許。卽衝及此岸。民苦賠糧。約六十餘年矣。語畢皆泣。聲動天地。職爲泣下。不可

止。仰天而呼曰。天乎。河伯之不仁。而生民之苦。至此極也。及今不爲之所。不能賠糧者。勢必盡逃。不逃者。勢必死。百姓國家之元氣。寧忍其賠納無地之空糧。至逃至死。而不之顧。錢糧亦朝廷惟正之供。韓城自四年以來。累有拖欠。皆坐此害。不早爲開豁。而後此之拖欠。將何所底止耶。况秦地大荒。大兵困苦異常。屢奉明輪。蠲賑停緩。而韓城自崇禎三年。苦流寇之蹂躪。迄今未息。六七兩年。大饑倍甚於他邑。聖天子軫念民艱。必不遺此一隅民。

而會典又有水塌沙壓。准開豁之例。此韓赤子一綫生路。職代爲控籲者也。爲此察得河衝地。實二百二十六頃一十畝五分二釐。共糧一千四百一石九斗四升。造冊隨文申請。伏乞上臺察例。俯賜題請。或將見賠水衝無地糧。得與開豁。或復別蒙定奪。但使窮民免包賠之苦。下邑受樂利之休。上臺洪德。與禹門梁甸。共奠韓疆於無窮矣。

申河患請開豁文 其二 崇禎八年

為河水衝田等事。蒙批地土衝崩錢糧自宜開豁。但正項倉口歸於何所仰。確議報。奉此察得韓城匯水之區。連歲奔潰。地土糧存。生民困窮。極而患變。蓋民之賠累死者半。逃者半。而止餘未至。死不肯逃者。欲賠而不能復。欲待而復何所待。惟日擁門搶呼。而職急為之控於上臺也。蒙上臺惻然軫念。思為開豁地。又為所開豁之糧地。此甚為國計民生慮深遠。職遵進邑中紳士民而

幕石山房文鈔 卷二 又申一 五

議之。或曰。上臺徑行題請。所賠之糧。得除豁。民困方蘇。便職曰。不然。國用困乏。昔方多事。賭糧皆實數也。額解倉口。毫不可缺。此不便。或曰。有地方有糧。地去糧自應去。應請請上臺。將所豁之糧。有欠倉口。宜分諸別州縣之未受害者。便職曰。不然。秦中兵荒交錯。誰為樂土。且已之害而移之人。此大不便。或曰。移之人不可矣。將所賠之數。散於本縣之各里。酌其大數。均派家納。則害除而不移之人矣。職曰。似矣。然猶移之人也。不見今百姓輸納

之苦乎。有糧銀。有條鞭銀。又有新餉銀等項。種種加派。不一而足。如是而本縣中又生一番加派矣。且邑中自嘉靖四十年均丈地糧以後。經今數十年。久未均丈。其間豈無輕重沃磽之不同。與荒蕪開墾之異事。而一概派之。於賠河衝糧者得矣。而生怨咨之氣。開賠累之端。又在闔縣。烏可哉。此尤大不便。一聞職言。皆同聲曰。信然矣。惟有闔縣均丈之法。不必問其誰有實糧。誰為賠糧也。但合一邑之地若干畝。適合一邑之糧。而通計之。共糧若干石。共地若干畝。上地每畝應糧若干。中地。下地。遞降糧應若干。有地者承其應得之糧。無地者糧自無因而起。則前此所賠之糧。不待蠲而自免。而所空之糧。亦得抵補。而額不虧。百姓有開豁之實。上臺有憐恤之惠。國計無遺。民生有賴。以為長便。職聞其言而反覆籌度。空賠之糧。必不容不豁。額解之數。又不容少減。竟自開豁。萬萬不能。而移之人。勢有不可。連年軍興。奉文動支者。尙未開銷。各項皆急。無可裁扣。而一有空數。又何抵

幕石山房文鈔 卷二 又申二 六


之。或曰。上臺徑行題請。所賠之糧。得除豁。民困方蘇。便職曰。不然。國用困乏。昔方多事。賭糧皆實數也。額解倉口。毫不可缺。此不便。或曰。有地方有糧。地去糧自應去。應請請上臺。將所豁之糧。有欠倉口。宜分諸別州縣之未受害者。便職曰。不然。秦中兵荒交錯。誰為樂土。且已之害而移之人。此大不便。或曰。移之人不可矣。將所賠之數。散於本縣之各里。酌其大數。均派家納。則害除而不移之人矣。職曰。似矣。然猶移之人也。不見今百姓輸納

補事至今日。而難極矣。此議近之。而非職所敢專也。如上臺。尤其議。而俾從事。職親履畝。而丈之。不敢以勞為辭。糧其若干。地其若干畝。如前議。或從前賠糧。一旦頓裕。而額解倉口。毫無所缺。亦國計民生。兩得其利。長便之道也。况自嘉靖四十年均地後。迄今未均。數十年而一均丈。似亦不為擾民。而十八村賠糧之百姓。地無寸著。日操鞭扑。以誅其逋負。似亦難須旦夕者。惟上臺速賜裁奪。合無乞將本縣田地。從前議俯從轉達。准令均丈。庶民縣解。而國課亦有定額矣。緣係批察議事理。職未敢擅專。伏乞詳轉施行。

蘿石山房文鈔

卷十一 又申三

七



申賊掠韓城防禦文節 崇禎九年

為恭報緊急賊情事蒙 憲牌 因奉旨據報

賊聚掠韓城幾兩月。尅堡逼河。火光不絕。地方將吏何全無堵禦。着該督撫速調兵追剿。併察失事情形具奏。欽此。欽遵抄出。到部備行。到司仰

縣將闖賊聚掠失事情形。限文到二日內備繇申齎本司。察崇禎八年十一月二十八日。據本縣探役某等報稱。賊營在宜川縣地方。塘馬賊已到韓城縣柳溝。離城一百二十里。隨又據某報稱。賊

蘿石山房文鈔

卷十一 防禦

八

塘馬已到薛峯鎮。離城四十里。勢甚危急。即行塘報請兵。訖二十九日。又據某報稱。賊營在薛峯鎮結聚。不知其數。後賊自宜。離川來。陸續不絕。塘馬撤至竹園村。離城十里。職一面請兵塘報。一面會同官紳義勇。固守城池。一面知會守備劉進爵。於三十日遣募兵二百。繇山中間道。夜斫其營。忽然舉礮。又約各峯鄉兵。舉礮相應。賊眾大亂。分竄。隨據鄉勇某等報。斬賊級若干。奪回贏驢若干。俱驗明。縣示給賞。訖。又據探役某報。稱十二月初二日。

賊自薛峯鎮起營北向將渡河入晉。賊因俱係朝廷疆土不敢以異地殊跡。卽申山西撫院及河東道加兵防禦。仍知會守備劉 逞。勅 竝知會韓邵營參將王永祥赴援。據參將王 報於初六日。領馬步兵到韓會同守備劉 合兵夾勦。賊衆夜遁。參將王 仍回邵陽。初九日據扎總薛命新報稱賊自維川縣地方復入韓境。前賊復回合夥塘馬仍撤竹園村。將逼近城。又經塘報告急訖。本日日有賊五十餘騎直抵城下。職在城頭催督火器齊

蘿石山房文鈔

卷二 防禦二

九

獲擊死馬賊一名。守備劉 領兵在土門口堵截。夜賊乘隙血戰得脫。隨有賊數萬直抵城北。原上立馬。賊城池有一騎馬賊領衆賊下坡意欲攻城。賊募兵同鄉勇迎敵。兵某奮勇直前。將馬賊斫下刺殺。賊衆遂退。先嘗職因屢奉明旨。竝奉各上臺申飭。一一遵行。城池修濬。器械繕完。至是守攔馬牆以防賊騎。賊未能攻。城上有縣簾挨牌火鏢等物。賊未敢進。又幸諸紳合力。士民同心。北門則鄉官解經傳解。與訓導喬王佐典史梁大

宋同士民分守。東門則鄉官衛景瑗與署教諭程雲翰同士民分守。南門則鄉官衛先範與訓導張繼載同士民分守。西門則今故鄉官孫應舉與舉人衛之瑄同士民分守。職分巡四門。因西門當賊之衝。則夜宿城頭以備策應。戌昔望見城北一帶。俱是火光。賊衆盤踞城北。募兵太少難支。又具告急請兵塘報訖。初十日。鄉兵某某報斬賊級三。奪回馬匹四。十一日。見城西北一帶約三十餘里。俱是火光。十二日。據把總薛 報稱賊營三處。在薛

蘿石山房文鈔

卷二 防禦三

十

曲村解家村郭莊村住劄。餘賊分散各處搶掠。又據捉回奸細。招稱此賊共四枝。一枝八隊。一枝滿天星。一枝老張非。一枝爭功王。共有數萬。河東有兵不得渡。欲止攻韓城。職思斗大孤城。勢甚危急。又具塘報請兵訖。隨據守備劉 報稱官兵斬賊級若干。陣亡若干。重傷若干。又據探役某報。賊衆無數。住劄城北。塘馬賊北至下口。西至趙村。東至河岸。南至芝川灘子村。在在皆是。職一面固守城。一面委縣丞趙懋成。領鄉兵防守城南芝川鎮。

又具告急請兵塘報訖。十三四兩日。賊眾俱在城北一帶焚劫。十五日。忽有賊數萬。三面環圍縣城。一枝攻西門。職督鄉勇城外堵截。千總李汝綱率弓箭手張兩翼。中夾神槍。擊中一賊墜馬。賊遂退去。又有立標賊頭馬三匹。立北原。驅千餘賊。下坡攻北門。韓邵營救援。千總李登務直前驅賊。中箭倒地。救回尋斃。千總張友才用大礮擊死數賊。賊遂退去。賊又驅眾賊西門立標。千總張用大礮擊死衣紅賊頭目一名。竝二十餘賊墜馬。行至西

退復攻南門。職令千總張出城放礮迎擊。亦傷多賊。方退回營。城中勢益危急。又經塘報請兵。訖二十日。攻圍陳村砦。二十一日。攻圍雙樓砦。本村鄉勇某報斬二級。二十二日。白村鄉勇某報斬四級。二十三。四兩日。屢攻芝川。二十五日。乘雪夜暗襲芝川。俱被縣丞趙用大礮擊退。南鄉一帶到處焚掠。而塘馬累至縣城。周圍環攻。俱被火器擊退。二十六日起營。復繇縣周圍東西兩路進北。駐西原馬莊等處。離城三四十里。北鄉一帶。又肆焚掠。塘馬直至縣北原頭。當有解鄉官家丁某。斬馬賊一級。射傷賊一名。奪馬二匹。本日鄉勇某生擒馬賊一名。招名一座城。係頭目。招稱此枝賊頭。迺八隊。闖將與滿天星。六隊。爭功王。共十三營。老張非。迺闖將部賊。家丁殺死者。迺鑽山鶴。一座城。即昨被射傷者。當審明梟示。訖。二十七日。蒙總督軍門洪發援勦副總兵曹變蛟。鐵騎營副將馬有才。遊擊崔重亨。孫守法。都可齊勦等。率兵五千。同韓邵營參將王領本營兵馬到縣。二十八日。黎

明進兵。至西原馬莊等處。與賊接戰。共斬賊級若干。救回婦女若干。奪獲羸馬無數。賊畏兵威。遁入山中。在本縣地方楊家嶺等處屯駐。大兵追剿間。因省城告警。副總兵曹。於三十日調赴華州去訖。留遊擊崔。都司齊。領兵五百。在韓防守。九年正月初二日。賊塘馬復撤至橋南一帶。離城五十里。一枝爭功王千餘賊。奔棧砂嶺。西北去訖。初三日。闖將滿天星賊約數萬。在解家村等處。剽營起火。離城十五里。初四日。賊在潭馬村一帶起

蘿石山房文鈔 卷二 防禦六

主

火。離城五里。初五日。闖將騎馬賊六七百。至董村。天神廟等處。離城一二里。職一面知會遊擊崔。都司齊。領官兵堵剿。一面令守備劉。領募兵隨營。一面發把總薛。命新梁天造。領大礮手。神槍手。鄉勇義兵。並進。俱登北原。以步兵接戰。自辰至未。賊多帶傷。仍退回姚莊等處。離城十里。尚未去遠。初六日。爭功王賊。自川中復回山西。闖將滿天星賊移營郭莊寺莊等處。攻薛莊砦。賊約數百。到周原堡下。放火。鄉兵報斬賊級若干。奪回衣物若

于。賊營在寺莊等處未動。分一般進縣西南方山寺等處攻砦。眾賊去者復回。營縣北。分路縣西南攻砦。職恐賊為取糧。久困之計。又且請兵塘報訖。初七日。賊起營過三山嶺。到薛峯鎮。向巍山等處去訖。初九日。據把總薛。報賊頭哨奔邵陽地方。名白家凹。後哨在薛峯。奔方山寺。進西南去。隨據薛峯鎮鄉兵某報。賊係本鎮南下。鄉兵五百。衝殺共斬級若干。救回難民。奪獲衣物若干。十二日。據把總薛。報賊營在白家凹等村。係邵陽縣地方。

蘿石山房文鈔 卷二 防禦七

主

塘馬撤到本縣華薛村。鄉兵一齊趕殺。賊眾復退。十三日。又到華薛趙莊砦。又被鄉兵殺退。十六日。准邵陽縣塘報。稱十三日。賊自白家凹起營。屯於楊村等處。十四日。向朱家河。過澄城縣地方去訖。賊十三日出境。職十四日。即單騎親至四鄉。察驗焚掠。見芝川鎮砦。為縣丞趙。同士民固守得全。某某砦。為生員某某鄉民某某固守得全。外如某某砦。或以修理未全。或以人力未協。或以賊至而倉猝收保。或以賊暫去而懈守弛防。則被

賊攻陷肆其掠殺。當賊未至之先。職出示曉諭。收斂保聚。又遣生員鄉老某某。分鄉勸諭。鄉民多保聚砦堡。糧畜多行收斂。賊深恨之。而見房則火。人不及避。則刃。掘實窖以覓食。而藏糧於地中者。盡為賊得矣。職同官紳士庶。同守孤城。雖四面攻圍。前後四十餘日。猶恐鄉民避亂無歸。城門皆皆啟閉。薪米出入不絕。鄉民入城者。廟宇公廨街市皆滿。至砦堡被圍者。職皆發鄉勇救援。發與火器鉛藥以助之。惟賊勢太熾。闖將八隊賊。素號凶殘。糾

蘿石山房文鈔

卷二 防禦八

圭

合四枝十三營。共有數萬精騎。原欲渡河入晉。因山西有備。所以駐掠韓城。四十餘日。職以一人之身。一縣之力。歐盡心血。為朝廷守此孤城。又分官分力以守砦堡。雖有素練鄉兵。止可斬其零星賊騎。而不堪與大隊衝鋒。前後援兵。在本縣地方。斬賊級若干。皆職設處糧草。與紳士捐貲犒賞。本地防兵斬賊級若干。鄉兵斬賊級若干。孤城獲全。與二十八砦堡之保全。實賴上臺調度。賴軍門洪。發兵救援。並督兵防守。將士血戰。紳民固守之功。

至四野焚殺。與攻陷砦堡。則職固守城池。力不能及。職之罪。倘蒙垂憫。得從寬政。然非所敢望也。今奉前因。遵將賊入境出境日期。與追勦固守情形。除被焚被殺。分里分甲。造冊另報外。先行申報。伏乞轉報施行。

蘿石山房文鈔

卷三 防禦九

未

上陳明卿先生書 辛未

門生慙第拙陋無似。辱吾師大命。使擬撰教草五道。聞命之初。恐愧戰慄。知不勝任。嚴訓之下。不敢重違。勉為之。莫敢自秘。蕪醜以獻。竊思誥之起也。昉於商周。其中告戒殷切。全以渾噩之氣。與臣下相取。至漢諸詔。稍用文章。然意真辭簡。達意而止。猶不至粉飾。及唐以駢麗文取天下士。而上衍陳隋之習。詔誥亦多用之。延宋及今。相沿未改。遂以為詔誓體應如是。而古初一段朴誠之意。遂不可

獲見。大約駢麗語。取青配白。求工極態。原臣下恭

敬奉上之辭。尤同僭進來稱譽之事。大哉王言。似應有辨。治天下以實不以文。此其大端矣。竊謂今日之教。宜一去駢麗。用漢之質。取商周之氣。寧朴勿華。寧簡勿繁。寧勸戒之意多。而獎譽之言少。非必謂古穆如初。先得其意而可矣。商周諸誓。渾渾噩噩。而聖人猶云。誓誥作而民疑。况駢麗語。而使人相信以為治乎。門生第草野無所知識。生平執陋。不敢違心作一言。欲為駢麗之語。則不敢從。

稍就朴古。則不能。是以經今七日。不敢措手。勉以此意撰草。感吾師國士之知。又仰體吾師堯舜事君之意。凡有所見。敢不盡情。妄臆綸綍之宜。得存典謨誓誥遺意。洗唐宋文飾浮習。亦今日循名責實之一端也。敢以膚見。隨草上呈。伏惟嚴郢賜教。不勝悚切惶愧之至。

昔司馬溫公平生學問。惟是不欺二字。其九辭知制誥者。總以四六諛辭失實。不肯舍經國大業。作此篆刻耳。羅石此書。宛然溫公之心也。若

所謂治天下以實不以文。此其大端。又謂存典謨誓誥之遺意。洗唐宋文飾。陋習為今日循名責實之一端。真屬確論。余且從文章中。卜世運之轉矣。解拙存。

獲見。大約駢麗語。取青配白。求工極態。原臣下恭敬奉上之辭。尤同僭進來稱譽之事。大哉王言。似應有辨。治天下以實不以文。此其大端矣。竊謂今日之教。宜一去駢麗。用漢之質。取商周之氣。寧朴勿華。寧簡勿繁。寧勸戒之意多。而獎譽之言少。非必謂古穆如初。先得其意而可矣。商周諸誓。渾渾噩噩。而聖人猶云。誓誥作而民疑。况駢麗語。而使人相信以為治乎。門生第草野無所知識。生平執陋。不敢違心作一言。欲為駢麗之語。則不敢從。

初抵韓城與親友書 癸酉

僕以迂陋之質。謬承足下至誼。不以為不材而棄之。吾邑正當兵火。僕迫選事。奉老母而出。一至都門。聞吾邑被圍。心如刀割。賴足下合吾邑之力。共相擁護。逆賊宵遁。城池安堵。僕何人斯。賊侵我桑梓。而不獲與諸尊親分一日之患難。每思及輒熱面。次心。因念祖宗邱壠。先人廬舍。皆藉明賜以冥然無恙。感激之私。積於肺腑。惟有遙瞻九頭而已。僕一官調選。遇太宰杜門謝政。延至仲秋始就。而

蘆石山房文鈔 卷二 與親友 十一

生之不辰。得秦中最敵邑。一城斗大。與晉止隔一水。連年為流寇蹂躪之殘區。僕九月出都門。十一月始抵韓。遇舊令遠出未代。即遇流賊大寇河津。第未任之身。即為之徵兵。調餉。防河守城。所幸。客歲冬和。近禹門一帶。冰橋未結。賊徘徊而未渡。第遂邀一日之安矣。又苦者。韓邑之境。西北皆山也。山中舊為賊窟。流賊雖去。復遺杆子手賊五七百。日出搶掠。山中之地。民不敢耕。而近山之民。夜不安枕。第又為之請募兵。與鄉兵分為十一路。極力

驅除。賊於冰結險流。逃入晉中。止餘三四十人。盡以尺組繫之。令歸農。而僕將使韓民舉趾入山而耕矣。但賊殘之後。民散其半。地荒其七。人多包貽之累。更違撫字之心。終日操尺筆。以課有皮無肉之赤子。而責其稅。稍急之。不忍於心。而稍緩。不可以為吏。民不安其生。吏難盡其職。正不知何以覩顏百姓之上。而食朝廷俸米也。伏冀高明。有以教我。佞旋蕭勃。蕪言仰候。起居道阻且長。不勝依依。無物將衷。統容副致。主臣主臣

蘆石山房文鈔 卷二 與親友 十二

十一

自韓城再寄親友書 甲戌

僕抱繫一命。人不奉足下顏色。未嘗忘於夢寐。而未獲走一介仰訊。豈僕之數自外。而所以蹈罪而不暇者有緣矣。僕自壬申冬令韓。而民愁於境。寇聚於山。未敢安枕臥。幸寇驅民耕。以為可備事。而癸酉春夏雨俱不足。日率父老兒童執耒。僅得旱魃為事。秋霜早殺。一歲麥禾大無。冬又無雪。十二月。流寇千餘。自晉陽渡河。僕親戎服入山五十里。督戰士於河上。二月。又自宜川境踏

蘿石山房文鈔 卷二 再寄一 圭

冰侵韓境。未幾去。僕會司其者。健兒追一百二十里。斬其百餘級。此皆即有賊自延安南下。以千計。知賊敗。迺走。未幾三月。賊復收餘燼入寇。復會兵蹙之。遂道不復返矣。三月之中。流寇四侵於境。且晉寇自北下者。塞潼關以東道。南而商雒。西入於漢。皆盜藪。而韓以斗大城。縣於黃河之岸。此僕當寇之苦也。春又無雨。民饑甚。始食草根。繼剝樹皮。盡則刮人而食者有矣。始為捐俸勸賑之法。不繼。為各里賑各里之法。里甲之不足者。官設穀

賑之。里甲所不收者。另為一廠賑之。嬰兒棄於市者。令養濟院收。發粥穀飼之。骸棄於道者。令耆老埋之。而令做甚矣。兼以積粟之家閉糴。斗米至六錢以上。而饑軍五百。日嗷嗷待哺。桀者皆出蜚語。搖亂吾民。而市斷不可支旦夕。官衙至縣釜飯以待。而軍民可知也。乃設為平準之法。私糴者禁。必致於市。而復立鄉人之老有德者。四人為市長。以防小販之圈買。牙行之妄索。而市稍稍有米。至四月。雨稍足。軍民稍有生氣。初分俸犒軍。不足。高堂

蘿石山房文鈔 卷二 再寄二 圭

之簪珥為盡。而見溝壑之瘠。恨不自割肌肉以啗之。此僕遇荒之苦也。民苦如此。而為令者。亦安忍急催科以求免於功令。而為鞭扑之事哉。考成不免。正未知所稅駕耳。小介回。肅此奉候起居。并道僕所以遭兵荒之苦况。惟高明憫而教之。不吝金玉。以開愚陋。使危邑做令。得有所奉。以不隕越。幸甚。臨楮不勝瞻依之至。

自韓城三與親友書 丙子

某自爲秦令。六七兩年。踵遭兵荒。料足下聞之矣。至八年七月。有流寇數十。攻韓南二十里之芝川。芝川有城。韓咽喉地也。某知一張司訓可與言守。夜語馳遣守之。賊方以門版障矢石。脅人攻芝川。而司訓督士兵民擊殺賊甚衆。攻三日不勝而去。雖未攻縣城。而南鄉蹂躪甚矣。寇未至而蝗已生。蝗去而蝻復出。賊所踐踏之餘。復爲齧盡。而災遍四郊。十倍於賊。秋穡一空矣。迺十一月。而流寇數

蘿石山房文鈔 卷二十三與一

重

十。侵韓西四十里之薛峯。又數日。忽有賊數萬如風雨驟來。直薄城下。蟻屯東北二原。俯瞰城中。未幾而四面咸集。某以靜諭士民。而火器擊其屯聚者。以步兵與其零騎接戰。先日照吾邑城外圍築攔馬牆。而於牆內築敵臺。設火器伏義兵以禦其攻。而賊遂未攻城。而移營於城北。日出賊騎週圍縣城。意在坐困。而某閉其三門。留一門。日數啟閉。薪米之出入不絕。賊又乘吾之啟門。而拘掠我百姓。留其父母妻子於營中。而遣其人以難民入城。

或爲市物。或爲探虛實。民亦遂受其愚弄而爲之。用幸鄉紳士民合力。搜得數人。皆極刑治之。或懲而縱之使逃。俾知吾城中不肯容奸。如是者二十日。大約或以衆騎突攻。或以零騎旋繞。倏屯營於西。倏屯營於南。四野焚掠。火光蔽天。雖鄉勇斬獲其頭目數人。斬賊級數十。奪其馬羸百數。而何足當其焚殺萬分之一。賊因無奔城何。復以零騎綴縣城。而全營移芝川之右。環而圍之者十日。或以多騎突乘。如攻縣城。而又於雪夜。令衣白賊數十

蘿石山房文鈔 卷二十三與二

重

人。又以羣羊亂其聲。而暗襲芝川。幸先委趙丞在彼專守。夜宿城頭。聞其聲。以礮擊之。獲全。大約賊猛而狡。皆如此類。未幾大兵至而遁入山。兵去而賊復出。直至九年正月十三日。始南入郟陽界。前後四十餘日。環攻一彈丸之邑。而某爲之固守。以請兵。迺兵至而又慮無以食之。兵未至而張虛聲以恐嚇賊。兵至而齎餼糧以隨之。彌奸布間。日歐心血四十餘日。枕戈城頭。目不交睫。孤城僅保無恙。實藉韓之紳士同心。與民合力。而賴洪庇以有

此而屏書生之伎倆盡版方亦場矣。賊退而單騎
遍察四鄉村舍皆為瓦礫。人民存者皆帶瘡。缺
牆破屋之中。惟聞號哭。某忝在守土。情實相關。聞
聲而腸為之斷。對泣而淚為之乾。試想似此人民。
卽加意撫循。何救於殘黎。而尚為一己區區之功
名。因功令而操鞭箠。以迫無居無衣無食之百姓。
而完國家之稅。功令卽不寬我。亦且甘之。豈正
為請命。請而不得。引筆刺船之詩。某將再廣之矣。
知已有以教我乎。西陲小吏。四年在荒旱之中。數

蘿石山房文鈔

卷十二

三

月受圍城之苦。因此倥偬。屢疏仰侯。罪何可言。茲
因老母旋里。遣役專詢起居。小兒敏生。歸就童子
試。正在穉年。倘有情業。并黃口氣。習乞足下。叱而
教之。此某所倦望於長者耳。有懷如縷。弗能一一
也。

此書原集未載家藏筆葉似未經審定之文。因
於韓城被兵情形言之最悉。可與申文參觀。故
茲錄入。 姪端人謹識

常平倉議

崇正六年。秦大饑。韓城令左懋第。自五年冬來。令
無雪。春雨逢。遂無麥。夏又雨少。秋霜早。殺穀無禾。
六年冬。又無雪。麥子不入地。七年春。又不雨。韓大
饑。自十有一月。至於六月。民噉不能口者。萬計。僅
餽口者千計。食充腹者百計耳。薦紳先生哀之。議
以各里之人。收養各窮。高下相錯。益以期活人民。
不至靡遺。然瑾相望。余哀問之。皆曰。韓地狹俗奢。
不積粟。今歲饑。至飯草木與土石。人多死。噫。可悲

蘿石山房文鈔

卷十二

常平

哉。余為之歎。韓民好商賈。棄本務。余繇汴雜來。韓
塗所至。華衣裳而迎道左者。皆韓人也。余固知未
不勝本矣。地十七其山。人十三其賈。饑至而窘。固
其所哉。余與薦紳先生。又議為之所。皆曰。賈多則
農稀。地少則粟少。粟以翔貴。市不得平。民是常飢。
余為之屈。迺讀古人書而得之。李惺之言曰。價平
則止。小饑則發小熟之所儲。中饑則發中熟之所
儲。大饑則發上熟之所儲。而糶。故雖遭饑饉。水旱
不貴而民不散。漢耿壽昌白令邊郡皆築倉。

以穀賤增其價而糴。以便農。貴貴減價而糶。各常平倉。民便之。唐劉晏又以常平法豐則貴取。饑則賤與。率諸州米嘗儲三百萬斛。然則養民之道。務本之方。亦使得其平而已矣。因與薦紳先生議。余以俸易粟一百石實之。諸先生各有捐。蘇城以內。達諸四野。士之禮民之義。咸在焉。得二千石。余曰。倉以常平矣。毋置官倉。久或以爲官也。吏胥之得。得與手焉。將不平。務任得其人。非薦紳先生主之。耆老司其出入。不可也。每倍。邑雖有大役。非歲

蘿石山房文鈔

卷二 常平二

三

不得動焉。然則邑公地謀一所貯粟。額以常平義倉。薦紳先生議。每歲二人主其事。鄉耆老有行誼者。歲二十人。春粟貴糶。常賤市價一分。而所糶之貴。薦紳貯之。至秋賤賣。市價一分糶。隨其高下。貴賤奪其滿盈。茲歲所積。卽爲粟母。不至再煩人。三年兩熟。以漸生息。不多取利。而市價常平。然糶卽市倉門。勿與他市混。又勿與富人斗。勿過貳。以便農而濟窮也。積久行之。遇饑。有小中大之不同。或大賤其價糶。或借之使微利償。或捐以賑。或粥以

餉。得彼三人者之遺意。而變化通之。而要不失吾常平。然則養民之道。務本之方。亦使得其平而已矣。

法原平。議去其不平者。而平適可。常毋置官倉。意良遠。余願後薦紳之主之者。久亦毋或以爲私也。衛仲王先生

蘿石山房文鈔

卷二

常平三

夫

廣硝磺鉛議 乙亥冬

中國陽明之氣。蓋陰類。故中國之勝四彝也。恒以火。火得天氣健而不息。凡天下之陰氣。皆受伏焉。盜賊亦陰類。其事逆。其行竊。常乘人不知。而匿伏深山斷谷之中。與陰相依。然則吾之制之也。亦以火。韓自庚午歲後。盜入境。輒挫去。自茲以後。積有其器。曰大將軍。五十有二。曰百子礮。一百八十有六。曰三孔槍。七百有十。募得其人。曰商州人。曰真定人。皆能升硝。入磺。焰之掌上。手不知。以效迅。

蘿石山房文鈔 卷二 硝磺 一 辛

力納鉛丸於器。試之。堞上中秋毫焉。以教多人。皆然。陽氣大盛。陰翳滅消。斯亦陽明之驗矣。余有慮焉。器與人不窮。而所用之資。多為貴。與薦紳先生議。廣之。庫蓄數千斤。余不佞。又以俸易硝二百斤。磺三百斤。鉛二百斤。薦紳先生各易如許。士之禮者。易如許。民之義者。易如許。各著簿。約於正月廿有七日。會於公所。較其數。余不佞所易者。貯之庫。各易者。各藏於靜密之地。正月陽之大來也。陽來而人人抱一陽明之意。家蓄其氣。斯亦大易日新。

之積也。而於以合吾一邑之陽氣。以制倘來之陰。豈不光且大哉。

附紀

議既行。共議得五百金。走易之。晉可得硝磺鉛二萬斤。俟其竣。無患寇矣。

蘿石山房文鈔 卷二 硝磺 二 辛

尊經社序 乙亥冬

責之象曰。文明以止。人文也。文而明。明而止。始可
以文而合聖人之道。夫聖人之道。備於六經。其始
皆人之性情。與天地之氣。機一身之動靜相感。而
言語政事。隨感而各有所見。日見日多。其致萬變。
聖人者出而裁之。取其言雅而情實者。著為篇。而
要使天下讀之者。內治心。外治夫物。躬行而敦履。
奉為經。而吾緯之。如是而已。而後之學者。守一經
以為足與。讀諸經而不返於躬者。皆無以觀乎文

蘿石山房文鈔

卷二 尊經

三

之大全者也。余何知夫文。令韓而與諸子有尊經
之約。以吾儒所治書為歸。未已也。各窮所治。經未
已。益一經。文約益進。三年而三經者如林。擁皋比
而五經授人者有之。其言亦皆不畔於經。於戲。經
之益人。何可誣哉。一經一緯之謂文。諸子既知不
守一經以為足。則知經何以六。子史何以不敢與
之爭。穆深之氣。我可取之。以為文。則可收之。身心
性命而從事焉。彼何以經我。我何以緯之。文而明
明而止。文章之能事畢矣。學以止為教。而尊德性

道問學。則君子所以明聖人之道。而破諸儒之紛
於戲。舍六經何問何學。而德性在其中。尊經者。尊
德性之謂也。

蘿石山房文鈔

卷二 尊經

三

重刻孝經序

孝經一書。孔子與門弟子所論著。而不列於四書者。必謂其事庸辭易。而小學之書也。夫四書首大學。其理約而全。而天之所以命人。與人所以復天。惟中庸言之詳。有以致其實。而盡發夫微顯原委之理。天人之際。明焉矣。張子西銘。以天地為大父母。而吾事之。蓋得中庸之精微。而為此言。而實本孝經事父。孝事天。明事母。孝事地。察之二語。噫。中庸蓋本孝經而作也。余謂孝經宜後大學。而前中庸。以大學格致誠正。修齊治平。開生人之大端。而以孝經為根柢。中庸以究其天人始終之極致。孝經一書。原與四書六經。並深遠於天地之間。而小學脈之哉。梓之韓者。將使士與民讀。善本附西銘者。張子得孝經之意也。朱子西銘解。並附。

蘿石山房文鈔

卷二

孝經一

三

崇儉書序 丙子秋

余自壬申冬。吏秦韓。癸酉旱。甲戌大旱。乙亥又旱。其間高山深淵。無不求。董子繁露之書。廣數試。借父老童子走雨壇。僕僕履數穿。賑貧乏。出幽滯。禮祇及魂。掩久亡之骸。凡所為。雨計罔不至。雨罔霑。大饑。兼寇為變。民以不安。余為之當食。臥數起。三年而不得其本。吾人所以為治。求人事而已。因謀於薦紳先生。及奢儉事。則喪至人子不能哀。其親。婚或貧不能室。而中人之家。不有女。育則夫婦相戒無諠。委之壑。奢害至此。余因歎人事之未盡。殊多端也。奢則必僭。僭則不可止。不可止。則人心頽然。潰亂不可收拾。其所以來天之忌。而致物異。豈足怪哉。因相與謀歸之儉。婚有式。喪有式。居處冠被。宴飲。日用。屑瑣有式。物有不煩。力可給。情有所慝。而禮望然。行乎斟酌品節之間。使人子執親之喪。得一其力於親肌膚之會。人子性情之內。而無所以分之。男必有偶。女易為歸。而無鯨鱗天札之患。貴賤賢愚。各安其所。如是而已。式具折衷。

蘿石山房文鈔

卷二

崇儉一

三

薦紳先生。公之士民。本諸古禮。錯參風俗。丙子凡三月而定。薦紳先生之有婚焉者行之。而士及民咸焉矣。薦紳先生之有喪焉者行之。而士及民咸焉矣。又三月而式行。曲禮曰。君子恭敬博節退讓。以明禮。儉行而禮明。禮明而和氣興。人事動而有節。天道在其中矣。志氣之感。其有以徵之哉。君子欲進而究禮之全。則經緯萬端。考亭之書在矣。

咸陽志序

丙子冬
咸陽令張君
名世馬邑人

史之道備於上古而綜為經。至漢司馬子長作史記。而經之體一變而為史。自茲考古今之得失。與人物賢媿。疆域財用人民之數。莫不觀史焉。漢書而下一代有史。天下有史。達於郡邑。莫不皆然。此志所尚繇來。故至其地。而不知其地何自始。疆何廣。古何人。今何事。山川何名。君子恥之。况長其地者。將酌其古今之窮變。予之以通。審其廣狹多寡。

得失奢儉之故而利害出焉。斟酌行焉。鑒遠求以自考。詎文章之事哉。吾友晉張君。以彭衙令移繁石安。乙亥。秦寇後。志籍為燬。君至理其敝。石安以安。數月輯其志。而古今人物疆域財用人民之數。罔不粲然。昔加詳焉。余令夏陽。聞之而歎。韓起聘魯。見易象春秋。而識周之禮。書繫人國。豈不重哉。君之心乎志如此。而君所以長石安者。槩可知也。夏陽司馬子長所家。余讀子長之書。日以六經。與子長書。欣諸士尊明之。令茲四年。而尚未及志。余

其愧君子哉。君其以教余乎哉。

蘿石山房文鈔

卷二

咸陽二

毛

陟岵篇白序 辛未夏

余小子處天之寡少而羈孤。七八歲昔。先君子置被中臥。口授以詩書。惟余睡過已。又常手畫被教余作字。凡應對略有管。輒喜。為晝夜。初從師。命習戴禮。已又習毛詩。父起家毛詩也。教以文。日夜說不置。為諸生。教以益殷。命讀書。邑北廬山。兄大來之別墅。又為西墅。築讀書草堂。鑿池種樹。惟恐見俗業失其聲。至燕坐庭除。無不以忠孝節義為教。勉有感觸。即加提命。爾肯不甚解。然心知先君子

蘿石山房文鈔

卷二

毛

不第文章教余也。爾後兢兢。精心昏期。少建立。俾先君子見余德業。感一日歎。而落莫無就。子然於天地之間。作孤兒。可悲也。丁卯冬。治春秋。滋然曰。孤子不更名。况經業乎。旋止。已憶先君子之言。曰。春秋余左氏書。兒輩無學者。先君子之志也。遂沿之。午未間。立言業。少有就。庚午冬。兄大來。取三歲中文業序之。義字居初刻也。辛未夏。陳明卿李晚湘兩先生同門。選則業及聞前藝參焉。已又滋然曰。皆先君子教也。昔昔所為。先君子及見者。

可。因別爲一帙。中亦有未及見者。何。陟岵篇所
繇名也。陟岵詩人。身千里之外。心依依老父旁。孤
心窮望。猶於河山渺茫間。若見顏色。聆其語言。况
余字句點畫。皆余父手澤神明所在。而歧及見不
及見。爲縣絕乎哉。余到今瞻望余父也。旦夕歸省
余母。母且喜勞余。侍吾母側者有吾兄在。而父不
可見。余焉得爲陟岵之人也哉。

春秋陟岵篇自序 丙子秋

余小子之治禮。先君子命。從禮而詩。亦先君子命。
再從而春秋。先君子未嘗命。而先君子之志也。先
君子有言曰。春秋余左氏書。兒輩無學者。余側心
識之。而未能。先君子逝癸亥之七月。至甲子十二
月。余臥苦。侍先君子柩者十有七月。而左氏書
一語。未嘗敢忘。因於讀喪記餘。讀左氏公羊穀梁
三傳。而其中與經義相發。并其文古奧字句奇質
者。泣淚滴石青以標識之。但憶先君子之言。而尙

未敢徒詩治春秋。丁卯秋試。不過歸理書笥。得春
秋胡氏傳一書。而泫然泣曰。先君子之志也。可無
以成之。因與友劉子雨季。共讀於先君子西墅之
草堂。越三年庚午。而以春秋見識於衛仲玉先生。
又辛未而識於陳明卿李曉湘兩先生。余小子遂
以春秋義起家。而春秋之精微要眇。實尙有所未
窺。卽先君子欲兒學春秋。或不止以制義。而余小
子三年學之者。可見止此。壬申令梁山之麓。簡春
秋制義二十四首。癸酉入秦闈。擬春秋程二首。共

爲一帙。附秦闈禮記改程二首。幼昔詩經義一首。存先君子之教也。嗚呼。詩與禮。先君子命也。春秋先君子未嘗命。而先君子之志也。悲乎哉。先君子棄余小子。十有四年矣。棄余小子五年。而徙春秋。又四年。而四書陟岵篇成。序於長安邸。握管流涕。而序始成。又二年。而春秋陟岵篇成。未嘗忍爲序。又三年。而序之。丙子七月十有七日。先君子忌日也。嗚呼悲哉。余小子於先君子大祥之忌。而有慎終追遠之篇。又十二年。而流涕以爲茲序。日月如

蘿石山房文鈔

卷二 春秋二

望

馳先君子棄余小子歲愈遠。而余小子所以瞻望先君子者。愈不知其何極也。陟岵之詩曰。陟彼岵兮。瞻望父兮。余小子其陟禹門之山。而瞻望余父乎。悲哉悲哉。

但道其徙春秋之繇耳。文到至處。惟有性情歷

歷紙上。劉雨季

秦闈禮記房錄序 癸酉冬

先大夫詩起家。余何爲春秋。余春秋。又何爲禮記。役先大夫佐計榆林。余小子八歲。命師陳對吾先生習禮。已十二歲。徙詩。後十五年。迺徙春秋。癸酉。秦闈有事於土。命張坦公治禮記。春秋實命余。三秦吏。春秋者。余一耳矣。慨然曰。地之疑。君子不居。去之。已更命禮。心之疑。君子不蓄。未深又求去。有兩經合稽命。余忻。借坦公事焉。相與得一士。必原其學問根本。與性情。及其人所可就。相脉不逆者。

蘿石山房文鈔

卷二 禮記房一

望

十有一人。皆名下士。不負所擬議。春秋謹嚴。春秋恭敬。兩氣既合。而十一人之文。有易之精微焉。有書之渾噩焉。有詩之敦厚焉。一役而六經獻其全。余幸矣。得名士爲友。而又以益余學。又以見余父師之所以教。五倫之重。朋友居一。豈不大哉。地之疑。君子不居。心之疑。君子不蓄。與見父師之所以教。是真學問人語。劉雨季

秦闈詩四房錄序 丙子冬

癸酉。余以禮記與秦闈事。丙子再與。分詩一役。得士六。錄其牘成。攬之而歎。詩者。先大夫所起家。命小子習禮者五年。十二歲命師趙太冲先生習詩。又三歲命師鍾太音先生。兩先生教余以詩者備至。先大夫固淹詩。庭除燕坐。又皆以詩教。余以詩應制科者三。而後以先大夫志從春秋。余庚午闈嘉樂。君子之篇。頗引詩說。蓋有其本焉耳。闈中與六子遇。莫不以三百篇之氣相取。而知為文不有

三百篇之氣。則易至於纖佻。蹶張支離。閉止與為詩者無因作。情不足而靡其辭。皆無當於三百篇之旨。而此六子者。莫不以詩之氣輔情出。讀其文而有與觀羣怨之意者。則可以事君父。罔愧。詩之義大矣哉。余自髫髻習詩。十有六年。父教之。師教之。未獲其精蘊。得挾以售。而今迺與六子遇。詩不負余。余負詩哉。

附紀

余以尊經之約。與韓人士相勸勉。士多通經者。丙

子秦闈。以經儒者七。副者五。京闈儒者一。其牘別載尊經社。惟與六子同遇。以額副者三子。附茲牘焉。余擬作並附。凡二十四首。

蘿石山房文鈔 卷二 詩四房二

圖

陝西武關鐵像序

臣嘗讀周風七月東山詩。見其君念男女老幼。于鉅求。舉其衣食。處於戎之地。若不知戎。又於征伐之餘。念其廢命。婦媚則。似不欲驅之戰。而取彼狐狸。制彼裳衣。適足明急公之義。而奏上所欲致。又嘗讀秦風車鄰無衣。一雖猛勁。不可控御之氣。其君用之以強有力。雄長天下。而不可致太平。一日。幽秦皆禹貢雍州域。居處適。性情無異。同。周得其忠。君愛國之心。蟠結不可解。而太

蘆石山房文鈔

卷二

武關一

聖

和以成。秦用其氣。忘生輕死。而無補於治。風異也。知風所繇來。則人知所自求。而亦講朝廷求人意見。上御極六年。秋。以臣某所收秦士三千八百人。試於鄉。獲質有文者七十有一。冬。命監察御史臣某。試武士比於文。臣又得與事。因慨然古幽秦之風。前諸士。爾諸士聽余言。今天下患夷。殷聚四方材官騎士。從事東北。未止。近又西告。而中國食毛履。之氓。嘯林巖。掠城池。稱戈而為盜。爾秦盜就。今暨晉暨豫。迎學齊魯。間進。是皆民也。皆

兵。何不用以東。北。禦捕。而偏出

其猛鸞。騎。樂。以仇。同。類。赤子。而與長吏。衡角。噫。天下所可。喜。者。非。過。微。也。而在。百姓。百姓所。不足。者。非。氣。也。而在。忠。勇。之。心。聖。天子。念。百姓。衣食。兵。荒。有。獨。有。匪。如。幽。七月。念。征。伐。之。士。勞。苦。如。幽。東。山。所以。風。也。者。聖。王。三。代。以。下。之。百。姓。何。其。負。君。上。也。爾。諸。士。皆。負。君。上。之。事。武。為。帥。為。禪。下。不。失。萬。戶。以。顯。天子。之。德。豈。敢。忘。慎。上。所。求。夫。所。求。非。氣。也。爾。諸。士。之。具。當。其。者。勸。而。食。樂。

蘆石山房文鈔

卷二

武關二

樂

勇。圖。稱。禾。稼。豈。不。朴。然。昇。農。夫。而。思。公。子。子。裘。裳。約。鑿。冰。于。凌。陰。稱。兕。觥。而。祝。萬。壽。其。纏。結。愛。慕。之。意。勞。逸。生。死。豈。足。辭。哉。爾。諸。士。幽。人。與。爾。歌。幽。爾。諸。士。秦。人。與。爾。歌。秦。不。欲。爾。為。秦。戰。士。而。欲。爾。為。幽。民。得。幽。民。忠。愛。而。并。不。屑。小。戎。駟。鐵。之。氣。本。孟。氏。制。挺。之。旨。用。仲。繇。知。方。之。師。以。制。勝。天下。則。天。下。盜。賊。相。觀。化。而。三。邊。地。以。次。第。歸。版。圖。聖。天子。所。求。豈。虛。語。哉。臣。與。武。士。不。言。武。而。尚。忠。愛。亦。猶。臣。衛。文。章。不。但。文。章。敦。孝。友。則。忠。臣。事。其。君。孝。子。

事其親。文武之道一焉。爾。治道備焉。爾。

蘿石山房文鈔

卷二

武閣三

畢

張大隱詩序 各稽考

余幸直讀大隱制義。而欽其爽瀟之氣。幸未同遠。士識大隱於朱子美邸。大隱子美與余俱館試。副。皇而子美伯。子美遂就請肆其學於金馬之門。副。咸與。余因識大隱。曰大隱出為清間令。余亦令韓。城。突。國。咸。事。兼。閣。役。爾大隱未幾為三原令。皆為。察令。益。國。乃得讀大隱蕪城集而序之。蕪城謂清。澗也。兼。嘗。怪。詩。之。無。所。感。而。作。者。其。言。暴。暴。而。不。可。得。其。意。之。所。在。大。約。言。詩。者。本。三。百。篇。曰。風。雅。

蘿石山房文鈔

卷二

大隱一

宋

頌人之能為朝廟音者。寡所作皆國風。類風有所。自。必。有。所。感。感。物。而。動。而。後。已。之。性。與。人。之。性。交。至。果。如。無。感。之。作。使。讀。之。者。尚。不。知。其。意。不。知。古。太。師。何。用。采。之。以。獻。於。天。子。哉。吾。夫。子。言。詩。謂。其。可。以。興。觀。羣。怨。而。徐。文。長。之。選。詩。也。曰。要。如。冷。水。澆。背。料。然。一。驚。迺。是。興。觀。羣。怨。之。品。嗚。呼。吾。人。命。詩。肯。必。有。冷。風。襲。人。肌。骨。皆。栗。不。覺。悲。來。之。致。而。後。能。使。讀。之。者。有。冷。水。澆。背。料。然。一。驚。之。况。徐。子。可。謂。善。疏。興。觀。羣。怨。矣。嘗。讀。大。隱。危。城。紀。事。一。書。

大隱初至清澗。值賊充斥。將士霞集。殺賊頭顱。不可勝數。其間大隱觀賊虛實。上當事者書。授將士略。完孤城。斬成功。嗟乎。登彼旌愁徑。仄之地。望黃沙漠漠。圓小奔流。聽鼓角聲。與鐵騎相雜。塞上悲風。來吹鬚髮。大隱其能已於此哉。燕城之詩。大隱有所感也。夫然大隱令三原。又值賊大擾於嵯峨之間。益以囂軍。日呶呶不可止。大隱皆有以禦之。不至亂。然則有感之言。與有本之氣。相將而並行。余又欲觀大隱華池之詩矣。

蘿石山房文鈔

卷二 大隱二

巽

張貞之詩序

貞之名。宜川人。孝廉。

山水歸於秦。禹門者。秦之輔城也。陟禹門之山。見其山至茲止。兩崖如閉者。水流其中。因思繇茲。逆陟以上。必有異。而人鮮有至者。後客為余言。宜川之山。縣流激翔如玉。水聲如霹靂。得十里之外。近山三里。澗深滂人裾。宜川張君貞之。又為余言。披輿志。倘所謂孟門者耶。張君既為余道山水之勝。又示余以所為詩。皆性情之言。迫而後起。夫

蘿石山房文鈔

卷二 貞之一

辛

天地之性情為山水。黃河出崑崙。歷積石。以至禹門。其間山水倚伏。嶽嶽疊疊之事。皆行於不得已。而人得之以駭其耳目。以供夫性情之用。張君避寇亂。居澗谷。又徙居韓。讀書之樂。與因約牢騷之感。皆達之詩。蓋有以用其性情者也。今且歸孟門。余因驪禹門而思。有所謂孟門者。異日冀與張君同陟彼孟門之山。出古琴囊中。所攜三百篇。離騷。楚辭。漢魏古詩。列左右。與君同觀聽。所云玉螭。霹靂。深溼。禱者。而浮白歌。君謝句。捕來惟此日之

篇。秋。性。情。之。所。之。其。可。知。也。哉。

蘿石山房文鈔

卷二

頁之一

至

蘿石山房文鈔卷三目錄

序

陳蝶庵文序

冀寧令王君文序

宋又陟文序

史論序

禹廟序

新司馬子長廟垣序

又

蘿石山房文鈔

卷三

目錄

贈春夫王孫序

贈馬君小序

記

新漢典屬國蘇子卿墓垣記

新西城門樓記

橫山記

華山遊至青柯坪記

書李將軍勝圖記

傳

姜烈士傳

大司馬太保黃公傳

論應制

聖人感人心而天下和平

仁者以天地萬物為一體

墓誌銘

山西榆社縣知縣九十一翁慎庵吳公墓誌

銘

衛儒人薛氏墓誌銘

蘿石山房文鈔

卷三

目錄

二

蘿石山房文鈔卷三

東海

維揚

陳蝶庵文序

蝶庵名周政
辛未進士

人居處服食於斯世也。怡然安之。優遊戶牖。未寂
間。如是以卒歲。已而遇名山大水。則耳目性情。悄
恍有異。失所懷來。余嘗入邑南海上之二勞。松柏
掩鬱。層峰疊障。皆自樹巔出。風吹異香。接人鼻

蘿石山房文鈔

卷三

蝶庵

一

息。入得異境。為天門後者。山樹鬱雜。徑皆幽絕。過
小石橋。造茅庵。一老道士出。迓。煮黃精食。客坐間
說其中道士羽化事。使人翛然有世外意。不必究
其事果如何也。又有夾嶺河者。鳥道縣空際。杖策
撥烟氣以行。兩涯皆山。其東涯為水清駛。奔激如
霹靂聲。遙見屋舍。雞犬之音。皆非人世。舍後圍室
一區。柴為扉。一道士坐其中。蓬首布衲。面有道德
靜深之氣。人未至。已自了了。入與坐。達姓名。輒復
冥然。宛如阮步兵孫登相對也。其中異境多。昔

無記。游亦未盡所憶。止此耳。余嘗云。入二勞使人欲仙。入烟霞使人欲隱。烟霞余邑東海山也。嗟乎。此遊今八九年矣。翱翔山中。驢背上探袖內黃精。嚼之。余不喜言幻妄事。於皆覺神仙去人不遠。甫出山。已復忘之。幾年來不復遊。亦無是想。幸未讀余友蝶庵所爲文。幽奇空澗。不作人世一語。復覺二勞山如在目前。非所謂愉悅有異者耶。人生斯世。所遇者。君臣父子師友之倫。所著者。文章事業之迹。任身所遭。皆吾實際。故神仙之說。儒者不言。

蘿石山房文鈔 卷三 蝶庵二

然使人斯世者。皆具一翩然出世之意。則富貴功名之說。不得而中之。其所謂實際者。必可觀也。讀其文。而使我憶所忘。蝶庵益我矣。昔人於遊山水。交友讀書。欲相因而俱盡者。豈無說以處於此哉。

真寧令王君文序

王君名家 永潘川人

司馬子長之傳。李將軍廣也。廣射。及猛獸。非數十步內。度不中不發。得廣。廣卒射殺。虎騰傷廣。亦竟射殺之。嗚呼。廣之冒險數困敗。鮮不爲人所笑。而子長爲作傳。詳道其英颯勁疾。坎落不遇。爲之感慨。使讀者猶爲之泣。蓋取其一達必得之氣。使。及猛獸。俱在其挾張翁注之間。而不以區區成敗。從而論之。此子長之史。所以爲不可及也。

蘿石山房文鈔 卷三 真寧一

淄川王君之令真寧也。邑小。居民約二百餘家。賊攻之者數萬。令借民守。七日而擊射之力盡。壁壘者三。垣鑿開者二十餘堀。城中人相泣。以爲瞬俱碎。而賊云。縣令出撫我。可不攻。君慨然欲出。城中人泣留之。君曰。城必碎。令必死。城碎而與城中人俱死。令出而免於攻。城中人可以不死。吾何惜一出。不以全一城。遂必出。城中人皆哭送之。君衣冠擁輿。以鳴金前導。自城門出。賊皆驚。出則矢賊渠。爲具文請於上官。道賊願撫之意。賊遂解圍去。城

免於攻而留君不肯令出。已而賊無意撫。原欲求其敗失之弟。已聞其弟陣皆為兵所殺。遂固留君。君欲自殺。賊防之。君曰。令惟一死。汝不我死。惟出為汝議撫。不苟生於此。君遂出。以身請罪於上官。欽。君可謂蹇匪躬者矣。當被圍力盡。皆城中人相泣。以為必死。令亦自信為俱死。而適聞賊有求撫之語。君遂欲早一嘗之死。而幸賊萬一不攻。而全城中之人。且為賊緩一嘗之攻。而增其備身之死。君固知之。而賊之果撫與否。其所不暇計也。又暇

蘿石山房文鈔

卷三 真寧二

四

計身之達而不死。不死而且歸哉。虎豹當其前。先行者聳身而就。期劇其牙。以免後者之吞噬。豈知虎豹之避而不噬。此其一達必死之氣。不可以事後論矣。吁。嗟。王君。真所謂匪躬者歟。今有子長氏。必為王令作傳無疑也。余初識君於旅次。見其人可任天下事。已聞真寧令棄身以全城。則甚敬之。未幾。又聞其全身而出。未嘗不歎精誠之至。水火不害。為不誣。已而君寄其訟繆居彙十九首。問序於余。讀之。精堅短悍。有射石沒鏃之氣。余作而歎

曰。以李將軍之射。而數為所得。猛獸所傷。君之丈如李將軍之射。而數上公車不遇。君之以身出入危險。全孤城。又與李將軍射。射猛獸之氣。同。皆可為之感而悲。不可以成敗論也。

蘿石山房文鈔

卷三 真寧三

五

宋又陟文序 兩子

余從事文章之事。而文章之原。與其所遷變。及夫損益之數。皆可得而知也。六經既作。文事以彰。初為著述之文。其言發乎心之所欲。有以悅乎其心。而傳於後。如是而已。一變而為策論辭賦之文。不必其心之所欲。而迫於人之持此索我。以可見而與以名。而我之所藏。適足以應其索。則將出而見之。以求世之所以名我者。而文因以著。又變而為四書六經之文。其索我以可見而與以名。猶昔也。

蘿石山房文鈔 卷三 又陟

六

而所以索者。加精焉。以聖賢之理為的。而俾我赴之。夫聖賢之理。我心之所欲也。發乎其所欲。而可以悅於心。即可以獲乎名。而傳後世。則四書六經之文。以性命之藏。抒聖賢之蘊。而兼功名者述之事。自古以來。豈有精微純粹於斯文者哉。而其文之中。亦有變焉。訓詁之文。不可以久。性靈之文。以呼吸之氣。湊合名理。而不可得其實際所存。惟以四書六經為質。明其義而化訓詁之迹。發揮性靈。而皆附麗於古聖賢之實際。而施之於用。可以實

致於言語政事。而浮靡虛氣。不得而入。此文之

而至精微純粹之域。而有益於斯世者也。吾友宋又陟。以文章雄梁宋之間。與余兄大來同籍。又令杜陵。與余同吏秦。復同入秦。丙子之闖。而分較秦士。因與論文章之事。見又與余同。因出其編竹居筭餘諸義示披而讀之。食古文之氣。裁制神明。察然而成。有所謂以性靈發聖賢之理。而得所附麗者。余作而曰。又陟。知今所謂立言者乎。周秦間以著述。漢唐宋以策論辭賦。其大槩。今以四書五經

蘿石山房文鈔 卷三 又陟二

七

之文。皆著乎精華之物。而各有所成。而可以悅我之心。表裏聖賢。取世之名。而傳於世。惟今之文。兼焉。又陟所為之文。遂能發乎心之所欲。而有以悅其心。如是。文之有益於心者也。而繇此施其文之用。所益於世者。豈不可得而知也哉。

史論序 癸未

余與李君心水同為垣臣。其為垣臣也。先余一年。次譜齒。余亦先一年。夙夜公為行。及長安道上。馬足互雁行。後先晤語為多。心水善史學。衡量古今人。輒著為文章。歷歷然。余每與論事。讀其文。輒抵掌快。心水亦以善史故。動引古昔。條奏上。天子多所可。而亨弘羊。迺雨一語。適中刻薄人忌。罔奏。心水請外。居無何。天子鑒垣臣直。與召環。而刻薄人先以賄賂得罪。夫請劍請亨。諫官職也。見無禮於

蘿石山房文鈔 卷三 史論一

君者。不擊不疾。不稱職。心水正自盡其職。而人以此知。心水之論人。不爽。可與言史學也。癸未。余與心水。當八月。偕桐封之役。余適以察覈使。七月出。心水以其滄寧齋集示。余曰。序之。余受而讀之。見其選復古今。摘隱闡微。多出人意。外而好惡。一出於正。遇奸雄事。奮筆作氣。斷斷然有請劍請亨之思。一善柱頰。若惟恐其不盡。後者。余又以此知。不能讀史。不可以為諫官也。千古史學。本春秋。而漢以來。良史。推司馬子長。莫與京。心水以春秋

之義事君。知無不言。而益讀良史。以堅朴其筆。而助文章之氣。此集與請奏議。並傳天下。後世豈不可信哉。

李君心水。即映碧先生。別號見顧古堂。尺牘是集。係先生所編。故不名不地。從會孫繼備謹識。

蘿石山房文鈔 卷三 史論二 九

禹廟序 癸酉

禹貢載壺口。而水不與禹爭。然猶有激盪震動之意焉。至禹門而制於兩峽。投其所適。行安矣。余壬申之冬。來知韓城。其地秋九月以至。春二月不雨。披志。縣東北六十里。有所謂禹門者。禹門之上。禹廟在焉。余穆然而思。神之至者。其精不息。物之大者。其氣必神。造禱之。天部衛公家其址。相與登禹門。以望兩峽。山巍聳千仞。從斷兩崖直下至底。斧鑿痕可指。黃河水出其間。折東南而下。蓋門也夫。

蘿石山房文鈔 卷三 禹廟一

若有鬼神之事焉。昔二月廿七日。禱輒雨。三月初八日雨。十二日又雨。天部公揖余曰。禹之靈也。廟狹且圯。請新之。余穆然曰。禹之德在萬世。又庶吾民食其福者。不忘其本。此君子之言也。登禹門。不念禹。古人見舞大夏。則美之。而雒汭之思。伊何人哉。序之以佐其成。

新司馬子長廟垣序 丁丑春

先君子好史記。常手錄成帙。以教余小子。自七八歲。即知漢有司馬子長者。十四歲。授余小子以古本史記三十卷。未甚解。然知重之。十八歲。嘗知好之矣。後讀至其自序曰。司馬氏入少梁。又少梁。更名曰夏陽。猶未知少梁夏陽為何地也。簡與志。而知韓城在秦為夏陽。始知奕奕梁山之詩。考亭註所謂今之同州韓城縣。即司馬子長所家。又十一年。謁選人為韓城令。見其薦紳先生於長安。

蘿石山房文鈔 卷三 子長廟一

昔曰。余已程嬰公孫杵臼。蘇武司馬遷墓。皆在焉。益心自喜。得近古人迹。就道未至。邑二十里。芝水之南。古柏蔭谷。土人指其道旁。西麓曰。漢太史令司馬子長之墓。至邑。已而以羊豕拜其墓。瞻遺像。墓上有古柏。墓甃封有碣。或曰。昔墓土開。見柏根縣其棺。人輒封焉。呼嗟乎。司馬子長。六經尚已。秦火之後。書散佚。雖有出者。各自為書。有志者雖欲考古今之迹。無所持循。問據二三。不可得其全。惟子長上紀軒轅。下至其音。質本尚書。而增損予奪。

略仿孔子春秋之目。銷繁削變。化左氏周秦以後。為古文字。可以謂六經傳來世。豈不偉哉。唐韓退之者。讀子長書而變化出之。嘗嘗謂其起八代衰山斗之。而謂子長何如者耶。余每瞻拜其墓前。徘徊不能去。五年矣。其垣圯。相與同瞻拜者。議新。因為序。而按邑志有高門里。即子長自序所謂皆葬高門者也。高門去芝水不數里。益信夫。

蘿石山房文鈔

卷三 子長廟二

三

簡與志簡字疑當作檢。案近時書籍中凡為前明遺諱字樣。自宜擊為更正。此集原葉內。屬雜較簡等字。似因避諱而然。乃亦從省寫。按檢而鐵。深常則直寫本字。至避時諱。皆違等字。並無忌諱。反用古文。其為鈔有筆誤。抑各有取義。今已難得其詳。茲並依原文摹刻。以祈世之知者。訂正焉。己未十月。從書孫任可附注。



又

古之至性人。足以感動來世之讀其書者。故遺選求其迹。與其後人。而韓無姓司馬。求之五年而不可得。但因前有事於韓者。東廣葉公。名夢熊。為給守墓者。地三畝。又韓之濠濱張公。名士。益以地十五畝。前因上下等。共權中地二十一畝七分。覓其地中之賦。余因韓之河濱。賸賦為定賦。仍其故。按稗史家有云。隨清。司馬子長侍姬。平原人。年十七歸子長。子長召入京師。留清。媿於同州。已而

蘿石山房文鈔

卷三 又

三

遷陷腐刑。發憤著書。未幾病卒。清。媿聞之。悲憤而死。州人葬之。忘其名。後唐。褚公。遂良。刺同州。清。媿感。夢於遂良。具言始卒。且云。圖籍未載。世人莫有知者。以公為文人。求志其墓。光揚幽懿。遂良為之志。披同志無之。或為修志家所冊。而稗史必非無據。然則清。媿亦貞姬。而即稗史所載。子長為後世所欣慕如此。余令茲求其後人。五年而不得。亦獨何哉。

贈春夫王孫序 丙子秋

終南太乙。為天地肺腑之區。氣之所蟠。以森以毓。其間名人淑媛。叔皮孟堅。婕妤大家。諸人自古以來。余以韓奕令。數過杜陵。識春夫王孫。詩所謂其人如玉者也。好讀書及客。與客對。惟詩騷暨諸古文辭。語無雜。入其讀書之堂。書滿家。几上茗香。具楚楚。余心異之。王孫席敦睦。龐恩。世為將軍中尉。貴又祿豐。余竊見天下諸王孫。才者或為裘馬容。而稍旁溢。或廣土田。多從者。邈邈然。王孫何為而

蘿石山房文鈔 卷三 春夫一

西

若是。讀其益壽紀事。所壽其母太安人者。而歎曰。王孫有母。王孫賢。又有是母。太安人歸奉國公。克佐佑。奉國公背而奉國之父母老。王孫四齡。凡終始致於父母者。無不至。而教王孫就外傳讀。嗟乎。王孫賢。又讀書。其好書及客。豈偶然哉。觀其所紀。太安人懿範。食飲言語間。纖微必紀。其紀者皆可為母儀式。太安人大賢者。王孫亦孝子也。太安人六十矣。既壽且康。王孫稱觥而愈益其所學。以與太安人燕詒之意。相將。行葦之詩曰。以引以翼。壽

考惟祗。太安人有焉。王孫有焉。太安人韓姓。其兄弟行。太守一水比部四。皆余兄弟同籍。知之詳。又感春夫之孝。而為序。

蘿石山房文鈔 卷三 春夫二

五

贈馬君小序 辛未

馬君秦解
首名御輩

辛未季春見翩然秀削者。鬚眉神骨卓落以異。詢則同為陳明卿先生李曉湘先生門下士。艾孩如也。心甚喜。又關中產先君子舊更關中。則又喜。已米脂。去先君子治榆林咫尺。余童子嘗數從過米清間。山川城郭人物官舍。胷臆猶自歷歷。因益樂說彼中事。刺刺不可休息。一日相與道其鄉之友馬君。得名字。則余所嘗聞。曰其王母成大夫。大

蘿石山房文鈔

卷三

馬君一

六

賢者也。佐其王父以經術鐸三地。父非其出。閔斯始過之。馬君兄弟。又早無恃。王母兼母氏。劬以及教命之。俾馬君以文章冕一昔。厥艱哉。今年且七十矣。余聞則又喜。余固樂道關中事。謂其中深厚。魏焉之氣。出閨門。珣笄間。結為令德。大年。余能已乎哉。口之不已。孩如出袖一帙。使余記之。余謝不敏。孩如日記之。孩如名。毓初。官參政。辛巳。盡節。南陽。

新漢典屬國蘇子卿墓垣記 丁丑

漢武帝能用人。其中多光華奇銳瑰異之臣。然有蘇武。而司馬相如文章。衛青霍去病立功名。不能與並論。噫。節於人顧不大哉。子卿墓在韓城西。北五里姚莊村梁山之麓。因有墓。名蘇山焉。邑有常祀。余為令。具羊豕拜其墓。麓多柏。枝咸南向。或曰。武功亦有墓。韓人常與之爭。噫。君子之忠。草木且格。爭為之微。而謂人心能棄之歟。相與拜者。孝廉楊王二君。暨諸生。麓之下家者焉。墓稍前面。東有

蘿石山房文鈔

卷三

典屬國一

七

祠。惟垣頽。咸慨然欲新。余曰。善。子卿使匈奴。如漢書所載。十九年。臥起杖。漢節久。遂成達事。茲役也。一土一石。而皆有以觸人心之忠。豈不善哉。始乙亥春。至丁丑春。垣成。余遂落。其八十老人為余言。童嘗記古墓在今墓下。烈風雨。墓開。日出。此地常有雲氣。土人異之。就。見白骨。有碑。為漢蘇子卿墓。土人遷之上。輒封墓。立祠焉。祠頽。戴令名章新之。問其禍。則封墓中。守祠僧性福。有蘇山地八畝。戴令又為山下置地一畝。八分四釐。皆免其租。余

均賦。仍其故。戴令。銅梁人。自有碑記其新祠事。而垣之成也。丁丑春。余記之。

蘿石山房文鈔

卷三

典屬國二

木

新西城門樓記 癸酉秋

崇禎五年壬申。冬十有一月。懋第為韓城令。大雅中溥彼韓者如見焉。登其城。東帶河。南望華山。北望大禹導河積石所至。西望之王人指巍吼者象山。又南梁山也。詩所謂奕奕梁山。維禹甸之者耶。癸酉春三月。薦紳先生請新其門。經費一出。建議所就。民不知。亦不勞令。秋八月成。樓屹如余慨然而歎曰。歛韓之民。當禹鑿大山出黃河水。民履俎道。厥後韓侯治茲。頌韓奕之詩。衿佩風流。想見其人。樂只君子也。後數千百年間。登斯門者。吏不一。民苦樂萬狀。數年間。寇蹂躪。民大可懷。會余來望禹甸。思三代大夫士與漢循吏。所以治其民者。而不得。門暨樓成。父老請更名。因以望甸名焉。

蘿石山房文鈔

卷三

西城門一

元

橫山記 丁丑夏

海內之山。余所知者。名橫山有七。韓其一。韓之橫山。高而石奇如砌。樹多柏有泉。雖旱不涸。巔祀上帝。相傳以為禱則雨。故旱則吏民進進走橫山。余至韓五年。四年旱。禱橫山者六。皆應。或至巔雨。或下卽雨。或三日五日雨。無過十日者。余異之。見其壁垣圯。欲新。恐勤民。而山之下數里為竹園村。余每以禱歸。吳慎庵先生者。輒止余於其廬。食余蔬。而言易。其子雲柏。孝廉君共焉。言橫山則先生讀蘿石山房文鈔。卷三 橫山 一 幸

書地也。孝廉曰。余借土人新之。再至橫山。壁垣立。余因思海內之為橫山者。峙於燕吳南粵桂林之間。各據其勝。而秦之積石。禹門。太華。太白。崆峒。諸山。為八極。構始。茲橫山亦峙於其間。而又以致雨名山亦幸矣哉。或曰。數十年以遯。山故有道士。郝姓。仰韓之士門人。坐山洞中。後相傳為羽化去。又曰。其遺書藏石碑下。曾為人獲。效之。猶能致雨。余捫石瞰之。古仙洞及石碑藏書穴。皆在焉。嗚呼。此又異矣。

看其斷續處起煞處一篇短記有禹門萬丈黃河九曲之勢 衛解趾

蘿石山房文鈔

卷三

橫山 一

幸

華山遊至青柯坪記 己卯冬

余遊山水少記。又不好遊。即為詩。得句姑置。或
日後成之。至以年計。或竟置。記猶是。王茂勞山遊
辛未作陳蝶庵文序。始憶勞山綴其中。華山遊三
詩。成十日後。或曰。佳山水。好句。久或忘。可惜。余曰。
山水至處。關吾神明。如經耳目。輒可忘。必非至物。
句得旋棄者亦然。然感其言。思華山。余令秦。見華
山。有望嶽詩。登瀛靈宮之危閣。見一笏插天拔地
而起者三峰也。心越其巔。問羽流以遊。曰。青柯坪

蘿石山房文鈔

卷三 華山

三

一日爾。三峰須十日。吏不可以十日遊。一日又非
余志。適已。進返其下者五年。未嘗不眺而踟躕也。
丁丑將去秦。迺自潼谷。約李將軍。效巖。諸生和子
新。屈肅卿同焉。昔十月八日。自嶽廟。觀青牛樹。及
古柏松森森然。出西南行。至雲臺觀。庭有老柏。施
於上者似燕。羽流曰。凌霄花也。西焦仙祠。志所謂
焦道。廣乘一物如麟。進而不返者也。又南十里許。
玉泉院。有陳希夷祠。憩山孫亭。道士示希夷臥處。
余曰。未入山。希夷焉臥此。五里關而南。為桃林坪。

聚仙坪。皆無可憶。惟東崖峻絕。石磴弗許容趾。鐵

繩繩掛。仰而直上。問之。周二氏庵也。女道士老創
此居之。過此為白帝宮。又南莎蘿坪。有莎蘿樹。因
名。羽流曰。山止此本。今歲入西山。臥佛寺。樹似此
者數本。大倍之。亦未為異也。坪東有大小上方。皆
心期三峰。不暇問。又南五嶽宮。望蹬雲庵。招玄士
周葵陽語。返白帝宮。望西絕嶺。大石如靈芝。然。次
早復過蹬雲庵。綴以鐵鍊。但不如二氏庵峻絕。余
曰。千尺撞百尺。峻類此乎。羽流曰。類。但遠耳。余曰。

蘿石山房文鈔

卷三 華山

三

試之。短衣結屨。手蟻然。足縮縮然。蒼矣。與玄士談
養生。茶罷下。自是易三峰矣。又二里為白鹿川。東
崖絕壁。石似洞。門者有石仙人。過此步須杖。為十
八盤。地始微雪。鳥道紆迴百折。且憩且行。盤蓋不
止十八也。至見泉崖。泉聲響雜。渡泉而上。為青柯
坪。自入山。兩崖峻削。路左右讓澗。澗聲隨石橫。夷
大小目所見。足所及。無非石者。石質潔澀。受履不
滑。但少樹。至此稍爽塏。林木蒼然。西望為北斗坪。
為毛女隱處。西南鳳凰山。以形名。南為西峰。三峰

之一也。東縣崖泉流石痕。皆深尺許。坪多佳木。有木蘭花。羽流云。花玉藍色。開皆香滿山。繇救苦庵。循東壁而南。掃雪爲登峰計。樵者曰。上雪甚。不聽也。南約三里許。雪益深。掃猶沒脛。石勒回心字。余益勵曰。余嘗於此回哉。仰睇壁仄。小石徑二丈許。過此爲千尺撞。然壁障不可見。徑狹冰結。人試之。足滑欲墮。不獲已。適廢然返。至西峰足。觀凍瀑布。如縣玉虹。仰瞻峰巔。如在天際。恨攀躋之無從。令人不得不羨衛叔卿韓衆諸人矣。北入太華書院。

蘿石山房文鈔

卷三 華山三

三

去昔讀遊山詩。宿寥陽洞。與諸君歎曰。自入秦。不肯以青柯坪了此遊。遲至今。竟以是返乎。子新曰。青柯坪以下。尚可遊。羽流所云。一日。與來卽返耳。因思不得於三峰者。且快之。青柯坪而下。次晨出洞。登太虛庵。徑似蹬雲也。坐庵南隙處。望西峰水簾洞。羽流云。有見車幢鶴鹿自中出者。近幻。然雲氣迭迭出。下至見泉崖。泉自西峰凍瀑下伏流。至是泉始見也。坐崖側。聽泉亂出石罅中。呶啞繁曲。崖端有文太青先生風笙鶴管字。以聲名也。敲冰

煮茶。采崖下藥。芳烈襲人。下復至白鹿川。望白雲峰。遙見白鹿龕。傳爲白鹿仙人煉地。人無至者。下莎蘿坪。詳觀大上方。縣崖疊障。俱作斧劈形。三峰餘氣凝結。其奇峭非青柯坪而下諸山所敢望。小上方。其麓底一支耳。坪西爲毛女峰。過大石謂天。暫者而東。爲希夷峽。旁有大石嘉樹。石室狹長。北向。傳希夷蛻骨。故貯其中。羽流有見者。云骨如銅。今葬石室外云。峽東偏爲潭峪。下至張超峪。卽公超能爲五里霧者。羽流指點霧市羊城。日已曛。月

蘿石山房文鈔

卷三 華山四

三

色照人。山在月中。蒼茫寂歷。行至石坂峪。復聞泉聲。有大石二。偕諸君子坐其上。二羽流跣跌從云。華山石皆白色。惟茲峪二石。色獨青。過季道士龕。石龕五六間。如屋。渡澗而西。聽泉不忍去。坐危石。效巖所攜鼓吹作。笙笛下與泉聲雜。爾嘗覺王子晉緜山月下。去人不遠也。皆夜半矣。諸地皆入山。歷者入。皆方向三峰。約略而過。歸以不得三峰焉。築磗及此。始知鹵莽入山。與倉皇而出。前者羽流一日。青柯坪十日。三峰之說。雖未爲知山。可謂

知吏之於山也。至謝家臺宿。出山矣。十一日復繇玉泉至朝陽洞。觀古藤。藤大幾兩抱。施一銀杏樹。樹抱倍藤。皆千年物。返至灑靈宮。歸。斯遊入山先一日及出山皆大風。山中三日無風。山下無雪。十八盤以上大雪。而冰雪阻三峰。未知何日踐蓮花之約。則大憾也。今三年矣。己卯十一月。以使至克。憩公署。數日暇。臥思華山。性情所至。一一從曾臆得而記之。不能憶者。或其所不必記。則余所云經耳目而輒忘者矣。

蘿石山房文鈔 卷三 華山五

美

千尺壘原本作壘。宋元人華山三記作千尺。撞明人太華山記作千尺。嶼入華山記則作千尺。嶼說鈴所載登華記又作千尺。瑛蓋各以鄉音擬譯致多異同。要其是非亦難辨也。但華山三記有來注云。撞直絳。切自下突上之。蓋字書。撞山無草木也。撞突也。似從撞於。蓋為長。據依明人陳以忠華山遊記。改書其百尺。嶼一作瑛。又作撞。青柯坪一作平。瑛越俗一作谷。以未見注。解茲仍其舊。庚申二月。從曾孫任可附注。

書李將軍勝圖記 甲戌

將軍以守戎防寇駐韓城

崇禎六年。十有二月。黃河水堅。賊擾鄉寧。無食。夜踏冰繇船窩渡。任家嶺者千人。任家嶺韓城地也。李將軍先遣裨將以百騎馳射賊。賊亦還射。傷相當。將軍親以三百騎進射之。賊大傷走。余皆騎選勞軍。望黑旄頭立山巔。兵環高崖。向河而陣。至則偕將軍地上坐。虎皮茵與語。崖下卽將軍射賊處也。七年二月。賊迺踏冰繇老雞坡渡。道河清川以

蘿石山房文鈔 卷三 勝圖一

美

南。老雞坡。河清川。皆宜川地。與韓界也。將軍恨之余亦恐。宜雜間。飢民附賊。多且難制。將軍以健兒五百。持十日糧。日夜行百二十里。至澄城界牛角相李。得賊所在。戰。斬百六十級而還。奪其掠婦女五十餘人。各歸其家。牛馬百。以饗士。余甚壯之。將軍名英。榆林衛人。

姜烈士傳

姜正芳。萊陽人。居縣西北五里許。少有力。能弓矢及劍。值海上備倭。應登州壯士募。欲殺賊立功名。後事已。罷歸農。軀長健。勇而朴誠。好解人鬪。有兄弟十年訟者。合之無異辭。又知書。嘗講說古今成敗事。髯眉為動。年六十矣。際董大成為亂。大成亦萊陽人。恃勇力。敗蕩家產。多結納惡少年。釀錢王會。妖賊李姓者。不知何地人。能使術物。煽齊民。成陰受之。望為從。有招遠許湯者。殺催租隸。先期聚

蘿石山房文鈔

卷三 姜烈士一

无

徒據巖山畔。成疑不自定。遂出城。散其徒。四野掠百姓。驅為盜。三日得三千人。聚縣西劉家莊。待與俱東。去芳居西南一里。成率數十騎至其家。芳不避。為開陳大難。不易發。當早寢。不應。反迫與俱。芳度其黨已發。不可說。又徒死無益。佯應曰。諾。因至賊處。給賊曰。汝事舉三餘日矣。官兵得無知者。三千人而抱頭聚。兵至何以應。成曰。奈何。芳教以分為五處。相隔皆里許。變可相聞。賊從之。信以為輔已也。日暮。賊分為五。如芳言。北者近芳居。賊腹心

居中處。皆十一月二十三日。夜晦不見人。芳喜。潛至東南西三處。皆語曰。官兵至矣。吾儕皆良人。今無死所。如聞戰鬪聲。宜各自為計。人皆掠者。惶迫不知所。芳因至中處。語曰。官兵已至我村後矣。宜力敵無怠。大成及諸腹心。鹵駭不知兵。皆懼。強曰。諾。芳又至北近其居者。語曰。官兵自南來。汝等宜大呼以示人眾。至則挺擊之。必退矣。亦應曰。諾。因大呼。賊居中者謂兵至。亦大呼。引人北向。皆以為官兵也。挺相接。東西南三處。聞呼聲。又聞戰鬪

蘿石山房文鈔

卷三 姜烈士二

无

聲。大恐。皆大呼。盡逃去。賊戰者。聞呼聲。愈亂。速識聲。始知為芳計。而成已馳騎。借其從董平。遁東。早賊覓之。告以芳計。怒甚。呼芳。芳遂迎之。塗曰。我為汝練兵耳。成曰。汝亂吾兵。何練為。芳曰。汝新集兵。不可以戰。試恐以官兵亂矣。今逃去大半。欲圖事。須入與吾謀。因延成至其家。成見人多逃。懼甚。其人徒有力。殊駭。遂信之。不聽眾賊言。眾賊亦因人逃。搖亂無定見。芳欲堅其入。曰。兵未散者。尚五六百人。可駐我門前。但腹心入與謀。成遂率其腹心

六七人。與入芳家。芳爲設坐。具燈火。笑曰。俱飢矣。我具食。芳三子。長別居。次渭經。抱布質。次渭明。嫁花木草竹以生。昔長子之子春在焉。芳出。屬經。前門。明。後門。矯賊令。勿使一人入。屬其孫隨之。孫問所以。芳曰。賊入我穀矣。待就食。我從旁斫董賊死。我雖老尚健。可敵三四人。魁死。餘鳥獸散。不足畏。卽不幸爲賊殺。舉家以性命殉。兒作良百姓。以殺賊死。愈於以作賊死。吾志決矣。汝勿語諸婦人。但促具食。芳因酌酒董賊前。又遍酌諸腹心。以

蘿石山房文鈔

卷三

姜烈士五

辛

麥湯餉之。成及諸腹心皆就食。惟一賊魯東明者不食。持鐵杈立成旁。目芳。芳疑之。因思曰。過此瞬恐無及。吾當并斫之耳。因出衣下所藏刀。斫大成未及。東明格之。鏗有聲。呼曰。老賊膽至此。大成驚拔佩刀起迎之。諸賊皆舍食起。拔刀呼。芳持刀走出門。呼曰。馬何在。見賊馬。從乘之。大呼曰。人逆我死矣。衆賊皆出。呼曰。圍老姜。勿令走。門前諸賊圍之數匝。芳力斫殺三四人。馳數十步。羣矛環刺。遂墜馬被縛。賊迺入收其家。當堂中亂。婦女多走。皆

賊約不掠婦女。多混鄰居獲免。其長孫亦走免。惟渭經清明被執。幼孫三人。亂殺死。盡焚其廬舍。大成以兵環芳。竝其子。罵曰。汝何爲計。殺我。芳曰。殺汝不中。命也。但早死耳。賊怒罵曰。何易求死。命取冷水澆三人。又羣以矛刺之。體無寸膚完。將死。終無餒辭。遂剖腹。刳心。踴罵不止。芳旣死。賊衆漸次集。又遣人分掠得千人。二十四日。攻萊陽縣城。二十五日。又攻城。後遂益賊至五千人。圍城。焚城外關。十二月初一日。登州官兵與戰。賊敗走。追殺千

蘿石山房文鈔

卷三

姜烈士四

辛

之。董大成走出蒙陰。縣典史王海關人。皆崇禎二年己巳。贊曰。董賊之變。余昔爲諸生。聞有賊。士民皆登城。賊方駐西阜外。久不來攻城。至夜。聞衆呼聲。城者皆相顧愕曰。賊其有恐乎。不知芳之爲也。芳以野處老民。未霑大官斗米。衣冠多未與爲伍。而散賊殺賊。以必死謀賊。何烈也。韓退之爲張中丞傳後敘。其論張許曰。守一城捍天下。以千百就盡之卒。戰百萬日滋之師。蔽遮江淮。沮遏其勢。天下之不

亡其誰之功。余謂萊陽門未及土。賊乘新集之勢。卒薄城下。事未可知。夜散之殺其勢。緩其攻。以益城中一日之備。萊陽不亡。不可謂非芳功。事固小大縣殊。退之言益信夫。余嘗拜其墓。見三墳爲之流涕。因過其門。廬舍皆燼。孫十四人。賊殺其三。餘者皆垢敝。妻王姓年六十餘。依牆結茅居之。匹夫之節。不亦悲乎。

此以似馬登勇曷異哉。余讀史及登勇之事。意其人勇者也。亦智蓋緩之宵且賊謀且成賊勢。

蘿石山房文鈔

卷三

姜烈士五

三

固卽我之後起者難爲功。此所謂機也。雖力有不足乎其始。撓之庶亦不以其甚難。遣後人彼以十人計。紓太平之難。與夫正芳以一身二子。緩萊陽之攻。皆非不知力有所不足。不免遇害者也。然且爲之。然則機之所在。士大夫以顧惜身家之意。而坐失之。其不如田夫衛卒也。豈不甚矣。
楊維節
語有之。知死必勇。非死者勇也。勇者死當。姜正芳計。思散賊取事。又欲刺賊及腹。心勢不過殺。

然士大夫知決擇。或有不及。正芳獨伸其氣。粉身不回死。而果妻子心。以不悔堂所謂田橫之客之人耶。義者也。
宋文玉

蘿石山房文鈔

卷三

姜烈士六

三

大司馬太保黃公傳

黃公諱嘉善。字惟尚。卽墨人。生而端重持大體。不苟爲屑屑。先世業農。至高平始大。公其親兄弟子也。菽粟如故。無門第容。常語其弟曰。吾父以布衣遊。期我以亢宗。何以稱之。此讀書見義耳。人思振於家。吾務其裨於國也。神宗四年貢於鄉。五年成進士。分符葉縣。葉故昆陽也。多豪。豪虐吾民。不得志於有司。則意爲長短。茲斯土者。患之公至。曰。長民者而豪是遜乎。翦其尤以勵俗。政成而豪憾焉。

蘇石山房文鈔

卷三

司馬

書

卒厄公清華。丞於蘇。以艱去。再丞於平陽。公有定力。持廉隅。莅事不嚴而肅。法當人心。一郡戴之事。丞如太府。上有不決。不之守而之丞。知丞鎮靜不擾。可當大事也。公守大同。會撫臣議汰羸兵。兵盡甲鼓而出。官民惶無措。公單騎入軍。曰。是何爲者耶。小不便猶可商。顧以身爲戲乎。諭以義。衆素信服。公皆羅拜去。明日。取首事一人誅之。遂定。直指聞之。曰。向謂邊郡股肱。非是人不可。信然矣。旣而備兵左衛。西虞。請師牧馬以萬騎。將伺我而玩我。

而掠我而侵我。而逞志於我。公偵知焉。而勞來焉。而優問焉。而鄭重焉。而風示焉。遣將致牲。畜酒。食而諭焉。曰。帳下遠來。天子之關吏。無所效命。慮爾獸人之不給。芻糧之不備。敢以饗士餘。爲下軍羞。虜知公之不可犯也。而前道。當是皆。公坐舉比。不言而威望四訖。人以爲魏尙復巡雲中也。會上命參政陝西。撫按慮公去。邊患復作。拜疏特留。從之。寧夏重鎮也。時亂復。勢益危。撫斯土者。率一二歲去來如傳舍。計無久連。惟苟安目前耳。朝廷思持

蘇石山房文鈔

卷三

司馬

書

重堪久任者。無如公。宜職屬公。人多爲公危。而公受命自如。公曰。治亂者使中氣足。故外邪不入也。憂樹者使根本固。故枝幹扶疏也。無倖事。無急功。得已有餘者。氣無不舉耳。又曰。捷獲者多不足。而憂大者爲有餘。天子之禦四夷。使就戎索而已。爲天子守封疆。使畏聲教而已。選簡將帥。選數軍實。選厚儲蓄。選繕城郭。選審要害。選築敵樓。選置臨河堡。選備戍守。安定固。剽掠息矣。身恤士卒。歲聚餼。寡孤獨廢疾而賑濟之。整飭學宮。進多士而燕

樂之。衷武略於雍容。曰：吾端其本以勝之耳。公自
剖郡大同。習邊務久。識爲深。養旣定矣。故撫寧夏
十年。烽火不警。塞下仰公威望。若神明。然非盡形
制勢禁也。而聲靈著也。公督三邊。防秋。花馬池。虜
薄城下。且十萬。請賞。公登城面諭曰：吾富有金粟。
不難以賜。天子之外臣。顧爾屯兵城下。賞之義。自
我乎。自爾乎。爾試度之。我顧可要耶。請以我之偏
師當爾十萬。勿待朝食矣。虜懼而解去。公知虜不
得志。必思再入。令三鎮蓄銳待之。果長驅來。擊之

蘿石山房文鈔

卷三

司馬三

美

果大捷。斬級千二百。以報天子。蓋公之禦虜也。德
而懷之。威而攝之。義而正之。信而服之。來而靡之。
畜而遠之。畔而討之。服而舍之。勿使犯順。爲天子
憂耳。天子方召公屬戎政。而公以邊疆二十年。引
疾乞歸。天子念公勞苦。許之。三年。廷推大司馬。辭
不就。撫順失守。急召公。而起。慷慨就任。條上切
要。及戰守機宜。迺調取鎮兵。持重。慎重。簡期。厚集
焉。項臂合矣。迺發廟議。欲疾也。公持不可以公
爲稽天。不聽。公未幾。敗書聞。復議召募。公曰：市

而驅之乎。則調浙兵。曰：水而陸之乎。議者不合。卒
爲公咎也。嗟乎。公自寧夏授事。九承錫命。懋公績。
爵秩加焉。追褒四世。延及後嗣者。恩六至。偉矣哉。
公持紀邊陲二十餘載。入樞府。兩受顧命。當三朝。
送進定策。皆遠事倥傯。朝計兵。暮籌餉。勞矣哉。而
無如欲速者之紛紛也。故公卒以鬱疾乞休。公爲
人處厚。在鄉黨。不挾貴。藍縷而前者。登上座。具盤
飧。歡若平生。旣去。必周其不足。而身崇儉朴。衣布
食蔬。子弟著華服。則斥之。仲弟早卒。撫其子如己

蘿石山房文鈔

卷三

司馬四

善

子。爲蒙師置室。養親。知稱貸者不受。或受焉。終
焚之也。家居端坐。寡言笑。嘗以國事憂。每聞邊警。
長歎不置。曰：諸君子務努力報國。徒以門戶爭論。
誣封疆耳。旣而曰：吾不能排衆議。至使蹤嘗者失
元氣。是亦負國也。終憂國死。當病革。嘗不語者。彌
月矣。仲子宗瑗。爲刑部郎。告歸。公知瑗至。呼入。問
朝政。終日。啓以後事。不答。遂卒。贈太保。賜祭葬。又
加壇焉。朝廷所不忘也。
贊曰：元侍御與太保公鄉薦同年。嘗爲余言。公身

可五尺。長髯萬步。坐必端。立必直。其氣宇涵萬物。而不滓。固偉然重器哉。嘗策遼事。衆論躁進。公曰。國家元氣。可嘗試乎。豈不卓然灼見。議者非之。至楊忠烈。亦不見察。亦其氣節重。而失之訐謨者哉。



聖人感人心而天下和平

人主。天地之樞也。其治天下也。亦以天地之治治之。夫天地剛柔摩盪而陰陽動靜。生於其間。萬物之所從出也。天棲空虛澹漠之中。而有日月風露雨雪霜電之用。以下及於地。而徧達於萬物。天地之間。若虛而實者。氣而已矣。故日月吾知其所。以照臨萬物也。風吾知其所。以燥萬物也。雨露吾知其所。以潤澤萬物也。霜雪電吾知其所。以裁萬物之過盛。而予以節也。隱隱微微。而謂之雷者。何。日

月風雨露雪霜電。皆以形親萬物。或遇之忻然悅。或遇之愴然戚。而處無形之內者。使萬物不知其所從來。而空虛澹漠中。有聲出焉。於是天下之物。莫不聽其聲。而忘其所為。悅與戚。而一出於懼。懼者。精神生動之徵。所以振羣物之戚戚。而返於悅之道也。雷者。天地之以氣感萬物而已矣。吾讀易之言曰。天地感而萬物化生。聖人感人心而天下和平。而始知聖人治天下。一以天地之治治也。雖然。此伏羲之辭也。其上為兌。其下為艮。兌澤也。艮

山也。山上有澤。所謂山澤通氣也。安知其爲雷。而
以爲感天下之本哉。吾卽以咸知之。乾父也。坤母
也。震其長男也。艮其少男也。巽其長女兌其少女
也。父母於子。無所不憐愛。男之長者。有義方之訓。
於少男。則提攜之已耳。女子長者。有非儀之防。於
少女。則益復啣哺已耳。非有所私情。一而用異也。
是故震當其長。而首得乾坤鼓舞之用。兌與艮各
有穉弱未成。進退未能自主之幾。而又合爲一卦。
譬之稚兒弱女。啼笑於父母之前。未有不豫悅生
於自然。而忘其嗔怒者也。故乾坤遇兌艮之卦。而
藏鼓舞於不用。惟以幾微之生意。與之相感發而
已。故曰。咸感也。震之變用。而乾坤之豫悅。皆也。然
以爲合於聖人之感天下者何。天下之人。飢飽寒
煥。惟吾君所與。熒然立無恃賴之地。以待之。不能
得。則亦相與凄涼愁苦於窮巷斷葦中。而不復有
所自立。則君爲大父母。而天下之人。皆其少男女
也。則人君所以感之者可知矣。然又以爲感人心
而天下和平者何。天下人生殺勞逸。惟吾 所命

蘿石山房文鈔

卷三 聖人二

甲

五

豈有不和不平之處。而奉命惟謹中。稍有不能帖
然之處。則君所以感之。本於肺腑隱微。而乖戾之
氣。深中於物情。上達於天象。而肆出於山川草木
之類。皆民心不和不平之徵。而必自君心之和平。
有以開其端。而究其變。則人君所以感之者。愈可
知也。虞書曰。罔咈百姓以從己之欲。又曰。罔違道
以干百姓之譽。明乎犯一己之不樂。民不樂。犯百
姓之不樂。已不樂也。商頌曰。既和且平。周雅曰。終
和且平。商以祀先也。必合天下之和氣。而後可以
事親。周以求友生也。必通上下之性情。而後可以
际民。則唐虞三代之所以感天下者。皆可知也。漢
唐宋以後。亦知感人以仁義。而感以多欲之心。亦
知感以禮樂。而未能教化。至於有餘而後出之。譬
之父母憐其少男女。亦思安其嘯笑。樂其性情。而
未能迎養其稚弱。未成進退不能自主之幾。而驟
責之。以成人之理。一有不合。日操責長男之事。以
隨之。有不涕泣昏惰。不知其適從。而頽然無用者
哉。始於用鼓舞之權太急。而不以幾微之生意。與

蘿石山房文鈔

卷三 聖人三

甲

五

之相感發也。此人君不得和平於上。天下人不得和平於下。而失乾坤悅兌艮之意。并失兌艮自悅之意矣。然則廢干戈捐刑罰。以與天下啣吻。然後可以感人而致和平歟。則吾所謂天地以雷感萬物者何歟。而且何以治天下也。吾還以易明之。雷在地中復。而其象曰。先王以至日閉關。后不省方。夫一陽生於下。勢之至微者也。惟生意鬱勃其中。不能自闕。則於陰氣濃厚中。而油然而動。一朕兆。即可以我一念之動。為天地初開之始。為天地造命。

蘿石山房文鈔 卷三 聖人四 望

為吾心養幾。為萬物養和。雖有干戈刑罰之事。而必不肯失吾乾坤迎養少男女之意。夫然後天下有威其揆。有感其腓者。咸其股。咸其脢者。有威其輔。頰舌者。而惟四。為吾之心。不可言威。則知吾心有鼓舞之大權。常懷震懼之心。以出之。而天下人之心。忘其忻與威。而一出於懼。以生動其精神也。斯以為和平之至而已矣。昔子羔別人而不怨。以有憂人之色。夫一介之士。惟其憂人。而人忘其刺。肌割膚之痛。而親其色。而况於天子乎。况於聖人

乎

此論可當易解。不應作文字觀也。陳明卿先生發人所未發。精絕且奇。李曉湘先生飛雪噴濤。莊之變幻。史之雄藻。兼擅其長矣。衛玉先生

蘿石山房文鈔 卷三 聖人五 望

仁者以天地萬物爲一體

人知身處天地中。與萬物俱出入。而不知其係屬之處。迺在幾微。要渺之間。返觀近取。而天下之理。不外吾身。而得之。何也。天位乎上。地位乎下。而中有生氣。爲之萌動。進來。萬物之所繇出也。夫萬者。天下之散辭也。有有氣而無質者。有質而無知者。有知而無識者。有知有識而不能自善其用者。皆物也。皆天地生氣所寄。而何可聽其散處。散則無統。無統則亂。爲之求其所聚。則還就天地之生氣。

蘿石山房文鈔 卷三 仁者一

器

與萬物俱出入者。求之。有受天地之氣。而不著於氣。不物於物者。不逐散而居。而散者不能外焉。是則其統一之宗而已矣。先儒之言曰。仁者以天地萬物爲一體。先識仁。而一體之說。可得而竟矣。仁者人也。人有五官百骸。是名爲人。豈獨仁者有之。惟仁者知人官之卽我官。人骸之卽我骸。未也。逐流而翱翔。其流無極。執末而揣挈。其末必舛。安在人官骸之我官骸哉。惟仁者知我官之卽人官。我骸之卽人骸。人不一而我則至一矣。人之官骸不

一而我之知則至一矣。一知炯炯。昭於其中。而周於其外。任天下之紛綸雜沓。而莫不可以靈明相取。所謂心也。故又曰。仁。人心也。仁者天下之聚辭也。然先天地而後萬物何也。易曰。大哉乾元。萬物資始。始者氣之所本也。至哉坤元。萬物資生。生者質之所成也。天地虛位。而以乾坤爲用。故乾坤有始生。而萬物有氣質。萬物有氣質。而是生知識。至萬物各載一氣質。知識。而天地之力已殫。而天地之心無窮。人以天地之心爲心。而後以萬物之命

蘿石山房文鈔 卷三 仁者二

器

爲命。故傳曰。元卽仁也。仁。人心也。成位乎其中。則可以與天地參矣。天地萬物大父母。而仁者其宗子也。豈虛說哉。言萬物不言民何也。物者辭之大凡也。言民而物之數不備。舉萬物而民之事始全。天地之間。如風如霆。皆有氣而無質。雨雪霜露。以及金木水火土穀之屬。皆有質而無知。鳥獸之動。旁至跂息。蟻蠕之微。皆有知而無識。凡任天地之驅使。受天地之繁滋者。皆物也。而實皆以備有知有識者之用。則百姓者。物之最靈者也。被天地之

生氣最厚。而多厚則多恩。多則多怨。豈數有不齊。則怨天地。情類有不合。則怨萬物。於是百姓與天地萬物。判然爲二。舉天下之人。皆與天地萬物。扞格而不相合。而乾坤之體。破碎極矣。仁者出而合之。凡庶微之。愆伏。五行之消長。鳥獸草木之不一。若其天。皆引爲性命之缺陷。而不敢安。蓋惟其既人我爲一。故眎天地萬物。皆無二。有仁心而有仁政。仁政行而民氣樂。民氣樂而和氣興。和氣興而天下無不仁之物。天地始無不仁之皆。仁者始快

蘿石山房文鈔 卷三 仁者三

吳

然無餘憾也。曰吾以全吾體也。今夫人之一身。首之髮。不可以萬計。身之毛孔。亦不可以萬計。然牽一髮而首爲之覺。撓一膚而衆體爲凄然。則雖謂髮皆吾首。而毛孔皆吾身可也。斯非天地萬物一體之說哉。言仁者而不言帝王。則又何說耶。帝王治天下之法。一以吾道治之。而不可恃其治天下之權。不可有以我治天下之心。自謂帝王。謂我治天下。則理藏於中。而有氣雜之。我所以仁萬物者。或求勝於萬物。而不合其本來之生氣。氣水也。天

下之萬類。皆浮物也。水太盛。而物之大小畢浮。而畢竟大小之物。不能化而爲水。抱仁者之心。而無求勝萬物之意。則氣化而爲志。志之所至。氣亦至焉。而天下之大。咸化而爲我矣。然則遺乎我。而求之物。以爲仁歟。此又向者孔子之所非也。孔子不云乎。己欲立而立人。己欲達而達人。己者。體也。欲立欲達者。己體之自知也。立人達人者。由己以知人也。知如日然。光明之體在我。無物不受光。而無物爲我用光之物。但用其知於人。而仁有簡擇。不

蘿石山房文鈔 卷三 仁者四

吳

起其知於己。而仁無本原。有本原。無簡擇。而日之所以照萬方。帝王之所以仁四海。其理一而已矣。是故天至仁。而有日。但以氣生萬物。而不自有其氣。氣有所受。而光有所奪。則食之者。至帝王之心。至仁而有知。但以氣通萬物。而亦不自有其氣。氣有所屬。而明有所蔽。則亂之者。生。日食則晦。心亂則私。而天地萬物。亦何一體之有哉。始知子貢博施之說。正以仁求勝於萬物之失。而不善養其知也。能近取譬之說。不第教以仁。而並教以知矣。故

帝王之學。先致怨而自能仁。識仁而自能與天地萬物爲一體。

名理卓識。穆然蒼然。讀之可以破寐。因此一語。遂居上駟。以勸士之留心後場者。陳明卿先生博雅精深。雄奇適上。李曉湘先生

蘿石山房文鈔

卷三

仁者五

樂

山西榆社縣知縣九十一翁慎庵吳公墓誌
銘乙亥冬

左子令秦韓。皇皇敬老。吳公以八十八翁。顧新令於辟卑之館。韓萃山水。多大年。皆無過公者。左子方以尊經之學。約韓諸生。公之子孝廉。又相質經義。常辨問樂。忘身為吏。所交其父子間者。三年而公卒。孝廉以狀。因其戚衛文部問銘。公幽者於余。公初祖晉。榮河人。爲元將者。洪武初遷河西。韓土門里始有吳。曰道名者始可系。曰岩曰經曰學曰

蘿石山房文鈔

卷三

慎庵一

樂

縷曰景陽。而公景陽之三子也。曰永圖。惟懷其字。生嘉靖二十三年十月十有一日。九歲受小學界嵐。芄人。十二歲。卽從其父。蜀鹽課所。進受易。遂寧黃我江氏。知其大義。又四年。辛酉。自蜀歸。爲諸生。自爲諸生。而文章之事。無與衡者。文使者徐魯源氏。三冕其邑。至令合試。別郡邑。凡四。皆冕。王衷白先生。圖方諸生。以文章雄於耀。公與雁行。擅二圖稱。公之學。旣名於昔。而卽以丙子舉鄉。己丑爲山西榆社知縣。邑疲。公廉且愛。爲起其宿弊。以寬和

政養之。均徭。庭。驛。興。教。出。沈。免。百。姓。咸。父。母。懷。之。三。年。直。指。兩。薦。聞。而。或。以。其。過。信。民。窮。廉。無。爲。令。考。下。者。嗟。乎。令。父。母。百。里。如。以。擊。爲。威。巧。爲。才。善。迎。人。意。旨。不。計。百。姓。將。百。姓。血。肉。脂。髓。枵。然。無。復。存。而。合。之。才。華。聲。譽。且。滿。人。耳。目。間。不。知。於。天。子。寄。儒。生。民。社。意。如。何。何。益。天。下。治。亂。數。而。廉。則。安。得。無。爲。信。民。窮。安。有。過。公。以。是。受。過。豈。不。痛。哉。榆。民。牽。衣。捧。足。泣。而。公。之。衣。物。屣。屣。以。一。夫。擔。入。者。一。夫。擔。出。且。翻。然。歸。著。書。又。自。呼。農。逸。者。四。十。餘。

蘿石山房文鈔

卷三

慎庵二

辛

年。至。崇。禎。八。年。乙。亥。卒。年。九。十。有。一。嗚。呼。是。所。謂。有。道。仁。人。耶。余。令。韓。之。次。年。大。旱。求。高。山。深。淵。初。雲。諸。靈。潭。雨。靈。潭。之。泮。爲。昔。令。馬。公。渠。猶。從。土。人。問。其。省。漑。效。禔。二。亭。趾。今。頽。不。可。見。然。其。地。猶。存。余。樂。之。欲。以。祿。築。臺。效。蘇。子。瞻。超。然。故。事。歲。歉。恐。勤。民。未。遑。過。茲。則。公。竹。園。也。又。旱。又。雲。於。橫。山。雨。自。茲。常。旱。亦。常。雲。而。凡。雲。未。嘗。不。絲。靈。潭。而。橫。山。公。居。實。在。靈。潭。之。西。橫。山。之。東。以。故。每。繇。公。居。未。嘗。不。瞻。拜。長。者。高。山。仰。止。景。行。行。止。余。有。焉。君。子。

蘿石山房文鈔

卷三

慎庵三

壬

謂。余。今。日。銘。能。已。乎。哉。公。學。有。本。而。泊。其。嗜。欲。躬。以。行。之。薦。紳。先。生。言。其。生。平。未。有。愠。色。戾。辭。而。獨。居。二。十。年。無。媵。婢。之。奉。又。好。誨。人。邑。之。學。者。多。以。慎。庵。先。生。爲。歸。孝。廉。君。亦。未。外。有。師。卒。十。月。朔。而。前。一。日。猶。爲。諸。孫。析。疑。義。朔。晨。猶。道。遙。於。門。與。農。笑。語。夕。而。卒。仁。人。息。焉。公。則。息。矣。雖。欲。不。以。公。爲。有。道。仁。人。不。可。得。也。公。元。配。王。孺。人。繼。配。倪。孺。人。子。二。從。楷。儒。官。娶。王。從。棻。卽。孝。廉。君。娶。張。女。一。適。邑。諸。生。焦。嶧。早。卒。皆。倪。出。孫。男。六。曠。娶。陳。燁。昭。楷。出。姪。聘。倫。煜。聘。雷。耀。棻。出。孫。女。三。適。程。毓。翰。適。薛。延。翰。楷。出。適。楊。毓。桂。棻。出。重。孫。二。天。培。天。增。曠。出。王。孺。人。早。卒。葬。其。先。兆。之。次。倪。孺。人。亦。先。公。卒。葬。河。東。兆。今。葬。公。河。東。兆。倪。孺。人。耐。昔。崇。禎。乙。亥。歲。十。二。月。孟。葬。事。王。孺。人。耐。有。待。也。昔。崇。禎。乙。亥。歲。十。二。月。朔。有。八。日。余。爲。之。銘。銘。曰。學。以。靜。仁。則。在。中。仁。在。我。祛。梵。之。空。守。絕。物。拒。愆。之。攻。氣。內。生。壽。考。厥。躬。橫。山。絕。巔。望。崑。崙。矯。首。而。東。爲。水。宗。濂。水。之。干。禮。此。翁。

衛孺人薛氏墓誌銘 甲戌

孺人薛姓。肥城簿薛公懋勳次女。世居韓城之南隅里。母賈姓。年十有六。歸于衛。佐夫子。為諸生讀書。舉於鄉。成進士。理雒陽。拜侍御史。以侍御公貴。兩封孺人。公名景琰。天啓乙丑進士。山西道御史。余師也。余師自拜侍御史。惟念父封公春秋高。求歸就養。不得。奉天子命。代狩畿。孺人自京師歸。昇以將父職。孺人克承。值孺人次子暨次婦夭。哭之。病一年。遂卒。年四十有七。孺人三子。抱苦持狀。泣

蘿石山房文鈔 卷三 衛孺人一

至

謁余曰。孺人將葬。請銘。余辭之。不可。余師門下士。又令茲。曷敢辭。讀所為狀。孺人孝。婉得舅姑歡。如程早世。事繼董如姑。且戒家人曰。舅老矣。安繼。孝惟以繼見。自教曰。婦不孝。子安得孝見。噫。豈婦人之言哉。侍御公諸生。皆好讀書。率以午夜。孺人勤績。聲相將。理雒陽。退食。輒詢所察獄。昔有恤刑以劫告。衣物無算。獄多人。將成。公有憂人之色。孺人詢。則屬容曰。恤刑為客。顧安所得許多衣物。以累多人。公意解。釋多人。侍御皆。每詢曰。御史言。今

日有何言。拜畿南命。孺人歸。別曰。御史。天子重臣。代巡狩。必力為之。又曰。老父菽水。予任也。勿憂。余聞其言而悲。嗟乎。天下人俱有鬚鬢。欲言不肯言。與不敢罄者何量。但自為功名計。有憂人心。而未能確然行之者。遲遲也。閨門之內。乃有孺人哉。余師學得其正。一言與動。準古大臣。請養不遂。每見余。說為流涕。人莫不折其忠孝天性。而知孺人與有左右耶。聞女子皆一老嫗持金珠至其家。售遺失去。孺人獲。使追還之。孺人卒。後四日。舅封公亦

蘿石山房文鈔 卷三 衛孺人二

至

卒。病垂絕。又戒兒與婦曰。勿怠爾祖。又素教兒嚴。至以杖。好義。急親戚之急。與諸姑和。撫諸甥。皆有恩。置姬無介色。紀內政。一蔬一縷。咸有法度。易所謂中饋貞吉者矣。孺人生萬歷十五年。二月廿八日巳。卒崇禎六年。八月十有八日辰。四丈夫子。長人龍。邑學生。娶侍御解公經傳孫女。次士龍。邑增廣生。娶經歷李條女。俱先孺人卒。孺人哭之。病者也。次見龍。邑庠生。聘給事中解公經雅孫女。次皆龍。聘侍郎解公經孫女。三女子。長適邑庠

生解相明。次適尚書薛公貞之孫允治。邑庠生。次
 字編。修解公循。樾之次子。庠生。臺陞。孫女一。士。龔
 出。茲四月十有九日。葬孺人紫金山之原。皆崇禎
 七年也。銘曰。生也孝。以茲死。人倫之淑。其跡諸此。
 望。舉如淑所止。

蘿石山房文鈔

卷三

衛孺人三

書

蘿石山房文鈔卷四目錄

行狀

明致仕奉政大夫先考雲樓府君左公暨宜

人先妣張氏行狀 陳太淑人軼事附

封御史虛宇衛公暨配程孺人行狀

祭文

禹廟禱雨文

祭城隍禱雨文

再祭城隍禱雨文

蘿石山房文鈔

卷四目錄

再祭城隍禱雨文

禱於橫山文

又祭城隍禱雨文

再禱於城隍文

祭山神祛虎文

祭八蜡文

再禱於山神文

離韓城辭神文

先考忌日祭文

祭陳明卿先生文

祭李千夫長文

祭烈女王小桂王崇女烈婦吉氏高氏薛氏

烈民王慎王欣王真心王端心墓文

祭王烈士文

蘿石山房文鈔

卷四 目錄

二

蘿石山房文鈔卷四

東海 雜揚李 清映碧編

明致仕奉政大夫先考雲樓府君左公暨宜

人先妣張氏行狀 西極文翔 鳳嶺諱

嗚呼。先府君胡然而遽長棄不孝孤七十有四年。目明耳聰。手足強利。如少壯。不一須几杖。抱病日餘。胡然而遽長棄不孝孤。嗚呼。慟哉。不孝孤二人。罪深重。昊天不弔。籲天請代。倉迫莫措。死不容天。

蘿石山房文鈔

卷四 府君一

地間矣。二人晝暮攀號。無由再見。府君顏色。輒相與陳說。府君容辭動靜。以至性情嗜好之微。及所聞於諸伯叔父。鄉里故老。道府君稚年束髮。事親友昆弟。讀書之情狀。與夫諸生孝廉。歷年宦蹟。凡夫屈伸進退。順逆之感。不孝且謂。府君精神所在。如見府君。泣血筆之。書使府君精神。常留不沒。先妣張宜人。先府君卒。同具狀中。庶君子讀其辭。有所感而錫之一言。得藉以不朽。府君諱之龍。字用化。號雲樓。世萊陽居邑之杏壇里。祖自原始。原生。

盛。盛。生。高。大。父。方。二。子。長。文。昇。卽。曾。大。父。質。選。江。淮。間。一。生。誠。信。不。欺。以。德。名。有。異。徵。載。邑。志。曾。大。父。三。子。長。諱。奎。仲。英。季。彥。長。卽。先。大。父。字。亞。夫。號。首。軒。布。衣。不。事。詩。書。檢。身。飭。行。慨。然。任。名。教。好。面。折。人。之。失。鄉。人。敬。畏。之。德。行。實。追。曾。大。父。以。府。君。累。贈。奉。政。大。夫。先。大。母。劉。氏。累。贈。宜。人。先。大。父。三。子。長。卽。府。君。仲。父。之。藩。歲。貢。尤。山。縣。簿。季。父。之。禎。選。貢。鞏。昌。府。同。知。府。君。生。嘉。靖。二。十。九。年。庚。戌。秋。七。月。之。十。日。壬。辰。生。而。端。凝。不。爲。嬉。戲。年。五。歲。

蘿石山房文鈔

卷四 府君二

二

始。言。八。歲。知。讀。書。從。季。大。父。彥。十。二。通。毛。詩。隆。慶。改。元。丁。卯。府。君。年。十。八。學。使。者。鄒。公。深。性。命。之。學。奇。府。君。錄。爲。庠。生。第。一。明。年。戊。辰。年。十。九。再。試。擢。第。三。爲。邑。學。生。志。愈。遠。先。大。父。起。家。布。衣。不。饒。於。利。常。借。人。書。又。苦。不。能。盡。故。自。性。理。通。鑑。左。氏。春。秋。以。至。司。馬。遷。班。固。老。聃。莊。周。列。禦。寇。之。書。無。不。閱。其。辭。手。自。校。錄。蓋。至。今。遺。紙。纍。纍。盈。笥。好。讀。左。氏。傳。國。語。性。尤。好。楷。書。以。故。爲。舉。子。業。清。逸。典。秀。皆。賢。所。不。及。書。法。亦。高。一。皆。是。冬。先。妣。宜。人。張。氏。

歸。府。君。萬。歷。六。年。戊。寅。年。二。十。九。始。易。今。諱。府。君。故。諱。之。屏。字。用。巖。號。桂。樓。也。文。宗。周。諱。同。府。君。因。易。之。試。復。第。三。昔。邑。令。邢。公。鯤。深。識。府。君。國。士。之。感。府。君。終。其。身。不。忘。明。年。己。卯。府。君。年。三。十。舉。於。鄉。六。十。名。座。師。御。史。錢。公。岱。房。師。泗。水。令。張。公。汝。賢。是。年。諸。生。卷。猶。用。墨。府。君。七。藝。無。一。筆。簡。張。公。出。語。曰。初。閱。公。書。卽。知。公。德。器。文。逸。且。雅。二。三。場。典。而。贖。知。公。之。才。與。學。與。識。以。公。天。下。志。膺。首。選。所。憾。公。五。策。雙。書。觸。禁。去。卷。角。予。以。收。公。爲。幸。不。

蘿石山房文鈔

卷四 府君三

三

復。論。低。昂。然。亦。不。敢。前。公。錢。公。毛。詩。大。家。尤。鑒。府。君。四。經。藝。以。故。獲。中。府。君。嘗。言。是。年。初。場。惜。且。憊。日。午。未。成。一。字。惟。睡。不。止。夢。一。僧。卓。服。肥。矮。頂。無。帽。持。杖。促。予。起。若。是。者。三。起。爲。文。初。不。迫。抵。暮。竣。厥。事。矣。予。不。知。何。故。後。寓。地。城。寺。地。城。如。夢。僧。狀。嗚。呼。此。亦。異。也。明。年。庚。辰。年。三。十。一。困。公。車。歸。從。季。大。父。讀。書。如。諸。生。府。君。事。先。大。父。大。母。孝。怡。聲。下。氣。和。顏。色。少。至。壯。無。遷。改。白。首。皆。覲。遺。容。或。形。夢。寐。及。夫。春。秋。霜。露。五。穀。果。實。生。熟。之。際。道。先。大。

父母生前言語行事。未嘗不嗚嗚泣下。處仲季父。篤恩義。不言財利。事仲大父。季大父如先大父。仲大父五子之宜。庚辰進士。御史。之有乙酉舉人之似。癸卯舉人。知州之武。丁酉武舉。守戍之注。國學生。經歷。季大父一子之俊。府學生。府君處諸伯叔父。一如仲季父交相好也。以故伯叔兄弟。歷六七十歲。一無間語。己丑。府君年四十。冬十一月十二日戌。昔。先妣張宜人卒。年亦四十。嗚呼。勸哉。宜人。生嘉靖庚戌。夏四月十六日戌。昔。外大父。邑庠生。

蘿石山房文鈔

卷四 府君四

四

恩榮壽官北莊雲慶公長女。性婉順。事知大體。奉舅姑。御妯娌。能承府君旨。府君孝友。宜人與力焉。事府君二十二年。不有忤色。食貧攻苦。以俾有成。嗚呼。勸哉。卒。昔。不孝甲十有六年耳。三女亦皆稚弱。明年庚寅春。葬張宜人。昔未有誌銘。夏。母宜人。陳氏歸府君。外大父。寧海衛指揮僉事。心慤。陳公治安也。宜人其長女。乙未。府君年四十六。秋八月二十三日。丁先大母艱。哀毀備禮。以孝聞。明年丙申。葬先大母。丁酉。服除。戊戌。年四十九。府君凡六

因公車。為孝廉。貧且固。嘗請於大父曰。兒雖不成進士。行作吏。今請得以異日。祿俸貸諸人。少奉菽水。大父慨然曰。爾不欲為廉吏耶。今所貸幾何。異日償息且倍。下車未彌月。而持券之人至。雖欲廉吏得乎。以故府君二十年孝廉。謁選不負人一錢。終其身亦以此能為廉吏。仲大父慷慨士。多奇行。季大父長者。府君念先大父春秋高。因筮仕為大父邀一命。受教仲季大父。仲大父曰。直哉。勿阿。季大父曰。悲哉。令坐堂上。阜隸之屬。斃人杖下。而令

蘿石山房文鈔

卷四 府君五

五

不知。府君佩之行。故每以懲直獲罪。吏二十年。不杖下殺一人。謁選得知縣。或教以投刺致善地。府君曰。進身之始。豈敢首為厲階。十室之邑。皆可治也。夏五月。除授順天府涿州房山縣。六月。至房山。聚其士大夫父老。推商利與病。僉曰。邑小且僻。民樂無事。近礦。使者皆中貴人。大害民。令不敢斫。府君曰。此亦令之過也。僉蹙然曰。其禍烈。府君曰。受其事者。當其禍矣。又曰。粟多金少。催科急。不可得金。民苦之。府君曰。易緩急之間耳。約錢穀之大數

而刻以限。應十金者。限輸一金。易爲力。此吾邑令
祁公嘗行之。便請奉行焉。士大夫相與揖謝。父老
皆叩首曰。此父母我矣。居頃之中。貴人張隆者至。
貪而暴。取富人金。不則指其廬舍爲礦者所。邑民
劉智者。且將罹禍。府君怒。捕其從者下之獄。不復
禮中貴人。中貴人憤憤去。皆邑令多以抗中貴人
至逮繫。邑人涕泣。惕以重禍。府君慨然曰。下車之
始。不云乎。受其事者當其禍矣。此冬十一月也。明
年己亥。年五十。春正月。錦衣使者至。輓檻車。載柩

蘿石山房文鈔

卷四 府君六

六

鑊具。大呼。逮令。剝啄。邑門且碎。會府君霸州未歸。
住公廨。縣詔。列檻車。柩鎖於庭。待府君。府君歸。在
塗。聞之。笑曰。我固料有此。慷慨於道上。易素衣。命
駕行。士大夫父老皆迎。垂涕泣。府君曰。人臣身非
己有。亦復何憾。第恐老父難堪。然明大義。必不恨
我。因棄輿。偕士大夫父老步入邑。赴公廨。竟不復
至私署。邑人涕泣。聲徹城市。入爲拜稽首。俯伏聽。
校尉數人左右列。邑人皆跪集階下。錦衣首讀房
山縣知縣玩旨蔽奸等語。故遲其聲。聞者皆無人

色。既云念其初任。姑罰俸六月以示懲。府君起。拜
稽首。呼萬歲。邑人皆呼萬歲。聲若雷。蓋張中貴以
忤旨誣奏。犯上怒。旨自中出。錦衣但奉中貴言。不
知何語。實據爲奇貨。府君退。寔名勞錦衣。舉卮向
曰。僕性不妄取。囊無金。贈止此卮酒。錦衣色殊惡。
皆邑人集階下。千萬。府君抗聲曰。邑人且盡此。令
貪廉無以欺汝。有餘金不得歸骸骨。邑人諾聲沸
騰。錦衣爲短氣。度不能奪。相率怏怏去。且指府
君所乘輿。欲以爲贈。府君曰。僕爲人無長物。幸從

蘿石山房文鈔

卷四 府君七

七

大夫後。不可徒行。迺止。嗚呼。非神宗皇帝以不殺
爲恩。府君不知死所矣。京師公卿。競以海忠介相
推焉。繇是知名。廉且益甚。理訟必持平。理所不可
上。官莫能撓以私。不復論薦紳。然交薦紳上官。一
以禮。不詔。亦無傲氣。訟紙不責錢。罪者杖遣之。計
錢穀如解數。少溢則按司者法。以故中貴耽耽。思
有以報。不得。三月。迎養先大父。大父至。謂府君曰。
聞兒抗中貴。免無罪。罪不免。亦吾所喜。居三月。歸
府君泣別六十里之歧。尾高邱。涕泣流連。望竟日

乃還。明年庚子。秋九月。調繁良鄉縣。御史黃公紀賢。知人重氣節。甚敬禮府君。薦循吏第一。見良鄉煩難地。冠蓋車馬望道路。人無堪以屬府君。房山人走京師。冢宰之門如市。不可得留。冬十月。至良鄉。一革其故。民樂之。如房山令。邑近都。彫瘵萬狀。令或持四方協濟金。吝不予。責富人使來自權。要所符如債券。額外無所送。輒鞭馬卒至闔公門。無所懼。以故民富者貧。貧者至死。令亦不樂居。府君立以法徵車馬。不令額外出一錢。濟金至則給。不

蘿石山房文鈔

卷四

府君八

八

足。或出祿俸。後以丁先大父艱。所出不貲。竟棄去不問。居無何。有侍郎者至。邑府君謁侍郎。使者鞭馬卒道旁。膚幾爛。府君怒。遣白侍郎。府君性慈和。接僕隸無厲辭。然意有所不能降。必至形顏色。侍郎望見府君。顏色變。迺盛氣待。府君慷慨曰。令爲父母。民皆子弟。大人使者。箠令子弟且死。不敢不以告。卽命挾道旁卒至。侍郎氣迺降。嚴治其使者。謝有罪。自是上官使者歛迹。會張中貴得罪。下墩鑕。以故中貴人進來。亦相戒曰。此令嘗凌張監上

不罪。勿犯。邑因此以不病。明年辛丑。府君年五十二。冬十二月。考績。程所罰始三歲也。薦十有八。明年壬寅。春三月。膺敕命。封先大父爲文林郎。贈大母爲孺人。府君及先母張氏。母陳氏。各封贈同焉。是月十四日。聞先大父訃。府君慟幾絕。長塗號泣。聲日夜不止。府君作吏。欲邀大父一命。行請歸養。竟不能須臾待。府君垂白。終天之恨。如一日。明年癸卯。秋。葬先大父。府君之歸也。素車皜皜。行李蕭然。囊如傾。至貸穀爲食。甲辰服除。冬十月。補河南

蘿石山房文鈔

卷四

府君九

九

開封府。陳州西華縣。西華界陳蔡許極。邑之來遠。女媧城。高宗墓。箕子臺。皆在焉。地曠衍。五方之民來居。漸久而俗奢。十二月。府君至。輒爲風俗慮。明人倫。尚儉素。鋤奸梗。崇文好士。居月餘。華風一變。其地三面濱河。多水患。張善口者。界扶溝。兩潦河決。邑人皆巢居。雖種禾黍。不復得食。華人病。實便扶溝。扶溝指所決爲古蔡河。靳人塞令亦多。逡巡不爲。府君於明年二月。奔走水濱。累日。得其狀。上官前面白扶溝令曰。蔡在陳之南。華自當陳西

北。新衝爲口者道爲河。何得據指爲古。華獨匪民。欲舉爲魚。下吏來首請。此不可得。則不敢視然。一日居民上請辭。上官是府君。令扶溝自濬其水。故道。府君躬奮鍤。率居民老弱皆負土石具餼糧。相勸助。旬日危堤屹然。水不泛。民獲耕。是歲大稔。邑西南爲小窰鎮。達潁溯淮。人之逐利者麇至。樵其稅。初不過百。後積至千餘。民蹙。賈人亦漸稀。府君曰。勢窮數極。安可以不變。去其應稅之半。著簿書。皆有華封一載六事修之語。冬十月。陞陝西延安。

蘿石山房文鈔

卷四 府君十

十

府同知。邑人涕泣攀轅不忍別。皆繪圖畫賦詩歌。送府君。先是有上官來邑。檄取紙贖金實無金。迺欲劫府君私取藏中金。府君持之。堅不肯。因陰中傷府君。賴當事者持直道。獲止。明年丙午春。正月。至延安。二月。移駐榆林衛。厥守錢穀。榆林延袤。黃甫川饒隄。與固原形勢相依倚。咫尺虞。望皆沙漠。不生五穀。健兒數十萬。皆勁善戰。騎十餘萬。芻粟金錢之需。歲計數百萬。虜又數來。一士不飽。固不可以戰。府君至。先治軍。按籍持籌。老且辱與。豪家

奴坐糜錢穀。盡汰去。一皆衆論譁然。府君不爲動。倉庾老猾吏。盡去之。不令爲漁。每出餉。集士卒階下。唱籌給。人人得歡。故度支六年。士未嘗不飽。戰以益力。明年丁未。飛輓偶失。皆藏如縣。三軍譟聲。動天地。不可以止。府君輿進撫之曰。汝曹坐亂死。孰若殺虜死。金錢如河漢。且暮至矣。飢索食。亦何罪。三軍寂然。府君請別鎮餉給之。變迺止。昔中丞涂公宗濬。作人文於大漠。府君爲延師講藝。士蒸蒸如鄒魯。凡夫賞罰戰守。飭兵械。戒斥埃。涂公一

蘿石山房文鈔

卷四 府君十一

十一

從府君議。故涂公與府君共事。爲師生。虜悍而狡。歲受款賞。去復來。責之。則以賞菲惡報。涂公因以款虜屬府君。有人挾重賞。私來結府君。歡詢之。市賞官也。府君怒。却之。曰。若輩乾沒致虜怨。皆坐此。耶。其人惶懼退。斥不用。市物必精好。期日盟虜。北臺下。盛兵據臺。而陣文武皆戎服。虜盛兵來。初不見入款。角聲甚烈。若戰狀。人皆失色相顧。府君呼其譯使者前。語曰。市賞者。我物精好。非常歲比。款則持去。然我亦司餉。健兒腹皆果然。否可一戰。

命取諸物示精好。而三軍抗聲請戰。已而角聲漸北。酋長數人請啓關入。布帛錦繡。五彩爛然。列置之筵。酒肉豐旨。酋長皆喜甚。起爲歌舞。叩首謝死罪。欣然載其布帛錦繡去。因貢貌皮善馬。皆人以爲非府君司其事。且致變。已酉。府君年六十。春正月。考績。薦十有六。以殺虜數受上賞。秋九月。復膺詰命。進秩奉政大夫。封贈俱如例。明年庚戌。庾中故事。出入有餘羨。以歸司者。府君俱別所貯之。不復動。居三歲。所貯六千石。人皆不知所以。會歲大

蘿石山房文鈔 卷四 府君十三

三

饑。四方來者無以食。府君曰。吾知用貯粟矣。出其粟。粥以食飢民。粟爲盡。賴以生者甚衆。竟未嘗動公庾。人皆以爲難。杜公松爲大將軍。其人勇於鬪。廉且愛士。然少儀文。不肯下人。貴如中丞公。嘗見屈。接府君。未嘗有傲容。嘗置酒飲府君。酒酣。起請府君曰。我出遇虞。健兒貫甲從。常從馬上道公德。我因之戰氣百倍。多殺首虜。因解佩劍於筵上。贈府君。語人曰。我接左公。不覺氣折。先是令房山。霸州大司馬王公遜。卽楊椒山先生入獄。許烟椒

山者也。性少許可。不見賓客。投府君刺。卽扶侍者出。曰。老夫病。不接州刺史。聞公抗權貴。吾輩中人。款語竟日。府君歸。爲作數日喜。曰。吾自楊椒山親家來。登其堂。拜其人。而接其款。嗚呼。府君爲人所敬禮。類如此。辛亥。府君年六十二。冬十月。陞南京刑部廣東司員外郎。行日。三軍皆泣。乞遺愛。至十里外。號泣追從。易者。明年壬子。府君遊四方。八月。歲月。思故鄉。道歸里。陳牲醴。泣拜先人墳墓前。告

蘿石山房文鈔 卷四 府君十三

三

以帝命。居無何。詔還本部。河南司郎中。春二月。至金陵。大司寇丁公賓。一見稱長者。有獄疑。府君釋之。丁公輒從。府君性篤至。不欺人以言。聽訟。訊則獲然。善慈愛。勸罪人。其人已自不復生氣。躊躇數四。迺已。囚居於獄。常夢問欲令。令良鄉。嘗以公至房山治獄。囚望見府君來。皆大號呼。驚邑令。故入佐大司寇。多所平反。卽署開無等。常手一編。晚尤好莊周之書。與李卓吾先生初潭集。有喜則書。筆墨淋漓自得。嘗言金陵殊快。湖光千頃。秋香襲人。聞

暇得共諸寅。毀新茗。日圍棋。常謁方正學先生墓。飲其側。如起其人而與之語。冬十二月。齋元旦表入賀。會明年癸丑。大計吏計關陝。至府君無異辭。人有以私怨中府君。出私揭袖中。三大老皆爲艱。然曰。不於公於私。不可以服人。不顧已而又以爲言。至再。三大老色變躊躇。簿覆反如葉。移皆書曰。外無露章。內有陰揭。權從舊職。予調。嗚呼。罰俸則曰姑。調則曰權。朝廷之上。一似不忍於府君者何歟。此春二月也。府君初不愠。曰。是遂我泉石之願。

蘿石山房文鈔 卷四 府君十四

西

矣。陸辭旋里。學老農。課桑麻。禾黍。教不孝第與甲兒。肩昌讀書。先是仲父之藩。以直忤上官。去光山歸。府君適與約諸生。孝廉皆共詩書相友善。與夫龐眉黃髮之老。及宦四方歸者十餘人。結爲社。易旦暮聚。圍棋飲酒。府君性不多飲。好圍棋。晚年尤甚。日至數十局。每當草青木茂。花月朝夕。亭樹山水之勝。未嘗不攜枰其間。笑飲竟日爲樂。丙辰。府君年六十七。里中三歲皆病大饑。貸穀食如歸。自良鄉令。府君口不言利。居家不治生產。好展人亟。

宗族朋友。祈輒不阻。又不求見德。爲吏絕不取訟。紙錢。左右以當得動府君。府君曰。五斗之外。孰爲當得。我愧而不能爲也。清介類如此。以故宦十任。歲饑。輒窘食。初歸已無復仕進意。是歲春正月。出補永平府同知。夏四月初。至永平。永平古北平地。四路邇邊徼。山海關出其東百里。歲米豆之屬。石十萬。芻百萬束。以供軍士。地隘民貧而役煩。俗習悍。芻粟難爲力。故責之郡有司。郡佐受成數。不假以權。然有不足。則獲罪。以是歲常不足。而郡佐皆

蘿石山房文鈔 卷四 府君十五

五

坐此敗。府君請曰。芻無歸。則其數不齊。得身其任。罪迺甘。遂假權焉。又曰。難哉。緩則虞。速賦後。皆急。則民無如階之厲。酌以限。如令房山。督使者。需人一飯。按以法。豪家抗。輒擊其僕。黨治獄。尺牘如山。不顧欺隱。包攬之病。種出。以故民不擾。餉額亦俱足。明年丁巳。秋八月。署北平太守事。攝篆人。造爲逆旅。尚模稜。急竣事。老吏乘新故出沒。其中實百出。府君剔奸舉廢。不餘力。先師廟久圯。府君捐俸一新。棖梅。制琴瑟。鐘磬。祝罔之具。俎豆間。楚楚。較

文章重德行。士有禮樂風。刑簡罰輕。賦斂薄而緩。凡十閱月。訟獄稀。農樂商賈歌其塗。四履謐然。府君勞於公。未嘗迎家室。明年戊午。撫順失守。府君曰。國家有事。愈非士大夫歸聘。皆也。終府君居北平。皆陳宜人。不一至官舍。夏六月。御史王公象恆。付府君綜核之任。登車攬轡。所至肅然。王公甚知重府君。言天下事。正須廉直長厚如公者耳。冬。十二月。署灤州事。灤州濱海。不百武。俗健悍。喜爭訟。府君至。持大體。一切銛箭。警擊之政。皆黜不用。一

蘿石山房文鈔

卷四 府君十六

去

年四十。令不百日。厥鄉里小兒。竟賦歸去。今我年七十矣。誰復戀此五斗米。因以病請骸骨。適值遼左溝。京師咽喉山海。北平實距其西衝。適左餽餉。胥仰天津。而東來舟車絡繹。進來出納。府君實司之。北平道袁公應泰曰。天下方有事。賢大夫未可高臥。迺事。泰昌改元。庚申。府君拮据水陸。初議海運。患道迷失。府君於諸邑濱海岸。築高臺。立以竿。日旌夜炬。令漁人小舸。進來引運。艇前道以無先。車輓山海。至。輒納輒輸於遼。不少留。先後轉餉

蘿石山房文鈔

卷四 府君十七

去

與民休息。而民亦以少戢。昔輸餉。適左大耗失。小民苦償。府君毅然請諸上。紙贖金。皆許之。因捐祿俸。足解額。不問之民。初至灤。官舍戶皆重扃。詢則曰。有鬼物。府君曰。鬼何狀。我將觀焉。強啓戶入。吏民遂巡隨。色皆怖。堂上有積雪。府君令掃除之。召郡人士。張樂設飲其中。夜輒開戶臥。久之。一無所怪。崇亦繇是絕。明年己未。府君年七十。夏四月。考績。薦十有三。書上。考例不重膺誥命。至是筋力不堪。勞苦。又爲小人所媒孽。喟然曰。吾嘗讀淵明傳。

數十萬石。無所疏虞。然日夜旅山海。更以道路奔馳。海上溼氣浸漬。憂勞並萃。至冬。而府君病矣。不孝甲兒胤昌。冬十月病死於家。會從叔父之似。亦以勞勤王事。卒遼左。嗚呼。府君老且病。何以堪此。今上改元。辛酉。府君年七十二。春正月。足病甚。不能昧事。請骸骨。北平道杜公詩。太守陶公。固不誅。書凡二十上。會陶公遷密雲。未行。因議遷府君太守。旦暮疏上。邀府君出。府君曰。生歸里足矣。吾藥二千石。傲踈耳。陶公迺以文上曰。永平府同知

左。品湛素玉。操厲寒霜。筆仕屬瑞。漢長孺之顛。直急流思退。謝大傅之風流。昔可譏於金陵。來足食於畿輔。五年佐郡。僭僭值僕為依。一介不渝。蕭蕭琴書作侶。適值還左。單與正爾百資交奉。清逋負。飭吏胥。人人舍膏挾積。區區稟躬。籌運輸。事事桑土。綢繆計勞瘁者五年有餘。列獎薦者二十二次。循資已及內轉之期。可還故物。積俸又是衝邊之日。宜有殊榮。不謂足病難痊。遂然歸志不反。既未能輓之使留。迺聽其泯沒以去。其於國家駕馭勞

蘇石山房文鈔

卷四 府君十八

木

臣之典。士民攀臥載道之情。終鬱結未光矣。察有近例。如大同府同知周之藩。廬州府同知賈熙載。告疾之日。俱加運同銜致仕。今本官資俸。適與符合。而衝邊勞瘁。又為倍蓰。伏冀准令致仕。仍題請運同職銜。榮其歸路。當此需人孔亟之秋。少示鼓舞勞臣之意。其於吏治。不為無補矣。杜公亦以此上撫院會允道府文。題請加運同銜。准令致仕。夏四月去北平。行色蕭索。郡士大夫父老。皆泣別。陶公設祖帳。吉衣載酒。崇餼飲饒於灤江之石。舉扈

謂府君曰。今日之行。可並二疎。杜公亦以言贈曰。公辭樂於盛世。勇退於急流。如鳳翔千仞。可仰而不可即也。屆里。邑人以旌旌管箴。送於城之西。府君拒不受。寂乘做輿入。人以為飄然高致。二百餘年。邑中所僅見。會季父亦以解綬歸自秦。昆弟三人。皆垂白首。宦四方。同歸林下。相與尋社中老友。因復約高人。頹隱。僻山藪。或絡繹歸自四方。圍棋飲酒如昔日。重行誼。崇厚道。尚禮文。各敦崇社。邑人士儀式之。冬十月。以齒德飲於鄉。明年壬戌。築

蘇石山房文鈔

卷四 府君十九

九

草堂。居之。西。號財終。堂後鑿池一區。茂泉水可畜魚。植以新岸。有盧櫛。池之北為昔人十椽樓。故址。府君曰。前賢風流。不忍沒沒。仍其故。稍新之。登其上。四望。曠然。下臨深池。夜深。水月激濺。漾關楫。府君因名其臺曰浴月。環臺種竹。長垣巨畝。築土為之。覆以積草。堂後開池。對池水。前後皆種竹。佐以芭蕉。茶蘼之屬。花月佳勝。府君未嘗不肩輿。進。令不孝弟同友人數輩。讀書其草堂。館穀之。暑月。府君至。則登其臺。北窗設木榻。夜臥其上。府君

常慕陶淵明之爲人。每涼風。肯至。披衣當之。水碧荷香。亦自謂羲皇上人。課兒業畢。輒讀書。至是又好皇帝素問。及性命導引之書。外則天中記。世說新語。及稗官小說。讀校如昔。所校有下帷手錄。金陵集。林石奇筆。藏於家。明年癸亥。府君年七十四。嗚呼慟哉。不孝敘述至此。涕泗橫流。嗚呼慟哉。府君歸自北平。泉石優游。病旋痊復。暑月能燈前作字。性不喜僕從車馬。出常從一羸僕。非公事。不一乘輿。常與諸長者。攜手西郊。尋瓜田菜圃。禮法之

蘿石山房文鈔

卷四

府君二十

年

地百拜不爲煩。遇卑幼。周還磨折中於禮。不以筋力辭。白髮朱顏。咸謂百歲人。嗚呼慟哉。秋七月之十日。宗族無大小。具衣冠來。稱觴爲府君壽。府君以巨觥通飲。諸年少。長筵列坐。浮白追歡。聚樂竟日。十五日。俗具五穀果核。列籩豆。祀先人。告利成。大父大母遺容在堂。府君側坐仰視。淚法然下。不孝等二人。列侍於前。亦悽愴悲懷。十六日早。府君病。無甚疾苦。但胃臆悶悶。不孝延醫檢術。不怡如故。薄暮詔陳宜人。不孝二人謂曰。我病不深。然後

事宜備。我年七十四。可以言壽矣。惟嘗曾次如裂。然見府君無疾苦。竊疑斯語。十七日。府君早起。衣冠沐浴。把粥自食。醫來。猶至庭相坐語。人以爲病有起色。至辰刻。忽索牀。整朝紳。臥於正寢。端默而終。初無一語爲囑。嗚呼慟哉。不孝孤二人。呼天搶地。茫然莫控。承衾長號。五內皆崩。死不容天地間矣。於府君之生也。未嘗扶几杖。盡一日之勞苦。病未嘗進粥。侍藥竭其力。終未嘗奉一語言。終身佩之。而不孝孤二人。又未嘗建立咫尺。少有以慰府

蘿石山房文鈔

卷四

府君廿一

年

君嗚呼慟哉。死不容天地間矣。府君岸而豐偉。性方正。燕居必正衣冠坐。泊然自甘。不置勝妾。服御爲富貴容。非所好也。擇僕從。取其謹朴者。馭之寬。惟得罪里閭。不少貸。好恬退。不妄求。常若有以自得。遷北平。人或謂有自少意。府君曰。內外皆王臣也。安在親民。非職。而優游。郎署。迺賢哉。五載獨居宦邸。洒然若遺。貯綠草堂成。府君指以示客曰。吾以此當人金谷。達觀類如此。嘗見忤惡少。不爲改容。其人後自愧服。府君不較也。接賓客。一富貴貧

賤。善結座常滿。數接不厭。然貴介稍傲言色。輒抗不能受。爲吏於豪暴者無所畏。而曲庇窮民。以此常得罪貴人。而貧賤者不聞有怨。凡事持大體。不苛小。性不喜擊斷。見能才可以大有所爲。而以科目限。每用爲憾。嘗自外歸。喟然曰。讀書不成。進士不當作吏。供人齒頰。且無從自見。爲於邑太息。不好以議論見長。然言所可否。侃侃不屈。與人處。藹如也。中實介特不可易。氣高邁。不可一世。而沖挹不露。重廉恥。好節義。初至北平。先具羊豕。謁伯夷。

蘿石山房文鈔

卷四

府君廿二

三

叔齊里。瞻拜徘徊。以爲入其廡。使人名利之心頓盡。依依不忍去。然後詢所守。榆林昔。嘗賞獲首健兒。有李武者。受賞邑。泣而辭曰。此余友所得也。得以予我。而復馳入取首。竟不還。雖無知者。我何忍濫若賞。府君曰。義士也。以賞給其友妻子。而自出其賞。如前數。給武策。以幣帛。義士旌其門。請於上。官之。府君凡所重。皆此類也。見人世事有不當。輒憤憤然爲不平。至廢食寢。常爲不孝言。古今人忠臣孝子貞士。殺身成仁。舍利取義之事。曰。

丈夫至此際。須勉強爲之。能自立者爲豪傑耳。驅重再出。而人不以爲貪。損貲却餽。前後不計數千金。而人不以爲矯。嘗有羣乞兒。誤爲盜。府君罪其一人。善遣餘者。而人不以爲寬。獄有妖民。十餘年不決。當道貴人皆爲解。府君立致之死。而人不以爲忍。嗚呼。可得府君之爲人矣。里中老人言見府君年且久。結髮諸生。以及孝廉。爲令。爲郡。佐爲郎。以至於老。且致仕歸。得失榮枯。六十餘年。未嘗少得其變遷之意。噫。亦難矣。庭居燕坐。嘗謂不孝二

蘿石山房文鈔

卷四

府君廿三

三

人曰。我舉孝廉後。四十有餘年。二十年居鄉。二十年爲吏。居鄉恂恂。惟恐得罪於人。曾未聞人以我驕抗。責我以無禮。亦未從邑父母干以私。致里人怨。爲吏。凡令三邑。佐兩郡。郎署兩司。獎薦者百有餘。再受璽書。內外經計吏者八。不一掛彈章。爲人所指摘。我實亦不妄取民間一錢。從未以私怨殺一人。慙愚獲罪。天子不誅。疏直中傷。而大臣不黜。使我皤然白首致仕而歸。我所受於朝廷鄉黨者。幸矣。嗚呼。卒之日。君子相與弔於家。哭諸廟。皆盡

哀。小人哭於市野。無遠近男女大小。皆爲流泣。先是府君夢一僧。如己卯夢僧狀。語府君曰。汝目前一劫。爲驚痛。卒之前一日。有老婢夜見火大如斗。墜屋脊上。有聲流而西去。越夕變作。嗚呼。此又異也。府君子男二人。先配贈宜人張氏。生不孝懋甲。國學生。繼配封宜人陳氏。生不孝懋第。邑庠生。甲娶姜氏。邑庠生姜公鑄季女。第娶劉氏。邑進士開封府知府。劉公兆文季女。子女四人。長適大嵩衛廩生趙公文燦長男。庠生瑾。次適邑壽官辛公桂。

蘿石山房文鈔 卷四 府君世四

長男。國學生焯然。次適邑禮部員外王公用諱次男。庠生宇欽。次適邑歲貢孫公鳴珉長男。庠生茂槐。孫男二人。長循昌。府庠生。先四年亡。不孝甲生。娶劉氏。邑鴻臚寺鳴贊劉植槐長女。次慧生。不孝第生。聘邑國學生孫鳳翰次女。孫女二人。皆甲生長。適登州府遊擊孫承祖。次字邑庠生任一鳳長男。已任。曾孫男一人。起基。循昌生。未聘。今爲府君卜兆於邑西北之蘿石山。去邑五里許。將以天啓四年甲子。冬十二月二十二日。遷先妣張宜人合

葬焉。嗚呼。慟哉。不孝孤二人。哭哭苦塊。思府君而不見。思遺言行以當瞻依。援筆悲咽。瑣雜無次。但不敢爲飾語。來君子諷墓之譏。謹以先府君生平大概。義所不可。雖尊如上官。橫如宦豎。驕若虜。悍若謀。健兒。怒若水。狂若鬼。必不容少需忍。而力與之爭。羶若金穀。樂若爵。而守之所在。有不易。則凡天下一切可喜可愕可趨可避之事。至府君一以坦然之身付之。若剛柔寒暑。隨其分而一無所遷。就又初不以爲異。况所宦去。輒令人思。鄉頌長者。

蘿石山房文鈔 卷四 府君世五

數十年一日。也不孝孤耳而目之。府君素心勁節。篤躬惠政。蓋如此。夫亦何忍泯沒。合先妣列之爲狀。恐不足以辱齒頰。儻君子憫其意而賜觀覽。俾得錫一言於有所感。先考妣藉以不朽。不孝孤死不朽矣。

先伯高祖妣陳太淑人軼事

家祭少司馬公文曰 庚午領鄉薦歸拜太淑人膝下曰我父窮年課讀舌敝屣穿不能見子之成今縱聯鑣綴錦析桂騎蟻亦何益耶

韓城縣續志循吏傳曰 左公初莅任升堂率遲人疑之久乃知奉母太淑人飲食後始觀事也

少司馬公祭韓邵營都司李英文曰 韓城七年四月饑甚餉不至諸健兒絕糧者三日余母氏陳宜人時尙未封淑人故云至解簪珥合所世藏遺器付

蘿石山房文鈔

卷四 淑人一

美

將軍爲諸健兒一日餐將軍亦爲余泣

劉淑人行狀曰 陳太淑人雅好稽古事事必參酌先典以行得淑人深喜之益相與研究無少倦

奉政公爲南刑曹郎雖貴盛而太淑人益崇儉素淑人奉教惟謹無纖毫鉛華之飾太淑人每顧之

曰宗婦當如是矣

又曰 少司馬公由行取入都凡四歷諫垣每草

諫章必跪誦太淑人前太淑人可之然後奏

又曰 淑人嘗侍太淑人側誦說古仁賢事一夕

及唐張睢陽宋文信公遇難始末少司馬公退食與聞之因請曰倘兒勤王事遇難如是將何如太淑人曰死忠卽死孝子其勉之矣

池北偶談卷七談獻曰 陳烈母寧海州儒家如萊陽左公母也知書有大節明崇禎甲申左公銜命

督餉江左母居京師三月京師陷公從兄吏部郎以車載母問道東歸而身與張尙書郝侍

郎徒步以從至白溝河仰天歎曰嗚呼此張公叔夜絕吭處也呼慙前責以不能死國吾婦人

蘿石山房文鈔

卷四 淑人二

美

身受國恩不能草間偷活寄語吾兒勉之勿以我爲念又見二公責之曰公大臣也除一死外無存

身立命處二公勉之言訖而死蓋出都不食已數日矣與左公之死相距僅一載原本陳誤作徐今改正

昔聞之少司馬公館太醫院日嘗爲陳太淑人撰行狀盡節後此藁竟不傳在累年搜輯得若干條恭臚奉政公行狀後異日採摭完備當補撰行狀以並垂永久云從會

孫任可

謹識

封御史虛字衛公暨配程孺人行狀 甲戌

公諱自謙。韓城人。其始祖全。自河東徙韓之禹門。渚北村。家焉。全生德。德六世及希懷。公大父也。希懷生久敬。有五子。公為伯。公父以德隱居。奇四方。而依仁義。公獨好書。出就傅讀。親執爨火為飲食。列諸生有譽。自以為學不足。思交天下名士。廣其業。搢詩書。走京師。入太學。與燕趙齊魯江以南文章之士友。學日益。名以知京師。字子益。又以虛字號焉。大司成徐公憲卿讀其文。奇之。拔諸生高等。試於秋。不偶。歸。其先子早世。諸弟幼。無以奉母。勉仲叔。出服賈。獨與季學。侍御公昔四歲。已能讀書。孝經論語。口受之。歷歷能誦。公欣然。侍母讀書。教弟兒為事。越二十年。侍御公舉於鄉。而公母年八十。老矣。以命就南太平丞。非其意。然為丞。一行所學。破丞習。不以役羅人。民安。上官賢之。委涇署。又破署習。皆有奸民何姓。夜發汪少保冢。藏其父骨。事洩。豪族護之。吏莫敢問。公治如律。有矜好操短長。挾吏曲為地。公弗動。皆有署官執法欲行取之。

蘿石山房文鈔

卷四 衛公一

天

謠。蓋諷也。公名以益著。曾丁內艱。歸。遂不出。侍御

公成進士。筮李維。公兩赴維。天子以其爵。曾公侍御。公入京師。拜侍御。迎公。公不肯至京師。但以書戒曰。勿阿。克稱爾職。勿瞻顧老人。侍御公拜受之。持書泣。已而亟請歸就養。不獲。奉命代狩。畿以南侍御公泣就道。會天子又以其爵。曾公為御史。侍御公事竣。將歸養。公卒於家。於戲。侍御公。余師也。余又韓城令。先是余謁選人來京師。會師請養。不得。泣告余。余令茲。猶及登公堂。長跼。執子姓禮。公

蘿石山房文鈔

卷四 衛公二

天

前公卒。吾師歸。泣告余曰。先子有懿行。弗可泯。先子孝。篤諸父。分所有於諸父。以悅大母。余舉鄉。戒勿狃小成。為進士。勉以天下事。李維開柎。楊聲。輒歎曰。司理法官也。不法不理。不清不法。兒識之。又泣曰。先子剛介。於世無取。人不可奪。以私。與人信好施。急人困。常傾囊。不與人修。邇侍六十年。無日不以自處者。教兒。余佩不敢數。先子教也。又大泣。出所記實錄手余。曰。狀之。余門下士。不可辭。余常登禹門巔。俯瞰兩崖。巉削若門。中流黃河之水。大

禹廟禱雨文 癸酉

惟王明德。紀在詩書。重而習之。知唐虞以來。地平天成之聖人。萬世賴焉。而未恍然如見其人。今來知韓城。陟步岡阜。迺黃河之水。而親見大雅所謂奕奕梁山。禹貢導河積石所至。遂如親見禹焉。念茲土。惟王旬。水功大著。伊始。古聖人一生之神。必有所結。不散於千萬世後。王之神其聚茲土耶。茲土旱不雨。知縣左懋策。齋戒敢告。王。三代上仁人君也。不忍民為魚。詎棄茲土。民異大夏乎。神在天。勿小一邑。民無今昔殊。德豈擇大小哉。

謂聖人之神。必有所結。是特見據此。可以悟性命理。文太青先生

蘿石山房文鈔

卷四

禹廟禱

三

祭城隍禱雨文 癸酉春

維神治韓城於陰。第治韓城於陽。陰陽一氣相表裏。減欽承上帝好生德。以撫綏天子百姓。俾勿顛。余自壬申十一月來幸茲土。見韓民疾苦。欲立三年來。流寇蹂躪茲土。民遭殺戮。十去其二。士馬集粟。芻供給。富者貧。貧者死。民之財力。十去其三。寇稍遠。山有伏莽。白晝殺人。民有牛不得耕。有妻女不得據。為有者比比。又兼天下多事。催科如東溼。吏傷撫字心。以扑楚。民絲穀何有。促而相求。一檄之

蘿石山房文鈔

卷四

祭城隍

三

至。萬姓攢眉。民之生機斷絕。十分之中。存四五耳。嗟嗟斯民。亦可哀矣。賴神之休。伏莽消滅。山中三年不耕之土。今有農迹。且平原苗良。望雨如飢渴。民之生機斷絕。十分之中。存二三者。一耑而已爾。余不肖。自莅茲土。進斯民而問。所以求除民害而寬其力者。不遺力。蓋晝不遑食。夜不遑寐。以求之。神之聰明正直。其為民計。必倍切於余。而終日密雲靈雨不零。民之生機將絕。而莫之救。必余不德。以致此也。嗟嗟百姓。獨何辜哉。余不德。不能安百

姓。而又以余之故災百姓。百姓獨何辜哉。第三日齋沐。而後敢告於神。或爲余不德。當譴及余身。以謝百姓。或茲土有冤抑鬱結之事。足以召災者。神當開余神明。或發余於夢覺。余不憚捐此身。以爲百姓請命。夫譴余身以謝百姓。與捐余身以達百姓鬱鬱之氣。皆足以雨也。惟神聽之。

再祭城隍禱雨文 癸酉夏

神民之主。韓民苦盜苦兵。有三年矣。今年春。流離者多歸。而窮苦者忍死。爲麥爾。而春雨不足。二麥無賴。上者收十分三。而下至失故種。噫。可悲哉。流離者方悔歸。而窮苦者至不能忍。然猶不肯去。而死以埃者。爲尚有秋爾。今不雨。秋禾種不克入地。已種不克出。噫。可悲哉。神將聽民。徙聽民死亡。而不之顧耶。第三月禱於神。輒雨。四月將禱之先。一日。神又雨。雖不肯相繼。霑足。而禱輒應。以知天行偶舛。而神能致雨。以救茲民也。神不棄茲民也。第齋沐三日。而禱於神。雖薄德不能格神。然所以賦不忍急。而罰不敢重者。凡以爲茲民爾。願爲民請命之意。備於前禱文。惟神雨。神真民之主。而第藉神以少安民上矣。

再祭城隍禱雨文 甲戌春

神民之主也。民依為命。其可為者。令任之。其不可為者。祈之神。以化陰陽。衍水土。生穀消災。貴以降民百福。第履斯土一年。去年春不雨。神降之雨。夏雨秋雨。雖未霑。擬鄰域為有澤焉。民生命幾絕。而續維神休。今迫甚矣。冬無雪。焦土不可下耒。目所睇人。皆不復人色。飢餓欲死。而不即死。欲逃不即逃。戀此區區焦土。得繼微瀾。猶耕而望食耳。今急矣。皆令有罪致之。令履斯土。可為而未為者多。訟

蘿石山房文鈔 卷四 再祭 美

宜息。愈繁刑宜措。益不可止。河崩尚稅。解戶未革。士風。賢良。修未正。皆第所未為。而亟欲為之。令有罪。百姓何罪。惟神憫茲民。降之雨。五日不雨。則耕。愆期十日不雨。則土不可耕。飢者立死。不死則逃。令亦安能擁此虛無人之邑。以奉神祀。而亦豈神所忍哉。維神降之雨。則斯民有生氣。第將藉以行其未及為者。而神以為人所不能為。滋萬物以神明。茲土民樂其生。盜賊大息。凡有血氣。敢忘神之休。

禱於橫山文 丁丑夏

人窮則呼。近天者。岑小民之命。上帝之心。登岑高呼。靈雨其霖。

蘿石山房文鈔 卷四 橫山 美

禱於橫山文 丁丑夏

又祭城隍禱雨文 丁丑夏

依神爲命。五有年。令之心。無以欺神。神之靈。亦心竊識之。第至韓。無歲不旱。旱。輒禱於神。禱。輒雨。神庇茲土。民極至。民獲有生。第依民至今。惟神恤。今有請者。神聽。韓民祭。六年旱。七年大饑。遭黎僅溝壑餘。八年非有年。九年秋水。民未遑飽。幸麥及於土。而神靈雨暹。豆亦土。皆勃生。三月朔。神又降之雨。爲鄰所無。惟神休哉。而一月旱。多風。麥艱於秀。豆憚長。第自會城歸。察苗之性情。與士民心。皆望神再降之雨。如亟飢渴然。第知之而不以告。且祈。豈知神恤民之心哉。齊沐三日。方敢來告。惟神憐民苦。察吏之愚誠。降之澍。以拯羣生。

蘿石山房文鈔

卷四

又祭

禱

再禱於城隍文 丁丑夏

皇皇祈神雨。神輒降之雨。自朔日迄于今。密雲七日。皆神力。日雨。而土穀之性。人之心。尙未欣足。密雲而雨。惟神之力。而未足者。吏借百姓。誠未至。以致此也。無麥。民何以生。民無生。吏何以爲民上。齋沐再禱於神。惟神降之雨足。凡有血氣。敢忘神德。

蘿石山房文鈔

卷四

再禱

禱

祭山神祛虎文 齊百夏

嗟韓之民。古稱樂莫如也。三年以來。死於寇。寇既驅。又死其餘孽。韓民咸苦賊。而西北岡陵嶽崎。草木豐密。為賊盜出沒藪。三年幾無農夫足迹。而空山寂邃。豺虎異類。遂與賊盜分域而居。余奉命來知韓城。憤賊害吾民。合募義兵十一路。入山窮勦渠魁先遁。釋其脅從。不戮一人。而山中清。此山中所以有人。而虎皆皆出食人。嗟哉韓民。寇稍靖。今又死於虎。聞之百神受命於上帝。惟山有神。必受

蘿若山房文鈔

卷四 祛虎一

卑

命來治韓之山。而豺虎類。惟其驅使。無不如意。敬以羊豕遺祭。惟神有靈。或驅之異境。或制使不噬人。人物各安其所。神之惠。不然。非神無靈。則物之不受神制也。神無靈。何以神為。物不受神制。則惟有驅除之而已。為令者。勢必憤以驅除盜賊者。與虎爭此百姓。神奉上帝命。以制伏於陰。余奉帝命。竭一邑力。以驅之於陽。虎又非盜賊之可以情赦也。必殲之。迺已。然余聞之。昔虎有渡河者。又有噬人自赴服死者。虎物也。夫豈能然。當必有神焉。以

驅之。余不敏。治績不及古人。而為百姓之心。則一。余又決神之有靈。必能制虎不噬人。則必能鑿余為百姓之心。而不煩為令者出。而與虎爭也。余且以制虎之德。率百姓戴神休。奉神血食未艾。神力之所能。亦所樂也。神其有以鑒余矣。
堪輿鍾魚文竝傳 衛仲玉先生

蘿若山房文鈔

卷四 祛虎二

卑

祭八蜡文 甲戌秋

考之郊特牲。蜡於歲終。卽邑祀常春秋之仲。茲祀何祀。先嗇及司嗇及農。野苗良也。及郵表畷。田畷得有事也。及貓虎。客之歲。山有虎。以祀徙。今且有跋獸害農。尙其驅。及坊水庸利也。及昆蟲。不災也。吾祀且祈。以護萬生。八蜡其通。年以順成。

再禱於山神文 丁丑春

天地好生。惟貴人。而聖王愛物。不及虎豹。貴賤之勢懸然。第自蒼輶。癸酉歲。虎食人。第文禱之神。虎以不食人。又甲戌。狼害農。第禱之神。兩狼旋爲人所從獲。害息。神能制物。以寧民。從令請如是。而獨泉山兵之防農耕者來。云虎食人。或神未及察。而有此敬告之神。虎之食人者。當殛如殺人。而制他虎不食人。惟神之靈。令且率土之人。祀報神。以質爲文。骨氣在秦漢以上。衛祥趾。

離韓城辭神文 丁丑

予五年依神休。皇皇然恐得罪百姓。得罪神。今且去。與神辭。令無狀。不克副神之明休。惟五年。慎催科。不敢急。憫民窮。自飭躬。未嘗罰。僚屬如我友。過相規。不肯陷。御諸役。如閭閻制僕。不令虐。小民事無大小。不敢違其心。先大夫為吏十七年。廬僅蔽風雨。田無沃。予奉先訓。令五年。未嘗益一椽一畔。對神明。如是而已。罪或出不知。力或有未及。為神其墜。吏去矣。民固在。神其肯風雨。俛黎庶。如予依。

蘿石山房文鈔

卷四 辭神一

四

永荷神德

是商周閒語。非秦漢所及。 衛祥趾

先考忌日祭文 甲戌秋

嗚呼悲哉。日月如邁。十二有年。父逝兒存。一身子然。奉父迪訓。來知秦韓。我父為令。歸無為。兒矢奉之。冰玉其門。哀哀韓民。勞止難言。撫茲遺黎。以報父恩。生我怙我。兒泣如端。茲何日歟。搗肺摧肝。嗚呼悲哉。

蘿石山房文鈔

卷四 忌日一

四

祭陳明卿先生文 甲戌

嗚呼。吾師之於余。小子深也。自壬戌得吾師之文而讀之。欽其深微敦穆。皆六經純粹之旨。又讀吾師所詮古文。使古人精神。歷歷皆見。諷誦之際。事之如師焉。至於丙寅。聞吾師有所忤。而高之以節。一嘗草茅之士。有歎息者。有危之者。而余獨幸其文章之氣。以節而全。又知君子之道。貞夫勝。而作小雅中林薪蒸之文。以自解。心畏之如師焉。天下固有不識其人。而讀其書。聞其行事。遂爲心氣之

蘿石山房文鈔

卷四 祭陳一

果

所依者。古人今人皆有之也。余幸未上公車。遂得出吾師之門。初謁吾師於京師。見則數文章。明道義。而學問性命之旨。皆聞侍坐間。學欲其垂百世。而惠及一皆者。師之意遠矣。入而樂之。始覺向未見而師之者。猶門外焉也。而吾師亦國士目。余見余對策。則曰可教。見余所爲制義。又曰可教。將以窮經盡性事爲堂奧。而俾余登之。又屢以文章試余。余亦以文章欲軼棄六朝。用漢之朴。取商周之氣。相質。則又曰可教。又見余所爲陟岵篇序。而悲

之。因序余文。以詩與春秋教。而事君事父。三致意焉。余每讀爲流涕。嗚呼。吾師之於小子深也。辛未。余歸省。會吾師亦有事大梁。拜別京師。昔七月十有四日也。越歲壬申。余謁選京師。吾師著書里門。未肯出。余筮得秦之韓城令。癸酉。兩寄緘。詢吾師京師。值吾師著書。終未肯出。嗚呼。吾師抱經世之氣。蘊含蟠結。不肯一出。若將有所大蓄。以樂行。而於富貴功名。若有所避。而不肯深者。吾師何一非學所著哉。而小子因是未獲一通訊。於今三年。良

蘿石山房文鈔

卷四 祭陳二

果

可悲也。甲戌五月。走一僮吳門。問近狀。行矣。祥趾。衛子一書自京師至。曰。聞吾師之訃音。而未確也。衛子淚滿紙。小子讀之。亦淚滿紙。詢之人。皆未確。六月。又得衛子一書。曰。信矣。已而遣僮持原函歸。余小子抱兩函。泣欲死。嗚呼。哀哉。天乎。吾師。聖天子在上。用賢如不及。極吾師志之所期。與學所及。本其無欲。達其好士憐才之心。無一偏倚。得入其中。拔賢而升。連茹並進。以廣其安民之事。宰相之業。豈不大光哉。嗚呼。吾師之書滿天下。性命經濟

之言。天下人隨其淺深。各有所益。而吾師久昧於世。必更使天下人。聞見其所未聞見。而抱靈氣以還於穆。天豈可測耶。幸未之役。游夫子門者。二十有六人。聞吾師一言者。皆奉之不數。氣節文章。政事之見於世者。彬彬然。卽小子第亦沾沾愛人。不敢隕越。以佩夫子之教。夫假夫子以年。而所造於門人小子者。進而不已。何可勝道哉。此余之所大慟也。諸弟子有居近而職暇。或奉四方之使者。猶得旦夕哭夫子。小子羈令於秦。不能親哭哲人之櫛。亦未獲築塼木氏廬居。不知何日買舟。始得一哭吾夫子墓。此尤余之所大慟也。登禹門之山。南望吳雲。吾師疾何病。卒何日。葬何地。與何期。皆所未悉。三千里外。僅以蒼頭馳區區之祭。亦烏用此門弟子爲哉。吁嗟乎。天乎。吾師有聖闕。

蘿石山房文鈔

卷四

祭陳三

吳

祭李千夫長文 乙亥冬

崇禎八年冬。十有二月望。賊數萬寇秦韓。李將軍以千夫長。自邵陽帥二百騎來援。賊立三旄。據高原。千騎趨北門。將軍貫甲先。鼓健兒自下上。驅之。賊乘高射矢中將軍首。將軍力戰不止。面頰兩茹。刃始仆。余目覩。爲督發一礮。賊遁。將軍得不死。掖之城。中寺爲治藥。三日而死。又三日。棺衾備。韓城令左懋第以羊豕突於其大殮。將軍名登務。榆林人。其健兒張世雄。同茹刃。亦同日皆死。哭之曰。嗚呼哀哉。氣之英兮。憤賊之生。存者衆兮。獨有令名。血面模糊。魄還太清。魂將健併。以與賊爭。嗚呼哀哉。

蘿石山房文鈔

卷四

祭李

吳

祭烈女王小桂王馬女烈婦吉氏高氏薛氏

烈民王慎王欣主貞心王端心墓文

韓城薛寧人俱一門

嗚呼王氏男女節見者九世是讀詩書。處毅不屈。取義與仁。嗚呼生榮死譽。惟所自威。神將古人。烈哉。吾為取此君。潔貞而女。清潔以風夫韓之民。

嘉石山房文鈔

卷四 祭烈女

圭

祭王烈士文

名應朝韓城人以殺賊戰死亦王氏族

嗚呼悲哉。崔苻有人。爾奏厥功。天何為者。爾喪厥躬。修矛而死。維秦之風。詩稱邦桀。騷歌鬼雄。嗚呼。

蘿石山房文鈔

卷四 祭烈士

圭

跋

予少壯喜讀書老則目痛而生平又無他嗜不得
已自發櫝中藏書廣布几席肯循跡為樂忽見公
集為潸然出涕獨念公精忠大節爭光日月所謂
真鐵漢非耶哭近婦人矣遂收淚而止已又念予
與公稱莫逆交失怙同登籍同給諫同好作古文
辭同所不同者公死予生耳嗚呼愧矣因跋數語
非徒志感且志愧云年弟李清謹跋

蘿石山房文鈔 卷四 李跋

蘿石山房文鈔卷四


從五世孫光勗恭錄竝校

從六世孫竟勳恭刊

〔明〕左懋第撰

左忠貞公剩藁四卷

清乾隆五十八年左彤九刻本



明史本傳

總督撫事務 經筵講官少保兼太子太保和碩大學士著書等語都察院御史級張廷玉等奉

救修

左懋第字蘿石萊陽人崇禎四年進士授韓城知縣有異政遭父喪三年不入內寢事母盡孝十二年擢戶科給事中疏陳四弊謂民困兵弱臣工委頓國計虛耗也又陳貴粟之策令天下贖罪者盡輸粟鹽茨復開中之舊令輸粟邊塞充軍食彗星見詔停刑懋第請馬上速傳又請嚴禁將士剽掠

明史

傳

有司肢削請散米錢賑輦下飢民收養嬰孩明年正月勦餉罷徵亦請馬上速行恐遠方吏不知先已徵民不沾實惠帝並採納三月大風霾帝布袍齋居禱之不止懋第言去秋星變朝停刑而夕即滅今者不然豈陛下有其文未修其實乎臣敢以實進練餉之加原非得已乃明旨減兵以省餉天下共知之而餉猶未省何也請自今因兵徵餉預使天下知應加之數官吏無所逞其奸以信陛下之明詔而刑獄則以睿慮之疑信定諸囚之死生

諸疑於心與疑信半者悉從輕典豈停刑能止慧
解網不可以返風乎且陛下屢沛大恩四方死者
猶枕藉盜賊未見衰止何也由蠲停者止一二存
留之賦有司廼考成催徵未敢緩是以莫救於凶
荒請於極荒州縣下詔速停有司息訟專以救荒
為務帝曰然於是上災七十五州縣新舊練三餉
並停中災六十八州縣止徵練餉下災二十八州
縣秋成督徵十四年督催漕運道中馳疏言臣自
靜海抵臨清見人民飢死者三疫死者三為盜者

明史

傳

二

四米石銀二十四兩人死取以食惟聖明垂念又
言臣自魚臺至南陽流寇殺戮村市為墟其他飢
疫死者屍積水涯河為不流賑救安可不速已又
陳安民息盜之策請核荒田察逋戶予以有生之
樂鼓其耕種之心又言臣有事河千一載每進父
老問疾苦皆言練餉之害三年來農怨於野商歎
於途如此重派所練何兵兵在何所勦賊禦邊效
安在奈何使衆心瓦解以至此極乎又言臣去冬
抵宿遷見督漕臣史可法言山東米石銀二十兩

而河南乃至百五十兩漕儲多通朝議不收折色
需本色今淮鳳間麥大熟如收兩地折色易麥轉
輸豈不大利昔劉晏有轉易之法今歲河北大稔
山東東兗二郡亦有收誠出內帑二三十萬分發
所司及昔收糴於國計便帝即命議行屢遷刑科
左給事中十六年秋出察江防明年五月福王立
進兵科都給事中旋擢右僉都御史巡撫應天徽
州諸府皆

明史

傳

三

第母陳歿於燕懋第欲因是返匱葬請行乃拜懋
第兵部右侍郎兼右僉都御史與左都督陳弘範
大僕少卿馬紹愉偕而令懋第經理河北聯絡關
東諸軍馬紹愉者故兵部郎官也嘗為陳新甲通
款事至義州而還新甲既誅紹愉以督戰致劾為
懋第劾罷及是紹愉已起官郎中乃進為少卿副
懋第懋第言臣此行致祭先帝后梓宮訪東宮二
王蹤跡臣既充使臣勢不能兼理封疆且紹愉臣
所劾罷不當復與臣共事必用臣經理則乞命弘

範同紹愉出使而假臣一旅偕山東撫臣收拾山東以待不敢復言北行如用臣與弘範北行則去臣經理但銜命而往而罷紹愉勿遣閣部議止紹愉改命原任薊督王永吉王令仍遵前諭懋第瀕行言臣此行生死未卜請以辭闕之身郊一言願陛下以先帝仇恥為心瞻高皇之弓劍則思成祖列聖之陵寢何存撫江上之殘黎則念河北山東之赤子誰恤更望肯肯整頓士馬必能渡河而戰始能扼河而守必能扼河而守能始能畫江而安

明史

傳

四

衆聽其言王令齎白金十萬兩幣帛數萬疋以兵三千人護行八月舟渡淮十月朔次張家灣本朝傳令止許百人從行懋第衰經入都門至則館之鴻臚寺請祭告諸陵及改葬先帝不可則陳太宰於旅所哭而奠之即以是月二十八日遣還出都弘範乃請身赴江南招諸將劉澤清等降附而留懋第等勿遣於是自滄州追還懋第改館太醫院順治二年六月聞南京失守慟哭其從弟先為吏部員外郎降賊後歸

本朝授官矣來謁懋第懋第曰此非吾弟也叱出之至閏月十二日與從行兵部司務陳用極遊擊王一斌都司張良佐劉統王廷佐俱以不降而紹愉獲免

明史

傳

五

凡例

一以後裔編輯先世之文自北宋以下代有數種例人人殊惟武進趙恭毅公剩藁係其孫侗斲所編吾邑初端崖先生諱元方乾隆己未進士稱其起例之善今從其例亦題曰剩藁奏疏申文標題並用其例

一先忠貞遺文見存者共有數本其蘿石山房文鈔李映碧先生編先君子於乾隆庚申已校刊印行矣至暮年頗憾未備命不肖增輯四十年

凡例

間又得二本一曰東海人文先滙海府君集一曰蘿

石山房集邑人張九如先生編較之詳略互異共得遺

文及詩百有餘篇然國初諸家所引述者

尙十不得五知遺藁必不盡此惟望世之

博雅君子開我固陋是幸

一家塾藏本舊有奉使不屈疏篇先君子以

闕文太多未付割剝茲以商之周菡玉邑人名賦

乾隆辛巳菡玉舉劉宗周完忠可恕以告語出乾隆

四十七年七月多羅額竊思乾隆四十年質郡王等進四庫書表

先忠貞公與劉忠介公同蒙專諡劉忠介既

幸邀

寬政於忠貞公復何所畏疑因附錄奏疏軼

篇日後用昭

皇朝褒忠

盛典竝祈先人遺筆不至泯沒云

一趙將軍旌序運貞婦于氏序二篇參以唐宋名集實爲創格李映碧未採入文鈔殆非無意然出自忠貞遺筆則皆古文也茲用

凡例

震川壽序例輯入

一唐宋以來祭文類皆用韻至明人始不拘此

格昔毛西河以此詩繩椒山集識者非之蓋

忠孝之文與詞人自當別論集中祭李將軍

文康公行劄已梓入韓城續志百餘年來未

聞有殫刻如西河者故仍輯入非敢不細檢

也

一應試之文在大家原非注意往往編入外集

忠貞公遺藁內舊有表二首策五道判語五

道皆應試文也然憂時之論經國之言時形
楮墨茲特取七篇與遺詩合編為第四卷謂
之外集也可謂非外集也亦可惟判語訛字
太多急難辨釋故未錄

十椽樓遺詩六十三首乃順治初年 先滙

海府君 諱懋賞前明官揚州海運同知明亡不仕 應黃禎璠先生

名嘉瑞廉縣人之請從故紙堆中檢出命胥史抄成

者一殘蠹魚之骨再泔抄胥之手魯魚豕亥
樓指難窮今欲一一改正苦無別本可校不

得已謹依原文摹刻且隱寓就正多方之意

以祈

好古君子之訂正焉

一 鹽政考篇今坊間刊行山曉閣選本明著李

九我先生名細味之與集中文亦不類當係

誤收特以入集已久未敢遽刪望世之識者

詳為甄別是幸

乾隆癸丑荷月從六世孫彤九謹識

左忠貞公剩葉目錄

從六世孫彤九謹編

卷之一

奏疏申文

諫垣任奏疏七章

附奏疏軼篇

韓城任申文二首

卷之二

申文告示

韓城任申文六首

韓城任告示四則 崇儉書附

左忠貞公剩葉

目錄

卷之三

古文

記二首

序五首

跋一首 附文鈔遺句

致一首

尺牘四首

誌銘一首

行狀一首

祭文四首

卷之四

雜著

表二首

策五道

椽樓遺詩六十三首 附對句四聯

左忠貞公剩葉

目錄

二

左忠貞公剩葉卷之一

六世從孫彤九

奏疏

貴粟宜講以養元氣預儲宜先以濟急需乞

敕計臣及昔料理以無誤軍國大計疏

竊惟王制之書國無九年之蓄謂之不足無六年之蓄則謂之急其所蓄者粟也非金錢也蓋金錢所以通粟之用而粟所以儲天下之命而操一旦之急故臣前擬呈奏疏論食以貴粟為主誠見國

左忠貞公剩葉

卷一

一

家元氣在此其事繁繁而可行也臣嘗見天下之城守者盜賊外生而倉粟充盈家各有積雖無一鎰寸縵人情宴如若其中虛無粟雖金錢如山皇然不敢恃為無事自不再食則飢之物與飢不可食之物相提並論緩急豈不較然哉臣請先以可行二大端言之唐虞三代而後天下之富莫過漢文景其臣言積貯言以粟為賞罰即今事例之說事例之為途甚寬為益甚寬大在各部皆有之如納監贖罪之類不可勝計如再廣為議以招徠

之許天下之人輸本色太倉或本折相半者聽其
今秋禾滿野大有可期素封自具倉箱商賈亦樂
於賤糴則趨者衆矣而又令畿輔之內各府州縣
有就近願輸其倉者許其輸天下之人有願輸畿
輔之倉者亦許其輸而該有司其實收於撫按疏
上之如太倉例又令九邊及各聚兵之地有就近
願輸其倉者亦許其輸天下之人有願輸各邊及
聚兵之地者亦許其輸而該督撫具實收疏上之
如太倉例去歲口有警皇上不嘗令畿內州縣糴

米豆備用乎此不煩糴而可有矣皇上不令各邊
召買米豆乎此可益召買之不足矣畿內各府州
縣皆有積貯則兵馬運來可給行糧而未動用者
可行常平法以平市價而增微息久之亦可以變
白金而待朝廷緩急之用各邊及各聚兵之地皆
有積貯則可以給餉以濟發解之不至而爲數漸
多所報之數即可計數扣發在外之粟即在內之
金錢矣朝廷合天下爲大倉邊腹與京師相灌輸
而尙憂財用不足臣不信也蓋屯政錢法目前所

急而尙需屯鑄之本此則不待粟本而內外之粟
自積漢臣賈誼所謂粟多而財有餘何爲不成鼂
錯所謂出於口而無窮生於地而不乏者千古財
用之至論也至鹽法招商開中輸粟邊塞給引派
場支鹽太祖高皇帝昔行之有效考之鹽法其昔
有茶鹽引由契本銅板一百一十斤印刷勘合填
寫商人姓名並所中米豆鹽引數目比對支鹽稽
察無弊此板如在南京似可取而行也據當昔邊
塞充實無俟內顧其法久行而未變至後始有各

運司納銀之例鹽課解至京師而卽發之邊塞亦
何益於有無之數哉不如邊塞中鹽而所收米豆
之數令該督撫具數以報卽扣其應發銀數以實
太倉庫之爲有益於太倉也昔人所謂取目前之
近利忘久遠之大計遂至邊儲資於內帑商迹絕
於塞垣者今日正此流弊邇來邊塞兵卒或譁或
逃皆以月餉銀不足買米豆爲辭不爲之所長此
安窮似此良法非皇上明聖上符聖祖毅然力行
祖宗舊典何肯而復邊塞何肯而充實哉臣前擬

奏疏昔但有不可行者固不敢言之君父而此二事尤可即見施行而尤最宜行之秋成之候臣謂貴粟宜講以養元氣者此也至於目前已入商秋○馬思逞哈卜線索總是隨○講市要賞皆非效順情形已見孔棘可知矣邊臣整頓士馬之肯正計臣區畫錢糧之肯也計臣身膺重任料已算無遺策是宜百計詳審弗徂故常亟察今日內外之肯勢何處可以移緩就急何項可以積少成多外解何以徵發腫至解額何以綜核無虧問米料東

左忠貞公劄藁

卷十

四

草果否足支問之鹽菜行坐會否有備本色宜多軍需難待諸如此類皆計部所當蚤夜持籌寧先事而圖毋臨期而束手者也臣以言爲責凡事從國家起見知者寧敢不言而軍儲尤職掌所在故先言之臣謂預儲宜先以濟急需者此也臣前所陳二事早圖行之則國家大計即在農夫禾稼之中後所言計部區畫早爲預謀則緩急有需庶免仰屋之歎乞皇上嚴敕該部應覆者速覆應行者速行豈不可失悞則何及臣謹披瀝上陳不勝激

切待命之至

崇禎十二年七月十五日疏上九月十一日奉

旨該部知道

失事者已伏其辜死事者所當亟卹以勵人

心尤望申飭行間軍法以肅士氣疏

竊惟人臣事君易稱匪躬殉社稷者春秋正之故爲社稷而死者皆忠之屬也皇上赫然行法失事者俱各伏罪而自去歲○入凡有社稷之責搜城血戰力竭而死者何可勝計雖其間不無察核未

左忠貞公劄藁

卷十一

五

著尙待確研而如有蹤迹已明身膏血刃其事著經撫按察確到部者似宜將最著且烈者先贈之卹之使天下人知死事臣與失事伏辜諸人同殞軀而榮辱分焉死有重於泰山忠死之謂矣又或有陣沒壯士守貞婦女搜鋒陣○烈而死者似亦當不論貧賤令撫按察其本末確者旌之臣知皇上風勵人心務尙忠義不忘此遇難盡節之人稍遲者竢俱確行之光大其舉而臣謂乘皇上行法之肯與表揚忠義之肯竝舉先其確者徐察其未

確者使天下曉然知盡力朝廷雖死猶榮一悞封疆死有餘辱有益國家豈其小哉彼死事之人已成白骨後世之名彼亦何知而臣諄諄陳之誠謂足以生激勸而堅志氣也伏乞皇上敕部蚤該施行臣又以行間軍法言者則前此封疆文臣失事將不用命也武臣失事卒不用命也向來行間御將驅卒軍法全無古有遣人陷陣不能還者斬之又取民一笠者斬之今兵豈止不能而還且介馬逃所在淫掠豈止一笠而不聞行法猶日前代

左忠貞公劄藁

卷一

六

事先臣沐英討緬合戰大勝賊死戰左師少却英登高望之命左右取帥之首來帥遙見一人拔刀飛騎而下麾衆復前賊衆大敗此我太祖高皇帝嘗法也兩軍對壘倏勝而却倏却而勝勝敗呼吸所爭止此所謂機也前此封疆諸人悠悠從事以致將士跋扈不用命一敗而身就法戮亦何愚哉臣尤望皇上敕部飭行間文武臣急講軍法封疆之幸實諸臣幸也臣不勝激切瀝陳之至

崇禎十二年八月二十日疏上二十三日奉旨

該部知道

微臣遵旨回奏竝陳催餉抵京日期及交單緣由以祈聖鑒疏

臣於本月初一日行朝賀禮畢退至垣中辦事見吏科都給事中阮震亨題爲遵旨回奏事奉聖旨阮震亨職任掌科何得踵襲前弊祇以陸續送單開報塞責這回奏殊屬諉飾著議處仍速遵旨嚴覈以肅計典葉高標洪恩炤左懋第尹洗張淳何未交單也著自行回奏該部院知道欽此臣聞命

左忠貞公劄藁

卷一

七

之際不勝悚惕臣數載外吏蒙聖恩拔之諫垣以素自砥礪者因而律人獎廉惡貪是臣本懷發奸懲污實臣衙門職事而至煩天語之詰真愧惶無地矣但臣抵京日期與交單緣由有不敢不陳於皇上之前者臣自十月十四日奉命催餉十二月十三日奉刻期督押之旨臣遵旨晝夜押催十八日抵臣寓所十九日陛見二十三日輪臣守科臣入科尙未發抄卽以訪單二紙交首垣科臣阮震亨臣抵京足未及停已報二人臣初到進科之日

卽爲親自交單之日未嘗敢頃刻誤也至二十四日奉嚴行開報之旨首垣科臣約以三日內各報一人臣同官皆各報一人而臣三日內又報二人是臣抵京止九日而報四人且四次之中而有一科甲方面一科甲有司矣其單俱在吏科可按也當首垣科臣回奏之昔或恐臣方自外來不能多報而臣九日內開報之單實與諸臣三月內開報之單爲數相仿卽首垣科臣亦亟稱其當矣竊念臣受命飲冰凡事惟期敏慎不避勞怨卽催餉之

左忠貞公剩葉

卷一

八

役臣失輶有糾屢報有數不分晝夜於六十日之中催餉三百二十餘萬而懲貪黜蠹有關澄敘大典正臣言官罄心盡職之昔而敢漫爲從事哉謹具實回奏乞皇上察臣催餉方回九日之中已交四單之中有兩甲科原非敢悞聖明俯賜鑒宥然恩自皇上非微臣所敢必也臣無任悚息待命之至

崇禎十三年正月初二日疏上初六日奉旨知道
道了左
姑免究該部知道

微臣目擊民生之艱深切飢民爲盜之慮敬陳弭盜救荒之議以祈聖明採擇以固人心以鞏盛治疏

竊惟流寇禍莫七省始木逃兵倡亂飢民附之十數年間鴟張至此自臣奉命催餉初出畿南盜賊滿路臣竊憂之阜交失事皇上敕部議設防兵嚴責成盜少息則弭盜誠貴得其術也臣目擊畿南至山左大約民生憔悴口踈復值早荒麥種未安春夏無望得食之期尙在秋成人心皇皇莫必其

左忠貞公剩葉

卷一

九

命流移啼號道路忍飢以待溝壑者選選有之賈犢買劍而棄耒耨竿者亦所必至矣不弭之則亂生不救之則弭之終不能止臣先以弭盜之議進曰嚴竊盜夫盜之熾也督撫難之初起有司事耳飢寒切身偶爲小盜易起人憐不知一人竊盜聚至十人則劫賊十人劫賊至百人則流寇千人則不可收拾矣乞救下各撫按凡遇荒處令有司獲竊盜皆加重治非刻也百姓當愛盜害百姓者何愛焉且使知爲盜之必死靜以守飢亂源止而

後賑可施也曰責申報夫盜多者起於捕盜役卽盜淵藪而欺有司有司庇捕盜役且自匿過而欺府道撫按有盜交相匿安得不多乎乞敕各撫按令府州縣各令練總捕官勤率兵役巡緝如境內有響馬劫賊不論失事大小印官卽以練捕失事之狀通詳道府撫按勒限緝之能獲則已不則捕官戒飭練總令該道以軍法細責勒限緝之不獲印官戴罪如印官不報別有訪問或失主告發印官以不職論如有盜殺人及失事重大羣盜劫聚

左忠貞公刺藁

卷一

十一

而撫按不參印官以其狀問者匿盜之過不在有司而在撫按矣及交以彈盜爲本而盜可弭也臣又有說者各省府治設有營兵如某州縣盜多或結聚難散非有司力可辦則道率該營將移駐其地解散剿捕期於無事而止如因循悞事至於決裂道及營將皆以不職論庶州縣申報爲有益而道將以各州縣之盜爲任內事矣如此而盜賊不息臣不信也乞聖上明採焉救荒之議另爲二疏以聞

✓ 敬陳救荒之議疏

臣言弭盜矣又以救荒進者堯舜之治不離教養而百姓窮極甚至不畏刑法不有以救之而彼且曰上不我憐也但法繩我飢且死安能守法羣相鬱鬱易爲亂矣周禮以荒政十二聚萬民者聚饑饉民使不離散也而目前宜行者曰散利曰除盜賊夫除盜賊卽臣弭盜說矣散利者將使捐助所捐幾何卽聖恩發賑可使霑浩蕩而非可常繼况今畿南山左皆有荒形豫浙江右又各災告各省

左忠貞公刺藁

卷一

十一

未報恐尙多也救荒無奇真可憂思因思臣令秦昔曾遇大荒無可奈何中設爲各里賑各里之法謹陳愚慮乞聖明採焉曰審各里審飢之法州縣里有其長十甲亦各有長甲中各戶各有戶長以綱領役賦而飢民因此可知其數官示飢民具狀各書里甲而官散各里長里散各甲甲散各戶長戶長於戶內擇一人爲首有鄉紳則鄉紳爲之或貢監生員則擇其公平者無則擇其長有德會爲耆約者報官定之爲首者約某所集木戶飢民

審之極貧次貧待賑不待賑固難逃本戶之推敲
矣審明者簿送官印鈐然後爲首者公議而本戶
某某出或錢或粟米若干不拘多少積以成之貧
者本戶知之其富者差等分數亦不待稱量可知
也數定以簿送官印鈐銀錢粟米爲首者收之賑
事可舉矣曰各里散賑之法戶長審定貧民約某
昔至廠賑或散錢或散米或煮粥咸聽其便但貧
民散處未便進來而首者勞苦不堪或難日至守
候愆期必致顛踣任非其人侵剋叢生兼飢民聚

左忠貞公剩葉

卷一

主

食自日達夜皆有可慮而爲散錢米之法銀則令
易錢與米約某昔至廠一日卽散十日如散錢人
日十文則與百文如散米人日五合則與五升如
初一日散則約十一日再散直至停止爲首者不
許失信而人食其實矣如朝廷發賑或撫按及州
縣設處者皆察簿分發如法散給分爲各戶合之
而貧民不得食者鮮也但敕令事完日各州縣將
散賑得法活人多者以各長報撫按具題旌賞勸
者衆矣

再陳救荒之議疏

臣道路間見流移之民有自南而北者亦有自北
而南者問其所之皆云就食而就食之地實無定
所又見其負擔推車扶老攜幼情勢倉猝必有棄
捐不爲之所多爲鬼錄念此逃散他鄉孰非皇上
赤子而忍不計其生耶臣有說焉曰官設廠賑貧
之法各里貧民有歸矣里甲中豈無獨戶單丁勞
瘁莫告卽非里甲中人又有乞食流民嗷嗷欲死
如臣所言者須獨戶單丁許控之官令本甲鉅戶

左忠貞公剩葉

卷一

主

收之附食里甲所必不能收與乞食流民莫歸者
官審之城外自爲廠請動預備倉賑之仍設處補
其不給一炤各里散錢米之法官爲首十日一散
而里甲外飢民可望生矣曰官收養嬰稚之法饑
歲人嫌口累嘗見大荒有棄嬰兒者旋棄旋逸不
可得其父母彼亦生命尤屬可憫能行成童者隨
民就食有嬰兒棄地者令地方抱送養濟院而官
發穀令院內老嫗粥飼之官昔親察焉嬰稚皆可
活也此二議臣令秦亦會行之竝前疏二議雖日

救荒實以止亂雖似煩衆實非迂難各戶雖有捐施並未賑漠不相關之人而適得睦族之美孟子人人親親長而天下平之說也官卽有捐請設處亦賑里甲不收之人而非有難周之衆則文王先窮民無告之說也綱舉目張簡易可行如里甲中有故生怨咨欲開攘奪之端者流民有竊取人物者皆係亂民許爲首者及地方舉官嚴治之如臣所言弭盜之法自此民有得食之樂各無不靖之心散利與除盜賊二政首尾並行不至相悖餘

左忠貞公剩藁

卷一

高

荒政次第可舉歲不爲災盜賊止息端自聖明致之矣乞皇上採擇如臣三疏所言不謬乞敕部察天下大荒饑處卽日具覆責令該撫按嚴行府州縣行之能行活人多者以卓異舉不能行與行之不善者皆以不職論州縣不能止盜賑饑不必別言循良矣道府推官不能令州縣止盜賑饑不必別言察吏安民以副皇上任使矣乞聖明蚤賜施行天下生民幸甚

崇禎十三年正月十日三疏並上奉旨該部

知道

遵旨按季摘參疏

臣六月二十八日至垣辦事七月初一日接注銷事臣以作令稽察縣吏之法程部中諸司吏期以五日集吏注銷限以額不及額者懲之雖足額矣察其應覆不覆應催不催者懲之法之所在吏弊生焉隨有不宜注銷而請注銷者矣察其愚則懲之又有不應請注銷而移文請注銷者矣察其欺則嚴懲之程至三月完者種種未完亦復多有而

左忠貞公剩藁

卷一

五

季參之期至矣臣竊惟洪範八政莫先於食周官九府濟用以貨自古及今金粟流通仰裨國用所以關本末之計操邊腹之急者何如其重而堪此泄泄耶臣謹摘其事之大且久者三十四件伏乞救下議罰仍立限嚴催而國計有濟矣臣因注銷一事見其中非某處兵荒加額難完則某處參罰開復有待而歎昔艱計誦勞我至尊歷來言財利之臣不及古人甚遠也漢家貴粟實出賈鼂世之儒者羞稱桑孔臣嘗閱漢書孔僅桑弘羊之言利

也其所謂民不益賦而天下用饒者太約困商原非加賦而猶能設法令民入粟使太倉甘泉倉滿而邊餘穀夫商亦民也困商尚非王道所稱至今議者謂耗漢家元氣歸咎桑孔而况困民不已豈生財大道乎臣所總總爲民生更爲國計慮臣前有貴粟宜講一疏已經部覆奉明旨如議申飭行更望司計者推廣此意設誠踐行行之久而常平倉可舉邊腹皆有常平倉而粟紅貫朽之治可計日至臣非虛說也臣嘗見各科臣摘參疏皆附陳

左忠貞公剩葉

卷一

共

一議因敢并及之乞聖明採焉臣無任悚息待命之至

崇禎十三年十月十六日疏上十九日奉旨這季參未完內動稱屢催改限及過限仍舊不結各該撫按俱屬玩泄卽著該部照限嚴催分別難易遠近參來罰治

附奏疏軼篇目錄

明史引五

十四年督催漕運道中馳疏言臣自靜海抵臨清見人民飢死者三疫死者三爲盜者四米石銀二十四兩人死取以食惟聖明垂念又言臣自魚臺至南陽流寇殺戮村市爲墟其他飢疫死者屍積水涯河爲不流賑救安可速

已又陳安民息盜之策請核荒田察逋戶予以

左忠貞公剩葉

卷一

七

有生之樂鼓其耕種之心

又言臣去冬抵宿遷見督漕臣史可法言山東米石銀二十兩而河南迺至百五十兩漕儲多通朝議不收折色需本色今淮鳳間麥大熟如收兩地折色易麥轉輸豈不大利昔劉宴有轉易之法今歲河北大稔山東東兗二郡亦有收誠出內帑二三十萬分發所司及昔收糴於國計便

福王立 議遣使 懋第言臣此行致祭先帝

后梓宮訪東宮二王蹤迹臣既充使臣勢不能兼理封疆且絡愉臣所劾罷不當復與臣共事必用臣經理則乞命弘範同絡愉出使而假臣一旅偕山東撫臣收拾山東以待不敢復言北行如用臣與弘範北行則去臣經理但銜命而遣而罷絡愉勿遣

明史藁 引八

尋言陛下屢沛德音而四方死者猶枕藉盜賊猶載塗絲蠲停者止一二存畱之賦有司迫考

左忠貞公刺藁

卷一

六

成催徵未敢緩是以無救於凶荒也請於極荒州縣下詔速停竝令有司息訟專以救荒爲務庶殘黎小補

十四年三月洛陽襄陽皆陷懋第極論楊嗣昌罪曰賊之披猖繇嗣昌薦熊文所致文燦既辟嗣昌當竝坐

尋又言臣有事河干一載每進父老詢疾苦率言練餉之害夫三年來農怨於野商歎於塗如此重派所練何兵今在何所勦賊禦邊其效安

在四海萬姓之膏血既不登諸天府又未養及健兒空使衆心瓦解一至此極陛下猶不動念乎

是皆因會推事下吏部尙書李日宣等於獄懋第極論讒言不可信請帝保全善類

再疏言紅本有當密有不當密者自十一年樞臣楊嗣昌欲蒙塞耳目是以密封最多沿弊已久不可不改

尋因考選薦故給事中姚思孝何楷李化龍張

左忠貞公刺藁

卷一

九

作輯御史成勇李模詹爾選林蘭友李右讜編修楊廷麟部郎葉廷秀

其冬京師被兵劾督師范志完順天巡撫潘永圖永平巡撫馬成名防禦疎忽

十六年秋出察江防劾南京大教場提督孫尙進貪橫

春明夢餘錄 引二

靈濟宮在皇城西祀玉關金關二真人 凡遇大禮朝臣先習儀於朝天宮宮燬迺習儀於此

崇禎十五年科臣左懋第疏言二真人迺畔臣之子不宜受朝臣拜跪請以帳幕隔之報可崇禎十五年刑科都給事中孫某劾憲臣疏略曰原任副都御史今陞侍郎宋之普一案科臣袁愷據實入告皇上不卽置之於理因科臣左懋第黃雲師尙未奏明今兩臣之疏俱下臣垣云云

沈黃門遺集 引一

附陳六宜疏本月二十一日未肯辦事科中恭

左忠貞公刺囊

卷一

辛

接御前新發紅本二本內看係同官楊鎮原左懋第條奏劾賊事理當卽封固送部訖云云

敬亭集 附載三

糾馬全疏當熹廟之朝崔魏作亂睨神器臣常恨草茅下土無絲伏劍斬賊臣頭
何幸聖明離炤除戮已盡今逆輔馮銓耽耽思逞臣不願五虎五彪再見今日也
劾劉澤清疏臣伏見劉超懷逆於汝洛口口悖節於塞城以聖主當陽之日不宜有此山東總兵劉澤清結連徒衆深居營窟縱輔大盜悉其爪牙親屬睚眦遭其屠刃臣恐羽翼已成而禍變不測也宜降尺一令其裁抑
北使密奏疏臣奉命北行疏就奉救書圖報稱何意身羈北廷區區之身生死不

足計惟陛下不振神武收復舊京臣犬馬不勝大願
右奏疏一十九篇家塾已無存藁觀諸書
縷人君子郵寄垂示俾得合爲完書沒存
均感

左忠貞公刺囊

卷一

三

家塾藏藁 卷一

恭述微臣奉使不屆疏 臣等自濟寧九月初四

聞即馳行而北次德州即卸有使臣所過
有司不必敬他來京朝見等語臣聞之不勝
髮指與同使臣商曰我等天朝大臣奉命謁
山陵諸大事而敢及酬

云我使不至屈膝即是不辱命全天朝體奉
有會議畫一名對僉同便著文武臣星馳前
去之旨矣臣前抵淮疏中有禮節辭氣屈則
辱臣不肯屈而以死許國此正禮節在也豈
敢忽哉次河西務即差都司王廷翰生員王
言等先以帟與內院商御書入城之禮並
示以金幣數臣等駐張家灣待之迺其應語
王以書與其內院折之以禮大約云御書入

左忠貞公剩藁

卷一

三

城使臣相見皆有體且令廷翰等語之曰不
以禮接御書必不入城臣隨將此情並一切
情形小字固緘付輜輔臣馬士英差官李長
青等攜寄樞輔臣又以一紙寄部閣臣史可
法料俱轉奏矣

又奇庫來迎臣等隨於十一月十一日晚有
二道選官擇捧同又奇庫前選而臣等隨即
入城鴻臚寺署中遇御書入城而臣等不肯
同齋而入差官復齋入公署以待其迎而十
三日早有其禮部官四人至徑索御書欲先
拆看其言甚不禮部官折之曰此御書應達爾
攝政王即不然亦自內院轉達無到禮部之
理口官再三不肯臣等又折之曰即係禮部
轉達亦我差官捧持爾等迎至禮部即同齋
爾攝政王處口官又不肯必欲御刻力索甚
至語云凡各國進貢文書必欲御刻力索甚
方入臣等怒折之曰此迺大明皇帝御書不

此各國係酬答禮物爾等何得謾語臣知其
意在褻越但語之曰無爾等折看理內院之
去午後有剛那把什者又名剛林其內院諸
首也口服佩刀而地坐於其左一通使姓常立於
旁剛那把什盛氣雄坐以待臣等三人同出
通使謾指臣等令坐於其右臣等折之曰我
們從不地下坐大聲呼椅遂以三椅與對坐
口仍謾語皆折之坐不為動剛那把什令通
使問皇上登極之絲臣等以國不可一日無
主臣民共擁戴為天子應之又問先帝遇難
江南無一兵相加臣等答以聞寇北犯江南
即整兵勤王而北京忽陷新主登極即與兵
殺賊報仇聞爾們已驅賊去為先帝發喪是
好處特來酬答並約鞏賊應之且以不受御
書告之通使又云只因說是所以不受臣等
設語要發兵等語臣等答以我以好來如何

左忠貞公剩藁

卷一

三

講兵折之 臣等又折之曰原以好來如
何只說兵備們不要小朕我江南通使厲聲
問曰江南不責臣等不救先帝臣亦厲聲應之
曰我語也又責臣等不救先帝臣亦厲聲應之
獻遠在湖廣應之語雖多臣等應之不肯過激以
傷酬好之意然斷不肯以一語屈抑以辱天
朝之體疏中不能悉陳大約皆折之無詞剛
那把什遂率請口而去此十二日入舊都十
三日口官至公署之情形也十四日辰刻通
使復同數口官至云其戶禮工部也臣等先
將椅撤去口官皆席地坐臣等皆席地坐問
其來意通使云來收解的錢糧臣等折之曰
大明皇帝禮物酬你王的俱已帶來如何是
解有御書並禮物單你們來看既帶來如何是
你們收的通使云這是該收的銀錢洪範將
先到銀二千六百匹金一千兩銀十萬兩各

列於前○官摩娑蟒緞稱允金銀
 欽賞吳三桂銀幣一竝索去率各
 金幣戴而去也十五日辰刻通使
 官至點放馬贏發外飼養臣等語
 將禮物收去御書尚未受應以禮
 要謁祖陵哭先帝通使皆慢應而
 邦把什去後臣等復具一字與其
 以皇上登極之緣天與人歸之詳
 竝以曲直勝負之理折其人出及
 謀而守署諸臣等恐縣聖慮遂將
 持去亦不應臣等必不肯辱命之
 節竝臣等以死力爭必不肯辱命
 大略竝將已投○二葉未投一葉
 鎮臣陳洪範差其車姓守備諭垣
 史可法馬士英料亦供轉奏矣自
 與其○王之字守門○官終不肯
 容臣等出赴陵而惟口傳語入署
 或云須

要朝見者臣等即應之日天朝使
 見之理見則一揖耳或云將與宴
 之日豈為飲食來我皇上御書未
 面日喫他宴或云送禮物者臣等
 們斷不受他禮物至則卻之耳或
 各官禮物者不日物皮則曰良馬
 人與貂襖則曰不伍兵亦給羊裘
 名以動之其中不無為所惑者臣
 監紀及將吏士而告之日我等受
 使於此而御書未受先帝山陵未
 禮物
 各官斷之以禮而中軍艾夫選等
 皆奮然作氣成有寧死不辱之語
 語曰作搖動千端恐無所不至欲
 以動臣等之心臣等復集各官而
 或稱欲作千古之人或稱願作田
 心齊一臣等復出示聽造言者斬
 而謀端適

息一日忽得鎮臣陳洪範標下副
 口報○發兵南行之信迺踰垣入
 自亦南行臣等復據其言為書付
 臣願疆臣立方叔召虎之勳而臣
 洪歸之節料亦轉奏矣至二十六
 十數○官同前通使至地坐而語
 一折之通使云天保佑我國臣開
 些好處來通使曰天保佑我國臣
 十七日剛把什復以同通使為言
 兵原不是好事原非得已臣等隨
 要相好同殺李寇有向不得已復
 以示之○皆不應而去隨有○兵
 等緣正陽門而出夾道皆○有
 皆驅令遠去

十一月月初四日行次滄州之南
 丁追至營後南面有官來講話不
 官至寓云行得慢了後邊兵至矣
 臣陳洪範前行而謂臣等文官不
 兵阻不肯行三臣俱在職寓臣等
 兵阻不肯行三臣俱在職寓臣等
 不應又語之曰行既要速同騎馬
 不與輜重在後臣等隨後同行亦
 不應而隨至鎮臣洪範寓催行臣
 臣已裝載倚馬將行矣○官馳入
 等復使人遣問之仍申前說而臣
 官不行而臣二人羈回也臣欲再
 遂揮淚別臣懋第臣語之曰我輩
 哭則○笑我快我此身已許國惟
 不願辱

行又有丁數十力促臣等回滄臣二人商
日此來也自分捐生報國而今以不屏被
始終一節所可自必艱辛困苦所不敢辭
少待以需朝議亦無不可但隨行將士錢糧
告匱多令歸去迺可支持於是威令隨鎮臣
歸而忠義所激皆灑泣不肯去勉強造其三
分之一官皆列馬路間嚴兵以俟臣等立
與路上責其非禮官曰暫入京俟陳總鎮
回日即可歸矣臣等道路之問與馬兼用出
燕之後恐報命太遲未嘗不乘輿而臣等
令速行鎮臣亦未嘗不乘輿而臣等至滄則
館之公署中盡收我兵弓器械歸之滄庫臣
等復兩從行將士之半於滄而攜參謀陳用
極監紀傅潘艾大選鄭國楨等北行沿途
丁晚住早行非復前之早住晚行矣臣等駐
滄署中皆聞其城外有一王領兵三千初

左忠貞公剩葉

卷一

美

五日早南行矣此後聞又有一千餘人迺天
津人戴髮而服者迷耳此外無南行之兵
也然則前李思萱之報亦非實情形也臣途
次差官語其官曰我等爲國盡忠原不怕
死若是要殺何必入城就此殺了罷官云
只是陳總鎮來便歸並無他意臣等十一月
十一日入城復館之鴻臚寺中官守其門
日其飲食有人出則令丁隨之而前遣
官無一人至者亦不復置一語至十九日有
禮部官至云其各官將習儀於鴻臚寺復
移臣等駐處於太醫院
臣等人進前一語屈指三月歸期杳然
此臣等十月二十七日日出舊都十
一月初四日被囑十一日復入至今之情形
也

字長絨小以昔人事煩問道地不得不然

左忠貞公剩葉

卷一

美

申文

公舉節孝申

竊炤天下士行不植始於節義之不明人心多澆始於根本之不立為世道人心風俗計未有急於節孝者也上臺儼然以此詢及下邑下邑幸甚韓處秦晉之衝寇擾攘者三年其間烈女烈婦烈男孝子職皆得借薦紳士民之稱說而言之如王小桂王黑女以十五歲兩女子小桂同其母高氏黑女同其祖母吉氏避賊高寨而寨為賊破高氏見

左忠貞公翽葉

卷一

天

其夫王慎之為賊射死也跳崖死小桂遂跳崖死吉氏跳崖死黑女亦跳崖死嗚呼取義成仁聖人所重造次顛沛賢者尤難小桂黑女雖唐奉天寶氏二女何以加焉而高氏吉氏均能以節倡其女即王慎亦烈士也如王欣王真心父子為賊殺也薛氏跳崖死王端心哀其父母與弟之死也遂投火死嗚呼父子夫婦兄弟節烈產於一家又何異耶不第此也自小桂以下十數人者皆一門也卑職詢其故老考其里居千谷里同土嶺村同避難

高寨同姓名族同蓋其死又同昔也何烈女烈婦

烈士孝子一門同昔而見九人耶果天之獨鍾抑忠孝節烈之氣有以相感耶此不第今昔所希亦自古以來所希觀此亟宜旌以垂風勵如生員劉皜然童生劉閻然以煢煢兩儒生廬墓而處賊至不避且賊相戒不入其塋曰此廬墓孝子也噫孝能感賊而其誠何如耶如程應第妻燕氏以孱弱婦人衛姑於鋒刃之下全身於強暴之徒賊感其孝舍之而去噫孝能全姑而竝以全身矣此亟宜

左忠貞公翽葉

卷一

天

竝旌以教天下孝此數人或芳魂寂寂零落於斷壁窮崖之下或剛腸耿耿糜爛於利鋒烈焰之餘或痛親之逝昔悲號於風雨之中或奉姑而處方如節於流離之際死者不求名於身後即生者亦何意於人知而薦紳著之公揭庠序列於公呈耆老稱其至確鄰里以為無疵此而不表之朝廷旌以異數將何以副上臺念風俗人心之至意而卑職亦何敢處教化之中而不為一揚挖哉皆所當炤例題旌以揚風化者也

均丈地畝中

崇禎八年九月奉檄清丈田地職隨於本年十月二十五日舉行遇寇侵境輒止至二月初一日先將均地格式刻板印發遍給各里人戶仍示令各里有地之人於地畔各立牌樞限日親丈單騎帶領書手四名鄉老四名簡省隨從人役預令各帶口糧履畝而行抽樞卽丈有差卽究不問其何人地也勞固任之怨亦不辭先令造冊冊交隨察旋令出首首到者不罪而首者紛紛又約添千畝餘

左忠貞公剩葉

卷一

手

矣一年之內除田禾在地三月至九月難以均丈二月一月十月始十二月止共四閱月遍歷河干見洪流浩浩夙我良田千戶縣鶉皆爲賠累則爲之腐心仰泣而不能止又入深山錦石門白馬灘香山香草坪等處馬不可行繼之以步見萬山嶽崎石不可耕韓土幾何山據其半又行濠水清水等川之畔知山下之水雖虐不及黃河而駛流迅急近之則崩濠清二水各有衝塌始知韓民之苦原以山多地少糧重包賠而河衝之苦不止近黃

河者爲然也沿黃河之民與濠清二水之地被衝者俱各旋繞泣訴而職仍將其所衝之數細加察核始知賠糧苦累韓城二十八里中二十五里多寡不同俱有衝塌前所報猶有未盡者又自十二月初七日起將二十八里書手各選其勤慎者錫之公署隨所察冊隨發令磨算職自十二月二十日四鄉丈完隨於十二月二十一日入公署夙夜對察至二月二十七日察算完除原額地外共均出餘地二千四百三十三畝八分七釐零該折中

左忠貞公剩葉

卷一

三

地糧一百二石八斗八合六抄八撮零而河衝之地共落河灘地賠糧一千五百三十一石七斗三升二合九勺三抄六撮零將以河衝地糧散之闕縣而此利則被害恐反有不均將以均出餘地公之闕縣而偏苦不得豁又何貴於均地因將均出糧一百二石八斗六合六抄八撮零於河衝地糧內每糧一石豁糧六升六合五勺四抄三撮零而一縣地糧俱炤舊額分毫未加而河衝賠糧得一百二石之開豁矣又察河灘衝地雖入沒河伯未

出而數窮必返或有灘出者許原賠糧之人承耕不許外人侵種又察審編舊例九則門船糧加丁而衝地賠糧多係烏有循此加丁又有深苦議將衝地數遇審編之期免不加丁庶後有種地之利矧俟河清而見有免丁之事以蘇喘息但區區下吏力所能者止此而沿河十八村之民賠糧一千四百二十八石九斗二升四合八勺六抄七撮六圭七粟之苦經數十年而未豁百計豁之而無術赤子顛運真堪流涕如上臺察嘉靖年間開豁之

左忠貞公剩藁

卷一

三

例代為題請開豁則上臺天地之仁韓民更生之會職願百叩籲請而非職所敢必者也伏乞上臺垂憫沿河民苦合無將均出餘糧一百二石零盡開豁河衝糧一縣額糧盡免額舊額遇本縣審編之期河衝糧盡免額糧加丁河灘地復出者不許他人侵種許令勒石遵行仍乞上臺加意窮黎將未豁盡之賠糧代請開豁實職借韓民共為控籲者也

左忠貞公剩藁卷之一

終

左忠貞公剩藁卷之二

六世從孫形九

申文

賊殺殘民幾盡危邑四野俱空雖保孤城禍甚殘破泣籲天慈比炤延慶事例准賜請蠲免以存子遺以留一綫生路申

竊炤殺賊滿天星以數千計自十一月二十八日侵韓城薛峯等村八隊闖將等賊又以數萬會合前賊於十二月初九日直闖縣城環圍至正月十

左忠貞公剩藁

卷二

一

三日始出境卑職前因節奉各上臺憲牌為城守事宜屢經申飭卑職先遵一一奉行賊未至而設備賊已至而嚴防城池修濬賊未能攻火器衝擊賊未敢近諸紳分門固守捐金犒士卑職與學衙各官生員兵民人等以死守城前後蒙發官兵斬獲賊級與募營兵禦賊失利情緣屢經塘報訖不敢再贅外獨是卑職與民效死保此孤城而不意賊因無柰城何遂肆毒於四鄉攻寨焚屋殺人至此極也賊於正月十三日出境卑職即於十四日

單騎親至四鄉察驗焚掠哀哀小民真有令人目不忍見耳不忍聞而口不能言者南則澗南蘇村陳村雙樓村東少西少周村等村房屋盡焚人民多殺而農器牛畜之類全無遺者南爲芝川鎮素修有城池南鄉之民有入其中者賊環圍芝川十數日或以千騎突衝或於雪夜暗襲卑職先委縣丞趙懋成在彼專守而芝川保全在芝川之人獲生而芝川以外不勝其慘矣又南爲呂莊白家莊郝莊趙清水高門西周馬莊城南等村俱被焚殺

左忠貞公薊藁

卷二

二

惟華薛寨賀隆寨堡僅存而雙樓寨陳村寨與民之藏窖洞者俱被攻陷焚殺甚衆矣東則相李村范村謝村漁村等村俱被焚殺惟相李堡寨僅得保全而寨外者俱不免矣至北鄉則慘更有不忍言者爲梗村董村周安帶村張村解家村各村薛曲雷莊謝莊白樊寺莊趙村等村俱被焚殺惟周原堡西河寨解家寨潘莊寨李村寨僅存而帶村寨則攻陷焚殺甚衆矣又北爲橋南村江李渚北村大峪口小峪口楊家嶺等村僅止橋南一寨樓

僅存而江李堡則被攻陷焚殺甚衆矣西則姚村土門薛峯西周王封等村俱被焚殺止有薛峯寨僅存而大相村堡寨則被攻陷焚殺甚衆矣賊恨城之不能攻而洩憤於四鄉凡寨堡無所不攻又恨寨堡之守而攻之者無所不至有攻陷者耄齒亦所不啻嗟哉天乎有一家數口止遺一二口者有一家數口無遺者有里中竟至絕甲者有婦人不辱而投崖自碎其首者有自刎死有殺其女而旋自刎死者有士人殺其妻與女而自刎死者有

左忠貞公薊藁

卷一

三

比屋如雲而無一椽不蔽風雨者有牛羊羣牧而今無一畜者卑職勘察之皆見瓦礫滿地一村之中至杳無居人間有有人者缺牆破屋藏匿婦女皆見賊之退或自城出或自寨出者皆不以人生爲樂哭聲斷續而士人百姓見卑職之來號哭相迎士人蓬跣身無完衣百姓束臂絡頭跣足捨地皆鋒鏑餘生山崖墮魄卑職聞哭聲而腸爲之斷與對泣而淚爲之乾嗟哉天乎人生至此真無以生爲矣卑職一一細察遍歷四鄉將殘暴屍骸俱

令收掩抄察被傷人數被焚房屋等項詳細造冊申報外竊念縣之所恃爲元氣人民也人民所恃以爲生者土地也今有土地而無人矣有人而無居無衣無食無牛種不能耕矣卽有一二耕者則一二素封家而不能耕者千萬矣國家賦稅取諸民也所以立功令而責成有司課民完稅者爲責夫可完而不能完者也今以韓之人民如此尙堪鞭朴使供賦稅乎卑職雖以下吏深知聖天子念斯民根本至計與上臺軫恤盛心卑職斷不敢爲

左忠貞公勅藁

卷二

四

一己功名妄行鞭朴卽使至不肖而急民使完此無居無衣無食之百姓能完乎非血肉俱盡頭搶地而死則急走險而爲盜耳夫韓自崇禎三年遭寇四五兩年未止六年遭荒七年大饑曾蒙上臺以秦地兵荒最甚題請列於兵荒次等停徵矣奉旨准以五分免參矣徵皇賑銀一千四百四十七兩四錢五分民賴以生矣八年又奉察勘兵荒之旨蠲免三分矣兼河衝賸糧民逃幾半屢詳申請奉文清丈以蘇民命八年一歲蝗蝻食盡秋禾兩

遭寇擾而十一月至正月流寇焚掠四鄉前後五十日孤城僅存民生幾盡此而尙不據實以告尙畏功令而迫民於催科既不能完賦稅而又有以傷國家之元氣卑職所不敢出也其何以副上臺愛民之心哉兼值奉檄文奉旨賑濟貧民卑職一面立廠設法賑濟貧民事完另報一面將被殺被焚數目分里分甲詳細造冊另行齎報先將本縣被寇之苦據卑職所見者具詳涕泣上告乞上臺垂念民瘼正在倒縣之際俯賜題請將卑縣殘破

左忠貞公勅藁

卷二

五

實情仰達天聽得昭延慶事例將六七八年拖欠錢糧盡行蠲免九年准與停徵庶休養二三年雖死者不可復生而存者不至逃亡殆盡則殘黎猶有生路殘邑不至邱墟矣前者延慶宜雒等處曾蒙聖恩而韓城雖隸腹裏實與宜雒接壤與諸邑不同情事迫切冒昧上陳特具詳請伏乞上臺裁酌題請施行

救荒申

奉欽差整飭潼關等處兵備兼分巡關內道陝西

按察司副使李憲牌將事仰縣官吏即察該縣災傷原足幾分飢民作何賑卹曾否煮粥曾否勸輸卽已曾煮粥給賑者今春又作何接濟一切省刑寬斂平糶與工弔死扶傷招流助墾荒政當汲汲蚤夜以圖之如倉庾原無儲蓄作何義勸或地方未被災沴可以存活者亦要明白申聞以便分別等第轉請文到十日內具報事關急務毋視泛常奉此又奉本府信牌蒙本道憲牌同前事奉此卷察先行本道憲票亦同前事奉此遵行聞又奉本

左忠貞公刺藁

卷二

六

府帖文據經歷司呈抄蒙巡撫陝西監察御史范案驗爲救濟飢民以安地方事仰縣官吏卽將該縣備賑倉穀碾米分發設立粥廠救濟飢民加意牧養勿致流離如無倉穀多方措處或有本院項下備賑穀石中請動支更多方勸諭等因備仰到縣奉此察得本院項下二分備賑穀止三石有零其本縣每年額積自理登報穀五百四十石除半糶濟遠及協濟同官縣金鎖關軍糧並節奉各上司明文動用外存者不多况兼節年兵荒之餘倉

庾空虛錙銖莫措閭閻踴躍貧富皆難輸納之令以爲先倡然後告於鄉紳勸諭小民其中好義喜捐者共募銀錢不一約共銀二百五十兩遍示鄉村被災貧民限定日期派鄉親審果係真正貧民給一印信小票陸續共審定三千五百二十九名自年前十二月二十三日起酌量地方遠近分爲八廠因思春荒米少欲煮粥而無米將欲易米與炊又慮貧民進返候食又恐飢民聚而不散皆屬

左忠貞公刺藁

卷二

七

不便因是斟酌別爲一法止議散錢每日給錢四文每十日卑職單騎詣廠親給一次計一人可得錢四十文一則省貧民日候之勞一則免貧民結聚不散之慮以錢買食聊可救生待停止之日造冊另報今奉前因爲炤竊思韓境山多源少地瘠民貧去歲夏秋大旱麥禾薄收秋雨不足麥苗未佈而三冬無雪春又不雨地皆焦土耕農縣未以待飢民數米而炊市價騰沸如珠玉有食糠與樹皮者有賣妻與子而不得從而棄之者卑職審問

之昔見其手指口而無聲足欲移而旋仆纍纍而
來皆無人色嗷嗷以告真不堪聞觀此光景恨不
割肌肉以啗之而又恐其或激而爲盜隔河有流
寇爲之招引鄰境有土賊可以烏合每一念及寒
心慄骨况韓爲連年大兵屯聚之所流寇蹂躪之
場河崩賸糧杆子手方滅四五年拖欠尙至五千
兩而六年未完亦浮於一萬卽些須災傷亦西北
比於宜維川而北慘於鄉寧河津矣况災荒已十
分乎民生日蹙真有旦夕莫支者矣飢民之數漸

左忠貞公剩業

卷二

八

增而措處不能勸賑又不多此昔已若縣馨春之
仲季何所接濟卑職躊躇無策止察得本縣預備
倉貯有一項登報紙贖穀二百七十六石四斗二
升八合二勺五抄外耗穀一石二斗七升一合二
勺五抄原係本府紙贖節報撫按兩院者又有本
縣節年積貯自理耗穀八十八石五斗四升本院
項下二分備賑穀三石九升六合三項似可動賑
或碾米煮粥或變錢給散但積在上臺卑職未敢
擅專相應申請合無乞將本院項下備賑穀三石

九升六合本府登報紙贖穀二百七十六石四斗
二升八合二勺五抄外耗穀一石二斗七升一合
二勺五抄竝本縣節年積貯自理耗穀八十八石
五斗四升八勺准令動賑庶下可以救貧民之生
而上亦不負上臺拳拳救民之仁念矣伏候詳示
施行

賑濟中

蒙欽差整飭潼關等處兵備兼分巡關內道陝西
按察司副使李憲牌近閱邸報見賑院梁題開前

左忠貞公剩業

卷二

九

事仰縣官吏卽將該縣地方某處曾經流寇又罹
旱荒某處止經流寇某處止罹旱荒某處流寇旱
荒兩未經罹審定被寇被災窮黎飢民姓名冊文
馳齋投道以便賑院入關之日卽行請賑庶民
早霑實惠奉此該本縣知縣左察得韓城縣處西
安之東北隅東北負河而西南西北皆崇山深峪
幾年來流寇肆掠延安宜維諸縣而卽掠於韓城
以韓與宜維聯透一山肆掠山西河鄉諸縣而卽
掠於韓城以韓與河鄉止一衣帶水此韓之名繫

西安而實與延之宜雜晉之河鄉等也。祭流寇自崇禎三年始，大寇王佐、卦、苗、梅等以千餘賊掠宜雜、繇山、峪中，直驅韓之城下，焚民間屋，殺人掠財，物不可算。繇是秦晉之賊越山而東，渡河而西，或糧盡而就食，或爲兵所迫，遂皆以韓境爲遁區焉。以山深而河易渡也，寇至則農廢，寇至則兵從，農廢則食用不足，兵從則餉所必需。三、四、五、年遂無息肩，日嗟嗟韓民生聚，幾何膏血，幾何而堪此兵寇之苦哉！然年猶未大荒也。此猶皆卑職抵任以

後詢其父老，察其疾苦，察之簿書，聞其如此。卑職抵任自五年十一月始，則見其冬無片雪，而山中杆子手賊七百餘盤據山中，日出殺人。卑職請於上臺以兵驅剿之，而山中始有農迹，云不耕其地已三年矣。又沃地東爲黃河所蓄，廣十里，從六十餘里。卑職親行河涘，其民皆指洪波杳沒間而泣，告曰：「此昔日之廬舍桑麻也，而今賠稅已六十年於茲矣。」六年春又少雨，遂無麥，夏稍雨，安秋稼，而八月降霜，穀盡死，遂無秋。又無雨，麥種未入地而

六年之歲荒矣，又冬無片雪，如五年冬，所以本年糧條拖欠至一萬餘兩。卑縣豈不知功令所在，下吏苛俸降級，皆係於此，而真有皮骨俱盡，鞭扑所不能施者，勢亦無如之何也。至七年而愈不忍言矣。春無雨，斗米銀至七錢，百姓皇皇，莫必其命，掘草根刮樹皮，而至於盡磨石爲麩，以充飢，而至於傷生間有刮死人以食者，而其飢餓不能待，須臾之情亦可槩見矣。流離之狀，慘死之情，種種難以盡述。卑縣自六年十二月奉上台明文，卽親詣各

鄉細審得飢民三千五百二十九名，自捐俸五十兩，又勸衙學各鄉紳士民共捐銀二百餘兩，分爲八廠，十日一散，每人給錢五文。賑之不足者，卑縣仍捐俸以給之。至二月初而不繼矣。又會議鄉紳設爲各里賑，各里之法，各里貧民卽各里紳士，並有行鄉耆審之，又得飢民五千二百名。各里紳士富民卽各捐貲，煇前給錢法。本里鄉耆主散，願煮粥者聽其本里無紳士，並貧累無富民者甚多，因請於上臺動倉中賑穀給之。其有里甲所不收或

係流移或係慣乞食於城市者又得三百一十一名則於城北門外另設一廠賑之而民稍延旦夕之命然溝壑枕藉道路啼號使人目不忍見而耳不忍聞者歷街市山谷踵相接也一邑戶口不啻以十餘萬計而富者不過十分之二三其餘皆飢民也所以七年稅糧卑縣從未開徵但有軍興之費皆卑縣借於鄉紳給之俟開徵補還豈不知國稅之急誠勢有所不能也四月得雨秋田稍安而五月間雨雹害之人心益復皇皇幸蒙題請災荒

左忠貞公刺董

卷二

主

皇上有浩蕩之仁又蒙檄諭審定飢民姓名造冊上報卑縣卽詣各鄉遍審各里飢民除前已經審定先賑共九千四百名先已分別極次惟刪去逃亡外而一聞朝廷德意來者如林卑縣審察之下見其老者扶杖少婦蒙羞弱稚哀號丁男枵腹纍纍而求皆無人色問其里戶之長中亦有有地稅應差徭之人皆云有地誰耕有子難賣旦夕就斃無奈來訴卑縣一聞其言墮淚如雨但因飢民太多而朝廷賑銀有限卽曉諭以人數太多略加裁

阻有靡之卽去者則亦已矣柰有一聞此言卽頭搶地者仰天呼者俱僵仆哀啼而不能去無柰應之而積三十二里之所收總計其極次遂又以五千餘計欲仍去之則先已應而不忍欺其愚欲報則數多而溢於額又蒙檄諭分別三項而韓城一則自三年被寇迄今未止自卑縣抵任後六年冬有寇至七年春三月有寇至夏五月有寇至雖旋至旋有驅驅而受其蹂躪甚矣又六年旱荒七年旱荒真所謂曾經流寇蹂躪而又罹旱荒者也無

左忠貞公刺董

卷二

主

可分別無柰就合前後所審飢民共分爲三項其有形若異物奄將就死者爲極貧得五千九百一十一名其有饗殮不給無以自延而較極稍差者爲次貧得三千一百一十七名其有面帶飢色焚莫莫控如所謂搶地呼天者爲又次貧得五千二百五十七名此三項者或爲殺戮之餘生或爲餓孳之遺子或爲各里所收養而延殘喘於今日或望賑銀之至而解倒縣於目前均在應賑之列擬合分別造冊齎報但恐人數太多賑不能遍伏

乞上臺垂念下邑兵荒連歲俯賜轉申或通賑或賑極次而量賑又次或止賑極次而減又次惟皇恩出上臺而卑縣與嗷嗷飢民共頌皇仁於無疆矣爲此合將前繇理合具申伏乞詳轉施行

賑濟申 其二

蒙欽差整飭潼關等處兵備兼分巡關內道陝西按察司副使李憲牌蒙賑院梁題前事等因備仰到縣奉此遵將審定飢民造報間據本縣貧生蘇億兆等連名呈爲推廣皇恩俯賜優恤事生等

左忠貞公勅葉

卷二

古

家徒壁立疊蒙賑濟高厚之德覆載靡涯近聞我皇上軫恤肯艱發帑救急誠一昔之曠典也伏思民爲邦本固當撫摩其顛連士迺國楨尤宜亟恤其疾苦爲此懇祈推廣皇恩俯賜優恤分千樹一葉之蔭令士民共荷光天滅四海半滴之泉俾庶均霑化雨等情到縣卑職初拒之曰朝廷賑恤原爲朝夕不保之民士似可已而諸生擁門啼泣嗷嗷不止卑職見其衣不蔽體面有飢容其飢餓之狀真不減於民而察其人數又皆卑職夙常賑

濟者也仍恐未確又同教官袁濟世等而加審定果係貧生雖爲無恒產有恒心之士而實皆朝不食夕不食之人似應與民同仁量加賑濟者也但恐朝廷原無賑士之條而又不能禁其向隅之請無柰飢民另造冊外將貧生分別極次造冊齎報伏乞垂念或賜轉申賑院同賑緣係賑濟事理卑職未敢擅專伏乞詳轉施行

賑濟申 其三

蒙欽差整飭潼關等處兵備兼分巡關內道陝西

左忠貞公勅葉

卷二

圭

按察司副使李憲牌蒙欽賑陝西監察御史梁憲牌前事仰縣官吏察炤憲牌內事理單開極次貧民貧生數目炤依本院法定皇賑捐輸各銀數給散或中有病故逃亡者扣除仍將賑完花名及有無剩銀各另造冊限三日內呈馳報道蒙此又蒙本道憲牌爲秦饑望賑等事蒙本院憲牌前事仰縣官吏文到卽將原發皇賑銀兩除次貧俱賑折色其極

貧力不能自糴者不妨酌行於粟錢鄰封州縣收買或於本處公糴務各帑市價見行斗頭極貧賑以麥米如貧者不願麥米願領銀錢者聽從其便就中分折用過賑銀若干糴米若干賑過極貧若干一面造冊不拘多寡明白聲說並賑過折色若干一併冊報本道以憑轉報蒙此卷察先蒙本道憲票蒙本院憲票仰縣官吏文到察帑後開款項著實舉行限三日內酌議妥確一面詳院定奪一面詳知會救諭凜凜各毋泄泄蒙此卑職將所議

左忠貞公剩藁

卷二

去

折色事理具詳本院定奪蒙批本色不必遠糴庶省脚費間有極貧中力不能自糴者卽就近糴賑一二可也既折色稱便具依擬行繳蒙此該本縣知縣左察得自冬迄今皆散賑若仍如常散給恐愚民不知聖恩適造爲散賑儀注曰方今財用匱乏聖上不惜內帑差賑院三千里來賑貧乏縣官至散賑公所設香案先率官吏生員鄉耆各穿本等服色凡在事者俱列班貧民隨後望闕行五拜三叩首禮謝恩謝畢集貧民於廠按冊唱給事

畢謝恩如前儀呼萬歲者三仍諭之曰爾等百姓一飢一寒聖天子皆加軫念自今孝親務農去惡向善勿復爲非共爲堯舜之民同享太平之福衆皆應聲迺散帑依儀注因將三十二里分爲七廠集飢民於廠卑縣親詣散給見老稚跛癯纍纍而來帑簿唱名親手給與謝恩之際歡聲如雷有感至泣下者自七月二十六日起昔方苦旱二十七日雨二十九日又大雨皆聖恩浩蕩所及也散至八月初四日卽將二牌發來賑銀共一千四百三

左忠貞公剩藁

卷二

七

十七兩四錢五分帑依本院法定銀數共飢民一萬四千二百九十五名每名給銀一錢極貧生員一十八名每名給銀二錢次貧生員二十九名每名給銀一錢五分帑數封完散訖共給散過飢民一萬三千七百五十三名極貧生員一十八名次貧生員二十九名共用過銀一千三百八十三兩二錢五分內有病故逃亡飢民五百四十二名卽剩銀五十四兩二錢各另分別造冊擬合齋報伏乞帑詳施行

乞天均分不致偏苦申

據本縣民衛宗文呂承業等告稱閩縣學田地二十餘畝原賣人張汝隆李世岳耕種下剩十畝四分零輪流靠種節年租課互相推支告狀受害號天報恨著一罄家其累不淺哀將剩地均散三十里各隨見役派分承納庶不靠累等情又據李應聘告乞除世害事告稱三十六里輪流學田受害不淺聘租種北隅里學田沙地四畝一分二釐每年每畝出麥租六斗穀租一石又在木里戶內

左忠貞公剩業

卷一

太

每畝納糧並雜差共費銀二錢况鄰畔或鄉宦百姓每畝止出租銀八錢外無攬費乞將學田每畝明注銀數庶息世害致聘年年承種等情各具到縣據此卷察先行本府信牌為清察學租額數事蒙欽差提學道史憲牌前事等因備行到縣奉此卷察本縣自萬歷二十四年奉文發銀一百兩三十四年又奉文發銀一百兩陸續用價銀一百八十一兩一錢九分一釐八毫七絲五忽共買學田地二十一畝六釐六毫一絲八微召人承租佃

種今經數十年矣原召佃戶承種歷年辦納租課

不前從昔各縣令每年更換召人佃種此因連歲荒歉互相推靠致將膏腴之地皆作荒蕪辦租不起紛紛告苦該本縣知縣左看得學田之事其來舊矣初法未嘗不善但緣租種人不樂耕而相畛為傳舍地漸薄而漸覺種租之重矣或此里種罷推之別里或已租不完扳引他人甚至一人種地而納租者數十人詞訟紛紛拘繫累累日加鞭扑而租常不完卑縣細察其繇皆云租例雖上地不

左忠貞公剩業

卷二

尤

過二兩而稅銀不與焉茲納糧外麥穀太重強承種一年如脫重負故耕地常有不完之租而納租者常出於不耕地之人遂以為苦累甚矣卑職因思作養美事為何貽累於民而窮極則通法何可以不變莫若酌選日本色之數議成折色斟豐凶之中定以平數除選日已徵完麥穀仍候文炤昔價變價進日拖欠仍勒限嚴追外自七年起俱令辦納折色炤大糧例令倉吏經收佃戶自封投櫃能完學租者即令常常耕種庶辦納易而耕種久

納租者卽耕地之人而地不至荒蕪租不至逋負民不至苦累矣爲察奉文原買學田地二十一畝六釐六毫一絲八微察地厚薄不一議租多寡不同除各地內應納正項糧站與加派王糧違餉外原額議定夏租小麥共一十一石九斗九升三合七勺四抄五撮秋租粟穀二十二石七斗七升五合九勺一抄四撮七圭五粟節年在於佃戶名下比徵間今據前因合無乞將前議木色改爲折色照依原議每麥一斗量折納價銀一錢每穀一斗

左忠貞公剩藁

卷二

字

量折納價銀七分准從民便伏候明示至日召令佃種人戶承辦租銀庶不偏苦似覺兩便緣係改折條議事理或復別蒙定奪卑職未敢擅專爲此今將前繇理合具申伏乞 煇詳施行

告示

均地法則示

爲河水衝田太多民窮賠糧太苦等事奉木府帖文奉陝西布政司劄付蒙欽差巡撫陝西都察院右僉都御史甘批據本司呈蒙木院李憲票前事

仰縣官吏察煇帖文內事理該縣務要將地畝丈明妥確毋得致虧賦事完造具印截冊三本詳齎本府以憑覈轉施行奉此察得本縣自嘉靖四十年均糧後今七十年矣其間河崩沙壓及荒蕪新開與旱地修成水地者地有變遷糧無增減苦樂相縣何可勝數今奉上司明文清丈誠爾百姓賠糧者更生之會也本縣設誠力行與爾百姓除百年之害與百年之利爾百姓亦各宜矢公矢慎共出良心合力均丈務使地均糧輕今將均地法則

左忠貞公剩藁

卷二

字

開列於後爾等各宜遵行

- 一二十八里每里報公直鄉老二人精通書算手
- 一名每甲報公直戶首一名每戶每村莊報知地人一名丈手一名書算手一名示後三日各報到縣投遞認保狀內有不妥者重責保人各里甲有地多者每處加手一名任便
- 一各里各甲公直赴縣領式各煇式各造官尺二杆兩頭鐵包以防磨損造完交縣印烙發該戶均丈尺煇大門外刻式不如式者重責改造丈

昔兩尺對丈不用步弓

一每里公直鄉老督催各里公直分催各村莊書手人等各先將本處地用所領官尺烙後開分區法先行丈量一番逐段細均隨丈隨書務頃畝分釐覈算精確造魚鱗冊一本上造某村名或上地中地下地一段係或東西畝或南北畝長若干步濶若干步寫明四至類造一冊內有外里外甲外戶種地者即行寫明簿面寫共上地若干下地等各若干公直某人知地

左忠貞公剩業

卷二

圭

一 人丈手書手某人俱明書簿面造完限十日內交縣文到皆本縣即自按冊清丈內畝數等第有差毫釐者定將公直書手人等用頭號板重責四十頭號柳柳號地畔按律定罪

一 各村均丈畢造魚鱗冊完然後各甲公直戶首人等各甲造甲冊一本挨戶攢造一甲共地若干各分等第前寫面單糧總造冊人姓名交縣本縣親察有與各村魚鱗冊不對毫釐者定將公直書手人等用頭號板重責四十頭號柳柳

號地畔按律定罪

一均丈皆其法相地勢如平地不論寬狹或山或水或溝或道但以有隔者為止共為一大區于東西南北立四土堆四角立四土堆共八堆俱官尺高五尺區內合丈共丈地長若干步濶若干步區內有各人地用千字文編號挨次各寫木牌板高三尺寬五寸上書某號某里某戶某人某等地一段係某畝長若干步濶若干步四至某人插於地畔均畢大數等簿然後於簿內

左忠貞公剩業

卷二

圭

一 寫某人地若干以合大數至山中川地內地不能為大區者亦於四至立四土堆為一小區照大區一樣立牌板均丈惟止一段者但立牌板不必立區

一 公直領戶首丈手書手人等照法均丈中有強梁欺隱者許爾等舉首挨地鄰有欺不明者許地鄰揭出如地鄰能舉即以所舉之地鄰入冊永遠為業如不揭舉或查出或被他人揭出定將欺隱本人用頭號大板重責四十頭號柳柳

號地畔依律正罪地鄰并公直人等一體連坐
均丈等第流水地爲上地井澆地爲中地平原
地爲中地其中有沙石者爲下地山中水地爲
上地其中有平地肥者亦爲中地其薄者爲下
地其最薄者有沙石者爲下地惟內有山坡
崎嶇不堪行牛耕但用鋤修成地者亦照數均
丈但明書不係牛耕于薄以憑本縣親丈裁奪
宅地爲中地近上地者爲上地山中宅地近上
地者爲上地近中地者爲中地近下地者爲下

左忠貞公勅業 卷十一

吉

地城中宅地除官地廟宇官街外一體均丈各
街坊分造魚鱗如各村式至所均地土不論年
月近遠凡耕開者俱算熟地凡未耕開者即係
荒蕪凡荒蕪及河衝地俱照地數上冊寫明荒
蕪河衝字樣註簿報本縣以候親丈定奪如有
以未荒作荒未衝作衝以上作中以中作下等
弊並荒蕪河衝徑不上冊者查出定將地主與
丈地人等用頭號板重責四十頭號枷枷號一
月如律定罪

一凡墳地係其祖父久遠之所俱丈入承數不許
遺分釐凡種樹葦地爲典利之藪擇其有樹葦
處丈入承糧數近何等地即納何地糧凡山塲
炭窯原有糧者照舊數承糧俱不許隱漏惟廟
宇不必入糧官道丈至道邊小道丈至心水渠
即丈入渠不許隱漏
一本縣北鄰宜川西鄰雒川南鄰郿陽澄城界各
該里公直先于交界會通別縣人民先立界石
以分疆界以省混淆

左忠貞公勅業 卷十二

吉

一各里自行均丈完即陸續交簿本縣隨即逐畝
均丈不憚數月之勞爲爾清查地畝有差錯者
即照前示重懲外即行改正通丈完仍令四鄉
互丈或委山名鄉重均沃壤或委梁夏鄉重均
德津二十八里互相復丈三番均丈有弊萬無
能遁之理但有毫釐差錯定將公直戶首丈手
書手人等照前法重懲決不食言 謹案韓城縣
志王封等九
里居邑西北隅眉日開皆山故曰山窺鄉窺者
眉目之間也俗書誤以觀爲名范村等九里迤
邐濠水之東轉蓮芝水而西二水間溉故曰沃
壤鄉高門等九里皆西仰梁山故曰梁下鄉俗

誤以下爲夏又少梁古以名邑今以名里俗亦
誤以梁爲良白磬等九里北戴龍門東霑河潤
故曰德津鄉四鄉應是三十六里故云二十八
想特就均丈所及者言之耳壬子秋日從六世
孫彤九注

三番均丈完仍許彼此互揭不論鄉紳士民但
有言某里某甲某村某戶地有隱漏或等第不
明者丈地人受賄及強梁不公者本縣不厭煩
瑣即向所言之地細行均丈但有差錯定將地
主及先丈人役並復丈人役照前法各處以極
刑仍將地改正依律定罪決不食言

左忠貞公刺藁

卷十一

美

以上諸款皆係均丈要着關係一縣百年利害本
縣不避勞怨專精力行言在必信法在必行斷
不肯爲一縣除害而復貽害爲一縣興利而使
有毫髮之不利各宜遵行勿貽後悔凡有隨嘗
應示者聽另示遵行

崇禎八年十月二十五日刊示

清丈地畝示

照得清丈一事原爲除百姓之害恐愚民無知中
有差錯隱漏許於本縣未查之先各人先將錯悞

者自行出首本縣親查查出分毫差錯隱漏定
依前示重行懲治已經出示外示後見投首者紛
紛姑再爲汝寬限幾日應揭者揭手速揭應首者
本人速投首今將本縣親查日期并禁約開後各
鄉公直人等並地主務照期在地畔伺候各於地
內插立牌樑聽本縣按魚鱗冊親自查丈但有地
內無人並無牌樑者即係奸民定行拿責枷號但
查出毫釐差錯定行將公直揭手人等一體重責
枷號不貸

左忠貞公刺藁

卷十二

美

一自某日起至某日止查南鄉一帶地自某日起
某日止查東鄉一帶地自某日起至某日止查
西鄉一帶地自某日起某日止查北鄉一帶地
自某日起至某日止
一查畢有未到地方另示期親丈
一查皆查有某村莊未交魚鱗冊即拿該地方並
公直人等以重刑懲治
一本縣隨帶丈地鄉老書算人役皆不預定於臨
丈之日方行帶丈臨丈之皆本縣親自驗丈尺

必親驗界必親畫尺行本縣即行尺止本縣即止丈算俱本縣親裁有地之人不得妄聽人索騙犯者一體重究

一 本縣丈地之日止乘單騎任意隨到抽丈原無定所不許地方搭棚結綵伺候以滋煩擾本縣自有隨帶飲食及茶所到之處不許備飯獻茶即紳士亦絕不領合先言之勿以本縣為臨貴拒絕也

一 本縣所到之處執牌人役但遇有投遞東帖並

左忠貞公剩業

卷二

天

送飯邀茶者執牌人役先行驅逐遠避如有縱容近前者責究

一 隨清丈人役裁減止帶數人各有本等工食各帶乾糧遇村鎮隨便買食敢需索人飯食者許被害人喊稟責究私以飯食與隨帶人役者即係打點丈地之人定行責究

崇禎十年二月二十六日刊

論二十八里百姓示

本縣清丈原奉上臺明文為爾縣除賠糧之害而

愚民遂乘此隱漏本縣察爾山首又容爾領冊改造可謂寬爾極矣但遵法供報者甚多而隱漏者尚不少本縣除查丈山隱漏者嚴加責懲外將爾縣各里各甲原額糧數俱已查明本縣一面丈地一面算糧查某甲糧比舊額多者此情弊少者也查某甲糧比舊額少則查此甲糧因何少地何往河衝之地必有坐落必有分畝本縣必查隱漏者為何地其地主為何人查明逐畝丈查不知爾隱漏者情安能隱罪安所逃水落石出情弊立見本

左忠貞公剩業

卷二

天

縣今已查明知某甲糧少必屬隱漏某甲糧雖多而尚有隱漏但尚不忍即陷於法特茲再示本縣自某日入察院覆磨冊籍某日止自某日起挨次查丈凡有隱漏毫釐者俱限某日以前投首冊籍一定查出糧少者惟聽查丈責治枷號再無容爾首地之理矣示後各宜自省勿待刑罰加身謂本縣教之不早也爾等細思自均丈以來某冊開載不明某領冊擅改地少者何嘗逃本縣之查勘而妄欲相欺耶思之思之特示

崇禎十年二月二十六日

嚴禁奢僭以輓風俗以息災沴示謹按此示原刻作一

帙頌曰以約書又名崇
儉書有自製序文弁首

本縣莅韓三年災祲皆見旱寇相尋靜自思惟豈
盡天數使然抑亦有以致之耶本縣自加修省外
見百姓奢僭之端亦有其漸相沿不止勢且繁多
濫氣僭風皆足致異本縣忝為令長難以坐視用
示相禁共惜物力安民志以迓天休務各遵行
禁奢諸款列後

左忠貞公勅書

卷二

三

婚禮

婚姻論財夷虜之道古人言之訪得百姓女家專
索厚聘及女長成厚粧奩以送之以至富者貧而
貧者不能嫁女因之生女則愁異日之費有棄之
不育者而皆始於厚聘一節嗚呼何民之愚而忍
也為此凡聘娶禮儀俱定為式示後如有女家強
索厚聘與男家強索粧奩及聘禮粧奩違式者許
鄉約鄰佑地方舉報究罪凡有生女不育渰死及
棄之者並舉報以無故殺子孫夫婦皆依律論罪

不舉者連坐女家原未索人厚聘則嫁女昔自不
須厚其粧奩生女無累何忍輕棄男家樂於得婦
原未費多聘自不責粧奩之厚薄矣女家男家各
宜遵行而倡率士民全望薦紳先生以儉朴為風
化之首故婚式首言之

一聘娶

宦家聘禮二十四兩金鏡一具金釵一對金環一
雙銀釧一雙幣四端縑十疋梭布十疋夏布十
疋綿布十疋紅花二十斤綿花四十斤迎婚大

左忠貞公勅書

卷二

三

衣服一身金簪二枝

士庶上者聘禮二十兩金鏡一具金釵一對金銀
一雙銀釧一雙幣四端縑十疋梭布十疋夏布
十疋綿布十疋紅花二十斤綿花四十斤迎婚
衣服一身不得用劄花粧花織金灑線補服等
衣簪二枝金銀隨便
士庶中者聘禮十二兩銀一對環一雙金銀隨便
幣二端縑六疋梭布六疋夏布六疋綿布六疋
紅花十斤綿花二十斤迎婚衣服有無隨便不

得用劄花粧花織金等衣銀簪二枝不得過二錢

士庶下者聘禮六兩或四兩二兩一兩宜減不宜增小銀釵一對小鏡一雙大不便者不用幣帛

布花有無隨便迎婚衣服借用或不用俱可外有尚義者惟求男女相宜不受聘禮絲毫尤為雅道能行者公舉旌以倡義風

以上願加厚者娶後陸續增製亦日用之常未娶之先不得違約過增聘禮啓靡端以倡眾

左忠貞公勸業

卷二

三

一 粧奩

宦家首飾金四兩以下銀二十四兩大衣服冬夏各一身四季衣服紗羅縐緞共八身布帛衣服多寡隨便鋪陳二十件櫃二具廂二架扁廂二具書廂二具床一張衣架盥具桌椅等合用器皿俱全

士庶上者首飾金三兩以下銀二十兩四季衣服紗羅細緞身不得用劄花粧花織金等衣布帛衣服多寡隨便鋪陳十六件櫃二具廂二架

扁廂二具書廂二具床一張衣架盥具桌椅等合用器皿俱全

士庶中者首飾金一兩以下銀六兩四季衣服紗羅細緞六身不得用劄花粧花織金等衣布帛衣服多寡隨便鋪陳十件櫃一具廂二架扁廂二具書廂一具床有無隨便衣架盥具桌椅等器皿俱全

士庶下者首飾金不得過一兩紗羅細緞按昔止用一身不便者不用亦可布帛衣服四身或二

左忠貞公勸業

卷二

三

身或隨身衣服亦可鋪陳四件或二件一件量力酌備廂一架或扁廂一具衣架盥具合用器皿有無隨便

以上願加厚者許嫁後陸續增製亦父女至情不得於嫁之昔違約過增粧奩啓靡端以倡眾至送粧奩之昔擺列街巷誇耀耳目最鄙可厭且起盜心宜痛革衣物各貯廂櫃於廳前左右房下至日送之甚雅

又添謝親一禮大費可厭難相沿不能驟革止用

羊果酒如葎俗謝儀二兩不得用首飾幣帛等項中主以下託媒送謝儀不能二兩者雖錢數百或別具微物亦可許親後止相拜

以上婚禮先已定爲式矣而矯奢之心至於太簡恐後有不能循者而輒益之則視以約一書爲可從可違之事而成罔之循因更定其式稍爲增益於崇約之初意不無稍加而確詳其事務使遵行要使其後爲無可加也則知以約諸式皆在必行者矣

左忠貞公薊藁

卷二

書

喪禮

君子不儉其親古人言之矣身是父母所生人子自致惟此一肯豈忍爲爾百姓言一儉字獨所當竭力者惟衣衾棺槨墳墓與哭泣之哀思墓之誠耳果爲此即竭產盡力吾豈汝禁訪得爾百姓家弔奠設席破孝等類種種妄費甚多其父母病嘗不自憂其病而憂其子之無所費人子遇喪不一味哀痛而反留心檢點諸費又一意辦諸妄費而反於衣衾棺槨墳墓之類不得十分盡力又甚至

左忠貞公薊藁

卷二

書

薦紳先生以儉明禮而教孝也

一欵客當禁初喪是何肯候人子與死何異有甚心情而暇備酒設餚親友相弔本縣本鄉一弔徑出十里以內者一茶十五里以外者一飯富家自備士庶之家一肯不能備飯者親房或族人或鄰里公分代備陪喪者欵之飯完即行弔也臨葬皆然酒席絕不可用既不以飲酒失弔者之意亦不以欵賓分孝子之哀而代喪家以飯待客且見親族鄰里和好之誼而喪往來喪

家後可以答之而孝子不論貧富皆得一意哀痛躃踊以成其孝而不以款客爲慮矣

一破孝宜節弔是常禮孝是凶服喪家何忍送凶服於不應服之人弔者何利爭凶服而守不應服之孝且弔者所以哀死也而弔者每人破孝布至四五尺甚至有爭布之多寡者是弔不爲哀死而專爲此布來耶妄費失禮莫過於此今後富家於族戚應服之人備孝帽孝布餘弔者一概禁絕貧者力不能辦凡族戚應服者自備

或嫌於不吉量助喪家聘儀以便備辦詩所謂凡民有喪匍匐救之也弔者一概不許破孝則弔者原爲哀死來而非爲布來也人子亦得一意哀痛躃踊以成其孝而不以破孝爲慮矣

一臨葬紙札人馬幢幡之類俱不得過二十件以省無益之費不如專致意於衣衾棺槨墳墓爲實際也

一臨葬設臺作戲扮隊搶紅雜耍等項孝子哀痛之皆何得有供人戲樂之情禮不云乎都有喪

春不相而親戚朋友亦何忍向喪家此一皆博耳目之快也致奠侑食乃孝子事死如事生之心止在靈前獻供肯間用戲亦可然不用爲禮之正

一親友致奠止用牲酒蒸食如生前交際之情且供喪家執事飲饌之資或折儀助喪家葬具龐雜之費皆各酌厚薄致之他如油盤蜜樓像生飛走之類俱屬無益亦不必用

一路祭但設香楮牲醴如生者祖餞之禮不許壯

麗棚幕陳列玩器爲無益之費

禁僭諸款列後

婚喪二大節省諸妄費已盡其大概矣而奢之不止皆始於僭亂上下之等無貴賤之分先越乎禮義因事於奢侈未有不僭而能去奢者也示後但有巾服屋舍日用諸事違禁者許鄉紳鄰佑地方舉報究罪男犯徑行責懲婦人詬責其夫家士民各守其應得之分而日趨於素朴矣各宜遵行

一方巾所以別士民而見各頂人俱亂戴之示後

方巾止許生員及有前程人戴武生有學校之名鄉約有教民之任並戴方巾而童生及幼稚戴片玉巾及凌雲等巾千把總官俱戴將巾凡術士等雜項人戴一字巾俱不許混戴方巾違者責究

一白丁衙役及各僕隸止穿青布衣至青屯絹而止不可擅穿紬緞紗羅不許登顏色鑲履違者責究

一婦人宦家戴九梁金線冠生員及有前程之家

左忠貞公判書

卷二

美

戴七梁金線冠庶民之家戴五梁黑線冠差役

僕隸及流民等婦戴黑髮髻

一婦人士庶之家不許着織金粧花灑線補服不許束銀帶僕隸之婦不許戴金銀珠玉首飾不許着細緞紗羅等服止穿梭布夏布盡矣不許乘輦

一衙役及各僕隸馳馬街巷往往有以撞跌告者示後俱不許於城外內街巷騎馬遇有急事遠行牽馬於關門外騎可也違者責究

一房屋非有職之家不許擅立脊獸及花磚雕堵違者責究

一宦家吹手不得過六名鼓樂不得過十二名士人吹手不得過四名鼓樂不得過八名

一吹手庶民之家不得擅用鼓樂不得過六名

一優賤不許用紗羅細緞衣帽不許登鑲履雲履違者責究

一娼妓不許戴有梁髮髻不許戴金珠玉翠不許

穿細緞紗羅不許乘輦騎馬

左忠貞公判書

卷二

美

又禁不裘之服

一士民衣服不許服紅紫黃色

一非官服士民之家衣服袖不得過一尺五寸

一男子服綠色拖帕襖類婦人禁不許服

一男子履用短臉淺跟紅色單鎖類婦人禁不許

服

一婦人戴網並戴純陽巾及妙常等冠類男子宜

禁

一婦人衣長至地袖廣過膝類男子宜禁 蓋陰

陽反常不祥莫大焉昔妹喜戴男冠以亡國何
晏服女裙以亡身可為永監

又節日用之費先有以約言矣今仍附載餘皆
士民親友往來日用必不容已
者因俗制禮
故並及之

一東帖所以通姓名也大事用四幅東小事用單
帖皆足以載姓名手本亦用四幅青殼夾之吉
用紅尋常用素即請東禮帖四幅亦儘足載十

二幅全東可概不用銷金紅東尤宜禁絕

一往來所以行禮儀也米麪二事雞肉果酒六事

左忠貞公刺葉

卷二

卑

共八事四幅東可書尋常餚酒四事或二事皆
足以行禮儀矣

一晏會所以通情好也大晏會八餚八菜米麪湯
飯共四道攢盒一具不用圍碗前列樹果油食
各五盤不用連棹請帖四幅速用單帖至尋常
晏會六穀六菜米麪湯飯共三道攢盒一具請
用單帖不用速不用謝皆足以通情好矣

一親友請柬稱呼宜質正用本色或某字某親某
會文某先生執事尊長稱某翁某老先生不必

一概稱翁稱老至老人大人柱國等稱官套或
用之鄉曲宜刪之亦裁繁文之大端矣

一親友往來筆劄詞少用一幅方帖未足再加一
幅詞盡而止仍以小筒封之非遠不可用護封

一親友往來凡賀祝候慰一切往來應用盒禮者
俱從折乘輿者二錢乘馬者一錢路遠者倍之
於前一二日送於其日午至其家一飯不得太
早恐主人別設不便其飯每棹以八器為度殺
菜各四即四人共一棹仍定每二器約用肉一

左忠貞公刺葉

卷二

卑

斤半酒約每人二壺米麪湯各一道禮畢而返
跟隨家人止用三四人並轎夫給肉菜一碗麪
食以飽為度或粟飯麪湯亦可宿不覺簡主亦
不以為褻斯可通行矣

儉不中禮風人興刺儉而未嘗廢禮且加勤謹焉
何譏乎以上諸款守分省財心安禮盡酌諸古制
忝今風俗遵而行之正合人厭奢返儉之心且明
儻不可長之義火行之而百姓真朴訟獄不繁各
守尺幅而無有踰越不犯天忌和氣以興風雨以

皆盜賊不作未有不繇此者也惟望薦紳先生首倡士民而士民有不遵者且共有以繩之庶幾畫一可以永行

崇禎九年七月十五日刊行

以約書跋

韓當秦晉交俗朴美猶有先王遺風而習沿流
失有從奢之漸履霜知冰識者憂之羅石左侯
蒞茲以至性出而為治教士育民罔不正已率
人倦倦期以古人之意而一旦與韓言儉夫言
儉者衆矣而謂或應果民趨之不可挽哉亦
無窮儉德於上而以誠然者感之耳候言儉
而韓翁然應之候治韓儉以自治至則裁市戶
禁葺例之馬革羨止罰飲食糲勿脆衣服不華
與蓋之屬雖極儉經歲不一易象白賁詩美

左忠貞公刺藁

卷二

聖

素綵候有焉候所以自治者如此三年餘矣夫
固以其誠然感之何怪乎其言儉而翁然應之
侯以六經教韓人又副幾雋者五惟侯抱六經之
氣而始能教士以尊經惟侯有儉德而始能教
韓儉教之而翁然應之也余因侯知經術與治
道矣先自治焉爾署韓論後學岐陽程雲翰跋
重刻崇儉書識言
崇儉書者蘿石左先生治韓之所著也先生憫
韓災變思欲弭其致此之由於是重修人事以
為調變書成榜諸通衢身先倡化在韓薦紳先
生亦有婚喪家奉行之者蓋先君子每從庭訓
之餘追述其盛而深以是書之不可復得為感
先君子以應童子試得受知於先生沒世思先
生不哀為立祠於蕪邱右偏嘗謂以先生之學
使得早登其用豈徒韓民得免凶荒天癘之害
哉小子芳佩之至今不忘於心容夏購得此書
往復奉讀如見悲天憫人至意益信先君子之

言為不誣然是書猶在規畫條例皆中今俗膏
育胡為乎行之不終也豈以故明板蕩無復有
搜其遺於民間者乎因急付剞劂以公同好所
以繼先君子崇奉先生之志亦望是書之行則
韓風日上將從此培人心而邀天眷俾後之生
者知先生得以血食此邦為有自也
皆康熙甲申正月上海此邦為有自也
善草堂

左忠貞公刺藁

卷二

聖

左忠貞公刺藁卷之二 終

六世從孫彤九

記

重修文昌祠記

讀司馬史天官書斗運中央斗魁戴匡六星曰文昌宮援神契曰文者精所聚昌者揚天紀然則考之於天文昌者擁帝車効輔弼之義以成天象發天之明精華陰陽臣道之大光者自天下為人臣者咸思以光明俊偉者事其君瞻象而祀文昌之

祠盈天下亦其光明之理有以取之也韓舊有文昌祠居先師殿之東北隅垣圯矣先是司鐸者新之未竟去後程君以孝廉來署語司訓柳君議竟之各有捐紳士咸感共事字垣以新浣如也程君偕諸生揖余以記會余與韓諸生為尊經之約五經應制科者居一外必業一經月朔核之一經通復進一經期三年五經俱邁已二年以來通三經者彬彬矣程君實董其事余欣然曰韓人士光明俊偉者不可勝數程君董諸生五經燦然無怪乎

與揚天紀之聚精相感悅而璀璨五經之精上結於天下聚於人心貌以祀事其理固然程君繇是偕諸生各出其光明俊偉者以事君亦何愧於戴匡輔弼之義哉聞之小說家曰文昌星降於周而為人臣詩所謂張仲孝友者也觀崧高之詩星嶽降神以忠孝將相之光輔人國家而康其庶民或亦兩間之氣所不容已果如小說家所云余又於崧高六月二詩知天人之際矣程君名雲翰鳳翔人柳君性恬鄙人先有事於祠者孝廉趙君躋昌解人

剡宋王欽若圓覺禪院題名記

余令韓之五年以禱雨偶憩北門外寺下見其寺巨眉問誰筆老僧應曰異代大臣也余甚喜意必我韓人唐白樂天宋張杲卿筆不或異代過韓之名人鉅公筆拾步登眎之則宋樞密院使王欽若也笑而歎曰宋之佞臣也嘗讀宋史欽若與寇平仲王孝先王子明同事宋真宗契丹圍瀛州欽若參知政事請幸金陵寇準曰可誅也請為澶州之

行迺免遷國欽若反以孤注譖準知天雄軍嗚呼使從欽若言南渡豈在後日哉又欽若挾符瑞傳會帝意陰排異己者王曾當使會靈觀因以推欽若故忤帝意出會知應天嗚呼挾天書符瑞以悅君意取功名何心哉又勸帝封禪帝沈思久之曰王旦得無不可乎旦沒後欽若始大用語人曰爲王公遲我十年作相嗚呼欽若何人哉當昔固呼與丁謂陳彭年劉承珪林特五人爲五鬼至今數百年奈何使老僧尙呼之爲大臣爲異代重哉夫

左忠貞公剩葉

卷三

三

前言進蹟所以可重者爲其賢也吾人咸重萊公之枯竹沂公之正色文正公之舉笏而奈何存佞人之鬼書於天地間哉爰命斧斤剗其名而去之序 附政一篇

張扶輿大將軍陣圖序

將軍名可大鎮
余登幸未殉城

今天下朝憂野議蓋臣志士涕泣而說鬱抑恨慙如忍大辱惟口天下之氣云積矣烽燧東舉徵羽在西一軍行道路間萬室騷苦莫繇憩息取蒼生衣食之出一增不已至再三血肉淋漓剗其脂髓

而有辭曰給兵事耳天下力云勤而十數年以來果摧折□□扞天子鬱心使天下人矢口一言戰勝民死無恨而已已庚午間東□躡入而倦出今遺焰猶未撲豈天下兵不集哉用兵有法司馬史記載軒轅教熊羆貔貅龜虎以戰於阪泉之野箋註或以爲上古神靈能馴擾禽獸以用於戰不則荒唐之余得其一說熊羆貔貅龜虎者士卒猛果克戰鬪之名也得其一說諸熊羆屬異類也史氏借其名以神聖人之教言上古百姓聖人教之

左忠貞公剩葉

卷三

四

如猛果克戰鬪之物以立威天下以見百姓氣血骸骨不能自主任教者轉變置之生而生置之死死耳孔子曰以不教民戰是謂棄之孰謂史氏言不本聖人耶今士卒望□騎則却走皆以人自待而以熊羆貔貅龜虎類跡□安敵之追上古之教繹史氏之言則我有兵而我之將不教將或棄民而□不肯棄□也可太息也余有海上遊得接張扶輿大將軍將軍好讀書工於詩歌談兵一本道理出其陣圖相示余讀之喜曰是將教民也余書

生不知兵然竊見其條理錯綜可教民猛果克戰關民之猛果生於將可恃而將之自恃惟用兵有法中國士卒如熊羆如貔貅驅虎而口矣何難愉樂聖天子之鬱鬱為天下舒懣哉

梅花屋詩草自序

梅花屋者余令韓署中讀書地也余少業三百篇已旁及漢以下歷代人詩其可傳者一昔性情所極後數千百年讀者如覲人而履其事焉私心好之顧專治制義未能數數讀間有中迫不知其然

左忠貞公薊藁

卷三

五

而出者一二見未敢以為詩也此為韓令踵大旱哺饑兼禦盜甲戌秋大荒後倏獲有秋偶出郭禾穗滿野喜為梅花屋詩此甲戌以後作詩之始自茲過感問有紙墨亦復佚失恐人將盡佚簡舊所存與近著付良友選汰彙為一帙庶後自矚前性情如見以是為娛非敢以示作者名梅花屋草貴始也甲戌以前必紀年者明舊所存焉爾

張振公文序

齊魯有三大蒙嶧之間先聖人大賢廬舍址焉過

其地者山石林木有俎豆鐘簋之色士生於中皆賢聖子孫故其人皆端恪口深雅有聖賢遺意為文亦似之泰岱於嶽為宗陟麓角未及其半俯眺城廓如圃畦人物如螻蟻迭來雲霧已生足下天風口絕頂上下四隅曠然無際浩其大哉口東為滄海居天地餘多之氣登蓬萊一望收之波濤汨沒島嶼飄渺天水摩盪不可得其涯際海氣氤氳之中又皆變幻為樓堞旌旗不可名狀故士之生其間多巍峩宏博之槩以各肖其山水之性文亦

左忠貞公薊藁

卷三

六

多似之吾友張振公與余同為海隅人其為文思透迤而來淵湛而止紫瀾怒濤肯見於恬夷靜善之間始所謂觀海與噫為文而至於海觀止矣

遲貞婦于氏序

易以道陰陽而首乾坤盡天地之用乾坤者天地之所以然也凡天下所以然之理奧立於不可見而需人察得之故天覆於上而人不察其乾也地載於下而人不察其坤也人熒熒然生男處外女處內食息起居於中而不察其即天地也天地者

人之所以然也。人化生於天地，可取天地所以然之理而論之。乾之象曰元亨利貞，坤之象曰元亨曰安貞吉。乾坤之理著於四皆而春夏之交水溶溶然物郁郁然，其不可抑滅之意固在。霜降葉下，寒澗水返之皆緼之毓之貞者，天地之聚也。貞於昔為冬陰在上，董子玉杯竹林諸篇專抑陰道而余伸之，何存坤之用六矣。地至柔而文言曰坤至柔而動也剛，象曰永貞以大終也。大即元也，貞而能元，坤之乾也。坤惟用六可變為乾，正繁露陰道

左忠貞公剝藁

卷三

七

亡所獨行之意，故人臣離其黨而入君之朝，女子離其家而入夫之室，則常變相遭，皆不得以柔順盡之，而匪躬之臣靡他之女，陽氣之所從生也。萊陽縣遲貞婦于氏者，年十五歸遲次君十九而次君亡，鮮子女慟幾絕者數溢，再皆赦免。七日不飲食，勺水溢米意必死。會次君之弟吳觀君生，仲子姑撫而泣曰：「以此子嗣爾夫，爾不可死。」迺持其子而泣，以為己子，始不死。處未亡人室內，外親戚皆絕弗見，惟以鞠嗣兒為事，不知為叔氏兒。鞠兒

外紡輪一具，其聲啞啞朝夕相將也。兒稍長，誨之讀書，已餽邑庠。而母年六十矣，庠故重節義，以其事聞之。上官上官下郡與邑，又將核聞之。且將達天子，下褒典以風天下。為婦余聞而感曰：天下鬚眉丈夫委身事主，臨利害轉盼或成殊態，而當變慷慨淋漓守正不渝者，代不數人。有則昔人稱說後世傳之，而閭門內至有夫人哉。遲故稱世德，吳觀君雍雍孝友大雅人也。之萊侍御直聲聞當世，孝廉味味並茂才諸君以文以品皆絕一皆方進

左忠貞公剝藁

卷三

八

而大亨利之用，而夫人以貞正堅固之氣，鬱藏凝結於內，嗣子仲蔚負奇嗜學，將光大其業，發所緼毓亦理固然也。易有歸藏，倘是之謂乎。

趙將軍旌序

公世儒家子也。大父起家進士，父亦以制科著少好讀書。已去學劍習虎豹韜，諸書年十九即以策謁蘊遼梁大司馬，司馬收置幕下。會遼左口警，司馬遣事遼陽李大將軍，將軍又奇之，已而大將軍斬口首千級，公與有功。以材官奏捷，神宗皇帝嘗

天下無事惟念口李將軍善戰多功皇帝茂之寵
賚將軍而授公登州衛鎮撫賜衣一襲饌一案銀
酒器一具亦異數也已任薊鎮冷口關提調再任
白羊城守備居無何又改舊州守皆以勤廉知名
夫他地余未至舅氏陳將軍築城冷口余省過之
一牆外皆沙漠俯城堞下瞰降口嗷嗷索飲食絡
繹其間中有流水壘石當之可憑而過也余心悲
中國制口無長慮愀然而歎今天下少戚大將軍
防禦忘死生多戰勝又孰如李大將軍薊遼間安

左忠貞公剩藁

卷三

九

若無事恐不可知粵十年餘遂決裂令人深想兩
大將軍而冷口諸地亦安常獲勤廉如公者哉已
又任保定松棚路都司再任河間瀋陽營遊擊將
軍未幾以失投刺貴人罷去遂不肯復出噫公爲
人恂雅不似武人詩所謂温其如玉者也太史公
傳李廣悛悛口不能道辭死之日知不知皆盡哀
識者以爲善論將公爲將二十年家居至不能備
車馬亦安之公豈武人哉夫人任姓出邑名族性
淑恬公廉於官愛士卒孝友克著皆其相也公東

髮爲將三十餘年歸里又三十餘年相繼卒澹泊
勤劬如一日信公偶也余生也晚先大夫倦遊歸
與公作社飲公又與余叔有子女好公之子紫水
爲叔氏壻余與紫水交文章之知過於親戚每讀
其制義如紫氣海生瀾名士風流不可槩見公故
艱於子而有如是子行邁迹王父公爲將之所獲
不已奢哉邑將旌公與公夫人噫是可旌也

行狀跋

先大夫終於喜廟之癸亥秋七月懋第抱兄兩足

左忠貞公剩藁

卷三

十

臥塊苦中相與泣說先大夫生前行事余小子生
也晚知鮮兄昔年五十矣余年方二十三悲哉兄
事父之日長余三十年余兄言隨泣下如縷余聞
之泣輒記其所未知而自書及知者始卒哭明年
之夏四月狀具凡八千言余昔年未壯又當創甚
哀號雖先大夫曾授以左氏書竝司馬史記而縷
縷書譜年所記未嘗文卽以就梓人五月將涉大
江走金陵請銘文太青先生未遂其志是年冬十
二月先大夫葬又六年今上之庚午余小子舉鄉

辛未成進士壬申爲秦之韓城令得持先大夫狀拜文太青先生於西安因從請碑先生曰余之所夙奉爲吏師也遂爲之碑四千言秦中士爭讀之先大夫藉是益久茲狀也余兄弟塊苦中泣血淚積歲而成之者雖不文不忍易一字泣記數言於後俾君子之傳循吏者得而采焉

附錄文鈔遺句

嗚呼先府君胡然而遽長棄不孝孤七十有四年目明耳聰手足強利如少壯不一須几杖抱

左忠貞公薊藁

卷三

士

病口餘胡然而遽長棄不孝孤嗚呼痛哉不孝孤二人罪深重旻天不弔籲天請代倉迫莫措死不容天地間矣二人晝暮攀號無繇再見府君顏色輒相與陳說府君容辭動靜以至性情嗜好之微及所聞於諸伯叔父鄉里故老道府君稚年束髮事親友昆弟讀書之情狀與夫諸生孝廉歷年宦蹟凡夫屈伸進退順逆之感不孝且請府君精神所在如見府君泣血筆之書使府君精神常留不沒先妣張宜人先府君卒

同具狀中庶君子讀其辭有所感而錫之一言得藉以不朽

以上二百二十一字弁首

維昔上下咸惴惴寒栗府君夷然也

二句在競以海忠介

相推焉子女四人長適大嵩衛學生趙公文燦

長男庠生瑾次適邑壽官辛公桂長男國學生焯然次適邑禮部員外王公用謨次男庠生宇

欽次適邑歲貢孫公鳴珂長男學生茂槐孫男

二人長胤昌府庠生先四年卒不孝甲生娶劉

氏邑鴻臚寺鳴贊劉植槐長女次慧生不孝第

左忠貞公薊藁

卷三

士

生聘邑國學生孫鳳翰次女孫女三人皆甲生長適登州府遊擊孫承祖次字邑庠生任一鳳長男已任

此段咏文鈔較詳

但不敢爲飾語來君子諛墓之譏謹以先府君

生平大槩義所不可雖尊如上官橫如宦豎驕

若虜悍若諫健兒怒若水狂若鬼必不容少濡

忍而力與之爭羶若金穀榮若爵而守之所在

有不易則凡天下一切可喜可愕可趨可避之

事至府君一以坦然之身付之若剛柔寒暑隨

其分而一無所遷就又初不以爲異所宜去輒令人思鄉願長者數十年如一日也不孝孤耳而目之府君素心勁節篤躬惠政蓋如此夫亦何忍泯沒合先妣列之爲狀恐不足以辱齒頰以上百八十字在瑣錄無次句下儻君子句上

鹽政攷

鹽政固邊計也鹽政之通塞邊計之虛實也今天下稱邊計最急蓋數十年來謀臣借箸計司持籌

左忠貞公剩葉

卷三

三

曷嘗不孜孜邊計哉而邊計猶然虛也則鹽政之舊未復也愚考國初置轉運提舉爲漕司而淮之南北浙之東西長蘆河東山東閩粵蜀滇與夫鹽井衛龍州司雅州所海北靈州西和漳縣皆所謂產鹽處也煎有竈貯有倉課有額行有方當其肯歲召商開中入粟實塞下塞下粟無騰價焉則邊利也今商自爲辦而國不聞輸將之費士飽馬騰扞圍強固則利國也蓋洪永間鹽一引所輸銀八分耳粟二斗五升耳至輕也所司開給無畱行商

人且輸粟夕受鹽券交於左筐盈於右至便也禁食祿之家不得牟商利一切請給悉絕之諸私鬻阻亂者論死至嚴也竈丁給鹵地給草蕩額鹽一引給米一石準以錢鈔復其雜役至厚也有餘鹽則官自出鈔收之下以資竈戶上以攬利柄至周也蓋國家漕政操縱有權調度有法公平正大嚴密精詳商利而民亦利國足而邊亦足稱美善已迺常而存積三分以待塞下之急倍價開中越次

左忠貞公剩葉

卷三

四

收支是居貨罔利則非體也迺輸之不粟而銀也不之塞下而漕司也自度支葉淇始也取目前之近利忘久遠之大計遂至邊儲資於內帑商迹絕於塞垣卒然有警倉皇召中類多觀望卽有至者所入甚寡坐令儲蓄外空則非計也迺私竇之開也自宏正間始也或勲戚恩賜或權倖請求皆予以餘鹽容其夾帶而復有各年未盡名曰零鹽有掣餘積堆名曰所鹽以供權要之報中侵商利虧國課則非法也迺商之困也自守支始也次同貫

魚類同積薪有數十年老死不得給至令兄弟妻
子代支者則非便也迺竈丁之困也自總催始也
場蕩歸其弁兼鹽課爲其乾沒竈丁不過總催家
一備而已分業蕩然丐貸爲生欲無逃亡不可得
也迺額鹽之滯也自課重始也彼一引所輸銀七
錢五分重矣而且有配支有賣窩有科罰有勸借
費殆不貲是以鹽價踴貴而人競趨私鹽欲正課
無滯不可得也迺私鹽之行也自不行鈔法始也
鈔法廢則縣官何術以收餘鹽餘鹽積而無所售

左忠貞公剩葉

卷三

五

則竈丁困迺曰挾餘鹽者絞貨私鹽者絞將能行
乎行之而必卽竈丁枵腹以斃不然卽爲變行之
而不必欲餘鹽之利不爲奸人橐中裝不可得也
今者江淮間鹽徒高檣大船千百爲聚行則鳥飛
止則狼踞輒殺傷官軍近方見告矣以今四方綱
維不弛微察有加焉猶曰如是有如一方有警如
此曹者乘變而橫擊其何以弭之故鹽政之不修
愚恐其患不獨邊計且移之社稷也嗟乎利弊之
縣洞若觀火祖宗之法觀若畫一藉令任事者深

考而善提衡之何有於區區之鹽政哉

左忠貞公剩葉

卷三

六

書

答楊茂才昶

都門握手迄今耿耿每欲馳字問昆玉起居而風
聞已歸吾邑每緣尊大人札中附問而手翰遙頒
恍如對清光而聆玄屑也讀大刻琳瑯盈帙使裕
吏几案間頓有文明之氣佳墨如許深博而不遇
按劍者誰耶天豈可問乎斗間神光夫何可掩瞬
息還君大物耳不佞宰斗大城如蝸負角遇奇荒
又值軍民襍處心力交殫而無毫髮之益只恨讀

左忠貞公刺藁

卷三

七

書昔草草不曾確有經濟臨昔無可措手惟可與
知己道也肺腑間亦不復靈氣何以請教言之
汗下使旋肅此復竝候貴宅康吉大親翁住里門
耶乞便中爲我道意別論心感其相念不佞已肯
切夢寐也竝乞便致之有懷如縷莫能一一姜卿
壘年兄有聞問耶聞已生子何喜如之無便走賀
如有通聞可爲附一聲也拙刻三冊前已呈覽再
附請教

候趙別駕景星

弟與兄丈相隔止一衣帶水而未獲一晤兩從芝
川張茂才得吾兄手書一贈弟以扇頭句一贈弟
以兩玉紐兩象章弟皆拜而受之屢問其有使進
來否而皆未偶後遣使進侯而兄丈儼然讀禮矣
遭秦兵荒之苦不可口盡詳前楮中遷延至今始
得遣一介致區區之奠伏冀鑒宥勿罪羈遲則幸
甚矣

自應天寄姜如農

國遭大故不聞有斷頭穴臂以報故主者廷臣不

左忠貞公刺藁

卷三

六

察屬懋第節鉞上江十日前有自北來者謂慈氏
病篤於京畿人子不忍聽今訃至矣惟昨歲使楚
親承詔命先皇帝曰荆襄之上任惟爾今一歲
之間彎弓不及於龍髯蓼莪旋廢於烏私懋第更
何惜七尺不惟爲君父用已上書請北行得叩頭
先帝梓宮之前以報察敷之命死且不朽此書抄
集其爲完爲節
蓋不可考矣

自燕京寄弟

左岳到知大娘喪事吾弟在家一一成禮使遇兄

得一意報國此情此義當與金石同不朽生死不
敢忘也國之留迺兄不過暫留以俟和議之成似
無惡意大約正月南行矣幸而南旋則報君命幸
而自東而南則先哭大娘及五哥之墓而後報君
命不幸而有意外之加則惟有一死以報君命效
宋之文天祥作地下遊留正氣於千古耳弟書
中守制一語誠迺兄痛哭之所求也但迺兄宜守
於江南不宜守制於吾里人亦豈肯聽我奉大明
之正朔而守制於里門哉弟可以意會矣

左忠貞公刻墓

卷三

九

誌銘

贈奉直大夫吏部員外郎宗極衛公墓誌銘
衛氏相傳後晉太子洗馬玠而韓江李有衛自河
東徙禹門之渚北村者全後爲德爲彥清爲恭爲
綱爲進祿爲廷珪蓋七世皆賓卿廷珪程配五子
長曰詔李配邑太守傑孫女也生瑚伯璉仲仲庚
以王道行字淳化奉直贈公也叔誥王艱子以父
命嗣少治易卽知易能爲文辭聲諸生與邑明亭
解公慎庵吳公二名士俱讀易紫雲觀以性命學相

尙讀書非功名事止亦文辭見亦非儒者濂洛閩
予其究公稽性書不已危坐求之至走深山中俯
仰冀有所悟偶觸龍門空谷以爲老氏谷神之句
通於易自命龍谷子已而悟曰入玄矣易有太極
非是之謂也著宗極論庚名宗極子緜茲數不偶
於皆不變生子季方髫知其可以學也以所學教
季已能聆其義自命效極後辟熹廟諱更象極卽
貴贈公者天部公也天部公年十四而贈公卒配
解後贈公九年卒以天部公贈宜人邑張村里鄉

左忠貞公刻墓

卷三

十

賓軒女解名族宜人孝舅姑相夫子敬夫子儒者
篤讀不計生至僦屋居爨或虛火宜人織紵衣四
浣綴百補以佐子女六衣履俱以手贈公卒宜人
教天部公一如贈公嗚呼贈公其儒隱矣余令韓
之年值天部公假在里與之對多持己愛人語昔
令晉多異政余恪爲吏師韓俗奢相沿喪至子不
克戚親婚則貧者無以室而中人產不育女天部
公令襄陵有條例余因之爲以約書俗便焉公教
也余令之次年春早禱於禹門天部公糞蔬食余

山之巔未下輒雨中指村舍樓堞示余渚北村
又指其道側邱壠盤螭所立曰余先子之墓泫然
愴予亦祗徇人之又四年余將行因曰先贈公宜
人不祿也早余精不及養葬之昔又貧不能具銘
虛今四十年可涕願以銘請因泣下出所記行略
示余余聞其言而悲嗚呼贈公儒而貧惟讀書窮
則鬻田宅至盡瓶無粟猶正襟默坐不一出非足
於內者其能是耶又事親孝侍藥執喪生繼無間
雖織事端潔不肯苟如舉足必先左偶悞必還正

左忠貞公剝藁

卷三

三

之其一端也邑令馬君賢者也高其行賢之學使
者許君敬庵衡文右理深契焉殆儒所謂狷焉與
嘗見天部公之介約修如玉一無所苟且遇事則
應恬然無迎畱意其深於性命之際讀贈公及宜
人行略而後知雖其質學則然教實有本也贈公
子三先傳先烈季即天部公先範萬歷乙卯舉鄉
已未進士陟吏部文選司郎中孫八曾孫十一詳
行略中不備載銘曰原思之賢雖貧不病新安之
學即學是性先生湛如以鳴吾琴與隱有人以貞

厥心先生有子學其所學天分即人爵以其爵風
不靜木聽者心悲河宗禹峽永際茲辭

行狀

兵部右侍郎兼都察院右僉都御史解公行狀
崇禎五年十一月懋第來知韓城公方執史太夫
人喪進弔諸堂公匍匐帷之旁孺子哀後造請權
邑利病事固不出使人謝人之出語惟答所問骨
見素衣詢太夫人病暨葬淚沾濡察其言養民治
兵皆本忠孝之旨退而敬之已閭公病六年八月

左忠貞公剝藁

卷三

三

余行闈中役道聞公卒公之子太史十月自京師
既歸七年卜公葬以實錄屬吾師衛仲玉先生命
余狀余悲之曰余吏茲知公又無命敢以辭按錄
韓有解其始祖進自稷山徙十二傳至齊齊生鋒
鋒生來聘贈侍郎公之祖也來聘生公父贈侍郎
自克爲瑞亭公生五子皆史太夫人出公諱經邦
字叔憲童而補諸生弱冠舉鄉始迓張夫人歸中
乙未進士初知嶧縣嶧皆山難農賦急貧則徙且
盡地益蕪公曰無民誣賦無地誣農不招農誣地

不捐逋誣招誣之道不可以治爲請蠲積逋緩其徵民迺稍稍集卽爲建屋市犢具耒勸還民耕計創官莊三百二十七開第二千二百二十四頃有招墾之議十通荒之議十省刑省罰之箴二皆成書讀其書令人心惻而當日致百姓如何也嗟乎賦苦民非一日有可以勿額賢緩急寡節又賦外罰浮罪咸可離民志生識者憂必知之歛余齊魯間人試登驛山望孟氏廬思其欲所以仁義天下不越耕耨省薄數語吏治豈多端哉已移繁大同

左忠貞公劉藻

卷三

五

縣縣古雲中虜出套卽涉其地制撫鎮皆設焉公至廉張鎮劄軍精上制府罷之三軍驩又宗兵民襍處難治皆以公約斂制撫左右倚虜不敢南報最錫救命已入爲戶部主事於行籍緩金八百兩畱饗軍入則督海新二倉塞諸寶節羨六萬以富庾橐無私守則然大司農重之會吏部缺第一公以無所屈陪者中陪者以吏部輕公以不得益重爵豈能重人哉已執瑞亭公喪祥後又徘徊墓間不肯出以史太夫人命始出補禮部再陟郎中

錫誥命皆代藩渭莎訟幾易樹公爭之謂莎退臣將進莎進臣將退不敢私非其人尋爲易州兵備參政東鹿故苦盜公至盜悉平陟陽和道右布政當酋卜素爭不貢七年賞彝使二年淹大同不前公則嚴設備以威以信示兩酋咸弭耳受賞出又騰書酋順義王約三事曰一無爭賞失王子體一無稽貢以悞市失十五部窮彝心一無以已蹇成人順中素酋挑激卜譯讀服獻馬謝兩年之貢皆至酋長因與十五部納牒制府願借公撫雲中謹

左忠貞公劉藻

卷三

五

奉約會推公宣府巡撫都察院右僉都御史虜失望貢又不至宣古上谷肩背地兵驕惰風積沙城下有與堞平公浚其積城屹然令將各以朔墾按部拔尤肆缺補之數月甲皆精虜嚙指戒獨石八路值遼有事徵天下兵宣旅甲天下口棘公再發兵三千衛京師衽甲待大司馬奏旨嘉公風諸道得錫誥會加公兵部右侍郎經略遼東公且行家傳史太夫人病且亟公三辭之曰臨事不避臣之職亦臣之心也然母病瀆危臣方寸亂曷所憑以

許國古之人有行之者管仲三戰三北曰有老母在君子弗怯也臣高堂不任風燭與仲同臣之當辭者一嚴峻代魯肅督兵陸口固辭以樸素書生不閑軍事呂蒙代之衆喜峻能以實讓臣樸素之短與峻同臣之當辭者二周環爲三司使不拜曰自知才不稱職寧以避事猶勝冒寵獲辜許之臣自知之明冒寵之懼與環同臣之當辭者三疏入遂鐫秩歸侍史太夫人病史以安嗟乎温嶠當約陶侃創廟設壇讀祝文流涕感將士率卒數萬指

左忠貞公刺藁

卷三

章

石頭城破賊爲晉忠臣至今稱說而卒無解於絕裾一行君子以爲忍也然則公辭所不能矣夫辭所不能亦君子之事當公撫宣皆降口陷遼陽廣寧口亦蠢蠕移關再徙宣公疏曰遼羹弗懲宣突可使再炎柰何縱百十豺狼內地俾穿山海踰居庸習陵京險塞上命分羣口銀夏諸鎮以遠之又寧武援兵離雁門卽肆掠入疆囂公則以練甲三千壁郊取罪人曰不戢且穢皆懼甚縛八人立置之法以一繡弧導之疆外疏請天下援兵所過制

撫得行法上是之公豈不能者哉誠心乎母而懼悞君之事也壬戌歸十年而史太夫人卒公哀至毀卽病病未一年癸酉亦卒嗟乎公死生於母智勇誠有所不能用矣公退當事屢疏薦欲竟其用知公也退未幾上覃恩復公官又以子太史晉階通奉大夫年六十有三於戲韓之來遠多古人漢司馬子長蘇子卿墓皆在焉瞻拜徘徊間如起其忠孝文章而與之語余令茲爲民生未嘗不思思之未嘗遽行見公仲少司馬季戶部子太史嘗商

左忠貞公刺藁

卷三

美

所聞皆仁人言惟公止一對語噫史太夫人旣卒無復奪公意益以年而移之作忠據其生平大槩必能爲天子驅除惡氛用所未足古人言孝始事親終於事君公竭其始而不獲其心之所欲終欲世豈有棄富貴就人子如方壺先生者人子事親忠臣以事君豈有他哉公有安天下之心至於呼嵩盤以寓而人之云亡不克竟鬱鬱以息君子悲其志矣公孝有至性瑞亭公走四方居奇公孩每伏臘歸擁膝泣哀史太夫人余所見也少俱伯仲

學能敬伯辛丑進士以省諫為廉憲使仲亦辛丑進士即少司馬愛兩季教之季戶部其一又季入太學教子手條古名臣疏議示之太史初通籍則教以敬身愛爾鼎余先嘗語太史於京師敬其論議知學有本次二子各以文知名皆公訓公為人廉自約又能愛人所至有惠政家無私未嘗以杖斃人命又好施人多賴以舉火所在多以賞資倡人力功名韓有寇警公借薦紳先生謀以禦虜者禦寇不敢犯好讀易春秋盈虛邪正之間數致意

左忠貞公劉墓

卷三

毛

文為其質而可行者所載辭官散口疏戒首約其槩見餘疏議箴類太史有家乘不備載懿行多亦不備按太史錄擇其夫者與余所見於公及聞諸邑之人者著為狀公生隆慶辛未九月初五日卒崇禎癸酉八月二十五日配張氏誥封夫人前單縣令張公國光女生男三長胤越戊辰進士翰林院編修娶薛前太常卿薛公芳女贈孺人繼衛太學生曷文封孺人次胤標廩膳生娶衛儒官自謙女三胤槐恩選貢生娶程庠生毓儒女繼陳儒官

養濂女文二長適太常薛公子庠生惟緒緒不祿貞表其間次適張孝廉文庚子庠生毓衰孫男八光縵庠生娶都諫薛公國觀女光綬聘御史衛公景媛女御史公即吾師仲玉先生也光綺聘吏部衛公先範子庠生蓋臣女俱胤越出光縵庠生娶庠生衛景旦女光紘聘前戶部衛公岑子庠生郊開女光紳亦聘庠生蓋臣女光綸聘知縣孫公必達女俱胤標出光弼幼胤槐出孫女六一許聘衛孝廉一臣子士奇一許聘衛孝廉之瑄子胤誦四

左忠貞公劉墓

卷三

毛

未聘曾孫女二一許聘開封司理衛君楨固子一尚幼

祭文

祭禹廟文

萬世明德稽古大禹天地蒙虛神幹天蠱兩山屹巉惟禹之門立酒束帛以當祀存

祭司馬子長墓文

六經既選惟史是求體本尚書義則春秋先生不選神在茲邱

祭萊陽令程公文

浴日之邦第生其間聞諸父老公令是顏古遺直直則惠焉今登禹門咏蔽芾篇

祭李將軍文

嗚呼余與將軍驩三年矣予弱書生而好親奇謀善劍之客初來為韓城令未及廓一里健兒五百服弓矢佩刀迓余道周問之將軍健兒也及廓門將軍迓於門外魁磊慷以慨舊籍余鄉又榆林產先大夫昔佐餉榆林余每覲榆林人如故人况魁

左忠貞公劉墓

卷三

三

磊慨以慷如將軍者哉韓故苦寇余至皆猶有揭竿者七百餘匿山中一月中三出殺掠人余恨之與將軍議將軍世武知兵且知學不妄殺人余因與約遇大敵衝其堅脅從者縛之將軍命人持一組余命鄉義兵四百合將軍健兒五百將軍擐甲帥師環深山而入入則寇鳥獸散不敢拒我師而將軍以長組繫脅從二十有一人歸付余余各釋令歸農而山中寇絕跡以清此崇禎六年正月事也十二月黃河冰堅有賊千餘自晉躋冰侵我任

家嶺界將軍則夜馳以三百騎選射之賊還射不勝大傷走晉余馳選勞軍長至其地見將軍督健兒貫弓河上健兒鸞半血殷將軍未食一日矣余

糞米與坐陶穴中食出所攜俸鏹以饗士仍為之泣嗚呼將軍勞矣七年大饑二月晉賊復繇宜川界躋派近我界以南三千人余恐宜雜問飢民附之遂不可制為吾境憂將軍亦恨任家嶺但射走之未大斬獲不足以壯吾氣遂與謀十日糧將軍方病蹶起帥健兒日夜踔百二十里至澄城界斬

左忠貞公劉墓

卷三

三

百六十級而還嗚呼將軍亦壯矣哉四月饑甚餉不至諸健兒絕糧者三日余母氏陳宜人至解簪珥合所世藏遺器付將軍為諸健兒一日餐將軍亦為余泣嗚呼此吾兩人共事之情狀也秋流寇大入秦將軍亦病甚然不肯以病辭自秋及八年春昔昔帥健兒進來同耀潼商間以殺寇功多天子特命陟都司將軍舊秩守戎也然將軍愈病甚會將軍舅氏李大將軍卒將軍哭之哀遂劇又七月流寇以數千騎攻我縣南二十里之芝川將軍

病已大劇而將軍昔屢爲余言曰先將軍以殺虜死疆場我誓不死牀褥間其壯如此會病不可起聞寇來遂憤憤以卒嗚呼余昔方登陴甫聞張司訓及將軍裨將血戰芝川挫賊遁去而見有持一紙向余者眎之則將軍與余訣辭也嗚呼哀哉余與將軍共韓三年同飢飽勞逸如兄弟每杯酒相酢輒說先大夫治榆林三軍歌詠狀而余亦常道稚年寓榆林皆獲游雄石峽鎮北臺觀胡市及城舍沙磧歷歷所記事共相笑樂兩人意氣所向真

左忠貞公剩藁

卷三

三

無間而亦以同心獲三年使逆寇未得志境上以宴如余所驩於將軍豈可勝道而一朝永別豈不痛哉將軍卒四閱月皆十月八日也將軍夫人與子將扶柩歸於榆林余先日哭將軍柩將軍元子有將略已請於上臺得爲偏將繼將軍事者卽佐將軍軍政者劉將軍與余同心如與將軍昔將軍之健兒卽余赤子皆不至貽將軍憂嗚呼哀哉余今日哭將軍柩明日哭將軍於道過茲遂不得效兄弟朋友之哭豈不痛哉余之誄詞歸縣將軍壁

上倚榆林父老顧而問之曰此故佐餉左君之子之誄也此余得永驩於將軍家者矣生死別離中心如抽余姓余醴將軍其來饗嗚呼哀哉

左忠貞公剩藁

卷三

三

左忠貞公剩藁卷之三

終

左忠貞公剩藁卷之四

六世從孫彤九

表

擬上御文華殿召見天下入覲監司徧詢地

方利弊諭以訓飭有司愛民勤職羣臣謝

崇禎四年

伏以聖人灼萬化之根惟勤百姓明主握庶幾之總用敕羣工寮室宵嚴敢忘馭索之訓彤階晉接忽聞渙汗之音帝德為昭臣衷自惕臣等誠惶誠

左忠貞公剩藁

卷四

十一

恐稽首頓首上言竊惟國之所託者民鴻澤實為邦本民之待命者吏羔裘自我人居天地性情惟人是貴帝王樞紐以愛為先故安人修己之全而燮吏又民之要虞明黜陟視績咸熙商懼禍謫惟稼匪懈治莫明於周禮民力日限於三法再詳於漢書國租皆蠲其半皆有愛養之政是享長久之休惟我太祖高皇帝握符初年訓羣牧以休息之道而萬方大定嗣是成祖文皇帝續基始載戒有司以仁愛之方而四海永清茲蓋伏遇皇帝陛下

聖知有臨帝德廣運日躔星圖揖讓登於靈臺海

髮山衣網羅歸於帝輦周旋職百神之位經綸縣

萬國之心上帝鑒觀以求寧下民引領而望治固

已焦心民瘼夙夜弗遑勵精政圖誠謀不厭矣但

昔事因仍既久難驟施一旦之爬搔况口警驛驛

未安未暇計小民之筋骨今日議加兵明日議加

餉按而求之蒼生有口難呼責成者太急奉行者

無良尤而效之赤子無心可割誰是思變通之劉

宴豈有善撫字之陽城正供已竭民膏羨添仍索

左忠貞公剩藁

卷四

二

公加亦增舊額私派旁生有吏長呼終年納賦可痛哭可流涕洛陽易動賈生別垂老別新婚劍閣難尋杜老民生莫賴吏治為何正求息民之方屬修入覲之典有鼠尚爾食稷民宜適者奚郊無鹿可以隨車臣所述者何職揣衷汗面聞命驚心猥承宸咨敢悉鄙慮論今日之百姓實逸少而勞多思撫民之羣牧正弊多而利少委骸荒葛其狀不堪作圖弄兵潢池迺情益復可泣又承諭以訓飭有司愛民勤職謂羣黎雖弱實關治亂之機而長

更有權得制安危之命核更之法毋略慈惠而尙
浮華御民之情莫急催科而忘撫愛民亦勞止汜
可康哉臣等愧長孺之愚忠讓鄭俠之仁痛皇皇
原隰雖亟維駒芘芘黍苗久稽陰雨奉絲綸以仰
德叩木石而論心敢不敬我在公用以奉君昭假
伏願通天下如一身足國家惟百姓晝耕農於屏
上如對薦菱之容驅貪吏於民間大嚴膏脂之戒
將吏清民息安民由知人□□不難古帝所難且
復性遂生邦寧以本固天下共樂吾君之樂矣臣

左忠貞公薊藁

卷四

三

等無任瞻天仰聖激切屏營之至謹奉表稱謝以
聞

擬上因地震修省適火節入寇榆林遂命集

羣臣計議治內攘外禦虜安邊事宜廷臣

謝表 宏治十四年

伏以帝坐深居符乾行於不息王猷允塞奠坤勢
於無疆馭朽之衷已堪圖圉九域綱戶之算實欲
氣收八荒聖慮誠殷臣懷自勵臣等誠惶誠恐稽
首頓首上言竊惟五德運世皆奉天以爲樞機百

王傳心必持敬以定橐籥蓋天者人之本始而敬
者主之精神外寧內憂儆告之端莫大乎四彝來
侵柔遠能邇奠安之謀寔起於一中自運故六氣
不能無變而五材誰能去兵軒轅臨青邱之墟神
堯下丹水之浦商宗鬼方之伐克用三年周宣獵
猶之驅師行六月皆繇自治以服遠人自秦皇帝
十年築臨洮遼海之長城廓靈關而爲宇暨漢世
宗萬里屠月氏康居之都郡逾沙所而置郵漫持
長駕之淫思虛稱雄才之英主自非神武孰闢宏

左忠貞公薊藁

卷四

四

謀茲蓋伏遇皇帝陛下乘六御天得一居帝修文
以刑百辟調玉燭於陰陽訓武以制九服固金甌
於要甸固已諸神受職各循其剛柔之常萬國來
王咸獻其赤黃之革迺因地震特厘天心克謹修
身凜不易之大命減膳撤樂儼日監之在茲豈眞
袞職有虧致煩天怒寔因邊塵不靖早示神幾維
榆林西屏之邦有火節南向之寇錦域宵伺欲破
造化緘籐羶絡晨驅有犯天街昂畢固原東帶豈
腥羶牧馬之場黃甫晴川非魑魅啼鳥之壘重瞳

電燭睿慮淵凝謂諸彝皆我外藩一隅生心必窺中國疎虞况九塞孰非赤子半壁蒙災寔動密勿悚懼悟修省之近故事識災變之所繇來地得陰氣彝狄又陰屬陰將乘陽千萬里來皇天之譴告我秉乾志攘却又乾道乾以統坤一二日定盛世之許謨迺集羣臣合議大略天保以治內采薇以治外特明著於周詩有不王則修意有不貢則修文又詳陳於祭父彼榆塞者雖自有居樽俎之將略運其兵機亦自有冒矢石之健兒制其死命我

左忠貞公刺藁

卷四

五

當遙集其形勢亦當曲示以歛宜庶可制勝於沙漠之間亦見妙算在廟堂之上大哉言矣儼然命之臣等管窺小儒請纓壯志謂地蓋厚不敢不躋我后之功臣則何力覩聖人之明德效學者之修身思佐北斗之魁杓定指南以歸帝里欲挽天河之銀浪洗甲兵以鑄金人麟圖將彰狼星欲墮伏願功勿半乎九十德罔參以二三懷周文翼翼之心常如帝怒薄漢武飄飄之氣不見外寧則無愆陽無伏陰天地順清寧之紀而自東西自南北華

彝安內外之藩矣臣等無任瞻天仰聖激切屏營之至謹奉表稱謝以聞

策

殿試策

臣對臣聞帝王之臨御宇內也云欽惟皇帝陛

下云迺猶進臣等於廷俯垂清問策以治世之

大猷皇上必確然見天下之事多名列而實不存

天下之人多上作而下不應天下之蒼生嗷嗷以

待者不獲休息天下之邊疆皇皇以防者莫得寧

左忠貞公刺藁

卷四

六

靜盜賊四起弭之而彌生財賦不足索之而重弊固已淵睿慮而凝之日與公卿大夫相商確又以爲草野士或有抱深遠之心者不知忌諱各獻所懷因而述其狂愚收其言之有當世務者以襄治道萬一豈以爲策士之常而修其故事哉皇上不以故事待臣等而臣敢爲格套規避之文以應是進身之始卽爲欺罔之習罪不容誅我皇上欲平治天下亦焉用此彌縫觀望之臣爲哉臣謹披肝瀝膽不避斧鉞悉心以對皇上以躁競焚墨責天

下之臣以上下交困軍商耗敝傷天下之民以強弱虛實究天下之兵與食此真深晰利害之源而持其大綱臣敢不撮其要而言之今天下所以未得大治安者皆因百姓之不安而百姓之不安始於國用之不足與夫吏治之不端三者相因而至而害專歸於百姓陛下試觀今天下之百姓何如也耕土田種五穀植桑麻自以爲衣食謀聽長吏之命而以其力之所出爲賦稅而供朝廷之用者舉皆百姓也秦晉齊閩之間以及他地選選有嘯

左忠貞公剩葉

卷四

七

聚山林不事農桑出其強有力以劫奪人攘攘弄兵而爲盜者又舉皆百姓也臣思古三代賦法取民不過什一民獲其九以自養而出一以供上亦甚易事耳而今日之責民以賦又非如選古之從容勞諭如家人父子刻畫其肌膚繫繫其妻子以誅求之而賦稅不完長吏選選得罪民苟堪供更何苦而不求民苟有餘亦何苦而逋賦臣又思古七月幽風春耕夏耨秋有瓠瓜冬有室處老人婦子四時皆有樂意夫民衣其衣食其食保聚其父

子兄弟夫婦亦甚樂事也何所迫之而天下人爭舍所樂而爲盜賊則飢與寒之故耳坐受飢寒與爲盜賊皆可殘其性命而盜賊偷生與坐受飢寒似微分緩急尙未聞天下商賈有轉而爲盜賊者則知商賈尙不苦於百姓也其說在憂國不足而加派之無已周禮一書大半理財而太宰九式必曰均節是知姬公理節大率不在財之入而在財之出今遼左發難以來損封疆墮名城委棄山積而水陸航輓金粟以填之不可計近歲又大載我

左忠貞公剩葉

卷四

八

金帛子女而去百姓何罪迺按畝藉倍半而增其額一似以軍興爲天下要務而百姓若可緩者然此臣所踰伏草茅心切憂之欲叩控而無從者也其說又在吏治之不端而守令之無良郡縣守令古州牧伯子男之任所冀廉操惠政而仁加於民者也今之守令賢者固有而大要爲安飽之謀以躁進貪得煩百姓者多賦應十金者費不下二十金而僅可以入郡縣之府庫嗟嗟小民嚴刑追比之下但有妻子可鬻有形骸可驅使而復何所吝

惜哉百姓所供者一而所費者十加於百姓者一而所加者十矣何怪乎民窮財盡相率爲盜賊耶臣等雖束髮爲士實皆民也閭閻之苦皆出身嘗目見敢不爲我皇上陳之惟願皇上留意民生以薄其斂食寡用舒大學著生財之道何必專求百姓精心吏治以儆其邪知人安民虞書致其難之慎惟是旁招俊乂而已矣立於民上皆賢人也則及於小民者皆惠政也而百姓始宴然獲一日之安百姓安而竭力以供租稅者此百姓也皇上自

臨御以來凝神節約居處服食之際不肯妄費民間幸錢所以留天下之完氣甚厚則財之源流蓄洩之而有餘此百姓足君孰與不足之說也百姓安而捍忠以事疆場者此百姓也皇上自聞警以來勤思攘却進退攻守之間不肯少示口口以障所以養天下之神氣甚深則口口之情形扼腕之而有餘此民爲邦本本固邦寧之說也民安而財以足財足而口口口此清問所及非一而臣獨以安百姓爲治天下之要樞也又承皇上詢以綜稽明

罰而奸弊不除卽念百工之釐庶事之康而思喜起之歌此甚嘉與天下而聽其自新矣惟我太祖高皇帝首開大統再造寰區當日與馬翼論政曰聖王之道寬而有節不以廢弛爲寬簡而有節不以慢易爲簡誠深合於虞帝臨下以簡御衆以寬之訓列聖承之以爲治而人臣不善奉行則玩愒生而初意寢失至我皇上法御日臨考綜於諸臣之事功無不搜剔而炤鑒之平章日對採擇諸臣之章奏無不窮歷而究察之誠深合於虞帝敷奏

以言明試以功之自然以英斷課程之下竭臣力之拮据恐不足副聖衷之倦求而不免有瑕瑜不掩之懼將事功之奏得無有求張而反弛者古者三考以定亦或九徵以觀所願陛下誘掖勸懲悉其前而寬其後以恢宏於今日之治績也以天威咫尺之下罄臣思之專一恐不足符聖衷之通變而不免有囁嚅不盡之憂將章奏之間得無有求通而反塞者古者書笏以進亦或補續以請所願陛下鼓舞興作採其長而棄其短以廣屬於今日

之言路也言路開而百工釐治績廣而庶事康所稱六府三事允治萬世永賴者卽不外此而得之矣迺臣愚所獻尤有進焉入主治天下法有萬端而其本在精心於學問天子學問非徒耳目所及而在得其精意之所存古者聖學之傳歷堯舜禹湯以至文武皆聚於人君而道統合而爲一故三帝之學允執厥中萬湯宗芝而至文王則無然畔援無然詆羨武王則無偏無黨夫畔援詆羨偏黨之俱無此正心誠意之說致知處所在而執中所

左忠貞公劄錄

卷四

七

存也大學一書始於明德以平天下爲大業而宋臣朱熹釋治國平天下之義則曰務在與民同好惡而不專其利能如是則親賢樂利各得其所而天下平矣此千古治世之要語也安民以此用人以此理財以此是謂仁心是謂仁政而治法歸焉上合天心中符物性卽所天永命觀謨揚烈之道豈有外於是者哉蓋帝王之德天德也天德乾道元亨利貞毫不涉於陰陽偏倚之氣故曰剛健中正純粹精也皇上體察於靜觀坐炤之旨而推行

於安人安百姓之際必有澄然獨見其乾體者用以道統上續帝王之絕學而豈止以治法懋千古哉臣愚草野無知于冒宸嚴不勝戰慄隕越之至臣謹對

策四道

用才

天下之治惟天下之人才開之才本於性成於習而後機有所乘以大其所爲則才見焉故士君子用天下之具不待其有爲而後知之其志之所存

左忠貞公劄錄

卷四

七

耳目之所守皆有一定不易者棲泊於平日不能必我之遇而能必我之所存所守則我所以致於天下者必可知也何者天下之事待其臨而後思應待其變而後圖所以究之者皆暮氣也天子以旦氣治天下士君子佐治者亦以旦氣而始可迎天下之生氣以共成其治我皇上聰明神武宵夜思賢以求天下之治而天下之士尙未有起而應者蓋有說矣國家所以求士者甚奢而士之自待者甚薄平居處白屋之中稱詩書而說禮樂者不

以爲窮理盡性之事日夜啣喁不肯少休爲取世資耳及問其所取於世者使天下知姓字亨鮮擊肥肘有所縣要有所佩以遇人之耳目如是已耳夫是以自一介致通顯遂其富貴功名之願而事已畢不復求有濟於世彼志之所求止是也其人豈無賢豪間者而鄉閭井巷之間相炫耀以衣冠相矜許以意色而貧賤之累嗜欲之情皆足以移其志夫是以人復一人轉相效慕以趨於短淺而爲不肖之行也如是短淺之人當誦讀皆而氣志

左忠貞公劄錄

卷四

志

已就衰竭又安望其遇明聖之朝有所建樹以洗發一肯之旦氣哉愚生居聖人之域竊聞求志達道之義又竊慕柳下惠魯仲連諸君子其志義甚高夢寐棲息皆不存乎功名富貴而凡其有所遇皆出吾澹泊寧靜之志以應之則功可與天壤竝而已不與焉志之所求者遠而道所達者大也儒莫先於辨志傳說佐殷宗以興而其志定於版築之間吉甫佐周宣以興而志已蓄於偕張仲以孝友之際皆繇積素之中有其旦氣出於天下相周

旋而天下亦不妄於暮此治之所以成也士君子誠能各定其志則諸生中必有抱無欲之心勵柳下仲連諸君子之行將傳說吉甫之業可成而於以致吾君中興之治於唐虞三代不遠矣

兵食

上古兵食之足足於兵農之合後世兵食之不足不足於兵農之分今天下材官鱗次豈少兵哉亦苦餉耳嘗讀周禮以九職任萬民閭師責其貢矣復以九職斂財賄職出於力凡商工賈續臣妾之

左忠貞公劄錄

卷四

志

屬皆得以力所出身所贏奉於君其所入少故以充府庫賦出於地凡山林川藪土壤之墟皆得以地所出家所贏奉於君其所入多故以待九式之均節九式者祭祀幣帛喪荒匪頒好用之屬皆以太宰領之而九式之中不及軍旅蓋車乘之資藏於邱甸之內故有蒐苗獮狩之法而無軍興之費也管子行之而兵以強食以足管子得周官之精故作內政寄軍令則用民有制而賦於民薄也其後范蠡用之爲相昔李愷因之爲平糶皆食足而

兵亦不弱惟商鞅開阡陌以養戰士而兵農始分
蓋周公聖人也管仲范蠡李悝皆賢人也商鞅奸
人也賢人師聖人之意故管子之內政卽周公之
井田范蠡之相肯卽周公之辨歲李悝之平糶卽
周公之荒政十二奸人亂聖人之法故阡陌開而
後世始有養兵之患然則愚爲國家策兵食豈必
復周公之初而後可哉亦得其意而已矣誠核天
下之兵自京師以及九塞其隸於籍者果有若人
乎有若人矣果皆膂力方剛能殺虜乎無者補之

左忠貞公剩葉

卷四

五

老疾者汰之想每營寨中所去不下數百人所省
之餉卽以募壯士壯士一人當弱兵五人之用然
一人壯士亦止食弱兵一人之食積天下而計之
所省不旣多乎則餉足而天下富矣吾所養者又
皆壯士也則兵足而天下強矣故策今日之兵當
求之營寨之外策今日之餉當求之營寨之中兵
精則餉自足此亦周官合兵農之遺意也何事取
天下之赤子而千里徵之又何事取嗷嗷之耕夫
半畝而增其稅哉

求治

從來天下之治君臣上下之間莫患於各規其所
便君而不規其便則念與理爲徒飲食起居以及
予奪嘖笑之事皆不存於嗜欲而止存一孳孳求
治之心臣而不規其便則念以君爲依身各之慮
富貴貧賤之圖妻子親戚朋友之屬皆不得盤據
於中而分之不然而唯已便之是求見君之孳孳
而求治也則以爲不便於己而反以爲病我皇上
明德在躬御極以來夙夜不遑以憲天法祖爲事

左忠貞公剩葉

卷四

六

而求天下之安可謂勤且切矣天下之事患其不
求求之未有不獲者也又患其求之而旋置求之
不已未有不獲其初願者也草茅之中咸有起色
以爲旦夕可見雍熙之治而諸臣或有過計則諸
臣之圖便者多耳虞書之稱帝堯也曰迺聖迺神
迺武迺文洪範有之思作睿睿以作聖聖者言其
心思之無不通也易繫有之神而明之存乎其人
神者言其心思之鼓舞而不倦也記有之弛而不
張文武不爲張而不弛文武不能文武之號著於

周而其實已見於唐虞則知言其德之全而屈伸變化如環之無端也故當日稱頌之下繼之曰無怠無荒四彝來王夫帝德如堯既聖神矣既武文矣豈復有怠荒之可虞而其臣颺而貢座右哉蓋能聖神不自聖神能武文不自武文皇皇然日進於自強不息之道以法行健之用理據於上而無以理勝羣下之意因無有臣下不逮之喜則聖神愈聖神迺愈神武文迺愈武文而蒸動於上下四表之間固知臯陶之言臨下以簡御衆以寬卽無

左忠貞公勸業

卷四

七

怠無荒之旨而廣運之稱罔愆之贊一而已矣愚生所願効芻蕘於今日者止此耳豈敢謂糾虔懲愆之爲過施而以廢棄之寬慢易之簡進以違我太祖高皇帝之聖謨哉爲人臣者逢不世出之聖君又值國家多事之日當一却其身名富貴妻子種種之念夤寐棲息一以無欲爲主不敢自規其便而惟與吾君孳孳求治之意相副則惟恐糾虔之不密懲愆之不嚴矣我皇上固不自便而惟以便天下爲慮探抱其不自聖神不自武文之德以

與人臣共治天下凡事見其名必責其實凡人錄其長而使補其短與輔臣言治道與銓臣言吏與戎臣計臣言兵言食以及百官庶司莫不循其職而求之夫循其職而求之固彼之所不辭也君不肯逸而臣不敢辭雖堯舜之德唐虞之治何以尚茲哉

從祀

學術人品非二也聖賢之學皆起於身心性命之微以見於君臣父子之大而天下國家取舍生死

左忠貞公勸業

卷四

六

遂以廣其施而究其變蓋學之之極而品以出焉學鑑也所以含攝天下之品而明其得失品衡也所以稱量天下之學而制其輕重人之自觀唯是操鑑而炤之於以觀人唯是持衡而評之吾之爲此說者何將以論世之從祀孔子者自孔子以匹夫垂訓後世六經之教見於天下而天下有志之士赫然知道德之爲重而富貴爲輕立身行道進退附六經之理以有成而散見於口舌筆墨者皆與其微義相參天下讀經者不能驟洞達聖之微

昔借解說以見六經而傳遂與六經並垂於天下以爲表章聖道可與當年身通六藝之流者比肩而遊以同其血食豈謂爲其事者之食其報哉以示天下後世之士但有志於身心性命者卽有可以爲聖賢之理也云爾此典始於漢延光定於唐貞觀以至本朝而大重之凡天下人合於此者亦得與焉爲世道人心慮深遠執事所詢將以從祀諸人愚竊得取其大意而提衡之論進代之從祀當以羽翼表章爲主而奇犖卓絕之行不與

左忠貞公祠藁

卷四

九

焉國初之從祀當以理學爲主而忠孝節義之事與參焉今日之從祀當以忠孝節義爲主而語錄文章之屬不與焉秦火之餘六籍或自壁間出有之而不能讀讀之而不能解者何可勝數漢儒註之疏之功與六經同至於宋而諸儒又爲詳明之俾人人知意義所歸功亦與六經同至於後而華彝淆亂不復知有君臣父子之義理高皇帝出而廓清之周程諸儒之解說具在能闡明者寡矣以理學爲宗而使六經之教大墜於我明功亦與漢

宋諸儒等至於今日以六經收天下士家傳而戶說之聖賢之道非不明也特皆謂聖賢之言空傳於後世而今世之人不可以復爲聖賢遂分誦讀躬行判然爲二於是誦聖人之言者躬盜賊之行而不以爲恥皇上思以從祀之典廣示風厲則莫若於已進之賢臣擇其合於忠孝節義者入之而訓誥之事其後也又莫若於數年以來或死於王事或死於奸人忠孝節義之心迹曉然於天下而無所疑而深有合於聖賢之旨者與先臣同議入

左忠貞公祠藁

卷四

十

焉蓋忠孝者學問之根本節義者聖賢之藩籬根本既立不必問其枝葉不破聖賢之藩籬而何不可納之門牆之內哉執事所詢者先臣也而愚并以今人應者今人天下之所習聞且見也夫所習聞且見者亦既躋於聖賢之域則我亦可翻然而自奮矣風厲之道莫切於此寥寥先輩人或以爲不可幾及而讓之耳伯夷叔齊當年無著述之書後世無文章之譽而一則曰古之賢人再則曰餓於首陽之下夷齊雖賢得此語而名益彰則知孔

子之所許矣所許如是則知從祀孔子者矣

十椽樓遺詩

雪詩

丁丑五月至晉運城登海光樓觀鹽池思
有虞南風之歌見皓如積雪一望無際便

思作雪詩又五年見詩又思鹽池迺作雪

詩

維雪似鹽迺五穀精綬綬然下以養民生謝子撒
鹽尙賦爲麪因其形似其實可見古有虞氏以阜

左忠貞公刺葉

卷四

辛

民財貽我豐年以年以來解愠曰風占年曰雪虞

絃周頌苗格農悅

過定興悲辭

余師鍾太音先生爲定興令口十萬圍城
力竭攻陷先生在東城門爲口執口不

屈首當囚刃僵口以爲死矣棄死人中僅

喘息旋絕余過定興流涕而爲之辭

中國恤羣黎未忍勤遠師口口

昔當丙子歲遂爾秋騎定興如黑子一城當

其衝誰爲令君者齊魯之大儒登城偕衆守六日

鬢髯枯城小無多人爲令皆忘軀口兒十萬衆其

矢如沙飛環攻窮日夜孤城將焉依矢竭礮火盡

援絕力亦微城頭猶力戰血風已吹衣吁悲哉先

生之軀何其癯身爲口執口口兒操刃如霜

雪亦茹四處血頭顱頭顱雖已碎血頸猶未斷城

上櫛櫛死人滿先生僵其間腦塗喘息短一家零

落鋒芒中先生喘絕逐悲風水洗忠軀水殷紅取

義成仁棄其生魂青魄赤氣晶晶古有張巡許遠

左忠貞公刺葉

卷四

辛

殉睢陽先生與之同芬芳吁悲哉先生所存止一

子十有三歲經萬死先生雖已歿其聲方肅肅不

負當年詩書授弟子四十八人相向哭吁悲哉宋

玉歌大招先生魂遙遙魂兮不歸來涕淚隨風飄

古刺水詩

乙酉年五月客燕之大醫院從人有從市

中買得古刺水者上鑄永樂十八年熬造

古刺水一罐淨重八兩罐重三斤內府物

也揮淚賦此

玉泉山下水遠流帝陵前蘆溝橋下水其流聲濺
濺瓶中古刺水製自文皇年製之扇天府玄石流
清泉烈皇飲祖澤旨之如羹然逆寇犯天紀守陣
臣非賢君不棄社稷鼎鬚垂自天經筵赤金几片
斤生炊烟况茲天府水不為市價攀小臣侍筵者
視水心如煎再拜嘗茲水舍之不忍咽心如南生
相子卿墓相大小數百株枝皆
南向在韓城余曾為文記之淚似東流川捧之
以南旋跪咏豐苞篇

小孤山

左忠貞公薊藁

卷四

五

山骨能勝水屹然莫敢爭奠之匡蠡外門戶撐神
京神物張靈吻邪者魂魄驚雲氣護石老天風激
水清把劍磅程立揮之斷長鯨

已作雪詩又為昔日之篇

昔日河東見鹽池海光樓上思雪詩今日滌水見
大雪又作海光樓上思上天下地追琢成圓顧皓
皓神魂清安得置身泰山頂足踏玉虬聽鶴鳴我
聞絳雪可延年安得人人腹杲然又聞雪寒能凍
人黃竹之歌會哀民

蘆花行

去年回回巷裏過帶血牛羊紛就剝爾肯掩口不
欲見言驅我馬走如電春間道旁見死人心嗟上
天何不仁呼人士瘞聲悲咽莫使人肉飽烏鳶五
月驅車出城門天津以南無烟村靜海縣裏官可
憐徒步泣下腹枵然滄州河邊多枯骨親見骷體
猶戴髮大都道上縱橫死人避不得驅車側過輿
夫亟嗟悲哉余年十二過臨清隨先大夫指東旌
花燈十四走新正街街金鼓家竿笙至今二十有

左忠貞公薊藁

卷四

五

九年臨清重過聲寂然但見犬啣死人足餓鴟啣
人腸羣鴟飛奪枯樹巔東昌蝗蟲賣成市略一嘗
之嘔欲死東阿平汶何可云村落皆為灰道路屍
紛紜云是梁山盜賊殺人成羣新受招安同官軍
濟寧南陽盜新經舟至中流聞血腥水牛臥草見
邳州一線春生消客愁南自黃河返我舟舟過梁
山我心憂虎狼食人人知避人習虎狼莫與忒君
不見片片蘆花飛蘆葉蕭蕭風雨霏北風怒號自
天來崖邊白骨積成堆白骨白骨何太苦生而餓

死死不得歸土生而殺死死不得歸土肉爲人食
骨踐泥魂雖黃昏不敢啼惟羨蘆花白如練隨風
俱起免塵濺君不見片片不是蘆花飛迺是滿途
白骨飛霜霰

擬賊逃歌

賊逃歌擬李子也空同樂府中有賊逃歌

余在濟適聞梁山賊李青山逃爰擬斯歌

射人射馬擒賊擒王梁山賊首何其狂我聞梁山
下森矛戟將士虓虎旌旗赤賊頸非石賊非有鬪

左忠貞公集

卷四

畫

我聞禁兵又渡河馬步約有五千多豺狼夜哭行
道歌君不見李青山驕馬已走東山間

恐賊渠之終遁也又爲歌

天網恢恢疎而不漏賊破城焚人廬奪人之妻絕
人脰死者彼獨非人河水洋洋中有航敢逆天稱
寇雖暫爾爰爰而逃鑄魚陷獸我厲我刃爾授爾
首

贈趙素水

昔寓其園名鷓鴣枝

吏隱兼儒隱青松蔭草廬心期千古遠交定十年

餘痛哭君何策流民余上書一枝寧久寄竹戶映
安車

酬鳧岫年兄

別離三歲餘式問著何書人遠門常靜池清慮益
虛風遠刻水棹今見子雲廬古道存佳句民艱亦
望余

浣筆泉

太白樓方下重尋浣筆泉先生今已矣高致自蕭
然詩出驚狂客人豪擬魯連文章貴峻傑茲水濯

左忠貞公集

卷四

美

青蓮

同趙素水楊鳧岫徐鶴洲齋取韻得微字

良友羣清夜高譚入座微當樽籌寇急對粒咽民
飢欲掬南池水頻思東海磯因詩生諫草風雅道
同歸

春社

恰逢二月戊燕子亦知春城有社翁雨村稀遺飯
鄰大田須歲祀盛世重農人安得介眉酒羣黎共
飲醇

贈徐鶴洲 昔濟寧議登降

魂夢隔神京 晤言古任城 世稱十七子 書以忠孝
名奇字臚金石 雄文帶羽旌 何能濟上水 一似徐
淮清

雪中望破賊音仍用微字補寄徐鶴洲

連歲賊多炬 皆因制術微 六韜惟用撫 八伐漸無
威 揚旆雪中出 揮戈日下飛 共欣樽酒裏 談笑靖
氛歸

瓶中海花

左忠貞公剩藁

卷四

毛

雪愛垂垂下 分來冰玉枝 梅花欣我屋 明月在於
茲 著處癯成韻 悠然香可思 羅浮應入夢 孤笛莫
頻吹

又

廈嶺千林月 一瓶已若斯 對為高士臥 何必美人
姿 東閣官梅興 揚州何遜詩 還思海上隱 斜影橫
疎籬

君子堂賦得此地古人心 限七陽

登臨意渺茫 情與春溪長 有賦且敲句 把卮方未

央古人同此水 今日履茲堂 吾友亦咸感 淵哉矢
弗忘

憶征人

金徽消息斷 玉帳靜生寒 廊底清礎切 鑪中煖篆
殘 風霜思上甲 旗鼓憶登壇 但過樓邊馬 凭欄幾
度看

村窗閒嗑

久識浮生假 隨緣一角梅 參禪堅福慧 煉性淨愚
騷 世亂親巫鼓 人閒戀酒盃 西窗從不鍵 常此聽

左忠貞公剩藁

卷四

毛

泉哀

四月霜

岑岑秋不了 四月又飛霜 樹杪鶯喉結 泉陰竹影
蒼 琴書皆帶肅 猿鶴亦成莊 憊矣西鄰叟 偃僕政
負牆

失登

橫海環雲採 忽驚掛逆弓 馬騶陣散人 悍鐵圍
空 有淚澆荒骨 無家繫斷蓬 錢符何日下 急弩射
波紅

崇禎十四年十一月十六日宿汶上聞東平

陷馳至濟寧際漕事賦此

汶上使東征東平倒立旌急漕馳駿馬憂國念蒼生
無劍誅克醜空言請客兵登樓長太息何以剪鯢鯨

思海上山

余二十有二歲遊煙霞洞二十三遊二勞

山俯仰間將二十年矣思爲之詩

巨峰絕頂上恍似玉京行海急常飛雪雲移昔有

左忠貞公劉蕡

卷四

羌

聲閑居依白鶴遠出掘黃精羽客逢休問蓬邱久

識名

又

煙霞結草屋松月橫疎櫺古史分成架山花插滿瓶
雲中雙鶴舞海上幾峰青夜半子規叫崑崙巔上聽

客燕得歸字昔奉命北使

鼎髻攀無及親闈竝莫依豈堪哀子淚昔落使臣衣
陵樹夢猶見家山魂亦稀人間忠孝事意與鶴

同歸

濟寧聞葛錦閩年兄卒

此處傷心梅樹枝翻從死別歎生離當年惜去惟
添酒今日悲君只賦詩掖省同行雙日影寺門灑
淚兩心知何時掛劍丹陽道草空傳兄弟思

范木漸掌科訪余濟署卽歸竟昔歲暮矣詩

以送之仍有春正同北之約

前歲曾登杜子樓逢君共恨縱於今把酒南池上
正值阻漕使客愁盜賊用招匪眼憎貌貅不

左忠貞公劉蕡

卷四

辛

戰莫兵求二東大半爲荒土豈但茲昔水滯流

又

河上曾經白露秋舟中遙思伊人悠感君衝雪驅
單馭對竿咏梅解我愁十疏回天名諫議三年泣
墓古松楸春風初動聯鑣北莫待花開放紫驪
憶張伯倩年兄卽書其兩弟攜來冊葉上

十年不見漆園生白雪樓邊舊弟兄遙憶當昔意
氣好驚聞此地脊令鳴蓼莪情性真風雅長吉詩
文到玉京卽使蕭陽已墓草徘徊捫腹欲吞聲

人日范木漸寄詩賦答

春朝緘至句慙慙人日題詩却寄聞看劍共思豺
虎輩上書誰恤雁鴻羣前賢兩地分宮藻好友同
心事聖君綠浪正生堪擊楫晴曦遙捧可瞻雲

借趙素水訪楊冕岫問因園梅花

天際伊人不我遇共歡濟上石渠家前年剡水爲
漕水今日梅花映雪花太史樽罍清且旨新詩風
雅正而葩更聞閣下紅梅樹暫駐門前白鼻驕

又

左忠貞公剡襄

卷四

三

爲問紅梅約幾樹疎香瓊蕊何肯開丹砂亦解凝
幽骨玉樹何妨吹早梅君自和羹增異色余當索
笑共銜杯一枝更折隨春水舫裏紗籠作杏猜

徐鶴洲邀飲蕪園

曾見有園金谷似可能勝得此邱無池中魚靜聞
人出松下鶴聞與石俱把臂幸逢詩屢和論文快
甚酒頻呼著書更道門長閉少客花間徑益蕪

又

好鶴主人清隱處松花滿地掃曾無高臺月上從

邀坐石窟雲生任入壺滿腹甲兵惟尾塵一堂風
雅共山鳧嘯歌余醉疎狂甚滄海煙波想釣徒

除夕

扶桑嶽嶽出瞳矓海內同瞻佳氣籠君聖如升天
保日臣勞莫玩采薇戎梅花開滿憐春好雪色融
殘識歲豐綠水欲生千度北安瀾只藉一帆功

又

客倚驚心臘欲終豈堪回首一年中綠林滿地賊
惟撫白骨盈眸闔盡空將效昌黎山岳力共驅辛

左忠貞公剡襄

卷四

三

已歲勞功喜新造化除應急撥火尋詩待日紅

徐鶴洲贈余蘿石含青詩取謝詩石壁帶青
蘿及李詩片石含青錦之句余賦詩酬之

滄海旌旗山邑北山名碧峩先君子託有玄窩夢魂不

忍離幽陌名字常須傍故河人若南宮應友石余
寧李錦且青蘿蕪詩入袖如堪供溟渤偕行望紫
螺

立春後三日大雪

人日方過二日後飄然白雪見陽春欣聞蠲詔寬

農稅更道堯仁釋梟臣絕域吞虺應卽出中原擒
濟正茲晨堪憎蠶蠶弄兵者莫佩犢牛斬斬津

鶴洲青隱圖

青田方羽嶽東遊止必集林行傍洲有客翩然揮
素塵長松之下澹相求翔當借鳳仍攜字聲可聞
天有至修舊是蓬萊仙伴侶何昔海鶴共山陬

鳧岫春雲

北望岱宗天際出派生一岫似飛鳧嶽分門牖雲
長護嶧作弟兄桐下孤觸石悄悄思雨氣非烟郁

左忠貞公刺藁

卷四

畫

郁動山隅太平不使賢人隱爲喬爲卿已帝都

花朝 得花字

江葩已放當春始二月陽風吹百花河岸草青雜
白骨郊陂雨溼長困芽賦詩思夢新生筆對酒擬
逢到處霞良友彈冠兼撲蝶紅植看罷泛仙槎

辛巳同甯改庵戶部駐濟上徐夕飲署中贈

余拘體詩作詩酬之仍約登太白樓

太白之樓高悠悠與君痛飲樓上頭下臨南池杜
碣在東望鳧山嶽雲收我才愧思欲作賦君智若

武幸同舟拔劍斬鯨共北去乘風破浪何須愁

酬徐準明贈梅花冊

眉公端不負梅花字字枝枝瘦筆斜冰玉何殊林
處士幽香應入鶴洲家春風持贈和羹句疎雨攜
行庾嶺葩別後月明相看處一如驛使海之涯

元旦感賦

前茲青瑣侍鸞班建極累恩觀聖顏廣樂鏗鏗隨
御步香煙芬裊繞中間呼嵩共向螭頭擁執簡傍
瞻玉佩環靡及小臣遙莫報跪書封事上民艱

左忠貞公刺藁

卷四

畫

又

登樓遙望五雲端親舍依依隔歲盤征馭叱驅方
半載御階今日拜千官侍臣殫力催帆急無父孤
兒離母難况有鶴鶴悲海上署中柏葉浸卮寒

孫孝侗訪余濟上於廿八日也詩以送之

天涯兄弟別離繁把臂南池不勝言燕市十年同
社譜麟壇五士共師門大明湖泛華山月君子堂
斟濟水磚聞道嶧陽桐樹好何曾攜履一相捫

讀史有感 得功字 昔客燕京太醫院

日窮西北哭玄宮涕灑青函當朔風臥起持千

世節日霜爭烈使臣功史斷曰鄭公奉使文山母

死不能慕張竹軀亡尙執弓仰面悲呼山嶽動同

心有侶訴蒼穹

昏野房周垣墓在側

昏野人歸盡沙頭立月痕遠風傳綠火吹入仲堅

墳

失題

裙花偷洛水眉翠摘天台謾向前峯去山靈不放

左忠貞公刺葉

卷四

美

同

西村鑿沼

養鶴添山韻栽梅補柳香磬西增小沼且莫遠詩

廊

愛妾換馬

摘愛易驂騶雙珠儘足酬何如竊電足馱妾上層

樓

勞山道中

匹馬西風去路賒幾家茅屋趁山斜白雲爭捧如

花女盡日溪頭獨浣紗

再謁方師

湛湛清波擦綠筠誰將片褻掛西辰癡心欲證金

仙果稽首空山拜至人

老槐爲風雨所拔

西風一夜振東陵十丈高槐欹水湄葉落根枯都

不問只愁無地著金枝

香山寺

少梁亦自有香山寺列眉旌不可刪喚作方山何

左忠貞公刺葉

卷四

美

日始明霞空影上雙鬢

香草坪

香山新雨靚如粧山以香名草亦香佳句愛吟堤

上過春風吹處斷人腸

濟署三柏樹雪中落落有古意又向徐鶴洲

索梅花插瓶中

月白霜清雪作華宴坐焚香養芥茶莫想庭前柏

樹子且看瓶裏凍梅花

見雲想望昔移文追賊

一天玉色結同雲絮舞瓊飛未可云已有縣瓠池
上雪令人想望李將軍

絕命詩

峽圻巢封歸路迴片雲南下意如何寸丹冷魄消
難盡蕩作寒烟總不磨

人日

厥日元方七條風律正春揖提惟見復太簇卽從
寅聖主乘陽候羣工布德辰羲皇和作世天地性
爲人雪足土膏黑曦暄柳氣新綠波將動舫碧色

左忠貞公薊葉

卷四

毛

漸生蘋晴 搜占朔倉庚聽考邠馬牛不庶貴耕
趾但農仁造物無輕理生民莫用輦堆盤當菜食
煎餅憶萱親雙勝熊 貌東郊昆弟倫前花發薛
思寄友若高晨樽酒柏中浸囊詩池上頻文披徐
幹論梅綻玉堂賓浣筆敲泉韻丹霞入樹勻同舟
欲破浪首月共談麟人悅物俱阜春融歲祚貧辰
靈值此際苗格豈須句人未春臺樂何名獻納臣
上元獨坐 得燈字
千里長安月高樓不可登賦詩思效庾貯酒枉如

滬夜靜肯聞漏署寒亦近燈雲空天在水人坐玉
中冰月上 風起思歸若季鷹茶銷亨舊雪膏火
續新燈夢遠將濱海詩清如伴僧梅花人獨對冷
蕊思相仍

病貽遣僕詣錢谷山掘黃芩

無端擗起咸陽火罄潑皮囊禍藏金鴻術親傳翻
素問涪翁祕授任黃芩佳期選定旬中吉隊使遶
來石裏城道險竝宜刪款段途長自合備靈霽縣
玲鬼哭空山火負鏡妖寒古洞心瑞苗猶函先望

左忠貞公薊葉

卷四

美

氣靈根未撥再穿林巖邊博奕休輕看洞口吹簫
莫浪侵鄭崇若逢須問履師襄但在必詢琴擦逃
瞿納蜃問血儘啖黃冠盤裏參薊杖憑高瞰海底
盟書順便寄山陰關頭一語幾忘却謾向顛崖險
處尋

再過臚山憶述

林巒伸縮簇西屏寄敖堂開萃鵲春雨滿遺雙
檻綠秋風斜送一簾青燒燈夜搆金瓦賦抱膝朝
吟鐵板經酒胆險登開化閣文魔黑捫蛻仙銘吹

簫鶴解欄邊舞過瀟湘冰上聽回首石渠人散
盡夕陽子立只山靈

上元夜得宵字

和律吹風日曳搖燒燈迎氣是茲宵花枝裊裊已
生蕾綠水盈盈正動舸暮影畫樓馳禁夜好春舞
柳最長條紫姑到處問閒事紅蠟高懸映碧宵游
女無多或步月黎民未樂怯吹簫滿裳度厄農期
足膏粥遵詣蠶定饒寒署青藜光借映清岢玉燭
色新調立冰雅句詞臣韻白雪騷人郢曲招遙想

左忠貞公刺藁

卷四

美

梧垣今放假更知燕市有羣邀豈需彩結唐輪盛
不用釐宋讓昭君賜傳柑當供母皇恩下詔似
聞韶思兄共詠上元賦逐友借鳴香陌謠此地約
詩同小預籌轉餉指東郊威將鷹繫休畱眼音
自桑懷再莫鴟穰李落梅歌任徹鐵關金鎖曉須
翕芳樽對草擒克檄絳帳回思作士橋武子臨流
咸擊楫希文攬轡可聯鑣勿嫌玉漏聲相促火樹
催明欲動撓

對聯

詩載韓侯所治漢為太史之鄉韓署梅花屋儀門

聖門高弟多為宰大學全書唯保民韓署梅花屋

為儒六涉前編尊經問史思成笥作吏七當敗歲

賦重民貧欲叩閭韓署梅花屋堂門聯

生為大明忠臣死為大明忠鬼燕京太醫院客館

七世侄孫廣澄較訂

九世侄孫整科振烈謹刊

左忠貞公刺藁

卷四


畢

左忠貞公刺藁卷之四 終

〔明〕林逋撰

居易堂詩集一卷

明崇禎十七年刻本



詩自濟南竟陵之盡
峙於騷姑而海內之
能言者遂角戰踏駁

序

而我至無詩非無詩
也無自為之詩也夫
言為心之聲詩又其
言者余每以詩而得

小人如彭澤之言澹
雅而超詣供奉之言
豪逸而自喜工部之
言宏奇而境曉左司

之言幽冲而尚遠是
無論其張職樹顏以
境為高下要自心而
辨之即其人亦不必

漢之史而已十得八
九蓋其以李杜陶韋
之人為李杜陶韋之
詩廓其性情炙映千

古序三

古豈齷、以步趨為
事哉林子子聖英子
卓犖博學深思禊神
遠襟瀟灑物外所為

文頡頏西京鷄壇祭
酒林子其文人哉一
日手一編曰此則某
所為詩余讀兩心異

古序四

之則又曰林子非徒
文人亦詩人也詩之
為道寧玉之瑕毋砥
之瑜寧襟袖之擊乎岳

毋衣冠之負薪寧偏
造越詣以自取性情
之真毋剽竊餘似以
苟獵一時之好林子

方序五

之詩有所取至于篇
則無問句者取于句
則無問韻色懸濃澹
之表格居離合之間

附景會時鏗鉤奕集
是自為之詩而不屑
屑于瑒繁之廊廡也
即以方駕李杜軼軌

方序六

陶韋亦無大愧而今
之侈百年萬里以號
工藻矜滴稍吟葉以
極幽玄者不又迳庭

乎雖然今林子業以
所積獻於

朝矣時事多艱可憂
方大克林子之襦袂

方序七

遠襟貞亂濟多則異
日之所以碑勳名而
爛冊帛者豈不以其
人而文與詩又烏足

以測林子就是為之
為

崇禎癸未冬之孟雲
襟方拱乾拜手題

方序八



叙

人同是性也學問漸之
遊覽廣之則有獨至之
性焉於是配乎景物觸

吳序一

為詠歌所繇與秋
鳥不同也世或謂作詩
當擬前代何人是泥於
教迹而迷於所獨至耶

靡拘方之言孔子採之
不聞其擬邠擬雅古不
尚襲如是且一人抱七
情故眾教為備惟其所

吳序二

至不可掩逐響而尋之
知其所寓而失其所寓
寓者將畢世無鍾期耻
齋之詩清真閒遠是其

獨得乃或放浪形骸則
滑稽弔詭感遇而發則
激盪悲壯取譬流泉因
風蕭瑟扣石琤然風與


吳序三

石不必有情或泉之自
為則又不可其空激一
碧當在何處外辭相披
乃見耻齋匪古匪近於

嘯遠矣

邑民息心居士冲漫

題



吳序四

余不敏學詩未成往往棄去間或有得旋復失之而不知思蓋其不自愛惜付之烏語虫鳴自起自滅而已詩於余何有哉獨同年友蔡元白好余詩則似有不可解者語余曰吾每持子詩輒寢食有所忘時時爲家人嗤而止余曰何至是唯吾元白多情耳雖然吾他日集成能序吾詩者必元

記一

白也元白點頭而去元白去爲理官長沙則盡節死官下矣聞元白官楚時寇將迫長沙元白慷慨與一撫一道臣一鎮將刑牲爲盟示必死守賊至彼三人者遁矣元白猶登陴督戰城不支而陷元白手一劍指賊以罵賊衆盡失色遂遇害死余嘗與同志者言天下有大事非元白莫任而元

白則死矣余初聞欲作詩招其魂愁緒踴不可成故每懷元白不置則必高誦吾詩一二章冀元白愛吾詩者必來聽我也然吾聞楚有臣三閭大夫憂時賦騷至蹈沅流以死至今過其傍者嘉其志如聞其音元白多情尤善詩章今志不得伸而死意必憤慨於中者若楚臣愛才賦一騷以


記二

招之恐先我而得元白也
崇禎甲申歲十有二月耻齋林塗詩刻成而記

居易堂詩集



四言古



塗著

夏日病暑翁壽如爲畫蘭谷寒泉置之壁
上肌骨間侵生微涼非畫能已病已病
之道如是也

林子一身有何可病性靡神馳遇物則競書
茶酷物老友安內道外華職靡有定因焚其身

居易堂詩集

一

驕陽助盛再拜翁子得盡以鏡水氣方滯蘭心
自淨淡卽是香聲得之靜夜月初生微風不動
清在花心香亦水性二物相求各得其正應從
此中見吾之命

五言古

題孔碩畫卷

何處兩片峰寂寂相對峙眼邊一點舟空山
有美結廬豈在溪但得幽而色出門卽溪邊
日見溪底野雲石上生因風過淺水小橋人
未來閒殺半邊几似聞落葉聲儻然清人耳
吾欲從茲往呼童覓杖屨感此別有會非徒
以其似文心托筆墨筆墨未落紙遇之匪兩
目作之豈

居易堂詩集

二

十指解得深深入置書不必視空床拋卷
衣長嘯疎林裏澹爾入古初悠然見太始

題美人圖

涼風薄暮至蕭爾動秋天梧桐驚寒色葉落
美人前美人怯無語雙鬢鬆半邊憶昔少
小時嬌貌能自憐登樓比新月移步生雲
烟阿娘問婚家千喚不肯然指兒作驂羞
豈知兒心焉向人不道懷低頭弄花鈿當
時矜重意回頭長大季

日暮見衰柳隱隱又殘蟬寂寞籬邊菊空房煙
獨眠

春夜有懷適孔碩畫竹成題之

暮春草木明開花間空碧幽人傷離居悽然怨
行役對茲良稱懷深悲非疇昔所思天之南拂
拂憂勞積我友同茲感揮素傳竹石云是江南
物聊將對孤客森然會群神清影動咫尺寒烟
涵空浚佳氣自朝夕皓月明憲虛素心與之白

居易堂詩集

三

似有故人來涼風起簾席

肥馬行

秋風昨夜來關城盡落木書生自何爲半褐
前禿今季獻策至難開主文目所以旅京羣徒
行尚僕僕雙錢借短驢官呵已踟躕有時騎馬
回一門索錢六貴人擁從過高繫纏繡轂一控
必兩人沙暄馬蹄燠謹之勿高步長鳴且見逐
大官天子臣所喜柔軟熟晨興析正嚴出門行

欲速風息一街塵不見服箱軸皆言昔日馬征
戰事驅逐黃塵昨夜昏胡騎來近牧析急欲無
聲烽高額前盡馬鞭樞宮門清夜動清穆星河
殿前搖低昂天威肅傳詔啓戎行將軍勞推轂
帶月出嚴城不敢趨湯沐萬馬開團營煌煌征
不服嗟哉此馬肥氣盛徒飽菽鏡鼓方發聲一
步一縮胸將軍相法高孰知路人哭

夜泊溪漲移舟黃田驛

居易堂詩集

四

深夜冷光生疎篷似曉清乍驚舟子夢漠漠天
水平隔溪人語細竹杪出燈檠野籬逐波去小
犬吠眼明牽舟就人語古驛門前橫古驛當水
次時時有送迎送迎何時已折盡柳與檉繫舟
繫不得空惜別離情

客廬夜坐有懷及門薛子熙諸子

柴門何向寂行人靜短巷攬衾坐無言虛色白
楣枋庭蘭媚露風幽香感清悵茅簷小有天星

斗入俯仰涼颼淡拂人明河生微濛縱橫百感
心端在孤月上古琴不可理高風難爲唱風昔
二三千寂寞微尚歸來萬里人願言一相向
乃復在一方昂首勞相望嘆息夜已深長天太
蕩蕩

。秋雨連朝齋居皆水因戲東黃子臯兄弟
秋氣必歛聲孤人風雨外連朝四遠來條然一
室在屋後山不高澎淙落九派秋士枕簟傍涸

居易堂詩集

五

涸度微瀨若巖與俗絕高臥水一帶渺渺低下
汀野息太無賴相呼喋青艸往來亂蔬菜風散
一池秋荷葉因依敗隣家鷄犬聲微與烟水靄
齋居若扁舟滿帙詩書載擬將漿糲泛入古
人代叩須尚未涉窓開竟日待

。鼎石峰頂望連城時與董蒸德有偕隱之
約

山從諸頂出石出此山巔雙眼空中放開身立

秋天海山俱已見濁濟斷無連高下布原野共
此一青然秋雲鳥背上時過此山前禾黍園古
堞人家溪水遠不見行人度長橋覆一川濛濛
溪色中白日欲生煙如何城郭裡當畫罷衆喧
鷄聲入太古人氣見豐黍願結耦耕者同隱南
山田

同李晉五蔡元白將之楚官泊舟大沔時
雨潦驟漲城市水深不可行元白獨身

居易堂詩集

六

拏舟至茅齋欵扉相見曰吾獨爲子來
因吟詩一首見意余感其情歌以答之
好人若爲至五月沔水深千峰暗梅雨煙市氣
已沉茅齋閉清晝幽盟緒獨尋爲有相思者欲
語祇謀襟雨窓忽以開相見良在今誰謂盈盈
水獲此十季心懷勿莫適言出詩爲我吟十季
能幾日一見復如瘖陳陳守方寸寸懷何可任
艸艸將別去欲去湘水陰湘水易爲感君行莫

理琴洞庭時正波落葉愁秋林此地多芳草拾
之寄知音

七月十五日五虎山觀海

觀海盡於此高天氣已明白露當候至萬波一
時澄西角日未去猶與我心平有山遠水上不
聞松聲暮色蒼蒼來知有艸木生自此千萬
里生物亦天情一片秋紛落魚龍意不爭人世
卑虛處天光盡下并高持一杯酒四空立自傾

居易堂詩集

七

送方暮菴司理 內召用正韻

時紛在簡賢 帝命遠有冊高驂馳五臬秋風
清帶烏姬孺雜牽裾公去我安適出郭相送者
時有布衣客客謝父老言願趨加餐食有男使
之耕有女閒且織公入潤 朝廷風雨何私力
泰山雨崇朝膚寸在觸石問客何所感恩禮公
自德吾所不釋然於公踈踪跡下車式吾廬送
公越阡陌慙慙四季間三回望顏色公不謂我

慢相許有加益古道炤素心五水悠悠碧別去
卽萬里安知非疇昔公行佐 天子四方安反
側余亦歸舊廬言尋我初服夜靜觀泰階催僮
事未麥

茹蘗集爲尙社張田中母夫人矢節作田

中潔志二十季成進士以謁選行子知

其必不墮先志賦此以別

古俗日以移雅風日以萎非無作者立其故不

居易堂詩集

七

堪垂所以昔君子屹屹張四維我友古張仲葵
德以爲基廿載貧孝廉潔身諒自持時悲不自
止云有母之師嗟哉此母賢茹蘗甘如飴淚盡
繼以聲憫默吐幽辭此風宜入雅聊將薄俗砥
教子血作力艱辛端可思立身苦不易紛麗日
相馳七尺此白練一染卽爲潤最矣立 朝人
願言慎其儀珍重懷先志不在苟爲隨曰維孝
與忠文武德斯宜以視五鼎養寧免世人兒

秋抄同王有巢崔殿生程永子林孔異徐

燕嘉集西灣孔異席上為燕嘉寫菊

水山澹一壑虛亭開夕陽芙蓉發清炤落木踈
寒塘一鷺掠烟去秋心何處傍含意不先竟默
坐尋孤芳時理筆墨緒幽然發古香六久未能
別共惜明月光明月不炤人寒城歸路長

居易堂詩集

九

五言律

舟行懷人

雨餘山自好蓬在放舟先古本澹處壑孤村靜
遠煙懷人暮日後極首數嶺前秋葉紛思亂推
蓬未可眠

舟行見月懷人

異鄉何事月故故向人光即此孤清况聊將好
友方明心天外白流炤水中央吟罷蒹葭句蓬

居易堂詩集

窗幾片霜

客杯浦垂至溪南看竹起公衡孔碩韻
未能遂懶性作客又經冬梅思霜前淡鄉心酒
後濃竹隨吾意看門倩主人封莫厭頻游趣明
朝再策筇

題玄僊畫岩梅

妓而入道者幾幾有未可必之辭也
生就幽谷處不怨曉風狂有意空凡色無言淡

寫芳悟來寒後况聞得定中香獨耐黃昏辭霜
天夜夜長

鄉思

草草出門事看來客已深孤城一片月萬里幾
人心鳥動驚巢冷鐘寒過水沉繁霜平野靜獨
立起微吟

春夜馬上見月

春自都門好月看清夜時高天孤焰寂溪漏出

居易堂詩集

十一

宮遲霜氣千家合星河兩殿垂金吾渾不禁馬

上任敲詩

不寐

夜柝巖城急寒生雨後天心孤燈易暗客久夢
顛圓效病關何事長貧信有緣難將愁一片併
作五更眠

又

應有不眠意非關深夜寒客逢佳節酒儒仍昔

季冠好夢還家易傷心向世難兵戈餘短劍寂
寞背人看

又

第魁今想到到必說平安親老一時慰家貧百
事難寸心搔短髮永夜起長歎道拙誠無計逢
人畫牡丹

移居

客裏復移居翻如作客初飄零何日止來去此

居易堂詩集

十二

心虛應少數竿竹猶餘半榻書眼中人總在相
見未曾疎

又

總作舟車想驟來去任輕書能隨客至病尚逐
人行心付浮雲淡情親舊月明不殊今夜螢猶
扇故園生

病閒

病閒人靜後贏得幾分清暑氣流河漢微涼度

檻楹風吹無意起月到與心明坐澹忘言處隣
鐘又動聲

坐月書懷

客子何難睡月明炤百憂書無半字到淚有兩
行流一病皆為酒夕番是破愁將除痛飲累好
把楚騷收

容裡

客裡無佳况坐閒便當遊微風吹不睡涼月炤

居易堂詩集

十三

梳頭雨過雙聲鶴庭空一片曉漫漫河漢太却
是故園流

雷雨夜同孔碩坐譚有感

雷雨深寒夜相看悔念微但言人便短何益日
知非處世真無恣思家未敢趨棧疴勿廢禮此
太掩柴扉

登後湖衆香閣

開倚諸天起人開此日過登樓方遇雨隔院恰

聞荷水到新龜淨香分古佛歟五雲天秀處宮
樹晚風起

後湖看荷

湖水依天永宮流分出深風微入淡露花恹睡
濃心艷炤清光動輕香寂寞沉前山涼雨過桂
氣在衣襟

夢伯吹亡弟

無非痛一歎何故夢夕生難遇憐才鬼還思作

居易堂詩集

十四

客死魂過江水遠神帶野煙消應有相依意前
窗曉月明

予昔與伯吹同學為詩自哭之十章後執

筆心痛不能復為今又為之矣吾恐歎
者之日疎也

斯子豈真歎能堪遂永離三年曾聞筆今日復
題詩遇酒皆吾淚逢人便爾思蒼茫何處問句
就失巖師

昌平觀泉寺金魚池

有水即山好無僧便佛深
入門孤磬語出寺野
雲心一樹能依石群魚
自布金共言戎馬故茶
竈冷煙侵

登八達嶺觀虜退營

搥風平野動落日虜營移
馬上吹笳臥軍前逐
鳥馳氣驕入險脫師老
以貪遲至將開顏笑呼
書露布詞

居易堂詩集

十五

秋再申居庸關別公衡壽如孔碩

龜惜別人意重為此夜妍
初霜胡鴈白古月漢
關圓聚首看常事出門
即異天寒梅香不遑遲
爾晚迄邊

金山雷玉閣觀濤

潮色蒼然至孤峰立此臺
人煙浮岬瀾島日照
帆開迄漢千聲盡乾坤
一氣迴風流蘇子在洶
浪又東來

武林遇雨有懷西湖之作

夙有尋湖約今何避客
堅登樓連日雨出戶滿
城煙想落波心葉神榮
谷口舡短策輕好掛直
上孤山眠

洪江初發

愛此平江好輕舟五月行
微烟橫晚浦落日背
孤城指別家山樹情連
故園鶯莫須愁客路新
辨夢魂清

居易堂詩集

十六

晚登塔湖寺

風起空江暮維舟獨上臺
蒼茫千古色澹蕩一
人來塔影沉波冷禪房
對月開煙光分水氣應
共老僧猜

春途懷陳開仲依寄韻答之

煙水澹何際微風相與清
鐘虛古寺月星掛隔
溪城人已前山遠懷偏
靜夜生吟殘凄絕句涼
露又三更

夢開仲示我新詩醒猶憶之

豈意別君易悽然又此行薄煙籠淺夢流水見
深情風况依依似新詩字字明清音天外遠起
坐曉風輕

重宿勝果寺

每以無聊至寺寺僧時喜我來何也

乾坤酬混跡此地我重來小犬三周喜庭花一
笑開松風縈舊夢山露長新苔記得鐘聲處月

居易堂詩集

七

廊步絕回

客病思歸

悔矣出門誤病深古寺繩皇天還客去細雨好
溪流難別一山竹堪求七月舟老僧曾有約未
上水南樓

送能琴者歸武夷兼訂後遊

客中還送別何以贈鱣舟吾有寸心好問君十
指頭便隨流水碧去作武夷繩寄謝溪山月遲

遲為我留

中秋病起看月四首

。十三夜出東郊竹亭同自性和尚看月

病恹依筇慣近郊試步輕徑隨深竹過門掩老

僧清煙起城秋亂池空野月平茶香靜磬後露

白水田明

十四夜坐月

秋光貪病坐月入小庭寬深巷柴門僻布袍入

居易堂詩集

十八

意寒高天聞過鴈靜露下幽蘭好友誰能共心

長永夜看

。十五夜東池步月

見說秋中好言來池上尋依城一片水隔樹數

聲砧露重含霜氣天高得月心寒身忘病意納

手坐更深

十六夜平遠臺晚步

古巷人方靜山中秋可尋半亭雙樹影孤月二

更心叫鴈過寒塔吟詩響素琴平分昨夜後風
入滿城深

西窓客至對菊時十月朔霜降後一日也
客至西窓暮門開菊炤床含煙依石冷流影上
衣光氣足三秋露顏驚一夜霜聊將寒話永相
與試更長

雨後積翠山居有懷

好策孤筇太山中春雨晴籬門寒落日磻戶

居易堂詩集

十九

新鶯水冷還吾炤花閒趣客明心知無一事懷
向遠峰生

二

青青梅子雨籬下賣陰晴已斷山中夢猶勞谷
口鶯平田依水冷斜日過峰明誰解淒清况溪
風一嘯生

三

溪山偏好我來日野風晴炤澗成孤鶴依松聽

遠覺懷人永夜苦心事半燈明起坐寒更後千
峰一月生

積翠磻中作

白日明松路清谿足往還細泉流古道落響亂
秋山入語坐方寂巖雲迴已閒游鱗吾喜少谷
鳥絕機關

入北山

秋士入寒谷幽懷慰遠天蟬聲黃葉下鶴影白

居易堂詩集

二十

秋邊坐水芙蓉發行山確雉霧每來孤徃意落
在野僧先

秋日步自北山題

出谷步秋暉蟬聲寺北微茶煙寒欲白僧塵靜
初揮鶴立高原送人隨細雨颺蕭蕭衣上意零
亂到柴扉

嵩山樓看梅客有分得六看韻以困我者

卽席賦成

花好客能至柴門不待敲影斜圍屋角香重壓
簷茅言上山中閣如棲雪裡巢琴書相向寂孤
月到寒稍

行過溪東

自號鹿皮子身充石戶農竹籬垂晚蔓茅屋老
寒楓去鳥空無極颺雲歸正逢何曾因客話時
過虎溪東

遊南池讀杜少陵留句

居易堂詩集

五

短騎城南路荒池古柳新來吟得意句颺空
時人天地悲歌在行藏歎息頗從來憂世淚偏
到老儒巾

登太白酒樓俯見南池吟與二先生聽之

太白酒樓在南池矚眼光兩雄詩不拔千載酒
真香鉅野高風捲濟流清思在先生如可作獨
立望蒼茫

庚辰七月三日自北歸來抱書入舊齋東

隔園林孔異

依舊一園柳南風直到床蟬聲遠近接鶯影淺
深藏書劍風塵後饑寒歲月長隔園餘好友涼
魄正生光

門前小圃黃花為富貴人盡取詩以送之

果以容顏累摧殘取次尋人間失素友世上重
黃金此地別離空候門歲月深香閨容易妬莫
把冷芳矜

居易堂詩集

五

月夜上齊芝

煙暝艸風夕秋蟲鳴不息鐘聲出近阿僧舍開
巖側茶傳露正清松與月方得無言寐深夜起
觀天寂默

玉華洞夜起石上觀月

寒山寒向盡無一寸非龜葉響黃將半露凝白
未休雲殘颺水爭月寡滿江浮禹力遺河漢湯
湯西自流

入五虎洞腹中作

片石蹲於海舒懷噉大荒盈震潮自過流峙理
無妨時覺皎龍氣長因月光何知千歲事頂
上色蒼黃

初穉江上同林文善孔碩

新月不同好幾分是素涼大江清得句小艇破
秋光河漢忽而雨兼葭薄有霜二三朋話永寒
色到衣裳

居易堂詩集

廿三

戲代瞻輝答伯奮家弟瞻輝為伯奮侍兒

不安於家而出之者伯奮懷詩甚愴有
鴈啼誰是侶瞻姿不聞輝之句余哀其
志賦此

寒瞻輝自好不得炤君庭妾貌慙如月人心愧
小星愁從孤鴈度淚向一燈熒膽恹非無夢中
闈未敢經

秋日同友人過勺園二首

共步西風程蕭蕭雨正微蟬聲園內貯野意水
邊飛避客深花徑同僧款竹扉未知秋近遠處
處染吾衣

又

一勺園名水渺漫秋意平偶來方灑俗坐久只
耽清野曠直山盡亭空細水明菱荷風落後鶯
鶯若為情

辛巳十月十四夜宿居易堂起賦

居易堂詩集

廿四

一月上於天空堂炤獨眠夢無今世事情為古
人遷寒籟聲後霜鐘入聽先冷反應懶撥寂
寞守吾玄

紀夢

歲辛巳仲冬十有一日夜宿萬廬夢居小
舍中設臥榻盤膝其上舍中空無他物左
列小几几前侍高臺燃燭甚明忽有嬌女
從右側出被服閒淡自擬小筵近榻對坐

余問其姓字曰徐名谷雲平吾字也
其韻曰子豈能詩者曰然因語余曰子前
兩日所聞友人某詩文不滿於中者二吾
知之余曰子試言女言其一則果予昔所
蓄以爲織而未工者也因起與偕趨行出
門則臨山野日將暮矣天若新雨過山皆
繆雲沉沉未起而露半黛者余指戲之曰
此雲平也相將徐步甚遠余曰子豈有家

居易堂詩集

五

乎曰適行已過余心尤其不語曰路微艱
耳且顧徃徃則田溝中水瀼瀼難度手翼
余而過至一處屋三楹如人家廳事轉向
者從後側門以入堂之左有廂踈櫺頗落
掩閉甚密右殊飾女曰子姑坐吾入取吾
詩來余仰見懸燈甚麗正以手擎不可及
而女出右廂有笑容以一箋擊掌曰恰好
吾詩在扇余急取讀之趨云亭柯偏有葉

素手出高寒不知所咏正在擬議問女執
一綠梅條攬扇上予心悟其咏梅也亟贊
之曰佳甚李羣玉素手亭亭指夕陽竟織
耳女撫予背曰子知言者遂寤豈梅魂耶
足其語成詩
亭柯偏有葉素手出高寒不共路人語招尋出
遠齋標將寒月碎掠片霧鬟珊到處雲平谷幽
香只自攤

居易堂詩集

六

初秋江上作
秋從何處至江上獲秋心山歛容將肅葉吟意
不禁天高入鴈遠露重感琴溪千里蒼蒼色月
明沙際尋

重九後一日同林文善方具蒙林孔碩上

金粟臺

秋事登高少山行尚可裁依然寒色在也有鴈
聲來楓葉無聊老菊花有待開每懷虛度感能

負此高臺

晚泊同諸子村遊野人餉菜而歸

輕舟依晚渚花引向村行細竹人家暮繁烟亂
鳥鳴谷盤墟遠近樹隱野縱橫落日尋詩處前
山對面平

又

不盡溪山興佳朋作好遊鳥因依宿叫人亦向
勞休村巷歸牛暇園蔬餉客周何嘗擊鷄犬分

居易堂詩集

毛

取半邊丘

雪風吹舟至江山

郊貪風送棹不分雪吹衣雙鳥灘前急片帆樹
裡飛春閒隨客至天意許人歸逆旅樽相問兵
戈有是非

風甚夜泊

溪風未可息葉葉不停吹夢遠寒難續衾孤冷
易欺千山欲釀雪一夜不成詩愁絕溪花路朝

來損好枝

春既深尚閔雨吾望歲亟矣

何物非春願春深百禾芳雨前催若瘦月下灌
花忙遲蚤三秋計安危四海長天心如可轉常
復顧斯方

雨足矣又恐傷稼山居見晴喜賦

一雨連朝足風襟吹爽然晴生花氣動清出鳥
言便水滿白無地山濃青上天田家歡喜甚歌

居易堂詩集

二十八

起小村前

夜坐山中

秣糲菜數容坐處晚烟濃月暗虎窺戶山寒鬼
拜鐘移星當面過流水與心逢谷靜風生響枯
枝下老松

又

起行消晚羹雙手掩柴荆春去琴先覺月生鳥
乍驚鳴蟲依候變列宿換更明不睡關心事涼

風吹未平

行山

端不繇筇力閒身自在輕
亂鶯聲裡睡深黛色
中行馳鼠能人立山花學鳥名
東風吹萬綠可惜不銷兵

不願

不願荊州識何須萬里侯
時來雲共屋長許鶴
同舟年亦能無惜詩成肯自愁
吾生安穩在處

居易堂詩集

二十九

處有滄洲

山中閒步

介雉原同性孤居肯受樊
吟詩酬木客倚竹得
龍孫雲去溪何語月來水有魂
杖藜知己甚相得到柴門

穆陵關下用趙雉白韻

行歌上古關無復壯夫顏
下馬看寒溜持鞭揖
遠山吟高酬春事劍短備時艱
不盡蒼莽意長

風萬里間

道憇蕭寺有懷故山用前韻寄之

解鞍古佛關愧上野人顏
枉復辜春事何辭謝
故山短眠驢背上得句枕頭間
應曉愆期意多緣道路艱

海州道上同諸公行大澤中用前韻

無聊倦客顏驢背百相關
詩思鶯前柳鄉愁海上山
同人于野大出險涉川艱
見說兵戈地方

居易堂詩集

三十

當去路間

曉行霜林動吾故山老梅之思用前韻

清夢霜林曉相思梅意關
帶煙將月色不雨點
鴉顏何必白於雪似聞香在山
恠來寒句甚悞落孟郊間

蚤行長山道中

無言何處去又出主人門
寒淺知春近星微覺
日尊鷄聲連樹遠驢徑到山昏
應愧高眠者輕

行過小村

居易堂詩集

三

五言絕

七夕詞七章

共道儂能巧廻文錦織詩但守身邊郎何須斷

腸詞

又

但言此夜雨郎妾眼中淚春晨與秋夕奴少傷

心墮

又

居易堂詩集

三

織得今季錦記得去季衣但着河水寒慢說是

與非

又

河水寒郎體勿便寒郎心一季尚一會曾如長

別溪

又

一季長見月不肯照佳期羞儂君曾解妬儂不

奴時

又
一夕說一季年年積悵深莫說深深恨郎心與
妾心

又

何不收瓜菜尋郎轉洞房儂得此宵難渠看作
尋常

立穩日

一聲何處鴈踈却半邊林落葉澹無語秋水自

居易堂詩集

三三

沉沉

彈琴峽 居庸關上

一曲彈琴水知非昔日音不炤幽人意徒明壯

士心

齋居自種

閒理窻前花殷勤奉太嫫有時清夢裡同上花

閒葉

。又

種桐方數葉葉葉受風聲直待孫枝長幽吟作
鳳鳴

題畫竹寄蔡元白長沙

是處傷心竹湘江聞最歎何當將別恨積與洞
庭波

雨中度嶺

寒雲凍不開暮雨來何急洗盡衆山青流作前
溪碧

居易堂詩集

三五

。題畫

我友寫春山蒼滋萬樹裏時時獨上樓似有人
千里

五言排律

乙亥春 楊無山夫子奏績時淮陽有警

夫子慨然憂深益因賀詩以致吾望歌

三十韻

學道今誰講斯民氣不全慨於上世遠端賴至
人綿是理關歟妙吾師識獨淵琴彈風泊古正
擊味流玄蕞爾山溪邑登茲禮樂挺鑑澄柘浦
水春結武陵煙百里何悠矣三季一自然雖生

居易堂詩集

壬子

桑下坂農插雨中田不羨循良傳難忘樂只篇
可知經術尚力使樸淳還才本千人廢文猶萬
鑑傳瀟湘秋渺渺泓漢月娟娟伯氣吳壇降雄
風楚旆懸惟應天下士得事古名賢夫子關西
聖及門冀北駟諸君皆遠器小子愧長鞭豈有
布衣者敢言國士焉遠庭徒浩蕩窮海獨流連
何日干戈息而今淮泗延衣冠 興聖寢豺虎
亂群朕望闕停干艤閉門無一鏃側身仗 聖

至開眼看皇天神武規模定小儒章句偏近聞
綸閣選祗取治才銓此日蒼生急他時講幄先
經綸八面手朝野一身肩道際君臣合功安社
稷堅車攻蒐洛野舟楫濟商川原憲貧何恨相
如病勿憐雅歌正始後誦擬中興季

壽方慕菴司理

運世何當臻君臣道必因嘉祥澤在物元命配
乎人曾憶治平代尚觀浩蕩民二三元老聚左

居易堂詩集

壬子

右帝心親萬曆末年所司空一德臣大賢必有
後克孝自能循天欲昌邦族地隨降嶽神高名
齊斗極佳思破秋旻一日鴛湖月三季構里春
携琴曾去越執簡又臨閩問必臯陶淑臯如康
叔陳至和常在色防俗不為嗔御馬寧寬轡淵
魚豈察鱗喧廷特大體閒署絕微塵入道機逾
寂寧心治已馴鑒文不以貌禮士最先貧方叔
猷尚壯蘇公福在身鐘彝垂德舊鶴鷗立班新

行且秉三德坐當理六鈞善人應忒殺君子有
經綸儒術致君貴廟謨洽 祖淳衣冠通日月
步履動星辰天壽將平格王家受命純

居易堂詩集

卷七

七言古

。報國寺十二松

徑歲冬深雪載塗我來閩嶺越山嶠踏壑選樹
一雙屨幽興蕩入西子湖孤山鶴舂梅未花長
松之下遇林逋留得胸中落日炤側見斜影千
萬株吳江飄楓寒颯颯江北衰柳髡如奴自別
輕濤耳畔響至今清夢夜夜孤 慈聖答造報
國寺寺在都門西南隅十二老榦次第立不可

居易堂詩集

天

思議世所無氣古流躡接混茫貽宕耻復學步
趨才能有餘分四面高寒清穩面面殊應爲未
肯危置身正欲世人知其愚器小思在丘壑問
老成風流靜不迂典刑未遠我之師道存神足
理非孺我友林子字孔碩滿腹謔謔松風行有
時落筆貌奇相瘦島寒郊與髯蘇令之寫圖拱
我手吾今不敢再操觚相對勿作形影觀恐失
此君得其膚孔碩乎神奇未得真知已拜跪

贊從謏自有此松歎者多對面相失我與吾大
抵此松品不難聖賢豪傑顏皆俱

劍浦行

精靈投遇貴者識縱有相知非相得一日之辱
終古羞端使壯士無顏色吾聞晉室之初殺氣
開司馬孫子多下材內寧懷遠道不聞紛紛徒
令識者哀茂先老子稱宏遠解事無救邦蕩折
擊者之學安在哉祇使昔人嘆明哲千秋雙劍

居易堂詩集

壬午

應有心茫茫先氣豈復禁當時一出不得試遂
使沉吟徇至今萬斛寒波浣熱腸白日迴愁黯
不光百千英靈齊歎息悲風慄慄我心傷劍乎
劍乎此意何時平中州西北方用兵時難誰杖
三尺雪吾將持汝奉 聖明吾將持汝去何之
布袍繫汝且勿悲神物會合關時運豈逐并州
馬上兒文武安邦古有道嗚呼雙龍勿草草鳴
呼雙龍謹勿復草艸

送崔殿生遊武夷

予庚辰七月十五日觀海至五虎山再
歷百洞諸舊遊上玉華陟昂石峰頭望
連邑而歸崔殿生亦自海上來示我以
遊支提記一卷且言有武夷之行欲向
諸山作一品語蓋自負其亮服能作好
文字記載耳余戲謂殿生名山大澤與
掌上丘壑原自不異但看遊人心情所

居易堂詩集

甲

入幾許若生較量心恐往來得其情祇
見笑耳殿生是之因歌以送
七月西風吹片暑秋雨洗雲歸海淑我從海上
拾明月擲向玉華峰頭與共語腹中五虎未可
平百洞猿聲亂秋緒懷抱美人在遠天月上夢
逐海波眠相思端如海上月相逢猶帶秋海烟
兩袖脩脩何所存示我一卷支提魂烟濕月寒
花露語開之秋風動柴門殿生乎山海上君胸

臍膏爲何爲目之上復有溪山癘殿生視余笑
指雙芒履去踏秋山自此始武夷之水山爲滑
武夷之山水中起此中應有三百萬斛秋秋旣
中矣月應美試問太姥雄奔支提幽峙百洞海
眼五虎地肺次第功臣位第一山川快然以爲
是子將一言而送之余曰唯唯而否否人心不
同如其面山川之於天地亦猶此荆公之學欲
使天下同黃茅一色而千里茫茫全唐求壓卷

居易堂詩集

聖

至今猶笑濟南李入眼和同山類山誰能食之
水濟水殿生子但上山據高松入澤寒蘭芷
一片閒心託山水胸中莫留一物理清溪淺棹
撥蒹葭空山倒炤芙蓉花寂寞芙蓉炤寒水石
上流泉日未斜東山之月未肯上詩以招之聲
莫譁諸峯月上遲下渚水色天光發清喜水色
天光虛混切一聲靜盡秋瀾瀾峰峰曲曲坐孤
清便爲山水真知己

七言律

道中紀陳開仲別韻三首

煙樹萬重入帝京天涯是處故人情千山送客
荒荒亂一劍明心細細評斯意於今成獨賞相
逢未可說君名平原日暮愁知已浩蕩長歌過
古城

其二

西來之水日漫漫平野荒流出古關霜重小航

居易堂詩集

聖

人不渡月明嘶馬客休鞍傷心短夢愁邊斷屈
指交情閱後難春至寒鴻歸未得相思何日有
新翰

其三

何事論交許我真無言惟有淚沾巾須知此意
應余想可柰閒愁又爾身佳句豈從今世得深
情應作古人珍不堪日暮長吟過較較西風動
晚津

道中寄同社諸子

古樹城頭接小津
霜天欲暮起黃塵
中原劍短當斜日
故國心長值早春
何事相逢偏憶汝
果然閱世不多人
遙知風雨西窗夜
應有幽吟到此身

又

醉後同深經世情
緣貧驅我獨先行
苟然強出非初意
即得斯求亦負盟
尚守拙名今未敗
早

居易堂詩集

卷

知吾道晚無成
天如未棄仍趨去
共聽東郊五月鶯

元白車中夢與余
聯句各得其一醒續之

索和

春至江郎筆有花
文章神合應難遮
情因好句詩非淺
語到深心日又斜
纔爾逢君且說別
後然使我欲思家
月明靜後惟看夢
在在寒堤雪

寒沙

夏日看雙燕安巢未定

人簾雙燕傍人低
六月安巢意尚違
遠客何妨隨作主
故園無信且相依
驚將雁影傷辛苦
省得春風又是非
却好曉窗頻對語
吾須秋半始言歸

送王愧兩民部罷官歸遊武夷二首

拂衣今日即雲岑
去國飄然一葉心
恩重死生緣至聖
迹渾清濁信臣
深囊空宦署原無鶴
身

居易堂詩集

卷

被流言已賣琴
異節高名非了事
青山那可便投簪

又

相逢在客又離群
月傍家山旅鴈分
兩世情深芳草思
多年露冷芰荷衰
武夷秋滿心猶水
玉女峯高夢是雲
安石風流未得蒼
生此日正須君

夏夜聞警不寐

風激高城急柝驚明明雙眼遠床行書生又老
三季劍胡騎新驕六月兵無可柰何聊讀史似
難如此便忘情燈前自顧非侯骨擲卷長歌恨
不平

懷社中諸子却寄

諸君佳况又今年孤客懷思獨遠天懺後詩文
無險句愁來身世只酣眠夢迴唯有三聲嘆
近毋勞數字傳决矣欲隨秋馬到不然亦在菊

居易堂詩集

聖五

花邊

潘嶽若從江上寄詩登舟憶及和以答之
故人江上寄新詩寄得詩篇好自疑狂酒而今
吾豈敢讀書在我即堪悲平江蓬影三更夢晚
浦葭風八月思酸熟山中如有待寒籬且護菊
花枝

謁西山真夫子祠

蕭對先生四拜師吾將舍此太何之朝廷南北

傷心事故土春秋感淚祠道象猶流金玉氣
宗誰正典刑思當年真偽無容辨碧水溪頭白
日遲

甲戌冬日拜 李忠定公墓下時從邊塞

歸來

霜白山空正氣明松風肅肅拜先生功高天地
心猶恨運泰都城力獨爭河北徒聞摧士憤中
興何樂有臣名歸來塞外傷懷事欲起斯人訴

居易堂詩集

聖六

不平

又

衣冠文獻蕩烟塵獨上空山望岱人珍重當年
留勅語艱難身後憶孤臣多年墓木樵松栢何
處荒祠薦藻蘋一片趙家乾淨地誰知信國不
藏身

葉鴈湖睡鸚鵡圖題曰隴西飛夢

眼裏關山恡自知桐風閉靜不須疑
夕年別思

微聲悞漸學無言清睡宜涓水想翻明月影故
闕應記舊時枝玉孃底事渾忘却不啻春來有
甚詩

葉民部春畫堂卷

郭竹編成艸艸堂海鷗自解到閒塘日遲簾度
琴心古花煖亭深卷墨光天外烟霞吟句落手
中丘壑擅才長主人課罷焚香坐一任春鶯對
客忙

居易堂詩集

思

南雍謁國子先生因登鷄鳴山功臣廟是

日聞過沔流寇之警

短劍聊藏執贄過儒冠顛倒先生訶談經 帝
輦松楸舊禮樂王風蔓艸勿造士 祖宗今若
此斯文天地竟如何鷄鳴山上遺祠在滿地烽
烟起暮歌

秋日上積翠山居吾作客別山已一年矣
載得藍輿秋滿肩東郊風好趁晴天別山久矣

勞吾夢落葉依然記去年出郭何妨詩憤岍入
林穩辦病眩眠竹床移向石泉近只許溪聲到
枕邊

北山看梅用壁間韻

霜楓日暮好登臺烟暝空林早月來澹思惟應
不語看寒花未肯盡情開較量風力深香處珍
重詩人好句催僧磬無聲歸去嬾立閒雙鶴夢
初廻

居易堂詩集

三

雨中再用前韻

欺風賣老放高臺摘得繁枝鬢上來野鶴一聲
花片落閒身雙屐竹門開情深月下移霜種思
嬾春前借雨催遶樹不嫌行處濕短策香重壓
烟回

又

親人好伴鶴登臺背上踈香帶得來出郭松風
寒堞響依城烟水遠亭開斜陽磬外僧方去細

雨燈前句漫催莫負山中高卧意梅魂收向好
詩句

送蔡元白謁選

每向伊人夢易疑何當相見亦分岐一天月好
人方去滿地秋深感可知無語別君雙執酒每
當思我數看詩柴門此後仍須閉寂寂黃花上
短籬

又

居易堂詩集

四九

微霜淡淡小舟橫手執河梁意未平卽願樵漁
夢豈穩誰令戎馬客頻驚於今人盡談經世問
爾何繇稱大名見說省躬天語切慙慙莫負
昔季盟

集澹菴言別西甌徐燕嘉

桐竹齋開好友清菊花天老送將行載入秋棹
搖篋冷入夢寒聲太鴈明有別何堪徐孺子忘
情今學古先生微波可信心通否懷積溪煙到

處平

葉潤山先生與余講學有贈韻因和答之
前聖何能若是班狂流東太挽維艱表章自昔
功推宋私淑而今願學顏玉蘊誰分山有璞爐
紅未許鐵終頑明時昌學繇天意嶺海孤臣此
日還

七月十四夜李得晉招集交蔭軒看月卽

席賦

居易堂詩集

五

曲巷烟深踈柳垂主人興發便相遲秋於雨後
天登爽月在桐陰席屢移醉髮濡酣狂作字酒
杯到手大吟詩風波此日忘機好海鶴沙鷗是
我師

聞警

至尊不惜治絃更誰耻君憂答聖明肉食謀
身悲養士酒來濯足笑狂生蛟龍豈便潛蟠穩
牛馬還思入隊行尚有治安策未上寒宵劍作

不平鳴

癸未開春四日平湖放船有作

牢落依然勝事存花明晴水暖如鴛東風吹草
新詩路異國開顏好友尊山色漸青來越地梅
花連白到吳門平流不動迴舟緩貼岸家家印
月痕

謀鱸

愁來無語只登樓一劍隨吾又蒯緱滿腹腐書

居易堂詩集

五

惟國憤半燈殘夢畏親愛行藏敢逐鶯花事鱸
舂聊從杜宇謀自笑此身無頓處蒼茫烟水喚
輕舟

阿窓溪邊得石數枚湏以小盆用供野夫

喜而志之

愛爾山心亦水骨堅頑惟向碧波明瘦僮兀自
生歡喜乖性真如見友生歷歷小盆丘壑迥陰
陰薄暮水雲輕米家莫用在狂呼拜此物繇來不

近名

溪上村行感成

一聲春鳥破山光日暖人家樹樹芳鱸客經過
來客路菜陂黃近麥陂旁青青艸飛牛生計白
白鷗飛水稻梁何事勞生頻嘆息故園剩有野
花香

蘭谿舟中同林繕之懷深梁仲錫

兩山青裡一溪風拾得相思是處逢弱柳似人

居易堂詩集

五

五路上好鶯呼友曉烟中文心夜靜鳴幽玉雅
意秋來發古桐想到五橋寒月後不勝清怨可
同同

溪上桃花戲爲新體

一碧溪光抹曉霞暖鶯聲裡放桃花鴛鴦眠醉
迷芳路映蝶鬚香宿露葩欲語寒烟依細艸傷
心流水過東家季季結子還人事一任東風長
綠芽

題溪上山家

蘿葉堆門風掃除水光斜日漾
閉居千山結屋鳥時叫一逕
開花人讀書扣角勸牛食細草
呼兒搗香進新蔬晚來解艇松
根去與月行溪不釣魚

雨後過花園岡

清明節近養茶芽綠暗平林
去路斜破屋炊烟霽竹杪漲村
春雨泛桃花藍輿過澗全身濕
竹

居易堂詩集

卷三

杖穿雲一半遮獨鳥安巢驚未
定山山水水客歸家

雪後過僊霞嶺

十年荅我僊霞雪短屐孤筇頂
上行亂竹搖光斜歷重空林落
響碎分明立來平見峰千積霽
處微聞鳥一鳴猷煞瘦吟清絕
句步危端賴小僮攀

登延津明翠閣

載得乾坤未了愁移舟剛壓老
龍頭古今有語呼雙劍風雨無
端集一樓此日深恩湖海客他
年肯學平津侯君難出水吾
歸也且作人間冷鐵休

夜泊劍津不寐二首

鐘鳴水語滿寒汀此夜乾坤有
獨醒神物猶然聞到老溪山莫
笑客常經鷄聲欲舞徒驚世龍
氣難降更觸星布被一張捫虱
盡許多奇論向

居易堂詩集

卷五

誰聽

又

潭影芒寒氣欲沉浮橋繫纜宿
溪溲落蓬細雨三更靜作客孤
吟百感深語到憂時天動色淚
橫知已劍酬音殷勤勸駕雙龍
聽千古吾君最有心

癸未春以道阻南歸同行有數
者詩以解

之

本是人間泛泛鷗行藏自斷亦誰尤陰晴為政
吾觀世艸木開花節置郵平嶺雨分高嶺雪上
田水落下田流高峰日暮投身處帘出前村酒
可謀

山居二十首

難言避到便無憂抱得殘書上故丘長借片茅
依佛國憑誰隻手復神州夢魂今不思鷄肋骨
相繇來非虎頭牢把一鋤春雨足山中肥蕨勝

居易堂詩集

五

嘉羞

又

鬢髮愆梳兩日前老僧有味說隨緣灌花正喜
雷生地磔卦初成雲上天儉歲自然甘黍飮寒
厨分外穠松烟殘書半卷未終讀又去溪邊石

畔眠

又

片石分來癖共頑茶鐺竹火煮湯潏眼觀城市

無窮事身卧溪流數折聞谷響鷓鴣清切叫花
明蝴蝶往來閑淺眠半覺何曾熟落日公然下
遠山同孔碩坐湖

又

春山二月屋添青倦翼鸚飛只戶扃布種鳥鳴
晨候雨憂時石上夜觀星揮鋤望遠頻傷草荷
笠行歌偶帶經城市自無言語到但聞米價看
空鋒

居易堂詩集

五

又

興言古事即傷今觀世情深待入林永夜有懷
長襜卷一春無思未開琴潭邊閒取吳鉤炤夢
裡呻猶梁父吟自信機心閉向盡臨棋恣復似
淮陰

又

輕寒驟中薄衣裳半日高吟不下床曾約巖僧
評製茗自獻石火續殘香詩成病後寧辭酒雨

積山中近絕糧取筆試書嫌手冷腰鎌親去割

松肪

又

拋書起去即園下短柄鑿鋤茯苓種藥數畦
依本草開函半卷是黃庭堅留小病消清福拜
取高松學典刑披得道衣臨水看天然一個野
人形

又

居易堂詩集

卷

熱心未死冷泉邊幽憤懷書石上眠春盡曾無
三日雨愁勿併入五更天挿秧風聲歌猶苦半
菽農興意尚慳拍几大呼傾淚淫楚中昨夜有

新傳

憂旱正聞楚承天之信

又

桔槔聲罷看扶犁人影牛身印水泥憂旱詩成
剛得雨趁晴僧至共臨溪佛顏有喜供新溜客
子開懷飽舊壘聞取山中清課看灌花勾却不

消題

喜雨逢僧至

又

樹根老偃坂橋形白日荒荒鹿度陘三道江平
園檻白四山松翠迸天青溪虛常作雷霆響風
過微聞豺虎腥傳得數聲岩磬落僧居片瓦誦
心經

又

一睡甜他世上名柴門經月絕逢迎為堅道念

居易堂詩集

卷

留榛莽時動征誅在棘荆荒寺僧貧能借米石
田年歉且深耕夢中猶有憂時淚知是山居功
未成

又

籬成未別隔溪峯一意低斜逐亂松竹密編隨
童子手花明莫引客行踪許僧石上呼看月近
寺風前便聽鐘記插檜苗無數本朝朝留取野
雲封籬成

又
百無一慮豈憂貧。可惜猶稱草莽臣。燈下淚橫
賊信。惡佛前行苦虎心。仁晨興。萱發花。供菜。昨
夜風高。樹落薪。山日滿庭。遲舉火。竹竿簷外曬
儒巾。

又

狂言盡付祖龍灰。自此天年養不才。虎試道心
醫跡本。僧因月色送茶來。詩成呈與佛。苑看花

居易堂詩集

五元

密移從雨後。栽驚動山僮。歡喜報門前。竹笋茁

新胎

又

數頃松風足此生。緼袍加綻也身輕。開滕引水
師無事。與客敲棋意不爭。百草沒名香似蕙。一
春好鳥叫同鶯。許多帆影斜陽下。半步山中莫
肯行。

又

屢羅真可繫。猶龍城市居然興。味濃睡起獨看
深夜月。坐來孤對隔江峰。巖頭是處勞遙望。谷
口逢人訊近踪。杖拄斜陽趨去晚。離門剛到已
聞鐘。待孔碩不至。

又

棲身何必問吾廬。應世文章亦養狙。枕上得詩
頻走韻。溪邊看水每忘書。無心放屐妨傷。割
愛刪花要長蔬。喜是門生能送米。半還僧去半

居易堂詩集

本

山居

時黃乘之叔侄送米至

又

曾聞太古知何色。日白山空別有光。花帶夕陽
紅。烟屋松同流水碧。纏床樵夫語罷忘留姓。野
老琴終便過岡。苦為道人求作字。新詩吹去滿
城茫。

又

聞達堪求走馬遲。莫將寸草望天支。載人是水

皆名利何處斯山忍別離時事難言傾暗淚聞

居深念亂題詩紛紛爭奕旁觀壞邨得還吾一

着棋城中有開北行者答以是詩作山居二十首

上 楊無山夫子開府漁陽

持節仍從御史臺霜威曾此肅遼回相門有相

皆兼將人裡誰人可比才燈下豹韜蓮幟靜軍

前魚麗柳營開欲知定遠分茅主萬里親謀虎

穴來師時親策單騎出口至屬夷部落宣示威信

居易堂詩集

空

又

方略圖成出乘麾一身真係國安危偏師放去

收全勝大將呼來等小兒策秘鬼神歸節制令

明禽鳥避旌旗尊前譚笑功成日絕代文章露

布詞

哀山東十首

甲申春趨過齊地而哀之五日驢背耳

山東之哀不盡此也後之人讀之其必

有感焉

兵旱繇來理亦因上天我未敢稱仁長原盡日

惟荒舍大地子遺有幾人驛柳皮空春似水山

花血漬夜成燐虜中百灰趨來後土室門開絕

四隣

又

書生忍淚滂悲歌失計從頭可奈何方脫虜營

呼執役纜開恩詔卽催科屋殘鬼亦無家哭

居易堂詩集

空

烟冷鴉應忍餓過疾視有司今若此也繇輦上

負民歟

又

船背門開向日躡空村問有幾人存老翁一語

垂雙淚短髮三年經兩髮恨不與妻同成餓誰

知殞子但將孫殘生何惜干戈鬼願乞清夷與

後昆

又

剪葉分桐列祖恩名封此日幾尚存宮空野鶴
呼羣立門塌城狐引子蹲墮細魯思悲嬪御路
隅何處泣王孫當關虎豹莫相怒我欲懷書訴
帝關

又

日光無影鬼無聲平地灰燼七十城天下事皆
繇我輩人前敢復說書生戈矛填腹偏遺虜村
舍酸眉在苦兵曾向少陵詩下慟誰知我亦負

居易堂詩集

卷

昇平

又

大鎮名城去路長疎槐影裡集開場破筍敗甌
無家物柳屑榆皮上等糧未必天高聞澤鴈何
曾地上有羴羊白頭老婦持衣賣新喪男兒五
尺強

又

牙戟參天建旆旌將軍兀兀喪名城聲言索餉

先焚掠尾拾遺費且送行避敵燕鴻終不見縱
兵鱗虱匏還輕更聞土穴逃家者列炬高熏逼
買生

又

長淮飲馬且經春戰守難言國有人債帥賣邊
償腹裡撫軍獻馘借饑民肆滌端不思孫子安
殺也應有鬼神每向西風悲楚豫何堪近事復
三秦

居易堂詩集

卷

又

風教從前首究青貪生邠復勝兵刑狼威但作
牛羊牧雉歿何曾溝瀆經高閣只聞招女帖脫
歸羞作避人形匹夫匹婦仇如海願挽天河洗
穢腥

又

虜殘兵慘盜頻連未復流亡又一年烏雀啄塲
農事少麥苗生土主人遷二東葛屨霜難屨三

輔輪蹄日不前千里荒荒惟玉白但聞紙上說
也四

居易六

空

七言絕

春曉道中祀蔡元白

斷橋流水接平堤古渡城頭月欲低行盡長原
人不見半邊枯木一鴉啼

道中

策杖行來日又斜小橋流水幾人家深深門巷
無鷄犬七十老翁出種麻

途中夜雪祀蔡元白廻文

居易六

空

殘鐘度處數聲烏白眼雙明雪積途寒色曉天
空落木漫漫水半一峰孤

題畫美人

月冷芭蕉露已深微風吹動越羅裳閉房消息
儂知慣縱有清光燭半床

友人寫春山帶雨見遺題以答之

筆底雲烟刪欲殘渾來墨氣剩高寒故人應是
心如水移上春山作雨看

溪行

半帆煙雨半帆風舟子無端笑罵中惟有客心尚不競將錢買醉小村東

又

山空葉落無人掃滿逕溪風吹細草問路老僧笑不知老僧只在山中老

又

京月初生風滿林船頭煮水試溪心茶香此夜

居易

李七

潭無著知是寒潭露已深

又

石肥松瘦水光寒賞法惟因坐臥看領得餘清纔睡去前山一點又攤冠

又

老樹橋頭繫小舟人間無事夕陽流不知何處關情甚猶向溪邊獨上樓

又

水淺風微進艣柔亂飛黃葉撒溪流客心未免勿情苦何事平林又欲秋

。出都門口號

此去家山笋蕨肥江南春水正深時故人問我北來事曾上金山更有詩

秦川橋上口號別董藻德

別意何能看流水小橋橫隔兩人心溪風猶自吹杯酒山月而今炤獨吟

居易

李八

。題林孔異回卷送別徐燕嘉

西風吹老白蘋秋黃葉聲中水澹流愁緒無端不可說有人背我上孤舟

。秋日江上口號送別黃文中歸湖州

擬踏秋山便放歌西風吹別若君何有懷能寄相思字明月太湖鴈正匆

又

杯酒深耶五水深深深炤我不能吟江倫未審

情何似一葉孤舟一片心

掛僊橋和曾弗人壁間韻

蹀足南窓也是僊出門費盡賣文錢丈夫不事
儀秦術卿相還須負郭田

道中聞警見司馬檄催督兵餉感賦二絕
毛錐有用卽登僊文士誰能不愛錢大事繇來
我輩壞可知今日說魃田

又

居易堂詩集

空九

欲就黃金須問僊虎符又費大農錢須知河北
賊平易祇恐賊奴在稅田

賤辰北行道中

三十餘季詣酒僊青山到處杖頭錢此行莫了
兒孫償南郭樓臺北郭田

又

藍縷人間一懶僊妻兒苦問橐間錢躬耕欲向
南陽老未有隆中桑樹田

步三任菴看竹訪僧不遇

寺門臨水竹風寒古佛無言自在看看罷掩門
仍趨去此心不用老僧安

癸未春三月自平湖歸至武林夢一丈夫
甚偉對予大唱曰吾得一好句野鶯漸叫
岳墳青子應之以吾有山色漸青來越地
梅花連白到吳門蓋平湖舟中作也客復
曰好好醒欲續其語三月不能得聊爾成

居易堂詩集

辛

篇因以記事云耳

野鶯漸叫岳墳青桃柳無情媚曉汀往事傷懷
流不盡滿天寒色落南屏

又

野鶯漸叫岳墳青響句千季破曉扁遊女何知
幽憤事季季車馬柳邊

經吾意爲此語者
或岳先生乎

釣臺下聞漁歌

冷盡雄心巖瀨邊前溪笑出釣漁船孰知也有

風波客艫去蘆花淺處眠

舟歸至蘭谿再見梅花

寒溪曾伴梅花至生受梅花又送歸
撲水冷香知不遠山家倚出小柴扉

。溪上見巖耕者作

山凹樵風草逕微雨青巖下一鋤飛
故園麥長鷓鴣叫誰信春來客又歸

溪邊見桃花盛發

居易堂詩集

主

溪風吹綠上松根無數桃花開
小村茅屋一籬春鳥叫山家無事未開門

春將分矣見溪樹有未葉者效宋人體爲之

生葉何知落葉遲任他蒲柳作先資
人人嘆盡東風力閒殺東風自不知

溪行適日得詩自嘆無聊再道一絕

小詩聲裡穩溪山勞爾鶯花坐筆間
惟底無心

生甚恨春光半去也相關

儂霞嶺上雪中見桃花盛開

倚天白玉古儂家儂客當季此種霞
無數落英飛澗草不隨流水伴胡麻

山居睡起

風吹美睡古情開捲卷中人入夢懷
爲問山僮誰攪覺鷓鴣叫過隔江來

山居二首

居易堂詩集

主

補拙功深滂藜藹朝朝抱甕灌
枯苗野人莫道無經濟稂莠當吾不敢驕

又

松風四面飽高眠泥賤鶯聲不抵錢
却是老農稀有事行來足響喜跄然

山中屋上雲生僮子驚呼松失矣
雷雨畢呼曰歸來歸來率口成之

偶然失却一山松公作人間十萬龍
大地平添

三尺水。隨來口。不言功。

二月客遊虎。嚙踏歌。

動地東風。曳柳塵。酒船拂岸。落鶯新半。晴。
水通水。一月花中人。看人。

又

笑語聲中。起暖塵。寒流古刹。趁時新春。村處處。
鳥鳴屋。水店家家。花近人。